


UNIVERSITY OF TORONTO LIBRARIES

A standard linear barcode consisting of vertical black lines of varying widths on a white background.

3 1761 01680338 9



*Presented to the*  
**LIBRARY of the**  
**UNIVERSITY OF TORONTO**  
*by*  
**KAREL AND MIROSLAVA**  
**CVACHOVEC**





Quinti Horatii Flacci

O P E R A.

---

TOMUS SECUNDUS.

---

VIENNAE et TERGESTI,  
in bibliopolio Geistingeriano.

1818.




Quinti Horatii Flacci

CARMINA LYRICA.

ILLUSTRAVIT

CHRIST. GUIL. MITSCHERLICH.

Professor Publ. Ordin. In Academia Göttingensi.



---

VIENNAE et TERGESTI,  
in bibliopolio Geistingeriano.

1 8 1 8.



---

## P R A E F A T I O.

---

Quas in Horatio recte interpretando rationes  
ineundas judicaverim, quasque ipse opera mea  
adsequi conatus sim, diligenter a me in praefatione,  
priori Tomo præfixa, expositum est.  
Atque eamdem in dilucidandis reliquis, quae  
alter hic Tomus complectitur, Horatii carmi-  
nibus lyricis viam tanto minus insistere dubi-  
tavi, quo magis in dies usu et experientia ma-  
gistra intelligere mihi visus sum, quantum ad-  
jumenti talis adcuratio liberalioris indolis ado-  
lescentibus suppeditare possit. Quorum qui-  
dem potissimum commodis me prospectum vo-  
luisse ii meminerint, qui me interdum copio-  
siorem ac forte nimium in explanandis et ad  
vulgarem loquendi rationem revocandis for-  
mis poeticis deprehendant; tum illud iis maxi-  
me locis factum esse cogitent, ubi vel exerci-  
tatiorem aliquem haesitare, vel spissas ab in-  
terpretibus argutiarum nubes meridiei præ-  
textas animadverterim.

Illud autem minime ambitiose mihi adfirmare posse videor, me in adcurandis posterioribus his carminum libris paullo intentiore studio versatum esse, sive quod interpretes in iis, maxime in toto carminum habitu ac dispositione recte apud animum informanda saepius remitti atque a vero deflectere cognoscerem, sive ipsorum carminum dignitate ac maiestate eo adducerer, novisque subinde stimulis excitarer. Consummatissimae enim pleraque artis, sive argumentorum vim ac tractationem, sive excelsissimum ingenii nisum, sive sententiarum gravitatem, sive denique enuntiationis speces virtutes, Horatiani ingenii monumenta in his libris contineri, neminem tam hebetis judicii esse arbitror, quin ipse facile sentiat.

Ceterum quam verum sit, quod dicitur, dies diem docet, neminem magis experiri arbitror quam interpretem, quem, mirandum non est, si in longiori opere nonnumquam a recto tramite aberret, ac sensim ad alias rerum notiones delabatur. Quae igitur incidenda aut aliter constituenda judicavi, quaeque ad poetae doctrinam illustrandam aut omnino ad liberaliorem interpretationem spectantia serius a me animadversa sunt, ea in fascem collecta huic Tomo inseri jussi. Interea temporis natus sum Codicum, quos bibliotheca Guelphobyana custodit, notitiam, a Cl. Leistio, has ipsas literas in eadem urbe summa cum laude

profitente, mihi perhumaniter subministratam, quam hic, quamquam alieniore loco itidem subnectam. Sunt autem Codd. hi:

- I. Codex Gudianus n. 108. membranaceus, in folio, quod vocant, minore quadrato scriptus, continet *Horatii Carmina* (quae tamen a L. I. c. 23. demum incipiunt) *Epodon librum*, *Artem poetica* et *Satiras*. Est is satis nitide exaratus, literisque initialibus auro, quod diversicolor pictura ambit, illulis condecoratus; pauca in eo scripturae compendia, nulli numeri, at multas inter lineas ab eadem manu adscriptas variae lectionis notationes et correctiones habet. Sic v. c. Carm. III. 4. 1. vitiouse exaratum *Aescende* in margine corrigitur; Epod. I. 5. *quibus te vita si superstite* prava lectio sit adscripta est. Inscriptio-nes carminum vulgares exhibet (veluti Carm. III. 15. *Proseuctice in fontem blandusium*, qui est in Sabino) et in carmine amoebaeo III. 9. *Oratii et Lidiae* nomina interserit, adjecto titulo: *Antepodotice*. Est Etiam, ubi in plures partes dispescuntur carmina, veluti Serm. II. 3. in quo v. 168. *Servius Oppidius* cet. novum sermonem (plane ut in Cod. Upsal.) orditur. Omnino hic codex ab indocto quidem et legis metricae imperito homine scriptus, e bono tamen exemplari ductus videtur, dignusque adeo est, qui curatius inspiciatur.
- II. Cod. Gud. n. 185. in 4. vergente ad finem Sec. XIV. scriptus, passim truncatus. Habet *Artem poet.* inde a v. 110. *Epistolas* et Ser-monum L. I.
- III. Cod. Gud. n. 303. membran. octonis scriplus, et quidem circa finem sec. XIV. Conti-

net Horatii *Epistolas* cum scholiis interlinearibus et marginalibus satis ineptis et insulsiis. In textu non nisi vulgares aberrationes comprehendas. Claudit librum versus :

*Qui te scribebat hermannus nomen habebat.*

IV. Cod. August. n. 50, 4. membranac. octavae, quam vocant, formae. Habet tantum *Artem poetica*m cum scholiis inter lineas. Lectiones offert ubivis obvias.

V. Cod. Aug. 81, 31. fol. chartaceus, Acronis commentarium in Horatii Carmina, Artem poet. et Sermones complexus.

VI. Cod. Gud. n. 160. fol. membran. sec. XIV. exeunte scriptus, *scholia* offert in *Epistolas et Sermones*, digna, quae bibliopegis utenda tradantur. Forte ipse ita sensit exscriptor, qui taedio victus v. 42. Serm. ult. L. II. cum verbis; et cetera finem operi imposuit, adjecta adprecatione : *Te Deum laudamus.*

VII. Cod. Gud. n. 323. octonis scriptus, *scholia* in Horatii *Epistolas et Satiras* continet, ejusdem farinae ac praeced. In fronte legitur: *Dnus Gherardus de Pochheest Abbas egmondensis me renovavit A. D. 1406.* Tum ab alia manu, forte ipsius P. Scriverii: *Ex direpta bibl. Egmondani coenobii in Hollandia hunc librum vindicavit Petrus Scriverius.*

VIII. Cod. Gud. n. 85. membranac. in 4. sec. XIII. exaratus, *Porphyrrionem* exhibet, manu satis luculenta scriptum.



Q. HORATII FLACCI

C A R M I N U M

LIBER TERTIUS.



NON OPIBUS, NON HONORIBUS, SED ANIMI  
 TRANQUILLITATE VITA EFFICITUR  
 BEATA.

Odi profanum volgus et arceo:  
 Favete linguis: carmina non prius  
 Audita Musarum sacerdos  
 Virginibus puerisque canto.

Regum timendorum in proprios greges, 5  
 Reges in ipsos imperium est Jovis,  
 Clari giganteo triumpho,  
 Cuncta supercilie moventis.

Est ut viro vir latius ordinet  
 Arbusta sulcis; hic generosior  
 Descendat in Campum petitor;  
 Moribus hic meliorque fama

Contentat; illi turba clientium  
 Sit major: aequa lege Necessitas  
 Sortitur insignis et imos; 15  
 Omne capax movet urna nomen,

Destrictus ensis cui super impia  
Cervice pendet, non Siculae dapes  
Dulcem elaborabunt saporem,  
Non avium citharaeque cantus

20

Somnum reduceent. Somnus agrestium  
Lenis virorum non humilis domos  
Fastidit, umbrosamve ripam,  
Non Zephyris agitata Tempe.

Desiderantem, quod satis est, nequs  
Tumultuosum sollicitat mare,  
Nec saevus Arcturi cadentis  
Impetus, aut orientis Haedi:

25

Non verberatae grandine vincae,  
Fundusve mendax, arbore nunc aquas  
Culpante, nunc torrentia agros  
Sidera, nunc hiemes iniquas,

30

Contracta pisces aequora sentiunt  
Jactis in altum molibus: huc frequens  
Caementa demittit redemptor  
Cum famulis, dominusque terrae

35

Festidiosus: sed Timor et Minae  
Scandunt eodem, quo dominus: neque  
Decedit aerata triremi,  
Post equitem sedet atra Cura.

40

Quod si dolentem nec Phrygius lapis,  
Nec purpurarum sidere clarior  
Delenit usus, nec Falerna  
Vitis, Achaemeniumve costum:

45

Cur invidendis postibus et novo  
Sublime ritu moliar atrium?

Cur valle permutem Sabina  
Divitias operosiores?



II.

Angustam amice pauperiem pati  
Robustus acri militia puer  
Condiscat; et Parthos ferocis  
Vexet eques metuendus hasta:

Vitamque sub divo et trepidis agat 5  
In rebus. Illum ex moenibus hosticis  
Matrona bellantis tyranni  
Prospiciens, et adulta virgo,

Suspireret, eheu, ne rudis agminum  
Sponsus lacesat regius asperum 10  
Tactu leonem, quem cruenta  
Per medias rapit ira caedis.

Dulce et decorum est pro patria mori:  
Mors et fugacem persequitur virum,  
Nec parcit imbellis juventae 15  
Poplitibus timidove tergo.

Virtus repulsae nescia sordidae,  
Intaminatis fulget honoribus:  
Nec sumit aut ponit securis  
Arbitrio popularis aurae. 20

Virtus, recludens immeritis mori  
Coelum, negata tentat iter via:  
Coetusque volgaris et udam  
Spernit humum fugiente penna,

Est et fideli tuta silentio  
Merce: vtabo, qui Cereris sacrum  
Volgarit arcanae, sub isdem  
Sit trabibus, fragilemve mecum

Solvat phaselon. Saepe Diespiter  
Neglectus incesto addidit integrum:  
    Raró antecedentem scelestum  
    Deseruit pede Poena clando.

三

**J**uslum ac tenacem propositi virum  
Non civium ardor prava jubentium,  
Non voltus instantis tyranni  
Mente quatit solida, neque Auster,

Dux inquieti turbidus Hadriae,  
Nec fulminantis magna manus Jovis:  
Si fractus illabatur orbis,  
Impavidum ferient ruinae.

Hac arte Pollux et vagus Hercules  
Enisus, arcis adtigit igneas : 10  
Quos inter Augustus recumbens  
Purpureo bibit ore nectar.

Hac te merentem, Bacche pater, tuae  
Vexere tigres, indocili jugum  
Collo trahentes. Hac Quirinus  
Martis equis Acheronta fugit;

**Gratum eloqua consiliantibus  
Junone Divis: Ilion, Ilion**

Fatalis incestusque judex  
Et mulier peregrina vertit

20

In pulverem, ex quo destituit Deos  
Mercede pacta Laomedon, mihi  
Castaeque damnatum Minervae  
Cum populo et duce fraudulentio.

Jam nec Lacaenae splendet adulterae  
Famosus hospes, nec Priami domus  
Perjura pugnacis Achivos  
Hectoreis opibus refringit:

Nostrisque ductum seditionibus  
Bellum resedit. Protenus et gravis  
Iras, et invisum nepotem,  
Troïa quem peperit sacerdos,

Marti redonabo. Illum ego lucidas  
Inire sedis, ducere nectaris.  
Succos, et adscribi quietis  
Ordinibus patiar Deorum.

55

Dum longus inter saeviat Ilion  
Romamque pontus; qualibet exsules  
In parte regnanto beati:  
Dum Priami Paradisque busto

40

Insultet armentum, et catulos ferae  
Celent inulta; stet Capitolium  
Fulgens, triumphatisque possit  
Roma ferox dare jura Medis.

Horrenda late nomen in ultimas  
Extendat oras, qua medius liquor  
Secernit Europen ab Afro,  
Qua tumidus rigat arva Nilus:

45

Aurum irreperatum, et sic melius situm,  
Quum terra celat, spernere fortior, 50  
Quam cogere, humanos in usus  
Omne sacrum rapiente dextra.

Quicumque mundo terminus obstitit,  
Hunc tanget armis, visere gestiens,  
Qua parte debacentur ignes, 55  
Qua nebulae pluviaque rores.

Sed bellicosis fata Quiritibus  
Hac lege dico, ne nimium pii,  
Rebusque fidentes, avitae  
Tecta velint reparare Trojae. 60

Trojae renascens alite lugubri  
Fortuna tristi clade iterabitur,  
Ducente victricis catervas  
Conjuge me Jovis et sorore.

Ter si resurgat murus aeneus 65  
Auctore Phoebo, ter pereat meis  
Excisus Argivis; ter uxor  
Cepta virum puerosque ploret.

Non haec jocosae conveniunt lyrae:  
Quo Musa tendis? Desine pervicax  
Referre sermones Deorum, et 70  
Magna modis tenuare parvis.



IV.

AD CALLIOOPEN.



Descende coelo, et dic age tibia  
Regina longum Calliope melos,  
Seu voce nunc mavis acuta,  
Seu fidibus citharaque Phoebi:

Auditis? — an me ludit amabilis  
Insania? Audire et videor pios  
Errare per lucos, amoenae  
Quos et aquae subeunt et aurae;

Me fabulosae Voltare in Appulo,  
Altricis extra limen Apuliae,  
Ludo fatigatumque somno  
Fronde nova puerum palumbes

Texere: mirum quod foret omnibus,  
Quicumque celsae nidum Acherontiae,  
Saltusque Bantinos, et arvum  
Pingue tenent humilis Ferenti;

Ut tuto ab atris corpore viperis  
Dormirem et ursis; ut premerer sacra  
Lauroque collataque myrto,  
Non sine Dis animosus infans.

Vester, Camenae, vester in arduos  
Tollor Sabinos; seu mihi frigidum  
Praeneste, seu Tibur supinum,  
Seu liquidae placuere Bajae.

Vestrīs amicūm fontibūs et chorīs,  
Non me Philippis versa acies retro,

II. Band.

5

10

15

20

25

B

Devota non exstinxit arbor,  
Nec Sicula Palinurus unda.

Utcumque mecum vos eritis, libens  
Insanientem navita Bosporum

50

Tentabo, et arentis arenas  
Litoris Assyrii viator.

Visam Britannos hospitibus feros,  
Et lactum equino sanguine Concanum;  
Visam pharatratos Gelonos  
Et Scythicum inviolatus amnein.

55

Vos Caesarem altum, militia simul  
Fessas cohortes abdidit oppidis,  
Finire quaerentem labores,  
Piero recreatis antro:

40

Vos lene consilium et datis, et dato  
Gaudetis almae. Scimus ut impios  
Titanas immanemque turmam  
Fulmine sustulerit caduco,

45

Qui terram inertem, qui mare temperat  
Ventosum, et urbis, regnaque tristia,  
Divosque mortalisque turbas  
Imperio regit unus aequo.

Magnum illa terrorem intulerat Jovi  
Fidens, juventus horrida, brachiis,  
Fratesque tendentes opaco  
Pelion imposuisse Olympo.

50

Sed quid Typhoeus, et validus Mimas,  
Aut quid minaci Porphyron statu,  
Quid Rhoetus, evolsisque truncis  
Enceladus jaculator audax,

55

Contra sonantem Palladis aegida  
Possent ruentes? Hinc avidus stetit  
Volcanus, hinc matrona Juno, et  
Numquam humeris positurus areum, 60

Qui rore puro Castaliae lavit  
Crinis solutos, qui Lyciae tenet  
Dumeta natalemque sylvam,  
Delius et Patareus Apollo.

Vis consili expers mole ruit sua:  
Vim temperatam Di quoque provehunt  
In majus; idem odere vires  
Omne nefas animo moventis. 65

Testis mearum centimanus Gyges  
Sententiarum, notus et integræ  
Tentator Orion Diana,  
Virginea domitus sagitta. 70

Injecta monstris Terra dolet suis,  
Maelestque partus fulmine luridum  
Missos ad Orcum: nec peredit  
Impositam celer ignis Aetnen: 75

Incontinentis nec Tityi jecur  
Relinquit ales, nequitiae additus  
Custos: amatorem trecentæ  
Pirithoum cohibent catenæ: 80



V.

Cœlo tonantem credidimus Jovem,  
Regnare: praesens Divus habebitur

Augustus , adjectis Britannis  
Imperio , gravibusque Persis.

5

Milesne Crassi conjugē barbara  
Turpis maritus vixit? et hostium —  
Pro Curia , inversique mores! —  
Consenuit sacerorum in arvis,

10

Sub rege Medo , Marsus et Appulus ,  
Anciliorum et nominis et togae  
Oblitus , aeternaque Vestae ,  
Incolumi Jove , et urbe Roma?

Hoc caverat mens provida Reguli ,  
Dissentientis conditionibus  
Foedis , et exemplo trahenti  
Perniciem veniens in aevum ,

15

Si non periret immiserabilis  
Captiva pubes. Signa ego Punicis  
Adfixa delubris , et arma  
Militibus sine caede , dixit ,

20

Derepta vidi: vidi ego civium  
Retorta tergo brachia libero :  
Portasque non clusas , et arva  
Marte coli populata nostro.

25

Auro repensus scilicet acrior  
Miles redibit. Flagitio additis  
Damnum. Neque amissos colores  
Lana refert medicata suco ,

30

Nec vera virtus , quum semel excidit ,  
Curat reponi deterioribus.  
Si pugnat extricata densis  
Cerva plagis: erit ille fortis ,

Qui perfidis se credidit hostibus;  
Et Marte Poenos proteret altero,  
Qui lora restrictis lacertis  
Sensit iners, timuitque mortem.

55

Hic, unde vitam sumeret, inscius,  
Pacem duello miscuit. O pudor!  
O magna Carthago, probrosis  
Altior Italiae ruinis!

40

Fertur pudicae conjugis osculum,  
Parvosque natos, ut capit is minor,  
Ab se removisse, et virilem  
Torvus humi posuisse voltum:

Donec labantis consilio patres  
Firmaret auctor numquam alias dato,  
Interque moerentis amicos  
Egregius properaret exsul.

45

Atqui sciebat, quae sibi barbarus  
Tortor pararet: non aliter tamen  
Dimovit obstantis propinquos,  
Et populum redditus morantem,

50

Quam si clientum longa negotia  
Dijudicata lite relinquaret,  
Tendens Venafranos in agros,  
Aut Lacedaemonium Tarentum.

55



VI.

AD ROMANOS.



Delicata majorum immeritus lues,  
Romane, donec templa refeceris,  
Aedisque labentis Dcorum, et  
Foeda nigro simulacra fumo.

Dis te minorem quod geris, imperas: 5  
Hinc omne principium, huc refer exitum.  
Di multa neglecti dederunt  
Hesperiae mala luctuosae.

Jam bis Monaeses et Pacori manus  
Non auspicatos contudit impetus  
Nostros, et adiecisse praedam  
Torquibus exiguis renidet. 10

Paene occupatam seditionibus  
Delevit Urbem Dacus et Aethiops:  
Hic classe formidatus, ille  
Missilibus melior sagittis. 15

Fecunda culpae secula nuptias  
Primum inquinavere, et genus, et domos:  
Hoc fonte derivata clades  
In patriam populumque fluxit. 20

Motus doceri gaudet Ionicos  
Matura virgo, et fingitur artibus:  
Jam nunc et incestos amores  
De tenero meditatur ungui.

Mox juniores quaerit adulteros 25  
Inter mariti vina: neque eligit,

Cui donet impermissa raptim  
Gaudia, luminibus remotis;

Sed jussa coram non sine conscientia  
Surgit marito, seu vocat institor,  
Seu navis Hispanae magister,  
Dedecorum pretiosus emtor.

50

Non his juventus orta parentibus  
Infecit aquor sanguine Punico,  
Pyrrhumque et ingentem cecidit  
Antiochum, Hannibalemque dirum:

55

Sed rusticorum mascula militum  
Proles, Sabellis docta ligonibus  
Versare glebas, et severae  
Matris ad arbitrium recisos

40

Portare fustis, sol ubi montium  
Mutaret umbras, et juga demeret  
Bobus fatigatis, amicum  
Tempus agens abeunte curru.


Damnosa quid non imminuit dies?  
Aetas parentum, pejor avis, tulit  
Nos nequiores, mox datus  
Progeniem vitiosiorem.

45



VII.

AD ASTERIEN.



Quid fles, Asteric, quem tibi candidi  
Primo restituent verc Favonii,  
Thyna merce beatum;  
Constantis juvenem fide;

Gygen? Ille Notis actus ad Oricum  
Post insana Caprae sidera, frigidas  
Noctis non sine multis  
Insomnis lacrymis agit.

Atqui sollicitae nuntius hospitae,  
Suspirare Chloën, et miseram tuis  
Dicens ignibus uri,  
Tentat mille vafer modis.

Ut Proetum mulier perfida credulum  
Falsis impulerit criminibus, nimis  
Casto Bellerophonti  
Maturare necem, refert.

Narrat paene datum Pelea Tartaro,  
Magnessam Hyppolyten dum fugit abstinentes:  
Et peccare docentis  
Fallax historias movet:

Frustra: nam scopulis surdior Icarî  
Voces audit adhuc integer. At, tibi  
Ne vicinus Enipeus  
Plus justo placeat, cave:

Quamvis non aliis flectere equum sciens  
Aequè conspicitur gramine Martio,

5-

10

15

20

25

Nec quisquam citus aequa  
Tusco denat alveo.

Prima nocte domum clade: neque in vias  
Sub cantu querulae despice tibiae: 30  
Et te saepe vocanti  
Duram difficilis mane.



VIII.

A D M A E C E N A T E M .



Martiis caelebs quid agam Kalendis,  
Quid velint flores, et acerra turis  
Plena; miraris, positusque carbo  
Cespite vivo,

Docte sermones utriusque linguae.  
Voveram dulcis epulas et album  
Libero caprum, prope funeratus  
Arboris ictu.

5

Hic dies anno redeunte festus  
Corticem adstrictum pice demovebit  
Amphorae fumum bibere institutae  
Consule Tullo.

10

Sume, Maecenas, cyathos amici  
Sospitis centum, et vigiles lucernas  
Perfer in lucem: procul omnis esto  
Clamor et ira.

15

Mitte civilis super Urbe curas:  
Occidit Daci Cotisonis agmen:

Medus infestus sibi luctuosis  
Dissidet armis:

20

Servit Hispanae vetus hostis orae,  
Cantaber, sera domitus catena:  
Jam Scytha laxo meditantur arcu  
Cedere campis.

Neglegens, ne qua populus laboreat,  
Parce privatus nimium cavere:  
Dona praesentis cape laetus horae, et  
Linque severa.

25



## IX.

### CARMEN AMOEBAEUM.



Horatius.

Donec gratus eram tibi,  
Nec quisquam potior brachia candidae  
Cervici juvenis dabat:  
Persarum vigui rege beatior.

L y d i a.

Donec non alia magis  
Arsisti, neque erat Lydia post Chloën:  
Multi Lydia nominis  
Romana vigui clarior Ilia.

5

Horatius.

Me nunc Thressa Chloë regit,  
Dulcis docta modos, et citharae sciens:

10

Pro qua non metuam mori,  
Si parcent animae fata superstiti.

L y d i a.

Me torret face mutua  
Thurini Calais filius Ornyti:  
Pro quo bis patiar mori,  
Si parcent puero fata superstiti. 15

H o r a t i u s.

Quid? si prisca redit Venus,  
Diductosque jugo cogit aëneo?  
Si flava excutitur Chloë,  
Rejectaeque patet janua Lydiae? 20

L y d i a.

Quamquam sidere pulchrior  
Ille est, tu levior cortice, et improbo  
Iracundior Hadria:  
Tecum vivere amem, tecum obeam libens.



X.

A D L Y C E N.




E xtremum Tanain si biberes, Lyce,  
Saevo nupta viro: me tamen asperas  
Porrectum ante fores objicere incolis  
Plorares Aquilonibus.

Audis, quo strepitu janua, quo nemus 5  
Inter pulchra satum tecta remugiat  
Ventis? et positas ut glaciet nivis  
Puro numine Jupiter?

Ingratam Veneri pone superbiam;  
Ne currente rota funis eat retro. 10  
Non te Penelopen difficilem procis  
Tyrrhenus genuit parens.

O, quamvis neque te munera, nec preces,  
Nec tinctus viola pallor amantium,  
Nec vir Pieria pellice saucius 15  
Curvat: supplicibus tuis

Parcas, nec rigida mollior aesculo,  
Nec Mauris animum mitior anguibus.  
Non hoc semper erit liminis aut aquae  
Coelestis patiens latus. 20



XI.

A D L Y D E N.



M<sup>ercuri</sup>, nam te docilis magistro  
Movit Amphion lapides canendo,  
Tuque Testudo, resonare septem  
Callida nervis,

Nec loquax olim, neque grata, nunc et 5  
Divitum mensis et amica templis:  
Dic modos, Lyde quibus obstinatas  
Adplicet auris;

Quae, velut latis equa trima campis,  
Ludit exultim, metuitque tangi,  
Nuptiarum expers, et adhuc protervo  
Cruda marito.

10

Tu potes tigris comitesque silvas  
Ducere, et rivos celeris morari.  
Cessit immanis tibi blandienti  
Janitor aulae,

15

Cerberus: quamvis Furiale centum  
Muniant angues caput ejus, atque  
Spiritus teter saniesque manet  
Ore trilingui.

20

Quin et Ixion Tityosque voltu  
Risit invito: stetit urna paullum  
Sicca, dum grato Danai puellas  
Carmine mulces.

Audiat Lyde scelus atque notas  
Virginum poenas, et inane lymphae  
Dolium fundo pereuntis imo,  
Seraque fata,

25

Quae manent culpas etiam sub Orco.  
Impiae, nam quid potuere majus?  
Impiae sponsos potuere duro  
Perdere ferro.

30

Una de multis, face nuptiali  
Digna, perjurum fuit in parentem  
Splendide mendax, et in omne virgo  
Nobilis aevum.

35

Surge, quae dixit juveni marito,  
Surge, ne longus tibi somnus, unde

Non times, detur: socerum et scelestas  
Falle sorores;

40

Quae, velut naelae vitulos leaenae,  
Singulos, eheu! lacerant. Ego illis  
Mollior, nec te feriam, neque intra  
Clastra tenebo.

Me pater saevis oneret catenis,  
Quod viro clemens misero peperei:  
Me vel extremos Numidarum in agros  
Classe releget.

45

I, pedes quo te rapiunt et aurae,  
Dum favet nox et Venus: i secundo  
Omine: et nostri memorem sepulcro  
Scalpe querelam.

50




## XII.

### A D N E O B U L E N.



Miserarum est, neque Amori dare Iudum, neque dulci  
Mala vino lavere: aut examinari metuentis  
Patruae verbera linguae. Tibi qualum Cythereae  
Puer ales, tibi telas, operosaque Minervae  
Studium aufert, Neobule Liparei nitor Hebri, 5  
Simul unctos Tiberinis humeros lavit in undis,  
Eques ipso melior Bellerophonte, neque pugno  
Neque segni pede victus: catus idem per apertum

Fugientis agitato grege cervos jaculari , et  
Celer alto latitantem fruticeto excipere aprum.



XIII.

AD FONTEM BANDUSIUM.



O sons Bandusiae , splendidior vitro ,  
Dulci digne mero , non sine floribus ,  
Cras donaberis haedo ,  
Cui frons turgida cornibus

Primis et Venerem et proelia destinat: 5  
Frusta : nam gelidos inficiet tibi  
Rubro sanguine rivos  
Lascivi suboles gregis.

Te flagrantis atrox hora Caniculae  
Nescit tangere : tu frigus amabile 10  
Fessis vomere tauris  
Praebes , et pecori vago.

Fies nobilium tu quoque fontium ,  
Me dicente cavis impositam ilicem  
Saxis , unde loquaces 15  
Lymphae desiliunt tuae.



XIV.

**H**erculis ritu, modo dictus, o Plebs,  
Morte venalem petuisse laurum,  
Caesar Hispana repetit Penatis  
Victor ab ora.

Unico gaudens mulier marito  
Prodeat, justis operata Divis;  
Et soror clari ducis; et decorae  
Supplice vitta

Virginum matres, juvenumque nuper  
Sospitum. Vos o pueri, et puellae  
Jam virūm expertes, male ominatis  
Parcite verbis.

Hic dies vere mihi festus atras  
Eximet curas: ego nec tumultum,  
Nec mori per vim metuam, tenente  
Caesare terras.

I, pete unguentum, puer, et coronas,  
Et cadum Marsi memorem duelli,  
Spartacum si qua potuit vagantem  
Fallere testa.

Dic et argutae properet Neaerae  
Myrrheum nodo cohibere crinem :  
Si per invisum mora janitorem  
Fiet , abito.

Lenit albescens animos capillus  
Litium et rixae cupidos protervae:  
Non ego hoc ferrem, calidus juventa,  
Consule Planco.



XV.

A D C H L O R I N.



Uxor pauperis Ibyci,  
Tandem nequitiae fige modum tuae,  
Famosisque laboribus:  
Maturo propior desine funeri

Inter ludere virgines,  
Et stellis nebulam spargere candidis.  
Non, si quid Pholoën satis,  
Et te, Chlori, decet: filia rectius

5

Expugnat juvenum domos,  
Pulso Thyjas uti concita tympano.  
Illam cogit amor Nothi  
Lascivac similem ludere capreæ:

10

Te lanae prope nobilem  
Tonsae Luceriam, non citharae, decent,  
Nec flos purpureus rosae,  
Nec poti, vetulam, faece tenus cadi.

15



XVI.

A D M A E C E N A T E M.



Inclusam Danaën turris aënea,  
Robustaeque fores, et vigilum canum.  
Tristes excubiae munierant satis  
Nocturnis ab adulteris:  
II. Band. C

Sí non Acrisium, virginis abditae  
Custodem pavidum, Jupiter et Venus      5  
Risissent: fore enim tutum iter et patens  
Converso in pretium Deo.

Aurum per medios ire satellites,  
Et perrumpere amat saxa potentius      10  
Ictu fulmineo. Concidit auguris  
Argivi domus, ob lucrum

Demersa exitio. Diffidit urbium  
Portas vir Macedo, et subruit aemulos  
Reges muneribus. Munera navium      15  
Saevos illaqueant duces.

Crescentem sequitur cura pecuniam,  
Majorumque fames. Jure perhorruī  
Late conspicuum tollere verticem,  
Maccenas, equitum decus.      20

Quanto quisque sibi plura negaverit,  
Ab Dis plura feret. Nil cupientium  
Nudus castra peto, et transfuga divitum  
Partis linquere gestio,

Contemtae dominus splendidior rei,  
Quam si, quidquid arat impiger Appulus,  
Occultare meis dicerer horreis,  
Magnas inter opes inops.      25

Puræ rivos aquæ, silvaeque jugerum  
Paucorum, et segetis certa fides meæ,  
Fulgentem imperio fertilis Africæ  
Fallit sorte beatior.      30

Quamquam nec Calabriae mella ferunt apes,  
Nec Laestrygonia Bacchus in amphora

Languescit mihi , nec pinguia Gallicis      35  
Crescunt vellera pascuis :

Importuna tamen Pauperies abest ;  
Nec , si plura velimi , tu dare deneges .  
Contracto melius parva cupidine  
Veetigalia porrigam ,      40

Quam si Mygdoniis regnum Alyattei  
Campis continuem . Multa potentibus  
Desunt multa . Bene est , cui Deus obtulit  
Parca , quod satis est , manu .



XVII.

AD AELIUM LAMIAM:



Acli , vetusto nobilis ab Lamo ,  
Quando et priores hinc Lamias ferunt  
Denominatos , et nepotum  
Per memores genus omne fastus :

Auctore ab illo dicit originem ,      5  
Qui Formiarum moenia dicitur  
Princeps et innantem Maricae  
Litoribus tenuisse Lirim ,

Late tyrannus : cras foliis nemus  
Multis et alga litus inutili      10  
Demissa tempestas ab Euro  
Sernet , aquae nisi fallit augur

Annosa cornix. Dum potis, aridum  
Compone lignum: eras Genium mero  
Curabis et porco bimestri,  
Cum famulis operum solutis.

15



XVIII.

A D F A U N U M.



Faune, Nympharum fugientum amator,  
Per meos finis et aprica rura  
Lenis incedas, abeasque parvis  
Aequus alumnis:

Si tener pleno cadit haedus anno,  
Larga nec desunt Veneris sodali  
Vina craterae, vetus ara multo  
Fumat odore.

5

Ludit herboso pecus omne campo,  
Quum tibi Nonae redeunt Decembres:  
Festus in pratis vacat otioso  
Cum bove pagus:

10

Inter audacis lupus errat agnos:  
Spargit agrestis tibi silva frondis:  
Gaudet invisam pepulisse fossor  
Ter pede terram.

15



XIX.

A D T E L E P H U M.



Quantum distet ab Inacho  
Codrus, pro patria non timidus mori,  
Narras, et genus Aeaci,  
Et pugnata sacro bella sub Ilio:

Quo Chium pretio cadum 5  
Mercemur, quis aquam temperet ignibus,  
Quo praebente domum et quota  
Pelynus caream frigoribus, taces.

Da Lunae propere novae,  
Da noctis mediae, da, puer, auguris 10  
Murenae: tribus aut novem  
Miscentor cyathis pocula commodis.

Qui Musas amat imparis,  
Ternos ter cyathos adtonitus petet  
Vates: tris prohibet supra 15  
Rixarum metuens tangere Gratia,

Nudis juncta Sororibus.  
Insanire juvat, cur Berecyntiae  
Cessant flamina tibiae?  
Cur pendet tacita fistula cum lyra? 20

Parcentis ego dexteras  
Odi: sparge rosas: audiat invidus  
Dementem strepitum Lycus,  
Et vicina seni non habilis Lyco.

Spissa te nitidum coma,  
Puro te similem, Telephe, Vespero,  
Tempestiya petit Rhode:  
Me lensus Glycerae torret amor meae.

25



XX.

A D P Y R R H U M.



**N**on vides, quanto moveas periclo,  
Pyrrhe, Gaetulae catulos Icaenae?  
Dura post paullo fugies inaudax  
Proelia raptor:

Quum per obstantis juvenum catervas — 5  
Ibit insignem repetens Nearchum,  
Grande certamen, tibi praeda cedat  
Major, an illi.

Interim, dum tu celeris sagittas  
Promis, haec dentis acuit timendos,  
Arbiter pugnae posuisse nudo  
Sub pede palmam

5

10

Fertur, et leni recreare vento  
Sparsum odoratis humerum capillis:  
Qualis aut Nireus fuit, aut aquosa  
Raptus ab Ida.

15



XXI.

A D A M P H O R A M.



O nata mecum consule Manlio,  
Seu tu querelas, sive geris jocos,  
Seu rixam et insanos amores,  
Seu facilem, pia testa, somnum,

Quocumque lectum nomine Massicum  
Servas, moveri digna bono die:  
Descende, Corvino jubente,  
Promere languidiora vina.

5

Non ille, quamquam Socraticis madet  
Sermonibus, te negliget horridus:  
Narratur et prisci Catonis  
Saepe mero caluisse virtus.

10

Tu lene tormentum ingenio admoves  
Plerumque duro: tu sapientium  
Curas et arcanum joso  
Consilium retegis Lyaeo:

15

Tu spem reducis mentibus anxiis  
Viresque: et addis cornua pauperi,  
Post te neque iratos trementi  
Regum apices, neque militum arma.

20

Te Liber, et, si lacta aderit, Venus,  
Segnesque nodum solvere Gratiae,  
Vivaeque producent lucernae,  
Dum rediens fugat astra Phoebus.



XXII.

A D D I A N A M.

Montium Custos nemorumque, Virgo,  
Quae laborantis utero puellas  
Ter vocata audis, adimisque leto,  
Diva triformis:

Imminens villae tua pinus esto, 5  
Quam per exactos ego lactus annos  
Verris obliquum meditantis ictum  
Sanguine donem.

XXIII.

A D P H I D Y L E N.

Cœlo supinas si tuleris manus  
Nascente Luna, rustica Phidyle,  
Si ture placaris et horna  
Fruge Lares, avidaque porca:

Nec pestilentem sentiet Africum 5  
Fecunda vitis, nec sterilem seges  
Robiginem, aut dulces alumni  
Pomifero grave tempus anno.

Nam, quae nivali pascitur Algido  
Devota quercus inter et ilices,  
Aut crescit Albanis in herbis,  
Victima, pontificum securis 10

Cervice tinguet. Te nihil idtinet  
Tentare multa caede bidentum  
Parvos coronantem marias  
Rore Deos fragilique myrto.

15

Immunis aram si tetigit manus,  
Non sumtuosa blandior hostia  
Mollivit aversos Penatis,  
Farre pio et saliente mica.

20



## XXIV.

In tactis opulentior  
Thesauris Arabum et divitis Indiae,  
Caementis licet occupes  
Tyrrhenum orne tuis et mare Apulicum,

Si figit adamantino  
Summis verticibus dira Necessitas  
Clavos, non aninum metu,  
Non mortis laqueis expedes caput.

5

Campestres melius Scythae,  
Quorum plausta vagas rite trahunt domos, 10  
Vivunt, et rigidi Getae:  
Inmetata quibus jugera liberas

Fruges et Cererem ferunt,  
Nec cultura placet longior annua:  
Defunctumque laboribus. 15  
Aequali recreat sorte vicarius.

Illic matre parentibus  
Privignis mulier temperat innocens:

- Nec dotata regit virum  
Conjux, nec nitido sedit adultero : 20
- Dos est magna parentium  
Virtus, et metuens alterius viri  
Certo foedere castitas,  
Et peccare nefas, aut pretium emori.
- O quisquis volet impias 25  
Caedis et rabiem tollere civicam,  
Si quaeret pater urbium  
Subscribi statuis, indomitam audeat
- Refrenare licentiam,  
Clarus postgenitis, quatenus, heu nefas, 30  
Virtutem incolumem odimus,  
Sublatam ex oculis quaerimus invidi.
- Quid tristes querimoniae,  
Si non suppicio culpa reciditur?  
Quid leges, sine moribus 55  
Vanæ, proficiunt, si neque servidis
- Pars inclusa caloribus  
Mundi, nec Boreæ finitimum latus,  
Durataeque solo nives,  
Mercatorem abigunt? horridi callidi 40
- Vincunt aequora navitae?  
Magnum pauperies opprobrium jubet  
Quidvis et facere et pati,  
Virtutisque viam deserit arduac?
- Vel nos in Capitolium, 45  
Quo clamor vocat et turba faventium,  
Vel nos in mare proximum  
Gemmae, et lapides, aurum et inutile,

- Summi materiem mali,  
Mittamus, scelerum si bene poenitet. 50  
Eradenda cupidinis  
Pravi sunt elementa: et tenerae nimis
- Mentes asperioribus  
Formandae studiis. Nescit equo rudis  
Haerere ingenuus puer, 55  
Venarique timet; ludere doctior,
- Seu Graeco jubeas trocho,  
Seu malis vetita legibus alea:  
Quum perjura patris fides  
Consortem socium fallat et hospitem, 60
- Indignoque pecuniam  
Heredi properet. Scilicet improbae  
Crescunt divitiae: tamen  
Curtae nescio quid semper abest rei.

~~~~~  
XXV.

A D B A C C H U M.  
~~~~~

- Quo me, Bacche, rapis tui  
Plenum? Quae nemora, aut quos agor in specus,  
Velox mente nova? Quibus  
Antris egregii Caesaris audiar
- Aeternum meditans decus 5  
Stellis inserere et consilio Jovis?  
Dicam insigne, recens, adhuc  
Indictum ore alio. Non secus in jugis

Exsommis stupet Evias,  
Hebrum prospiciens, et nive candidam  
Thracen, ac pede barbaro  
Lustratani Rhodopen. Ut mihi devio

10

Ripas et vacuum nemus  
Mirari libet! O Naïadum potens  
Baccharumque valentium  
Proceras manibus vertere fraxinos:

15

Nil parvum aut humili modo,  
Nil mortale loquar. Dulce periculum est,  
O Lenaee! sequi Deum  
Cingentem viridi tempora pampino.

20

~~~~~  
XXVI.

A D V E N E R E M.  
~~~~~

Vixi puellis nuper idoneus,  
Et militavi non sine gloria:  
Nunc arma defunctumque bello  
Barbiton hic paries habebit,

Laevum marinae qui Veneris latus  
Custodit. Hic, hic ponite lucida  
Funalia, et vectis, et arcus  
Oppositis foribus minacis.

5

O quae beatam, Diva, tenes Cyprum, et  
Memphin carentem Sithonia nive,  
Regina, sublimi flagello  
Tange Chloen semel arrogantem.

10



XXVII.

A D G A L A T E A M.

~~~~~

Impios parrae recinentis omen  
Ducat, et praegnans canis, aut ab agro  
Rava decurrentis lupa Lanuvino  
Fetaque volpes :

Rumpat et serpens iter institutum, 5  
Si per obliquom similis sagittae  
Terruit mannos. Ego cui timebo,  
Providus auspex,

Antequam stantis repetat paludes  
Imbrium divina avis imminentium 10  
Oscinem corvum prece suscitabo  
Solis ab ortu.

Sis licet felix, ubicumque mavis,  
Et memor nostri, Galatea, vivas :  
Teque nec laevus vetet ire picus, 15  
Nec vaga cornix.

Sed vides, quanto trepidet tumultu  
Pronus Orion. Ego, quid sit ater  
Hadriae, novi, sinus, et quid albus  
Peccet Iapyx. 20

Hostium uxores puerique caecos  
Sentiant motus orientis Austri, et  
Acquoris nigri fremitum, et trementis  
Verbere ripas.

Sic et Europe niveum doloso 25  
Credidit tauro latus, et scatentem

Belluis pontum mediasque fraudes  
Palluit audax.

Nuper in pratis studiosa florum, et  
Debitae Nymphis opifex coronae,  
Nocte sublustrī nihil astra praeter  
Vidit et undas.

Quae simul centum tetigit potentem  
Oppidis Creten: Pater o, relictum  
Filiae nomen, pietasque, dixit,  
Victa furore!

Unde? quo veni? Levis una mors est  
Virginum culpae. Vigilansne ploro  
Turpe commissum? an vitiis carentem  
Ludit imago

Vana, quae porta fugiens eburna  
Somnium ducit? Meliusne fluctus  
Ire per longos fuit, an recentis  
Carpere flores?

Si quis infamem mihi nunc juvencum  
Dedat iratae! lacerare ferro, et  
Frangere enitar modo multum amati  
Cornua monstri.

Impudens liqui patrios Penatis:  
Impudens Orcum moror! O Deorum  
Si quis haec audis, utinam inter errem  
Nuda leones!

Antequam turpis macies decentis  
Occupet malas, teneraeque succus  
Defluat praedae, speciosa quaero  
Pascere tigris.

30

35

40

45

50

55

Vilis Europe, pater urguet absens,  
Quid mori cessas? Potes hac ab orn  
Pendulum zona bene te sequuta  
Laedere collum.

60

Sive te rupes et acuta leto  
Saxa delectant, age, te procellae  
Crede veloci: nisi herile mavis  
Carpere pensum,

Regius sanguis, dominaeque tradi  
Barbarae pellex. Aderat querenti  
Perfidum ridens Venus, et remisso  
Filius arcu.

65

Mox, ubi lusit satis: Abstineto,  
Dixit, irarum calidaeque rixae,  
Quum tibi invitus laceranda reddet  
Cornua taurus.


70

Uxor invicti Jovis esse nescis:  
Mitte singultus: bene ferre magnam  
Disce fortunam: tua sectus orbis  
Nomina ducet.

75

XXVIII.

A D L Y D E N.



F esto quid potius die  
Neptuni faciam? Prome reconditum,  
Lyde, strenua Caecubum,  
Munitaeque adhibe vim sapientiae.

Inclinare meridiem 5  
Sentis: ac, veluti stet volucris dies,  
Parcis deripe: e horreo  
Cessantem Bibuli Consulis amphoram.

Nos cantabimus invicem  
Neptunum, et viridis Nereidum comas: 10  
Tu curva recines lyra  
Latonam, et celeris spicula Cynthiae:

Summe carmine, quae Gnidon  
Fulgentisque tenet Cycladas, et Paphon  
Junctis visit oloribus: 15  
Diceat merita Nox quoque naenia.



## XXIX.

### A D M A E C E N A T E M.



Tyrrena regum progenies, tibi  
Non ante verso lene merum cado,  
Cum flore, Maecenas, rosarum, et  
Pressa tuis balanus capillis

Jam dudum apud me est. Eripe te morae: 5  
Nam semper udum Tibur et Aesulae  
Declive contempleris arvum, et  
Telegoni juga parricidae.

Fastidiosam desere copiam, et  
Molem propinquam nubibus arduis:  
Omitte mirari beatae  
Fumum et opes strepitumque Romae.

10

Plerumque gratae divitibus vices,  
Mundaeque parvo sub lare pauperum  
Coenae, sine aulaeis et ostro, 15  
Sollicitam explicuere frontem.

Jam clarus occultum Andromedae pater  
Ostendit ignem: jam Procyon furit,  
Et stella vesani Leonis,  
Sole dies referente siccis. 20

Jam pastor umbras cum grege languido  
Rivumque fessus quaerit, et horridi  
Dumeta Silvani: caretque  
Ripa vagis tacitura ventis.

Tu, civitatem quis deceat status,  
Curas, et Urbi Sollicitus, times,  
Quid Seres et regnata Cyro  
Bactra parent, Tanaisque discors. 25

Prudens futuri temporis exitum  
Caliginosa nocte premit Deus:  
Ridetque, si mortalis ultra  
Fas trepidat. Quod adest, memento 50

Componere aequus: cetera fluminis  
Ritu feruntur, nunc medio alveo  
Cum pace delabentis Etruscum  
In mare, nunc lapides adesos, 55

Stirpisque raptas, et pecus et domos  
Volventis una, non sine montium  
Clamore vicinaeque silvae,  
Quum fera diluvies quietos 40

Irritat amnis. Ille potens sui  
Laetusque deget, cui licet in diem  
II. Band. D

Dixisse: Vixi; etas vel atra  
Nube polum Pater occupato,

Vel sole puro: non tamen irritum,  
Quodcumque retro est, efficiet: neque  
Diffinget, infectumque reddet,  
Quod fugiens semel hora vexit.

Fortuna saevo laeta negotio, et  
Ludum insolentem ludere pertinax,  
Transmutat incertos honores,  
Nunc mihi, nunc alii benigna.

Laudo manentem: si celeris quatit  
Pennas, resigno quae dedit, et mea  
Virtute me involvo, probamque  
Pauperiem sine dote quaero.

Non est meum, si mugiat Africis  
Malus procellis, ad miseras preces  
Decurrere, et votis pacisci,  
Ne Cypriae Tyriaeque merces

Addant avaro divitias mari.  
Tum me, biremis praesidio scaphae  
Tutum per Aegaeos tumultus  
Aura feret, geminusque Pollux.



XXX.

**E**xegi monumentum aere perennius,  
Regalique situ pyramidum altius:  
Quod non imber edax, non Aquilo impotens  
Possit diruere, aut innumerabilis

45

50

55

60

Annorum series, et fuga temporum.

5


Non omnis moriar: multaque pars mea  
Vitabit Libitinam. Usque ego postera  
Crescam laude recens, dum Capitolium  
Scandet cum tacita Virgine pontifex.

Dicar, qua violens obstrepit Aufidus,  
Et qua pauper aquae Daunus agrestium  
Regnavit populorum, ex humili potens,  
Princeps Aecolium carmen ad Italos  
Deduxisse modos. Sume superbiam  
Quaesitam meritis, et mihi Delphica  
Lauro cinge volens, Melpomene, comam:

10.

15





# **Argumenta Carminum**

e t

**A d n o t a t i o n e s.**

Selfishness is wrong

Q. HORATII FLACCI  
C A R M I N U M  
LIBER TERTIUS

C A R M E N I.  
ARGUMENTUM.

*Descriptio hujus carminis admodum plana atque perspicua. Homines, utcumque prae ceteris mortalibus imperii, divitiarum, honorumque amplitudine conspicui, eadem, quatenus atque infimae sortis, mariendi necessitate tenentur, atque adeo hactenus ne hilum quidem ab his differunt. Tum ne beatos quidem in ista fortuna facile eos dixeris, quandoquidem is ipse splendor, quo et sibi ita videntur, et vero pravo vulgi utique aestimantur judicio, tantum abest, ut vitam suavem atque jucundam efficiat, ut eam potius aegritudine curarumque multiplice aestu involvat, atque plane obruat. Ac in amplissimo quidem honoris constitutos gradu perpetua angi sollicitudine, ne inde dejiciantur; diviles autem, praeterquam quod opum con-*

tinuo jacturam metuant, earumdem augendarum cupiditate vexari, voluptatumque, quibus sese immergant, distorqueri fastidio. Atque hac sententiarum conversione vix luculentius explicari gnome poterat: hominem, in re modica constitutum, eaque contentum, verbo, αὐταρχῇ, utpote quem nec metus, neque cupiditates tangant, solum recte atque beate vivere; quam quidem Horatius popularibus suis, quos haud uno istius generis morbo graviter laborantes animadvertebat, adcurate hoc carmine commendare voluit. — Eximias hujus carminis virtutes, cum admirabili tractationis artificio, tum eloquutionis vi, ornatunque splendidissimo proditas, facillimo unusquisque, nisi plane hebes sit, observabit negotio. Fuere tamen (hosque recte profanum vulgus, a poetarum lectione arcendum, appellaveris) qui vel in singulis ejus partibus, maxime initio, miris modis alucinarentur, vel totum carmen, utpote nexu idoneo prorsus destitutum, crisi sua confoderent, lacearentque. Cujus quidem judicii temeritatem, a tenui ipsorum poetico, ut ita dicam, spiritu profectam nemo paucilo cordatior hic a me excussam desiderabit.

#### Annotations.

v. 1—4. Saluberrima ad vitam bene instituendam praecepta hoc carmine traditurns poeta, quo fortius efficaciusque iis electorum alligaret animos, justamque argumenti gravitati dignitatem adjungeret, ista tanquam ex adytis Musarum, quarum se sacerdotem fert, profatur, exhibitis, quae in antiquis mysteriis praefarsi mystes solebat, religiosis formulis. Primum igitur ἀπνήρους a sacris suis excludit hoc pronuntiato praeconio; *Odi et arceo*, procul hinc facessere jubeo (sed illud odi quanto

ἀναργέστερον!) *profanum vulgus, profanos, βεβήλους, Solennis* fere summovendi a sacris formula erat: ἵκας, βίβηλοι! ἵκας, ὅστις ἀλιτρός, Callim. H. Ap. 2. *Procul o, procul este, profuni*, Virg. Aen. VI. 258. *gressus removete profundi* Clau-  
dian. R. P. I. init. In animo forte poeta habuit Orphei initium, quo itidem sublimioris sapientiae praeceptis praeatur, apud Wintert. p. 459. φθέγξομαι, οὐδὲ δέμιοι σοι, θύεις δ' επιθεσθε βεβήλοις πάσιν ὄμως. Ad eos; qui sacris interessent, spectabat altera formula: *favete linguis, εὐφημεῖτε, faventiam h. silentium adhibete* (sunt Attii verba apud Non. III. 93.); *imperatur enim silentium, ut rite peragi possit sacrum, nulla voce mala obstrepente*, Seneca V. B. c. XXVI. Utranque conjunxit Eurip. Baeth. 68. τις ὁδῷ; τις δὲ μελάθροις; ἔκτοτος ἔστω; στόμα δ' εὐφημον ἄπεις οσιοῦσθω. Aristoph. Θεομοφ 39. εὐφημος τος ἔστω λεώς, στόμα συγκλεσας. Cf. infra III. 14, 11. 12. Res et formula multis notata. Vid. Heins. ad Sil. XVI. 295. Cerd. ad Virg. Aen. V. 71. Exspectare adeo jubet poeta carmen *sacro silentio dignum* (qualia Alcae et Sapphus judicat Noster II. 13. 29.) h. argumenti gravissimi, Colores e Nostro duxere Propert. IV. 6. 1. *Sacra facit vates, sint ora faventia sacris,* in victoria Actiaca celebranda. Stat. Silv. II. 7. 19. *Lucanum canimus, favete linguis, et Martial. X. 87. 3. Linguis omnibus et farete votis; natalem colimus.* Praeiverat Callim. H. Ap. 17. εὐφημεῖτε διοντες ἐπ' Ἀπόλλωνος ἀοιδῆς. Cf. ad I. 15. 3. II. 13. 29. Audientiam adeo sibi his formulis facere velle poetam, putandum; nihil amplius. Sunt tamen, qui poetam in ordinem redigant, profanosque, pravis opinionibus imbutos, initiatos contra, generosiores, sublimiusque praeceptorum suorum capaces, intelligi statuant; vel, ut ipsorum verbis exponam: „imperiosa quadam cum arrogantia statuit, quibus lectoribus tam philosophicum et παράδοξον carmen scripsit, quibus non. — 2. *carmina non prius audita, carmen novum, singulare, ob nobilissima, quae ejus argumentum faciunt vitae praecepta, ad quae penitus haurienda mire sic acutur atque præparatur legentis animus.* Similiter in celebrando Augusto, tanquam excellentiore carminis materie, III. 25. 8. *Dicam insigne, recens, adhuc indictum ore alio.* Κανὼς ἀναβολὺς poetae Dithyrambico forte eandem ob causam tribuit Aristoph. Avv. 1385. Alii simpliciter ad poesin lyricam referunt, quam Horatius

princeps inter Romanos divulgaverit (III. 30. 13.); quo quidem totius tetrastichi vis plane infringitur. — *Musarum sacerdotis* augusta atque valde adposita h. l. poetarum appellatio. Μυσάων ἵερος ὑποφήτας eosdem vocat Theocr. XVI. 29. Πιερίδων πρόσωλον Pindarum Plato XXVIII. (A. Br. I. 174) Lucanum *Romani chorū sacerdotem* Stat. Silv. II. 7. 21. cf. eund. Silv. V. 1. 17. Propert. III. 1. Alia vide apud doctiss. Boettiger. — 4. *canto*, *praecino*, *praeco* verba *virginibus puerisque*, virginum atque puerorum choro, tanquam Χοροδιδάσκαλος. Hujus enim est *praecipere* (I. 24. 2.) *docere* (II. 19. 2.) modos ac verba, a choro virginum et puerorum ediscenda atque decantanda. Praeclare vero personam, quam initio suscepere, tuetur poeta, colores ad priscam hymnorum, qui a choro virginum et puerorum canerentur, rationem attemperando. Miro alii acumine juvenilem aetatem, utpote mollem ac docilem, et a ejus institutione sequentis seculi mores pendeant, his *praecepsis* initiari velle statuunt poetam, verentem scilicet, ut vulgus adultum jam obstinatum et obfirmatum ad vitia, ad rectos *sensus* reduci queat.

v. 5 — 16. Sententia per hos vv. ita continuatur: Homines, quocunquae sive potentiae (*reges* vv. 5 — 8.) sive divitiarum (v. 9.) sive denique honorum, ad quos vel nobilitas generis vel propria ipsos virtus evexit (vv. 10 — 13.) fastigio atque amplitudine *insignes*, eadem, quae *imae* sortis homines, mortalitatis manet conditio; ne splendidissima quidem fortuna quemquam a fati necessitate immunem praestat. Vulgaris haec sententia, toties inculcata ab Horatio, novo ac plane exquisito doctrinae adparatu cultissimoque orationis habitu declaratur h. l. Quae ipsa res fraudi fuit Intpp., ut, quae secundariae essent notiones, quaeque illuminandae unice inservirent picturae, has statuerent primarias, sicque de sensu totius loci paullulum deflecterent. Turbatum est maxime in vv. 5 — 8. eorumque idoneo cum sqq. nexus constituendo. Simplicissima eorum enuntiatio erat: Reges, quorum summa potestas est, qui solo Jove minores sunt, qui soli Jovi cedunt potentia; hos tamen ipsos *Necessitas sortitur* cet. Pro hoc disjuncte, ut lyricum decebat: Regum summa potestas est; enimvero hos ipsos mors manet. Facile inde intelligitur, v. 6 — 8. ad extollendam potius, quam ad deprimendam regum majestatem adjectos esse. Cf. I. 12. extr. III. 5. 1. Docte autem poeta ita in-

pectit: reges ceteris hominibus imperant; at Jupiter est  
 ἄναξ ἀνάκτων; uti audit Aeschyl. Suppl. 533. — *Regum*, regi-  
 bus *imperium est*, reges imperium exercent, habent *in grecem*, homines, populos *proprios* sibi subjectos, h. regum supre-  
 ma in terris est majestas, potentia. Pindari Ol. I. 181. τὸ ἔσχα-  
 τον κερφούται βασιλεῦσι, laudarunt jam alii. *Greges*, homines,  
 qui alteri parent, subditi sunt, prisca loquendi simplicitate dic-  
 ti: reges enim ποιμένες λεῦν Homericō loquendi usu, et ἀγελα-  
 τῆσι pro βασιλεῦσι occurrit apud Sophocl. Oedip. Tyr. 410. —  
*Imendorum*, auget imperii notionem. — 6. At Jupiter regibus  
 imperat. Eadem sententiazum progressio apud Philiscum in  
 Thechanis apud Stob. floril. Grot. p. 233. εἰμοῦ γάρ ἐστι κύ-  
 los μὲν τῆς ἀνήρ τούτων δὲ καὶ σοῦ μυρίων τὸ ἄλλων νόμος, ἐπέ-  
 φων τύραννος· τῶν τυραννούντων φίβος. διῦλοι βασιλέων εἰσιν·  
 οἱ δὲ βασιλεὺς, θεῶν. E Nostro profecisse videri potest Stat. Silv.  
 III. 3. 50. *propriis sub regibus omnis terra; premit felix regum*  
*diademata Roma;* — — *hanc ducibus frenare datum: mox*  
*erescit in illos imperium Superis.* Senec. Thyest. 612. *Omnē sub*  
*regno graviore regnum est.* Jam Callim. H. in Jov. 75 et 79. 80.  
 ἦν (πτολιάρχων) πάντα· τι δ' οὐ κρατέοντος ὑπ' ισχύν; εἰ δὲ  
 Διὸς βασιλῆς· ἐπει Διὸς οὐδὲν ἀνάκτων θείτερον. τῷ καὶ σφι  
 τοῖν ἱκρινο λαξιν. — 7. 8. *Dei Exsuperantissimi*, uti passim in  
 nummis audit (cf. Spanh. ad Callim. H. in Jov. 91.) Ζηνὸς παν-  
 υπερτάρον. Jam summam Jovis potentiam magnifice declarat  
*triumphus ejus giganteus*, victoria de Gigantibus reportata.  
 Ornatum à sua gente quod poeta repetiit, hoc tanto magis con-  
 sentaneum videri debet, quo proprius victoria ista triumphi  
 Romani speciem attingeret. Curru enim in Gigantum strage  
 Jovem invectum refert antiquitas, itaque in monum. anti-  
 quis repraesentatur. Vide Winkelm. monum. ined. p. 9. n. X.  
 Ad Nostrum Claudian. de R. P. I. 153. *Aetna Giganteos πυ-  
 quam tacitura triumphos.* — 8. *cuncta*, universam rerum  
 naturam *moventis*, *commoventis*, *concutientis* solo *supercilio*  
 moto, nutu. Augusta ac plena megestatis imago! dueta e noto  
 Homeri loco Il. a. 528 — 30. Ἡ καὶ κυανέσσιν ὑπ' ὄφρύσι  
 νοῦσε Κρονίην — μέγαν δ' ἐλέλιξεν Ολυμπον, exornata a Catullo  
 Epith. Pel. 204 — 6. *Annuit invicto coelestum numine rector,*  
*quo tunc et tellus atque horrifica contremuerunt sidera coneussis;*

*que micantia sidera mundus.* cf. Virgil. Aen. X. 115. Ovid. Met. I. 179. Stat. Theb. VIII. 82. 83.

v. 9. sqq. Alius in summa opum abundantia vivat. Hoc, uti et reliqua, quae subjiciuntur, per comparationem poeta extulit: Alius alium divitiis antecellat. Jam quod doctius erat, speciali notione ac Romano plane sensu: aliis ampliora latifundia possideat, specialiori hoc notione, qua oītino vividior imago existit, poeta dedit; alias plures colat arbores in fundo suo, plura in agris suis arbusta disponat. *Est ut, ἔστιν* ὡς, *ἔστιν* ὄξως, pro, fieri adsolet, accidit, ut *vir viro*, itidem graece pro, alias alio. — *latius sulcis ord.* potest dictum videri pro, sulcis per latiora intervalla factis adeoque latiori intervallo ordinet; sed majorem vim habet, si latius ad totam πῆσαι trahas, ut sit: per latiorem terrae tractum, per latissimum fundum ordinet, ordine digerat, certo intervallo disponat sulcis, desigat, plantet atque colat arbusta, arbores. Designantur cujuscunque generis arboreta (non, quod fere volunt, novellae arbores, e seminariis in agrum transferendae; vide vel Juven. XIV. 144.) maxime oliveta, vineta; atque his tribuuntur οὐρίχοι, ὅρχατοι (Hom. Il. §. 23.) ordines, quibus vites atque oleae desigebantur. Ita ordinare vineam dixit Colum. III. 13. *arborum ordines* Cic. Sen. 16. *villam myrtetis ordinatam* Martial. III. 58. 2. Per quincuncem fere dirigebantur sulci (Colum. l. l.) quo, in quamcunque partem spectantibus recto nihil erat speciosius (Quinctil. I. O. VIII. 3.). Sulcos autem proprie posuit poeta, nam *aut scrobibus, aut sulcis vineae conserebantur*, Colum. c. l. — 10. sqq. *Hic*, alter *petitor*, petiturus summos magistratus, candidatus (adhibuit sic Sueton. Jul. 23.) descendat, prodeat in *Campum Martium*, populique, creandis magistratis ibi convocati, suffragiis sese committat *generosior*, nobilitate generis fretus, ceteris competitoribus *generosa* prosapia praestans. *Descendere e situ regionis dictum*; campus enim Martius erat depressior. Vide v. c. Vellei. II. 92. cf. Gronov. Obss. p. 411. Lips. — 12. Alter, ignobili quidem genere ortus, homo novus, at *moribus*, sua virtute, et, quam inde consequutus est, *fama*, bona existimatione *melior*, praestans, gratiosus apud populum, contendat cum reliquis de suffragiis ausewendis, s. de magistratu obtinendo; h. praestet aliis. *Contentere nobilitate similiter* Lucret. II. 11. *Civiliter autem*

contendere dicebantur *competitores* in certamine honoris ac dignitatis, Cic. Off. 1. 38. — 13. ille magna clientum manus stipitus magistratum in concione petat. Valebat is adeo auctoritate et gratia apud populum, quem beneficiis sibi obstrinxerat. Res notissima. Ceterum praeclare totum hunc locum ita adornavit poeta, ut studia simul ac contentiones Romanorum, quibus ad summos magistratus petendos ferrentur, designaret, quod sane ad legentium animos magnam vim habet ob apodosin. Iu hoc etiam poetam acutum agnosce, quod solennes modos, quibus ad istos perveniebatur, breviter attingit. Nam in quovis repraesentantur homines, magnitudinis specie quadam insignes, quae nec ipsa a morte liberet. — 14 — 16. Hos tamen neutquam ipsorum magnitudo ac splendor a naturae debito absolvit; aequi morti obnoxii sunt, ac infimi. Docta hanc sententiam imagine repraesentavit poeta. Cogitanda *Necessitas* dea, 'Ανάγκη, Ειμαρμένη, Μορφή, in locis inferis collocata, (etiam Platoni de Rep. X. p. 621. Steph.) quae urnam, in quam omnium hominum nomina conjecta sunt, perpetuo movet. Iam ejus sors inter commovendum excidit, hic ad inferos citatur, hunc fatale est mori. Stat. Silv. II. 1. 218. *Ibimus omnes, ibimus immissis urnam quatit Aeacus umbris.* Cf. II. 3. 26. — *sortitur insignes et imos, sortes s. nomina tam insignium, illustrum quam imorum, infimae sortis hominum in urna conjecta habet aequa moriendi lege,* conditio ne, h. eadem lex, eadem moriendi conditio proposita est et claris et obscuris hominibus — 16. *Urna movet omne nomen omnium nominā, dum ipsa concutitur, versatur,* (eodem ornatu Claudian. R. Pros. II. 332. *Urna nec incertas versat Minoia sortes*) et hoc pro vulgari omnium nomina continentur hac urna; hinc *capax, πάγδοκος, πανδέγμων,* epitheto locis ac rebus inferis communi. Vid. ad Hom. H. in Cer. 9.

v. 17. sqq. Sententiarum nexus ita animo informandus videtur: Homines vel amplissimas dignitatis, oet. neutquam morti exempti sunt. Quid? quod ne beatos quidem istos, dum vivunt, in isto fastigio acile dixeris, quandoquidem omnes laetioris istius splendidiorisque conditionis fructus curis ac sollicitudine, quae illam continuo comitantur, plane intercipiuntur, regibus, ne regno; locupletibus, ne divitiis calamitatum aliquo genere exuantur, timentibus. Sam vide posticam

artem in tractanda enuntiandaque hac sententia. Quo vivi-  
dius ostenderet poeta nihil ei esse beatum, cui semper aliquis  
terror impendeat, colores orationi adspersit e nota Damoclis  
historia, quam lege sis apud Cic. Quaest. Tusc. V. 21. Ma-  
crob. in Somn. Scip. I. 10. Sidon. Apoll. Epp. II. 13. et Boeth.  
Consol. Phil. III. 5. (cf. Wyttens. ad. Plut. de S. N. V. p. 51.)  
— Homini *impio* (docte accommodatur *cervici* epitheton) *cui*  
*ensis* vagina *destrictus*, nudatus *pendet*, imminent *super cervice*;  
quem adeo perpetua aniini versat anxietas, illi cet. Simili colote  
Seneca Herc. Oet. 656. *Pectora pauper secura gerit — sed non stri-*  
*ctos respicit enses.* Eodem allusum putem a Claudiano in Ruf.  
II. 16. *impositi radiant cervicibus enses*, quem locum vana  
censura et conjectura exagitat Gesn. *Radiant* enses, qui stricti  
sunt, et *impositi* cerv. dicuntur, in cerv. jamj m ruituri. —  
19. Omnes huic vitae deliciae insuaves erunt. *Dapes Siculae*,  
vel conquisitissimae epulæ non *elaborabunt*, efficient, praebet  
hunc *dulcem* gratum ac jucundum *saporem*, insipidae ipsi  
erunt. *Dapes elaborant saporem*, in quibus diligendis con-  
diendisque curiosa adhibita est diligentia; quales erant Siculae,  
unde eae in præverbium abidere. Plato Epist. VII. p. 326. B.  
βίος εὐδαίμων — Συρπακονολῶν τραπεζῶν πλήρης. Cf. eundem de  
Rep. III. p. 404. D. Cratini et Antiphonis loca apud Athen.  
XIV. 23. p. 661. E. F. Lucian. Dial. Mort. IX. p. 360. ibique  
Hemsterh. Adde Adag. Schott. p. 149. 175. et 249. — 20.  
Oratio, si quid video, ita continuanda erat: nec cantus av-  
citharaeque somnum *lenem* reducent. Sed docte epitheton ad  
seqq. transtulit poeta. *Cantus somnum reducit*, arcēsset, con-  
ciliat, suadet, adjuvat somnum. Praepositio enim hanc vim ha-  
bet, ut, quae per vices ac certo temporis intervallo sūnt, signi-  
ficit. Cf. II. 10. 15. Alii de somno interrupto, sive re-  
conciliando capiunt; quod neutiquam damnaverim. Prior ta-  
men ratio simplicior videtur. Ad rem Seneca de Provid. c. III.  
*Feliciorē tu Maezenatēm putas, cui amōribus anxiō, et morosae*  
*uxoris quotidiana repudia deflenti, somnus per symphoniarum*  
*cāntum, ex longinquo leve resonantium quaeritur?* Spectant  
etiam hoc Menandrea apud Stob. Floril. Grot. p. 391.  
ὤμην ἐγώ τοὺς ἀλουστούς — — οὐ στένειν τὰς νύκτας, εὐδὲ στρε-  
φομένους ςυω πάτω οἵμοι λέγεται. ήδὺν δὲ καὶ πρᾶξόν τινα ὑπερ-  
εκαθίδειν, ἀλλὰ τῶν πτωχῶν τινά. γυνὶ δὲ cet.

v. 21. *sqq.* Quanto beatores contra tenuioris sortis homines; qui neque timent, neque cipiunt quidpiam! quantam animi tranquillitatem sua ipsis praestat innocentia atque continentia! Sententia suavissimo phantasmate expressa, ad quod proximis vv. manu quasi ducebatur poeta *Agrestes viros s. agricolas speciatim posuit*, quo major vis toti loco accederet ex oppositione. Tyrannidi enim comes impietas, metus; securitas contra atque innocentia vitae rusticae propria. Somnus lenis ήδος, μαλαζής, non fastidit, aspernatur, frequentat adeo domos hum. agr. vir. casas rusticas. — 13. *umbrosamve ripam aquae* leniter strepentis. Cf. V. 2. 27. Ovid. Fast. III. 17. Virg. Ge. II. 470. eadem de re: *mollesque sub arbore somni non absunt.* — 24. *Tempe*, pro quavis valle amoena. — *Zephyris agitata*, quae Zephyri perflant; memoribus consita poetam cogitasse, haud inepte ex orationis ornatu cegas. Virgil. l. l. similiter habet, *frigida Tempe*. Ad sententiam Senec. Herc. Oet. 644-47. *Cespes Tyrio mollior ostro solet impavidos ducere somnos. Aurea rumpunt tecta quidem, vigilesque trahit purpura noctes.* Idem ep. 90. *Sollicitudo nos in nostra purpura versat, et acerrime exactat stimulis; at quam mollem somnum illis dura tellus dabat!*

v. 25. Scilicet is dertium beate vivit, cui, quantum satis est, sufficit. Modicis enim facultatibus contentum neque augendi distorquet cupiditas, neque periculorum, quae lucro inhiantibus continuo imminet, conturbat metus. Illustratur hoc divitis Romani, e mercatura et latifundiis quaestu in facientis, exemplo. *Desiderantein*, expetentem nihil ultra, quam, *quod satis est*, τὰ ἀρκοῦντα, quae ad vitam commode sustentandam sufficient, non angit metus nanfragii, ut mercatorem. At quam ornatae ac vivide haec ultima expressit poeta! Illum non *sollicitat*, sollicitum de vita ac mercibus suis reddit mare *tumultuosum*, procellosum, tanquam mercatorem, ubi tempestalem ingruentem videt. Simillime V. 2. 6. de rustico; neque horret iratum mare. Cf. I. 1. 11. et III. 29. 57. *Tumultus, sedatio cet. solennia poetis de mari tempestuoso.* — vv. 27. 28. Exornant tempestatis notionem poeticas coloribus. *Saevus Arcturi impetus*, καὶ δύοις ὕετοιο Ἀρκτούρου Perses Theb. V. 1. in Anal. Br. II. p. 5. *Impetus Arcturi eadensis*. esse potest: saeva procellae vis, tempestas

ab Arcturo occidente excitata , fere ut Ἀρκτούρου λαίλαπα dixit Leonid. XCII. 4. Anal. Br. I. 244. Exquisitus tamen videtur , si impetum de rapido ejus motu , qui sideribus omninoque coelo ab antiquis adseritur , accipias. Notus Ovidii locus Metam. II. 70. *Adde quod adsidua rapitur vertigine coelum — Nitor in adversum , nec me , qui cetera vincit impetus.* Esset adeo: nec Arcturus saevus , δεινὸς (Arat. Dios. 13.) perniciosus , dum rapido motu deorsum fertur , dum occidit. De eo Plaut. Rud. 69 sqq. *Increpui hibernium et fluctus mori maritimos.* Nam Arcturus signum sum omnium acerrimum. Vehemens sum ex , oriens , cum occido vehementior. Occidit autem Arcturus IV. Cal. Nov. — *Haedi orientis , haedorum orientium impetus* , quo in altum énituntur ; pro vulgari adeo: Haedorum ortus. Orientur autem haedi priodie Non. Octobr. vespere , Colum. XI. 2. 73.) unde ἐστέρποι ἔριφοι Theocrit. §. 53. Idem occasu suo tempestates excitare crediti. Cf. Callim. Epigr. XIX. 5. 6. Nicaen. Sam. V. 4. in Anal. Br. I. 417. Schol. Arat. Phaen. 158. Ceterum de hac vi stellarum , ut ita dicam , poetica res satis nota. Vide ad I. 28. 21.

v. 39. — 31. Neque ista sollicitudo animum ejus subit , quae latifundiorum dominum continuo premit , ne proventus ex agris calamitate aliqua intercipiatur. Jam ex pluribus unum tantum posuit proventus genus , at pluribus hoc calamitatis generibus oneravit , quo planius ac vividius justas metuendi causas ob oculos poneret. — Vineae grandine verberatae , pulsatæ , fructu decusso. — 30. *fundus mendax* , ager , qui spem domini eludit , destituit , proventu quem pollicebatur , negato. Opponitur *fides segetis* III. 16. 30. Nostrum respexit Petron. c. 117. — *arbore nunc aquas culp. cet.* Propter coeli intemperiem . At quam ornate haec poeta extulit ! *Arbores , h. vites et oleae culpant* , culpam s. causas mendacii h. sterilitatis transferunt , sterilitatis causas praetexunt , suaviter ! quasi se purgent fundi domino. Sed eosdem colores deprehendas jam in fragm. Philemonis apud Stob. floril Grot. p. 403. Καὶ τοὺς μὲν ἄλλοις πᾶσιν ἡ γῆ Θηρίοις ἰχούσαι παρέχει τὴν καθ' ἡμέραν τροφὴν αὐτῇ πορίζουσ· , οὐ λαβοῦσσα. πάνυ μήλις , ἀπερ τὲ κατὰ χρέος κεφάλαιον , ἐκτίει τὸ σπέρμα , τοὺς τόκους ἀνευρισκούσ· αἱ πρόφροντιν' αὐχμον , ἡ πάχνην , iv' ἀποστερῆ. Ex Nostro fluxit pulcher. rimum poemation , quod legitur in Catal. Scal. p. 76. de-

maio, dignum quod ex parte hac transferatur: *Quid frusta,  
quereris, colone, mecum, quod quondam bene fructuosa malus  
Auctumnis sterilis duobus adstet?* Non me praegravat, ut  
putas, senectus, nec sum grandine verberata dura, nec gem-  
mas modo germine exeuntes seri frigoris ustulavit aura, nec ven-  
ti, pluviaeve, siccitasve, quod de se quererer, malum dederunt:  
— Sed quod carmina pessimi poetae ramis sustineo laboriosis.  
— aquas nimias, nimiam pluviam. — 31. nunc nimiam siccita-  
tem. Pro hoc doce, sidera torrentia, exurentia, exsiccantia  
agros. Nam a sideribus, maxime Sirio (hinc Σείριος ἀγαλλίας  
Hesiod. Scut. 153.) qui  $\chi\alpha\tau'$  ἐξοχὴν astrum audit, (Alcaeus II.  
1. p. 100. Urs.) aestus gravior derivabatur. Noster. V. 16. 53 54.  
(uti reponendi sunt isti vv.) nullius astri gregem aestuosa torret  
impotentia. *Sideratio* inde (ἀστροβολία) morbus dictus, quo  
germina arborum aduruntur, et exarescunt. Vide, quem lau-  
dat Boettiger, Niclasium ad Geop. V. 36. p. 331. — *hiemes*,  
hiemem *iniquam*, noxiām, infestam arboribas, vel nimio,  
vel nimis protracto frigore,  $\chi\epsilon\nu\delta$ ς ἄποιρος.

v. 33 — 40. *Nunc vobiscum loquor, quorum aequa spatiose  
luxuria, quam illorum avaritia diffunditur. Vobis dico, quous-  
que nullus erit lacus, cui non villarum vestrarum fastigia im-  
mineant? nullum flumen, cujus non ripas aedificia vestra praetexant?  
Ubicunque in aliquem sinum litus curvabitur, vos pro-  
tinus fundamenta jacietis, nec contenti solo, nisi quod manu  
feceritis, maria agetis introrsus;* Senec. Ep. 89. Nexus adeo:  
Neque vero divites ideo beatos dixeris, quod deliciarum atque  
voluptatum omnium divitiae usum ipsis atque copiam largiantur:  
etenim quae voluptas sincera esse potest, animo intus tumultu-  
ante, atque cupiditatibus districto. Nonne hoc ipso animum in-  
quietum produnt, quod, prioritibus in fastidium adductis, novis  
usque sese immungant deliciarum generibus? Jam, quibus opes  
suas explicarent, animique aegritudinem et faterentur, et expel-  
lere conarentur divites Romani, plura poeta adnumerat genera.  
Ac primo quidem loco tangit seculi sui insaniam, villas in ma-  
tri aedificandi; tum peregrinationes memorat mari terraque re-  
creandi animi causa susceptas; denique, quae orationis varian-  
dae causa conclusioni (vv. 41. sqq.) demum doce adjiciuntur,  
aedificia splendida, pretiosam supellegilem, atque oblecta-  
menta convivialia. — *Pisces sentiunt aequor contractum, coar-*

statum, augustiori mari includantur. Praeclare sic piscinarum maritimorum amplitudo oculis subjicitur. Quam eandem alia imagine repreäsentavit Senec. Thyest. 459. *Non classibus piscamur, et retro mare jacta fugamus mole,* qui locus e nostro ductus videtur. Insulæ quidam ipsum mare, cui decessit aliquantulum, contractum dici autumant; nec melius alii, quibus ignotae haec piscinæ erant, de piscibus cogitant molium ambitu forte comprehensis, antequam spatium inclusum caementis expleretur; quae sane admodum jejuna foret piscium mentio: quae contra ad notandum seculi istius infamem luxuriam gravissima est, si memineris cum alias ob causas, tum, ut quavis tempestate piscium maritimorum copia esset, insanos hos sumtus fuisse impensos. Piscibus autem hunc *sensum* (*sentiunt aeq. contr.*) tribui, ne quis sententiam paullo argutius expressam putet, a poetica omnino ratione haud alienum videri debet. Qua simili vel Ti. bull. II. 3. 45. *Claudit et indomitum moles mare,* latus ut intra negligat hibernas piscis adesse minas. — 34. *Jactis immissis in altum saxorum molibus,* quibus mare excludatur. Verbis propriis poeta usus est, *jaci enim in mare moles* dicuntur, quoties excluditur aqua, necante Aeron. Cf. Torrent. h. I. Nostrum respexit Sidonius II. 57. *Itur in aequor molibus, et veteres tellus nova contrahit undas.* — *huc frequens cet.* Εὐάργειαν in exornanda hac pictura facile sentias. Opus laboriosa operiorum contentione, instigante redemptore maturatur; dominus adstat atque instat ferventi operi, cuius mox absoluti ipsum pertaesum est. *Redemptor*, qui opus faciendum certa mercede conduxit, *frequens cum famulis*, docte pro, cum frequentibus, multis servis operariis, *demittit caementa*, struem lapideam, Puteolano pulvere coagmentataam, compaginem saxeam, qua structurae soliditas efficitur. Cf. Heyn. ad Virg. Aen. IX. 711. Partem adeo munimenti nunc posuit poeta, quum antea generaliori vocabulo (*moles*) usus esset. Indocte autem plerique intpp. statunt, moles pro aggere mari excludendo oppositas, caemento autem totum spatium, quod mari detractum esset, expletum fuisse; nam et hoc communiendo aggeri, cui practoria inaedificabantur, et, quae his constructionibus inclusa erat pars maris, diversis piscium maritimorum gregibus saginandis inserviebat. Similiter Martial. IX. ep. 76. in fundamento balnei silicem duram ei structile eos.

*mentum* conjunctim ponit. — *terrae fastidiosus*, quem pertaesum est in terra habitare, quem aegritudo terra expellit; gravior hoc adjectum. — 37. 38. Sed nec hic ipsi contingit esse tranquillo. Pro hoc quam ornate ac vivide: *Timor et Minae*, (personas cogita) quae terrent animum scelerum conscientium, Furiarum instar, scandunt eodem, quo dominus, concendent cum domino praetorium, comitantur eum. — 39. *Negue*, si mari iter relaxandi animi causa faciat, *Cura*, aegritudo deceedit ab aerata s. rostrata *triremi*, una cum eo navem concendet, perregreditur. Navem h. l. *aeratam* cum dilecta dictam puta; quasi Cura aeris fulgore haud deterreatur. — 40. *Et*, si equum concendet, iter voluptarium facturus, sedet, imminet tergo ejus. Cf. omnino II. 16. 21. sqq. et ibi Not. Ceterum simili colore Aeschylus Prom. 276. homini Πημονὴν προσιζάνειν et Theocr. XXI. 5. μελεδῶνας ἐφίστασθαι, item Lucret. II. 47. *Curas* sequaces dixit.

v. 42. *sqq.* Conclusio: Itaque si honorum ac divitiarum amplitudo, quasque eae vitae commoditates ac delicias adferunt, tantum abest, ut curas dispellant, ut novis potius animum onerent, et ad majora concupiscenda irritent; cur quaeso meae memediocritatis poeniteat, quae sola maximum ad bene beateque vivendum momentum efficit? *Dolentem*, aegro animo, curis maceratum vel splendidissimus divitiarum usus haudquam *delenit*, permuleet, erigit, exhilarat. Divitiarum nsum specialibus, quas aetas sua ipsi suggereret, notionibus exposuit poeta. Primo loco memoratur *Phrygii lapis*, s. marmor Synadicum, ad Synnada, Phrygiae oppidum, caesum. Candidum erat, maculisque distinctum purpureis. Statius Sily. I. 5. 37. *Purpura sola cavo Phrygiae quam Synnados antro ipse cruentavit maculis lucentibus Attis.* et inde Sidon. XXII. 137. *puniceo preciosus livor in antro Synnados.* Cf. omnino Plin. XXXV. 1. et Strabo L. IX. p. 437. et XII. p. 865. unde discitur, in maximo Romanis habitum fuisse pretio. Declaratur adeo a poeta aedium magnificentia, columnis Phrygiis distinctarum. Nota Tibulli III. 3. 13. *Quidve domus prodrest Phrygiis innixa columnis.* — 42. *Purpurarum*, purpurae usus sidere clarior, inversa ratione dictum pro, usus purpurae clarioris sidere. Iam *purpurae usum graeca doctrina atque elegantia* (de qua v. Valken. ad Eurip. Phoen. p. 71. et ad

Theor. XXII. 4.) hic positum censem, *χρῶμα πορφυρός*, pro simpl. *purpura*; quidni purpuram usui adconimo latam, adeoque vestes, stragulas purpureas simpliciter intelligas? eoque aperiit dorit locus Lucret. II. 47. quem in animo habuit poeta: *Metus hominum curaeque sequaces — neque fulgorem reverentur ab auro, nec clarum vestis splendorem* purpureai. Etsam in Virg. Ge. II. 466. Nec *casia liquidi corrumplitur* usus olivi, est oleo utuntur, casia haud corrupto. *Purpura sidere clarior*, est resplendens, lucida. *Sidus formae* ita dixit Stat. Silv. III. 4. 26. et *siderens artus* hoc sensu tribuit Veneri Claudio. XXXI. 3. Purpuree artem, maxime Laconicae, (v. ad II. 18. 7.) splendor proprius; unde fulgoris notionem simpliciter habet IV. 1. 10. Conf. omnino Dore. ad Charit. VI. 4. et Gesner. Th. LL. v. *purpureus*. — *Falerna vitis*, vina agri Falerni Campaniae, adeoque nobilissima. — 44. *Costum*, unguentum e radice fruticis, ejusdem nominis, qui in Patale, Indiae insula, provenit. De eo Plin. VII. 12. Cf. Salm. de Homonym. H. I. p. 128. — *Achaemenium*, Parthicum, ab Achaemene, Persarum rege, dicitur, quod illud ex India per Partborum regionem Ruram advehetur. Sic *nardum*, quae erat folium costi, *Achaemeniam* vocat noster V. 13. 12. Unguenta autem vino adponuit poeta, ex more convivantium. Vide v. c. II. 3. 13. II. 7. 21.

v. 44. Generalem sententiam: splendidam fortunam, quasque adserat vitae lauitias atque voluptatum illectamenta, ob inumeras, quibus animum impedian, curas ac sollicitudines, haudquaquam expetenda esse, in mediocri contra softe animum optime componi, speciali, notione expressam ita adornavit, ut se ipsum, de ejus veritate penitus persuasum, splendidum divitiarum contemtorem ferat, et in modica fortuna beatum sese ostendat; quo sane nihil fortius ad eundem in aliis extitandum sensum cogitari potest. Cf. III. 16. 18. sqq. Iam, quod speciatim erat: cur magnificas aedes exstruam, hoc parte tantum, quae aedium erat magnificentissima, descripta absolvit poeta. Atrium *sublime* et per se erat, et totius aedificii altitudinem animo objicit. Quo et spectat *moliar*, pro tenui, exstruam. Similiter Seneca Ep. LXXXIX. extr. ubi dicitum incaniam perstringit, ipsorum *tecta ex piano in altitudinem montium educta* memorat. Atrii splendor designatur per postes *invividendos*, superbos, maximi pretii. Sed quam delectum hoc

epitheton! Quod divitias invidiae obnoxias, atque etiam hoc nomine possessori molestas simul innuit. *Invidentam aulam* eadem virtute dixit II. 10. 7. Ceterum eadem in re Virg. Ge. II. 462. memorat *varios pulchra testudine postes* — *novo ritu*, ad novas architectonicas regulas descriptum. — 47. *Cur valle permutem divitias*, docta ac perpetua h. v. inversa structura (v. I. 17. 2. II. 12. 23.) pro, vallem divitiis, h. cur divitias praeoptem, anteponam agello meo Sabino *operosiores*, quae mihi multo magis molestae sint, quae animuni curis exerceant. Sane sententia sic satis aperta atque adposita h. l. Si tamen curiosius ornatus rationem, oppositionisque vim perpendas, tandem quidem, sed specialiori eademque exquisitorie adumbratam imagine deprehendes. Scilicet docte generalem divitiarum notionem posuit poeta, adstrictam tamen ad certam, qua eae ostenduntur, speciem opposita *valle* et adi *operosiores*. Unde recte cogas, aedes in altum eductas, h. l. intelligi debere. Est adeo: cur alta palatia praeteram valli meae Sabinae cum humili tecto? Ac ne de usu loquendi dubites, adi Not. ad II. 3. 20. ubi eadem notionem *divitias in altum exstructas* ponи vides; et aedes *operosae* sunt, multa opera, magno molimine exstructae. Quo plane sensu Ovid. Met. XV. 667. *operosa dei templa* et Sueton. Octav. LXXII *operosa praelatoria* dicuntur. Ceterum ad mentem poetae plane adposita sunt Menandrea apud Stob. Flor. Grot. p. 389. Κρεττον γάρ εστι — μὴ πόλλα ἀηδᾶς, ολίγα δὲ ἄδειας ἔχειν, πενίαν δὲ ἀλυπαν μᾶλλον, η πλοῦτον πικρέν.

~~~~~

## ARGUMENTUM II.

~~~~~

*Vix ullum Horatii carmen dari existimo,*  
*quod magis diversa super consilio ejus, tractatique argumenti ratione VV. DD. judicia expertum sit.* Atque in eorum quidem reprehensionem incurrit, qui tribus illud pariibus,

*in fortitudinis, virtutis et silentii laude celeb  
randa occupatis, a poeta ita descriptum ju  
dicarent, ut nullas planz inter eas nexus  
intercederet: quam quidem alii a poeta depel  
tere studuere hactenus, ut ad fratni divino  
hanc sententiarum diversarum ḥy concedi  
condonarique oportere pronuntiarent. Quae  
quam docta disputatio sit, et quam commode  
ita poetae causa agatur, facile intelligitur.  
Acutius alii sententiarum nexus sibi perspi  
cere visi, dum ad notiones, quas ipsi animo  
concepissent, poetae verbis satis violenter at  
que arbitrarie subjectas, exigent poetam,  
totius carminis pervertere argumentum. Fu  
ere denique, qui stricto in hoc carmen gladio  
grassati, tres istas partes in totidem carmi  
num frusta, quo concoquerentur scilicet fac  
iliis, discinderent. Nobis equidem Horatius  
hoc carmine tanquam in tabula priscae Ro  
manorum virtutis imaginem ad vivum deline  
are voluisse videtur, atque eo quidem consi  
lio, ut populares suos, ab ista veterum nor  
ma immane quantum degressos, ad adumbran  
dam eam exprimendumque exhortaretur at  
que incenderet. Non igitur virtutis in genere,  
sed ejus maxime, quae rem publicam pace  
belloque incolumem praestat atque florentis  
simam, sese praeceptorem fert, quam quidem  
civilem hand inepte adpellaveris. Hinc ad  
illuminandam istam virtutis imaginem eos  
potissimum adlevit colores, qui priscos gentis  
suae mores, per quos Romanum domi militi  
aque sartum tectumque stetisset imperium,  
plane referrent. Exhortatus igitur poetā  
jacentem Romanam ad pristinam laborum  
tolerantiam, fortitudinemque bellicam, qui-*

*bus adversus externos hostes defensetur res publica, ad virtutem commendandam progre- ditur, quam quidem formulis ac notionibus Stoicis ita descriptam dat, ut facile apparet, domestica ipsi istius exempla, quae imitanda proponeret, obversata fuisse. Scilicet ut studia cupiditatesque honorum atque am- bitiones e civitate, haud raro graviter inde concussa, tolleret, virtutem s. honesti stu- dium, non tam ob externa praemia, quae ad modum fortuita sint, quam per se expeten- dam pronuntiat; suam enim ipsimet inesse dignitatem amplissimam, suam esse aeternam nominis famam. Tum, qua nullum fortius ad continendam civitatem cogitari potest vin- culum, fidem in specie memorat, ad eamque servandam inventum Romanam, proposita Deorum vindicta, graviter exhortatur. At- que ad hanc quidem, specialiter a poeta adpo- sitam, neminem facile offensum iri arbitror, nisi qui poeticae ne dicam lyrice tractatio- nis plane ignarus sit.*

### Annotationes.

v. 1 sqq. *Duos fere modis sententia constitui potest, pro- uti verborum ordinem instituas. Alter modus est: Puer, Roma- nus, robustus, robustior aetate factus, adultus condiscat pau- periem pati, adsuescat paupertati, acri militia toleranda. Ita vero robustus nullam fere vim habet, cum puer adultioris aetatis notio insit (vide vel IV. 1. 15.); tum sententiae, si subtilius agas, minus recte se excipiunt (Puer paup. ferat, et Parthos cet.). Praestat igitur altera ratio, qua duo commata docte copulantur, quamque et ipsa verborum snadet collocatio: Puer condiscat paupertatem pati, robustusque fiat, indaretur acri militia, ut sufficiat tolerandis militiae aerumnis. Scilicet vul- garis forma erat; Juventus Romana severa disciplina continea-*

tur, unde corpus ad tolerandos militiae labores induretur, corroboretur. Jam severam disciplinam paupertatis notioni subjecit poeta, quae adeo vietu modico ac duro, vigiliis, caloris ac frigoris patientia, tolerandisque laboribus corpus atque animum confirmat atque ad fortitudinem acuit, ut contra luxus atque ignavia enervat ac deprimit. Praeclare in hanc rem Eurip. fr. Alex. apud Stob. Flor. 389. Κακόν τι βούλευμ' ην ἄρ' εἰς εὐχεδρίαν ω̄ λοῦτος ἀνθρώποισιν αἱ τ' ἄγαν τρυφαῖ. Πενία δύστηνον μὲν, ἀλλ' ὅμως τρεφει μοχθοῦντ' ἀμείνω τέκτη καὶ δραστήρια. Unde et ἄγαθὴ κουροτρόφος audit κενία Arcesilaο apud Stob. Tit. XCV. Cf. ad I. 12. 43. *Angusta*, ut res arcta, angusta (Juven. III. 165.); opponuntur res ampliae. — amice pati, ἀγαντῶς φέρειν ἀγαπᾶν, aequo animo eam ferre, lubenter in ea adquiescere, noto Graecismo. — acri, dura, lachrimosa; ut grave *Martis opus* Virgil. Aen. VIII. 516. — 3. Jam acrem militiam exponit, exornatque ulterius poeta, niemoratis speciatim, quibuscum congregatur miles Romanus, Parthis, ferocissima, eademque Romano nomini infestissima gente. — vexet, conturbet, affligat, adsidue instando. *Vexare turmas hostium* fortiori hoc significatu habes IV. 14. 23. — eques, utpote in pugna adversus Parthos equites. Res nota. — metuendus hasta, ornatius quam, hastatus, s. protentis vel conjectis in eos hastis. — 5. Moretur, sub divo, sub aere, in castris, (nam et haec ad aerumnas militiae referenda) ut soli ac frigori corpus adsuescat; et versetur in rebus trepidis, periculis, in summo discrimine, ne animus ad subita belli expavescat. Hoc igitur ad animum, illud ad corpus confirmandum spectat. *Res trepidae* in bello adeo sunt, ubi res in summum discrimen adductae sunt, maxime, quae nec opinantes opprimunt, ac percellunt. Ita Livius, Silius, et alii.

v. 6 — 12. Sequitur pictura ad sensuum et affectuum naturam ac veritatem summa cum ἐναργεῖς a poeta adornata, qua quidem vulgarem sententiam „timendus sit hostibus, audacter hostes invadat,“ vivide adumbratam facile cognoscas. Cogita legiones Romanas in hostili agro urbi admotas, hostem vel e castris ad moenia positis, vel ex urbe, eruptione facta, in aciem progressum atque manum conserentem, tum imbellem aetatem atque sexum e moenibus praeliantes spectantem,

suisque atque urbi timentem. Postremam hanc ideam ductam volant intpp. ex Hom. Il. 7. 154. quam sane natura rei, in summum discriminem adductae, suppeditat. Hinc mentio ejus rei in urbium obsidione satis frequens apud scriptores antiquos. Jam Hesiód. Scnt. Herc. 241. πλέονες ἔτι δῆριν ἔχοντες μάρπελον· αἱ δὲ γυναικες εὐδημήτων ἐστὶ πύργων χάλκεον ἵξυ βασιν, κατὰ δὲ ἑδρύωτον παρεῖται. Esquisitum autem artificium poetæ agnosce in revocata ad certam speciem generali imagine, atque ad eam quidem, qua mirifice legentis animum affectuni iri intelligeret. — *Illum pugnantem prospiciens e moenibus hostiis, hostilibus, matrona tyranni, uxor regis bellantis, bellum cum pop. Romano gerentis, et virgo adulta, nubilis, suspiraret suspirarent, h. suspiriis timorem prodant, metuant, ne cet. Alii, τῷ eheu forsan inducti, sqq. puellae verba et suspirare pro, cum gemitu dicere, dictum statuant, minus docta atque concinna ratione.* — 9. *rudis agminum, pugnandi, imbellis, cum tali scilicet adversario commissus; suaviter, et ex intimo istarum seminarum, misere ejus vitae timentium, animi sensu: quem ceteroquin tibi fortissimum singas licet.* — 10. *sponsus regius, juvenis regiae virginis desponsus. Sed et ipsum filium recte statuas.* — *Incessat, irritet, impetat, adgredietur leonem, juvenem Romanum leonis instar ferocientem, for- tissime pugnantem. Nobilitavit docta hac ratione poeta fre- quentem satis viri fortis cum leone comparationem. Similiter Sil. VII. 401. Jam cernes Libycum hunc vallo adsultare leo- nem, de Hannibale. Perductus forte eo fuit Homericò epitheto θυμολέων, v. c. Il. 1, 639. Od. 8. 814. λ, 266. cf. Hesiod. Theog. 1007. — asperum tactu, ad quem si accedas, ubi eum pro- voces, asperatur, furit, Docte redditur Graecorum ἀπλητος, h. ἀπρόσμαχος, ἀπόστοτος. Iratum asperum dici, nota res. Asper et improbus ira de lupo Virg. Aen. IX. 62. τραχὺς λύκος Theocr. ep. 6. 3. Atque a vultu aspero, truculento, irato (*Asper, acerba tuens, Virg. Aen. IX. 764.*) metaphoram potius petitam duxerim, quam a mari aspero. — 11 Quem *ira, ardor, cupiditas pugnandi cruenta* cruoris cupida (proprie ipse *cruentus, truculentus, caedis cupidus*) effera *rapit, prae- cipitem agit, fert, h. qui ira percitus fertur,* (*Ιδος φέρεται μίνει de leone Hom. Il. v. 172.*) grassatur per medium hostium aciem, per confertos hostes; pro hoc multo gravius est *per**

*medias caedes*, per hostium consertim a se caesorum agmina, qui late stragem edit. Eadem vi Achilles in caedem Lyciorum e Seyro proreptus dicitur I. 8. 16. De iracundia leonibus insita cf. I. 16. 15. Adposite quoque Lucret. III. 297. *in primis vis est violenta leonum, pectora qui fremitu rumpunt plerumque gementes, nec capere irarum fluctus in pectore possunt.* Ceterum ira virtutem bellicam declarati, in vulgus notum.

v. 13. *Nexus*: strenue rem agat miles Romanus, memor, nihil aut dulcius, aut gloriosius esse, quam atrociter dimicando pro patria mortem oppetere, a qua nec ignavi ac fugientes e prolio immunes sint. Sed majorem vim habet gnomus absolute sic posita. Notissima Tyrtaei: τεδνάμεναι γὰρ καλὸν ἐστι προμάχοισι πεσόντα ἀνδρέα ἀγαθὸν περὶ η πατρίδι μηρυάμενον, et Callini (Anal. Br. I. 30,) τιμῆν τι γάρ ἐστι καὶ ἀγλαὸν ἀνδρὶ μάχεσθαι γῆς πέρι καὶ παιῶν, κουριδίης τὸ ἀλέκου δυσμενέστοι, cetera. — 14. Etiam ignavos mors opprimit, milites in fuga caeduntur. Hoc imagine Simonidea descripsit poeta: ὁ δὲ αὐτὸς Θάνατος ἐπιχειρεῖ τὸν φυγόμαχον. Scilicet antiquo phantasmate Mors, Πότμος, Μόρφα, Κῆρος inter acies errare (Hesiod. Sent. 249.), militi morti addicto adstare (Κῆρες ἐπεστράντι θανάτῳ II. μ. 326. ἄγκη παριστατεῖ οὐλόμενος Κῆρ Q. Cal. VI. 427.) eum adsequi ac rapere; nota Homericā, ἔλλαξθε πορφύρεος Θάνατος, ἔλε Μόρφα Πότμος) dicuntur. — *fugaceum persequitur*, fugienti instar, donec adsequatur; pertinaciam enim in sequendo declarat hoc verbum, estque ornatius quam, consequitur. — Caedendo terga ac poplites; nam hos maxime petebat hostis insequens. Memorato hoc speciatim mortis genere et tota imago mite animatur, et ignominiae nota, quae ei inest maxima, simul, ob oculos ponitur. — *tergo timido, timidi, militis fugientis.*

v. 17. sqq. Laudata tolerantia ac fortitudine generatim nunc poeta virtutem commendat, momentis, quae ad amplectendam eam invitent ac perducant, ex ipsa deductis. *Virtutem* nimiron (Plautinis uti liceat, Amphitr. II. 2. 17.) *praemium esse optimum, virtutem omnibus rebus anteire profecto, virtutem omnia in se habere, omnia adesse bona, quem penes sit virtus.* Hanc igitur sectari oportere, ut vere beatum te intelligas, quod quidem divitiarum, honorum, ceterarumque rerum externalium possessione etsi amplissima neu-

tipnam adsequare. Magnifice haec, adsumta gravi Stoici sapientis persona, eloquutas est poeta. Jam quum Stoicis virtus rationis absolutio (Cic. de Fin. V. c. 14.) sit h. recta atque consummata ratio, naturae consentanea, facile perspicitur, in hominem ista praeditum ea cadere omnia, imo soli huic propria esse, quae nisi ducet ista recte administrari nequeant. Ducta inde Paradoxa ista: Sapientem solum esse regem, qui, virtus affectibusque superior, optime imperio sanguis calleat, quum privati hac virtute multorum quidem domini, sed plurimorum vitiorum servi sint; solum divitem, qui nulla re egeat, divitiisque solus uti sciat, insipidi contra solani κτήσιν habent, et, inexpleibili libidine vexati, vero egeant, verbo, omnia sapientis rectissime dici, qui sciat uti solus omnibus. Hinc et Nostrum: Sapientem solum ac perpetuum esse magistratum, Consulem, Dictatorem, Praetorem, quod is solus numeri isto recte fungatur, et quod virtutis possessio perpetua sit; ceteros autem, honore isto a populo ornatos, privatos. Ita Albinum praetorem refert Cicero (Acad. Qaest. IV. 45.) cum Carneades et Stoicos Diogenes in Capitolio starent, jocantem Carnaeadi dixisse: *Ego tibi praetor esse non video, quia sapiens non sum; — tum ille; Huic Stoico non videris.* Docte autem poeta hoc dogmate totam descripsit virtutem Stoicam, ut ostenderet, in ea sola reposita esse omnia, dignitatem habere ex se sola, praemia a deo, quibus amantes sui condecoreret, esse ampla, certa ac solida. — 17. *nescia repulsae*, quae repulsam numquam fert, non, quod virtute praestantes viri a populo aut a regibus honores non petant, neque se ei periculo committant, ut repulsam ferre possint, ut quidem Lambinus expedit; quandoquidem honores, ceteraque, quae in ἀδικοφόροις, quae secundum naturam sunt, προηγμένων nomine veniunt, sumenda utique ac quadam aestimatione dignanda censebant Stoici: neque verior, etsi multo speciosior, altera haec explicandi est ratio: quae repulsam ignominiosam pati nequit, cui non tarpe est, repulsam ferre, quum virtus haud ulli obnoxia injuriae sit. Quam in rem apte laudant illustre Catonis exemplum, in praeturae petitione praeteriti, huncque populi contemtam magnifice contemnit, de quo Seneca ep. 104. *Vides honorem et notam posse contemni? eodem, quo repulsus est die, in comitio pila lusit.* Agitur his vv. de dignitate vir-

enti propria ac debita; hanc, quo magis extollat, poeta comparat cum fucato splendore, quem dignitas a populo ingestam habeat; hanc incertam: pravis artibus obfuscatam alieni arbitrii adeoque instabilem, illam propriam, nativo decore coruscum, ac perpetuam esse. Est igitur: *Virtutis honores certi sunt, sapiens magistratum gerit virtuti suae proprium, numquam adeo repulsam fert, qua nonnumquam notantur in, qui populares honores* (uti Boeth. Cons. Phil. III. 4. vocat) ambiunt. Ita *sordidae* in genere notam designat, quae repulsae ex vulgi opinione inhaeret. — 18. *fulget honoribus*, ornate et cum vi pro, magistratum gerit; nam est magistratus sapientis, qui soli virtuti innititur, nullis sordibus obscuratae, cuius adeo summus fulgor est. Cic. de Fin. III. 14. *Ut obscuratur et offenditur luce solis lumen lucernae; — sic quum sit is bunorum finis, quem Stoici dicunt, omnis ista rerum in corpore sitarum aestimatio* (*τὸν οὐκ ἐφ' ἡμῖν*, adeoque honorum, divitiarum cet.) *splendore virtutis et magnitudine obscuretur, obruatur, atque intereat necesse est.* Id. pro Sex. XXVIII. *Virtus lucet in tenebris, splendetque per se semper, neque alienis unquam sordibus obsolescit.* Hinc honores ejus *intaminati*, puri, nulla, ut populares, labe polluti, quibus dignitatem ac splendorem hominam denum fallax adnectit opinio. Hi adeo *per se* sordidi, abjecti, quod propria vi carent, qua explendescant, non ut fere volunt, quod pravis ambitus artibus quaeruntur; illi naturali splendore conspicui. — 19. 20. Etiam in his vv. turbatum est ab Intpp. Est simpliciter: *Virtutis possessio perpetua est, est ἀναφείπετος, stabilis, immutabilis; honores adeo ejus itidem stabiles ac perpetui, non unius anni* (VI. 9. 39.) *populares contra sumuntur ac ponuntur alieno arbitrio.* — *Secures, fasces, insigne imperii, pro ipso imperio, magistratu.* — *Aura popularis, favor populi instabilis, judicium, quod nulla certa ratione ducitur, quod levissimis de causis impellitur.* Ad verba ac sententiam poetae Stat. Silv. II. 2. 121. *Midae gazis et Lydo ditior auro, Troica et Euphrataea supra diademata felix, quem non ambigui fasces, non mobile vulgus, non leges, non castra tenent, qui pscitore magno spemque metumque domas vitio sublimior omni cet. in quibus coassummatam Stoicae virtutis imaginem facile agnoscas.*

v. 21 — 24. Alterum virtutis incitamentum, immortalitas.

Possit quidem tetrasticho poetice declaratus videri sapientis animus *erectus ad supra, sectator coelestium, devius caducorum* (ut Macrobi. in Somn. Scip. c. XVII. eloquitur) qui exercitio virtutis Deo adsimilatur; de quo, eodem colore Plato in Philebo 173. *τειράσθαι χρὶ ἐνθένδε ἔκεισε φεύγειν* οὐ τέλεστα. Φυγὴ δὲ δομοῖσις τῷ θεῷ κατὰ τὸ δυνατόν. 'Ομοιώσις δέ, δίκαιον. καὶ δοσον μετὰ φρονήσεως γενέσθαι. Senec. ep. 65. *Philosophia animum a terrenis dimittit ad divina.* Haec libertas ejus est, haec evagatio: subducit interim se custodiae, qua tenetur, et coelo reficitur. Idem ep. 75. *Ex hac faece evadimus in illud sublime et excelsum, ubi tranquillitas nos manet* oet. Etiam v. 23. 24. ad animum ab omni labore humana purum et intactum, τέλεον, καθαρὸν, ἐξηρτημένον ἀπὸ τῆς ἀνθρωπίνης φύσης, ut Stoici loquuntur, satis commode transfigeri possunt. Sed interposita *recludens* . . . . coelum dissudent hanc rationem et v. 25. *Est et fideli tuta sil. merces,* manifesto docet, etiam hic de virtutis mercede accipi debere. — *recludens* patescens *coelum immeritis mori*, mori haud sinit viros immortalitate dignos, in coelum subvehit sui amantes. Parum opportune haec interjecta esse, facile adparebit, si seqq. consideres. In hoc enim membro est Virtus dea, in altero abstracte ponitur pro homine virtute praedito. Deberet esse: *recludens* immeritae mori sc. sibi coelum, quamquam, si sensum tuum consulas, parum placeat. Ad sententiam poetæ Seneca Herc. Oet. 1961 et 1923. *Virtus in astra tendit, et: numquam Stygias fertur ad undas inclyta Virtus.* — *tentat iter via copia poetica pro, iter molitur, via ingreditur, negata inaccessa multitudini insipidae.* Nam soli *virtuti ria nulla invia est*, Ovid. Metam. XIV. 113. Sic *negatas vias* redditum ex inferis locis, paucis concessum (Virg. Aen. VI. 129.) vocat Senec. Hippol. 224. *Tentare* solenne de arduo ac difficulti conatu. Sic *aérias tentasse domos* l. 28. 5. *coelestia tentare* I. Epp. 17. 34. ut alios omittam. 23. 24. *Spernit fugiente penna,* fugit, evolat in coelum spernens, deserens, relinquens *coc-tus vulgares*, vulgus virtutis expers, cui adeo inaccessa haec via; et humum *udam*, nebulosam, humidam, ob crassum aërem, qui terrae proximus est. Opponitur *aether liquidus* II. 20. 2. Landant Val. Flacc. I. 10. *Eripe me populis et habenti nubila terrae.*

v. 25. sqq. In constituendo horum vv. cum artecedentibus  
nexu, ipsaque cruenda inde sententia magnopere turbare atque aestuare videas interpres. Cujus quidem discidi causas in operosiori cultu, abstrusiorique ornatu, quo sententiam involvit ac paene dicam obruit poeta, quaerendas esse facile deprehendas. Esse hoc poetarum tamquam spiritu divino adflatorum, inquit Lambinus non semper in proposito sermone haertere, sed ad alia nonnumquam aberrare, sententiaque longe a principio diversa carmen concludere. Igitur et hic poetam aberrare ad laudem silentii, neque postea reverti ad sermonem institutum. Cruquius de taciturnitate militari h. de tacendis arcanis consiliis, nominibus deorum patrionum, ne ab hoste evocentur cet. loqui poetam autumat. Jani denique pietatem adversus deos opinatur inculcari his v. a poeta. Quibus omnibus refragantur verba, ac hora ratio, quae et poetae enthusiasmus (qui tamen hic nullus est) correpto constare debet. Unus omnium verum, quamquam ex parte tantum vidit Torrentius, qui „poetam nec fidem, quae silentio probetur, collaudare, et perfidiae poenam conminari“ rectissime pronuntiat; falsus tamen in loco, quod subjicit veluti diviro numine adflatum vatem diversas in unum carmen conjecisse sententias. Vide Argum. Scilicet Virtute in genere laudata speciatim nunc poeta contemperat. Idem, utque huic sua constet merces suum praemium; ita perfidiae contra poenam manere ait certissimam. Fidem autem tisi designet una potissimum parte, atque ea quidem, qua maxime spectetur, silentio; (uti contra *Fides arcani prodiga* est I. 18. extr.) latiore tamen sensu h. l. accipiedam, omninoque intelligendam esse eam, qua pactis cuiuscunque generis religiose servandis obstringimur, e seqq., ubi violatae fidei s. perfidiae poenae a Jove ἐργίῳ infligi dicuntur, satis liquidum fit. Atque ita demum de verborum sensu tuto pronuntiare licet, qui, rejecto poeticō velamine, hoc ordine procedere debet: Etiam Fidei servandae intenta sit juventus Romana; quae uti cultorem suum amplissimis atque certissimis ornat praemiis, ita is, qui eam prodit ac deserit, scelere se obligat gravissimo, adeo quidem, ut plane ei aequiparandus sit, qui mysteria Cereris evulgaverit. Poenam igitur manere talem hominem certissimam (vv. 31. 32. gravissimamque, quippe quae vel ad

eos pertingat, qui, ipsi quamvis integri purique sint, cum isto consortium habent. Jam quum sententiae v. 25. elocutionem ad Augusti dictum, ἀλλ᾽ οἵτι καὶ σιγῆς ἀκίνδυνον γέρες quod in ejus Apophth. ad Athenodorum Plutarchus (T. II. p. 207. Fr.) refert, conformasset poeta, prona satis erat perjuri cum sacrilego, qui sanctissima mysteria eloquitur h. cum scelestissimo homine comparatio. Hanc autem graecis ideis amplificatam dedit poeta, ut statim videbimus. Jam expende elocutionis vim et ornatum. *Merces tuta, μισθὸς ἀσφαλής, γέρες ἀκίνδυνος,* praemium certum constitutum est *fidi silentio, fidei,* quae silentio praestatur, tum omnino fidei in genere. Proprium hoc habet fides tamquam virtus, quae sibi ipsa merces est. Vide ad v. 17. Omnis vis igitur ponenda in epitheto, ut fidèle silentium idem sit, quod Senecae Thyest. 317. *fides tacita et Herc. fur. 301. fides muta* dicitur. Plane ita *aestuosa impotentiam*, pro aestu impotenti posuit Noster V. 16, 62. Et sic saepius alibi. — 26. Sequitur oppositio: perjurio contra statuta est poena gravissima. Jam hoc ita convertit poeta: perjurus haud minus nocens est, quam qui mysteria Eleusinia divulgit. At majorem *ἰνάργεται* indignatio habet, qua conversionem hanc acuit poeta: Detestor, avesor tam scelerati hominis consortium. Pro scelerato est, qui *sacrum Cereris arcanae, h. sacra arcana Cereris, mysteria Eleusinia vulgarat*, prodit; et pro consortio speciatim est: ne sit mecum *sub iisdem trabibus, ὁμωρόποιος* (v. Valken. Diatr. p. 189.) sub eodem tecto, domo, aut *solvat phaselum, h. funes, quibus litori adligatus est, ornate pro, paret mecum navigationem;* mecum naviget. Phaselum pro procunqne navigio poeta posuit, cum dilectu; auget enim propter exiguum formam et materiam fragilem, e qua compactus est, se. fictili, (unde *fictiles phaselos* vocat Juven. XV. 127. periculi metum. Hinc *fragilis* audit Nostro et Ovid. ex Pont. I. 10. 39. Ceterum idem sententiae color est in Eurip. Electr. 1334. *ἀδικεῖν μηδὲ θελέτω, μήδ' εἴπιον· μέττα συμπλείτω.* Proprius tamen ad orationis formam Callim. H. Cer. 118. *Δάματερ μή τῆνος ἐμοὶ φίλος, ὃς τοι ἀπεχθῆς εἴη μηδὲ ὁμέτοιχος.*

v. 29. *Diespiter* (v. ad I. 34.5.) neglectus, cuius numen, vindictam haud veritus est homo jurejurando obstrictus, quem adeo perjurio violavit. Hoc plane sensu Catullus LXIV. 133.

de Theseo: *siccine discedens*, neglecto nomine divum immemor ab *devota domum perjuria portas*. — *Addidit oīpiotac*, (ut mox deseruit) addit *incesto*, perfido, *integrum intactum* puerum a perjurio, cum isto degentem; perjurum ultarus, interdum ne insonti quidem, cum isto viventi, parcit, sc. ne noxiis elabatur. Communis haec antiquorum populorum opinio de vindicta divina, qua et scelerum contagioni obviam iri, aliosque a perpetrandis iis, metu deorum injecto, absterreri credebat. Adpositus hanc in rem est locus Aeschyl. VII. adv. Theb. 605. sqq. ἐν ταντὶ πράγματι ἵσθι ὅμιλιας κακῆς χάριον οὐδὲν — οὐ γὰρ ξυνεισβὰς πολοῖον εύσεβης ἀνὴρ ναύτροις θερμοῖς καὶ πανουργίᾳ τινὶ, ὀλωλεν ἀνδρῶν σὺν θεοπτύστῳ γένεται. οὐ ξὺν πολίταις ἀνδράσιν, δίκαιος ὁν ἔχθροξένοις τε καὶ θεῶν ἀμνήμοσε ταυτοῦ κυρήσας ἄνδικος ἀγρεύματος αληγεις θεοῦ μάστιγι παγκοίων δάμη. Laudant et Hesiod. Ἐργ. 240. Eurip. Suppl. 226.

v. 31. 32. Graviter claudit generalis sententia: Sceleri vindictam divinam imminentem, raro sceleratum poenam effugere; quae vividam pictura a poeta adumbratur. Cogitanda Poena Dea, scelerum vindex, quae antecedentem scelestum insequitur, Νέμεσις ὑστερόπατος μετερχομένη, (Strato ep. LXXI. 2. 3. Anal. Br. II. 375.) Ιχνατη (Diod. Sard. V. 1. Anal. Br. II. p. 186.) Ἐρινύς ὑστερόποντος (Orph. Argon. 1162. αἰὲν Ἐρινύς ὑστερόποντος ἔχεται) ὑστερόποντος (Aeschyl. Ag. 58.) ὑστερόφθόρος (Soph. Antig. 1088). Nota quoque Platonis: ἀκόλουθος τῆς ἀδίκιας η τιμωρία. Jam quam *lento gradu* nonnumquam ad vindictam sui divina procedat *ira*, (Valer. Max. I. 1. fin.) eadem dea *clauda* singitur h. l. Alias est *tardigrada*, ut in notissimo Eurip. fragm. apud Plut. de S. N. V. p. 6. ed. Vytteneb. σῆγα καὶ βραδεῖ ποδὶ στείχουσα (Δίκη) μάρψει τοὺς κακοὺς, ἔταν τύχη. *Lentoque irrepunt agmine Poena*, Stat. Theb. V. 60. Ad Nostrum Tib. I. 9. 4. *Sera tamen tacitis Poena tenit pedibus*. Incertus apud Stob. Ecl. phys. VII. p. 119. Grot. ιμέρας η νυκτὸς η Δίκη ποτὶ τῷ θυσεβοῦντι σῆγ' ἔχουσ' ἐνήλατο. *Tacitos pedes* elegantius ἀπαλοὺς πόδας vocat Rhian. I. 17. η δ' Ατη ἀπαλοῖσι μετατραχῆσσα πόδοσιν ἀλέργης ἐν κεφαλῆσιν ἀνύστος καὶ ἄφαντος — ἐφισταται. Quo eodem respectu Diis iratis laneos pedes tribui potius censuerim, quam quod tarde veniant innocentibus, ut existimat Porphyri. h. l.



### ARGUMENTUM. III.

---

*Exposita atque vividissimis coloribus adumbrata animi in recto atque honesto constantia, ad praenia, quae ei parata atque constituta sunt maxima, poeta progreditur, eaque, maxime in aeternitate nominis posita, ad maiorem rei fidem faciendam, heroum statim, qui ista consequuti sint, exemplis declarat atque illustrat. Percensita igitur Dioscurorum, Herculis et Bacchi, quibus Augusti numen mira arte immiscetur, apotheosi, in Romulo, immortalibus editis operibus (Liv. I. 16.) immortalitatem adepto, subsistit. Atque hujus quidem, Urbis quippe imperiique. Romani conditoris, consecrationem poeta latius persequitur, itaque tractat, ut rem in concilio Deorum de recipiendo inter ipsos Romulo agitatam transactamque plane repraesentet, oculisque paene subjiciat, quo fortius scilicet popularium suorum, quibus virtutis pertinaciam hoc carmine vellet commendatissimam, feriret animos, adque aemulandum istud exemplum incenderet. Quod ut adsequeretur poeta, Senatus Romani de Julio Caesare divinis honoribus mactando stuentis atque deliberantis speciem magna cum dignitate ad deos transtulit, quorum concilia, super humanis rebus habita, poetis epicis, Homeri exemplo, admodum frequentari nosset. Neque vero perrogatas singulorum Deorum sententias adposuit, sed satis habuit, solam Junonis, utpote quae ceterorum iudicia, quibus Romulum ornassent honorificentissimis, satis manifestaret, luculenta oratione explicitam referre. Atque in hoc*

quidem exquisitum poetae perspicitur judicium, quandoquidem ad Romuli merita recte aestimanda, omninoque ad majorem rei gestae fidem faciendam hoc Junonis effatu vix quidquam cogitari poterat illustrius atque efficacius. Maxima enim Romuli merita fingas tibi necesse est, quae Junonem, implacabili erga Trojanos eorumque reliquias flagrantem odio, perpulerint, ut tanta ei præmia concederet. Aliae insuper causae adfendae, rationesque ita subducendae erant, et ne inveteratum Junonis odium (quod in femina plane unquam restinctum iri nemo facile in animum induxerit) facti obstaret probabilitati. Quod quidem egregie cavit poeta, dum illud odium Trojae cineribus, ut ita dicam, inureret, istiusque terræ solo circumscriberet; idque ad Romanos tum demum commigraturum esse significat, si de Troja instauranda unquam consilia inirent. Quod suspicaturam Junonem admodum proclive erat, quum coloniae pro veteri necessitudine tenerentur, metropolin suam omni modo juvare, afflictam vel adeo deletam erigere atque instaurare. Igitur initio statim exsultat de eversa Troja muliebris Iunonis impotentia, ipsas hujus urbis ruinas sepultas, solumque vastum ferisque inhabitatum superbe laetatur, utque acceptae a Paride injuriae, primariae irarum causae, qua vix gravior ulla feminae offerri possit, perpetua haecce sint solamina, unice laborat. Hinc facilem sese Marti pro Romulo deprecanti præbet, in ejusque apotheosin consentit et vel immensam imperio Romano magnitudinem spondet, dummodo ne Troja unquam a Romanis exscitetur. Ductum hoc plane ex animi com-

*motioris natura, qua alteri omnia lubentes largimur, dummodo, de quo cupide laboramus, id consequamur.* — *En argumentum carminis summo cum artificio contexti, in quo describendo mirandum adeo non est, interpres aliosque viros doctos diversa admodum sequitos, omnesque fere nebulam pro Junone, ipsis miris modis oratione sua illudente, fuisse amplexos.*

#### A d n o t a t i o n e s.

v. 1 — 8. *Virum justum, eundemque propositi tenacem,* in proposito suo, h. in justo sectando perseverantem, (*justitiae pertinacem* vocat Apul. Apol. p. 338.) *semper in proposito susceptoque consilio permanentem* (quod de Catone praedicit Cic. Off. I. 31.), nihil a virtute sua abstrahit. Exquisitissimarum imaginum copia hanc sententiam, quae carminis primaria est, illustravit poeta. — 2. *ardor civium* concitata atque factiosorum hominum studiis exasperata civium multitudine, *prava*, civitati exitiosa *jubentium*, volentium, vi ad obtinenda ea grassantium. Ad conciones turbulentas in libera civitate referunt fere intpp., et *jubere* sensu Romano accipiunt, ut in nota formula, *velitis, jubeatis Quirites*; ut adeo *prava* *jubere* simpliciter esset: iniquas leges ferre, uti Scholl. expediunt; haud incommodo utique. Majorem tamen *desiderata* sententia hacet, si de seditione populi, ubi ardet s. *saevit animis ignobile vulgus* (Virg. Aen. I. 149. de eadem re) et *prava* *jubet*, imperat, imperiose postulat, quibus sese vir recti amans audacter opponit, accipias. Constantiam enim, animique firmitatem hoc modo magis spectari comprobarique quis non sentit? Atque ita *furorem civilem ac rim* Noster adhibuit IV. 15. 17. — 3. *Vultus instantis, tyranni*, docte et *εραγγός* pro, tyrannus vultu truculento instans, terribilium adparatu ad *prava* compellens. Seneca de Const. Sap. c. IV. *Etiam cum potentes et imperio editi et consensu servientium validi nocere ei intendent, citra sapientem omnes eorum impetus deficient.* Et magis adposite Javen. VIII. 79. *Phalaris licet*

*imperet ut sis falsus et admoto dictet perjuria tauro cet.* — 3. *quatit*, concutit, labefactat, deturbat eam de mente solidam, conturbat animi ejus constantiam, adversus omnia confirmatam. Docte Boettigerus comparat Simonideam sententiam, quae est apud Plat. *Protag.* T. I. p. 339. Steph. λέγει που Σιμωνίδης — ἐτι ἄνδρα ἀγαθὸν μὲν ἀληθέως γενέσθαι χαλεπὸν, χεροὶ τε καὶ ποσὶ καίνοῳ τετράγωνον ἀνευ φόγου τετυγμένον. Idem Simonidis respexit Aristot. I. I. de Mor. c. 11. Καὶ τὰς τύχας οἰσει καλλιστα, καὶ πάντη πάντως ἐμμελῶς ὅγ' αἱ ἀγαθὸι ἀληθῶς, καὶ τετράγωνος ἀνευ φόγου. Etiam Diog. Laert. in Pittacc L. I. c. 76. οὐ καὶ Σιμωνίδης μέμνηται, ἄνδρα ἀγαθὸν ἀληθέως γενέσθαι χαλεπόν. Vid omnino docte de hac Simonidea sententia agentem Heyn. Opusc. Acad. T. I. p. 160. sqq. Ad rem ac verba Seneca de Const. Sap. c. III. Quomodo quorundam lapidum inexpugnabilis ferro duritia est, nec secari adamas aut caedi vel deteri potest, sed incurrentia ultrō retundit; — quemadmodum projecti in altum scopuli mare frangunt, ita sapientis animus solidus est. Idem c. VI. Non est quod dubites, an tollere se homo natus supra humana possit, an dolores, damna, ulcerationes, vulnera, magnos motus rerum circa se frementium securus adspiciat — En adsum hoc vobis probaturus, munimenta incussu arietis labefieri, et turriam altitudinem cuniculis et latentibus fossis repente residere; at nulla machinamenta posse reperiri, quae bene fundatum animum agitant. — neque Auster cet. Neque rerum, quas formidabiles natura habet, timor sapientis animum percellit. Ad physicos terrores transit poeta, Pindari exemplo. Vide ad III. 30. init. Pro mari tempestuoso dōcte est *Auster dux Hadriae*, qui imperium exercet in mare Adriaticum, qui adeo procellas excitat in mari. De eodem I. 3. 15. Quo non arbiter Hadriae major tollere seu ponere vult freta. Cf. II. 17. 19. III. 17. 9. Ita et expedienda illa Taciti Annal. II. 23. *Omne dehinc coelum, et mare omne in Austrum cessit*; pro quo male numer quidam coni. in aestum cessit. *Turbidus*, ad saevitiam orisque truculentiam refer, qua mare impedit, lacescit. Ita doctius atque aptius *r̄-dux* erit phantasma, quam si simpliciter intelligas, qui turbat mare. Ira enim ac furor vehementiori vento proprius, ex poetarum constanti figmento. *Animosos Euros* ita Virgilius dixit Ge. II. 441. ut alios taceam. — 6. Nec

fulmen. Pro hoc satis ornatum erat, Jupiter fulmen jaculans; at quam vivide ac spendide pro isto, *magna manus* (ut *dextra rubens* I. 2. 3.) *Jovis fulminantis*. Doctam satis indocte nonnulli inversionem h. l. statuunt, dictamque esse volunt *magnum manum Jovis*, pro *magni Jovis m.* Magna utique manu opus erat, in fulmine longe mittendo, eoque satis magni ponderis (*δεκάπηχυν κεραυνὸν* Jovem Olympium dextra sustinuisse tradit Lucian. Tim. T. I. p. 107. Reiz.) Omnino cum magna manus augustiori deorum heroumque speciei satis adcommoda sit, tum ea maxime memoratur a poetis in re non nisi magnarum virium impendio perficienda. Ita vel Junoni *χεῖρα παχεῖν*, qua terram adusque Tartara commoveret, tribuit auctor Hymni in Apoll. vs. 340. Nec in Virg. Aen. V. 485. *Ingentique manu malum de nave Seresti erigit*, dubito, quin ingentem Aeneae manum cugitaverit poeta, hocque epitheton cum virtute posuerit, quem de malo erigendo serino sit. De Domitiano tamquam deo *Martialis IV. 8. 9. 10. bonus aethereo laxatur nectare Caesar, ingentique tenet pocula parca manu*, etsi parum suavi oppositione. Nostrum expressit Sil. VII. 371. *Coelene exciderint, et magna fulmina dextra torserit Omnipotens.* Mirare autem Sivrii acumen, jungentis, *fulminantis*, fulmine ferientis *magna*, juxta II. 10. 11. etsi a Boethio quoque hunc locum ita acceptum paene adfirmare ausim, Cons. Philos. I. Metr. IV. *Quisquis composito serenus aevo invictum potuit tenere vultum, non illum rabies minaeque ponti versum funditus excitantis aestum, aut celsas soliti ferrire turres ardantis via fulminis movebit.* — 7. 8. Docte varavit poeta orationis structuram, quae ita continuanda erat: nec coeli ruina viri justi animum conturbabit. Si *orbis coeli, coelum fractum illabatur, frangatur, dissiliat, atque irruat in ipsum.* Scilicet rudiori aevo quum homines tonitrus fragorem a coelo aereo, per quod Jupiter curru itidem aereo inheretur, repeterent, proclive sane fuit, ut graviore sono perterriti ipsam coeli ruinam aliquando extimescerent. Hinc in Theognideis. v. 849. *'Εν μοι ἐπείτα πέσοι μέγας οὐρανὸς εὑρὺς ἔπερθε χάλκεος, ἀνθρώπων δέμα παλαιγνενέων.* — *Ruinae, coelum ruens feriet, opprimet quidem eum sed impavidum, imperterritum.* Ad antiae contemtum totum locum translulit Seneca Quaest. Nat. VI 32. *Hanc qui contemserit, secu-*

*rus videbit maria turbari: etiamsi illa omnes exierint venti.*  
*Securus adspiciet fulminantis coeli trucem et horridam faciem.*  
*Frangitur licet coelum, et ignes suos in exitium omnium, in pri-*  
*mis suum misceat. Securus adspiciet ruptis compagibus so-*  
*lum etc. De sapiente Seneca Thyest. 358. eadem fere imagi-*  
*nnum progressionem: Quem non concutiet cadens obliqui via ful-*  
*minis, non Eurus rapiens mare, aut saevo rabidus freto ventosi*  
*tumor Adriae, quem non lancea militis aut strictus domuit*  
*chalybs.*

v. 9. sqq. Nobilissimus transitus. Vide nexus sententiarum vulgarem: Virum justi tenacem nihil a proposito suo divellit, hujusque constantiae fructus in ipsum redundant uberrimi, amplissima eum manent praemia. Jam inpromptu est intelligere, quam docta atque artificiosa posterioris sententiae, subjectis demum declaratae exemplis, sit conversio. Observatu quoque digna est lyrical brevitas in enantianda sententia: Tales se prae-  
stissetis Dioscuros ceterosque heroas, hujusque virtutis praemium tulisse immortalitatem. *Hac arte, hac certa agendi norma, sc. ut in*  
*justo perseverarent, hujus propositi tenaces, adeoque, hac invicta*  
*animi in sectando justo constantia. Alii artem & grym simpliciter*  
*esse volant, et vel inde per syncopen ductum cum Donato ad*  
*Ter. Andr. I. 1. 4. statuunt. Jam quum heroas istos non*  
*propter divinam ipsorum originem sed sola virtute sua coelum*  
*promeruisse, utilitatumque magnitudine (Cic. de Nat D. II.*  
*23.) constitutos fuisse deos constanter tradat antiquitas, aptio-*  
*ra his atque illustriora a poeta vix poni potuisse exempla, fa-*  
*cile intelligitur. Cic. de Legg. II. 8. *Divos et eos, qui coe-**

*lestes semper habiti, colunto, et ollos, quos endo coelo merita*  
*locaverint, Herculem, Liberum, Aesculapium, Castorem, Pol-*  
*lucem, Quirinum: et c. 11. Sicut Herculem et ceteros coli lex*  
*jubet, indicat omnium quidem animos immortales esse, sed for-*  
*tiuum honorumque divinos. Facit hoc divinum Aristotelis in*  
*Hermiam φύσις (in Anal. Br. I. 177.) unde haec delibamus:*  
*'Αρετὴ πολύμοχθε γένει βροτείω, — — ταῦτα ἐπὶ φρένι ἔρωτα*  
*βάλλεις, καρπὸν φέρεις τὸ θεάγετον. Σεῦ δὲ ἐνεχ-*  
*οῦκ Διός Ἡρακλῆς, Λήδης τε κουροὶ πολλὰ μέτρα*  
*εργοῖς σὺν αγρεύοντες δύναμιν. Sil. XV. 77. sqq. Quibus*  
*aetherei servatur seminis ortus (h. quibus divinam animae ori-*  
*ginem virtute adserere datum est) κοιλί porta patet. Referam*

*quid cuncta domantem Amphitryoniaden? quid, cui, post Seras et Indos captivo Liber quum signa referret ab Euro, Caucaeae currum duxere per oppida tigres? Quid suspiratos magno in discrimine nautis Ledaeos referam fratres, vestrumque Quirinum?* Cf. Ep. II. 1. 5 — 12. Lucan. IX. 9. — *Pollux cum fratre Castore.* De Dioscuris inter deos adscriptis v. Heyn. ad Apollod. p. 735. — *Hercules vagus*, qui totum terrarum orbem pervagatus ubique virtutis sua monumenta reliquit. Eurip. Herc. fur. 1196. Οὐκ ἀν γ' εἰδεῖς ἔτερον πολυμοχθέτερον πολυπλαγχτέρον τε. Θρατῶν. Adde Pind. Isthm. IV. 94. Apud Stat. Theb. VIII. 512. de Hercule: *duris famulus cum casibus omnes lustro vagus terras.* Cf. quoque Virg. Aen. VI. 802. Doce igitur declarantur hoc epitheto labores Herculis per universum terrarum orbem proditi, quorum praemium erat coelum, et Hebes conjugium. Cf. Hesiod. Theog. 950 sqq. Sophocl. Philoct. 1415 sqq. Pind. Nem. I. 105. sqq. Lucian. Concil. Deor. 6. p. 531. T. III. οὐκ δὲ γάρ πόνων ἐπίστατο (οὐ Ήρακλῆς) ἀθανασίαν. Incertus apud Brunk. Anal. III. p. 142. Σῆς ἀπερῆς ἰδεῶς καλὴν ἀπέδωκεν ἀμοιβὴν σὸς γενέτης, Ἡρακλεῖς, ἐπει πόνος ἀσπετον εὔχος ἀνδράσιν οἴδεν ἄγειν μετ' ἀπείρονας κύκλους ἀερίων. Ibid. p. 209. c. 281. οὐ γάρ ποι κρητήρ χαλκίλατος, οὐδὲ λέβητες, ἀλλ' ὁδὸς εἰς αὐλὴν Ζηνὸς ἐπαθλον ἐφυ. Stat. Silv. III. 1. 23. *tui solium Jovis et virtute parata astra tenes haustumque tibi succincta beati nectaris excluso melior Phryge, porrigit Hebe.* Herculis apotheosis exhibit anaglyphum, a Corsinio et aliis illustratum; de quo v. Heyn. Antiqu. Aufss. T. I. p. 29. — 10. *Enisus*, enisi in altum, viam in coelum moliti, attigere penetravere, pervenere ad arces igneas ardentes stellis, (ut Virg. Aen. IV. 482.) coelum stellatum, h. Dii facti sunt, immortalitatem consecuti sunt. *Eniti praeclare de difficulti atque ardua via.* Nostri locum egregie in rem suam vertit Val. Flacc. I. 563. sqq. ubi Jupiter Herculem et Dioscuros ita alloquitur: *Tendite in astra viri: — durum vobis iter et grave coeli institui. Sic ecce meus: sic orbe peracto Liber et expertus terras remeavit Apollo.*

v. 11. 12. Observa copiam et ornatum poetae in varianda structura et enuntiatione ejusdem sententiae. Sequi debebat: Ita et Augustus viam sibi in coelum paravit. Tum vide, quot modis poeta variaverit atque exornaverit immortalitatis

adsequendae notionem. Magnifice autem et exquisite prorsus haec a poeta interjecta est sententia, tantoque magis Romanorum atque ipsius Augusti adeo percellere debuit animum, quo illa, animo etsi ex insperato prorsus objecta, minus tamen curiose anquisita videatur. Jam ex Dione LI. 20. satis constat, a Senatu Augusto vivo divinos hactenus honores decretos fuisse, ut in hymnos nomen ejus referretur; privata autem religione eundem aris, templis et effigie numinum maxime in provinciis cultum fuisse, plures testantur. Etiam nummis expressam Augusti adhuc vivi consecrationem videre licet apud Angeloni Hist. Aug. p. 13. Cf. Patin. ad Numism. Imp. p. 52. Quem igitur in terris adhuc morantem populus Romanus divinis prosequebatur honoribus, hunc poeta εὐφαντιώτας in coelo cum Diis convivantem nectarisque haustu se prolucentem exhibet. Hoc enim modo τὸ deum fieri eloquебatur priscus sermo. Notissima Virgilii Aen. I. 78. *tudis epulis accumbere Divum*, ubi v. Heyn. ἀθανάσιας πίνειν, h. *ducere nectaris succos* (v. 34.) Lucian. Dialog. D. IV. p. 212. et ibi Hemsterh. Adde insignem Theocriti locum XV. 106. Κύρι θισταια, τὸ μὲν ἀθανάταν ἀπὸ θυτᾶς — ἐνόησος Βερενίκαν, ἀμβροσιαν ἐσ στῆσος ἀποστάξασα γυναικός (coll. Ovid. Met. XIV. 606. 7.) Apulei. Met. VI. p. 134. Bip. *Porrecto ambrosiae poculo, summe, inquit (Jupiter), Psyche, et immortalis esto.* Ita quoque Hercules ἀποθεῶτεis cum patera est apud Spenc. Polym. XIX. 4. Quod autem Augustum cum istis heroiis σύνθακον facit poeta, in hoc tacitam hujus cum istorum meritis comparationem facile observes; quam similiter in hanc rem inter Ptolemaeum, Alexandrum et Herculem ad ornavit Theocrit. XVII. 16. ss. Τῆνον (Πτολεμαῖον) καὶ μυκάρεσσι Πατήρ ὄμότιμον ἔθηκεν ἀθανάτοις, περὶ δ' αὐτὸν Ἀλέξανδρος φίλα εἰδὼς ἐδριάει — ἀντια δ' Ἡρακλῆς ὅδεις σφιν ταυροφόνοιο ἴδρυται, unde prosecisse Nostrum vix dubitandum viderit. Quo minus probabile sit, coenam illam δωδεκάθεον, cuius Suet. Aug. 70. meminit, quod quidem Gesnerus statuebat, aut dedicatam Augusti inter Herculem et Pollucem statuam, quae Dacerii opinio est, huic phantasmati primam originem dedisse. Ceterum dubitari potest, quo sensu Augusto os s. faciem *purpuream* tribuat poeta. Quum purpura a splendoris maxima commendata veteribus fuerit poetae simpliciter pur-

pureum dixerunt, quod esset splendidum, pulchrum, nulla coloris habita ratione. Vid. ad IV. 1. 10. Atque hoc quidem satis adpositum videtur ad declarandam divinam Augusti speciem, quam et grandiorem et pulchriorem humana poetæ singunt. Certasim laudant Virg. Aen. I. 590. *lumen juventae purum* in eadem re. Ovid. Met. XIV. 827. de Romulo inter deos recepto: *pulchra subit facies, et pulvinaribus altis dignior.* Vividior tamen pictura exsistit, si Augustum nectaris poculum dextra tenentem, unde ei vultus resulgeat, (nectar enim statuebant ἐρυθρὸν antiqui) cogites. Ita est *rubens dextera* I. 2. 3. Atque hanc quidem explicationem ipsa verborum adjuvare videtur collocatio. Ita quicque ceperint Statii locum, quem Bentl. adfert, Theb. III. 440. *nitidum terris Aurora deisque purpureo vehit ore diem.*

v. 13. Hac arte s. virtute etiam Bacchus meruit immortalitatem. Sed nova hanc Bacchi ἀποδίωσιν poeta repreäsentat imagine: *vexere te tigres tuae*, quod docte et ornate dictum pro, curru tigribus juncto coelum invectus es. Ita enim orationem supplendam esse, praeter voc. *merentem et pater*, ipsa contextus ratio manifesto docet. Alii potentiam Bacchi divinam omnino in domandis curruique junctis tigribus spectari, itaque a poeta declarari statuunt. Sed hoc figmentum tantummodo spectat ad domitam triumphatamque Indianam, declarandamque mansuetiorem, monstrata vini cultura, vivendi rationem. A Romano autem populo, idque a pompa triumphali, vel, quod vero multo videtur similius, circensi, in qua Impp. consecratorum statuae thensis circumferrentur, ductam esse hujus apotheoseos ideam vix dubitem. Vide Not. sequ. *Ariadnen* Bacchi *lynibus in coelum vectam* similiter singit Prop. III. 17. 8. Apud Graecos novus coles in coelum atque concilium deorum a deo quopiam introducitur, quae antiquissima fere ἀπόδεσσις species est. Sic Mercurius Bacchum (Pausan. III. 18), Bacchus Pana, Silenus, et Satyros (Lucian. Concil. DD. 4. T. III. p. 429.) Minerva Herculem (Stat. Theb. VIII. 515.) cf. Pausan. l. l. et Heyn. *Antiqu. Aufss.* P. I. p. 29.) Apollo Helenam (Eurip. Orest. 1685.), ad deos transferunt. — *merentem* promeritum divinos honores. Militantem exponunt, et de expeditione ejus Indica cogitant Scholl. male. *Patrem* appellat Bacchum, tamquam deum; res notissima. *Tigres jugum*

*trahunt*, graphice prorsus, pro, currum trahunt *collos*. *cervice jugo alligata*. — *indocili*, ob feritatem natura insitam, quae perdomanda Baccho erat. Cultiorem vitae rationem, quam propter coelo allegi meruit Bacchus, ita declarari, in promptu est videre. — 15. 16. Romulus, *Quirini* adpellatione inter dcos Romanorum ἕγχωριος s. indigetes receptus, Martis *equis curru*, (pessime nonnulli: patria s. bellica virtute) *Acheronta fugit*; superos pefit, Ἀχέροντα πολύστονον οὐκ ἐπέρασεν. Theocr. XVII. 47. laudante Boettig. Addit. Consol. ad Liv. 241. *Ut Remus Iliades, et frater, conditor urbis, effugerent aliqua stagna profunda via*. In repraesentanda Romuli apotheosi a vulgari narratione discessionem facere poetam euidem vix putem; nam quum totam persecui satis alienum ab h. l. fuissest, decerpst inde, quibus ad rem, quam vellet, exprimendam opus haberet. Nam sublimem eum coorta subito tempestate, (quo fere modo Herculis apotheosin vetus poeta, quem Appollod. II. 7. (unde sua habet Zenob. apud Schott. p. 21.) sequitur celebraverat) raptum (Liv. I. 16.) idque a Marte patre, communis opinio erat. Ovid. Met. XIV. 816. *Adnuit Omnipotens, et nubibus aera caecis occuluit, tonitruque et fulgure terruit urbem*. Tum concendit *equos Gradius* — pronunquie per aera lapsus constitit in summo nemorosi colle *Palati*, reddenteque suo jam regia jura Quiriti abstulit *Iliadem*. Idem brevius Fast. II. 496. *Hinc tonat, hinc missis abrumpit ignibus aether: Fit fuga, rex patriis astra petebat equis*. Romuli consecrationem exhibit diptychon eburneum, in quo idem quadrigas agens conspicitur, apud Buonarott. in Osserv. sopra alcuni frammenti di vasi antichi p. 236. Atque ita saepius apotheosis in antiquis monumentis expressa conspicitur, ita quidem, ut equis elephanti interdum substituantur; quod ipsum argumento est, a pompa Circensi maxime hunc consecrationis ritum repeti debere.

v. 17. Junone tandem placata, s. in apotheosin Romuli consentiente. Hanc sententiam, in qua subsistit, et quacum totum carmen finit, vide quomodo amplificaverit atque exornaverit poeta. Conf. Argum. — *Gratum elocuta cons. I. Divis*, ubi Juno in Deorum consessu hanc orationem habuissest, *gratam* auditu ceteris Diis, quoniam Junonem haud amplius suade Romulo inter Deos recipiendo consilia moraturam in-

telligerent. Praeclare autem statim initium orationis Junonem muliebri exultantem prodit impotentia, qua suam Troiae demum excidio iram exsatiatam manifestat. Paullo impeditorem orationis structuram ita explica: *Fatalis incestusque iudex et mulier peregrina Ilion in pulv. vertit damnatum mihi et castas Min. ex quo destituit. cet.* — *Illi* nomen cum vi repetiit poeta, (fere ut Eurip. Or. 1381.) *Ilion*, illud splendidum atque opulentum *Ilion* corruit; inest adeo amara pristinae ejus urbis potentiae recordatio, cum intimo voluptatis ex eadem subversa sensu. Atque haec irrisio majorem vim habet, quam si suppleas, I. illad invisum I. cecidit — *Judex* cum delectu pro inviso nomine Paridis, cuius iniquum de forma sua judicium alte Junonis animo insideret. *Fatalis* in gentis sueae exitium natus, perniciem patriae adferens, Δύσωρης, Αἰώναρης. Seneca Agam. 730. *fatalis sedet inter potentes arbiter pastor deos.* — *incestus*, gravius quam, adulter. raptor Helenae. — 20. *mulier peregrina*, γυνὴ βάρβαρος, ξένη, per contemptum Helena dicta (ut Andromache captiva apud Eurip. Andr. 650. 671.) quae parentes ac conjugem Menelaum deseruit, (λειπούστωρ, λειπόγαμος Eurip. Or. 1305.) Paridem secuta. — *in pulv. vertit*, in cinerem redigit, evertit. Eurip. Andr. 113. ἔλειπον ἀστυ — ἐν κονιάσι. Eidem Troja subversa Ἰδαια κόνις dicta Hec. 325. Ceterum Paridi et Helenae Juno Troiae excidium attribuit, quo clarius pateat, suamet ipsorum culpa ac flagitiis Trojanos periisse, majorum suorum fraude poenam istam dadum promeritos. Eadem ratione Parip ἄρχενακος dictus Colutho 385. Cf. Virg. Aen. X. 90. De Helena Pallad. XII. 3. ἐν γῷρ τῆς Ἐλένης μοιχευσαμένης φόνος ἀνθρῶν. — *Damnum poenae*, exitio addictum; κατάδικον (ita *damnata bello Pallene* Val. Fl. II. 16. *damnatus taurus* id. I. 787. etiam Virg. Aen. IV. 699. *caput damnaverat Orco*, et passim alibi) quod delendum statueratis et cuius sumendi supplicii curam *mihi* et *Minervae* injunxeratis, *ex quo*, postquam Laomedon destituit, fraudavit Neptunum et Apollinem mercede pro muris instaurandis *pactu*, pacto non stetit; ob Laomedonis perjurium. Μισθὸν generatim Homerus Il. φ. 442.) posuit in tradenda hac fabula; nata inde in constituenta mercede narrationis diversitas. Vid Hygin. f. 89. et ibi Intpp. Burm. ad Ovid. Met. XI. 204. — 14. *cum pop. et*

*duce fraud.*, cum universa gente Trojana, Nam perjurii infamia universae deinceps genti, ejusque regibus inhaerebat. Adposite laudant Virg. Aen. IV. 141.

v. 25. Non amplius *splendet*, cultu regali ac forma conspicuus est, comit, jactat sese *Lacaenae adulterae*, Helenae; vel inversa ratione: Helena haud amplius cultum Paridis et formam miratur, pulchritudinis ejus splendore capit, ut IV. 9. 13. *Non sola comtos arsit adulteri crines cet.* — *Hospes famosus* Paris dicitur non tam ob laesum hospitium, quam adulterio: Ita *famosos labores* dixit Noster III. 15. 3. *infamem Helenam* V. 17. 42. *famosam tabernam* Virg. Cop. 3. *corruptelis adulteriisque famosum* Sueton. Claud. 16. — 26. *nec Priami domus . . . refringit*, quam ornate pro: Hector, e domo s. gente Priami, non amplius sustentat, defendit Illium, occubuit. Minus recte alii sententiam inde cogunt; non amplius esse Trojam, quam jam ante dederat poeta. *Priami domus*, familia gens *perjura*, perfida, ob Laomedontem; *mendax Dardaniae domus* eandem ob causam dicta Senec. Agam. 863. — *refringit*, exquisite pro, retundit, reprimit cum clade Achivorum *pugnacium fortiter oppugnantium aciem*, sustentat Trojam. *Aquilonem Zephyris refractum* e Nostri imitatione dixit Stat. Silv. IV. 5. 8. Eadem prorsus virtute Rhoetus *retortus* leonis unguibus dicitur II. 19. 23. — *Hectoreis opibus*, ope, fortitudine *Hectoris*, noto graecismo.

v. 29. Bellum adversus Trojanos *ductum*, productum in decem annos *nostris seditionibus*, dissidiis, dum alii nostrum pro Trojanis, alii pro Achivis staremus, tandem *resedit*, compositum, finitum est; imagine a subsidentibus mariis procellis desumpta. Ita bellum exoriens *tumescere dictum* Virg. Ge. Is 465. et Nilas *undans bello ac magnus fluens* h. bello tumidus eidem Ge. III. *κυρα μάχης* Tyrt. III. 22. ubi vid. Klotz. Inversa ratione mari procelloso *seditio tributa* a Stat. Theb. IX. 142. — *Protenus*, inde a Troja excisa, *Marti* pro Romulo filio deprecanti in ejus adeo gratiam *iras graves*, funestas reliquiis Trojanorum, Romanis, et *invisum nepotem*, odium erga nepotem, Romulum *redonabo*, donabo, missum faciam, deponam; exquisito hujus verbi usu. Ita Livius apud Sil. XV. 603. *patriae donaverat iram*, h. reip. causa *injurias sibi factas haud ultus est*. Plura concessit Ruperti ad Sil. I. 487. Dicitur

autem donare aliquid alicui, h. in alterius gratiam remittere aliquid, ut Cic. ad Div. V. 4. *inimicitias reip. donare*, et donare aliquem alicui, h. in alterius gratiam alieni ignoscere. Justin. XXXII. 2. 5. *ut adpareret, — donatum filio patrem*, h. filium Demetrium Philippo patri veniam obtinuisse. — 32. *Troia sacerdos*, Ilia, sed alterum cum vi, ut causa statim, ob quam nepos Junoni inquisitus esset, adpareat.

35. *Ego patiar*, graviter et cum dignitate, pro tenui, ego haud amplius repugnabo, intercedam, quo minus inter deos Romulus recipiatur. Postremum exquisita copia extulit poeta. *Sedes Deorum lucidas*, δέματα μηρμάρουτα, αιγλίεντα, Olympum. — *succos nectaris*, nectar ducere, ελκειν, bibere Vid. ad I. 17. 22. Adde Eurip. Cycl. 416. ἐσπασεν τ' ἀμυντινέλκυστας. De nectare immortalitatem conciliante vid. ad v. 12. Adde Apulei. p. 426. Oud — 35. et adscribi referri inter *ordines quietos Deorum*, docte pro, in ordinem Deorum quietorumi. A populo Romano ductum esse orationis colorem, facile est videre. Eodem passim Lucianus usus est, veluti in Conc. DD. T. III. p. 529. ubi a Momo παρεγγεγραμένοι Dii quidam, h. qui clam in tabulas censuales relati sunt, proferuntur. Adde Apul. p. 425. — Dii quieti, securum agentes aevum, (I. Serm. V. 101.) beati, μάκαρες, ex antiqua de Deorum vita notione. Unde ἀφρόντιδες εὐωχεῖσθαι: dicuntur Lucian. DD. Deor. XXIV. T. I. p. 276. Eadem ησυχίας notio est apud Pind. Nem. I. 107. de Hercule inter Deos relato.

v. 37. Servatur a poeta τὸ πέιστον in Junonis persona etiam hactenus, quod Romanis imperium orbis terrarum haud invideat, dum ne Trojam iterum exstruant; quae sola ipsi irarum causa extiterat. *Dummodo longus pontus*, vastum mare, dum mare longe *sueviat*, quam ornate pro, interjectum sit, disjungat Romam ab Ilio; et hoc pro: dum ne terram hanc incolant, Iliumque instaurent Romani. — *Exsules*, Romani, ab Aenea profugo oriundi; at quam invidiosum alterum! — *in qualibet terrarum parte regnanto*, regnent, ad quasvis terrarum oras imperii sui fines proferant, ubicunque imperarent. — *beati* hoc ipso, quod late regnent. Acumen quaesivit poeta in v. v. *exsules* et *beati*.

40. Dum Troja mera vastities sit. Adprime convenit Junonis commotiori animo haec ejusdem fere sententiae, in ma-

ſus tantum auctae, repetitio. Absoluta erat imago ita enuntiata: Dum armentum pascat in solo Trojano, dum ferae ibi habitent; qua quidem solitudo ac vastitas terrae maxima poetis designatur. Alpheus. IX. 5. (Anal. Br. II. 130.) αλλ' η μὲν κρείσσων ἔστι πόλις· αἱ δὲ πεσοῦσαι δεικνυσθ' εὑμένων αὐλία βουκολίων. Antonius (Anal. Br. II. 240). de Mycenis: αἰ-πολίοισιν ἵναυλον ἐρημαῖσιν ἀνεῖμαι. De iisdem Munatius v. 5. (A. B. I. l.) μηλόβοτος κεῖμαι καὶ βούνομος ἐνθα Μυε-νη-νη. Isocrates in Plataico p. 302. C. τὴν τε πόλιν ἐξανδραποδισθή-νας, καὶ τὴν χώραν ἀνεῖναι μηλόβοτον, laudante Valken. ad Eurip. Hippol. 683. Trojani agri vastitatem ita describit Lucan. IX. 966. *Jam silvae steriles et putres robore truncī Assaraci pressere domos, et templa deorum jami lassa* (qui etsi alte sese terrae immiserint, vix tamen templorum ruinas attigere) *radice tenent; ac tota teguntur Pergama dumetis: etiam periere ruinae.* Jam pro Trojae urbis ruinis, quod generalius erat, speciatim *Priami Paridisque busta*, tunulos poeta magna cum ἐνεργείᾳ commemorat; quibus armenta *insultant ἐπιθρώσκουσι*, in quo summa contumeliae atque irrisionis significatio est. Colorem poeta duxisse videtur ex Hom. Il. δ. 177. τύμβῳ ἐπι-θρώσκων Μενελάου κυδαλίμοιο. Apte quoque Lambin. laudat Eurip. Electr. 327. de Aegistho: *ἐνθρώσκει τάφῳ sc. Agamemno-*nis. Adde Nostri V. 16. 19. *Barbarus heu cineres insistet rictor.* — *ferae catulos ibi celent*, parturiant, latibulum ferarum Trojae solum sit. — *inultaē*, ita ut nemo exsistat, qui injuriam, manibus Trojanorum illatam, ulciscatur, eos proturbet; adeoque secure, tuto, utpote in vastissima solitudine.

v. 42. Resp. Romana florentissimo statu gaudeat. Exquisite poeta *Capitolium* in specie memorat; nam illud aeternitatis imperii sui pignus haberi volebant Romani. Cf. I. 37. 6. *stet fulgens*, inconcussum, statu integro. Ad gloriam autem *τὸ fulgens*, et, qua ista nititur, potentiam Romanam potius re-tulerim, quam ad tempa et monumenta Capitolii splendida; in quo nulla vis est h. l. — 43. Roma hostes vel ferocissimos domet, sibique subjiciat. Parthos in specie poeta ponit, tanquam infensissimos Romano nomini atque gravissimos hostes, et quo insignitior Augusti victoria esset, de gente ista reportata, Junonis praedictione. — Roma *ferox* bello, *hellicosa*, vel si ad totam *ῥῆσιν* trahas, successu, victoriis elata, *superba*, utrum-

que satis commode. — *Medis s. Parthis triumphatis possit dare jura*, doce pro, triumphet de Parthis, iisque det jura, leges victoris jure imponat, in provinciam Romanam redigat. Si possit omnino vim habet, explicem: Resp. Romana eo usque crescat, tantos auctus habeat, ut Parthos terrorem nominis Romani, subjugare valeat. Sed saepissime παρέλησι apud Augustei seculi poetas. Exempla pete a Burm. ad Prop. I. 1. 15.

45 — 48. *Horrenda terribilis gentibus facta magnitudine sua, quam splendide pro tenui: illa. Nisi potius praestat: Illa horrenda extendat, h. horribilis fiat, terribilis sit gentibus extendendo late, dilatando atque proferendo nomen suum, imperii fines ad ultimus extremas terrarum* — 46. *qua medius liquor . . . rigat arva Nilus, versus Occidentem et Orientem. Utrumque designavit h. l. poeta per Gades et Nilum Alias (ut IV. 15. 16.) simpliciter est, ab ortu solis ad usque occasum. Qua parte liquor, mare, ποτία νότιος, (veluti Eurip. Hec. 1250.) medium secernit, medium est (unde Mediterraneum dictum) interfluit, disjungit Europen ab Afro, Africa h. ad fretum usque Gaditanum. De Hesperia, terrarum Romanis tum cognitarum versus Occidentem ultima (I. 36. 4.) res satis nota. — 48. Ultimam Orientis plagam Aegyptum ponit poeta, eamque a Nilo designat, qui *tumidus, exundans, exuberans, rigat* atque fecundat *arva*; res notissima. Ceterum praeclaro artificio poeta hac extremarum terrae partium, Hispaniae et Aegypti, descriptione laudes ac victorias Augusti intexit: nam Cantabriam et Aegyptum ab eo perdomitam subjugatamque ita declarari vel hebetiores sentient.*

49. — 52. Augustam speciem habet haecce priscae Romanorum frugalitatis atque paupertatis commendatio, cum quod gravis ei e Junonis persona accedat auctoritas, tum maxime quod istis potissimum artibus tanquam fundamento reip. Romanae splendorem atque magnitudinem inniti pronuntiet. Jam nexus sententiarum atque ordo hic est; *Roma* quaquaversum extendat imperium suum, consecutra hoc, enisira in tantum fastigium, dum *fortior* erit, fortem et excelsum animum ostendendo, dum sustinebit *spernere*, dum alto animo *spernat* potius, contemnat *aurum*, divitias, quam *cogat*, congerat, coacervet; paupertatem, spretis divitiis, amplexa. — *irrepersum*, quod reperire haud laborant, quod non rimantur, quod

terra abscondi haud gravantur; et *sic, cum terra celat*, occultat, multo *melius situm*, quippe ab usu hominum ita remotum, quod adeo haud erui debuerat, ob innumera, quae inde in genus humanum redundarunt, mala atque calamitates. Sil. I. 231. *scelerum causas operit Deus.* Senec. ep. 94. *Aurum et argentum et propter ista nunquam facem agens ferrum, quasi male nobis committerentur, abscondit.* Eadem ideo illis, in quibus jacuere tenebris dignissima idem vocat Ep. 92. Conf. eundem de Benef. VII. 10. Boeth. Cons. Philos. II. metr. V. *Heus primus quis fuit ille, auri qui pondera tecti gemmasque latere volentes pretiosa pericula fodit.* — 51. 52. Difficilior paullo horum vv. sententia. Nos eam cum antecedentibus ita connectendam statuimus: Dum Roma aurum contemnit, quod melius in terra lateret, quod adeo maximo humani generis damno effuditur; quandoquidem teterimum inde enatum est avaritiae vitium, scelerum omnium proventu feracissimum. Nullum enim tam immane facinus est, ad quod perpetrandum non impellat avaritia, nihil tam sacrum, quod non sacrilega manu contingat, atque exspoliat. Atque hac speciali imagine utpote ἐναργεστάτη, inclusisse atque absolvisse putandus est poeta sententiam: *Aurum esse avaritiae, sicque omnium scelerum parentem fecundissimam.* Igitur *dextera*, avari, avarus *rapit* convertit *in usus humanos* h. suos, profanat, *omne sacrum*, vel sanctissima quaevis, h. vel sacrilegio sese polluit, dum cupiditates suas expleat. *Humanos s. profanos usus dixit, cum vi, et ex oppositione τοῦ sacrum.* Simillime, si quid video, Euripid. in Danaë (apud Stob. flor. Grot. p. 91.) de divite avaro, suum ipsius defraudante genium: οὐτις δόμους μὲν ἡδεῖται πληρούμενος, γαστρὸς δ' ἀφαιρῶν σῶμα δύστηνον κακοῦ, τοῦτον νομῆσθαι καὶ θεᾶν συλλαγὴν βρέτη, τοῖς φιλτάτοις τε πολέμιον πεφυκέναι.

53. — 60. Romana caput orbis terrarum sit, ita tamen, ut Troja ne iterum exstruatur. Hoc docte atque ornate admodum expressum dedit poeta. *Quicunque quantumvis remotus terminus obstitit, objicitur, praetenditur, est mundo, orbi terrarum, utcunque dissiti sint terrarum fines.* Terminus *obstat*, tanquam obex, qui impedit, quo minus ulterius pervenire liceat; docta admodum ratione, quam parum cepere intpp. Cruq. *obstitit* interpretatur, sese opposuerit, restiterit Romanis. Ges-

nerus autem: *Quic. term.* orbis terrarum *obstitit*, i. e. objectus e regione atque adeo subjectus est *mundo*, i. coelo, et cuicunque ejus parti. Neutrum satis commode. 54. *h. tangat* attingat *armis*, ad hunc arma proferat, eo usque imprium extendat — *visere gestiens . . . rores* et vel ad inhabitabiles terrae plaga bellando perveniat, eo usque victorias continuet. Tò *gestiens* ptaclare et bellicosum Romanorum animum et vero etiam difficultates ad ista loca penetrandi designat. 55. Eam terrae plagam *visendi*, aedundi cupida, qua *ignes solis debacchentur*, insano more saeviant, furant, qua sol ferventissimus est, Zonam torridam. *Bacchari, furere, insanire, verba solennia de rebus*, quae modum excedunt, maxime physicis. Virg. Cir. 480. *Afer et hiberno bacchatur in aequore turbo.* Plura vide ad I. 25. 11. Auxit hanc vim poeta addito *de*, tanquam sol istis in locis omnem suum furorem promat atque d. ponat. — 56. *qua perpetuae nebulae, caligo densa, spissus aér et rores pluvii, pluviae, imbræ debacchantur, nimii sunt, h. utramque Zonam frigidam.* Nebularum autem imbriuniique solennis mentio in earundem descriptione. Virg. Ge. I. 235. *circum extremæ dextra lueaque trahuntur caerulea glacie concretae atque imbribus atris.* Tibull. IV. 1. 154. *duas gelido vastantur frigore semper, illic et densa tellus absconditur umbra* Cf. I. 22. 17. — 24.

v. 57 — 60. Hanc tamen ipsis fatorum legem *dico*, constituo hac tantum lege *fata*, quae de immenso Romanorum imperio portendi, rata esse jubeo. *Bellicosis*, cum vi, quatenus armis sibi imperium istud quæsitiuri sint. — *nimum pii, nimia in metropolin pietate ducti.* Metropolin enim, eodem quo liberi parentes affectu colere, opibus juvare, attritam deletamine instaurare pro necessitate, quæ ipsis intercedebat, ooloniae tenebantur. Saero id *pietatis* nomine sanctum erat. Vide omnino Heyn. Prolu. II. de veterum coloniarum jure atque causis, insertam ejusdem Opusc. T. I, p. 312. et Boettig. h. l. — 59. *Rebus nimium (hoc enim repetendum) fidentes, potentia freti, opibus confisi, rerum successu elati.* — *ne velint, ne in animum inducant, ne lubido ipsos incessat, tecta Trojae, Trojam avitam, μητρόπολιν su m, reparare, instaurare ἀντίγενη.*

v. 61. 62. Sententia satis perspicua: *Troja instaurata iterum exscindetur; sed oratio paullo impeditior.* Sunt, qui fortu-

II. Vanh;


G

nam *Trojae* pro *Troja* dictum accipient, et *Tr.* *interabitur*, simpliciter exponant, iterum vastabitur; quae sane durissima videatur ratio. Evidem *Trojae renascentem fortunam* doctiore junctura positum existimem pro; *Trojae renascentis fortuna*, haec fatum, sors *Trojae*, ubi forte *renascatur*, resurgat, iterum exstruatur, iterabitur, eadem erit, idem fatum *Troja*, quod olim habuit, experietur, idque *tristi clade* *funestissimo* interitu; quae verba augendae rei et perspicuitatis causa adjecta a poeta. *Troja renascentis*, resurgens alias poetis de Roma a Trojanis condita frequentatur. Vid. Burm. ad Prop. IV. 1. 47. — *elite lugubri*, infasto augorio, pessimis auspiciis. Auspicato enim coloniae deducebantur urbesque condebantur (cf. IV. 6. 24.) ut notissimum. — 63. 64. Novos iterum me adversus *Trojam* hostes parante. Sed quanto augustior imago, qua ipsa Juno hostilium sese catervarum ducem profitetur! — *victrices*, quippe a Junone, at quali dea, ductas. Hinc, quanta *έρδητες* in vv. *Conjuge me Jovis et sorore*, insit, facile perspicitur. Notissima Virgilii: *Ast ego quae Divum incedo regina Jovisque et soror et conjux*, ceteri. Cf. eundem Aen. VII. 308.

v. 65 — 68. Mira δενδρος est in *ter-ter*; pro vulgari: quonies resurgat, toties pereat. — *resurgat murus auctore Phoebo*, ab Appelline iterum exstruatur, isque *aeneus*, validissimus, si *Troja* summissimo munito circumdata restituatur. Aere aut ferro eductos muros pro solidissimis efferebat antiquus sermo. Ita *Cyclopum educta caninis moenia* Virgil. Aen. VI. 630. ubi vide Heyn. Thirynthem a Cyclopiibus munitam plures tradidere, Vid. Strabo VIII. p. 572. Apoll. II. 2. — 66. *pereat excisus*, dejiciatur, excidatur cum tota urbe. Seqq. *ter uxor . . . ploret*, egregie speciali imagine captam dirutamque urbem repraesentant: *Uxor capta*, in servitatem abducta *plorat luget virum*, maritum et *pueros* insolentia victoris occisos. Ita gravius erit, quam si explicet: filios in pugna occisos.

v. 69. Tandem cohibet atque in gyrum suum Musam revocat poeta, paullo liberius evagatam, Junonis indignatione effervescente penitusque exaestuante. Idem plane exitus est II. 1. 37. *Haec* gravioris argumenti, parum apta sunt *lyrae* meae *jocosae*, *jocis*, *lusibus*, referendis tantum adcommodatae; quam constanter de sua poesi lyrica modestiam Noster praefert. Cf. ad II. 1. 37. — 70. *Quo tentis*, evagatis, fines tuos excedendo,

sublimia tractando. — *Desine noli pervicax*, pervicaci ausu, arroganter referre, ne arroges, sumas tibi referre serm. *Deorum Junonis*, atque ita *magna*, quae majoris sunt moliminiis, quae vites tuas excedunt, quibus par non es, *tenuare*, extenuare imminuere, deprimere *modis parvis*, tenuioribus, quam argumenti dignitas ac gravitas postulat. Nam *sonus parvus* seu *tenuis*, de argomento tenui, carmine humili; ut saepius poetae. Prop. IV. 1. 58. *Hei mihi quod nostro parvus in ore sonus.* Ceterum in prosa oratio ita connecti debuerat; Desine magna in modis parvis tenuare; referendo eet.



#### ARGUMENTUM IV.



*In* hujus quoque carminis describendo argumen-  
to, legitimoque partium ejus explorando  
connubio, dici vix potest, quantum interpre-  
tes turbarum dederint. Quarum equidem dispel-  
lendarum diversarumque opinionum cum le-  
ctoris fastidio exagitandarum parum curiosi  
de summa carminis, ejusque vere *lyrica tra-*  
*catione* paullo adcuratius dispiciamus. *Hoc*  
igitur agamus. *Ac* primum quidem singularem  
hoc carmen ingressum habet; poeta enim, sub-  
limum sensuum ac phantasmatum plenus, Mu-  
sam invocat, quae illa evolvat. sibique praesi-  
sto sit. *Quumque* hujus praesentissimam opem  
experiretur, animum ejus, vividissimo hujus  
rei sensu fortiter perculsum, pristinorum,  
quae a prima inde aetate cumulate in eum  
Musae contulerint, beneficiorum subit recordatio,  
quibus recensendis gratissimus immo-  
ratur, indeque sese, *Musis* quippe addictum,  
earumdem praesidio ubivis locorum tuto ver-

saturium gloriabundus profitetur. Scilicet exquisita hac sententiarum conversione poeta suo ipsius exemplo communitam comprobatamque gnomen voluit, optime cum eo agi, qui Musis sese in clientelam atque fidem commendaverit: qua quidem satis complanata via erat, ad primarium carminis argumentum, quo Augustum, finitis bellis civilibus ad Musarum castra transgressum, mitem at lenem principem Romanis poeta exhibere atque commendare voluit. Musis enim deberi, quod Augustus imperium et acceperit et tenuerit, quae quippe talibus animum ejus praeceptis imbuierint, quibus illud optime fundatum sit atque indies corroboretur. Nimirum e poetarum, maxime graecorum, Augustum, quem nullum otii iis impendisse satis constat, lectione edictum poeta refert, illud demum stabile imperium, eam firmam potentiam esse, quae, lenitati innixa, consilio et ratione administretur; violentia contra ac temeritate maximas vires effundi. Atque hanc quidem carminis partem, quae in laudando Augusti imperio occupatur, (inde a v. 37.) exquisita sententiarum conversione, phantasmatumque vigore ita instruxit illuminavitque poeta, ut facile felicissimum Pindari aemulatorem agnoscas. Omnino hoc carmen sedulo excutiant ii, quibus lyricae poeseos parum explorata ratio est.

#### Adnotatio nes.

v. 1. Solennis Nostro Musarum invocatio in arguento gravi ac sublimi. Vid. I. 12. et ejusd. libri c. 24. Neque dubitari potest, quin graecum exemplum ante oculos habuerit. Laudant Alemanis fr. apud Hephaest. p. 22. Μάσ' ἄγε Καλλιόπα, Ζύγατης

Διός, ἀρχ' ἐπαρῶν ἐκέων, ἐπὶ δὲ μερὸν ὅμνῳ καὶ χαρίεντα τίθει χορόν. Item Stesichori apud Ursin. p. 79. Δεῦρ' ἄγε Καλλιόπεια λιγέται. *Calliope* cum dilectu huic advocari, quandoquidem ei Musarum principatus deferatur, (Hesiod. Theog. 79. Καλλιόπη δ' ἡ γῆς προφερεστάτη ἔστιν ἀναστόν) quod volunt plerique intpp., vix equidem putem. Nam promiscue fere Nostro Musarum nomina ponni, patet vel ex I. 12. 2. quod carmen argumenti dignitate haud nostro inferius est. *Caelo* eam devocat; quod et ipsa Musaram sedes est Olympus, unde Homero Il. β. 491. Ὀλυμπιάδες auditunt. Laudant et Ennianum versum: *Musae*, quae pedibus magnum pulsatis *Olympum*. Sed et in hoc quosdam argutari video, tanquam magis splendide de caelo vocentur, quam de Parnaso aut alio monte iis sacro. Ita tamen Clio poeta per Heliconia, Pindum et Haemum quaerit I. 12. 5. ut alia loca taceam. Insulse autem antiqui interpres hinc cum superiori carmine nexus intercedere commenti sunt, ita quidem, ut Musam *caelo descendere*, h. „de Diis loqui desinere, et à Junonis sermonibus, quos in caelo habuisse eam ostenderat, transire“ jubeat poeta. — *Regina* ἄνασσα, communis Dearum epitheto; non autem, quod Gesn. et alii statuant, quod reges juxta Hesiod. l. l. comitetur. Hoc enim munus habet, tanquam heroici carminis praeses. — *Dic melos*, cane carmen, longum longe duraturum, perenne; quod quidem nihil arrogantiae habet, cum illud carmen a Calliope dici cupiat. *Tibiam* et *citharam* cumulat poeta (ut I. 1. 32. et I. 12. 1.) quoniam ad utramque carmina lyrica canehantur. — 3. voce acuta ἐπὶ λιγυρῖ, λιγεῖ, clara, arguta; unde et λιγυρῖτη *Anacr.* XXX. 3. — fidibus cithuraque, pro, fidibus citharae; nam alterum declarative subjicitur, familiari Nostro ratione. Alii fides lyrae intelligent, diversas adeo a cithara; parum docte. — *Phoebi*, Conf. I. 21. 12. et 32. 13.

v. 5 — 8. Voti compos factus sese in Musarum lucos abreptum ibique consortio concentuque Dearum suavissimo frui sibi adeo persuasum habet poeta εὐφυτασιώτος, ut et alias eadem videre atque audiire credat. Unde: *auditis sc. Musarum cantum?* Alii adventantem cum cantu Calliope, quae adeo poetae invocanti praesto sit, significari autumant, nescio quam commode; quam poeta ipse statim in loca, Musis frequentari solita, sese abreptum singat. Pessime autem post Acronem quidam ad Calliope et ceteras Musas referunt: „*auditisne me vocantem?*“ —

*an entusiasmo correptum deludit vana imago? an decipit falsa spe ie?* *Insania* praeclare de animo sublimium phantasmatum vi et copia conturbato, qui excelsiore spiritu incensus, expulso humano sensu, (Claudian. R. P. I. 5.) furentis instar, extra se rapitur. *San* *amabilem*, *dulcem*, *jucundam*, istam insaniam profitentur poete, cum q od divinitus ea adflari credator (I. 19. 6. plenoque *Bacchi* pectore turbidum laetatur) tum quod homines Deorum consortio admoveat, ut h. l. Cf. I. 1. 30. — *Videor mihi errare per lucos*, in Musarum nemora abeptus, ibique audire Musas canentes. Nemorum autem Musis per Heliconem et cetera loca, ipsis consecratorum satis frequens apud poetas mentio, cuius quidem figmenti origo a secessu, ut ita dicam, poetico videtur repetenda; quo magis mireris, Elysii lucos a quibusdam hic intelligi — *pios*, profanis inaccessos, quos pios tantum vates intrare licet; vel simpliciter sacros, Musis *deinceps*. Ita *sacras* earundem *silvas* vocat Sil. XIV. 29. — *quos aquae amoena subeunt*, intrant, praeterfluunt, et *aurae amoena*, lenes, Zephyri mulcent, perflant. Ita secessum suum Tiburtinum adumbrat Noster IV. 2. 10. 11. Ceterum ad hunc Nostri locum res exisse putandas est auctor dial. de caus. corruptae eloqu. c. 12. *Nemora vero et luci, et secretum ipsum tantam mihi offerunt voluptatem, ut inter praecipuos carminum fructus numerem, quod nec in strepitu — componuntur; sed secedit animus in loca pura atque innocentia; fruiturque sedibus sacris.*

v. 9. Praeclaro artificio argumenti tractatio ita exordio adnectitur, ut transitus ludibendum potius poetam quam in certo quodam argumento occupatum defixumque prodere videatur. Quom enim Musas sibi invocanti praesto esse intelligeret, vivide hujus rei sensu percussus inflammatusque pristinorum, quae sibi ab iisdem inde a tenerima aetate obtigerint, beneficiorum memoriam grata mente recolit, atque ita suo ipsius exemplo sententiam, quae hujus carminis primaria est, luculentissime comprobat, illos, qui Musarum sese addixerint patrocinio, imperturbata securitate frni. Docte autem poeta sententiam: se a pueritia Musis carum fuisse, subjecta statim narratione exponit atque illustrat. Ordinem verborum hanc tene: *Me puerum aliquando in Vulture Appulo ludo somnoque fatigatum fabulosae palumbes n. fr. texere.* — *Palumbes fabulosae*, quarum plura in fabulis ministeria occurunt, quae narrationi mirationem faciunt, pro-

digiosa; adposito h. l. epitheto, vid. ad I. 22. 7. — *Vultur* s. *Vulturnus*, mons in finibus Apuliae, cuius jugum in Lucaniam porrigebatur. In hoc igitur, quod *extra limen*, fines *Apuliae, altricis suae*, h. quae patria ipsi esset, protenditur, ferocioribus animalibus infestum (vid. ad v. 18.) Horatium puerum evagatum cogta. Vide Obss. — 11. *somno*, cui diu reluctatus fuerat, *fatigatum*; oppressum, victimum. Notissima Homeri (Il. 2. 98.) οὐράνω ἀδόκοτες ἄδε καὶ ὑπώ. Ita Hercules ὑπνῷ βεβαρμένος, *somno gravatus* (Virg. Aen. VI. 520.) audit in epigr. ἀδεστ. 285. (Anal. Br. III. 210.) — 12. *fronde nova*, recentibus lauri et myrti ramis, vel omnino τὸ τερπτῶδες istius rei τῷ νορᾶ indigavit poeta; neque hoc absonum judicabis, si cogites, ramos istos aliunde fuisse adlatos. Nam myrtetis montem istum, qui ursos aleret, consilium fuisse, nemo facile in animum induxerit. Atque hoc illud erat, quod maxime stuperent vicini.

v. 13 — 16. Ad fidem rei faciendam, haec adjecta existima. Jam quod generatiam erat: quod mitum videretur Vulturni adcolis, pro hoc, quo res vero esset propior, speciatim percensit, qui illud viderint, regionis istius incolas. *Acherontia, Bantia* et *Forentum*, oppida in confinio Apuliae et Lucaniae sita; unde alii huic, ateri regioni alii ea adsignant. *Nidum Acherontiam* vocal, nisi instar in declivi montis (forte ipsius Vulturni) haereat, excelsam; nihil amplius. *Ithacam in asperrimis saeculis adfixum* nidulum eadem ratione vocat Cic. Orat. I. 44. — *For. humile*, depresso, in valle situm.

v. 17. Mirabantur, ut quomodo in regione, saevissimis feris infestata, tam confidenter somno indulgerem. — *corpore tuto*, tutus, nihil timens a *viperis et ursis*. — *atris venenatis*. Perpetuum hoc veneni epitheton. — 18. *Ursos* Lucaniae tribuit etiam Ocid. Hallieut. 57. *Foedus Lucanis provolvitur ursus ab antris*; ut vel inde colligas, Vulturnum in Lucanas exiisse. — *premerer*, multo significantius, quam tegerer, magnum enim frondium in eum *collatarum* s. congestatum copiam animo subjicit. Factum autem hoc in omen futuri poetae, ut optime Scholl. expediunt. Ita recens natum Pindarum exhibuerat pictura *lauri ac myrti ramis incubantem*, quam describit Philostr. Icon. II. 12. cuiusque ideam forte ex ipsius Pindari carminibus, unde etiam Horatius, Pindari aemulator, ad se traduceret, depromtam acute conjectabat Boettig. — *Non sine Diis, oīn ἀδει* (v. c. Od. σ. 352.). Miserum praesidio *animosus*, fretus, audax.

v. 21. In vestra tutela sum, ubicunque degam. Speciatim pro hoc poeta loca, ipsi frequentari solita, adnumerat. *Vester tollor*, docta brevitate pro, vestrae tutelae confido, vos me tutamini, dum proficiscor, eo, peto *Sabinos*, agrum meum in *Sabiniis*. Pro hoc magis proprie est *tollor*, ad naturam Sabinae regionis, quae montosa est (Strabo V. p. 348. C. unde et *ardui S.* h. l.) et Rema illuc proficiscentibus per adelia aditendum erat. — *seu mihi placuit*, lubet proficisci, seu petam. — 23. *Praeneste*, Latii oppidum, in monte situm. (*altum* inde Virg. Aen. VII. 682. cf. Strabo V. p. 365.) quo aestate secedere solebant Romani, frigoris captandi gratia — 24. *Tibur supinum* in declivi collis parte positum. Cf. infra 29. 7. et de Tiburtinae regionis amoenaitate I. 7. 12. sqq. et II. 6. 5. sqq. — 24. *Bujarum* sinus in amoenissima Campaniae ora, miti aëris temperie, aquarumque salubritate (unde *liquidæ* h. l. dictæ) celebratissimus. Noster Epp. I. 1. 83. *Nullus in orbe sinus Bajis praetueret amoenis*. *Principes* ideo dictae Martial. VI. 42 7. *raporiferae*, (ob aquas calidas. Cf. Strabon. V. p. 373.) *blandissima litora, Bajae*, Stat. Silv. III. 5. 96. Hyeme atque ineunte vere Romani ibi desidebant. Ceterum totius loci sententiam pverlit Gesneras, dum Horatium recessus illos frigidos aestate, hyeme tepidos, quaerere se non voluptatis et ignobilis otii causa, sed ut cum Musis et in literis versari sine interpellatione possit, ostendere putat, prave utique accepto τῷ *vester* pro, in *vestio* (Musaeum) otio, vestris deditus studiis. In quam sententiam abripi se passus est cultiore v. 13. oratione, et Epist. I. 2. 2.

v. 25. Vos cultorem vestrum s. poetam e praesentissimis mortis periculis eripuistis. Hoc iterum speciali potiorum periculorum ipsi intentorum commemoratione exornat atque illustrat poeta. — *amicum*, addictum, gaudentem *vestris fontibus et choris*, vestro sodalitio, consortio, quam ornatae pro, me poetam. Musas enim ad fontes ipsis sacros choreas indefesso studio agitantes exquisitum poetarum exhibet phantasma. Hesiod. Theog. 2. sqq. ἀτίθεντος ἔχονταν ὄρος — καὶ τε περὶ κρήνην ιοειδέα πόσσον ἀπαλοῖσιν ὀρχεῦνται — καὶ τε λοσσάμεναι τέρενα χρόα Περμησοῖο ἀπρότιτῳ Ἐλικῶνι χορούσι ἐνεκοιήσαντο καλούς, ἵμερθεντας, ἐκερῆσαντο δέ ποσσιν. Unde pro vulgato, inter Musas versari doctius est, chorus cum Musis celebrare, ut h. l. Similiter Propert. II. 10. 1. *Jam tempus lustrare aliis Helicona choreis*. Eadem *Graii choroi*,

graecorum poetatum carmina dicta III. 1. 4. — 26. *Acies retroversa*, inclinata, in fugam conversa, omnino pro, clades apud Philippos accepta me non extinxit, salvus ex ista clade evasi, idque Musarum beneficio. A Mercurio se exemptum isti cladi memorat II. 7. 13. — 27. *Arbor devota exsecabilis*, diris devovenda, utpote quae dominum suum oppressura esset. Casum istum celebravit II. 13. — 28. *Palinurus*, promontorium ad extremum sinum Veliensem in Lucaniae ora, naufragiorum periculis infame. Nomen eius a Palinuro, Aeneae gubernatore, obtigisse, notum vel e Virg. Aen. VI. 381. Jam Palinurus paene extinxit Horatium, tempestate ad illud coorta, et nave inde ad eos scopulos allisa. Cujus periculi cum nullibi poeta meminerit, frustra eos agere arbitror, qui de tempore, quo Horatius ibi periclitatus sit, dispiciendo anxie laborant. Factum illud esse, quum e Macedonia Italiam redierit, plurimi post Acronem statuunt. Sarad. illam tempestatem intelligit, quae Octaviani, Siciliam a. V. DCCXXVI. petituri classem ad Lucaniae oram repulerit. Sane, si Horatium expeditioni isti interfusse constaret, simul omnis, quam *Siculae undae* mentio infert, expedita foret difficultas, maxime si statuas, classem istam a Siculo inde mari tempestate rejectam fuisse. Quod tamen uti temere ponitur, ita multo melius cum poeta agi arbitror, si eum geographicarum subtilitatum incuriosum, fines maris Siculi paulo longius extendisse dicas.

v. 29. *Uicunque*, dummodo, quandocunque vos mecum eritis, vos viæ comites habebo, libens, audacter navita ac viator, terra marique periculosisima loca ferissimasque gentes adibo. Eadem senteniarum progressio I. 22. 17 sqq. Jam, quo acrior ac vividior istorum periculorum seriret sensus animum, speciilibus rem exornatam dedit notionibus poeta. Maris pericula designat a Bosporo Thracio, insaniente fluctuum ac ventorum aestu, procelloso. Conf. II. 18. 14 et 20. 13 — 31. *tentabo*, delectum verbum ad declarandam audaciam (v. ad I. 28. 5. adde Catull. XI. 12.) qua navigatio illa periculosisima instituitur. — *arentes aren. lit.* Ass. *viator*, junge tentabo *arentes arenas*, arenosa deserta, *viator* *lit.* Ass. iter faciens per litora, Sīvus, arenosos cumulos Assyriae, quod copiose et ornate dictum pro, tentabo arenas, seu quod doctius est, litora Assyriae, h. Syiae. *Litus* enim h. l. graeco Σίνης significatu primario, qui est, ὁ τὸς πέμ-

μον σωρίς, arenae cumulus, (v. Schol. ad Apollonii Λιβύης Γένεσις ἐρήμους IV. 1384. et quem laudat doctiss. Boettiger Stanl. ad Aesch. Pers. 820.) *Assyriamque pro Syria* (uti II. 11. 16. et saepissime alibi) a poeta adhiberi, vix dubitandum videtur. Designatur adeo *Syriae Palmyrenae solitudines*, quae usque ad *Petram urbem et regionem Arabiae felicis appellatae pertinent*, Plin. H. N. V. 24. Has easdem vel similes ali in rūi quidem a poeta statuunt interpres, sed rem longius repetunt; litore Assyrio vel pro Syria universa accepto, quatenus ea mare attingat, vel, quod arenae illae ingenti planicie undique correctae potius litoris vel aequoris quam terrestris regionis speciem ostentent, ut Bentl. qui in hanc rem laudat Plutarch. Vit. Crass. p. 556. οὐ φυτὸν ἴρωσιν, οὐ προβολὴν ἔρους καθίεντας, ὅλλα' ἀτεχνῶς πελάγει τι χεῦμα, θινῶν τυπών ερήμων περιεχόντων τὸν στρατόν. Idem tamen, Acronis auctoritatem, litus etiam camporum extremitatem veteres dixisse, parum probabiliter statuentis (nam Virgilii loca vix commode huc trahas) seculos corfinia Assyriae et Arabiae inteligit, ubi Crassus cum toto exercitu perierit.

v. 33. sqq. *Britannos hospitibus in hospites feros, truces, eruentes*; hospites enim, si Acroni fides habenda, Britanni immolare ferebantur. Sed forte nihil amplius voluit poeta quam Britannos ἀξένους, inhospitales, gentem asperam, trucem, bellicosam. Qua eadem ratione Massagetas vocat Priscian. Perieg. 719. *Hospitibus saevos cunctis, belloque feroce*. *Horribiles Britannos* Catull. XI. 11. — 34. *Concani, notus Cantabriae in Hispaniae Tarragonensi populus, a Concaea urbe sic dictus Ptolem. II. 6. Ad declarandam istius gentis feritatem laetum h. satiari Concanum ait equino sanguine*. De quo Concanorum more, si Silii locum excipias (III. 360. nec qui Massageten monstrans feritate parentem cornipedis fusa satiaris, Concane, vena, in populorum Hispaniae recensu) aliunde quidem haud constat; quo minus tamen Nostro fidem detrahas, vetat Strabo III. p. 165. qui Cantabris multa cum Seythiis communia esse diserte tradit. Jam vero de hoc lacte equini inter Seythas usu nihil sane pervulgatus. Quo ipso Silius l. l. induitum existimo ut Concanos Massagitarum coloniam haberet. Minime igitur audiendi, qui satis temere Concanos cum Acrone in Thracia aut cum Porphyrt. in Seythia collocant. — 35. *Gelonos, Sarmatiae populus, Botysthenis, accolam. — pharetratos, sagittiferos,* (Virg. Aen. VIII.

727.) qui nunquam sine armis vagantur, adeoque truculentos, efferos. — 36. *Seythicum annem*, Tanain, adeoque Scythas, ejus accolae. *Inviolatus*, tuto, securus.

v. 37. In vestro contubernio Augustus exantlatorum militiae laborum solatia ac fomenta quaerit, vobis se totum addixit, composita atque ordinata republica. Conf. Argum. — *altum*, in amplissimo dignitatis gradu positum, egregium, magnum; ut Ovid. Pont. 3. 63. et alibi. — *simul* ac *abdidit*, disposuit; collocavit in oppidis *cohortes*, ubi veteranos per colonias distribuit, iisque agros, militiae praemia, adsignavit; et hoc ornate pro, simul ac ab armis cessatum est, compositis bellis civilibus. Ita jam Torrentius optime h. l. explicuit. Ceteri fere omnes de militibus ad hiemandum per oppida distributis cogitant; quae ratio a totius carminis consilio aliena videtur (Vid. Argum.) tum *fessae militia cohortes* non tam unius aestatis, quam potius multorum annorum militiam (ut II. 7. 18. *longa fessum militia latus*) a qua tandem requies datur, hand obscure innunt. — *abdere quietis otium* que adjunctam notionem habet. *Latet abditus ag-o*, Noster Epp. I. 1. 5. de gladiatore, rude donato, laudante Lamb. — 39. *quaerentem* laborum solamina, sese ex iis rencere cupientem, *recreatis* exhilaratis *Pierio antro*, in vestris recessibus. Doce et suavi imagine vulgarem sententiam exhibuit poeta, Augustum, pace parta, Musis vacare, literarum studio delectari. *Eloquentiam studiaque liberalia* Augustum *cupide et laboriosissime exercuisse*, posticam quoque *summatim attigisse* diserte tradit Sueton. Oct. c. 84. 85. *Antra*, s. amoeni recessus pervulgato poetarum phantasmate, ab eorundem secessu, quem carmina lacturi petere vilieri volunt, ducto, tribuuntur montibus *Pieriis* h. Musis consecratis, in quae se conferunt poetae, Musis litaturi. Laudant Pind. Pyth. VI. 48. 49. de Thrasylulo, σοφιῶν δεῖπνων ἐν μυχῷ τῆς Φίλιδαν. Frequentiora apud Latinos poetas *antra Pimplea* (Mart. XII. 11. 4.) *Aonia* (Stat. Silv. IV. 6. 31.) *Pieria* (ut h. l. et Juven. VII. 60.) et sim. Atque uti se hi ab ipsis Musis carmina edoceri adilarique ferunt, ita ii, qui ad antiquioris eiusdem poetae exemplum se componunt, istorum nemora, antra frequentare dicuntur. Quo spectant Propert. III. 1. 1. *Callimachi manes et Coi sacra Philetæ in vestrum quæso me sinite ire nemus.*

v. 41. *Magnum poetam agnosce in convertenda hac vulgari*

sententia: Augustum Musarum beneficio, seu ut planius loquar, optimarum literarum studio, maxime poetarum lectione, lenem ac mitem principem evasisse. *Vos lene consilium datis, vos lenitatem suadetis, vos virum prudenter moderandarum instillatis praecelta, quae quidem, poetis segmentis exornata, antiquissimorum poetarum intexuistis carminibus.* *Consilium adeo lene ab eo proficiscitur, qui animum literarum studiis ad humanitatem sinxit, qui leniter, h. sine omni animi perturbatione agit.* Ceterum sententia generaliter, more Pindarico, expressa, insigniter Horatianam urbanitatem ostendit. Nam Augustum post bella demum civilia mitiora in regenda civitate secutum consilia ita declarari, quis non videt? *gaudetis dato consilio, monita ista evenitu, successu haud destitui, saluberrima ea esse in temp.* *Gaudent Musae,* dum hominum utilitati prospiciunt, eorum commoda a se promoveri intelligunt; quo sane gaudio nullum cogitari potest honestius; quod adeo deas istas adprime decet. *almae, propitiæ, beneficæ, adposito h. l. epitheto.* — Atque ita *scimus,* poetarum carminibus edocemur, sapientiam, h. potentiam prudenter temperatam dispensatamque, immanibus viribus, inconsulte adhibitis, praepollere. Quam sententiam subjecto statim Gigantum exemplo exponit atque illustrat poeta, ducem lyricæ hujus formæ secutus Pindarum, qui in punienda ὑβρις itidem Gigantum exemplo utitur, Pyth. VIII. init. cuius locum cum Nostro comparasse juvabit. Titanum et Gigantum pugnam quum antiquiores poetae iisdem fere coloribus adumbrarent, et pleraque fere e Titanomachiis in Gigantomachias transferrent, (vid. egregium Heyn. ad Apollod. I. 2. 1.) enata inde utriusque fabularum generis confusio, adeo quidem, ut promiscua essent Titanum ac Gigantum nomina, ut h. l. — *impios, ἀτασθάλους, ύπερφιδλούς, ἀδίεοντες,* quae solennia sunt Gigantum epitheta, v. c. Callini. Lav. Pall. 8 *immanemque turmam, immanum virum robore stolidè ferocem;* ἐπεξηγητικῶς haec adposita, more Horatio familiari. — 44. Fulmine Jovem adversus Titanas et Gigantas pro telis usum, constanter tradunt poetae inde ab Hesiodo Theog. 688 sqq. Cf. Eurip. Hec. 472. Ovid. Met. I. 154. — *caduco, desuper irruente, cum impetu dejecto, rapido; aneta hujus v. potestate, ut II. 13. 11.*

v. 45 — 48. Jupiter οὐρυπέρτατος, qui unus omnia regit, οὐρυάρχος (Sophocl. Oed. Cot. 1080.) παγγερτής (Aeschyl. Suppl. 823.) Illud *omnia* docte dispescuit atque specialibus notienibus

exposuit poeta, quo magis Jovis majestas exsplendesceret; ut adeo tota haecce Jovis *ἰακτόν* designatio non tam ingenii redundantiae, quod quidem nonnulli crepat, deberi, quam summo potius cum iudicio facta esse videatur. — *Terram inertem*, brutam (I. 34. 9) cressam terrae molam. Auget adeo summae potestatis notionem. — *mare ventosum*, ventis turbatum, procellosum. Ad rem I. 12. 15. qui *mare ac terras variisque mundum temperat Horis* — *urbium specialem* ideam generaliorib[us] immiscet poeta lyricus, suo jure; vid. ad I. 35. 10. in quo adeo haerendum non erat. — *Regna tristia*, Tartara, solenni ac perpetuo rerum inferarum epitheto. — 47. Declaratur Jupiter ἄναξ ἀρδῶν τε θεού τε *mortales turbas*, φῦλ' ἀνθράπων, homines. — 48. *imperio aequo*, sapienter, moderate viribus utens suis, adposito h. l. epitheto, etsi ad commendandam Augusti monarchiam vix pertinere existimem cum Gesn. Forte etiam, hocque nunc verius censeo, poetice dictum pro, *aequo* Divos *atque* mortales regit, ut I. 4. 12. II. 18. 32. et alibi. *unus* graviter claudit sententiam. Ceterum numerosam verborum collocationem observent tirones in hoc versu.

v. 49 — 52. Immani virium robore istos valuisse, declarat poeta per consequens, ipsum Jovem exterritum fuisse istorum molitionibus. Supra II. 12. 7. unde *periculum fulgens contremuit domus Saturni*. Sil. IV. 277. *Quantus Phlegraeis telluris columnus in arvis movit signa Mimas*; coelumque exterruit armis. Sidon. VI. 15. *trepidum spectabat Phlegra Tonantem*. — *Inventus horrida*, truci adspectu et vasto corpore, πελωρία, *immania monstra*, Ovid. Fast. V. 35., etiam novo armorum genere, arborum truncis ac saxis, quibus Deos impeterent, terribilia monstra. — *Fidens brachiis*, brachiorum multitudine vasti roboris symbolo. Erant enim πολυτηχεῖς, ἐπαυγγεῖς; *mille manibus* armat eos Ovid. Fast. V. 37. Expressit autem poeta Homerica, (Il. XII. 135.) ὡς ἀρχ τῷ χειρεσσι κεκοιδέτες οὐδὲ βιηφι. — 51. Olim et Ephialten, Aloidas, *fratrum* adpellatione a poeta designari, docent seqq. Nam hi *tendebant*, nitebantur *Pelium* montem *Olymbo imposuisse*, imponere. Homer. Od. λ. 314. Ὁσταν εἴπερ Οὐλόμενον μέμισσον Θέμεν, αὐτὰρ οὐ ποτε οὐσιον Πήλιον εἰνοσιώντας, οὐδὲ οὐρανούς ἀμβωτὸς εἴη. *Conjuratos coelum rescindere fratres* de iisdem Virg. Ge. I. 280. Etiam apud Apollod. I. 6. 2. Ephialtes occurrit inter Gigantas. — *opaco*, saltuoso.

v. 53. sqq. Neque tamen quidquam temerarii isti adsultus valuerent adversus vim Deorum prudenter oppositam. Egregie ac magnifice prorsus hunc locum, qui ornatus poetici capacissimus erat, a poeta tractatum esse, quis non sentit? Hoc autem potissimum effectum dedit descriptione pugnae per partes facta. Jam quum Minerva rei bellicae, quatenus haud vi (id quod Martis proprium est) sed explorata ac provisa ratione administratur, praeses dea habeatur, sane consentaneum erat, praecipuas ei in ista pugna adversari Gigantas, qui soli virium robori confidebant, pars a poetis tribui. Cf. Hygin. f. 150. Sidon. Carm. VI. 17 sqq. Unde et peplo in Panathenaeis magnis ipsi consecrato, intexi solebant res a Minerva in pugna cum Titanibus et Gigantibus egregie gestae. *Palladiae texuntur in ordine pugnae, magna Giganteis ornantur pepla tropaeis*, Virg. Cir. 29. 30. Adde Apollod. I. 6. 2. — De Typhoëo seu Typhone vid. Hesiod. Theog. 821. Apollod. I. 6. 3. ibique Heyn. Vulgarior quidem narratio diversum a Gigantibus monstrum facit Typhoëam, quod post devictos demum Gigantes in eorum ultionem a Terra procreatum, itidemque a Jove fulmine prostratum est, ut apud Apollod. I. 1.; sed et Pindarus Pyth. VIII. 20. inter Gigantes recenset, quem Noster sequitur h. l. Adde Virg. Cir. 32. qui plane cum Nostro facit, Typhonem a Minervâ deletum memorans: *Additur aurata dejectus cuspide Typho, qui prius Ossaeis consternens aethera saxis. Emathio celum duplicabat vertice Olympum.* Imposita ei Sicilia, secundum Pind. Pyth. I. 29. Aeschyl. Prom. 365. et alios; juxta Homerum autem (Il. β. 783.) et inde Virgil. Aen. IX. 716. Inarime. Vid. omnino Stanl. ad Aeschyl. l. l. et Heyn. ad Virg. Aen. III. 578. — *Mimanta* Gigantem commemorant Eurip. Jon. 213. Seneca Herc. fur. 981. (*saevit horrendum Mimas.*) Φλεγρῶν adpellat Apollon. Rh. III. 1227. *Telluris alumnum Sil.* IV. 278. qui idem Prochyten insulam ei injectam ait XII. 147. Adde Claudian. R. P. III. 347. — 54. *Porphyron statu minaci,* graphicè pro, *Porphyron minax*, truculentus, atrox. Ad altitudinem ejus plerique referunt, docte quidem et exquisito rœ*u minaci* poetarum usu, sed minus adpesito h. l. Alterum enim multo èvàggeστερον. *Porphyronem* vastissimæ molis et roboris gigantem referunt Apollod. loco saepius laud. et. Pind. Pyth. η. 15 et 22. ubi βάσιλεὺς Τργάτων adpellatur. De Rhoeto cf. II. 19. 23. — *Enceladus* diversum a Typhoëo monstrum, cui Aetna secundum Virg.

Aen. III. 578. (quocum facit Quint. Cal. XIV. 582. et Lucil. Aetn. 70.) imposita. A Minerva eum prostratum memorat Eurip. Hero. fur. 908. Quint. Cal. I. l. Adde Apollod. I. 6. 2. *evulsis truncis jaculator audax*, docte pro, truncos arborum radicibus evulsos ad coelam andicter jaculantes. Δρῦς ἄμπευς adversas Dōes pectas memorat Apollod. I. l. — 57. *ruentes*, irruentes, temeraria audacia (nam *ruentes* temeritatis adjunctam notionem habet; bene Schol. inconsiderate venientes") aggressi Pallada; pro quo significantius poeta *aegida Pall.* posnit, quo insignitor esset Gigantū temeritas, propter Gorgonis caput, aegidi insertum. Jam aegis, utrum de thorace an de clypeo h. l. sit accipienda admodum difficile arbitror, pro explorato statuere. Ad clypeum fere referunt, propter epith. *sonantem* (quod explicant telorum impulsa concussam, tela Gig. excipientem) quae levis admodum ratio est, quum idem, idque magis poetica ratione, ad thoracem referri queat. Quod diserte facit Quint. Cal. XIV. 456. ιβραχε δ' αιγαις ονασσα επι στρατεοσσιν ανδρασσ. Unde et *armisona* eadem Dea Val. Fl. I. 74. et *aeg sono sera pectore Virgo* eidem III. 88. dicta. Ac thorace in hac pugna Minervam indutam designat Lu- can. IX. 655. colorem e Nostro forte mutuatus, *coeloque timente* olim *Phlegraeos*, stantes serpente, *Gigantas*, erexit montes, bellumque immane *Deorum Pallados in medio confecit pectore Gorgon.* In reliquis tamen poetarum locis, quae de ista pugna agunt, praestat de clypeo capere. De quo hoc quoque Iob co- gitandum, si, quod magis poeticum sit, sequaris. Scilicet nota imagine poetica Pallas intentat, qualit (Homer. Il. p. 595. την δ' ιανζειν sc. aegidi) clypeum alte sublatum, (cf. Val. Flacc. VI. 396 sqq.) ad terrorem incutiendum. Jam intentatum Gigantibus clypeum docte poeta designat a sonitu, qui e clypeo impetuose protento, eliditur. Sic apud Hesiod. Scut. 343. *Minerva αιγαιδ' ανασσει*, unde tellus contremiscit, et Aegaeon apud Virg. Aen. X. 568. *strepit clypeis*, non invicem collisis, sed fortiter Jovi objectis. Possit etiam, quamquam paullo sautilius, ad serpentum, Medusae capiti innexarum, sibilum, inter commovendum editum, referre. — *hinc avidus stetit cet.* Docte variavit orationem poeta, quae vulgari modo ita procedebat: quid efficerent isti adver- sus Palladem, Vulcanum, Iunonem, Apollinem? *Vulcani* quoque magnas in Gigantomachia partes fuisse adparet ex Apoll. Rhod. III. 234. ubi eum Φλεγγαίρ κεκυνότα δηίτητι Sol curru excepiss:

narratur. Apud Apollod. I. 6. 2. Clytium μυδροῖς ferit; unde Boet. tig. satis acute τὸ aridus ad carentes istas ferri massas, corpora depascentes, refert. Vel sic tamen de Vulcani ardore pugnandi (ut sit, *aridus* pugnae, λιλαρίμενος πελέμοιο v. c. Hom. Il. γ. 133.) accipere praestat. — *matrona*, πότνια, cum vi, quasi sola sua majestate opposita Gigantas repress-rit. — 60. sqq. *Apollo*. Designat hunc poeta per doctas, ut ita dicam, ambages, quas omnino amat, atque adeo ambitiose sectatur poesis lyrica. Sed miras super hac digressione argutias captare videas intpp. Lineas hujus loci ductas esse e Pind. Pyth. I. 74. Λύκειον καὶ Δάλοι' ἀνίσσων Φοῖβος, Παρνασσῷ τε κράνην Κασταλίην φιλέων, observarunt jam alii. E Nostro prosecit Stat. Theb. II. 696. *Phoebe parens, seu te Lyciae Pataraea nivosis exercent dumeta jugis, seu rore pudico Castaliae flavos amor est tibi mergere crines.* — 60. *Arcus perpetuum gestamen Phoebi.* Eurip. Alc. 41. Σύνηδες αἱ τεῦται βαστάζειν ἔμοι. Unde Ἀργυρότοξος simpliciter dictus; veluti Hym. Merc. 318. Cf. I. 21. 11. Porphyrona ab Apolline confossum memorat Pind. Pyth. VIII. 24. — 61. Apollinem Delphicum ornatius exhibuit Noster quam Pindarus I. 1. *Castalia* fons in jugis Parnasi, Apollini sacer. Jam pro, qui Parnasum, seu Delphos tenet, suavior imago est: qui *rora puro*, fonte Cást. limpido lavatur, et pro hoc specialiori idea, *crines solutos*, promissos, fluentes, lavit ut declaretur Apollinis juventas. Infra IV. 6. 26. *Phoebe, qui Xantho lavis amne crines.* — 62. Qui Lyciam et Delon tenet. Conjunxit haec utraque poeta, quoniam Apollo hinc inde commeare singebatur. Serv. ad Virg. Aen. IV. 144. „Constat Apollinem sex mensibus hyemalibus apud Pataram, Lyciae civitatem dare responsa; unde Patareus Apollo (cf. Lycophr. 920.) dicitur, et sex mensibus aestivis apud Delum.“ *Dumeta* non tam ad nemora, Apollini sacra, quam potius ad naturam istius regionis, quae saltuosa est atque ad levibus, accommodate memorata existimem. — *natalem silvam in Cyntho, monte Deli. Natalem Delon habes I. 21. 10. Res notissima.* — 64. Haec declarative subjecta, ita ut *Delus* ad natalem silvam et *Patareus* ad Lyciae dumeta referatur. De Patara videndi Strabo XIV. p. 453. et Meila I. 15.

v. 65. Deducta ex antecedentibus sententia: Vires, consilii expertes, prudentia destitutas, inconsulte adhibitas ipsa mole sua, magitudine sua ruere, praecipites dari, correre, aegre su-

stentari, Ρόμη ἀμαζῆς πολλάκις τίχτει βλάβην Eurip. apud Stob. Flor. Grot. p. 207. Laudant et Pindari Pyth. VIII. 19. Βια δὲ καὶ μεγάλαυχου ἕσφυλεν ἐν χρόνῳ. — 66. Contra vim prudentia temperatam, hominem potentia, qua pollet, sapienter, moderate utentem, Dii in majus provehunt, augent, extollunt, successum ejus conatus habere jubent. Peragit tranquilla potestas, quod violenta nequit, Claudian. Cons. Mall. 239. — Vires, paullo durius positum pro, homines violentos, propter adposita animo mov. — odere, graviter in eos animadvertunt, puniunt eos, qui animo movent, moliuntur, concipiunt, atque exsequuntur adeo omne nefas, nefaria quaevis, nihil non ex animi lubidine, agentes; verbo, οὐβέζοντας. Egregie in hanc. rem. Eurip. Orest. 705. Κοι ναῦς γάρ ἐνταθεῖσα πρὸς βίᾳ καδὶ ἐβαψεν· ἐστη δ' αὐθίς, ἣν χαλᾶ πέδαι. Μισεῖ γὰρ ὁ θεὸς τὰς ἄγαν προθυμίας, μισοῦσι δ' ἀστοῖ. Brevius idem Hel. 909. μισεῖ γὰρ ὁ θεὸς τὴν βίαν.

v. 69. Sequuntur exempla θύρων graviter a Diis vindicatae, ad illustrandam vv. 68. 69. sententiam adjecta. Summum autem θύρων genus ponit poeta, impietatem adversus Deos, diversis modis proditam. Si poeta substitisset in his: *testis centim. Gyges*, expertus est, novit, μάζεν (Pind. Pyth. 8. 16. in eadem sententia) satis gravitatis erat ex enuntiationis brevitate in transitu; sed extenuavit eam adjectis, *mearum sententiarum*, quibus nimis pedestrem orationi formam induxit. *Gyges, Cottus et Briareus, Centimani, Coeli et Terrae filii*, a patre in Tartara detraisi, indeque a Jove ad debellandos Titanas reducti, hisque in Tartarum conjectis custodes adposisi. Vid. Hesiod. Theog. inde a v. 617. Sed. h. l. iterum satis manifestam cosmogonicarum istarum fabularum deprehendere licet confusionem, qua Centimani, qui multo antiquiores sunt, et quos a partibus Deorum stetisse perhibent, cum Gigantibus rebellibus permiscentur. Similiter Briareum inter Gigantas retulit Virg. Aen. X. 565. sqq. *Orion notus tentator Diana*, famosus, infamis ob tentatam a se Dianam. Tentare ut gr. πειράν, verbum nequitiae, ut Tibull. I. 3. 73. cf Abresch. Lectt. Aristaenet. p. 18. Diana *integra*, illaesa pudicitia, perpetua virginitate gaudens, ἀγνή, ut in eadem fabula Homero audit Odyss. 6, 120; delectum adeo h. l. epitheton. — 71. *sagitta virginea*, virginis, et hoc pro tenui, ejus sag. *domitus*, δαμεῖς, confossus. Τοξόδαμος eadem virtute dicta Diana Eurip. Hippol. 1451. et Αγνης τοξόδαμος Aeschyl. Pers. 85. Ceterum de

Orionis interitu vulgarem narrationem poeta h. l. sequitur; alias causas allegant alii. Vide omnino intpp. ad Hygin. fab. 195. et Heyn. ad Apollod. I. 4. 3. p. 53.

v. 73 Magna hujus loci vis est ex oratione variata. Sequit debet: Testes mearum sententiarum Gigantes montibus atque insulis obruti, et Titanes fulmine in orcum detrusi. Terra mater dolet injecta, graece pro, se injectam, impositam, monstris, filiis suis, Gigantibus, et hoc cum οὐδεὶ pro, terra a Diis injecta est Gigantibus. Nam Typhoëus premitur Aetna, Co Polyboetes, Ótus Creta et sic porro. — 74. partus missi ad Orcum, sunt Titanes, qui et ipsi Terra procreati, a Jove καταρραπτωδέντες; res nota. — *luridum*, pallidum, perpetuum Orci epitheton. — 75. Nec levantur unquam isti poena, aeterna temeritatis expendunt supplicia. Exemplis statim hanc poeta sententiam illustratam subjecit. *Ignis haud peredit*, exussit, absumis *Aetnen impositam* Typhoëo, docte pro: Typhoëus nunquam Aetnae mole levatur, adhuc sub Aetna laborat. *Celer e natura ignis.*

v. 77. *Tityus* aeternas incontinentiae suae poenas apud inferos luit. De Tityo vide ad II. 14. 9. IV. 6. 2. *Incontinentis*, libidinosi, quod Latonae vim inferre conaretur, ideo ejus *jecur*, libidinis sedem, *haud relinquit*, adedit usque, continuo laniat ales, vultur. — *custos additus nequitiae*, datus ei propter nequitiam suam, et hoc pro vulgari, *adsidens* ei, adhaerendo ejus *jecori* poenas nequitiae ejus irrogatas exigens. *Custodire*, ut φρουρέν graecorum, h. l. simpliciter est, adesse, lateri adstare, custodis instar. Vid. ad III. 26. 6. Jam custodes *addi* dicuntur, proprio vocabulo, adjuncta molestiae, quam custodia creat, notio. Vid. Drakenb. ad Sil. II. 595. Adde Tacit. Ann. IV. 67. *Nequitia* de libidinosa intemperantia h. l. ut passim apud poetas. Vid. Burm. ad Prop. II. 4. 2. — *Pirithous* comite Theseo ad inferos descendit, Proserpinam inde rapturus (unde *amator* invidiouse h. l. dictus); sed a Plutone prehensus, saxoque adligatus. Vid. Heyn. ad Apollod. II. 5. 12. p. 434. Cf. IV, 7. 28. *Cohibent* constrictum tenent *catenae*. — *trecentae* firmitatem vinculorum designant; ex quibus adeo sese Pirithous nunquam expediatur.



ARGUMENTUM. V.

---

**P**hraates, quum a. U. DCCXXXI. filium, Romae detentum, ea lege ab Augusto recepisset, ut captivos et signa militaria, Crassi et Antonii cladibus amissa, sibi restitueret, huic tamen ut satisfaceret, haud prius impelli potuit, quam ea ab Augusto, quem in Asiam trajecisse, et ad Syriam usque pervenisse sat sibi constabat, bello repetitum iri fama percrebruisset. Eratis annus ab U. C. DCCXXXIV. Quae res etsi ex pactione cum Parthis ita esset transacta, Augustum tamen, quod solo non in suis terrore Phraatem, ut ea staret, adegit, ita sese extulisse constat; ut maxime instar victoriae restitutionem istam haberit, ovationeque et arcu triumphali, denique nammis quae celebraretur, dignam duxerit. Cf. Dio LIV. 8. Haud mirandum igitur, rem istam magnifice ornari extollique a poetis, adeo quidem, ut Parthos vere subactos, terramque ipsorum in provinciae formam ab Augusto redactam ambitiose jacent. Horatius itaque novam hanc laudum Augusti materiem carmine nobilitaturus, initio statim animum ita rei confectae magnitudine confusum attonitumque ostendit. ut evidentiora divinitatis Augusti argumenta vix dari posse persuasissimum habeat, quandoquidem is ab hoste formidolosissimo, quae maximi antea duces magnis amisissent praeliis, absque ullo certamine receperit. Tum, quo exactior magnitudinis rei fieri posset judicatio, vivide poeta declarat ignominiam turpi Crassianorum militum ditione, turpiusque acta servitute

Cui quam facile adsneverint vel inde adpareret, quod captivorum quidam ante, quam traherentur, morte voluntaria hanc infamiam redimerent, vel in Parthis occulte remanerent, ut Dio l. l. tradit) Romani imperii majestati inflictam, quam Augustus, salva ejusdem dignitate absteserit, armisque, quae jam pridem a Senatu ideo movenda fuissent, vindicandam statuerit; captivos humili redemtionis conditione liberandi indignum reique publicae damnosum existimans. Generosum hunc Augusti sensum, quo incalescit atque defigitur poetæ, patriæ amantissimi, animus, Reguli, eadem olim de captivis statuenteris, gravissima oratione explicuit. Atque in hac quidem sententiarum conversione, tacitaque Augusti cum Regulo, venerando priscae disciplinae exemplo, comparatione, qua nihil blandius aut ad Augusti, disciplinæ serverissime regundae (Sueton. Aug. c. 24.) itidem intenti, laudes excogitari poterat illustrius, singulare prorsus poetæ cognoscitur artificium, quo praeterea fieri non potuit, quin sententiae, Reguli ore prolatae, majorem vim ac gravitatem adquirerent. Regnat omnino per totum carmen spiritus vere Romanus, sententiarum vigor robustissimus, enuntiationis brevitate insigniter adjutus; eloquuntioque argumenti gravitati aptissima, ut absolutissimis illud Romani ingenii monumentis jure accensendum sit. Ceterum quod poeta Britanniam ab Augusto perdomitam ait, optime hoc illustratur Strabonis loco; (IV. p. 158.) Νῦν μέν τοι τῶν δυναστῶν τίνες τῶν αὐτόθι πρεσβεύσεοι καὶ θεραπείαις κατατκευασάμενοι τὴν πρὸς Καίσαρα τὸν Σεβαστὸν φιλίαν, ἀναδήματά τε ἀνέδηκαν ἐν τῷ Καπιτωλίῳ, καὶ οἰκείαν σχεδὸν παρεσκεύασταν τοῖς Ρωμαίοις ὅλῃ τὴν γῆσσον.

Annotations.

v. 1. Splendida atque augusta rei imago: Divisum cum Jove imperium Divus Augustus sortitus est, ille coelum moderatur, huic orbis terrarum cura suscepta; hujus numen praesens venerari licet, illius certis tantum signis cognoscere datur. *Jovem tonantem*, e tonitru ac fulmine *credidimus àoq̄st̄os*, persuademur, ut in *coelo* eum *regnare* credamus. Eadem argumentatione Lucan III. 319. 20. a Schol. Cruq. jam laudatus; *sortisque Deorum ignarumi mortale genus per fulmina tantum sciret adhuc coelo solum regnare Tonantem.* — 2. Angusti contra numen certius utpote *praesens*, in terris versans, quod oculis contingere datur, θεός ἐπιφανής, tutella *praesens Italiae*. ut de eodem IV. 14. 43. Solennis haecce poetarum Augustei aevi adulatio. Ovid. Fast. II. 130. Jam pridem tu pater *orbis etas*. *Hoc tu per terras*, quod in aethere Jupiter alto, nomen habes; *hominum tu pater*, ille *Deum*. Idem Trist. IV. 4. 19. eodem plane orationis colore et sententia: *Causa tua exemplo superorum tuta duorum est*; *quorum hic conspicitur*, creditur ille *Deus*. Valer. Max. Praef. extr. Quo cetera *divinitas opinione colligitur*, *tua praesenti fide paterno avitoque sideri par videtur*. Huc quoque insigniter facit carmen Ithyphallicum apud Athen. VI. p. 253. in Demetrium Poliorcetam inde a v. 15. ἀλλοι μσν ἢ μυκρὸν γὰρ ἀωξίχουσιν θεῖ, ἢ οὐκ εἰσιν ἢ οὐκ προσέχουσιν ἡμῖν οὐδέ τέντε σὲ δὲ παρόντ' ὁρῶμεν. Cf. Toup. ep. crit. p. 174. Iam divinam potentiam suam Augustus adseruit, deusque *hobebitur*, postquam solo nominis sui terrore *Britannos*, *Parthosque*, qui soli defuerant, *imperio Romano adjectis*, eos devicit, sicque totum terrarum orbem subegit. Ad rem Ovid. A. A. I. 177. *Eccœ parat Caesar domito quod defuit orbi addere: nunc Oriens ultime noster eris. Parthe dabis poenas: Crassi gaudete sepulti.* Ceterum rem Noster mirum in modum auxit, magnificeque exornavit, ex aetatis suae more; vid. Argum. *Persae graves*, timendi, infesti nomini Romano; ob clades sub Crasso et Antonio ab iis acceptas.

v. 5. sqq. Omissis Britannis immoratur unice poeta victoriae de Parthis reportatae, utque speciosior magnitudo rei esset, persecuitur atque exaggerat ignominiam *caesis* exer-

citibus, militibusque turpiter sese dedentibus, turpiusque in ista captivitate viventibus, nomini Romano inustam, quam sola imperii sui majestate, rerumque gestarum fama Augustus aboleverit. Commotum atque incensum indignitate rei poetae, patriae amantissimi, animum, paeclare decet commotior atque per interrogationes praecipitata oratio. — Adeone *miles Crassi*, civis Romanus sub Crasso stipendia merens, sui oblitus est, itane a majorum virtute degeneravit, ut, qui mortem pro patria oppetere debuisset, turpem deditioinem honestae morti praeferret, eoque prolaheretur infamia ac dedecore, ut *maritus ducta conjuge barbara*, externa, eaque e populo Romanis infestissimo, viveret, ut matrimonium cum Parthica femina iniret? Probrosum enim atque injustum habebatur civis Romani cum externa femina conjugium. Forte in *vixit* vis est; quasi vitam suam isto conjugio redemerit miles Romanus. Ita am Schol. Cruc. „uxores a victoribus acceperunt, ut vitam mererentur.“ Cf. v. 37. — 6. et in hostili terra, tanquam in propriis sedibus, aetatem egit, ibi consenuit. Anni enim XXXIII. post Crassianam cladem edfluxerant. *Hostes socii*, quam graviter atque invideo! — Arvorum cultui, omninoque servitiis agrestibus captivos olim adhibitos suis quamquam haud negem; majorem tamen movet indignationem, si Romanos milites in Parthorum gentem ac familias adscitos, tanquam novos colonos in nova sede arvis colendis operam dare cogites. Hinc etiam graviter adjectum *sub rege Medo*, Parthorum regis jugo, servitio adsuefacti, quum in libera repantea vixissent. Atque ita facile perspicitur, graviorem ignaviae notam adspergi militibus, antea virtute bellica laborumque tolerantia inclytis, unde cum delectu *Marsum* et *Appulum* ponit poeta pro fortissimis Romani exercitus militibus. *Genus acre virum*, *Marsos* vocat Virg. Ge. II. 167. cf. Il. 20. 18. nunc in otio apud Parthos senescentibus, captivitatisque contumelias aequo animo ferentibus. — 7. *Pro Curia inversique mores*, docta, Horatioque familiari ratione dictum pro: o inversos Curiae mores! quantum inversa est, descivit, deflexit *Curia*, *Senatus* (ut Il. 1. 14.) a pristinis moribus, ab antiqua majestate, qui tam lente tanti dedecoris infamiam per tam longum annorum decasum sustinere potuit, adeo quidem, ut ne bello quidem eam vindicandam, armisque captivos redimendos statue-

rit. Alii disjungunt posterius, inversosque s. immutatos *militum* mores a majorum disciplina deslexos intelligunt; quae dura admodum est ratio, etsi ad sensum totius loci satis adcommodata.

v. 10 — 12. *Obliti* ac prorsus immemores patriae suae: propter diurnam ipsorum captivitatem. Forte tamen cum vi: indigne se populo principe, rep. Romana, cuius olim cives essent, gerentes, obliti se cives Romanos esse. Jam principatum ac dignitatem populi Romani doce specialibus adumbratam dedit notionibus. *Ancilia* memorantur h. l. tanquam fatalia aeternitatis imperii R. pignora. *Res salis nota* vel ex Ovid. Fast. III. 373 sqq. — *nominis*, quod e populo essent, virtute bellica conspicuo. — *togae*, dignitatis ipsorum pristinae, quod liberae reip. cives fuissent. Toga enim proprium Romanorum civium gestamen. Eadem virtute Virg. Aen. I. 282. Romanos adpellat *rerum dominos gentemque togatam*. Hinc *togae honor* Silio VI. 393. simpliciter *toga dicta*, quae honori, decori est ea amictu. Ad Antonium Nostri verba traduxit Flor. IV. 11. *Qui patriae, nominis, togae, fascium oblitus, totus in Cleopatram ut mente, ita animo cultuque desciverat.* — 11. *Vestae aeternae*, cuius ignes aeterni, h. nunquam extingendi, et ipsi Romani aeternam spondebant. — 12. Augetur facti invidia, quod ita se gessissent *incolumi Jove Capitolino*, quod angustius dictum pro ipso Capitolio, arce imperii, et *incolumi urbe Roma*, utrumque pro vulgari, stante republica, re Romana integra.

v. 13. Scilicet *hoc*, ne turpem ditionem Ronianus miles spe redemptionis honestae morti praeferret, ne militi spes alia salutis nisi in armis esset, *caverat*, cavere studuit, hoc dedecus a pop. Romano prohibere voluit. Pro Regulo doce et significanter est *mens provida* Reguli, prudentia Reguli, qui animo facile praevideret, quantum detrimenti redundaturum inde foret in rem publicam. Omnino pedestris ratio erat: Prudenter, sapienti consilio Regulus dissuasit conditiones cet. — 14. *Dissentientis*, dissentiendo, eo quod dissentiret *conditionibus* (tertio casu) graece pro, a conditionibus, dissuadendo conditiones, quas Romanis Carthaginenses de permutandis captivis ferrent, negando captivos redimi debere. — *foedis* non per se, poterant enim aequissimae esse (et erant utique. Sil. VI. 485. *Exposcunt Libyes, nobisque dedere haec referenda, pari libeat si pendere bellum foedere, et ex aequo geminas conscribere leges.*) ; sed

qnia indignum ac terpe Romano nomini censebat, captivos redimi. Vix enim respectu Reguli foedas dixit poeta conditiones, quibus foeda ipsi proposita essent supplicia, si re infecta Carthaginem rediisset. — *dissent. exemplo*, qui exemplum extare nolebat, quod *tracturum*, adlatatum esset *perniciem*, quod perniciosissimum esset *in venient futurn aevum*, ad omnem posteritatem. Vulgaris sententiarum junctura erat: dissuasit conditiones, ne ita exemplum posteris proponeretur, reip. funestissimum, vel, negavit recipiendas conditiones, foedas quippe pessimique ad posteros exempli. — 17. Si captivi redimerentur. Pro quo inversa oratione est: *Si non periret*, in captivitate retinendam Senatus judicaret *captivam pubem*, captos milites, *immiserabiles*, absque miseratione, indignos quorum quisquam misereretur.

v. 18. Singulare prorsus poetae artificium est, quo obliqua oratio subito erigitur, ad rectamque convertitur; quo sane ad commovendos legentium animos vix efficacius quidquam cogitari poterat. Habet autem ipsa Reguli oratio miram gravitatem ac *devorata* ad concitandam augendamque in audientium animis indignationem, qua ipsum accensum conciae abruptaeque sententiae insigniter produnt. *Vidi signa et arma adfixa del. et derepta milit.* Etiam hic confusus rei gestae ordo egregie decet comotum Reg. animum. Vulgare erat: *Vidi arma et signa milit.* Rom. *derepta suspendi delubris Punicis.* De veteri ritu, signa atque arma hostibus erepta in templorum fastigiis, *donarii* loco, suspendendi res vulgatissima. Vide doctam Stanleji notam ad Aesch. Agam. 587. p. 811. — *sine caede*, qui milites Romani non occisi, sed in turpissimam deditioñem concedentes per summam ignaviam sibi eripi passi sunt. Atque hoc extreum erat flagitium, quod omnem miserationem discuteret, atque morte adeo puniretur apud Romanos. Magnam vim habet illud repetitum *vidi*, quae ipsa collocatione augetur. — 21. Vivide adumbratur deditioñis infamia, memoratis speciatim *brachiis tergo* in *tergum retortis*, restrictis, idque *civium* quondam Romanorum, *liberorum* adeo (quod docte ad *tergum transfertur*) nunc turpiter servientium. Ultima haec paeclare ad invidiam augendam adposita. De more captivorum manus et brachia a tergo revinciendi vide Lamb. — 23. Vidi Carthaginenses in summa securitate degentes, ex contemtu yestri, quos quidem a se fractos oppressosque, ignominiam vix unquam ulturos existiment. Secu-

ritatem designant *portae* Carthaginis non amplius *clausae*, metu vicini hostis; quod paullo ante factum erat, Regulo victoris exercitus sui terrorem ad Carthaginem usque perferente. *Apertis otia portis* similiter Noster A. P. 199. — 24. et arva nunc tanquam in pace *coli*, quae modo *populata* erant *Marte nostro*, a militibus nostris. Etiam haec ad summam Carthaginiensium securitatem declarandam adjecta puta. Gesnerus tamen verba *Marte nostro* ad utramque sententiam pertinere existimabat, hoc sensu: *Vidi arva Marte nostro*, a militibus nostris *populata*, *Marte nostro*, ab iisdem militibus nostris, jam captivis, *coli*; quae quidem ratio meo sensu durissima videtur, augendae etsi invidiae insigniter accommoda sit.

v. 25 sqq. Neque vero turpe tantum, sed et inutile, atque damnosum adeo reipublicae, captivos istos redimi. Summa vis sententiae contratio sensu enuntiatae. An unquam sperare licet, *militem*, qui semel vitam abjectis armis cum hoste pactus sit, *auro repensem*, ubi auro penso ab hoste redemptus fuerit *acriorem redditurum*, manu magis strenuum, fortiori deinceps evasurum? — *Flagitio additis damnum*, dupliciter accipi potest. Est vel: Praeterquam quod flagitiōe agitis, infamiani nomini Romano adspergus, damno insuper adficitis rempublicam, pretio pro ignavis istis solvendo; turpiter auri jacturam facitis. Vel: Inutiliter flagitiosis istis impenditis pecuniam. Utrumque satis commode. Prius tamen acrius atque fortius in dissuadenda coram senatu redēptione. Concinunt verba Euripidea (Rhes. 102.): αἰσχρὸν γὰρ ἡμῖν, καὶ πρὸς αἰσχύνην κακόν. — 27. Et comparatio, et comparandi ratio (*nec-nec* pro *xulgari*, uti non, s. non magis quam, ita neque) paullo quaesitior. *Lana fuco medicata tincta*, infecta. Medicare φρεγάσσεται, poetis est, alienum colorem, desperdito nativo inducere, alieno succo tingere. Ovid. Medicam. fac. 9. *Vellera saepe eadem Tyrio medicantur aheno*. Inde medicamen succus purpurae simpliciter dictus Plin. IX. 38. *Fucus marinus*, *lactucae similis*, *conchyliis substernebatur* (teste Plin. XXVI. 10.) h. e. lana herbae istius succo prius imbuebatur, quo facilius purpurae colorem admitteret. Vid. Gesn. Thes. L. L. h. v. et ad Quintil. XII. 10. 75. Tum omnino pro quovis succo, qui tingendo inservit, vel purpurae adeo, ut h. l. poetis usurpat. Ita *conchylii fucum* dixit Catull. LXIV. 49.

atque ita saepius alibi. Proprie tamen facum quidam h. l. accipiendam, dataque opera ignobiliorum hunc colorem a poeta poni nimis subtiliter statuunt; quumi comparationis vis intra deperditum nativum colorem subsistat. Quintil. I. 1. 5. *Nec lanarum colores, quibus simplex ille candor mutatus est, elui possunt.* — non refert col. am. reddi ei nequit candor pristinus. — 29. *Virtus*, fortitudo animi, vera, natura insita. Ita colorem verum h. nativum, genuinum dixit Terent. Eun. II. 3. 26. — ubi semel excidit animo, periit, amissa est; scilicet virtus insidet animo virti fortis; eidem, ignavo facto, excidit, sede sua proturbata. — 20. non curat reponi, aspernatur, deditur restitui, haud reddit deterioribus, ignavis militibus: quamquam haud raro acuit virtutem ignominia (Valer. Max. II. 9. 9.) et quondam etiam victis reddit in praecordia virtus. *Reponi* praecclare respondet rō excidit. Senec. Hippol. 591. *Quis me dolori reddit, atque aestus graves reponit animo? quam bene excideram mihi. Deteriores, xepioves, ignavi, timidi;* (Plaut. Epid. III. 4. 10. *Strenuori deterior si praedicat suas pugnas, de illius ore fiunt sordidae*) cum delectu h. l. ac propria vocis notione. Nam deteriores sunt e bonis, pejores e malis; juxta Nonium et Scholl. h. l. — 31. Observa exquisitam orationis variationem. Vulgaris efferendi eam modus erat: Qui semel captus est, is non magis fortis erit, quam cerva, retibus elapsa. Pro quo poeta: *si cerva pugnat, si credere par est, cervam, extricatam, expeditam e plagis, retibus, pugnaturam, animose sese oppositaram insegnanti venatori; erit ille fortis,* cum quoque fortiter pugnaturum credam qui cet. Ceterum solennis timidorum cum cervis comparatio apud poetas. v. c. Hom. Il. v. 102. — 33. Verba quaesita ad augendam rei invidiam. Nam credidit se multo acrius quam dedidit se, tradidit se hostium potestati; cui graviter opponitur perfidis. — 34. Adeo quidem, ut Poenos, quibus se dedidisset, *Marte altero, novo proelio, iterum proterat, prosternat, vincat.* — 35. 36. Scilicet eum fortiter creditis pugnaturum, salutemque suam iterum in discrimen oblaturum, quam turpissima servitute redimendam haud dubitaverit? *Sensit iners, ita ut ne commoveretur quidem rei indignitate, lente adeo brachia sua loris in tergam restringi passus est, vinciri se sustinuit, timuitque mortem, mortis metu. Hoc graviter adjectum.* Scilicet optanda mors est, quae civibus Romanis

*semper fuit servitute potior*, Cic. Phil. X. 19. Idem Phil. II. 144. *Servitus, postremum malorum omnium, non modo bello sed morte etiam repellendum.*

v. 37. *Hic, per contemtum, ignavus iste miles, qui indigne sese Romano nomine gereret.* Adverbialiter accipiunt quidam, ut Scholl. „in bello“ Ita mallem potius: quum res in illud discrimen adducta esset, quum ad incitas redactus esset miles. *Dni- rior tamen altera haec ratio.* — *in sciis, tanquam nesciret, im- memor prorsus, unde vitam sumeret, unde salutem petere debe- ret, quod ferro sibi vitae spes quaerenda esset.* — 38. *Facem duello miscuit, docta brevitate pro, in bello, in ipsa pugna cum hoste, tanquam in pace, transegit, de impetranda vita armatus cum hoste pactus est, deditiois pactione saluti suae consuluit, manu, vi, ferro obtainendae.* — *O pudor!* Mira δεινότης in hoc orationis exitu, quo in summam invidiam res adducitur. *O magna Carth.* quantum gloriae partum tibi est ex nostro hoc dedecore! *Altior Ital. ruinis, cuius magnitudo nostris cladibus (at quanto fortius atque significantius, ruinis totius Italiac) probrosis, summa cum ignominia conjunctis, unice innititur.* Praeciare sibi respon- dent *altior, et ruinis.*

v. 41 sqq. Praeciare τὸ πρέσων servavit poeta in Regulo, ut pote *capitis minore*, h. capite deminuto. Quum enim, belli jure servus Carthaginiensium factus, omnia, quae civis Romanus ha- buisset, jura amisisset (unde Manlius apud Liv. XXII. 6o. capti- vorum, de quibus redimendis in Senatu agebatur, legatos ita in- crepat: *Liberi atque incolumes desiderate patriam: imo deside- rate, dum patria est, dum cives ejus estis.* Sero nunc deside- ratis, deminuti capite, abalienati jure civium, servi Carthagi- niensium facti. Atque haec quidem erat deminutio capitum ma- xima) nec matrimonii, atque patriae adeo in liberos potestatis amplius jure gaudebat. Igitur *removit a se osculum conjug.* am- plecti noluit Marciam, conjugem suam, indecorum existimans (uti bene Scholl.) matronam Romanam servum osculo dignum putare. Polyb. fragm. IX. Καὶ οὐτε τὴν γυναικα ἵσ λόγος ἐδέξετο. Idem memorat Eutrop. II. 14. *Inductus in Senatum nihil quasi Roma- nus egit, dixitque se ex illa die, qua in potestatam Afrorum venisset, Romanum esse desiisse.* Itaque et uxorem a complexu removit, et Romanis suāsīt, ne pax eum Poenis fieret. Latius idem persecutus est Sil. VI. 403 sqq. cuius maxime hic spectant

vv. 411 — 414. *Me voce quieta adfatus, jubet et vestros et con-*  
*jugis una arcere amplexus; patet impenetrabilis ille luctibus, et*  
*nunquam submissus colla dolori.* — *pudicae, matronae Romanae;*  
*Sanctitas enim atque pudicitia verum atque proprium matronarum*  
*Romanarum ornementum.* Eadem de se Marcia apud Sil. VI.  
438. *Vestigia nostri casta tori, domus et patrium sine crimine*  
*servat inviolata larem.* — *párvos, suaviter adjectum, ad com-*  
*movendam miserationem.* — 43. 44. *et virilem torv. humi pos.*  
*vultum.* Egregia pertinaciae Regali atrocisque virtutis ejus *υνοτύ-*  
*ωσις.* Stat in curia Regulus, *vultu virili, virtutis atque constan-*  
*tiae ejus indice, humi positio*, in terram fixo, dejecto, *torvus,*  
ita ut nullus erga suos affectus eluceret, torvo obtutu amplexus  
ipsorum repellens. Duobus igitur membris, ita si hunc locum  
interpreteris, sententiam vulgarem: Regulum amplexus suorum  
constanter repressisse, idque satis docte, atque graphicè prorsus  
exposuisse dicendus est poeta. Oh sequentia tamen; *Donec lab.*  
*cet. posteriora: virilem . . . vultum indignabundi potius Reguli,*  
*qualem sua ipsius oratio prodiderat, atque de sententia Senatus*  
*maxime solliciti speciem referre existimem. Metuebat nimirum,*  
*ne patres, habita sui ratione, patriae male consulerent, captivos-*  
*que redimendos statuerent. Atque ita fere Graeci πυρηδ' υπο-*  
*βλέψει, et Latini, *torva, obliqua, aversa tueri* dicunt hominem*  
*indignatione aestuantem. Quod idem arguit vultus in terram de-*  
*jectus. Apte laudat doctiss. Boettiger Eurip. Med. 27. — Οὐρ'*  
*ὤμη ἐπαιρούσ' οὐτ' ἀπαλλάσσουσα γῆς πρόσωπον.* Utrumque autem  
composuit Aristoph. Ran. 815. 16. Ξα. ήσσων βαρέως σῆμαι τὸν Αἴ-  
σχυλον φέρειν; Αἰα. ἔβλεψεν οὐχ ταυρηδὸν ἐγκύψας κάτω.

v. 45. Atque ita Regulus tam dia persistit, donec patres *firmaret* consilio suo, in sententiam, quam ipse suassisset, quam-  
quam sibi perniciosissimam (ideo *cons. numquam alias datum*, inauditum vocat poeta) adductos in eaque obfirmatos videret. Bene  
oppontuntur *firmaret* et *labantes*, h. ambigentes, dubios, quid  
consilii caperent (ita *fluctuantem alicujus sententiam confirmare* Cic. Phil. I. 7.) animo ad misericordiam propenso. *Auctor*,  
ornatu poetico adjectum, uti mox *exsul.* — 47. 48. Suave anti-  
theton in properaret et maerentes *amicos*: (neutiquam vero in  
maeret *am.* et *egreg. exsul.*, quod cum Porphyrione plerique  
statuunt.) E curia se proripit, atque citato gradu, quo laetitiam  
suam testatam faceret, inter *amicos* abitu ejus contrastatos ad

hostem pergit. *Egregius*, singularis prorsus exempli, ut qui sui ipse exsilio auctor esset, captivos retinendos suadendo.

v. 49. Nec vero ignorabat, se ad crudelissimum hostem, et ad exquisita supplicia proficisci, Cic. Oific. III. 27. Atqui, enim vero, quamquam probe norat, quae sibi barb. tortor pararet, quae immania tormenta ac supplicia sibi ab hoste crudelissimo pararentur, quibus cruciatibus sibi pereundum foret, si infecta re Carthaginem rediret; tamen cet. Vulgarem autem atque a vetustis adeo Annalium scriptoribus de atrocissimis tormentis crudelissimaque nece, qua Regulum adfecerit Punica feritas, traditam narrationem, a V. V. D. D. haud levibus argumentis inquagnatam, (vide omnino doctam, acutam, copiosamque super ea Ruperti ad Sil. VI. p. 395 sqq. disputationem) Horatius poeta h. l. statu fecit, utpote quam maximum ad repraesentandam, atque luce sua collustrandam Atilianaे virtutis imaginem momentum habituram intelligeret. Ita enim demum illud admiratione dignum haberi debet, quod captivos retinendos censuerit. — 50. Eam tamen animi excelsitatem atque alacritatem in discessu praese tuli, ut non ad hostes dirissimos, sed ad villam eum amoenissimam, rusticandi gratia, recta pergere diceres. Postremum praeclare exornavit poeta comparatione cum patrono instituta, qui finitis negotiis forensibus recreandi animi causa secessum cupide petit. Alacritatem atque constantiam Reguli vivide designant dimovit, et preces obstantium propinquorum atque universi adeo populi Romani, redditus morantis, retinere eum enpientis a se neglectae Sil. VI. 494. Prosequitur vulgus patres ac planetibus ingens personat et luctu campus; revocare libebat interdum et justo raptum retinere dolore.

v. 53. Clientum negotia relinquere, multo significans est, quam, urbem relinquere, in qua clientum negotiis, quae vel orator, vel advocatus curasset, quaeque diurnitate sua summo eum taedio adfecissent (quam exquisite igitur longa!) detenus atque distractus fuisset. — 54. Lite, indictis judiciorum seriis haud dilata, sed perorata atque dijudicata, decisa, ex animi sententia transacta; unde adeo liquidorem atque sincerorem secessus ipsi voluptatem allaturus est. Suaviter hoc adjectum. — 55. Tendens, prefecturas in praedium suum Campanum (pro quo in specie *Venafrum* posuit) aut Tarentinum. Utraque regio Italiae

amoenissima, praediisque Romanorum eam ob causam refertissima. — *Lacedaemonium*, vid. ad II. 6. 11. 12.

ARGUMENTUM. VI.

*Quam res publica, collapsa, qua ad summum cacumen emersisset, disciplina veteri, perditissimis laboraret moribus, adeo quidem, ut innumeris malis gravissimisque, quae inde in eam redundarent, calamitatibus in summum eam discrimen adductum iri absque Oedipo conjectore posset intelligi; Augustus, sustentatus eam, primam horum malorum labem explorandam tollendamque ratus, praeter alia, salubriter in hanc rem cauta atque sancta, adulteria potissimum, quae non ipsa solum, sed etiam malorum, inde propullulantium, contagione reipublicae essent pestilentissima, gravibus multis severisque legibus latis, maxime Iulia, coercenda statuit. Quumque idem reficiendis templis, quae aut bellorum civilium injuria subversa, aut vetustate collapsa essent, maximam curam impendendo Deorum pacem apud alligatum superstitione populum redempturus videri vellet; ultrumque poeta, ad erigendam quippe stabiliendamque rem publicam efficacissimum, hoc carmine commendaturus, Romanorum in universum terrarum orbem imperium a Deorum cultu, maximas contra clades, quae illud paene perverterint, a neglectis religionibus repetendas, foedaque prorsus omnia, quae adversus eas moliaris, inceptu foedioraque esse exitu pro-*

nuntiat. *Inde ad alterum malorum fontem, adulteriorum pestem, delatus, morum inde, paullatim desidentium, tetterrimam labem derivat, eamque vividissimis coloribus depingit.* Tum, quo magis perspiceretur, quantum ista morum corruptela reipublicae detrimenti adferret, ignavae atque enervi suae aetatis proli, adulterina Venere prognatae graviter opponuntur mores priscorum hominum, qui pudicenati duriterque educati maximas olim terra marique res patrassent.

### A d n o t a t i o n e s.

v. 1. *Delicta majorum generatim quidem h. accipi possint, ut sint scelera atque piacula, ἄγν, quibus populum Romanum majores obstrinxerint, maxime bellorum civilium, quibus Deorum in se iram provocassent, impietate ac diuturnitate; satius tamen erit, ob seqq. ad intermissum Deorum cultum, violatasque (cf. I. 35. 37.) religiones in specie referre.* *Lues,* poena istius delicti ad te pertinet, poenas a te Dii expertent, quamvis *immerito*, insonti, innoxio; e communi crudoris aevi persuasione, qua graviorum scelerum suppicia ad posteros interdum à Diis differri credebantur. *Tὰ τῶν τεκίντων ὡς μετέρχεται θεός μιάσουατ'*, Eurip. Fr. Alcmaeon. VII. p. 417. Lips. Plura vide notata ad I. 28. 30. — 2. Augustum quidem solem hic intelligi volunt, inducti forte prava v. 5. interpretatione. Sed nec in individuo numero vis querenda, quam potius orationi conversae tribus, quam tamen ipsam metri necessitas expressissē videtur. — *Donec religiones neglectas instauraveris.* — *Templa et aedes Deorum cumulavit poeta, vix ullo discrimine: quamquam, si argutari velis, posterius cum vi quadam dictum accipi possit, ut sint Deorum domicilia, sedes.* Certe de privata religione vix h. cogitare licet. *Labentes* vetustate, ruinae proximas. Neglectam in Deos pietaten ita designat poeta, quod Augustus cum reficiendorum tum novorum templorum extrinendorum curam populo, quamquam aliis de causis, ostentaret. Qua de re diserte Sueton. Aug. 30. *Aedes sacras vetustate collapsas, aut incendio absum-*

*tas refecit.* Ovid. Fast. II. 59. 60. *Cetera ne simili caderent*  
*collapsa ruina, carit sacrati provida cura Ducis.* Eidem mox  
 (v. 63.) *idem dictus templorum positor, templorum sanctus re-*  
*postor.* — 4. *simulacra Deorum, foeda squalida, sordida, nigro*  
*fumo, quorum adeo cura diu intermissa fuerat.* Bene Schol. „*per*  
*nimiam vetustatem sordentia.*“ *Consueverant enim deorum simu-*  
*laera, maxime lignea, fumo, aërisve iuriis inquinata statu tem-*  
*pore ac solenni ritu purgari apud veteres.* Minus recte ad incen-  
*dia templorum refert Dacerius. Ceterum eandem rem aliter ex-*  
*ornavit Propert. II. 3. 27. *Velavit aranea sanum, et mala deser-**  
**tos occupat herba deos.**

v. 5. *Imperas, imperium orbis terrarum tenes, omnia tibi*  
*prospere cedant, quod, propterea quod, quatenus te minorem*  
*Diis geris, Deos te superiores habes, eorum adeo benevolentiam*  
*cultu atque obsequio promereris studes. Suavis antithesis : Diis*  
*obsequendo obsequiosum habes totum terrarum orbem.* Apte lau-  
 dat Torrent. Cic. de Harusp. resp. 9. *Pietate ac religione, at-*  
*que hac una sapientia, qua Deorum immortalium numine omnia*  
*regi gubernarique perspeximus, omnes gentes nationesque su-*  
*peravimus.* Adde Val. Max. I. 9. *Omnia namque post religio-*  
*nem ponenda semper nostra civitas duxit: quapropter non du-*  
*bitaverunt sacris imperia servire; ita se humunarum rerum fu-*  
*tura regimen existimantia, si divinae potentiae bene atque con-*  
*stanter fuissent famulata.* Et paullo ante: *Non mirum igitur,*  
*si pro eo imperio augendo custodiendoque pertinax eorum indul-*  
*gentia Deorum semper excubuit: quod tam scrupulosa cura*  
*parvula quoque momenta religionis examinare videtur; quia*  
*nunquam remotos ab exactissimo cultu caerimoniarum oculos*  
*habuisse nostra civitas existimanda est.* — 6. *Hinc refer seu*  
*potius ἀπὸ κοινοῦ, pete, a Diis sume omne principium, omnium*  
*rerum agendarum exordia;* ne inceptes quidquam, nisi Diis an-  
*toribus, huc refer exitus, quandoquidem susceptae rei ab iis*  
*pendet exitus.* Egregie hue facit Camilli oratio apud Liv. V.  
 51. a Torr. primum laudata: *Intuemini horum deinceps annorum*  
*vel secundas res, vel adversas; invenietis omnia prospere eve-*  
*nisse sequentibus Deos, adversa spernentibus.* Item Appii apud  
 Liv. VI. 41. *Quid de religionibus atque auspiciis, quae propria*  
*Deorum immortalium contentio atque injuria est, loquar? Aus-*  
*picis hanc urbem conditam esse, auspiciis bello ac pace, do-*

*mi militiaeque omnia geri, quis est, qui ignoret? — Eludant nunc religiones. Quid enim est, si pulli non pascentur? . . . Parva sunt haec; sed parva ista non contemnendo majores nostri maximam hanc rem fecerunt. Denique Cicero Or. in Vat. 6. luculento valdeque adposito loco: Et, quoniam omnium rerum magnarum a Diis immortalibus principia ducuntur, volo ut mihi respondeas tu, qui te Pythagoricum soles dicere, — quae te tanta pravitas mentis tenuerit, qui tantus furor, ut, cum inaudita ac nefaria sacra susceperis, auspicia, quibus haec urbs condita est, quibus omnis respublica atque imperium continetur, contemseris? — 7. Etenim Dii neglecti, contemti, spretis eorum monitis, multa mala dederunt, gravia damna inflixerunt Hesperiae, Italiae, luctuosae in luctum inde versae, tristi, cladibus afflictæ.*

*v. 9. sqq. Quantum humana consilia castigentur, ubi se cœlestibus pœferant (Valer. Max. I. 6. 11.), exemplis gravissimis e suo populo petitis, jam communit, atque illustrat poeta. Bis cladem res Romana a Parthis acceperat, primum imp. M. Crasso, quem *Monaeses*, dux Orodis (*Surenam* vocant scriptores historici, quod summae apud *Parthos* dignitatis nomen recte VV. DD. statuunt) circumfusis immanibus copiis equitum una cum parte maiore Romani exercitus interemit (Vellei. II. 46.); iterum duce M. Antonio, cuius primum legatus Didius Saxa cum legionibus interemtus a Parthis a. U. DCCXIV. duce *Pacoro*, Orodis regis filio (Dio XLVIII. 24. sqq.) tum et ipse a U. DCCXVIII. exercitum adversus illos ductum amisit. Dio XLIX. 24 sqq. Uterque Diis adversantibus istam adversus Parthos expeditionem suscepérat; Dirarum Crasso obnuntiatarum adfatum reccensent Plutarch. in *Crass.* c. XIX. Valer. Max. I. 6. 11. Cf. Cic. Div. 1. 16. Vellei. II. 46. Flor. III. 11. — *impetus inauspicatos, nos inauspicato*, neglectis auspiciis ac Deorum monitis, se adgredi ausos, contudit fregit, gravissima clade adflicxit. De hujus v. vi vide Ruhnk. ad Vellei. II. 121. Adde Val. Max. IV. 4. 6. Tacit. Ann. II. init. — *et adjecisse pr. t. e. renidet*, imago ad augendam rei invidiam mire efficax, maxime si cogites, Crassum Parthici auri cupiditate hoc bellum molitum fuisse. Parthus *renidet adjecisse*, eo, quod adjecerit, s. renidens adjecit suis torquibus, quos antea adinodum exiguos habuerat, *praedam*, militibus Romanis, maxime equitibus, detractos torques aureos, h.*

superinduit exig. suis torq. majores et aureos equitum Romanorum torques, istaque praeda se jactat, cum irrisione nostri. Minus docte alii Parthorum torques exiguo ex praeda Romanis detracta, auro, argento, gemnis cet. ampliores ornatioresque intelligunt. Renidere de arroganti risu, hiantibus leviter labiis, passim poetae. Theor. §. 19. σεσαρὼς, ὅμματι μειδιόωντι, γέλως δὲ οἱ εἴχοτο χείλευς. Idem x. 14. Καὶ τι σεσαρὼς καὶ σοβηρὸν μ' ἐγέλασεν. Restrictis labellis ridere Catull. apud Apulei. Florid. p. 277. Elmenh.

v. 13 — 16. Aliud impietatis genus subjicit poeta, bella civilia; quibus Deos adeo populo Romano insensos fuisse factos poeta ait, ut immisis externis hostibus urbem atque imperium Romanum paene deleverint. Ita rem a poeta h. l. adornatam existima. Daci enim atque Aegyptii potissimum (nam hos Aethiopum nomine maxime comprehendit v. 14. abunde docet) quamquam essent in Antonii exercitu (de Dacis vid. Dio. LI. 22. Plutarch. Anton. p. 945. de Aethiopibus Plutarch. I. I. p. 944. D.) neque suo ipsorum nomine bellum adversus Romanos molirentur; poeta tamen ab historiae veritate paullum discessionem facere temque ita adornare potuit hactenus, quod Cleopatra Antonio nupta imperio Romano immineret. Cf. I. 37. 6 — 8. Rei autem sic mire exaggerari invidiam, quis non sentit? Tum Dacos memorat, utpote fortissimam, maximeque Romanis timendam gentem. Cf. I. 35. 9. Urbs igitur seditionibus domesticis bellis occupata, districta atque impedita est, quo minus ingruentes exterorum hostium copias arcere ac propulsare queat. — 15. Hic Aethiops, s. Aegyptius, classe navium copia ac magnitudine formidatus, metuendus, praestans; Dacus autem melior, bonus, peritus sagittandi arte.

v. 17. Altera calamitatum origo, mores antiqui, adulteriis, omnium flagitiorum seminariis potissimum subversi atque prostrati. Vide Argum. Secula, aetas nostra, secunda culpae, ferax, abundans scelerum omnis generis proventu, ad quaevis vitia propensa, flagitosissima, corrupta primum disciplina domestica. *Fecundum in fraudes hominum genus similiter Sil. II. 498. Culpam* verecunde de stupro dictum volunt Gesn. et alii; sed comprehendit h. l. omnia flagitia, e stupris prognata. Vulgarior enim ratio erat: Magna vitiorum seges provenit nostra aetate, ex quo primum matrimonia corrupta sunt. — *primum inquinavere nu-*

*ptias*, corrupere adulteriis matrimonia, primam morum labem adulteriis contraxere nostra secula. Μισίνειν, χραινεῖν, αἰσχύνειν λέχος similiter Graeci de adulterio. *Maculosum nefas* de eodem IV. 5. 21. — et inde *genus*, et *domos*, plerique interpretes de turpitudinis macula soboli inde, universaeque adeo familiae adspersa cogitant; sed est potius, corruperunt, depravarunt subolem, parentum similitudine non solum in corpus sed et in animum liberorum transfusa. *Quis enim non videt, et formas et mores — effingere a parentibus liberos? quod non contingere, si hoc non vis et natura gignentium efficeret.* Cic. de Div. II. 94. Zenoni inde vis procreatrix dicitur σύμμιγμα καὶ κέρασμα τῶν τῆς Φυχῆς δυνάμεων ἀπετακόμενον apud Plutarch. de ira cohil. p. 462. Hinc παλαιὸς αἴνος ὡς κακὸς ἔχει, οὐκ ἀν γένοιτο χρηστὸς ἐκ κακοῦ πατρὸς Eurip. in Dictye fr. XI. Idem in Antig. fr. XI. φίλει γάρ οὐτος ἐκ κακῶν εἶναι κακός. Ecdorus apud Stob. Flor. Grot. p. 365. ἐκ τοῦ κακοῦ γάρ η φύσις τίκτει κακόν· οὐς ἐξ ἐχιδνῆς πάλιν ἐχιδνα γίνεται. Plura vide ad IV. 4. 29. Atque ita fieri haud poterat, quin malum istud, per plures *domos* s. familias diditum, universam tandem civitatem invaderet, moresque plane subverteret. — 19. 20. Inde, sc. ex hac adulterii labore, tamquam fonte, derivanda est, s. *fluxit* (pro quo ornata est *derivata fluxit*) redundavit *in patr. pop.*, in rempublicam *clades*, damnum gravissimum, inclinatis jam natura ad omnia flagitia animis, parentum culpa. Omnino pedestris forma erat: publice privatumque res Romana inde afflita est, detrimenta cepit. Jam publicas calamitates, quae imperii Romani majestatem, labente ex his causis disciplina militari, attererent atque imminuerent, poetam *patriae* adpellatione innuere putandum; *populi* autem, privatas cujusque, quae eversam disciplinam domesticam sequentur, puta jacturam rei familiaris, dignitatem, bonam existimationem cet. insito omnibus per luxum atque libidinem pereundi perdendique omnia desiderio. Vides igitur *populum* h. salutem cuiusque civis oppositi *patriae*, saluti imperii, reip. Romanae. Ad sententiam Catull. CXIII. *Consule Pompejo primum duo, Cinna, solebant moechi: illo facto Consule nunc iterum manserunt duo: sed creverunt millia in unum singula: secundum semen adulterio.*

v. 21. Hinc illud est, quod a tenerima statim aetate feminae non tam prava institutione, quam ipsa natura ducit, ad omnem lasciviam ac nequitiam proclives ferantur. Errant igitur, qui per-

versam juventutis Romanae, in primis filiarum educationem, quazd omniem mollitiem instituantur, et quae ipsa adulteriorum, dissolutaeque morum licentiae origo sit, a poeta inde a v. 21. pertractari. tque exagitari opinantur. Sed hoc solum agit, ut demonstret, τὸ ἵγγενος liberorum a parentibus adulteris propagatorum turpitudinis contagione teneri, ad eademque flagitia eos prolabi, sicque civitatem pessumdati. *Motus* latius patet, quam intpp. volunt. Referendum enim non tantum ad saltationes, ut quidem exquisitor loquendi usus tam Graecorum quam Romanorum fert, sed omnino ad gestum, habitum corporis, atque incessum. Jam Ionum mollitia atque lascivia via piae ceteris Asiae populis famigeratissima erat, adeo quidem, ut proverbio traducerentur ipsorum saltationes ac lasciviores gestus. Conf. Athen. I. 19. p. 22. ubi Ιωνικὴ ὥρχησις in iis ab Aristoxeno refertur, quae διὰ τὴν χειρῶν κίνησιν ceteris praestent. Aristoph. Thesmoph. 170. ἐμιτροφέρουν καὶ διεκινοῦντ' (pro quo Tou Emend. in Suid. T. I. p. 129. volebat διεκλᾶντ' eodem sensu) Ιωνικῶς h. ἀβράς, τρυφερῶς juxta Schol. quocum facit Hesych. Ιωνικόν, τρυφερόν, ἡ ἐώι τοῦ κατεαγότος, ἡ θηλυκοῦ. Talem Asiaticam saltatricem describit Automedon ep. III. 1. (Anal. Br. II. 207.) nostri forte loci habita ratione: Τὴν ἀπὸ τῆς Ἀσίης ἐρχηστρίδα, τὴν κακοτέχνιοις σχήμασιν ἐξ ἀπαλῶν κινυμένην ὄνυχισιν, αἰνέω, οὐχ' ἐτι πάντα παθαινεται, οὐδὲ ἐτι βάλλει τὰς ἀπαλὰς ἀκαλᾶς ὡδε καὶ ὡδε χέρας. — *doceri gaudet*, effusissimo studio histriōnum atque pantomimorum, saltationes spectando, easque gestu atque incessu imitando. C. Ovid. A. A. III. 299. sqq. et 351. *Artifices lateris, scena spectacula amantur: tantum mobilitas illa decoris habet.* Sed et privatae ac domesticae ipsorum institutioni feminas Romanas sese tradidisse, haud temere ex h. l. colligas. Factum certe sub Tiberii (conf. Tacit. Annal. IV. 14.) ac serioribus temporibus. Seneca ep. 90. *Itaque hinc textorum hinc fabrorum officinae sunt, hinc odores coquentium, hinc molles corporis motus docentur, mollesque cantus et infractos.* — *singitur artibus* (tertiō casu) componit vultum, habitum, incessum ad has artes, ad hanc mollitiem, libidinosamque lasciviam, qua viros venetur atque ad amorem pelliciat. *Libidinis has artes similiter vocat Juv. XI. 172. — 23. 24. Jam nunc, sc. de tenero unguī,* inde a prima aetate (cf. epigr. Automed. laud.) meditatur, pravas cupiditates vel *ad incestos amores* extendit, hos expedit. Graviter hoc a poeta adjectum, ut ostendat, prognatos a malis

parentibus pejores ipsis evadere, neque hoc pravae institutioni deberi, quum vel optime instituta educatio οὐ τὸ ξακόν — χρηστὸν αὐ δεινὸν ποτε, Eurip. in Phoenice fr. VII.

v. 25 — 32. *Mox*, viro nupta, adultera fit. Mire hoc exageratum a poeta ad augendam turpitudinis infamiam. Non exspectat, dum sibi male repugnanti pudicitia extorqueatur, sed libidinis exstимulata intemperie quaerit, ultiro adit, compellat, ad que stuprum instigat, *adulteros*, viros, quibus pudicitiam suam substernat, *juniiores* marito suo, (adposite hoc ad notandam ejus libidinem) *inter mariti vina*, ad coenam a marito hunc ad finem convocatos, vinoque ad libidinem irritatos. Praesente igitur, conscientia, atque lenocinante adeo marito foedo ac propudosio hoc sese mulier induit flagitio! Talem maritum designat Juven. I. 55. *doctus spectare lacunar, doctus et ad calicem vigilanti stertere naso.* — neque fastidiosa est in eligendis amatoribus, aut furtim adulteros admittit, sed cert. Artificiose haec duo membra contexit poeta. — *gaudia* paullo honestius in re turpi vocabulum, quo passim poetae utuntur. v. c. Ovid. A. A. II. 459. Vid. Barth. ad Claudian. p. 1331. — *impermissa* illegitima, flagitiosa, illicitos concubitus. — *raptim*, ut temporis momenta, furtis ejus accommoda, rapiat, iis celerrime utatur, et *luminibus remotis*, tenebris turpitudinem celet, atque adeo aliquam pudoris rationem habeat. — 29. *Sed* pudicitiam in propatulo habet, (ut Sallust. Cat. 13. de aetatis suae feminis) hosque solos sectatur, unde maxima lucri spes adfulget, ex adultera in quaestuarium versa. 'Εὐργύως igitur est *jussa*, seu *vocat*, evocata, expetita, arcessita ab *inst.* — *coram* convivis atque ipso marito. Juven. VI. 140. *Libertas emitur*, coram licet innuat, atque rescribat; *vidua est*, *locuples quae nupsit avaro*. Conf. ibid. v. 400. — *institor* dicebatur, qui demandata a domino negotiationis cura merces singulatim vel in taberna venderet vel ostiatim circumferret; cuius generis homines serviles aut sordidos saltē natales habuisse constat. Atque illi quidem, qui munditiarum muliebrium nugamenta venalia haberent, comtius vestiti ac molliori corporis cultui (Propert. IV. 2. 38. *mundus demissis institor in tunicis*. Adde Ovid. A. A. I. 421.) dediti ad nobiliorum feminarum amicitiam adrepere, easque munieribus tegere solebant. — 31. *Navis magistrum* fere intelligent eum, cui totius navis cura mandata est, ναυάρχον, sed gravior oppositio est, si de patrono s. domino navis, ναυκλήρῳ s. navicula-

rio, accipias. Est enim: in promiscuo habet, utrum domino an servo copiam sui faciat. Plane usi V. 17. 20. *amata nautis multum et institoribus.* . . . Mercatores autem antiquitus ipsos suamet negotia curasse, longinquaque itinera mari fecisse, abunde constat; unde simpliciter nautae interdum dicti. Nave *Hispana* designari putem mercatorem Romanum, qui merces ex Hispania convehit; quae negotiatio tum quaestuosissima erat. Inest adeo vis in hoc epitheto. Ceterum mercatura apud Romanos, utpote gentem bellicosam, in nullo honore erat, etiamsi haud in tenui occuparetur, sed magna atque copiosa esset. — 32. His ultimae sortis hominibus morem gerit, sola pretii invitata magnitudine. Uterque adeo *preciosus emitor*, qui magno emunt *dedecora*, stupra, adulteria.

v. 34. Flagitiousae seculi sui libidini, capitali reip. pesti, graviter opponitur antiquae simplicitatis, frugalitatis, severiorisque morum disciplinae, quibus domi militiaeque majores inclauerant, remque Romanam continuerant et ad summum fastigium evenerant, sanctissima imago, qua quidem vix efficacius quidquam ad commovendos animos cogitari potest. *Non his*, tam flagitious parentibus orta enata erat illa *juventus*, proles, quae maximas olin res terra marique patraret, maximosque exercitus deleret. Sed major *desirans* in specialibus notionibus, quibus hanc sententiam enuntiavit poeta. Jam pro primo Punico bello in specie memorantur pugnae navales ad Aegates commissae, quibus Romani ducibus Duilio et Lutatio Catulo *infecere*, tinxere *aequor Siculum sanguine* Carthaginiensium, rem Punicam gravissima clade adflixerent. *Mare Siculum Poeno purpureum sanguine* in eadem re Noster II. 12. 2. — *Pyrrhus*, Epirotarum rex, a Tarentinis in auxilium adversus Romanos vocatus, hisque aliquot praeliis superior tandem a Curio Cos. ad internacionem victus est. Inter maximos duces princeps judicatus ab Hannibale. Cf. Aelian. V. H. XII. 23. — *Antiochus*, Syiae rex, Thoantis, Aetoliae principis, et Hannibalis impulsa Romanos bello adgressus, primum mari, duce Aemilio Regillo, dein terra ab Acilio Glabrone et Corn. Scipione devictus est. *Ingens dictus*, cum quod Syriam teneret, *viris, opibus, armis copiosissimam* (Flor. II. 8. cui eidem ideo I. l. *maximus regum dictus*) tum maxime, quod tanto adparatu illud adversus Romanos bellum moliretur, ut vix aliud formidolosius fama videretur. Ad cognomen *Magni* volunt quidam isto

epitheto alludi a poeta; parum opportune. — *dirum, abominatum parentibus* (V. 16. 8.) terribilem Romanis, significanti epitheto, judice quoque Quintil. VIII. 2. Conf. Juven. VII. 161. Sidon. VII. 130.

v. 37. Sed hi ruri nati educatique sub dio opere rusticō faciendo membra ad omnium laborum tolerantiam firmaverant. *Proles rusticorum militum* prognati a parentibus rusticis, luxuria ac desidia hand infractis, sed militia, agriculturaeque studio indueratis; unde *mascula*, robusta, fortis. — 38. *docta*, a pueritia ad rusticorum operum molestias adsuefacta. Pro rusticis operibus in genere docte ac delecte poeta: *versare*, diffindere, comminuere *glebas*, utpote in agro aspero et aratu difficulti, quae omnino antiquior apud Italos agri colendi fuit ratio. Vide, quem laudat doctis. Boettiger, Dickson on the husbandry of the ancients T. I. p. 415. Plerique de agro bono et pingui accipiunt, quem satis sit ligone aperiri. Docte autem Sabellam s. Sabinam prolem (nam Sabinos ac Sabellos in promiscuo ponit Noster) innuit epitheto ad ligones translato. Ceterum diutissime apud hunc et alios quosdam Italiae populos prisca illa viguit morum asperitas, continetia, laborumque tolerantia, quae eos militiae aptissimos efficeret. Laudant Virg. Ge. II. 167. *Haec genus acre virum, Marsos pubemque Sabellam, adsuetumque malo Ligurem, Volscosque verutos extulit.* Adde Aen. IX. 603. sqq. quem locum, severorem veteris Italiae incolarum disciplinam, admixtis, quos Noster habet, coloribus egregie adumbrantem, maximam partem hoc transferre haud piget: *Durum ab stirpe genus, natos ad flumina primum deferimus, saevoque gelu duramus et undis; venatu invigilant pueri, silvasque fatigant; at patiens operum parvoque adsueta juventus aut rastris terram domat (quod eodem modo accipiendum, ut in Horatii l.) aut quatit oppida bello. Omne aevum ferro teritur cet.* — 40. Vix alios facile dari colores existimo, quibus luculentius atque probabilius domesticae disciplinae severitas adumbrari potuerit ab Horatio, quam hoc filiorum adultorum erga matres obsequio. Tum mirifice blanditur matris in re domestica curanda sedulitas (cf. V. 2. 41.) opposita vv. 41 sqq. — *matris ab arbitrium, jussu; ad totam p̄nātūr hoc spectat. — severae, durae, quam significanter h. l. fustes, ligna intellige, s. sarmienta, coenae adparandae inservientia.* Sed alterum adultiorum filiorum aetatem, graviusque matris jussum praecclare invol-

vit. — Absoluto opere diurno, vesperi. Vespertinum tempus venuste admodum et ad rem adcommodate coloribus e vita rustica petitis adumbravit poeta. Ubi sol abeunte curru, abiens, longius recedens, ad occasum vergens, umbras montium mutaret, ampliaret, longiores induceret. Notissima Virgilii: *Et sol crescentes decadens duplicit umbras*, et: *Majoresque cadunt altis de montibus umbrae*. Sol demit, detrahit, solvit juga bobus fatig. opere diurno fessis, suaviter; quatenus occasus ejus detrahenda ea admonet. Eadem elegantia Ἡάς ἐπὶ ζυγά βουσι τιθησι apud Hesiod. Εργ. 587. Adde Apollon. Rh. IV. 1629. ἥμος δ' ἡέλιος μὲν ἔδυ, ἀνὰ δ' ἡλυθεν ἀστήρ αὐλίος, ὃς τ' ἀνέκαυσεν δίζηρον ἀροτῆρας. Dictum inde Graecis vespertinum tempus βεύλυστος, βεύλυτος (Hom. Il. π. 779.) βεύλυστος ὄρη (Arat. Dios. 387.) ad quod passim alludunt poetae latini. Virg. Ecl. II. 69. *Adspice, aratra jugo referunt suspensa juvenci*; et inde Ovid. Fast. V. 497. *Tempus erat, quo versa jugo referuntur aratra*. Adde Cic. ad Att. XV. 27. — agens, ἐπάγων, adducens tempus amicum, gratum rusticis, cessationem ab opere diurno, requiem. Ad solem vix bene referas.

v. 45. Graviter claudit γνώμη, ex argumenti ratione deducta: Natura ita comparatum esse, ut omnia longo annorum decursu corruptantur, atque in deterius mutantur. Seneca de Benef. I. 19. *Hoc majores nostri questi sunt, hoc nos querimur, hoc posteri nostri querentur, eversos esse mores, regnare nequitiam, in deterius res humanas et in omne nefas labi. Quid non, omnia imminuit, κάρφει, atterit, carpit, dies, tempus; temporis successu omnia deteriora fiunt. Damnosa ideo, damna, detrimenta adserens, mutata in pejus rerum conditione. Eadem ratione dum nos senectus dicta Ovid. Trist. III. 7. 35. — 46. Aetas parentum, γενεὰ, qua parentes nostri vixerunt, peior avis, quae ipsa jam avorum aetate deterior fuit, (Senec. Thyest. 134. Neu succedit avo deterior nepos, et major placeat culpa minoribus.) nos tulit, protulit, iis nos facti sumus nequiores, improbiiores; nosque a patribus nostris degeneres daturi, edituri sumus subolem vitiōsiorem, nosmet posteri nequitia superabunt. Adposite laudant Aratea: (Phaenom. 123.) οἵαν χρυσεῖν πατέρες γενεὴν ἐλίξοντο χειροτέρην, ύμεis δὲ κακώτερα τεξεῖσθε, cuius loci fundum Boettigerus acute judicabat Homeri Od. II. 276. Παῦροι γέροι τοι ωδῶς ἐμοῖοι παῖρι, κέλονται οἱ πλεόνες κακίους παῖροι δέ τε παῖρος*

*suspicio*. Quae eadem opinio aureae, argenteae, ceterarumque de-  
inceps aetatum subest figmento. Ceterum miram poetæ virtutem  
in concinna, qua hanc sententiam eloquutus est, brevitate facile  
observabunt humanitatis studiosi.

---

## ARGUMENTUM VII.

---

*Argumentum hujus carminis in tenui quidem  
occupatum, sed praeclare prorsus tractatum  
docteque explicitum. Monet poeta Asterien  
quamdam, ficti haud dubie nominis puellam,  
de Gygis amatoris, qui in Asiam negotiatum  
abierat, fide admodum sollicitam, ut ne fidam  
vanis rumusculis aurem præbeat, justas,  
quibus istos discuteret, morae ejus causas  
interserendo, eosdemque ad ipsius inde pro-  
bandam constantiam allegando. Quum autem  
suspiciones has maxime a peccandi illecebris,  
adversus quas nec ipsa Asterie satis obfirma-  
ta esset, poeta repetendas esse intelligeret;  
sedulo hortatur eam, ut paria cum Gygis  
constantia faciat, ipsique animum ab Enipei  
amore servet integrum. Insulsis intpp. super  
hujus carminis consilio ac descriptione excu-  
tiendis hariolationibus immorari nihil attinet.*

### Annotationes.

v. 1. Initio statim poeta suspicionem, Asteriae de Gygis  
inconstantia injectam amoliri, ejusque vanitatem ostendere  
conatur. Hoc docet carminis totius indoles. Igitur quid fles  
Gygen, non tam est, cur tam molliter fers, cur tantopere te  
excrucias propter Gygis tui absentiam, quam potius, cur  
adeo contristaris, conquereris de Gyge tuo, admissa in ani-

num persidiae ejus ob longiorem absentiam suspicione? Vide vel. v. 4. — *Favonii* non proprie quidem Gygen *restituunt*, h. e Graecia in Italiam referunt, quum plane adversi sint inde solventibus; sed quatenus *in veris principio* (spirare incipiunt VII. Id. Febr.) *hibernum molliunt coelum*, (Plin. II. 47.) et mare navigabile reddunt, apte ideo h. l. *candidi dicti*, coelum hibernis nubibus obvolutum explicantes, ac mare tranquillum reddentes. Similiter *Fuvonium serenum* h., ut ipse explicat, *tranquillitatem facientem*, vocat Plaut. Merc. V. 2. 35 — *primo* praeclare adjectum, ad levandam puellae suspicionem — *beatum* factum, ditatum *mercibus*, e Bithynia adveitis. Thyni et Bithyni, e Thracia coloni (Herod. VII. 75. Strabo XII. p. 541.) unius quidem originis, sed hactenus diversi, ut Thyni quidem adpellarentur, qui oram Ponto proximam, Bithyni autem, qui interiorem Ponti regionem incolerent. Atque ita quidem hos populos distinguit Herod. I. 28. et inde Eustath. ad Dionys. Perieg. 793. Adde Catull. XXXI. 5. Abolitum tandem Thynorum, quod antiquis videtur, nomen, et universa gens Bithyni adpellati. Atque hactenus recte Claudian. XX. 247. *Thyni Thraces arant, quae nunc Bithynia fertar.* Quam ferax ea regio rerum omnigenarum proventu fuerit, testatur Eustath. Dionys. I. l. τὸς Βιθυνοῦς καὶ ρωτηκωτάτους ιστοροῦσι γενέσθαι ποτὲ (Βιθυνὸν ἔμπορον laudat quoque Lucian. T. III. p. 319. cf. I. 33. 7.) καὶ τὴν αὐτῶν γῆν κάμφορόν τε καὶ εὔδενδρον εἶναι φασί, καὶ λιθοτομίας ἔχουσαν, καὶ κρυστάλλους ἐν ὄρεσι φύουσαν, καὶ ἄλλα πολλὰ ἔχουσαν ἀγαθά. — *constantis fide, antique, pro fidei,* ut Ovid. Met. III. 341. ubi v. Heins. et Burni.

v. 5. *Notis actus, tempestate compulso, coactus Oricum adpellere, Oricus, urbs Epiri cum portu, qui cum Italianam e Graecia potentibus necessario adeundus, saltem praeter eum vehendum esset.* Gygen non tam a recto cursu abreptum, quam potius, ut ad eum adpelletet, vi tempestatis coactum, ibique, ingrante hiberno tempore, detentum puta. — 6. *Post caprae sidera, post ortum caprae.* Stella ista, quae est in sinistro Aurigae humero, ortu et occasu suo tempestates excitare credita, quatenus mare per illud tempus procellis maxime infestatur. Arat. Phaen. 156. εἰ δέ — καὶ τοι φάτις ἥλυθεν κίγας αὐτῆς ηδ' ἐριφαν, εἴτ' εἰν ἄλι πορφυρεοίσῃ πολλάκις ἕσχε-

*ψαυτο κεδωγομένους ἀνθρώπους.* De ortu autem, qui in IV. Cal. Oct. incidit, h. l. accipi debere, vix dubitandum videtur; nam occasus ejus in illud anni tempus (Calend. Jan. Hygin. XV.) cadit, quo mare veteribus clausum erat. Ita tamen volebat Lamb. — *insana*, insanos (*insani feriant sine litora fluctus* Virg. Ecl. IX. 43.) fluctus, vehementissimam tempestatem excitantia. — *frigidas n. . . . agit.* Ornatae prorsus pro, te solam ibi nocte dieque cogitat, tuique desiderio contabescit, hoc que tencrimo cum affectu pro, ibi invitus detinetur, haud irretitus retentusque amore cuiuspiam feminae, quod suspicaris. Nam etiam hoc Asteries suspicioni occurrere voluisse poetam, facile ornatus docet ratio. *Noctes frigidas agit*, solus noctu, cubat, trito poetis loquendi usu. Ovid. Her. I. 7. — *Non ego deserto jacuissem frigida lecto.* Idem Amor. III. 5. 42. *Frigidus in viduo destituere toro*, et A. A. III. 70. *Frigida deserta nocte jacebis anus.* Lucan. V. 806. *viduo tum primum frigida lecto*, atque *insueta quies uni nudumque marito non haerente latus.* Contra Theocr. II. 137. *καὶ νύμφαν ἐφόβηστον δέμυτα θερμὰ λιποῖσσαν ἀνέρος.* Tibulli locum I. 8. 39. *quae frigore sola dormiat*, huc non traxerim. — *non sine multis lacrimis*, tui desiderio adsidue prorumpentibus. Ad idem designandum valet *insomnis*, curis somnum fagantibus.

v. 9. Rumusclos, qui forte de Gygis levitate fermentur, quibusque Asterie maxime angeretur, ita occupat poeta, ut inde fidei ejus constantiam puellae magis adprobare conetur. Agnosce poetam vel in tenui. Vulgaris ratio ferebat: *Nuntius Chloës hospitae dicit*, suspirare eam. *Nuntius*, internuntius, qui Gygen in Chloës amorem pellicere conabatur. Proprie quidam accipiunt, et de nuntiis e Thracia (quod Chloë III. 9. 9. *Thressa* dicatur) Oricum missis cogitant, lerido satis commento. — *hospitae*, apud quam Orici deverterat. Debuere adeo Romae noti esse Chloës mores meretricii. — *sollicitae*, perdite amantis, amore aegrae. Sollicitudo omnino amori propria (Terent. Eun. I. 1. 14.) maxime ubi haud mutuus est, vel ab alio interceptus. Ita *Galli amores* dicit *sollicitos* Virg. Ecl. X. 6. Lycotide alium secuta, et Ciris aestus *sollicitos* Cir. 340. — 10. *Suspirare* itidem de vehementiori amoris affectu. Auctor incert. c. XXXII. (Anal. Br. III. p. 157.) *Παιδείω*, *Θρασύβουλε*, *σαγηνευθείς* *ιν' ἔρωτι ὀδη-*

μανίεις, δελφοῖς ὡς τις ἵππος αἰγιαλοῦ κύματος ἴμειρων. Callim. ep. XLV. 1. ἔλκος ἔχων ὁ ξεῖνος ἰλάνθανεν ὡς ἀνηρὸν πνεῦμα διὰ στηθόσθων, εἶδες, ἀνηγάγετο. Noster V. 11. 10. *amantem — arguit et latere petitus imo spiritus.* Cf. Catull. LXIII. 97. Ovid Met. X. 402. — *miseram*, efflictum amantem, et hoc pro tenui, illam. — *uri ignibus tuis, amore flagrare, incensam esse, tuo, tibi debito,* quo te solo frui decet, consentaneum est, tui amantis. Ita *oscula mea* Tiball. I. 9. 78. τὰ φιλήματά μου Achill. Tat. IV. 8. et sic passim apud Ovid. et alios. Ceterum observa exquisitam poetae copiam in varianda amoris ardenteris notione. — *tentat*, instigat eum ad amorem; proprio vocabulo. Ovid. A. A. I. 273. *Vere prius — — — semina quam juveni blande tentata repugnet.* Senec. Hippol. 891. *tentata precibus restiti.* Idem exquisitus τοῦ πειρῶν apud Graecos usus, de quo vide doctam Rubnk. animadversiōnem ad Timae. Lex. p. 210. — *mille modis, variis artibus, nunc precibus nunc minis urgendo.* — *vafer, vafre, astute.*

v. 13. Jam artes, quibus Gygen nuntius ad Chloës amorem pellicere studeret, adponuntur a poeta. *Refert*, exemplis edocet, mulierem tunc esse saevissimam, quum stimulus odio pudor admoveat, juxta Juven. X. 328. qui eadem fere exempla ad fert v. 327. *Nec Sthenoboea minus, quam Cressa, excanduit, et se concussere ambae.* Fabulam de Bellerophonte a Proeti uxore frustra sollicitato pete ab Homer. Il. 2. 155. sqq. — *Mulier* uxor Proeti; Anteam Homerus adpellat, Sthenobaeam alii. — *perfida erga maritum, amore ejus in Bellerophontem verso; vel simpliciter, fallax, mendax, Bellerophontem adulterii apud Proetum maritum insimulando, credulum illum, fidem his delationibus habentem.* — *criminibus, criminationibus, intentati sibi ab eo stupri.* — *impulerit, maturare, graeca structura pro, ut matraret, pararet necem, in ipso aetatis flore eum extingueret.* — *nimir casto, cui castitas sua paene exitiosa fuisset.* Tetricum ideo domitorem Chimaerae vocat Ovid. Trist. II. 397. *quem letō fallax hospita paene dedit.*

v. 17. Narrat eadem Peleo ab Hippolyte, Acasti, Magniae regis (unde *Magnessa*) uxore, repulsam passa, insidias, quibus paene succubuerit, structas. De fabula vid. Pind. Nem. IV. 92. sqq. et ibi Schol. Cf. intpp. ad Anton. Lib. p. 257. Verh. — *datum Tartaro, extinctum, occisum. Dictum eadem forma, quā dare letō Ovid. I. l. et Virgilio saepius.* — *dum fugit abstinentis*

docte et copiose pro, amores ejus aspernatur, eam aversatur. —  
19. Nunc blande eum adgressus, *movet historias*, narrationes incipit, profert, *peccare docentes*, quae ad amorem irritant, amatoria, familiari Nostro hujus verbi usu. Vid. ad I. 27. 17. Magis tamen ad rem videtur esse, si proprie accipias: exempla profert, quae docent, fidem in amore admodum lubricam esse, saepius istoc modo in amore peccatum esse. Exquisitor apud poetas rōū *moveare usus*, *pro*, *ordiri*, *exponere*. Vid. Bentl. h. l. — *fallax*, *subdole*, ut irretiat eum Chloës insidiis.

v. 21. Vel sic tamen impelli nequit, sed perstat in fide tibi data. *Audit surdior docto oxymoro pro: audit*, movetur his vocibus *surdior*, non magis, quam scopulus undis movetur, h. immobiliar est scopulo. Color orationis desuntus ex Eurip. Med. 28. ὡς δὲ πέριος ἡ Θαλάσσιος χλύδων ἀκούει. Unde Senec. Hipp. 580. *Ut dura cautes undique intractabilis resistit undis et laces-sentes aquas longe remittit, verba sic spernit mea*. Philodem. c. XX. 6. (Anal. Br. II. p. 88.) τοῦτο ἐβέλω αἰσι καὶ προύλεγον, ἀλλ' οὐα πόντῳ Ιονίῳ μύθων ἔχλυες ἴμετέρων, quem forte oculos habuit Noster. Nam et is generali μύθων uititur vocabulo, ut *vo-cum* Horatius. Ad fine est adagium, αἰγιαλῷ λαλεῖν, εἴπι τῶν ἀνη-κούστων quod habet Zenob. Cent. I. 38. in Adag. Schott. p. 12. — *Icarī*, maris Icarii, v. ad I. 1. 15. — *adhuc integer nōdum amore ejus tactus*; ut II. 4. 22. — 22. *At tu vide, ne Enipei amore in animum tuum admittas, fidemque Gygae datam lae-das*. Sed paullo urbanius hoc expressit poeta. — *plus justo*, quum alii addicta sis.

v. 25. *Quamvis hoc paullo excusatius facias: quandoquidem Enipeus iis praeponet virtutibus, quae maxima amoris invitamen-ta esse solent. Ex gymnasticis exercitationibus, in quibus prin-cipatum Enipeus teneret, commemorat equitandi ejus natāndique peritiam. Eadem in eadem re habet Tib. I. 4. 11. 12. Hic placet angustis quod equum compescit habenis; hic placidam niveo pectore pellit aquam*. Cf. I. 8. 3. sqq III. 12. 6. — *Non aliis conspicitur, cum vi, ut qui inter ceteros in hac arte longe prae-cellat, pro tenui, nemo facile est, qui aeque atque ille sciat, calleat equum flectere, pro generali, regere, qui adeo equitandi arte aeque excellat. Adparet inde, Enipeum equestris fuisse or-dinis, qui quidem maxime vacaret his campestribus exercitatio-nibus, — in gramine, campo Martio: ut gramina campi Mar-*

*tii I. 1. extr.* — 27. 28. Nec quisquam est, qui *citus aequa*, aequaque cito, *denatet deorsum secundo flumine natet*. — *alveo Tusco*, fluvii ab Etruria venientis, Tiberis. Celeritas igitur natandi in maxima virtute habita. Forte ejusmodi certamina inter se instaurare solebant natantes.

v. 29. Idem Ovidii praeceptum Amor. II. 19. 38. *Incipe jam prima claudere nocte domum*. — *nec despice in rias*, aurem praebendo Enipeo, vel omnino amatoribus, limen tuum *obsidentibus*, atque *παραλανεθυρον* canentibus. Declaratur hoc *cantus tibiae*, isti inservientis, quod vel hic loens ostendit. — *querulae*, querentis de tua duritie. Pertinet adeo ad amantium querellas, cantu isto proditas. Atque ita majorem vim habet epitheton (etiam propter sqq.) quam si de tibiae sono querulo explices. *Despicere* plane exprimit Gr. *παρακύτειν*, quod eadem elegantia adhibuit Aristoph. Pac. 981. monente Dacer, Adde ejusdem Thesmoph. 797 et 804. — 32. *difficilis*, dura, aspera, *χαλεπή*. Tibull. I. 8. 27. *Nec tu difficilis puero tamen esse mento.*



## ARGUMENTUM VIII.



*Maecenas*, quum Kalendis Martiis, ipso adeo Matronalium die, ad festas epulas ab Horatio invitatus esset, neque, quid poeta sibi caelibi cum importuno solennium adparatu vellet, perspiceret; ingenue ipsum, ne mala sedulitate risum moveret, monuerat, magnoque doctrinae adparatu (quem innuit v. 6.) ostenderat, in causis, quae plurimae ad originem hujus solennitatis deducendam allegarentur, (sex causas hujus sacri adnumerat Ovid. Fast. 177 sqq.) ne unam quidem, quae eum in partem hujus sacri vocaret, reperiri.

*Horatius igitur respondet Maecenati hoc carmine, (festive nonnulli intpp. Maecenatem ipsius domum intrantem, conviviique adparatu stupentem a poeta hoc carmine excipi autumant, inducti forte vv. 15. sqq.) veraque sacri crusa exposita, ut huncce diem sepositis curis publicis (erat enim Maecenas tum temporis praefectus Urbi; v. v. 17.) hilarissime secum agat, adhortatur. Sacrae autem Junoni, utspte conjugorum praesidi. erant Kalendae Martiae, magnaue eas matronae prosequebantur religione; unde Matronalium nomine ipse iste dies festus insignitus erat. Conf. curate de eo agentem Ovid. l. l. et Tib. III. 1. 1. Ad a. U. DCCXXXIV. hoc carmen referri oportere, patet e vv. 17 sqq.*

#### A d n o t a t i o n e s.

v. 1. *Quid agam, quid struam, quid incepsem, quae me intemperiae agant; fere ut I. 14. 2. O quid agis? — quod ego, qui caelebs sim, Kalendis Martiis sacrum adparem. Docte hoc atque explicate duobus membris poeta extulit. Festae erant Kalendae Martiae matronis Romanis, sacra isto die Junoni proconjugii felicitate facientibus. Vide Argum. Jure igitur Maecenas miratur, Horalium hoc Matronalium die, qui neutiquam ad coelibus pertineat, alieno prorsus tempore feriari. Ad Porphyronis aetatem solenne istud perdurasse docet ejus Schol. „Kalendae Martiae hodieque matronarum dies festus est.“ — 2. Docte poeta sacrificii adparatum sigillatum percenset. *Florum usus in re sacra frequens ac multiplex. Junonis effigiem isto die floribus coronatam fuisse, diserte tradit Ovid. Fast. III. 253. Ferte Deae flores: gaudet florentibus herbis haec Dea; de tenero cingite flore caput.* — Pro ture ad sacrum parato docte est *acerra turis plena, arcula turaria (uti recte jam Torrent.) unde tus in foco adolendum expromebatur. Eodem colore Virg. Aen. V. 745. et plena supplex veneratur acerra. Male nonnulli de turibulo cogitant. — et earbo, carbones positi, ingesti cespiti vivo, arae e cespite**

*viridi exstructae, cespititiaē, quales in privatis sacrificiis usitatae.*  
*Fœcum vivi cespitis adpellat Calpurn. Ecl. V. 25. et fœculum*  
*viri cespitis pariter Auson. Ephem. Parechas. 13. Cf. I. 19. 13.*  
*— 5. Docte, qui probe calles, tenes sermones, μύθους, utrius-*  
*que linguae, tam graecae quam latinae, (lingua doctus utraque*  
*Martial. X. 76. 6.) qui utriusque populi antiquitatem, literis*  
*consignatam, ritus adeo atque sacra cum ipsorum causis atque*  
*originibus egregie perspecta habes. Unde Maecenatem, ad festas*  
*epulas ab Horatio Kal. Martiis invitatum, vix aliud quidquam*  
*hujus diei sacrum, exceptis Matronalibus, in tota antiquitate re-*  
*periri, neque haec ullo modo ad caelibes pertinere, poetae sig-*  
*nificasse probabile admodum videtur.*

*v. 6. Poeta Baccho, qui præsentissimum mortis periculum,*  
*arboris trunco ipsi intentatum, a cervicibus suis depulisset, sa-*  
*crum se votivum isto die debere ait, tanquam agresti, ac specia-*  
*tim hortorum (praeter vitium enim pomorum quoque inventio at-*  
*que cultura ei tributa. Μῆλα Διωνύσου inde dicta Philetæ apud*  
*Schol. Theocr. II. 120, unde Διόνυσον τὰν μῆλων εὔρετὴν recte*  
*cogit Athen. III. p. 82. D.) eidemque poetarum tutelari numini.*  
*Vide ad I. 1. 29. et II. 19. Qua eadem de causa Musis salutem*  
*suam acceptam fert III. 4. 27. eandemque Fauno II. 17. 27. utra-*  
*que de causa, Absone igitur Gesnerus h. l. „Bene Libero; iste*  
*enim laetitiae dator semper aderat conviviis.“ — *Voveram* (in*  
*cujuſ temporis mire quosdam argutari videoas) *dulces epulas et*  
*caprum, docte pro, vov. caprum, dulcem s. gratam Deo victi-*  
*mam; ne diversa a poeta innui harioleris. Eo tamen ferri putan-*  
*di, qui *dulces*, lautas interpretantur. Ceterum hirci in Bacchi*  
*sacris immolatio satis frequens ac pervulgata. — *Album* ob sa-*  
*crum Deo supero faciendum dici autumant; sed ornat simplici-*  
*ter. — 7. eo die, quo *prope funeratus*, oppressus, extinctus es-*  
*sem procumbentis *arboris ictu*, casu, ruina.**

*v. Ohserva ornatum et copiam poetae h. l. Absoluta senten-*  
*tia erat: hic dies *festus*, mihi solennis erit, festa istum laetitia*  
*agam anno in se *redeunte*, volvente, quotannis; sed cumulate*  
*atque explicative modum adjecit poeta, quo dies iste transigi*  
*oporteat. Suaviter quoque *hic dies* — *demovebit* pro vulgari, hoc*  
*die *demovebitur* detrahetur *cortex* s. suber *pice adstrictus*, illi-*  
*tus, obturatus (cf. ad I. 20. 3.) *amphorae* graece pro, ab *am-**  
*phora, quod ornate est pro, amphora relinetur, aperietur, et hec*

docte pro: hunc diem festa quotannis compotatione celebrandum institui. Idem orationis color in Theocr. VII. 147. Τερρασεῖς δὲ πιθανὸν ἀπελύετο κρατός ἀλειφαρ. Tibull. II. 1. 28. Chio solvite vincla cado. — 11. Amphorae optimae notae, quae vetustissimum vinum continet. Pro hoc poeta, ex veteri condendi signandique vini ratione, *institutae*, paratae, destinatae, adornatae, hocque pro, coepitae *fumum bibere*, imbibere, maturitatemque contrahere, quod est omnino pro, in fumario repositae Coss. Tullio. De more veterum, vīna in superiorē aedium parte, quae fumo per via, unde vetustescerent, amaritudinemque traherent, reponendi, nota omnia. Vid. Colum. I. 6. 20. Barry tamen (Obs. on the Vines of the Ancients p. 64.) de doliis intelligit, quae ante quam iis vinum, in vasa testacea inde transfundendum, inderetur, variis aromatum generibus fumigarentur; parum adposito huic loco. Jam annum vīni conditi Coss, non in eadē notari solitum, poeta Tulli consulatu designat; qui quidem, si L. Volcatium Tullum, cum Lambino et aliis intelligas, incidit in a. U. DCLXXXVIII. collega M. Aemilio Lepido; unde XLVII. annos conficias, si carmen nostrum a. U. DCCXXXIV. adsignes. Sed hanc aetatem negant ferendam esse in vīno, quod fumo *praeoccēm maturitatem traxerit* (Colum. I. 6.) inducti maxime Ciceronis (Brut. 83. *Nimia vetustas nec habet eam, quem quaerimus suavitatem, nec est jam sane tolerabilis*) et Plinii (H. N. L. XIV. 4. *Non alia res majus incrementum sentit ad vicesimum annum, majusve ab eo dispendium.*) locis. Sanadonus itaque cum Massono (Vit. Hor. p. 128 sqq.) ad a. DCCXXI. refert, quo Caesar Octavianus II. et L. Volcatius Tullus Coss. fuere. Ita vero fuisse vinum XIII. annorum, idque satis vetustum habent. Sed amat omnino poeta aetatem vīni, quod praestantissimum haberi vult, ad natales suos referre. Sic III. 21. 1. *O nata mecum consule Manlio* quod ad testae aetatem inepte Massonius l. l. refert, et V. 13. 6. *Tu vīna Torquato move Consule pressa meo.* Anno autem ante natum Horatium Consulatu functum fuisse Volcatium Tullum constat. Quid? quod ulteriora tempora spectat *codus*, *Marsi duelli memor*, III. 14. 18. Ut taceam, non eandem omnium vinorum esse naturam, mātūrēndique rationem.

v. 13. Praeclare poeta, adparando convivio intentus, ipsum statim repreäsentat, et convivas ad bibendum exhortat; more

Nostro perquam familiari. Vid. ad II. 7. 21. — *Sumo* cet. Lat.  
giter hodie te vino invita. Sed suavius, et ad Maecenatem ur-  
gendum fortius est, quod ista pocula *amicis sospitis*, propter  
amicum e periculo servatum, exaurienda ait; quam blandam  
vim Maecenas vix amoliri a se posset. *Cyathus*, sextarii pars  
duodecima, cochlearis forma, inserviebat vino et aqua in craterem  
temperando, (vid. a III. 19. 11.) et inde effundendo in pocula.  
*Centum* magnum omnino vino isto die bibendi copiam designat.  
Notatu tamen digna sunt, quae Acror habet: verbo usus est con-  
vivaram, *centum cyathos*; (adde) poscentium. Notum autem,  
cyathos et poculum dici ejus, in cuius honorem bibitur. Cf. ad  
III. 19. 9. — *et vigiles luc. p. in lucem*, totam noctem geniali-  
ter mecum traduc. *Lucernarum* in convivii nocturni designatione  
frequens admodum atque valde adposita mentio. *Perfer vigiles*  
(ita jungere satius erit) fac ut vigiles (*vivas* dicit III. 21. 23.)  
sint, continuo luceant *in lucem*, s. diem usque. Ad sententiam  
cf. III. 21. 21. Propert. IV. 6. 85. — 14. Haec a poeta tanquam  
in compotatione, quam animus ejus, morae impatiens, praecipit,  
a convivis paullo liberius agitari coepit, sumta magistri bibendi  
persona, aut omnino pro hospitii jure pronuntiari putanda, qui-  
bus venuste admodum Maecenati, convivium sine tumultu ac  
rixa celebratum iri, spondet. Adposite igitur *esto*, poeta praesentes  
convivas ac tumultuari incipientes increpante. Phantasma-  
tis igitur suavitatem non cepere qui *esto* pro, erit, dictum vo-  
lunt. Multo autem magis recta via exerrare censendi, qui non  
convivantium *clamorem*, et *iram* s. tumultum ad rixas et alter-  
cationes progressum, sed vel vim hostilem ac proelia, vel nego-  
tiorum forensium ac civilium, quae Maecenatem a convivio pro-  
hibituae sint, strepitum intelligi debere opinantur. Denique ad  
vini vim innocuam (ut *innocens* *Lesbium* I. 17. 21.) quod caput  
hand gravet, a clamore adeo atque rixis bene potos immunes  
praestet, trahi videoas; quae satis longe petita videtur ratio.


v. 17. Totum te hodie da mihi, et recte animum civilibus  
curis exsolvere potes, quum ab externo hoste omnia tuta sint.  
Erat scilicet Maecenas tum temporis (a. U. DCCXXXIV.) Praefectus  
Urbi, absente atque occupato in Oriente Augusto, cuius  
adeo vices per totam Italiam sustinebat. *Mitte*, sepone, abjice  
*curas civiles*, sollicitudinem de salute civitatis publica, utpote  
vanam; *super Urbe*, quam Urbi praefectus geris. Docte his adje-

etis designatur magistratus iste amplissimus; ab Augusto ei demandatus. — 18. Securitatem imperii externam speciatim, ut poetam decebat, Maecenati, quo obsequentiorem eum haberet, ostendit, adnumeratis, qui nuper victi subactique essent, populis. *Daci Cotisonis agmen*, paullo doctius quam, Dacorum agmen, Daci, qui, fines Romanos continua incursionibus (unde forte cum virtute Dacorum *agmen dictum*) infestantes duce rege ipsorum, Cotisone, *occiderunt*, gravissima clade affecti sunt a Lentulo a. U. DCCXXXIV. Cf. Sueton. Octavi. 21. Flor. IV. 12. — *Medus*, Parthi *infesti* nobis, utcunque nostro infensi imperio; nisi potius copia poetica adjectum dicas sqq. *sibi dissident*, quod graece est pro, a se; (ut II. 2. 18. *dissidens plebi*) discordant inter se *armis luctuosis*, bellis civilibus; discordia civili, quae vires ipsorum alterit, ita distincentur, ut externo bello vacare nequeant. Respicit autem poeta intestinas post Phraatem a Scytharum rege *solid redditum* (II. 2. 17.) in ejus regno turbas, Teridatis, regno dejecti, partibus ob immanem illius crudelitatem continuo rebellantibus. Atque inter ipsa haec bella civilia Romanis signa cum captivis a Phraate, metu externi belli (ut Strabo tradit I. XVI. 748.) hoc ipso anno (DCCXXXIV.) reddita fuisse constat.

v. 21. *Cantabri*, bellicosissima Hispaniae septentrionalis natione, hoc ipso demum anno, post insignes clades, ac difficulter admodum ab Agrippa devicta. Cf. Dio LIII. 25. et ad II. 6. 2. *Servit domitus catena*, copiose et cum vi pro, plane subjugatus est, in servitutem redactus est; nam victi antea multoties rebellaverant, tum vero in provinciae formam ab Augusto redacti erant. Ideo *vetus hostis*, in quo perdomando diu frustra laboratum fuit, qui diu nos exercuit; qui adeo praecclare respondet *sera catena*. — *Scythes* communis nomine populum dixit, Istri accolam, quem *Gelonum* II. 9. 22. adpellat. Hos ultra Istrum a Lentulo submotos praecclare designant illa: *meditantur* cum maxime in eo sunt, ut coacti a Lentulo *cedant* excedant *campis*, citerioris Istri ripae, finibus Romanis, quos continua incursionibus vexaverant. — *arcu laxo*, quam exquisite pro, victi; imposita hac ipsis pacis conditione, quo simul pugnandi ipsorum ratio ostenditur. Eodem orationis colore Antipat. Thess. XX. (Anal. Br. II. 113.) de Parthis: Στέλλεν εἰς Εὐφράτην. Ζητὸς τέκος. — δῆσις δὲ φέβω κεχαλασμένα τίξα,

Kazsaq. Nemesian. Cyneg. 74. 75. *Imbellemque figuram referam,*  
*clausasque pharetras Parthorum laxosque arcus, et spicula nulla.* Sil. III. 612. *Huic laxos arcus olim Gangetica pubes submit-*  
*tet, vacuasque ostendent Bactra pharetras.* De his ipsis Scythis  
 Seneq. Oed. 469. *Laxavit victos arcus, Geticasque sagittas, lactea*  
*Massagetas qui pocula sanguine miscet.* Cf. Ovid. Fast. V. 593.  
 Trist. II. 227.

v. 25. Quocirca, missis curis civilibus, quibus recte superse-  
 dere potes, da te hodie hilarem. *Negligens parce, copiose et*  
*ornate pro alterutro, negligas, omittas* (ut I. 28. 30. 3. *parcas*,  
 φέρδον, nolis *nimum cavere*, ne nimis sollicitus sis, *ne qua par-*  
*te populus Romanus*, resp. *laboret*, detrimentum capiat, *privat-*  
*tus*, quem sis privatus. Principi scilicet comparatus, cuius respe-  
 ctu omnes privati dicebantur. Vide Gesn. Subblandiri ita Augusto,  
 omnia incolumia atque tuta praestanti, ut poetam voluisse cre-  
 dam, quod nimis acute statuunt nonnulli, a me impetrare haud  
 potui. Est igitur: publica te privatum ne nimis angat cura, ne  
 praesentis temporis tibi fructus pereat, ista intercipiatur. — *Do-*  
*na horae tempus* quod tibi Deorum munere datum est, quo frui  
 licet, quippe *praesens*, certum, in quod jus habes, *cape*, ne  
 elabi sine, eo fruere *laetus*, hilariter, genio indulgendo. *linque*  
*severa*, omissis seriis, abjectis curis.



## ARGUMENTUM IX.



*Mellitissimum, atque ipso Julio Scaligero*  
*judice, certo alioquin Venerum poeticarum*  
*osore, omni nectare dulcius odarium!* cuius  
 quidem causas a sensuum atque affectuum,  
 quos hoc carmen plane exprimit, veritate re-  
 petendas esse, in promitu est perspicere. At-  
 que hanc naturalem simplicitatem auxit adju-  
 vitque poeta adsumta carminis amoebaei for-  
 ma, cuius ea potissimum natura est atque in-

doles, ut alter, qui respondeat, ad alterius sensus orationem suam plane conformet, ita tamen, ut vel ejusdem sententiae vim acual, atque exaggeret, vel eam penitus infringat. (Artificiosius, quamquam minus suaviter, carmen suum amoebaeum instruxit Virgil. Ecl. III. 60. Theocritum sequuntur.) Representat igitur hoc carmen duos amantes, mutuis utrinque suspicionibus vexatos irisque inde distractos, eosdemque e jucundissima pristine amoris recordatione ad redintegrandum eum cupidos; quod plane ad animi humani naturam attemperavit poeta, post mutuas demum sugillationes, et ipsos tecti amoris indices, (Ita Terent. Eun. III. 1. 58. tu pari referto, quod eam mordeat, Thr. Siquidem me amaret, tum istuc prodesset, Gnatho.) amantes ad pacem tentandam accipiendasque conditiones perducendo. Qui neque hac levioris argumenti tractatione venustissima, neque nativa orationis simplicitate, neque numerorum aptissima facilitate commoveatur atque deliniatur, is Mensis Gratiisque iratis se natum jure habet, quod conqueratur.

#### Adnotaciones.

v. 1. Donee ego gratus, acceptus tibi eram, amore tuo fruabar, amabar a te. Eadem venusta simplicitate Propert. I. 22. 7. Olim gratus eram; non illo tempore cuiquam contigit, ut simili posset amare fide, — 2. Nec quisquam a te mihi praeferebatur. Hoc ornata atque venuste admodum poeta extulit. Potior, potiore apud te habitus loco, quem magis amares; solenni hujus vocis usu. Plaut. Cas. 1. 24. Tunc illam ducas? hercle me suspedio, quam tu ejus potior fias. Nota Tibulli: At tu qui potior nunc es, mea fata timeto. Jam Callim. ep. XXVI. ὅμος Καλλίγ-

νωτος Ἰωνίδι μήποτ' ἔκεινης ἔξειν μήτε φίλου κρείσσονα μήτε φίλην. Terent. Eun. I. 2. 71. *Sine illum priores partes hosce aliquot dies apud me habere.* Cf. V. 15. 3. — *brachia dabat cervici, circumdabat cervicem tuam, amplectebatur te.* — *candidae, pulchrae.* — 4. Felicissimus eram mortalium, pro quo ἐναργεστέρας poeta comparative: *beatior vigui, vixi, (ut III. 26. 1.) fui,* (adjuncta tamen felicitatis, quam ex Lydiae amore caperet, notione) *rege, regibus (de certo enim aliquo vix cogitandum) Persarum;* quorum quidem opulentia, enataque inde luxuries famigeratissima. Cf. Juven. XIV. 328. et ad I. 38. 1. Est igitur: ditissimos maximosque reges felicitate mihi antecedere videbar. Exquisite exornavit vulgare proverbium poeta, quod est apud Plut, Poen. III. 3. 58. *Rex sum, si ego illum hodie hominem ad me illexero.* Faciunt huc adprime Tibulli I. 8. 34. *Huic tu canderes humero suppone lacertos, et regum magnae despiciantur opes.* Et Propert. I. 14. 13. *Tum mihi cessuros spondent mea gaudia reges, quae maneant, dum me fata perire volent, h. dum felici mihi in amore esse licet.*

v. 5. — 9. Donec non *alia*, alias puellae amore *arsisti*, tenebaris, me unice amasti. *Ardere aliqua familiariter Horatio structura.* Vid. ad II. 4. 7. Αὐξησιν in *arsisti*, τοῖς gratus eram opposito, in promptu est sentire. — 6. *Neque erat Lydia, illa tam efflictim a te olim amata Lydia, cuius nomen semper in ore gerebas, quam venuste pro vulgari, neque ego eram post Chloēn, ei non posthabebar,* Sententia generalius ita efferenda erat: Donec me omnibus anteferebas puellis; sed Chloēn in specie nominando, sibi ab Horatio praelatam, exsuscitatos pristini amoris igniculos prodit Lydia, novum ipsi amorem molliter exprobrans. — 7. Non arrogantia quadam, sed significanter admodum Lydiae nomen repeti putandum: Lydiae nomen celebratissimum erat poetae carminibus; in omnium ore fuit Lydia. Ornatum autem et copiam in enuntianda hac sententia, quo fortius animum feriret, observa. Sufficerat alterutrum, *magni nominis*, magna fama *vigui*, florui, fui; aut *clarior fui Ilia*, Romuli matre, maximum inde nomen adepta.

v. 9. Haud inficiatur amores suos poeta, et, quo magis ureret Lydiam, se tenerrimo ei adstringi amore, ultro fatetur. Etiam laudes puellae haud temere adspergi, in promptu est intelligere. *Chloē libertina, Thressa, e Thracia oriunda.* Novum hoc ei nomen, duni Romae degeret, inditum, aut, quod probabili-

us videtur, a poeta effictum; catminibusque frequentatum. — *me regit*, ejus amore obstrictus teneor, misere eam depereo; nota poetarum loquendi ratione, qua amatores puellis servire, puellas autem imperium exercere, regnum habere dicuntur, ut in vulgus notum. Vid. Burm. ad Propert. III. 8. 18. — *docta modos*, artis cantandi perita. — *dulces* auget peritiam ejus; nisi forte simpliciter ornat. — *et citharae sciens*, graece κιθόρας εἰδῆτα, citharistria. Ita Callim. ep. XXXVII. Battiadem poetam εῦ εἰδότα ἐοιδεν vocat. Utraque laude eademque loquendi ratione Timotheum impertit Alexander Aetolus VI. 2. (A. Br. 1. 419.) κιθάρης ἰδμονα παι μελίων adpeilando. — 11. *non metuam mori*, haud recusabo mortem, lubens moriar. — 12. Si per fata ei superstiti esse liceret, si vitam ejus morte mea redimere possem. Pro ei quanto efficacius *animae*, dulcissimae puellae meae. Nisi respueret oppositio v. 16. forte praestaret: si alteri animae meae parti, quae mihi superstes futura est (seu potius, ut mihi superstes sit) h. Chloae meae dilectissimae fata parcent plane ut II. 17. 5. *Ah te meae si partem animae rapit maturior vis, quid moror altera?* Nec carus aequa nec superstes integer; eadem quidem sententia. Ceterum tenerimi amoris affectum vividissime ita declarari, monere vix opus est. Similiter in Homoneae epitaphio apud Wernsdorff. Poet. lat. min. T. III. p. 214. *Si pensare animas sinerent crudelia fata, et posset redimi morte aliena salus: quantulacunque meae debentur tempora vitae, pensassem pro te, cara Homoneea, libens.*

v. 13. *Torret*, accedit, inflammat me Calais *face*, amoris igne *mutuo*, paullo brevius pro, ego amore in Calain incensa feror, ejusque mutuum experior, ei aequo ardore respondeo. *Torreri* de amore gravi satis frequentatum latinis poetis; veluti Catull. C. 7. E graecis adponere juvat suavissimum Sophoclis fragm. ex ejus Hippod. servatum; Πέλοψ Κύρα Θηραπειαν "Ερωτος, αστρεων την' ομμάτων ιχει· ενθάλπεται μὲν αὐτὸς, ἔξοχτα δέ με. Theocrit. XXIII. 34. ἀνίκα τὰν κραδίων ὄστείμενος ἀλυνγὰ κλαύσεις" cui eidem Lycidas ὄστείμενος εἰς Αφροδίτας dicitur VII. 51. Et Callim. ep. XLV. 5. "Ωπηγματι μεγαλωσι, μὰ δαιμόνων. — 14. Thurini, e Thurio, Lucaniae oppido oriundi. Ornytus igitur inter eos referendus, qui Romam, ut multi id temporis, fortunarum suarum sedem facerent. A patria autem designatur Calais, ex oppos. Chloës Thressae. — 15. *bis patiar*, haud recusarem mori. *Bis*

autem, quo gravius vicissim doleret poeta. — *puero forte respectu Horatii, jam adultioris; in quo adeo vis est.*

v. 17. En luculenter comprobata Terentii gnomē: *Amantium irae, amoris redintegratio est*, Andr. IV. 3. 20. Quo calidores enim amantium irae, tanto celerius deservescunt. Animi igitur humani natura plane adumbraria poeta existimandum, quod exasperatis cum maxime utrumque animis renovandi pristini amoris cupiditatem ostendit. — *prisca Venus, amor pristinus.* Parum subtiliter h. l. versari poetam, Venerem nunc proprie nunc metaphorice intelligendo, in promptu est videre. Neque admodum poetam adjuvcs, si ita accipias locum: Quid? si *Venus prisca*, quae aliquandiu nos deseruit, iterum redeat, nos jugo coactura. — *Diductos, sejunctos, solutos jugo, cui antea juncti eramus, amore pristino novis utrumque dissoluto.* Errant, qui boves, unde imago ducta est, uni quidem adhuc jugo adhaerentes, sed in diversa abeuntes dici autumant. Jam enim Horatius cum Chloë, Lydia autem cum Calai uni jugo subjecti erant. Ad rem I. 33. 10. *Veneri placet impares formas atque animos sub juga aenea saevō mittere cum joco.* — *cōgit jugo, iterum subdit, nos denuo conjungit.* — *aeneo, firmo, nullis dissidiis posthac solvendo.* — 19. *Chloë flava*, quantumvis pulchra; praclarum h. l. epitheton quo facilius reconcilietur Lydia, puellae pulchrae, eidemque praclaris artibus ornatae (v. 10.) praehabita. — *executitur sc. jugo, ne dubita.* Nunc enim Horatius et Chloë, mutuo amore conexi, uni jugo subjecti erant. Pessime et contra linguae rationem explicant, ejicitur, excluditur domo mea, sicque novo errori vers. seq. sese implicant. — 20. S. iterum pateat janua (ut Tib. I. 2. 9. *Janua jam pateas uni mihi victa querelis*) *Lydiae in secundo casu*), aditus ad te pateat, si me iterum admittere velis. Malo de Horatii janua cogitant, et *Lydiue dandi casu poni existimant.* — *rejectae, quam per aliquod tempus neglexi, Chloae posthabui.* Ovid. Met. IX. 606. *Et, si rejicerer, potui moritura riederi.*

v. 21. *Sidere pulchrior* (quod praclare respondet τῷ *flava*). pulcherrimus, nota comparatione. *Egregiae praclarum sidere formae puerum laudat Stat. Silv. III. 4. 26. Principem corusco sidere pulchriorem* Claudian. XI. 1. Idem *sidereo artus XXXI. 3.* — 22. *levior mobilior cortice, subere, mutabilis, atque inconstans in amore.* Ovid. Amor. II. 9. 49. *Tu levis es, multoque*

*tuis ventosior alis*, de Cupidine. Eodem sensu Cynthiae formam levem adpellat Prop. II. 4. 28. *Leviorem pluma* talem hominem vocat Plaut. Menaechm. III. 2. 23. — 23. Solennis irati cum tempestuoso mari comparatio. De Myrtale I. 33. 15. *fretis acrior Hadriæ currantis Calabros sinus.* — *improbo*, turgido, procellos. *Improbum* enim poetis omne dicitur, quod modum excedit; res notissima. — 24. Tamen *tecum amem*, praferam, ex optem vivere, potius vivam; *tecum* (suaviter, et cum affectu hoc repetitum) *obeam libens*, lubenter in hoc amore ad mortem usque perseverem, nullius amplias amorem expetam. Idem votum Lydiae Horatius exposuerat I. 13. extr.

~~~~~  
ARGUMENTUM. X.  
~~~~~

*Encarmen παραλαυσίδυον* (cujus particulam jam I. 25. 7. 8. vidimus) justum atque omnibus numeris absolutum. Conqueritur amator exclusus de Lyces duritia, quae sui nocte intempera ante fores ejus humi jacentis haud misereatur; monet, ne superbia sua Veneris iram aliquando in se provocet, itaque superbias aliquando fastidientium amatorum vices experiatur; mox convitiatur (vv. 11. 12.), convitiis adjungit preces atque obtestationes; minatur denique, sese tales injurias haud aequo amplius animo laturum, eamque derelicturum. Magnam jucunditatem adfert hominis indignatione pariter atque amore aestuantis imago; tumorationis ornatus satis quae situs est ac elegans, qui tamen passim graecum exemplum prodit. Comparentur cum Nostro Plaut. Curc. I. 2. 60 sqq. Ovid. Amor. I. 6. et Propert. I. 16. 17.

A d n o t a t i o n e s.

v. 1—4. O quae durior atque saevior es, quam mulier Scythica. Sed insigni ornatu instruxit, exquisitaque conversione nobilitavit hanc comparationem poeta. *Si Tanain biberes*, si Tanais accola' esses (v. ad II. 20. 20.) si Scythiae oras inhabitares. — *extremum* longe dissipatum, terrae habitabilis ultimum fluvium. *Terrarum enim termini Tanais et Nilus habiti juxta Plin. prooem. I. III.* Unde de longinqua faga Propert. II. 30. init. *tu licet usque ad Tanain fugias cet.* Scythaes autem veteribus omnes remotores septentrionis populi dicti, propter coeli, cui subjacent, inclem tam, truculentia ac feritate inumanes. — 2. Verba *saevo nupta viro*, comparationi intpp. inferunt, hoc sensu, et praeterea nupta' essem Scythaes saevo, cujus vel mores asperi asperiorem te reddidissent, vel cujus ferocia tibi timenda esset. Evidem aut de Lycos marito intelligam, a quo ipsam, dum saevitiam ejus exprobrat, ab alienare conetur, (quo eodem spectant vv. 15. 16.) aut, quod simplicius idemque verius judico, τὸν saevo omnino ad gentis istius feritatem designandam putem adjectum. — 2. tamen mei misertura essem. *Plorares*, doleres, indignarēris, (ut V. 5. 47. et II. Epp. 1. 9.) haud sustineres, me objicere, vix me objiceres, objectum s. expositum patereris *Aquilonibus — porrectum ante fores*, multo significantius, quam, jacentem, excubantem ante fores asperas, lnas puellae asperae, durae. Ad rem Ari staen. II. 20. Αστράπειος καὶ χαμαικετεῖς κοιμήσεις ἐπὶ θύραις ποτέσθε, καὶ λίπαρης μετενέτε μόνου ρήματος τυχεῖν ἀξιοῦντες καὶ δαχρύοντες κατόμυροδε τοὺς θεούς. Crudeles rigido cum limine postes eadem elegantia Ovid. Am. I. 6. 73. Cf. I. 25. 5. — *incolis*, docte, qui plagae Scythicae dominantur, ibi domestici sunt; nota ratio ne, qua ventis sedes suae adsignantur. Ita mate τέμενος Ανέμων simpliciter dictum Philetæ apud Stob. Flor. Grot. p. 262. Vide ad I. 25. 11.

v. 5. *syq.* Tempestatis violentiam non generatim, id quod satis alienum ab h. I. erat, sed iis terci judicii poeta adumbrat coloribus, quos ex ipsa re, ut ita dicam, natos ductosque adparat. Exquisitam poetæ copiam agnosce in his, quo strepitu remugiat ventis (quod ἐπεζηγρικὸς adponi putandum) pro, quanto ventorum strepitu, quam graviter janua strepat, crepet, nemus que remugiat, ventis commotum resonet, fragorem edat. *Mugire*,

*mugitus*, de sono graviori solennia. Cf. III. 29. 37. Martial. I. 50. 20. *Bruma impotens Aquilone rauca mugiet.* — 6. *nemus inter tecta satum*, viridarium in tecti impluvio consitum. Noster I. Epp. 10. 22. *Nempe inter varias nutritur silva columnas.* Juv. IV. 6. *Quid refert — quanta nemorum vectetur in umbra.* Cf. Tibull. III. 3. 15. Diversa ab his arboreta, in domorum tectis posita, passim a VV. DD. confusa; veluti Delrio ad Senec. Thyest. 465. — *pulchra*, adcommodata; nam, luxus iste ad laetiorum tantum aedificia pertinebat. Unde et ipsam Lycen laetioris fortunae fuisse haud temere statuas. — *Jupiter* qui est *puro numine*, Jupiter purus, (ut *Jupiter frigidus* I. 1. 25. *malus* I. 22. 19. et saepissime alibi) *aer* purus, *coelum sudum glaciat*, congelat, in glaciem mutat *nives*; *aere enim sicco ac puro frigus* est acrius atque intentius. Πάγος αἰθίου φαινότος Sophocl. in Amat. Achill. apud Siob. Flor. Grot. p. 263. — *positas*; per humum sparsas, haud diffluentes; ex oppos. *pluviae*. *Positas pruinatas*, Propert. I. 8. 7. laudarunt jam alii. Adde Ovid. Fast. II. 72. *posita sub nive terra latet*. Ceteruni multos, atque ipsum Bentlejum adeo, male habuit verborum junctura, *audis ut glaciect*, parum memores, uni verbo duas saepe numero ac plures adeo paullo diversas enuntiationes adaptari, e quo aliud, alteri membro congruum, elici oporteat. Res oppido multis animadversa. Hujus ipsius συλλήψεως exempla apud Aeschyl. Prom. 21. ήτε φωνὴ τὸν μορφὴν βροτῶν ὄψει Hom. H. Apoll. 265. εἰσοράχειται ἀρματα, τ' εὐποίητα καὶ ὀκυπόδων κτύπον ἵππον. Verum quidem est, quod nonnulli hic adferunt, verba sensuum inter se permutari, veluti κτύπον δέδορκα Aeschyl. Theb. 103. et Propert II. 12. 49. *Vidistis moto sonitus procurrere coelo*, sed minus adcommodata haec ratio est h. l.

v. 9. Tralatitiae sunt amantium artes, quibus puellas sibi conciliare student, ut Venerem arrogantiae ac superbiae ultricem ferant. Agath. XIX. 7. (A. Br. III. 40.) Κύπρις γάρ τὰ μὲν ἄλλα παλιγκοτος· ἐν δέ τι καλὸν ἔλλαχεν, ἐχθρεῖται τὰς σοβαρευομένας. Ipsa Venus apud Eurip. Hippol. 6. σφάλλω δ' ὅσοι φρονοῦσιν εἰς ἡμᾶς μέγα. Tibull. I. 8. 28. *Persequitur poenis tristia facta Venus.* et v. 69. ejusdem elegiae: *Oderunt, Pholoë, moneo, fastidia Divi.* Exemplis antiquis rem communivit Lambin. — 10. Sententia versus perspicua: *Noli nimis arrogans esse, ne e felicitatis tuae fastigio subito dejiciaris, h. ne amatoribus, quos jam pluri-*

mos habes, subito destituaris, si te prorsus deserant. Nam in multitudine amatorum ipsa Lyces sita erat felicitas. Sed de proverbiali, quae quidem videtur, loquendi ratione recte exponenda adhuc laboratur. Nos, missis plerorumque intpp. ac VV. ED. doctis ineptiis difficultibusque nugis, rem ipsam videamus. Si poeta simpliciter dixisset, cave, ne currus retro labatur, satis expedita foret ratio, quae prospera fortuna currui adsimuletur, qui citato cursu recta antrosum via feratur: eidemque retro lapsus, fortuna in contrarium subito mutata. Quod retulerim equidem loca Virgili Aen. II. 159. *Ex illo fluere ac retro sublapsa referri spes Danaum;* et Ge. I. 200. *Sic omnia fatis in pejus ruerere ac retro sublapsa referri.* Ovid. ex P. IV. 9. 9. 10. *Si fatis genitus melioribus essem, et mea sincero curreret axe rota.* Plin. II. N. VII. c. 44. *Quos non honores currusque (ratione triumphalis currus habita) illa sua violentia Fortuna retro egit?* Eadem fere imago in Cic. Brut. c. 97. *cujus (Bruti) in adolescentiam per medias laudes quasi quadrigis rehentem transversa incurrit misera fortuna reipublicae.* Eadem plane ratione fortuna secunda cum cursu comparatur Ovid. Fast. VI. 362. *Spes erat in cursu.* Hinc ἀνεστρέφεσθαι simpliciter de mutata in pejus fortuna; veluti Palladae LXX. 7. (Anal. Br. II. 422.) ἀνεστράφη γάρ πάντα νῦν τὰ πράγματα, et eidem LXXXIII. 1. (Anal. Br. I. 1.) ἀνεστράφησαν ὡς ὄρω, τὰ πράγματα, καὶ τὴν Τύχην νῦν δυστυχοῦσαν εἶδομεν, quae postrema explicative adjecta sunt. Sed quum ista *funis* mentione impeditat, quo minus universae poetae imagini satisfaciat; satius erit, illorum sequi sententiam (*cujus quidem auctor habendus est Heynus ad Virg. Aen. II. 169.*), qui rotæ fune inductæ machinam intelligent, qua moles in altum eleventur; quae quidem praegravantes nimio pondere tunem nimis intentum rumpant, ipsaque cum rota revoluta præcipites ruant. Jam quum felicitatis sortis homines solenni ratione in summo fastigio collocati; iidemque, adversam nacti, retro ruere (adposite Liv. XLV. 41. *Postquam omnia secundo navium cursu in Italiam pervenerunt, neque erat quod ultro precarer; illud optari, ut, cum ex summo retro volvi fortuna consuesseset, mutationem ejus dominus mea potius quam resp. sentiret*) dicantur; valde adposita haec felicitatis cum mole in altum promota videri debet comparatio. Laudant Aristid. Panath. p. 118. εὐτεῦθεν ἥδη πάντα, ὡς περ καλῶν παγεύτος, ἔχαρησεν ὅπιον, καὶ διελέλυτο Ἀμαζόνιν ἥτε φεντί.


Fandem Nostri sententiam eadem hac imagine exhibent Lucian. Dial. Meretr. III. extr. p. 286. σὺ δὲ πάιν χαλεπὴ δεῖ τῷ ἀνθρώπῳ γεγέννησαι, καὶ ὅρα, μὴ κατὰ τὴν παροιμίαν, Ἀπορρήξωμεν πάντα τείνουσαι τὸ καλάδιον (quicm Lucian. locum laudat Diogenian. Prov. Cent. III. 89. prava proverbii adjecta i. interpretatione, et Suid. Cent. III. 38. p. 369. Schott.) et luculentius Aristaenet. Epp. II. 1. p. 72. Abr. χρῆσαι τοῖς γυναιοῖς ἐραστοῖς φιλικῶτερον· κεισθν μον καὶ τῆς ἀμετρίας ἀδόσχου. ὅρα μὴ κατὰ τὴν παροιμίαν, ἀπορρήξωμεν πάντα τείναντες τὸ καλάδιον· μηδὲ λάζης λοιπὸν εἰς ἀγερωγίαν μεταβαλοῦσα τὸ φρόνημα· οἰσθα δὲ, ὅσον Ἐρως ἀγιστρατεύειν τοῖς ὑπερηφανεῦσι φιλεῖ. Unde satis frequentatam hanc Graecis fuisse, recte suspiceris. — 11. Non te parens *Tyrrhenus*, *Etruscus*, *genuit* alteram *Penelopem*, ut, *Penelopae* i. star, *difficilis*, *aspera*, *sæva* fores *procis*, *amatoribus*; te, *Hetruria* oriundam, *commodis* moribus, *facilemque* *amatoribus* esse convenit. Unde *Hetruriam*, *pristicae simplicitatis* atque *rusticitatis* oblitam cum artium elegantia, *elegantiores quoque* atque *lasciviores* mores induisse, *iisque infamem* fuisse *recte colligas*: quod etiam aliunde satis constat. Vid. v. c. Athen. XII. 3. p. 517.

v. 13 sqq. Jam quasi per lancem saturam cumulate adponit omnia poeta, quae expugnanda ejus superbiae vim aliquam habitura sperare posset. Pedestris sententiarum enuntiatio atque connexio erat: Quod si neque munera, neque preces eet. tantum apud te valent, ut votis te meis obsequentiorem praebreas; miseratione saltem permota aedes tuas mihi, nocte hac i. tempesta misere pereunti, recludas, me admittas. — 14. Neque, quod amore tuo penitus conficio, contabesco. Suaviter et ornate haec extulit poeta. *Pallor amantium*, *amantibus propriis*; de quo sexcenties poetae. Vide, si tanti, loca a Burm. ad Prop. I. 1. 22. congesta. — *tinctus viola*, colore violaceo, subtilavo. De amante itidem Calpurn. IX. 40. 41. *Eheu nulla meae te tangit cura salutis, pallidior buzo*, violaeque simillimus erro. Χλωροτέρη δὲ θάψω ἐμμι Sappho V. 17. (A. Br. I. 56. Cf. ad Virg. Ecl. II. 46. — 15. Neque hoc, quod *vir*, maritus tuus, *saucius* est amore, (Virg. Aen. III. 1.) amat *pellicem*, pueram, alias amore distinetur. — *Pieria*, Thessala, peregrina adeo, quae Romam se contulisset. Alii citharistram intelligi volunt, a Piero, Thessaliae monte, Musis consecrato, ita dictam; parum probabiliter. — 16. *curvat*, obstinatum animum tuum frangit, faciliorem te reddi.

Χρυσός ἐπιγνάμπτει τὰς σοβαροβλεφάρους Paulus Sil. XVI. 6. (Anal. III. 76.) — at *supplicibus tuis*, tibi totō animo deditis, *parcas*, ne tam misere perire sinas amatores tibi supplices factos, ante januam prostratos; miscreat te saltem istorum. — 17. 18. O tu quae *nec mollior*, durior es, cuius animus non magis flectitur quam *rigida aesculus*, et quae *nec mitior*, immittior *animum*, crudeliori es animo, asperior anguibus. *Mauris* auget saevitiae nolitione in. Vulgare adeo esset: o duri atque saevi animi mulier! Atque hanc orationis conversionem etsi satis commodam poetaque haud indignam judicem: vel sic tamen jungere malim: *parcas nec mollior* (sc. οὐσα pro *tīvai*) cet. quod graeca structura dicatur pro simplici, ne tam dura atque immitis sis *tuis* amatoribus. — 19. 20. Precibus minae adjectae, ex more amantium. Theocr. §. 122. μηδέτι τοι φρουρῶμες εἰπὶ προθύροισιν, Ἀράτε, μηδὲ πόδας τείβαμες ὅδ' ὄρθρος ἀλλον ἀλέκτωρ κοκκύσδων νάρκαισιν ἀνηρῆσι δίδοιη. Sensus: non semper injurias noctis perferam, ante fores tuas excubando. — *latus delecte de se* ante januam porreto (supra II. 7. 18. *latus depone*) — *patiens erit*, sustinebit ad cumbere *limini* operto. — *aut*, et *aquaes coelestis*, pluviae, imbrium; ut in Anthol. Lat. T. I. p. 703. epigr. 292. 10. Sero igitur tuae se poenitebit arrogantiae. Cf. I. 25. 9.



## ARGUMENTUM XI.



Panca admodum Horatii exstant carmina, quae artificiosissimo contextu cum nostro comparari possint; ut adeo minime mirandum sit, justum ejus nexum a bono Homio desiderari, ceterosque fere omnes interpretes in ejus descriptione egregie alucinari. Nos, missis iis, statim ad explorandum Horatiani ingenii incessum studium atque cogitationes nostras convertemus. Lydes, puellae asperae et feroculae, animum carmine exoraturus

poeta, Mercurium, inventorem lyrae, ipsamque Lyram, tanquam numen, invocat, ut sibi in re tam ardua ac difficultatis plena praestos sint, ipsique modos suppeditent, quibus Lydes duritia emolliatur. Invocationi laudes ac virtutes Lyrae, more priscorum Hymnorum, adnectit, itaque ad loca infera delatus effectus ejus in summis Inferni cruciatibus gravissimos ac plane stupendos vividissime designat, sicque fortuito potius quam quae sit transitu in Danaidum saevitia, hujusque poena exponenda immoratur, eamque masculo colorum vigore plane adumbrat. Atque hoc egregio ac divino prorsus artificio in medium argumentum, quod tractandum sibi proposuerat, nosmet subito deductos sentimus a poeta, quem docte adhuc προαιμάζειν existimabamus. Scilicet gravissima hac crudelissimarum Danaidum poena proposita Horatius Lyden docere voluisse putandus est, superbiam illam delicatam atque fastidiosam a Diis gravissime vindicari. Jam sponte intelligitur, poetae maximaे laudi ducendum, quod alii vilio ei verterint; fabulamque Danaidum primarium carminis argumentum constituere. Tractatio ipsius fabulae admodum lyrica; eloquitionisque ornatus ac dignitas admirabilis.

### A d n o t a t i o n e s.

v. 1. De incessu ac progressu sententiarum vid. Argum. *Mercurium* invocat poeta, tanquam inventorem lyrae, ejusdemque scite pulsandae artificem solertissimum: res notissima. Vide ad I. 10. 6. — Solennem in Deorum invocationibus formulam, δύνασαι γὰρ, namque potes (veluti Agath. XXXIII. 5. A. Br. III. 45. ἀλλὰ θεά, δύνασαι γὰρ, ἡ ἡβητῆρα μὲ τεῦχοι cet. Val. Flac. II. 490. *Adnue, meque precor, defectaque Pergama monstris eripe,*

namque potes.) varie a poetis exornatam (tanquam Virg. Aen. I. 65. *Aeole namque tibi Divom pater est.*) Horatius quoque h. l., miros lyrae ejus effectus celebrando, insigniter nobilitavit. Vulgaris ordo atque structura erat: Dic carmen (v. 7.) lyra, quod obstinatam Lyden expugnet, ut qui vel lapides cantui animare possent. — *docilis te magistro, edoctus a te, usus te magistro, tua opera movit est.* *Amphionem ipsam Mercurii lyram accepisse, eodemque in arte musica usum esse magistro, diserte tradit* Appollod. III. 5. 5., auctores poetas secutus. Ita enim Pans. IX. 5. p. 921. 'Ο δὲ τὰ ἐπὶ τὰ ἵσταντας φοῖσιν, Ἀμφίονα χρήσασθαι λύρα πρῶτον Ἐρμοῦ διδάξαντος. Πεποιηκε δὲ καὶ λίθους καὶ θηρίων (hic excidere quaedam) ὅτι καὶ ταῦτα ἔδων ἦγε Μύρων δὲ Βυζάντιος, ποιήσας ἐπη καὶ ἀλεγένι, Ἐρμῆ βαρύνει φοῖσιν πρῶτον ἰδρύσασθαι Ἀμφίονα, καὶ ἐπὶ τούτῳ λύραν παρ' αὐτοῦ λαβεῖν. Adde Schol. Eurip. ad Phoen. 116. apud Valken. p. 122. Quo quidem cantus ejus declarari excellentiam, facile intelligitur. Quam ipsam designat poeta ab effectu. *Movit, effectus canendo, ut lapides moverentur, attraherentur, mutuoque nexu in muros Thebanos erigerentur; res nota.* Λιθον ἄπνεον εἰς δρόμον ἐλκων λυρόκτυνος Nonn. Dionys. V. 67. Notissimus Nostri locus, Art. Poet. 394. sqq. *Dictus et Amphion, Thebanae conditor arcis, sara* movere sono testudinis et prece blanda ducere, quo vellet.

v. 3. *Testudinem scite pro lyra poeta adhibuit, ad originem ejus in seqq. allusurus.* Antiquissimam ejus formam descriptam habes apud Homer. H. Merc. 47 sqq. ubi vide intpp. Fundus seu τὸ κῆτος ibi est testa testudinea, quae continebat intendebatque sonum. — *callida, quae calles resonare, quae scite resonas septem nervis, omnino pro, septem chordis instructa, λύρα ἐπτάχοδος, ἐπτάτονος, ἐπτάφθογγος, ut passim poetae.* Etiam Homer. H. l. 51. ἐπτά δὲ συμφώνους δίων ἐπανύσσετο χορδάς. — 5. Quae olim, antequam nervis inducereris, *nec loquax, canora, vocalis eras.* *Louqui docte de lyrae sono.* Λύραν ἀδυνετὴ habes apud Pind. Ol. IX. 23. et ἀδύλογον Ol. VI. 162. Homer. Od. p. 270. ἐν δὲ τε φόρμῃ γένεται. Virg. Aen. IV. 646. *Obloquitur numeris cet. et saepius alibi.* Vide ad IV. 8. 4. — *neque grata, ἀχρεῖος, nullius usus, quippe muta.* Sed alterum posuit, ex oppositione sqq. Ad terriblem testudinis speciem referebat Gesnerus, quod utique miraris. — *nunc, cantui adaptata, amica, quam suaviter pro, adhibita laetiorum mensis, epulis:* Similiter δαιτίς ἐταιρην vocat Hom.

H. l. 31. et Od. p. 271. δειτὸς συνήροφον Od. 9. 99. — *temporis*, sextis Deorum sacris, choreis celebrari solitis. (Unde χοροί τυπος Hom. H. l. 31.) et ipsis sacrificiis, ut l. 36. 1. Testatur quoque Porphyrii nota ad h. l. „Fidicines hodieque Romae in sacrificiis adhiberi videmus.“ Cf. Boettig. Blanditur autem lyrae poeta, commemorandis honoribus ejus, quo faventiorē experientur. — 7. *Dic modos carminis*, ede cantum, cui *aures adplicet*, aurem praēheat, auscultet Lyde, quo obstinatus (pro quo ornate ipsae aures *obstinatae* dicuntur) ejus expngetur animus.

v. 9. Quae puerilibus adhucdum intenta lusibus, amores apernatur, nihil curat. Puellarem hanc ferociam ac lasciviam vivida admodum comparatione repreäsentavit poeta, secutus Anacr. LXI. 9. 10. Πᾶλε Θρησκίν τί δὴ με νηλεῖς φεύγεις; — νῦν δὲ λειμῶνάς τε βόσκεαι, κοῦφά τε σκιρτῶσα παιγνίεις. Juvenilem puellarum levitatem iisdem fere coloribus depictam dedit Sophoc. Trach. 147. sqq. τὸ γὰρ νεάρον ἐν τοιούτῳ βόσκεται χάροισιν αὐτοῦ· καὶ νῦν οὐ θάλπος θεοῦ, οὐδὲ ομβρός, οὐδὲ πνευμάτων οὐδὲν κλονεῖ· ὅλλα' ηδοναῖς ἄμοχον ἐξήρει βίον ἐς τοῦθ' ἔως τις ἀντὶ παρθένου γυνὴ κληθῇ. — *latis campis*, ubi liberrime vagatur. — *Ludit exsultim*, σκιρτῶσα παιγνίει, exsultat, lascivit. Unde σκιρτημα μίσχου Polyxenam tenebrae aetatis puellam absolute adpellat Eurip. Hee. 526. *ludere, παιγνίειν*, pro salire; pervulgato loquendi usu. — *metuit tangi*, tactum refugit, se tangi haud sinit. *Metuere φυλάττεος* pro nolle ut II. 2. 7. *Tangere Σίγειν*, (Eurip. Hippol. 1044. γυναικός Σίγειν unde ἀθίκτος, ἀθίγης de innupta apud Grut. Inscr. p. 898. IX. et Reines. p. 301. 5. Cf. Hesych. v. ἀθίκτος.) honesto vocabulo in re turpicula. E Latinis poetis exempla concessit Schrader. ad Mus. p. 204. — 11. *nuptiarum expers*, γάμου, λέχους ἀπειρος, itidem verecunde pro, quae equum nondum admisit. — *cruda*, immatura, dura, aspera *marito*, quae nondum patitar equum *protervum*, libidinosum, συνουσίας cupidum; ducta a poni·immatris imagine. Vide ad II. 5. 9. Nostrum expressit Stat. Theb. VII. 298. *expertem thalami, crudumque maritis ignibus*, ante diem *cupido violabit amore improba connubii*. Cf. Martial. LXIV. 11.

v. 13. sqq. Effecta Orpheae lyrae. Conf. I. 12. 7 — 12. *Tu potes tigres ducere, non proprie accipiendum* (nam ducere ad *comites silvas* magis spectat) sed, est, tu ferocissima animalia domas, mansueta redditis, adeo quidem, ut deposita saevitia cum

minoribus feris concorditer indant. Cf. Claudian. XXXIV. 25. — 28. — *comites παραπόμπους* (Orph. Arg. 260. καὶ μοι παράπομπος ἐβίβεις, οὐπέ πανωπολικοῦσα, uti felicissime persanavit locum Ruhn. Ep. crit. II. 239.) ornate adjectum. — 14. *rivos fluvios quantumvis celeres*, rapidissimum fluminum cursum *morari* inhibere. Cf. ad I. 12. 9. 10 — 15. *Tibi blandienti*, tuis blanditiis, tuo suavissimo sono delinitus Cerberus. *Lyra blanditur*, dulcissimos edens modulatus; suaviter admodum, ut θέλγειν gr. veluti Homer. Od. μ. 44. Apoll. Rh. I. 27. Θέλχτις ἀοιδὴ Apoll. Rh. I. 515. λιγέαν μειλίγματα Μονσῶν Theocr. XXII. 221. μαλθαρότων ἀοιδαι Pind. Isthm. II. 14. — *cessit retro*, non prohibuit Orpheum aditu, propter te. — *Janitor*, excubans in limine, vestibulo *immani*, vastae, horrendae Plutonis regiae. Nam ad hanc proprie epitheton spectat. Alii ad Cerberum trahunt, minus commode; quum designandae aulae s. locis inferis cum maxime inserviat, et Cerberi immanitas vv. sqq. demum subjiciatur.

v. 17 — 20. Monstrum quantumvis horrendum ac tetrum. Hoc, quo vividior rei imago sensui subjiceretur, specialibus exornavit poeta notionibus iisque ad nostrum quidem sensum parum gratis, a quibus tamen, ad horrorem quippe in legentium animis commovendum efficacissimis, haud abhorruere Virgilius aliquique tersissimi judicii poetae. — Pro villis *centum angues muniant*, cingunt, ambiunt, unumquodque ejus *caput* (nam tricipitem h. l. fingi patet e v. 20.) *Furiale*, Furiatum instar, quibus Furiae incinguntur; ut apud Liv. VII. 17. *sacerdotes eorum facibus ardentibus*, anguisque praelatis, incessu Furiali *militem Romanum insueta turbaverunt specie*. Alii caput furiale, Cerberi furialis, furibundi explicant; haud male utique. Serpentes autem cum omnibus fere antiquitatis monstris, ad horrorem compositis, cumulate adficti, cum Cerberus Typhonem et Echidnam parentes habebat, Hesiod. Theog. 311. *consanguinea redimitum terga caterva dicit Tibull. III. 4. 87. et serpentinam ei caudam nonnulli tribuunt*. Ad nostrum allusit Senec. Herc. fur. 784. sqq. *trina vasta capita concutiens sono regnum tuetur: sor didum tabo caput lambunt colubrae: viperis horrent jubaee: longusque tota sibilat cauda draco*. Adde Lucan. VI. 665. — 19. *Spiritus teter*, tetri, foedi odoris; enjus causa *sanie spuma tetra* (hoc iterum suppl.) pestilens, *manans*, magna ore profluens. Ortum ex hac spuma aconitum, vulgaris narratio est. Vid.

Plin. H. N. XXVII. 2. Inter venena oris, *Cerberei spumas* resert etiam Ovid. Met. IV. 500. E v. *manet* ad priora (spiritus teter) generalius verbum eliciendum, *exeat*, *prodeat*; nota figura; quamquam hoc ipsum loquendi genus, poetica ratio haud reformidet. — *trilingui* docte Cerberum τετράγονον innuit. Vid. Intpp. ad Hygin. p. 262.

v. 21. Eadem progressio, eademque formula II. 13. 37. De *Ixione* rotae alligato vid. Heyn. ad. Virg. Ge. IV. 484. De *Tityo* v. ad II. 14. 8. — *risit* s. riserunt, voluptatem cepere, deliniti sunt tuo cantu, hocque vultu prodiderunt *invito*, quem ad hilaritatem componere adinodum difficile erat, propter summos erueiatus, quibus continuo adscicerentur. Mira suavitas in oppositis *risit* et *invito*; tum ἐνάργεια magna in enuntiationis brevitate. Ad sine est Homericum (Il. Σ. 484.) δακρυότεν γελάσσου, et Stat. Achill. I. 194. *ficto risit Thetis anxia vultu*. — Etiam Danaides laborum oblitae sunt, tuo cantu attonitae. De fabula vide Apollod. II. 1. et intpp. ad Hygin. 168. p. 283. — *urna*, urnae singularium, quibus aquam, in dolium perforatum fundendam, haurient, *paullum*, aliquamdiu siccacē steterunt, h. cessarunt aliquantis per ab haurienda aqua Danaides, dum grato cet, suavi tuo cantu permulsae.

v. 25. De praeclaro artificio poetae v. Argum. *Audiat*, cum vi, in animum suum penitus admittat, perpendat, Danaidum exemplo almonita Lyde superbiam aliquando exuat. *Scelus* necatorum sponsorum, eique inflictas *poenas*, aquae in pertusum dolium infundendae. — *notas*, quibus infames (ut III. 4. 70. *notus* et *integræ tentator Orion Dianaæ*) factae, poetarumque carminibus traductae sunt. — 26. et *inane . . . imo*, ἐπεξηγητικῶς haec adposita, docteque ab antecedentibus disjuncta. *Dolium inane lymphæ*, quod non continet infusam aquam, quippe *pereuntem*, effuentem statim ex *imo* fundo, qui perforatus est. Hinc ὑδρέας Danaidum ἀτελεῖς vocal Aeschin. Axioch. 21. et ipsum dolium τετρημένον Plato in Gorgia p. 231, unde nonnulla delibavit Zenob. Cent. II. 6. int Ad. Schott. p. 28. — *fata*, *poenás*, divinitus constitutas, ut saepius. — *sera*, vel post mortem luenda. Declarative ideo adjici puta, quae *manent* destinata fato inevitabili (vid. ad I. 28. 15.) constituta sunt *culpis* sceleratis hominibus. Tibull. I. 9. 77. *At te poena manet, ni desinis esse superba*. — *sub Orco* in locis inferis, post mortem.

v. 30. *Impiae*, detestandae, execrables, abostrat. Magna vis in repetito *impiae*. Utrumque autem graviter pro tenui, illae. — quid enim *majus*, ecquod gravius scelus admittere in se potuere? ita adpellare istas scelestas consentanem est. — 31. *potuere*, cum eniphasi, sustinere (ut in Propert. II. 25. 9. *Lynceu, tunc meam* potuisti tangere curam? et saepius alibi) haud reformidarunt, sponsos *ferro perdere*, occidere. — *duro*, immitti, ad scelus procuso et exhibito; ut enses impii, horrendi (veluti Tibull. I. 10. 1. qui et *artem* crudendi ferri *immitem* vocat I. 3. 48.) arma saeva et innumera alia. Ad ferri naturam nemo, nisi ineptus, trahat.

v. 33. Excepta una *Hypermnestra*. Sed eximiam hanc pueram, quo magis ceteras deprimeret, vide quantis laudibus condecoraverit poeta! *Una*, unica de multis, de tot pueris. — *face nuptiali digna*, propter humanitatis sensum tali conjugi digna. Faces in nuptiis sponsis praelatas fuisse, in vulgo notum. Unde *taedae jugales*, *faces maritae* cet. *solennia de conjugio*. — 34. *in erga perjurum*, jura hospitalia violentem, perfidum, scelestum parentem Danaum. — 35. *mendax erat*, fallebat eum, promissis, iurejurando confirmatis, non stando. Sed *splendidum* erat mendacium, quod ipsi maxima laudi cedebat, horiscentissimum erat, quippe οὐδὲ αἰσχρὸν ἥγητεον, εἰ τὸ σωθῆναι γε τὸ φεῦδες φέρει, ap. Sophocl. Philoct. 110. Sed paullo acutius hanc ῥῆσιν Noster extulit. Simplicissime Pindarus, quem Lamb. laudat, Nem. X. 10. Οὐδὲ 'Τπερμνήστρα παρελάγχθη, μονόφαφον ἐν κολεῷ κατασχοῖσσα ξῖφος. Eodem tamen acumine etiam Cic. Mil. 17. *glorioso mentiri* et *gloriosum scelus* Senec. ep. 95. p. 419. Bip. pulchram s. honestam *fraudem* Stat. Theb. X. 186. dixit. Ad fine et Heliodori Aeth. VII. 28. λαμπρὸς ἀπετηνίν in abnuenda re turpi. — *nobilis*, cuius generosus animus, humanaitas in omne aevum ad omnem posteritatem viget, nunquam intermoritur. *Virgo* forte cum vi, quod integra, pura ab isto scelere manserit, vel potius quae servaverit παρθενίαν. Rem enim ita antiquis poetis expositam fuisse, docet locus Zenobii Cent. II. 6. de eadem *Hypermnestra*: αἱ δὲ κοιμωμένους τοὺς νυμφίους ἀπέκτειναν, πλὴν 'Τπερμνήστρας. Αὐτὴ γὰρ Λυγκεα διέσωσε, παρθένον αὐτὴν φυλάξαντα.

v. 37 sqq. Animum *Hypermnestrae*, tenerrimi affectus plenum, quo vividius reprezentaret poeta, exquisito artificio, Nostro hand infrequenti, ipsius oratione explicat. Comparetur cum ea Ovidii *Hypermnestra* Heroid. Ep. XIV. et *Hypsipyle* apud Val.

Fl. II. 249. *Surge cum vi repetitum.* Cf. Ovid. I. l. 73. — *juveni marito*, κενηδιώ πόσει Homeri, tanquam II. s. 414. et Argentarius in lepidissimo ep. XXX. 5. (Anal. Br. II. 273.) ubi Mulier bibacula, loca infera ingressa, Minoëm ita alloquitur: Φέρε κάλων ἐλαφρὸν, οἴσθε κυάνεον τοῦξ' Αχέροντος ὄδωρ. καύτη παρθένον γὰρ ἀπώλεσα. ne longus somnus tibi detur, ne somnus in aeternum tibi continuetur, ne inde, ab iis, tibi mors paretur, unde non times, minime reris. *Longus somnus*, mors: v. ad I. 24. 5. Insulse totum hunc locum traduxit Auson. Ephem. I. 17 — 19. — *salle*, λύσε clam socero et scel. sororibus aufuge; notissimo Graecismo. — 51. *nactae*, quae inciderunt in vit. adgressae vitulos, ἐγκυροδοσίαι μόσχοις. Comparatio ipsa haud infrequens Homer, et inde aliis, veluti Senec. Thyest. 735. nec minus juvenum cum vitulis: vid. ad II. 5. init. — 42. *singulos*, suum quaeque. Mox *eheu* aptissimo loco insertum a poeta. — 43. Ego tantum facinus in me non admittam, *mollior*, humaniore sensu praedita. Jam pedestris continuandae orationis forma erat, quam ut te *ferriam*, occidam, aut *intra claustra teneam*; thalamo inclusum servem, ab aliis necandum, fugam tuam cohibeam.

v. 45. Ad generosissimos puellæ sensus sua luce collustrandos egregie haec adposita. Vincula atque extrema omnia, quae sibi certo impendeant, susque deque habet, modo Lynceus suus sospes evadat. — *Oneret*, fortius ad pathos movendum quam, constringat, coercent, ut apud Senec. Med. 463.; quo itidem appellatio patris spectat, minime h. l. paterni animi. In custodia habitam fuisse Hypermnestram diserte tradit Apollod. II. 1. 4. — 46. Copiose pro alterutro, quod clemens fui erga *virum*, sponsum; vel, quod pepercí viro. *clemens* et *misero* egregie inter se conjuncta. — 47. Me patria extorrem agat, exsulem patria proturbet. Quae poena iis infligi solebat, quos propter consanguinitatem ultimo suppicio adficeret nefas putabatur; id quod Hippolyti, aliorumque exemplo satis constat. Unde haud mirandum, nullam hic necis, quam pertimescat, mentionem factam esse a puella. Sed exaggeravit poeta exsilii atrocitatem, puellam patria pulsam in desertos Lybiae campos amandando, quos quidem puellam Aegyptiam fama cognitos habuisse minime absolum videri debet. An vero certa quapiam regione exsulem antiquior aetas circumscriptiperit, hujus rei exempla desidero. — *extremos*, longissime a patria dissitos. —

v. 49. 50. Proripe te hinc quam potes velocissime quoctunque, vel terra vel mari, dum eundi tibi potestas est. Illud „quocunque vel terra“ proverbiali locutione expressit poeta, *quo pedes ferunt* (pro quo quae sitius est *rapiunt*, festinationis ratione habita) & πόδες ἄγωσι (Theocr. XIII. 70. πόδες ἄγον, ἔχωρει) seu φέρωσε (Lucian. Hermot. 28. p. 767. ἐνθα ἀν ημᾶς οἱ πόδες φέρωσιν, ἐκεῖσες ἄπιμεν (h. quo casus tulerit. Claudio. de R. P. III. 432. *Ibo, ibo, quocunque pedes, quocunque jubebit casus.* Pro altero „vel mari“ est, *quo aurae te rapiunt, quo ventus impellit.* Ad hoc allusit Plato de Rep. L. III. p. 290. Bip. Εἴη δὲ λόγος θάσκερ σκεῦμα φέρει, ταῦτη τρίον. Utrumque conjunxit Noster V. 16. 21. *ire, pedes quocunque ferent, quocunque per undas Notus vocabit, aut protervus Africus.* — 30. *Dum tantum ad noctis tenebras pertinet. — Venus, tanquam λεχέων ἐπίκουρος, uti audit Co-lutho 198. — 51. 52. Mollissimi affectus versus!* etsi a loco et tempore, etiam ab Hypermnestrae aetate admodum alieni. — *scalpe, incide* mei sepulchri monumento *querelam*, epigraphen, miserrimi fati indicem, *nostri memorem*, nostri utriusque memoriam servaturam. Praeclare τῷ nostri argumentum epigraphes, in qua et Lyncei mentio facienda erat, innuit. Indocte plerique de sola Hypermnestra cogitant.



## ARGUMENTUM XII.



**I**nnumera paene sunt, quae super hujus carminis consilio hariolati sint interpretes. Evidem, ut libere, quae sentiam, profitear, nihil amplius agnosco in hoc carmine, quam juvenilem lusum poetae in reddenda amplificandaque graeci cuiuspiam poetae, forte Anacreontis, (cuius similis sententia exstat:

Χαλεπὸν τὸ μὴ φιλῆσαι

Χωλεπὸν δὲ καὶ φιλῆσαι.

c. XLVI.) sententia, ad certas personas, quo majorem ad animum vim haberet, traducta. Quo quidem facillime, praeter initium carminis, (v. 1—5.) quod graecas ideas habet, ipsa metri ratio, quae et ipsa est ludicra, dicit. Hinc eloquutio pro argumenti ratione paullo doctior, ornatusque, quem interdum metri difficilioris necessitas poetae extorsisse videatur, copiosior atque affectatior.

### Annotationes.

v. 1. Generalem sententiam, miserrimam eorum conditionem esse, quibus amore ac vino, quibus solenni poetarum more vitae voluptates continentur, carendum sit, poeta argumento carminis ita adstrinxit, ut puellarum vicem doleat, quibus utrumque hoc negatum sit. *Miserarum sors, conditio est, miserae eae dicendaes sunt puellae, quae neque ament neque cet.* Pro amare docte est *Amori ludum dare*; sed in explicando hoc loquendi modo ipsos interpretes bonae Rationi misere dare l<sup>i</sup>dos videoas. Nos, missis eorum nugamentis, rem ipsam consideremus. Scilicet Venus, Amor, nota loquendi ratione, imperium exercet in homines, sed saevum et arbitrarium; quoniam amantes *nullo vivunt consilio*. (Propert. I. 1. 6. ut Sophocles apud Stob. Grot. p. 241. Κύρις τὰ θνητῶν συντέμνεται βουλεύματα) Amor igitur homines ludibrio habere, ἄγρια παλοδειν (Mosch. III. 11.) ἐμπαίζειν (Sophocl. Antig. 811. ἔμπαχος γάρ ἐμπαίζει θεὸς ἀφροδίτα) hominibus συμπαίζειν (Orph. Hymn. 57. 3. Ἐρωτε — συμπαίζεντα θεοῖς, ἡδὲ θνητοῖς ἀνθρώποις) dictus; homines contra, qui amori penitus succumbunt, *Amori ludum dant, ludificandos se praebent*, arbitrario Amoris imperio se submittentes. Amor igitur ludum facit hominem (uti Plaut. Captiv. III. 4. 48. *Ut scelestus, Hegio, nunc is te ludos facit*) homo dat contra ludos (ut idem Bacch. IV. 10. 7. *Ego dare me ludum meo gnato institui*) — neque mala, tristitia, aerumnas vino lavere (antique pro lavare ut III. 4. 61. et alibi) eluere, expellere animo. Infra IV. 12. 20. *Cadus dicitur amara curarum eluere efficax*. Propert. III. 15. 6. *Hoc vitium (vitiosam curam Nostri II. 16. 21.) ex animo di-*

Iue, *Bacche*, mea. Vino omnino vitae suavitates poetis designari tralatitium est. — *Aut*, si amoris potiundi opportunitas detur, *patrui metu* ab eo absterteri. Venuste admodum atque ἐναργῆς extulit hanc sententiam poeta *Exanimari metuentes doctius et gravius pro conturbari*, percelli metu, metuere, obnoxium esse *patruo*. Patruorum austeritas erga fratum filios famigeratissima. Vide Torrent. h. l. Jam pro patruo docte sunt *verbera linguae patruae*, objurgationes severae patrui. *Verberare* pro objurgare. saeve agere, convitiari eleganter dicitur. *Convicio verberare* Cic. ad Div. XV. ep. 16. quod plane respondet Sophocleis (Philoct. 374.) ἀρδεσσιν κακοῖς. *Metuens verbera saevitiae e Nostro* adoptavit Propert. I. 8. 18. Plaut. Pseud. I. 3. 133. *Verberavisti patrem atque matrem*. Simillime Tatius VIII. 1. dixit τρεύματα ῥημάτων et Heliod. p. 392. ed. Schmid. τρόσεις λόγων.

v. 3. Enimvero tu non minus misera es, quae Hebrum perditte amas; siquidem immoderati amoris aestus haud minorem animo tuo aegritudinem atque molestiam creat. Vehementissimum amorem pulcherrime ab effectu designavit poeta, quod consuetorum laborum taedium adferat. Certatim landant, quod haud dubie Horatio obversabatur, suavissimos Sapphus vv. (Anal. Br. I. p. 56.) γλυκεῖαι μῆτερ οὐτοὶ δύναμαι κρέπειν τὸν ιστὸν, πέριο δαμεῖσα παιδὸς ραδινὸν δι'Αφροδίταν. Adde Incerti epigr. LIX. (Anal. Br. III. p. 162.) αὐτὴν Κύπρισ οὐρίος· εὐχλωτον δὲ γυναικῶν νῆμα καὶ ἡλακάρνη ἀργὸς ἔχει τάλαρος. Phaedra apud Senec. Hippol. 103. *Palladis zelae vacant, et inter ipsas pensa labuntur manus*. Suaviter autem hoc, quod Amor qualum ac telas surripere singitur; uti ferre Ovidio Amor. I. 1. 4. unum pedem idem surripit. — *Puer ales, alatus, Amor*, ut Mercurius puer ales Stat. Theb. VI. 794. *Puerum volatilē Amorem simpliciter indigitat* Ovid. Am. II. 7. 27. *volucrem*, idem ex P. III. 3. 65. Et nitor ἀγλασμα pulchritudo (ut I. 19. 5.) *Hebri*, amor Hebri pulchritudine incensus. *Liparæi*, e Lipara, Aeolianum insularum una, oriundi, — *qualus s. quasillus*, vas vimineum, in quo mulieres diurna pensa reponebant. Cf. Prop. IV. 7. 37. — *telas* h. l. de opere texico coepito, texendique taedio intermisso optine intelligas. Vide doctissimam Schneideri de veterum textura disputationem ad SS. R. R. Ind. v. *Tela*. — *studium Minervæ*, textoriam ἄρτην, a Minerva inventam, res nota. Dicta inde *operosa s. Ἐργάνη*. Vide, ne in re nota morer, Abresch. ad Aristaen. p. 128. et Bergl. ad

Aleiphr. p. 365. — 6. Explendescit iste Hebri nitor, *simul quando humeros lavit*, natat, in undis Tiberinis; sed alterum magis delecte, quandoquidem humeri natantis exserti nitorem ostendunt, — *unctos*, oleo inunctos. Hebrum campestribus ante exercitatiōnibus vacasse, quam Tiberi denataret, docte hoc declarat epitheton: quas easdem statim disertius exponit. — 7. Capit te, quod sit *eques melior*, equitandi arte praestet *ipso Bellerophonte*, Pegasi domitore. Ad rem Tibull. I. 4. 12. — *neque pugno*, quod *pug latu*, *neque pede victus*, quod cursu excellat, semper *superior* sit. — *segni*, ornat.

v 8 — 10. Idem venationis callentissimus. Sollertia ejus duo bus venationis declaratur generibus, et jaculandi arte, et excipiendi venabulo apri peritia prodita. — *Catus*, doctus, peritus (ut I. 10. 3) *jaculari*, in jaculandis, sigendis, cervis agitato grege, e latibulo excitatis, atque gregatim fugientibus per apertum campum. — 10. et *celer excipere* (ut *celer sequi* Ajax. I. 15. 18. Nostrum secutus Propert. II. 15. 22. Aut *celer agrestes cominus ire sues*.) alacer, dexter in excipiendo atque venabulo confodiendo apro. *Excipere* verbum venatorium. Martial. XIV. 30. Cf. Burman. ad Val. Flacc. VI. 422. — *fruticeto alto*, βαθείρ ξυλόω, Homer. Il. λ. 415. πυκνῷ λόχμῃ, Od. χ. 439. βαδεῖγ ὄλη, Il. ε.

~~~~~

### ARGUMENTUM XIII.

~~~~~

*Miram venustatem hoc carmen habet cum a quaesitiore orationis cultu numerorumque suavitate, tum a naturali sententiarum progressionē, tali argumento convenientissima. Laudes igitur fontis Bandusii, qui haud longe a villa sua sub monte Lucretili profluebat, poeta a limpidissima ejus aqua, locique amoenitate repetit, quibus adeo delimitur, ut sacrificium in posterum diem ei promittat, immor-*

*talitatique sese eum carmine consecraturum  
gratus spondeat. Ceterum et ratio argumenti,  
quod plane graecum est, et exitus carminis  
(Fies nobilium tu quoque fontium  
cet.) abunde manifestant, poetam et in hoc  
genere cum Graecis, quorum etiamnum bene  
multa exstant carmina, Fontibus dicata, certare  
voluisse.*

### Annotationes.

1. *Fons rivi Digestiae* in eo Sabini agri tractu, cui *Bandusiae* nomen. Ita diserte Scholl. ad h. l. „*Bandusia Sabiniensis* agri regio est, in qua Horatii ager fuit.“ Cf. Nostri Epp. I. 16. 12. ss. Alii *Bandusiam* nympham fontis, cui et lucus et universus pagus sacer fuerit, ab eaque nomen traxerit, nulla idonea auctoritate. — *splendidior*, *perlucidior*, *prior vitro*, cuius aqua limpidissima est. Scholl. laudant *vitream Fucini undam* Virg. Aen. VII. 759. Adde Ovid. XV. 157. *Graecis* est *ῦδωρ ἀργυροειδὲς*, h. *διαύγεις*, *prior electro* Virg. Ge. III. 522. Idem de *Digestia* praedicat Noster Epp. I. 16. 12. — 2. *digne mero*, duobus modis accipi potest; vel, *digne*, qui *mero* admiscearis, cuius aqua temperando *mero* adhibeatur; quae nova tantum declarandae hujus fontis aquae *vitro* *splendidioris* idea esset. Vel, quae reliquis magis consentanea videtur ratio, *digne*, cui *mero* libetur; ut sit pars sacrificii, quod paratus est poeta. — *non sine floribus*, qui de poculis hac aqua temperandis cogitant, antecedentibus illi haec verba adnectunt, et *merum non sine floribus* de poculis coronatis intelligunt: et ne haec ita accepta, temere prorsus a poeta adposita videantur, vim in eo quaerunt, quod pocula non nisi in festis conviviis coronarentur, et his adhiberetur vinum optimum; unde de laude *Bandusii* fontis judicatio fieri possit. Sed hoc demum est argutari. Alii cum *Cruquii* Schol. verba ad sqq. trahunt, et haedum floribus coronatum, innui autumant. Durius paullo, si quid judico. Nostram explicationem nova distinctione aperiundam censuimus. Scilicet sacram tribus rebus absolvit vult poeta, vino libando, floribus spargendis, et haedo mactando. Jam, quae simplicior totius sententiae enuntiatio erat: *Cras vino,*

floribus, haedo sacrum tibi parabo; ut dignus es, ut meteris; sed digne mero, floribus, haedo, quibus cras tibi sacrum faciam; hanc doce variasse putandus est poeta. His autem tribus Fontis Genio nymphisque fontanis, uti omnino diis agrestibus, ad quos isti referendi sunt, rem divinam factam esse, satis explorata res est. De vino Leonid. Tar. c. XXXV. (Anal. Br. I. p. 229.) Αὐλίας καὶ Νύμφων ἱερὸν πάγος, αἱ δὲ ὑπὸ πέτρης πίδακες — Ιλαῖοι τὰ ψαιστα, τό τε σκύφος ἐμπλεον οἶνος δέξασθ'. Cruq. h. l. multum intelligit, inductus haud dubie epith. *dulci*; in quo si omnino vis quaerenda sit, de vino horno, quo libari solebat (v. ad 1. 31. 2.) capere malim. Sed omnino ornat h. l. De floribus Idem c. XXX. (Anal. Br. I. 228.) Ἀγρονόμῳ τόδε Πανί — Νύμφαις δὲ σκιερᾶς εὔποικιλον ἄγος ὀπώρας, φύλλα τε πεπταμένων αἰματόεντων πόδων. Naiadas autem intelligi reliqua manifesto docent. Sublegit totum illud epigramma Sabinus Gramm. apud Br. Anal. II. p. 304. Spectat etiam hic Varronis locus de L. L. v. 3. *Fontinalia feriae erant Fontibus dicatae*, quibus et coronae in fontes conjici et putei coronari solebant. Haedo fontibus sacrum fuisse factum, vel ex h. l. abunde cognoscitur. *Ovem Fonti Numam regem matasse tradit Ovid. Fast. III. 300.* — 3. *donaberis* sacrum tibi fiet. *Dona, honores de sacrificiis, solenni usu.* — 4. 5. haedo anniculo. Vide quam doce et ornate haec expresserit poeta! Sat is comta atque absoluta videri poterat sententia verbis, cui, cuius *frons turgida* est, e cuius fronte prorumpunt *prima cornua* (Calpurn. ecl. X. 36. *flavaque maturo tumuerunt tempora cornu*); sed quum nascentia cornua haedi maturitatem indicent, (*unde maturum cornu* in Calpurn. l. l.) qua ad Venerem extimuletur, (apte laudat Boettig. Pallad. XII. 13. *hircus ad ineundam feminam anniculus est congruus*) doce poeta frontem ejus turgidam ait *destinare* h. adipetere, cupere *Venerem et proelia* propter hanc ipsam Venerem cum aliis haedis. *Destinare* h. l. proprie ac primo significatu positum puta; qui est, collineare, dirigere aliquo, aliquid petere. Colum. VI. 37. *Equa destinanti h. adipetenti pullo asino, praebet ubera*. Frons adeo *destinat*, meditatur *proelia*, parat se certamini, intenta est *praeliis et Veneri, Veneris gratia* ineundis. Alii *destinare* dici volunt pro, constituere, spondere, vel orationem ita invertunt, cuius ea aetas est, qua *Veneri et pr. destinatus* sit; nescio quam bene. — 6. *inficit* imbuet, tinget *rubro sanguine*, rubefaciet, *aipάζει rivos, aquas tuas*,

*tibi in tui honorem, verbo, mactabitur tibi.* Catull. XIX. 15.  
*Sanguine hanc etiam mihi — aram borbatus linit hirculus, cornipesque capella.* Cogita vero aram cespititiam juxta fontem erectam. — *gelidos vel natura, vel arboribus consitos.* V. v. 9. — *lascivi, petulei, perpetuo epitheto v.* Virg. Ecl. 2. 64.

v. 9. *Hora de quavis anni tempestate* (Cf. I. 12. 16. Epp. I. 16. 15.) maxime de vere et aestate, si absolute ponitur. Hesych. ἥρα, καιρὸς ἔτους, τὸ ἔτηρ ή τὸ θέρος. Unde ἥριον ἄνθεσ, ὥραῖος ἀλοῦς et alia. *Hora Caniculae* h. l. docte est pro aestu, qui Caniculae orientis tempore saevit. — *atrox, vehemens, ferventissimus;* ἄρα χαλεπὰ simpliciter Alcaeo apud Athen. I. 17. et δίψιος ὥρα Oppian. Halieut. III. 47. dicta. Plin. II. 47. *Ardentissimo aestatis tempore exoritar Caniculae sidus; sole primam partem Leonis ingrediente.* vid ad III. 29. 18. — 10. *nescit tangere, numquam ad te pertingit, penetrat, aestatem non sentis,* ob densam umbram arborum, quae solis radios excludunt. — *frigus amabile, gratam umbram, refrigerium praebeas, umbris aquisque tuis refrigeratas, vomere, arando in aprico solo fessos.* — *pecori rago, eranti, pascenti.* Cf. III. 29.

v. 13. *Tu quoque fies unus fontium, poetarum carminibus nobilium, illustrium, refereris inter illos, ἀριθμήσῃ ἐκείνων, graeca plane structura.* Vid. Heins. Lectt. Theocrit. p. 361. Plant. Mil. glor. IV. 2. 25. *Cedo signum, si (una) karum Baccharum es.* Famigeratissimi autem antiquis poetis fontes Hippocrene, Dirce, Arethusa; quem *celebratissimum carminibus poetarum fontem vocat* Senec. Cons. ad Marc. c. XVII. Ita et *fluvii poetarum carminibus illustres* (Sidon. Epp. I. 5.) sunt Achelous, Eridanus et alii quam plurimi. — 14. *me dicente, celebrante, carmine extollente te.* Pro tenui *te amoena* istius loci faciem oculis paene subjicit poeta, estque haec descriptio tanto adpositior, quo dignior hanc ipsam ob causam fons est, qui carmine nobilitetur. Rei autem imago ita animo informanda: Cogita saxa paullo editiora, a fonte, inde scaturiente, in antri formam excavata (hinc ornata *cavis saxis*) cui ilex (quae proprie h. l. accipienda) *imposita est, impendet.* — *lymphae loquaces, garrulae,* (ut Ovid. Fast. II. 316. *garrulus in primo limine rivus erat.*) suaviter strepentes, jucundissima ad animum specie. Theocrit. VII. 137. τὸ δ' ἐγγύθεν ἱερὸν ὑδατο Νυμφῶν εἰς ἄντροι κατειβόμενον ἔχειται στειλί. Idem λαλεῖ de *supressis adhibuit* Id XXVII, 57. qua eadem suavitate *pinus le-*

quentes facit Virg. Ecl. VIII. 22. — desiliunt, suaviter, tanquam  
saltu sese demittentes; quo respectu pedes undis tributii. Noster V.  
XVI. 48. montibus altis levis crepante lympha desilit pede.



#### ARGUMENTUM XIV.



Quum Britanni, in quos a. U. DCLXXVII. Augustus, exercitu in Galliam ducto, bellum translaturus videbatur, pacem per legatos ab eo obtinuissent, idem, Galliae rebus, quae per intestinos motus turbatae essent, iterum compositis quum adversus Cantabros, imperium Romanum detrectantes, belli molem convertisset, subito gravi morbo implicitus Tarracone subsistere cogebatur. (Quod nonnulli adjiciunt, rumorem de ejus morte Romam pervenisse, populumque seditionibus distrahi coepisse, hoc vero commentum prava v. 2. interpretatio unice exclusit.) Quum igitur perdonitiae Cantabroruri gentis, felicisque Augusti fama reditus, spe citioris, Romam peralta esset, poeta publica populo Romano solennia hoc carmine indicit, ad eaque privata cujusque laetitia prosequenda suo ipsius exemplo hortatur. Animatur totum carmen effrenioris gaudii entusiasmo, omninoque illud exemplo esse potest, qua arte argumentum per se admodum vulgare tractari nobilitarie possit. Exordium grave, utpote publicos familiae Augusti, totiusque populi laetitiae sensus manifestans; levior contra exitus, suos privatim exponens.

## A d n o t a t i o n e s .

v. 1. In hujus tetrastichi structura, sententiaque inde consti-  
tuenda dici vix potest, quantum turbatum sit ab intpp. Haerent  
maxime in comparatione Augusti cum Hercule instituta. Plerique  
eam ad expeditionem Cantabricam referunt, unde Augustus victor  
Italiam repetierit, instar Herculis, qui idem iter, eaeso Geryone,  
cum ejusdem armentis persecutus sit; ideoque jungunt: *Caesar*  
nunc *Herculis ritu ab Hispana ora penates repetit*, et interjecta,  
*modo dictus morte venalem petiisse laurum*, ne languageant, ex-  
ponunt, qui nuper dicebatur victoram de Cantabris morte rede-  
missem; quae tamen verborum explicatio quantum bonae rationi  
linguaeque adeo legibus refragetur, in pronitu est perspicere. In-  
sulsiora aliorum commenta commemorare nihil attinet. De verbo-  
rum ordine vix laborandum videtur, si comparationis momenta  
recte expendas. Scilicet Herculi omnino adsimulatur Augustus tam  
ob suas in longinquas terras expeditiones, quam ob signa, quae  
semper inde referret, victoria; ut igitur nihil hac comparatione  
ad laudes Augusti singi potuerit magnificenter. Splendide ita Au-  
gustum extulit quoque Virg. Aen. VI. 802. sqq. *Nec vero Alci-*  
*des tantum telluris obivit; fixerit aeripedem cervam licet cet.*  
ad quem locum, qui facile saniora suppeditare potuisset, non  
attendere intpp., semel in transversa abrepti. Jam vulgarem lo-  
quendi formam: Augustus, quem modo extremas Hispanias adiisse,  
s. bello adgressum esse, andieramus, ecce jam victor inde  
revertit, poeta, quo magis Herculi parem Angustum ostenderet,  
ita exornavit: *Caesar, modo dictus*, quem modo ferebant, fama  
tulerat, *laurum* victoram *petiisse*, ab Hispania (docte hoc po-  
steriori demum membro insertum) Hispaniae bellum intulisse;  
sed alterum magnifice prorsus de Augusto, sumitis armis instar  
Herculis, Victoriae certo atque confiso. Jam laurum *morte vena-*  
*lem* adpellat, *magnis periculis partam lauream*, uti Cie. de Provi-  
Cons. 12. quae adeo cum vitae discriminé emitur, bellicam. De-  
claratur Augustus in potiunda Victoria periculorum egregius con-  
temtor hec epitheto; nihil amplius. Sed aliis quantum imposue-  
rit, supra attigimus. Omnino a poeta tam subtilis judicij vix ex-  
spectari poterat, ut, cum Augustus ex morto, uti rumor divul-  
gaverat, Tarracone decessisset, victoram morte sua partam fu-  
isse jactaret. Illud *modo* autem, in quo summum interpretationi

suae de Augusti mortui rumore praesidium ponunt, ad totam p̄ficit̄ spectat, nimirum coepit belli famam victoriae statim secutam esse famam. — *Caesar victor*, parta laura, perdomitis Cantabris, *Penates*, domam, Italiam revisit.

v. 5. Supplicationes pro felici Augusti reditu ad omnia Deorum pulvinaria deeretas magnifice persequitur poeta, pompam matronarum, vota pro maritorum, fratrum, filiorum, generorum denique reditu suscepta inter sacra publica solventium sigillatim percensendo. — *Mulier*, Livia; quod patet ex adjectis, *gaudens marito*, uxor mariti (illud tamen non sine vi; quae gloriantur, jactat sese, tali viro nupta) *unica*, viri plane singularis, egregii (ut I. 6. 11. et III. 25. 4.); splendidissima haecce Augusti est designatio, quam plane abolent, qui pedestrem poetae formam obtrudunt, dictumque esse volunt pro, quae *unice*, nulla alia re praeter eum *gaudet*, tenerrime eum amans; quae *Liviana* pudicitiae laus satis jejuna atque aliena ab h. l. est, cum Augustus extollendus esset. Hinc idem mox *clarus Dux* adpellatus v. 7. — 6. *prodeat*, pompam ducat; exquisitum verbum de gressu ad gravitatem compōsito. Tibull. I. 9. 70. *Tyrio prodeat apta sinu*. — *operata*, quae operetur, sacrum factura; ut Ovid. Am. III. 635. Laudant et Virg. Ge. I. 339. Inepte alii explicant, *prodeat*, ubi domi prius sacrum fecerit. Notissimae autem locutiones *facere*, *p̄ḡειν*, *operari* Diis, de sacro parando. — *justis*, qui victoriam, Augusti virtuti debitam concesserint, rebelles Cantabros perdonuerint. Ita est *justus triumphus* I. 12. 54. Ovid. Trist. IV. 2. 11. in simili re: *Cumque bonis nuribus pro sospite Livia nato munera det meritis, saepe datura, Deis*. — Altera a Livia, soror Augusti, Octavia; tum *matres*, *vitta supplice*, more supplicantium *decorae*, incinctae; quod docte est pro vulgari, supplicatiae, vota exsolutrae pro generorum ac filiorum reditu. Ut declararet generos poeta, matres *virginum* h. recens nuptarum (ut *παρθένοι* graecis) docte posuit, — *nuper sospitum*, qui nuper @ bello Cantabrico sospites reverterunt.

v. 10. Jam ad eos se convertit poeta, quibus bellum istud lugendi materiem praehtuerit, monetque, ne importunitis lamentis ac querelis sacrorum solennitatem interturbent, ac profanent. Ex his nominat poeta *pueros*, *patribus*, et *puellas* jam, modo *virorum expertes*, orbatos per istud bellum, ne dubita, quidquid interpretes contra moyeant. Quod enim dicunt, talem ejus rei men-

tionem jam ipsam male ominatam et importunam et a sensu Horatii, qui nunc ipsi rei sacrae totus intersit, omnemque tristem ideam aversetur, plane alienam esse, id demum est splendide ac graviter argutari. Tum poeticae ne dicam lyricae rationis plane ignarus sit necesse est, qui ad *pueros* ex altero membro, *jam virū expertes*, sententiam priori convenientem sc. „*jam patrum expertes*“ recte elici posse neget. Jejunam ipsorum rationem, pueros et puellas *jam*, nunc, adhuc, virorum expertes, innuptas, quibus adeo nulla pietatis vota solvenda sint, rē tamen sacrae spectatores adsint, ne lascivia ac petulantia, aetati isti propria, sacra turbent, a poeta tanquam Orbilio, expeditis atque intentatis virgis increpari statuentium, refellere non vacat. — *Male ominus parcite verbis*, abstinetе verbis sinistri ominis, infaustis, rem divinam profanantibus δυσφημίαις putat lamentis ac querelis. Cf. ad III. 1. 2.

v. 13. Privata jam cujusque cum publica certet laetitia. Pro hoc suo ipsius exemplo statim, quo fortius eundem in aliis sensum excitaret, poeta Augusti redditum celebrandam proponit; fere ut I. 37. 1. *Hic dies . . . eximet curas* cumulate pro, hic dies vere mihi festus erit, aut hoc die omnes curas missas faciam, totum me hilaritati tradam. — *vere festus*, egregie sensus poetae, cum salute Augusti et inde patriae conjunctissimos produnt. — 14. *ego nec tumultum — terras*. Splendidum ac magnificum prorsus Augusti encomium! *Caesare terras*, imperium orbis terrarum tenente, incolumi eo, secunde vivere licet. — *Non metuam*, haud metuere fas est, *tumultum*, bellum; sed alterum quaesitus; nam tumultus fere de bellis fuitimis ac domesticis, subito, magna cum mole erumpentibus dictus; qui adeo majorem terroris speciem praese fert. Notissimus Ciceronis locus Phil. VIII. c. 1 — 15. *nec mori per vim*, mortem violentam, per tales civiles tumultus. Causam adposuit cur tumultus metuendus sit. Mireris interpretum sollertiam, acute ac sollicite h. l. tumultum, h. bellum civile a vi, h. bello externo, cuius metus poetam nostrum non attingebat distinguendum. Ad sententiam Noster IV. 15. 17. *Custode rerum Caesare non furor civilis aut vis eximet otium*.

v. 17 sqq. Jam festi istius diei laetitiam praecipit poeta effusiori hilaritati intentus; quo artifio rerum descriptio mire animatur. Vid. ad III. 8. 13. Percensem adparatus convivalis solennia, *ungenta, coronas, vinum*; hoc peti adserri jubet vetustissimum,

bibi hoc bono die dignum. Vetustatem vini designat poeta a bello Marsico, quod alias a Coss. fieri solebat. Sed et a re quacunque memorabili consignatam fuisse vini aetatem, patet ex I. 20.  
**3.** Pro vino igitur, Marso s. sociali bello condito docte est *cadus memor*, qui memoriam servat *Marsi duelli*, helli Marsici. Gestum illud ac profligatum ab A. U. c. DCLX. usque ad a. DCLXII. Ut adeo vinum istud fuerit rarae vetustatis, annorum quippe LXVII. Idem memorat Juven. V. 30. 31. *capillato* (intonso, adeoque ante a. CCCCLIV. conditum) *diffusum consule potat, calcatamque tenet bellis socialibus uvam.* — **19.** Adjecta haec, ad vini istius raritatem denotandam. *Si qua ratione, si omnino testa aliqua talis vini fallere potuit, fefeller, ξλεθεν, latuit Spartacum*, non ab eo reperta fuit. — *vagantem* per Italiam, atque diripientem omnia. De Spartaco gladiatore, e Lentuli ludo cum XXX. ejusdem sortis hominibus Capuae erumpente, collectaque valida servorum manu magnos exercitus Romanorum fundente, indeque Italiam depopulante, donec a M. Crasso et Cn. Pompejo deleretur, adi Vellej. II. 20. Flor. III. 20. et Claudian. XXVI. 155.

**v. 21.** Psaltriam arcessi jubet poeta, utpote in solenniore comissione. Cf. II. 11. 21. De Neaera v. **V. 15.** — *argutae, argute, λυγέως* canentis, liquida voce praeditae; in quo epitheto nullam poetae perspicio audaciam. Ita est *Thalia arguta* IV. 6. 25. ex vulgari lectione, et Epp. II. 2. 90. *arguti poetae*. Martial. VIII. 73. 7. *argutus Tibullus* et Cass. Parm. Orph. 1. (Poet. min. Wernsd. T. II. p. 310. (*arguta parens* Orphei, Calliope. — dic, *properet cohibere* propere cohibeat, constringat crinem *nodo*, in nodum, non operose comat se; suavissima ita morae impatiens ipsa oratione prodit poeta. Volebat enim, matureret Neaera, ne tantillum moretur omissa operosiori cultu. Similiter II. 11. 22. *dic age cum lyra matureret in comtum Lacaenae more commam religata nodum.* — *myrrheum*, myrrhae unguento delibutum, quod sane absque ullo fere temporis impendio fieri poterat, et vero etiam diei istius solennitati adcommodatum erat. Longe itaque hanc interpretationem alteri praeferendam esse judico, quam cum priore jam Scholl. adserunt, qua crinem myrrheum dici volunt coloris fusci ac nigricantis; quod minus ad rem pertinet. — **23.** *Si mora fiet per janitorem, te morabitur, non statim intromittet;* hinc *invisum*, quatenus puerum moraturus est; ornat. — **24.** *Abito, illico redito, ne comissatio longius differatur.*

v. 25 sqq. Spectant proxime antecedentia, ad summam carminis parum facientes. Sententia ornata expressa: Ego, aetate proiectior, aequiore repulsae injuriam fero animo, quam quam juvenis essem. *Albescens capillus*, aetas adaltior; sed illud proprius; etsi tum esset XLI. annorum. Sed *praecanum* se ipse appellat Epp. I. 7. 26. — *lenit animos*, ὀργή, sedat, temperat animi impetum, ut Virgil. Oen. I. 57. *mollitque animos ac temperat iras.* — *cupidos olim litium*, jurgiorum, pronos ad juria ac convicia. — *rixa ad vim foribus illatam spectat*. Ovid. A. A. 71. *Nec tua nocturna frangetur janua rixa.* Hinc *proterva*, hominum protervorum, foribus insultantium. — 27. *Hoc*, talem contumeliam haud *ferrem*, tulisse, quum adhuc essem *calidus juventa*, per juventutem calidior, protervior. *Calidum* inventae frequens epitheton; v. c. Clandian. XXVI. 497. Stat. Silv. V. 2. 62. Juv. XVI. 369. Ad rem cf. I. 16. 22 sqq., — 28. juvenis annorum XXIII. Nam L. Munatius Plancus collega M. Aemilio Lepido consulatum gessit a. U. DCCXII.

~~~~~

### ARGUMENTUM XV.

~~~~~

*Vix dubitandum videtur, quin maximam partem hoc carmen e graeco exemplo ductum sit, quod et alii jam monuere, etsi ab ipsis nihil sani* (v. c. ad v. 5 et 6.) *ad firmandam hanc suspicionem adlatum deprehendas.* Praeter argumenti enim, a poetis graecis multoties tractati (quod vel ex Anthologia graeca abunde patet. Vid. Argum. c. 13. L. IV.) rationem, ipsam ejus descriptionem, loquendi formas, notiones, comparationes cet. e graecis fontibus derivatas esse, facile ei, qui vel levius eos attigerit, persuasum esse arbitror. Sed nescio quo fato acciderit, ut viri quidem doc-

*ii, graecarum tamen Venerum fere ignari explicando Horatio adsilierint. — Exagitat, atque magna virulentia perstringit poeta hoc carmine Chloridem quamdam, vetulam, juvenili lascivia procacem, atque libidinis oestro percitam, eique, ut partes istas filiae suae, jam satis adultae, agendas relinquat, seseque ad lanae carpendae studium conferat, acerbe suadet; quo quidem utroque vix amarius quidquam feminae senescenti, deliciasque etiamnum facienti, dici posse existimo. In hac argumenti levitate a tractatione atque eloquutionis ornatu dotes parandae carmini erant, quas quidem ampla satis copia rei intelligens hic a poeta allatas inveniet. Cf. I. 25. et IV. 15.*

### Annotationes.

v. 1. Ad invidiam Chloridi faciendam, ejusdemque sordidam vitae conditionem, maxime autem nequiores ejus mores expostionis initio statim orationem attemperavit poeta, a marito Ibyco, eoque paupere eam designando. — 2. tandem, quae tam diu probroso huic vitae generi vacasti; tu tam proiectae aetatis. Summa ἐνάγγεια in hac voce. — *fige modum, statue, pone aliquando finem nequitiae tuae, inexhaustae tuae libidini; sed alterum cum delectu: habet enim flagitosi amoris adjunctam notiōnem, quo adulteria Chloridis targuntur. Cf. III. 3. 25. Male nequitiam volunt esse Gall. coquetterie.* — 3. *Labores simpliciter accipiunt pro amoribus, qua eadem notione Noster laborare in aliquo I. 17. 19. dixerit. Vel sic tamen dubito, an alterum loquendi usus ferat; et laborare ibi ad cruciatus pertinet, ex intimo amoris affectu profectos; quibus meretrices minime adsciantur. Neque tamen omnino Dacerii interpretationem, labores de Venero opere generatim accipientis admittendam censuerim, quamquam hoc sensu ἔρυθρος θέλος Musaeo 230. καμάτρος Satyr. Thyillio VII. 6. (οὐκ ἔτι ἔρωτε, οὐκ ἔτι παννυχίδων τερπομένη καμάτων, Anal. Br. II. 278.) ήδεα Κύπριδος ἔργα et certamina Veneris (παλαισμόσινην Ἀφροδίτης) passim occurrere meminerim; Vid. Schrad.*

ad Mus. l. l. Sed strictiori sensu *labores* dici putem molimina et artes, quibus Chloris viros, *quaestus captandi causa*, venaretur, atque illaquearet. Unde *famosi*, quibus infamiam sibi contraxisset, turpes, pudendi, solenni impudicarum seminarum epitheto. Vid. ad III. 3. 26. Αἰσχρὰν ἐργαζόντες simillime hoc meretricum vitae genus soli quaestui intentum vocat Aristaenet. I. 19. p. 49. ubi Abresch. (p. 222.) laudat Demosth. locum pro Cor. p. 160. ἀνέστησεν αὐτὴν ἀπὸ ταύτης τῆς καλῆς ἐργασίας. Quid Gesn. sibi velit, non extrico.

v. 4. *Propior* quam sis *funeri*, morti proxima, idque *matræ*, quae per summam senectutem haud inexpectato accidit, vetula decrepita, tremula, rugis obsita. Talem vetulam Appulejus L. IV. p. 250. Oud. vocat *busti cadaver extremum*, *vitae decus*, et *Orci primum fastidium*; et similem sepulchri sese Laberius apud Macrob. I. 350. Bip. Senem maritum puellæ amore correptum similiter uxor increpat apud Plaut. Cas. II. 1. 12. adpellando eum *Acheruntis pabulum*, *flagitiū consequentem*, *stabulum nequitiae*. Magis autem ad nostrum locum adposite Aristoph. Vesp. 1355. ὁ οὖτος, τυφεδανὲ καὶ χοιρόθλιψ ποθεῖν ἐρῶν τ' ἔοικες ὡραιάς τοροῦ, *maturi funeris*, h. vetulæ morti proximæ. Ad sensum Nicarchi ep. XII. 4. (Anal. Br. II. 352.) ταύτην οὐκ ἀνδρα γητεῖν νῦν ἔδει, ἀλλὰ τάφον. — 5. *Iudere male de salutatione* accipitur. Est, jocari, lascivire, *inter virgines* juvenculas juvenilem hilaritatem adfectare, ut IV. 13. 4. de Lyce vetula: *Fis anus et tamen* — ludisque et *bibis impudens*. — 6. Coetui te puellarum immiscendo *spargis nebula*, tanquam nebula adpares inter *stellas candidas*, lucidas, puellas formosas, docte sententiae implicita pulchritudinis cum stellis comparatione; de qua v. ad III. 9. 21. Contraria sententia eandem comparationem adhibuit Arborius el. ad Nympham v. 59.60. *Tuque puellarum dum ludis in agmine princeps inter virgineos lucida stella choros*, apud. Wernsd. Poet. min. III. p. 222.

v. 7. *Si quid Pholoën satis* per aetatem ac formam decet, *non ideo et te decet*. *Pholoës*, mentio, utpote filiae ejus, (ut diserte v. seq. vocat) admodum amara. Ejusdem meminit I. 33. 7. et II. 5. 17. — 8. 9. *rectius expugnat*, magis ei convenit, adprime decet talis procacitas; pro hoc speciatim poeta: *expugnare*, effringere juvenum comissantium domos. Scilicet fidicinae ac eitharistriae puellæ (qualis Pholoë erat v. vers. 14.) ultiro etiam

ad aedes amatorum comissantium accedere, easque occlusas effringere solebant. Luculentus hac de re est Senecae locus, ab aliis quoque ad partes vocatus, Nat. Quaest. IV. praef. *Adulacionis vos opponere, non claudere ostium, et quidem sic, quemadmodum opponi amicue solet, quae si impulit, grata est; gratior, si effregit.* — 10. Bacchae instar, concitae, excitatae, atque in furorem actae *pulso tympano*, auditu tympani strepitu. Solennis hominum impotentia animi quoquecumque affectu commoti discursantium atque exultantium cum Bacchis comparatio. Jam Homer. Il. χ. 460. de Andromache, μεγάροι λιέσσοντο Μανιάδης ιοη, παλλομένη κραδίην. Pacuv. in Teucro (Scriv. Collect. p. 71.) *Flexanima tanquam lymphata et Bacchi sacris commota — — Alcyonis ritu litus pervolgans feror.* Cf. ad. Hom. H. in Cer. 386. Tanto autem suavior h. l. comparatio, quod vetulam libidine prurientem (qua eadem Chloridem anum percitam h. l. innuit poeta) Bacchae adsimilare solenne erat. Enata iude proverbia, γραῦς βακχεύει ἐπὶ τῶν παρ' ὕρχων τι διαπρεπτομένων. ταῖς γὰρ νέασι πρέπει τὸ χορεύειν (Zenob. Cent. II. 95. in Adag. Schott. p. 53. quod idem habetur apud Diogenian. Cent. III. 74. p. 204. adjecto Aristophanis loco: γραῦς καπρόσα καὶ βακχεύονσα.) et γραῦς ἀναγνῷ ἀντὶ τοῦ, καπρῷ ἐπὶ τῶν παρ' ἡλικίαν γυναικεύομένων, ἃς καὶ τὸ, γραῦς ἀναβακχεύει, Diogenian. Prov. Cent. IV. 10. p. 208.

v. 11 — 16. Illam per aetatem amores atque comissiones; te, vetulam, lanam tractare decet. Ornatissime singula poeta extulit. Illa amore Nothi *coacta incensa ludit* agitatur, discurrit, instar capreae; *pervulgata comparatione.* Dionys. Per. 843. παρθενικαὶ, νεοθηλέες εἴατε νεβροὶ, σκαίροντο. Cf. Villois. ad Long. Animadv. p. 142. Solennia quoque, *agi* (*Namque agor, ut per plana citus sola verbere turbo Tibull.* I. 5. 3.) *versari*, δονεῖσθαι, de vehementiore amoris aestu. — 13. Tibi lanae tractandae studium convenit; ad quod se fere redactos vident vetulæ mere-trices, vitae tolerandæ causa. Opportune in hanc rem incerti ep. LXXXII. (Anal. B. III. p. 166.) 'Η τὸ πρὸν αὐχήσασα πολυχρύσοις ἐπέρασταις, ἡ Νέμεσιν δεινὴν οὐχὶ κύσσασα θεὸν, μισθία νῦν επαρθεῖσις πενιχροῖς πηνίσματα κρούει. Οὐφέ γ' Ἀθηναῖν Κύπριν ἐληῖσσατο' quod plane convenit Tibullianis (I. 6. 77.): *Ast, quae fida fuit nulli, post victa senecta ducit inops tremula stamina torta manu; firmaque conductis adnexit licia telis, tractaque de*

*uiveo vellere ducta putat. Jam lanam prope Luceriam tonsam,*  
*h. Lucerinam, indigitat, tanquam laudatissimam. Luceria inde*  
*nobilis celebratissima, ob lanae praestantiam. — non citharae*  
*cet. neutiquam te vetulam decel, cōmissiones obire. Hae spe-*  
*cialibus notionibus edumhrantur, cithara, rosis (pro quo docte*  
*est flos rosae, ρόδου ἄνθος) s. coronis convivalibus, quae Chlo-*  
*ris canos parum deceant (*serta refundit canities* de Laide yetula*  
*Claudian. XVIII. 91.) denique liberius acta computatione, quam*  
*arguant *cadi poti*, epoti, faece *tenuis*, ἐσ τρυγὰ, ad faecem us-*  
*que. De psaltriarum in comissionibus vinositate passim poetae.*

Cf. ad. I. 36. 13. Adde Thyilli ep. VII. 4. (Anal. II. 277.) ubi  
 ὄφηστρις Ἀριστον laudatur, ή τρὶς ἐφεξῆς σίδνι' ἀρχήτους χειλοκοτεῖν  
 κύλικας, uci forte corr. καυδοκοτεῖν. et Gaetulii IX. 1. (Anal. Br.  
 II. 163.) τετράκις ἀμφορέως περὶ χείλεσι χειλεκ θεῖσα Σειληνίς πα-  
 σας ἐξεφόρησε τρύγας — τοῖόν aqua non corruptum) σε  
 περύπινεν ἀφειδὲς ἐσ ἄγγος ἔχουσα, εἰσότε καὶ νεκύων ἥλῳ' ἐπὶ συμ-  
 μορίην.



## ARGUMENTUM XVI.



*Αὐτάρκειαν, maximum ad bene beateque viven-*  
*dum momentum, a poeta multoties decanta-*  
*tam atque commendatam, nova iterum hoc*  
*carmine eaque splendidissima, repraesentat*  
*specie, adeo quidem, ut quoties paupertatis*  
*sensu se beatissimum jactet, maximas ab eo*  
*ingenii divitias fere expromi animadvertis.*  
*Omnino hoc carmen perfectissimis Horatiani*  
*ingenii monumentis cum propter nobilissima-*  
*rum sententiarum vim, tum propter lyricam*  
*earumdem tractationem, ornatumque singu-*  
*larem accensendum esse, facile quisque, rei*  
*intelligens, largietur. Descriptio ejus satis.*

dilucida: *Sententia*, auram summi materiem mali esse atque irritamentum, exemplis, fabulosis pariter atque historicis, ἐνχρηστῶς exposita, ad excutiendam possessorum ejus conditionem progreditur, eamque miserrimam esse, adlatis judicii sui causis pronuntiat. Tum suo ipsius exemplo, hominem mediocri sorte sua contentum et istis divitum miseriis carere, et felicitatis sensu frui jucundissimo, sequere odeo Sabino suo praediolo mortalium felicissimum esse ostendit. Maezenati hos suos sensus explicat, a quo ipso poeta mediocritatem nisi vere expeti, certe affectari probe noverat. Ceterum cum initio carminis comparandum omnino Paulli *Silent.* ep. XVI. in *Anal. Br.* III. 76.

#### A d n o t a t i o n e s.

v. 1. Sententiam, maximam esse auri vim, nihil tam munatum esse, quod expugnari pecunia non possit, poeta, quo fortius animum percelleret, illustribus statim exemplis, e mythica aetate petitis, communis. Danaës fabulam a poetis epicis, qui Perseires gestas carmine persequerentur, et maxime tragicis, Aeschylo in Polydekte, Sophocle et Euripide in ejusdem nominis tragg. varie admodum interpolatam atque exornatam fuisse, donec hanc formam indueret, vel ex Homero (Il. §. 319.) colligas. Vulgaris narrationis ordinem discant tirones ex Apollod. II. 1. 4. Hygin. f. 63. et Schol. ad Hom. l. l. Primam hujus fabulae faciem facile animo adsequaris, si antiquissimam poetarum in repraesentandis deorum εἰφυσιαῖς rationem teneas. Scilicet si divina forma Dii sese hominibus conspiciendos praebent, insolito fulgore oculos mortalium praestringunt, domus tota, quam intrant, subita luce fulminis instar (Hom. H. in Cer. 279. de Cerere: αὐγῆς δ' ἔπλήσσει πυκινὸς δέμος ἀστερωτῆς ὡς coll. v. 189. de eadem: καὶ φά μελάθρου κύρε κάρη, πλῆσε δὲ θύρας σέλυος θείοιο,) coruscat; et sic porro. Jam quum aurum et splendor lucis (addē et ignis, ut Pind. Ol. I. 1. et alibi) comparationes vicissim a se mutuarentur, (lu-

enientus in hanc rem locus est Hom. H. Appoll. 135. ἔχρυσῷ δὲ ἀρισταῖς  
Δῆλος ἀπαστρα βεβρίζει, καθορᾶσα Δίὸς Λητοῦς τε γενέληθην, *Delus*  
*resplenduit multa luce*, natis Apolline et Diana) satis consentaneum erat prisco sermoni, pro: Jovem in Danaes conspectum venisse, dicere: Jovem multo auro descendisse in sinum Danaes. Ac ne vanis hariolationibus indulsisse arguar, ecce Pindarum Jovis cum Alcmena congressum antiquo isto sermone eloquentem, Isthm. ζ. 5 sqq. ἦ χρυσῷ μετονύμτιον νιφοντα διξαμένα τὸν φέρατον θεῶν. Eadem prisci sermonis ratio obtinet in Semelles et Jovis concubitu, prave a senioribus accepta, ineptissimisque deinceps fabulis implicita ac distorta. Ceterum in tribus hisce tantum, quantum memini, congressibus se deum Jupiter professus a poetis traducitur, cuius figmenti ratio a procreata inde sohle, Hercule, Baccho, Perseo, divinam stirpem divinis rebus perpetratis insigniter adserentibus, unice repetenda est. Sed redundum in viam. Sententiam: auro Jovem aditum sibi ad Danaen parasse, pulcherrime exornavit poeta. Oninno vulgaris vv. 1 — 8. enuntiatio erat: Danaë, munitae atque severe custoditae turri inclusa, satis tuta ab adulterorum insidiis videri poterat, nisi Jupiter eludendae custodiae puellaeque vitiandae consilium cepisset. Hoc praeclara inversione, insignique orationis poeticae copia elatum expendo. *Turris ahenea*, qua Danae includeretur, ad seriora poetatum figmenta pertinet; *enata e thalamo*, quem, paullo arctius custoditum (unde Phocyl. 203. περιθενικὴν δὲ φύλασσε πολυχλειστοῖς θαλάμοισι, in quibus puella dicebatur περιθενέαθαι (Lucian. Tim. I. p. 122.) et ipsa inde παῖς κατάχλειστος; vid. ad Callim. fr. 118. p. 486.) puellae nubiles antiquis temporibus inhabitabant. Sed χαλκοδέτους Danaes αὐλὰς habet jam Sophocl. Antig. 958. quas χαλκελάτους θαλάμους dixit Paul. Sil. epigr. in fine Argum. laudato; θαλάμους χάλκεον Pausan. Cor. II. 23. et Apollod. I. 1.; *turrem septam* Stat. Theb. I. 253. *aeratam* Claudian. in Eutrop. I. 82. *ferratam domum* Prop. II. 16. 12. et *murum aeratum* idem II. 23. 115. quem *lapideum* appellat Hygin. I. 1. qui de ἔργει, quod domus ambibat, intelligendus est. — *fores robustae, roboreae, pro firmissimis. Robustum carcerem* eodem sensu vocat Plant. Curcul. V. 3. 14. — *canum excubiae*, canes ante fores excubantes, vigilantes, atque animatores noctu (unde adulteri s. amatores nocturni v. sqq.) prohibentes; atque istorum respectu excubiae dicuntur *tristes, molestae, ravis ipsis custodia saeva*, Tib. I. 2. 4. — *munierant, muniis-*

sent, tufam praestitura fuissent; nisi cet. nota forma graeca. — 5. sqq. Venustissima rei imago. Jupiter et Venus, de coelo terras despectantes, in cachinnos solvuntur, dum operosa Acrisii in filiae pudore custodiendo adspiciunt molimina, quippe quae nisl profutura scirent, si auro sibi aditum pararent. Unde suavissima oritur figuratum complexio, hinc Acrisii meta et pavore exanimati, illinc Jovis et Veneris, trepidantem Acrisium deridentium. *abditae, κατακλιστον, thalamo clausae.* — 6. *Custodem pavidum,* Danaen sollicite custodientem, oraculi metu. Magna vis est hujus epitheti h. l. — 7. Probe gnari, intelligebant enim, fore, cet. ita enim orationem suppleri debere, facile perspicitur. Quae abruptior structura, omissa putandi, existimandi notione, seq. *fore*, in sententiis continuandis haud inusitata est poetis. Ita statim Virg. Aen. I. 444. *Effodere loco signum — caput acris equi;* sic nam *fore bello egregriam* h. unde conjecturam capiebant, fore cet. — *tutum iter et patens, tuto, a custodibus et canum excubiis (nam pretium si grande feras, custodia victa est, nec prohibent claves, et tacet ipse canis Tib. II. 4. 33.) et patentibus portis ad eam viam esse Deo, Jovi in pretium, aurum converso. Pretium pro auro absolute posuit Lucil. Jun. in Aetn. 541. et pretiosum imbrex in hac ipsa fabula idem v. 88. Ovid. Am. III. 8. 29. Jupiter — corruptae pretium virginis ipse fuit.* Ad rem Eurip. in Dan. 30. *χρυσὸς γεγὼς — διὰ στέγους ἡνύσετεν ἐν χερσὶν κόρης.* Ascleiad. XXVI. 6. *Ζεῦ, διὰ χαλκίων χρυσὸς ἔδει θυλάμων,* Anal. I. p. 216.; et ad totam sententiam Apollodori gnomē apud Brunk. p. 187. *Καὶ κλείεσθ' ἡ θύρα μοχλοῖς ἀλλ' οὐδὲ εἰς τέκτων ὄχυράν οὔτως ἐποίησεν Θύραν, διὰ τῆς γυαλῆς καὶ μοιχές οὐκ ἐσέρχεται.*

v. 9. Nunc demum generalis subjicitur sententia, *nihil esse potentius auro*, (Ovid. Am. III. 8. 29.) cuius tamen enuntiatio et ipsa ad speciales notiones revocata atque attemperata est a poeta. Aurum *ire amat, φιλεῖ*, non absque vi, andacter vadit, placet sibi, quod difficulatates, quas dispellat et exsuperet, sibi objiciantur; grassatur adeo aperta vi per medios satellites, ad necandum tyrannum, pro cuius salute isti excubant; cuius rei adsatim exemplorum historia suggerit. Alii ad custodes Danae positos, trahunt; quae ratio admodum languet. Neque magis commode Schol. Cruq. explicat: per hostium cuneos, et fremitus hosticos. — 10. *Et perrumpit, penetrat, diffringit saxa, h. res, quas na-*

tura habet durissimas. Παρομιακῶς igitur hoc, propter comparationem cum fulmine, accidere praestat, quam de turibus munitis, vel omnino munitionibus intelligere. Graecum exemplum in toto hoc loco adornando Horatio obversatum fuisse, vix dubito. Forte in animo habuit illa Diphili apud Stob. flor. Grot. p. 369. ἰσχυρότερον (forte v. antec. praecesserat, Διὸς βέλει, fulmine) κρίνω τὲ χρυσίον πολύ τὰ πάντα τούτη τέμνεται καὶ πράττεται. Alamantha in hac re posuit Apulei. IX. p. 189. Pric. Pecuniae cunctae sunt difficultates perviae, auroque solent adamuntinæ etiam perfringi fores; ad quem locum Præcaeus Tiberiani gnomen laudat, quae est in Grotii Exc. p. 941. χρυσός δ' ἀνοίγει πάντα καὶ Αἴδου πύλας. Qui saxa de inaccessis rupibus intelligunt, iis patrocinatur Sephocl. in Alead. apud Stob. Flor. Grot. p. 371. Λειψὲς γὰρ ἐρπειν πλοῦτος ἐσ τε τάβατα, καὶ πρὸς τὰ βατά. — potentijs, fortius, magis; quam fulmen icit, ferit, diffundit saxa.

v. 11. De Amphiaraō, Eriphyles uxoris, monilis aurei potius cupidae, fraude prodito, et ad bellum Thebanum, quod fatale sihi futurum nosset, protractio, adi Apollod. III. 6. 2. et Hygin. f. LXXIII. et quos laudant ad utrumque interpretes. Jam etsi praeter Amphiaraūm, terrae hiatu ad Thebas absorptum, Eriphyle quoque ab Alemaeone, patris sui necem ulciscente, occisa, et Alemaeon ipse, ab Alphesihoeæ a se repudiatae fratribus necatus, interirent, sicque domus s. familia Amphiaraī penitus extirparetur; a poeta tamen solam Amphiaraī mortem h. l. docte atque graviter designari certissime persuasus sum. Est igitur; *domus Argivi auguris, Amphiaraī, demersa concidit, ἐνεργεῖ,* pro demersa est exitio, prorsus interiit, deleta est, ipso, familiae stirpe, extincto. Sic Electra Orestem inclamat apud Senec. Agam. 910. *fuge, o paterna mortis auxilium unicum, fuge, et scelestas hostium evita manus;* eversa domus est funditus, quamquam his cum matre superstitibus. Ita idem, seu quisquis istius tragœdiae auctor est, Hero. Oet. 221. *tibi cuncta domus occidit unū adēmto Hercule,* et Virg. Aen. IV. 318. *domum labentem,* Aenea abitum parante, dixit. Phaedr. III. 10. 49. *a radibus non evertisset scelere funesto domum,* interemto filio Plin. Ep. VII. 19. *mihi domus ipsa nutare, convulsaque sedibus suis ruitura supra videtur, licet adhuc posteros habeat.* Ceterum eandem sententiam eodem locutionis genere persequitur Athen. XIIII. p. 560 ἀνετράπησαν καὶ ὅλοι οἶκοι διὰ γυναικας

— — ὁ Ἡρακλίον, διὰ τὴν Ἰελῆν εἰπιγαμίαν cet. — ob lucrum, aurum, quod Eriphyle, virum prodendo, lucraretur Χρυσὸν simpliciter memorat Homer. Od. λ. 325.

v. 13. Observa artem poetae in varianda orationis structura. Quod mythicis historicum exemplum subjicitur, hoc a Nostri more haud alienum putandum. Vid. I. 10. 13. et 28. 10. *Vir Mace-  
do*, ἀνὴρ Μακεδῶν (ut v. e. ἀνὴρ Θρᾷς, Polymestor saepius Euripi-  
pidi audit) Philippus, Alexandri M pater. qui, (Cic. Att. I. 16.)  
*omnia castella expugnari posse dicebat, in quin modo asellus  
auro onustus posset adscendere.* Bf. Valer. Max. VII. 2. Laudant  
et oraculi-responsum, ἀγγυρέως λόγχαισι μάχου, καὶ πάντα νική-  
σεις, quod habet quoque Diogenian. Cent. II. 81. in Adag. Schott.  
p. 195. Cum vi igitur diffidit, diffregit, aperuit, urbium portas,  
τῷ τούς προεστηκότας ἐν ταῖς πόλεσι κατεφθείρειν, ut ait Demosth.  
περὶ Παραπεσθ. p. 362. Ita Olynthum, corruptis Lasthene et Eu-  
thyrate, aliasque quam plurimas Graeciae urbes expugnavit.  
Unde mercatorem Graeciae eum vocat Val. M. l. l. et Claudian.  
XV. 268. *tenuit sic Graja Philippus oppida; Pellaeo libertas  
concedit auro.* — 14. Subruit, subvertit, tamquam actis cunicu-  
lis, devicit reges, gloriae ac potentiae ejus aemulos, qui rebus  
ejus secundis in summam invidiam adducti bellum contra ipsum  
movissent, muneribus, corruptis exercituum ducibus. Atque haec  
simplicissima eademque satis adposita est ratio, qua sensum h. l.  
aperias. Possis etiam accipere: regum opes imminuit, attrivit,  
aemulationem inter ipsos de principatu excitando, quo mutua in-  
vicem sese clade conficerent, altera vel utraque parte clam mu-  
neribus sollicitata; sed hoc subtilius atque longius petitum. Boet-  
tigerus autem regem potissimum Thracum, quem Philippus mu-  
neribus a reducendo Pausania avertisset (Diod. XVI. 3.) intelli-  
gendum statuit. — Munera blandis insidiis illaqueant, inescant  
vel navium duces, quantumvis ingenio saevo, truci, horrido.  
Suaviter sic opponi vides, illaqueant et saevos duces. Postre-  
num hoc ad Menam referunt, Pompeji classi praefectum, qui,  
deserto eo, ad Augustum a. U. DCCXVI. descisceret, mox, eo  
relicto, ad Pompeji iterum partes transiret, indeque iterum ad  
Augustum sese conferret. Vid. Dio XLVIII. 45. Ceterum exem-  
plorum dilectum observent humanitatis studiosi.

v. 17. Nexus: quantacunque autem divitiarum vis sit, neutis  
quam tamen eas, propter innumera mala, quibus possessorem suū

um affligunt, expetendae sunt. Etenim (ita statim continuaat sensum poeta, omissa generali sententia) tantum abest, ut felicem praestent sui possidentem, ut eum potius gravissimis curis continuo premant ac obruant. Miseria ista cernitur in *cura*, studio, cupiditate augendarum opum, quae *sequitur*, comitatur *crecentem pecuniam*, quae pariter cum pecunia augeatur, sicque omnem vitae fructum intercipit. Cf. ad II. 2. 13. Ad verba ac sententiam valde adposite Paulus Silent. LXXV. 3. (Anal. Br. III. 100.) *πλοῦτον ἔχειν εἰδέλω τὸν ἐπάρκειον ή δὲ περισσὴν θυμὸν μείνατε δει χρυσομάνης μελέτην.* Suaviter inde χρυσὸς Palladae CX. (Anal. Br. II. 429.) *όδύνης καὶ φρουτίδος νίος* dictus. Jam *ἐπεξηγητικῶς* adponi putanda, *majorum fames*, divitiarum cupiandarum, amplificandarumque insatiabilis cupiditas. *Majora* ut gr. *τὰ μείζονα, πλειόνα* veluti, quem jam Bentl. laudavit, Theocr. XVI. 64. *χαιρέτω θότις τοῖος. ἀνήριθμος δέ οἱ εἴη ὁργυρός αἰεὶ δὲ πλεόνων ἔχοι ἴμπος αὐτόν.* Ita *ζητεῖν τὰ πλειόνα* Eurip. fr. Inus apud Stob. Grot. p. 381. Minus docte alii *curam a fame* distinguunt, ita quidem, ut *curam de timore amittendi* parta intelligant, *verentes scilicet*, ne bis idem poeta eloquatur. Sed amat talem copiam Horatius, atque ita fere duas enuntiationes cumulat, ut altera vel magis perspicua vel *ἴναργετέρα* sit altera. Tum alterum ad sensum adcommodatus esse quis non sentit? Atque ita Sulpic. quoque Lupercus Servastus de Cupiditate (Poet. min. Wernsd. III. 236.) hunc Horatii locum cepit v. 16. *Quis metus hic legum, quaeve est reverentia veri, crescenti numero si mage cura subest? — jure perhorri ceterum.* Possunt haec antecedentibus ita adnecti: quae ipsa causa est, cur divitias minime expetendas putem. Pro quo multo significantius ac fortius poeta dixisse videri potest: *perhorruī, abhorruī, aversatus sum, nolui unquam late conspicuum tollere verticem, quod ornate esset pro, conspicuus, insignis esse, splendere sc. opibus, et, quae iis parantur, dignitate atque honoribus.* Atque in hac quidem sententia, Horatio hand utique indigna, intpp. fere adquiescere videas. Sed, si Horatiani ingenii incessum bene novi, novam, cur amplas divitias concupiscendas esse neget, causam, docte variata oratione, attexi arbitror, nimirum, quod homines istae reddant insolentes, et arrogantes, quam gnomen suo ipsius sensu admodum *ἴναργος* poeta prodit. Jam arrogantiam ac superhiam *alte sublatō vertice* indigitat poeta, solenni imagine Rhian. I. 9. (Anal.

Br. I. 479.) ὃς δέ κεν εὐόχθησι, θεός δ' ἐπὶ ὄλεον ὀπάζει — Τοιούτοις βρομέσι, κεφαλὴν δ' ὑπέρ αὐχένας ἴσχει. Rusin. XXXVII. 3. (Ad. Br. II. 399.) conjungit γαῦρα φρονήματα καὶ μέγαν αὐχένα. Ita κόμων μετάρσον dicit Eurip. Androm. 1221. Noster I. 18. 15. *tollens vacuum plus nimio Gloria verticem*, qui locus rem plane conficit. Sensus adeo hujus tetrastichi est: Dīvitiarum comites avaritia et arrogantia, seu, ut Eurip. Hippol. Καλυπτ. fr. X. p. 448. Lips. ὑβρίν τε τίκτει πλούτος ἡ φειδῶ βίου. Hominem divitiis elatum similiter Menander (apud Stob. Flor. Grot. p. 111.) vocat πρὸς ὕψος ὥρμένον, λαμπρὸς πλούτῳ γαυρούμενον, ὁφρῦν τε μείζῳ τῆς τύχης ἐπαγρέτα, et πλούτον inde κενενυχένα Zenodot. I. Anal. Br. II. 78. Ad sententiam adcommodate idem Menander (in Brunckii Gnom. p. 193.): ὑπερήφανόν που γίγνεται ἡ λιαν τρυφή· ὁ τοιούτος ἐξώκειλε τὸν κεκτημένον εἰς ἔτερον ἡθος, οὐκ ἐν ᾧ τὸ πρόσθεν ἦν. Jam sponte intelligitur, *equitum decus nihil amplius esse*, quam honorificam Maecenatis appellationem, nulla continentiae ejus ratione habita, quae semper in equestri dignitate permaneret. Omnino miras argutias ac splendida nugamenta ad h. l. ab intpp. copiose adferri videoas, quae nec referre nec refellere vacat. Tenendum utique hoc, ad Maecenatem nunc demum recte converti orationem, quum sententiam suo comprobatam judicio poeta expromit.

v. 21. Is demum beatus erit, qui sorte sua contentus degit; quandoquidem nullis cupiditatibus vexatus, neque augendarum opum studio maceratus, rebus, quas habet modicas, secure atque jucunde fruitur. A contrario igitur, ut variaret orationem poeta, expressa sententia, seu tertia, qua magnarum opum possessionem parum expertandam esse ostendit, ratio: in divitiis nullam sitam esse felicitatem, divites continuo angore confici, nullum adeo divitiarum suarum fructum habere, sicque in summis rerum abundantia vere egenos ac miseros esse; quae conversiorationi lyricae adprime convenit. Praeclare autem sententiam istam poeta, ad partes vocatis magnificeque exornatis paradoxis Stoicorum formulis, expressum, suoque, quo major ei vis accederet, sensu confirmatam exposuit. — 21. Quo plura quisque *sibi*, animo suo *negaverit*; quo magis cupiditatem habendi compescuerit, quo minus desideraverit, adipetierit; jam sequi debebat: tanto plura vere possidebit. Suaviter pro hoc a *Diis Δωρῆσι* εἴων (v. ad I. 28. 27.) plura feret, accipiet, ob continentiam eum quasi mu-

herantibus. Commodo ad rem laudent Cic. Parad. VI. 3. *Nōn es-  
se cupidum, pecunia est; contentum vero suis rebus esse, maxi-  
mae sunt certissimaeque divitiae; et paullo post: satis esse pu-  
tant, quod est: nihil appetunt, nulla re cogent, nihil sibi de-  
esse sentiunt, nihil requirunt.* — *Nil cupientium — g. stio,* equi-  
dem cum iis facio, eos sequor, qui animum ab omni cupiditate  
integrum habent, sorte sua qualicunque contenti. Quum deas par-  
tes sibi finxisset poeta, de divitiarum bono admiodum diverse sta-  
tuentes, satis consentaneum erat, orationis colorem a duobus ca-  
stris s. exercitibus sibi invicem oppositis repetere; in quo adeo  
nihil video, quod recte reprehendi possit. Dum igitur alteri ha-  
ram partium se addicit, alteram contrariam eum deserere, ab  
ea recedere necesse erat. Jam vulgarior enuntiatio erat: *nudus  
nudorum castra peto, sed pro nudorum explicatus poeta: nil  
cupientium posuit.* Unde *nudus* erit, qui in paupertate sua sibi  
placet, qui augendi cupiditatem omnem (non vero, quod insulte  
intpp. volunt, facultates) abjecit, *nil cupit.* Huic mox opponun-  
tur *divites* majorum fame cruciati, qui divitias misere concupis-  
cunt. Horum *partes linquit*, deserit, non facit cum iis, opes,  
quas illi enixe expetunt, magnifice contemndo. Postrema „ser-  
vandae metaphorae,“ (quo et *transfuga*, quod ornate adjectum  
est, spectat) uti jam Aeron recte judicat, unice inserviunt. —  
25. Dumque ita de divitiis statuo, *dominus splendidior sum, lo-  
cupletior, verior, omnino ditionis sum, rei contemtae, divitias  
contemndo, nihil aestimando, adeoque nec concupiscendo,  
quam si in amplissima fortuna constitutus angendae ejus cupiditi-  
tate torquerer; quo ipso divites avari inopiam suam profitentur.*  
*Tam deest avaro, quod habet, quam quod non habet, apud  
Quinctil. Inst. Or. VIII. 5.* — *Dominus, cum vi, qui vere eas  
possidet, non ab iis possidetur, κρέσσων κτενῶν Pind. Nem. 3.*  
76. 7. *κρείσσων χρημάτων* Euripid. Dan. fr. III. p. 439 Facit etiam  
huc Apollodori fragm. apud. Stob. Flor. Grot. p. 91. ἐγὼ γὰρ οὐ  
τὸν πλοῦτον ἔσιδοι μ' ἕσθ' ὅσος, ἀλλ' ὅστις αὐτὸν κτῆται, εἰ ὑπέρτερος  
ἕσθ' ᾧ ἔχει. Plin. Ep. IX. 30. *Ea invasit homines habendi cupido,  
ut possideri magis quam possidere videantur. Splendidior,  
aqueoī ἵναργύως, qui divitias non ut avarus abscondit, sed iis usu  
premium facit. Nam usu demum opes splendorem acquirunt, II.  
2. 4.* — 26. Pro immensis opibus sunt latifundia per totam Apu-  
liam porrecta. *Quidquid arat, proveniū agrorum, quos arat*

*Appulus*, totius Apuliae. *Impiger*, durus, laboris patiens; ad posito ad rem epitheto. — 27. *Occultare*, reconditum habere horreis. Diceret ad totam περιφέρειαν spectat, si diceret, essem Apuliae dominus. — 28. *inter opes inops*, propter infinitas cupiditates Senec. Herc. Far. 166 *hic nullo fine beatus componit opes, gavis inhiens, et congesto pauper in auro est.* Claudian. III. 199. *Nunquam dives eris, nunquam satiabere quaestu; semper inops quicunque cupit.* Ad Nostrum allusit Paulinus IX. Natal. *urit defectus miseri metus, et miser ardor habendi, atque ita et inter opes inopes, quasi Tantalus ille, inter aquas sitiunt, nec habent, quod habere videntur.* Adde Lup. Servasti el. land. vv. 13. 14.

v. 29 sqq. Ecce me Sabino meo agello opulentiorum altero, latissimas in Africa possessiones habente! Egregie poeta suum felicitatis ex mediocritate sensum subiunxit, quo dilucidius propositae sententiae veritatem ostenderet. Jam in agri Sabini descriptione mirifice placet amoenitatis ejus habita ratio, qua divites, soli lucro intentos, minime tangi videoas. Eadem fere de isto praedicat Serm. II. 6. 1. *modus agri non ita magnus, hortus ubi, et tecto vicinus jugis aquae fons, et paullum silvae — purae aquar rarus,* Digentia, splendidior vitro, III. 13. 1. — 30. *fides segetis, quae dominum non vanis eludit aristis,* (Virg. Ge. I. 226. coll. Tibull. II. 19.) ager, qui certum proventum praestat, nunquam fallit (ut Ovid. A. A. I. 450 cf. ad III. 1. 30.); quae laudes sunt boni soli. Ita *tellus silvis fidelis* Lucil. Jun. Aetn. 261. dicitur, quae serendis arboribus adcommoda est. Contra *tellus infida*, quae *segetem negat* Lucan. Phars. I. 647. *Eludi Cereris fide* ad Nostrum dixit Boeth. Cons. Phil. I. metr. 6. 5. — Agellus meus fallit fulgentem imperio Africæ, latet possessorem latifundiorum Africæ, ignoratur ei sorte beatior sc. ὥν, graece prorsus pro, sorte beatorem esse, possessioenm (nam ita *sors accipienda utique h. l.*) beatorem esse, h. e. agrum meum opulentiorum esse, proventus ubertate omnes istius possessiones exsuperare, nimisrum si ager dominum modica re contentum nactus est, *sors* ejus beatior, uberior est, domino prouenta ejus contento, quam amplissimorum latifundiorum, quorum uberrimo atque amplissimo proventu dominus haud satiatur. Sensus igitur totius loci est: Dives, qui totius Africæ proventum colligit, vix sibi persuadebit, meum longe uberius esse praediolum. Hinc *agri sorte*

s. possessio *beata* non est, quae possessorem beatum reddit, sed fertilis, libertate praestans, proventu uber; uti *beata arra* V. 16. 41. *felix limus* Virg. Ge. II. 188. et saepissime alibi. De graecismo, fallit *beatior* vid. Lamb. et Boettig. ad h. l. Vechner. Hellenol. I. 32. et Jani A. Poet. p. 292. *Fulgere imperio significantis* quam, imperare Africæ, h. „latissimas in Africa possessiones habere“ uti optime jam vett. Scholl. Ita regnare adlibuit Noster II. 2. 9. Senec. ep. 89. *parum est, nisi trans Hadrianum et Ionium Aegaeumque vester villicus regnet: et mox: Quam vultis late possidere: sit fundus, quod aliquando imperium vocabatur: facite vestrum, quidquid potestis, dum plus sit alieni.* Indocte nonnulli de rege Africano vel Proconsule Africæ, in Provinciam Romanam redactæ, cogitant.

v. 33. Quamquam meae res parum lautæ sunt. Docte iterum divitiae specialium notionum, quas divitum Romanorum latifundia suppeditarent, copia a poeta declarantur. Latisfundia autem a redditibus, cuiusque regionis præcipuis, exquisito ornato indigitantur. Pro vulgari igitur, quamquam nulla in Calabria prædia possideam, docte est, quamquam Calabria nullus mihi e mellificio præstet redditus. De melle Tarentino vid. ad II. 6. 14. — 34. Neque tractus Campaniae, vitibus consitos. Formias, Campaniae oppidum, et Formianum inde vinum exquisita ratione (ut *praelium Calenum* I. 20. 9. *falx Calena* itidem de *vino Campano*) et *diota Sabina* I. 9. 7. pro *vino* Sab. poeta ab *amphora Laestrygonia* designat; nam Laestrygonas olim Formianos tractus insedisse, notum vel ex Hom. Od. χ. 82. Cf. Ovid. Met. XIV. 233. — *Bacchus* s. *vinum languescit*, vetustatem trahit, mitescit (ut *molle merum* I. 7. 19. *vina languidiora* III. 21. 6.) in a. adposito ad vinearum multitudinem declarandam ornatu. — *Nec pinguia... pascuis*, neque in Gallia Cisalpina pascua possideo, quae lanigeros greges alant, unde quaestum faciam. *Gallieae oves pretiosiores* habentur, earumque præcipue *Altinates*. Coloni. VII. 2. 4. ubi vide Intpp. — *rellera pinguia*, lana densa, spissa, qualis est ovium pinguium. Unde oves εὐτρεφέας Homer. Od. IX. 425. itidem δασυμαλλούς vocat. Pascuorum istorum præstantiam ita simul innui, facile intelligas. — *mihi crescunt, mihi quaestui sunt, venuste.*

v. 37. Est tamen, quantum satis. *Pauperies importuna*, propter quam homini nunquam quieto esse licet, quae continuo ve-

xat, curisque obruit hominem, χαλεπή, Θυμοφθόρος, Hesiod. ἐργ. 715. Cogitanda autem *Pauperies* persona (ut III. 29. 56.) quae adsidet homini, una habitat, eique molesta est. Jam Theogn. 741. Αδειλὴ Πενή, τὶ μένεις προλιποῦσα παρ' ἄλλον ἀρδρ' οἴναι; τὶ δὲ δὴ μὲν οὐκ εἰθελόντα φιλεῖς; ἀλλ' ίψι, καὶ δόμον ἄλλον ἐποίχεο, μηδὲ μεθ' ἴμῶν ἀτεί δυστήνου τοῦθε βίου μέτεχε, leodem suavi segmento. — 38. si plura velim cet. mirifice placet generosi animi sensus, unicis Sabinis satis beati (II. 18. 14.) etsi largioribus consequendis Maecenatis munificentia facile spem faceret, hocque beneficium prae se ferentis. Cf. V. i. 25. sqq. Sordidi vero atque abjecti putandi, qui poeta in simulata hominis sua sorte contenti persona, plura hoc subtili, quod ipsis videtur, artificio a Maccenatis liberalitate elicere voluisse suspicantur. — 39. *Melius porrigitam*, latius extendam, ampliora faciam *vectigalia*, redditus ex agris exiguis, h. l. ipsos agros, agellum meum Sabinum, dum *contraho*, coarcto *cupidinem*, cupiditates, patita desiderando, quod cessat ex *reditu*, frugalitate *supplendo*, ut Plin. Epp. II. 4. *Porrigerere eodem sensu* Senec. ep. 89. Quousque fines possessionum propagabitis? — — quousque arationes vestras porrigitis cet. Praeclare autem opponitur τὸ *contracto*. — 41. Quam si longinquos Asiae tractus, eosque fertilissimos possideām. Pro hoc docte est: si *regnum Alyattei*, regis Lydiae, Lydiam, campis Mygdonis, Phrygiis continuem, continualam possideam, in provinciarum spatium rura dilatam (ut Senec. l. l. ait), dilatato simul cupidine. *Agros continuare eodem sensu* Liv. XXXIV. 4. Ad sententiam Cic. Parad. VI. 3. Non intelligunt homines, quam magnum vectigal sit parsimonia. — capit ille ex suis praediis sexcenta sestertia, ego centena ex meis: illi aurata tecta cet. infinite concupiscenti, non modo ad fructum ille est sumptus, sed etiam ad foenus, exiguis; ex meo tenui vectigali, detracetis sumtibus cupiditatis aliquid etiam superabit. Uter igitur est divitior, cui deest, an cui superat? qui eget, an qui abundant? — 42. Multa qui concupiscunt, egere se profitentur. Idem Cic. l. l. c. 1. Qui innumerabiles cupiditates habet, hunc quomodo ego adpellabo divitem, quum ipse etiam egere se sentiat? — 43. Bene ei est, beatissimus est, cui Deus obtulit, nec penenti dedit, quod satis est, τὰ ἀρκοῦντα, quae paucis admodum continentur; hinc parca manu, modicas facultates.



ARGUMENTUM XVII.



Jocose Horatius hoc carmine diem crastinum  
praeexta Genii religione genialiter agendum  
Aelio Lamiae indicit, feriandi occasione a  
procellosa ac pluvia tempestate (cf. I. 9. v.  
12.) desumpta, quam facete crastino die exo-  
rituram a cornice monitus Lamiae praesagit.  
Habet omniō hoc carmen, si incessum ejus  
recte expendas, multum venustatis, proditque  
amoenum Horatii ingenium, cum amicis (in-  
ter quos Lamiam primo loco numeres. Vid. I.  
26. 8.) facete jocantis jucundaque convivan-  
tis. Lepidos autem poetae jocos et in summa  
carminis et in toto ejus habitu facile depre-  
hendas. Summam Lamiae exspectationem,  
quam exordio fecerat, stemmate ejus ab an-  
tiquissimo usque Lamo deducendo, reique ve-  
ritatem partim levibus partim gravioribus ar-  
gumentis adserendo, tempestatisque a cornice  
praedictae, commemoratione aliquantis per su-  
spensam, ita extremis demum vv. explicat seu  
potius eludit, ut crastinum diem Genio omni-  
noque convivali hilaritati dandum pronunti-  
et. Urbane se ita simul convivam Lamiae of-  
ferre Horatium, urbanum quemque suus fa-  
cile sensus docebit. Ita vero si totius carmi-  
nis tibi fingas ingenium, neutquam ferro  
opus erit, quo amoenam lepidi poetae luxuri-  
em compescas. Neque mirandum utique, tam  
artificiosum carminis contextum interpretes  
minus perspexisse.

Annotations.

v. 1. *Vetusto nobilis ab Lamo*, nobilissimae prosapiac, ut-  
pote ab ipso Lamo, Laestrygonum rege, deductae. Multas gen-

tes Romanas, tam patricias, quam plebejas, ambitiose originem suam ad Urbis primordia, atque altius adeo, maxime ad Trojana tempora (cf. Virg. Aen. V. 117 — 123.) miro lusu etymologico pro fundamento posito, retulisse facile adparet, si vel obiter Romanarum familiarum stemmata perlustrares. Ita Lamiarum originem *Lamo*, *Laestrygonum*, vetustissimorum Campaniae incolarum; rege, descendere vulgaris Romae opinio erat, uti ex h. l. cognoscitur. — 2 sqq. Facete indulget sibi poeta in adstruenda originis istius veritate, argumentis a vulgari istius rei fama, cui quidem ipsa Lamiarum stirps, jam longis retro seculis Romae cognita, fidem faciat, petitis. *Quando*, siquidem ferunt, constans fama est, *hinc*, ab isto *Lamo denominatos* fuisse, nomen traxisse *Lamias priores*, majores tuos; primores gentis; et *genus omne nepotum* (in recto casu), longa nepotum inde orta series, *per memores fastos* celebrata; cujus memoria in fastis viget, *or. dicit*, descendere putatur ab illo qui cet. In posteriori membro novavit structuram poeta, quae lenius ita procedebat: ferunt *Lamias hinc denominatos*, et *genus nepotum* ducere orig. Recte autem distinguit poeta priores *Lamias* a *nepotibus eorum*, quandoquidem horum demum res praecclare gestae, quos in Laniiae gratiam leviter attingit, fastis adsignari potuere; illis ultra Romanae reip. tempora adsurgentibus. *Fasti docte memores* dicantur, qui rerum gestarum memoriam servant; ut IV. 14. 4. Pro *hinc* in

Itero membro est, *auctore ab illo*, propter sqq. — 6 Formiarum conditore. Plin. H. N. III. 5. *Formiae oppidum*, *antiqua Laestrygonum sedes*. Easdem Ovid. Met. XIV. 233. adpellat *Lami veterem Laestrygonis urbem*, τηλέκυλον Λαιστρεγονίην, Hom. Od. X. 81. Nam Formiae a Lacedæmoniis demum, urbem instaurantibus, adpellatur. Strabo IV. p. 161. Plura de hac re congesta vide a Torrent. ad h. l. et Ruperto ad Sil. VII. 276. — *Princeps primus*, ut III. 30. 13. — *et innantem*. . . *late tyrannus*, oram *Minturnensem* possedisse. Docte istam designat poeta a Liri flumine (de quo v. ad I. 31. 8.), qua is *Maricae litoribus*, litorali Minturnensium plague, *innat*, eam perfluit. Sed alterum magis proprie cursum Liris per paludes Minturnenses in mare sese exonerantis describit. Innat adeo stagnanti paludum aquae, effundit se in istas paludes. Alii ad lentum placidumque ejus cursum, quo ad litoralem Maricae silvam desertur, referunt, quod *innare dici* nequit. Et alterum satis poetice putandum dici de limpido

fluvio (*gemma* *mantem* *gurgitem* ei tribuit Sil. IV. 350.) coenosam aquam pernante. *Marica*, inquit Serv. ad Virg. Aen. VIII. 47. „deā litoris Minturnensium (h. litoralis circa Minturnas plagae, quae paludosa est) juxta Litin fluvium, ubi ei lucus consecratus erat. Unde easdem *casas umbrosae regna Maricue* indigitat Lucan. II. 424. Ejus religionem ad Porphyrionis mansisse aetatem, ex ejus nota discitur. — *late tyrannus εὐρυπέτων*.

v. 9. *Cras pluvia tempestas erit.* Hoc egregie exornavit poeta. *Eurus demittit* defundit *tempestatem*, deorsum ruens, καταισσων, nota imagine poetica, qua procellae ex alto (ὑψόθεν, καταταγδην, Orph. A. 1180. Arat. Phaen. 423.) in terram praecipites feruntur; unde καταιξ, et καταγίδες dictae. Εύρου χειμερίας καταγίδας dixit Perses VIII. 1. (A. Br. II. 5.) et ejusdem venti τρηχείαν καὶ αἰκήσσον καταγίδα Leonid. Tarent. XC. 1. (A. Br. 244.) Plura vide ad I. 3. 12. Jam pro, silvas commovebit, vexabit, effecta posuit, sternet, consternet nemus, humum nemoris, multis foliis, decutiet folia arboribus: terra constrata erit foliis. Eodem colore tempestas adumbratur II. 9. 6 sqq. — 10. et *litus alga consternet*, gravissimas in mari procellas excitabit; nam algae ejectae turbas in maris fundo arguunt. Homer. II. IX. 4 sqq. ὡς δ' ἀνεμοι δύο πόντον ἐρίνετον ἵχθυόντα Βορέης καὶ Ζέφυρος: — ἀμυδίς δέ τε κῦμα κελαινὸν κορδύσται, πολλὸν δὲ παρὲξ ἄλα φῦκος ἔχεναι. Cf. Virg. Aen. VII. 590. — *inutili*, proverbiali algae epitheto (*projecta vilior alga* Virg. Ecl. VII. 42.) cuius tamen multiplex usus hodie innotuit. Ceterum, quod a poeta facile exspectari poterat, ut specialibus tempestatis violentiam repraesentaret coloribus, temere inde quosdam suspiciari arbitrор, Lamiae fundum prope Formias fuisse, quem scilicet petiturus fuisse Horatius. — 12. *nisi fallit*, si fides habenda est cornici, aquae auguri, impendentem pluviam crocitione (χρήσοντα Arat. Diosem. 1002.) adnuntians. Arat. Dios. 1022. Χειμῶνος μέγα σῆμα καὶ ἐνεάγγρα κοράνη νύκτερον ἀειδονού. Cf. III. 27. 10. Ad Nostrum Ovid. Am. II. 6. 34. *pluviae graculus augur aquae — annosa*, longaeva, quae adeo non fallitur, longa annorum serie edocta. De longa cornicum aetate vid. ad IV. 13. 24.

v. 13. *Dum igitur potis es*, dum per pluviam licet, compone para, repone sub tecto ligna arida, crastino die foco admovenda; ne fumo nobis molestias creent. Nam circa focum et *Lares* (V. 2. 66) posita erat familia, in festa laetitia, maxime ruri. Festive au-

tem poeta praeludit sequentibus, quae tandem Lamiam, per longas ambages in sumمام expectationem adductum, de ejus consilio certiore faciunt. — *cras Genium s. Larem curabis*, curam ejus geres, veneraberis, sacrum ei facies. Genii omnino causam praetendebant veteres, quotiescumque se lautius atque hilarius excipere vellent; unde natae loquendi formae, *Genio liture, placare eum, geniales epulae et sic porro.* Dum igitur Genio sacrum parari vult, hoc ipso diem crastinum genialiter agendum augstiore specie indicere putandus est poeta. Vide omnino ad I. 4. 11. 12. Tum Genii satis obscura, saepiusque cum Laribus confusa religio. Vide Censorin. de D. N. 33. Igitur et *porco bimestri* in tali sacrificio recte locus esse poterat, (cf. Schott. Obs. II. 14.) etsi mero, ture et libis Genio facere solenne esset: quod adeo intpp. offendere haud debebat, qui forte *curare cutem* rectius dici opinabantur, quam *curare deos*, h. sacra iis parare. Ita plane *Larem curare* dixit Plaut. Aulul. prol. 19. In deliciis autem apud vett. erant porcelli, ut satis notum. — *bimestri*. Decimo a partu die ad sacrificium idonei erant, juxta Varronem II. 4. 16. — 16. *Cum famulis, servis, operum solutis*, ab opere diurno per festum dieni (ut statim carni. seq. v. 11. 12.) solutis, quod per imbrex vix fieri potuisset; Θεράποντας λυσιανόν Pin-dar. IV. 72. cum Nostro comparat Gedik. ad eundem p. 158.



## ARGUMENTUM. XVIII.



*Faunum Faunalium die (qui in Nonas Decembres incidit, quod e v. 10 ponere licet; alteri enim Faunali idū Febr. consecratae erant) hoc hymno veneratur poeta, precaturque, ut Sabino suo imposterum etiam prospiciat. Adornatum eum esse ad antiquam precum formulam, cum solenni obtestatione, in promptu est videre. Progreditur inde poeta ad describendam rusticam istius diei laetitiam,*

*rusticis, ut ita dicam, coloribus pro argumenti ratione egregie adumbratam. Oratio in eo facilis, venusta, numerosa. Religioso usui destinatum fuisse hoc carmen credunt Sanad. Dacer. alii; non ego.*

### A d n o t a t i o n e s.

v. 1. *Amatorem s. sectatorem Nympharum fugientium* quod Faunum in solenniore carmine poeta indigitat, cum prisorum hymnorum, munera atque affectiones Deorum exponentium, rationi satis consentaneum videri debet, tum quod poetico huic signo notio subest physica, quae primaria cultus ejus divini causa statuenda est. Scilicet cum Deos agrestes naturae cum ruddoris (ut Pan, Priapus, cet.) tum cultioris (ut Dii frugum, vi- ni, pomorum cet. inventores) vim vegetam ac procreatrixem symbolicam ferret antiquitas, fieri haud poterat, quin poetae, rem sensibus objicientes, vim ipsorum generandi ad amores humanos revocarent, infinitisque amatoriis fabulis involverent, donec tandem ad meros lusus, ludicramque amoris lasciviam res verteretur. Haec si animo teneas, ridebis mecum hariolationes interpretum, Faunum Nymphas persequendc ad Sabina Horatii rura delatum sic declarari statuentium.

v. 2 sqq. Solennem precum formulam χεῖρε, θλαγι, praeclare ad Fauni, dei agrestis ac vagi, indolem attemperavit poeta. Pro vulgari: *lenis*, propitius sis, tuere agros ac greges meos, doctius erat; *lenis invisas*, adeas meam villam: pro quo adcommodatius est: *lenis incedas, abeasque aequus*, propitio numine transeras, utpote de deo, agros et silvas continuo pervagante, ac nullibi morante ideoque nec templis culto, ut cetera agrestia numina. Κακοδέῖπορα Faunum deum ἀλεξίχαρον (cf. I. 17. init.) faciunt, qui poetam iram hujus dei deprecari existimant, *lenis incedas et aequus abeas*, explicantes: neque iratus venias, neque irae vestigia relinquas. *Lenem autem et aequum recte placidum, benevolum, propitium dici, nemo facile exemplis probari cupiat.* — *fines et aprica rura, agros, copia poetica.* — *parvos alumnos h. l. et III. 23. 7. prave utique Scholl. explicant vernulas ruris, θεττάροπια* (uti θεοχειροποιῶς dicebantur; vid. doctrinam Valken. Anim-

advv. ad Ammon. c. III. p. 173.) s. pueros servorum in villa Horatii; quos plerique recentiores intpp. sequuntur, quorum non nulli, qui *Faunis in quiete ludibria*, adscribi e Plin. XXV. 14. noscent, eo tandem probabuntur, ut ephialten nocturnum a pueris suis Horatium deprecari existiment. Quanto concinnior contra; quanto simplicior precum ratio: Faune, tutare agrum, tutare greges meos! prae altera, quae agris et vernulis prospicit. Pro gregibus autem quae sitius posuit *alumnos parvos*, agnos et hoedos tenellos, foeturam gregis, morbis quippe magis obnoxiam, maxime auctumnali tempore. Hinc III. 23. 7. aut *dulces alumni pomifero grave tempus anno s. sentient*. Quid apertius isto loco? Quid apertius altero I. 17. 2. de Fauno pecorum custode: *igneam defendit aestatem capellis usque meis pluviosque ventos?* Duobus igitur, arvis et gregibus, quae maxima rei rusticæ momenta faciunt, Fauni, arvorum et gregum custodis, benevolentiam puta expeti a poeta. Sed ad alteram interpretationem delapsi sunt intpp., quum semel in animum sibi induxissent, omnia ad avertendam Fauni iram atque noxam spectare.

v. 5. Si quotannis sacro, statu die tibi parando, numen tuum veneror, si Faunalia tua quotannis rite celebro. Solennis haec Deos obtestandi formula, ubique obvia in poetis. Ornatae autem partes sacrificii enumerantur, tus, merum, victima. *Haedus cadit*, tibi immolatur (ut I. 4. 18.) anno pleno, impleto, exacto, quotannis. — 6. Si neque largum vinum deest crateræ, si impleo vino, tibi libando, pateram, si merum tibi libo. Venuste admodum cratera audit *Veneris sodalis*, τερπνοτέρα γὰρ Ἀφροδίτη μετὰ Διονύσου, καὶ τὸ παρ' ἀμφοῖν ἥδυ σύγκρατον, Lucian. Amor. 12. p. 410. ratione satis manifesta, qua eadem, ἥδιστον πρόπολον βαρυγδούσαν Ἐρώτων οἶνον ἀερσίπνον adpellat Ion Chius apud Athen. II. p. 35.; cuius tamen nonnulli parum memores conjunctionem istam a Veneris et Bacchi παρεδειξ invenuste repetunt. Similiter οἶνον Panyasis in Stob. Grot. p. 105. adpellat πάσης συνοχῆς ἀοιδῆς, et λάγυνον Marc. Argentari. XXI. (A. Br. II. 271.) πασιγνήτην νεκταρένιον κύλικος, eandemque Incertus epigram. LXXVII. 3. (A. Br. II. 165.) Βάκχου καὶ Μουσέων ἰλαρὴν λάτριν καὶ Κυθερεῖης, quod adpositissimum est. Alia de hoc sodalitio, ut ita dicam, poetico, vide ad I. 25. 19. — Sique *ara tua multo odore*, ture aliisque odoris rebus (nam et alias res aduleri consueuisse, facile cogas e Tibull. II. 2. 3. *Urantur via tura foci*,

*urantur odores*; vid. ibi Heyn. adde Prop. IV. 6. 5.) ei injectis fumat. — *retus* paeclare multis retro annis sacrificia in ea facta innuit.

*v. 9 sqq.* Effrenior hilaritas, Faunalibus omninoque festis Deorum agrestium diebus propria, vivide admodum adumbrata a poeta subjicitur: admixtis qui augustiorem rei speciem praebent, coloribus, a praesentia Fauni ductis; quod temere a quibusdam reprehendi videoas. Laetitiae autem sensum, quo, deo adventante, omnis natura perfunditur, ad greges potissimum revocavit poeta h. l. quod Faunus istorum custos haberetur. Ita, Bacco praesente, *largo pubescit vinea fetu*, apud. Virg. Ge. II. 390. Conf. Calpurn. Ecl. IV. 102 — 116. Pecas omne ludit, exsultat, lascivit (III. 11. 10.) herboso campō, in pascuis, pratis. Calpurn. I. l. *Adspicis*, ut teneros subitus vigor excitet agnos? in Pales adventu. Ad diei festivitatem omnes greges in prata fuisse actos nescio qua de causa statuant nonnulli, quum in Italia initio hujus mensis a pastu neendum revocari soleant. — 10. *tibi redeunt Nonae Dec.* quibus tibi sacrum sit. *Redeunt*, de sacro anniversario. — 11. Solennis boum jugo solutorum in rusticorum feriis mentio. Tib. II. 1. 15. *Luce sacra requiescat humus*, *requiescat arator*, et grave suspensi vomere cesseret opus, solvite vincla jugis. — *festus pagus*, agricolae diem festum, hilarem agentes, laeti vacant in pratis, opere intermisso feriantur, exsultant in pratis; sacra enim rustica sub dio celebrabantur. Vid. I. 4. 11. — *otiosò*, libere per prata vagante; suavis pictura.

*v. 15.* Aucta h. l. rei imago, I. 17. 5. sqq. *Impune tutum per nemus cet.* prodita; colore ab aurea aetate petito. Virg. Ecl. IV. 22. *nec magnos metuent armenta leones*. Cf. V. 16. 51. Invertit autem poeta sententiam, nam proprie *agnus audax errat*, audacter errat, secure vagatur *inter lupos*: errare enim de liberali ac seculo pastu proprium. — 14. Folia mense Decembri arboribus delapsa in miraculum vertit poeta, quod sane Italiae regioni satis consentaneum erat. Referendum ad φυλλοβολίχν, in honorem deorum antiquitus institutam; de qua Virg. Ecl. V. 40. *Spargite humum foliis*, in Daphnidis honorem. Suaviter autem ipsam silvam hoc laetitiae sensu aniniat poeta, quod forte a rusticis isto die fieri solebat. Cf. Schol. Cruq. Igitur *silva tibi adventanti honoris causa frondes spargit*, excutit, humum iis consternit. Atque haec simplicissima fuerit ratio. Heynius tamen

ad Virg. Ecl. IV. 50. de nutantibus adventu dei agrestis arborum cacuminibus vult intelligi; exquisitiore utique phantasmate: cui tamen vereor, ut ratio loquendi satis addicat. — *agrestes*, utpote deo agresti. — 15. *Fossorem* speciatimi cum delectu memorat poeta; propter graviorem vineae fodienda, fossaeque ducenda laborem, a quo per festum diem vacuuus gaudet pepulisse, cum intimo laetitiae sensu pellit qualit ter pede terram, tripudial, saltat. — *inrisam*, tot aerumnarum causam, suaviter. Eadem ratione *damnatos ligones* Calpurn. Ecl. IV. 117. diclos putabat Wernsd. ad eum locum. Ridicule autem fossorem nonnulli terrae isto die ruditer insultare credunt, quo sibi tot aerumnas, in ea colenda perlatas, ulcisi videretur.



## ARGUMENTUM XIX.



*In describendo hujus carminis argumento ab interpretibus vel aliena immisceri, vel praepostere ordinem ejus conturbari planeque perverti animadvertis. Nunc enim Telephum vel novae Iliados conditorem vel de antiquis historiis subtiliter disquirentem, aut carmine eas cyclio (v. 1. 2.) persequutum ferunt; nunc carmen super convivium, in quo Telephus de temporum rationibus antiquisque historiis sat is intempestive dispiceret, factum adserunt; sunt denique, qui coenam apud ipsum Telephum habitam, in qua praeter coenaculi frigus, vinique parcitatem, poetam Telephi ostentata eruditio paene enecaverit, salse perstriggi censeant. Quae quidem intpp. judicia, a poetica, ne dicam lyrica, ratione prorsus abhorrentia, refellere nihil attinet. Tu ita statue: Quum Horatii sodales, de coena ἀπὸ τυμβολῶν, forte in L. Licinii Varronis Mure-*

*nae novi auguris honorem habenda deliberatur, conventum antea (nam quamvis coenam συμβολικίαν deliberatio antecesserit necesse est) agerent, interque consabulandum sermo, qui ipse erat hilarior atque liberior, a proposito sensim, ut fit, ad alia aberrasset; poeta, nonnisi de convivio cogitans, ut eos inde revocaret Telephum potissimum ex his increpat, quem maxime a re ad consultandum proposita eademque iudicio suo gravissima, ad doctas nugas deflectere, in iisque mire sibi placere animadverteret. Tam ad ipsam convivii futuri hilaritatem delineandam progreditur, quam exquisito artificio repreäsentat. Regnat in hoc carmine naturalis orationis vigor, a poetae commotioris affectu prodiens; sententiae nullo arctiori nexu praecepitatae; ornata tamen ac vivide expressae. Graecum autem poetae obversatum fuisse exemplum, haud vanne augureris; forte Ionis Chii II. (Anal. I. 161.) quod harum deliciarum amatoribus hic adponere lubet:*

Χαιρέτω ἡμέτερος βασιλεὺς σωτήρ τε πατήρ τε  
ἡμῶν δὲ κρητῆρ' οἰνοχόοις θέραπες  
Κιργάντων προχύταισιν ἐν ἀργυρέοις· ὁ δὲ Χρύσης  
οἶνον ἔχων χειρῶν νιζέτω εἰς ἕδαφος  
Σπένδοντες δ' ἄγνως Ἡρακλεῖ τ' Ἀλκμήνῃ τε,  
Προκλέϊ, Περσείδαις τ' ἐκ Διὸς ἀρχόμενοι,  
Πίνωμεν, παίζωμεν, ἵτω διά νυκτὸς ἀοιδῆν.  
σέρχεισθω τις ἐκὼν δ' ἄρχε φιλοφροσύνης  
"Οὐ τινα δ' εὑειδής μίμνει θύλεια πάρευνος,  
Κεῖνος τῶν ἄλλων κυδρότερον πίσται.

*Super initio carminis in Adnotatt. monuimus.*

## A d n o t a t i o n e s.

v. 1. Maximopere placet poetæ sedulitas, in adparando in Murenae honorem convivio omnes cogitationes desigentis, omnianque susque deinceps habentis, atque adeo indignantis, si quae praeter rem a sodalibus in medium proferri animadvertis. Increpat igitur Telephum, extra oleas vagantem, hoc exordio poeta, cumque ad propositum revocat. Vide omnino de dramatica hac exordii adornatione Argum. Neque dubitandum, quin graecum Horatio ante oculos obversatum fuerit exemplum. Similes ideae occurunt in Sotionis fragm. apud Athen. VIII. 3. p. 336. τι ταῦτα ληρεῖς φληραφῶν ἄισθ κάτω, Λύεστον, Ἀκεδημίαν, Ὁδεῖον, πύλας, λήρους σοφιστῶν; οὐδὲ ἐν τούτων καλόν τινωμεν, ἐκπίνωμεν. Anacreon. XXXVI. τι με τοὺς νόμους διδάσκεις, καὶ ῥητίρων ἀκάνθας (ita omnino leg. pro eo quod nunc obtinet, ἀνάγκας) τι δέ μοι λόγων τοσούτων τὰν μηδὲν ἀφελούντω; μᾶλλον διδασκει τινειν cet. Et ejusdem epigr. LXXXIV. 1. 2. (Anal. Br. I. 119.) εὐ φίλος, ὃς κρατήρι τιμέντην πλέων οινοποτέων νείκη καὶ κόλεμον δικρυόεντα λέγει. — *Quantum distet*, quanto temporis intervallo a se invicem distent Inachus, antiquissimus Argivorum rex, aquo ultimae temporum procedebat computatio, et Codrus, ultimus rex Atheniensium, non timidus, promptus paratusque mori, μὴ ὀχνῶν θαυμῖν, graeca structura. Res ipsa notissima vel e Justin. II. 6. — 3. narras, cum vi, ληρεῖς, φληραφεῖς φλυκρεῖς, exponis, expeditis nunc istas chronologicas difficultates, quum de re gravioris momenti deliberandum sit, importune tricaris. — et genus, stirpem nobilissimam Aeaci, Oenopiae regis, percenses, Peleum, Telamonam, et inde prognatos, Achillem, Teucrum et Ajacem, sicque nugando delaberis tandem ad bella, pugnas sub Ilio, ad Ilium pugnatas, editas, factas, novamque adeo Iliada exordiris. *Bella* s. pugnam pugnare, μάχην μάχεσθαι, notissimo Graecismo. *Ilium sacrum*, *Ilios iph*, Homericō epitheto; veluti Il. 8. 46. propter deos πολιούχους; res nota.

v. 5. Ceterum de re multo majoris momenti, de adparando, quod instat, convivio, verbum nullum. Seiq. manifeste docent, de coena ἐκ συμβίλων adornanda, in qua aequalemi quisque impensarum partem (unde *ισοτελεῖς* dicti), quae in epulis insumerentur, sustinebat, a Muraenae amicis deliberatum fuisse. De conviviis συμβολιμαῖοις vide docte dispiciuent Salmas. Ohss. ad Jus

Att. et Rom. c. III. p. 62. sqq. Tangit autem poeta poliora convivii momenta, quae illud, juxta Varronem apud Gell. XIII. 11. omnibus suis numeris absolutum efficiunt, si belli homunculi ad-sint (quales Horatii sodales recte tibi singas) si electus locus (quo praebente domum cet.) si tempus lectum (quota hora cet.) si adparatus (Chius cadus) non neglectus. — cadum Chium, vini Chii, in pretiosioribus habitu, de quo Athen. I. p. 28. Conf. Serm. I. 10. 24. et Tibull. II. 1. 28. Unde satis adparet, de opiparo ac pollucibili coena eos cogitasse. — 6. quis aquam ad balneum ignibus temperet, calefaciat. Balnei, quod respexit poeta, usus ante coenam satis notus apud veteres. Venuste autem ita de eo disquirit, in cujus domo epulæ essent celebrandæ; unde subjicit, quod praebente domum, quis domum praebat, apud quem convivemur; nihil amplius. Alienæ est ab h. l. de usu verbi *praebere*, *παρέχειν*, partes sumtuum in se recipere, observatio. Noster Serm. I. 5. 37. In Mamurrarum lassi deinde urbe manemus, Murena praebente domum. — 7. 8. et quæta hora epulaturi simus, h. utrum de die (v. ad I. 1. 20.) an consueta hora convivium incepturi simus. Pro hoc, quo se ad tempestiviorem compotationem proniorem ostenderet, suaviter ac festive ex suo sensu, frigoris impatientissimo: qua hora caream frigoribus, calefiam; coenaculum enim hieme calefiebat, ut notum. *Pelignis*, quale est in Pelignis; quae regio inclementius coelum habet. Auget adeo simpliciter, ut *nix Sithonia* III. 26. 10. Solennis autem luculentioris foci mentio in compotatione, ut I. 9. 5. III. 17. 14.

v. 9. Festinantem ad pocula poetam omnisque morae impatientem præcepta animo ejus convivii futuri hilaritas vivide admodum declarat. Sedent convivæ, leges bibendi ponuntur, certatur poculis, convivium agitatur liberius, exoritur clamor inconditus etc. Quo exquisito artificio, passim Nostro frequentato, rerum species nova quasi luce perfundi, totumque carmen miro animari, facile quisque sentiat. Hoc autem loco tanto majorem vim habet, poetæ impatientia cessatori Telepho opposita. Ceterum symposiarchi persona sumta sqq. a poeta pronuntiari putanda. — *Da, ιγχει, ιπιχει*, tempera atque ministra poculum *Lunæ novæ* (altero casu) in Lunæ honorem ehibendum; cuius quidem, uti mox *Noctis* ratio unice ideo habetur, quod compotatio in multam noctem protraheretur. Unde et somni poculum habet Eubulus apud Athen. I. p. 36. Cf. III. 28. 15. Argutius paullo ad

primum Mūrenae augurium trahunt, quod quidem a media nocte capere solenne erat. Ceterum et cyathi in poculum infusi et ipsum poculum solenni loquendi usu illius dicebatur, in cuius honorem bibebar, habita simul in infundendis cyathis syllabarii nominis ejus, atque singularum adeo vocum ratione, ita quidem, ut unaquaeque deinceps in unoquoque assusa cyatho, ne fraudi locus fieret, recitaretur. Callim. ep. XXXI. 1. ἔγχει, καὶ πάλιν εἰπὲ, Διοκλέος Meleag. XCVIII. (A. Br. I. 28) ἔγχει, ἣ πάλιν εἰπὲ, πάλιν, πάλιν, Ἡλιοδώρες; εἰπὲ σὺν ἀκρήτῳ τὸ γλυκὺ μίσγ' οὐομα. Cf. ejusd. quod ibi sequitur ep. XCIX. Adde Posidipp. X. (A. Br. II. 48.) Eubuli apud Athen. l. l. — *novae ortae*; nihil amplius. N. autem *mediae*, cum vi utpote in compositione ad medium noctem producta; quamquam parum subtiliter de Nocte dea. *Da* ter repetitam satis ἐναργῶς Horatii intemperias ostendit. — *auguris* nuper facti, in auguratus ejus honorem.

v. 11. Duo miscendi vini modos imperat poeta, alterum, quo tribus vini novem aquae cyathi admisceantur, alterum, quo novem vini cyathi cum tribus aquae temperentur, vel quod simplicius erit, tres aquae partes cum vini una, vel tres vini, cum una aquae parte ἢ τρεῖς πρὸς ἑνα κύαθοι, ἢ ἑνα πρὸς τρεῖς. Illud vulgare ac sobrie potentium temperamentum; Even. XV. 3. (A. Br. I. 166.) Χαρεὶ κιρνάμενος τρισὶ Νύμφαις τέτρατος αὐτὸς (ἐ βάκχος). fere ut Tibull. III. 6. 57. *Naida Bacchus amat*; — — *temperet annosum Marcia lymphā merum coll.* Meleagri CXIII. 3. Τούνεκα σὺν Νύμφαις Βρόμιος φίλος ἦν δέ νιν εἰέγγει μίσγεοθαι, δίξη πῦρ ἔτι κατόμενον. et Timothei ἐν Κύκλωπι apud Athen. XI. 465. ἔχεις — ἔμισγε δ' ἄμα Βακχίου νεοβρύτω ξακρύοισι Νύμφαιν) Ejusdem fere temperamenti erant quinque aquae cum duobus vini mixti cyathi. Conf. omnino Athen. X. 7. p. 426. — *miscentor*, praecclare e symposiarchi persona. Pind. Nem. S. 119. ἔγκιρνάτω τίς μιν (ερητῆρα) — — ἀργυρίωισι δὲ νωμάτω φιαλαισι ἀμπέλου παῖδες. Ion Chius II. 2. (A. Br. I. 161.) ἡμῖν δὲ πρητῆρες οἰνοχόοι θέρατες κιρνάντων προχύτεισιν ἐν ἀργυρέαισι. Doctius autem dicitur *pocula cyathis miscere*, quam cyathos aqua et vini in poculis miscere, temperare. — *commodis*, ut cuiusque potoris ingenio commodum erit, sobriis ac modestis vinum dilutius; insanis contra, quales poetae sunt, meracius bibentibus. Expletarius hoc poeta statim subjungit.

v. 13 — 17. Qui Musas amat, Musisque amatur, Μουσῶν

q̄d̄.os ἀν̄ poeta (Vid. ad L. 26. 1.) petet petere eum decet, consentaneum est novem cyathos ob Musas impares h. novem. Poetis enim insania propria. Hinc vates attonitus, ἐμβροντηθεῖς, ἐμβροντητὸς (ita ποιητὰς εμβροντητοὺς vocat Lucian. Timon. I. p. 99.) μουσόληπτος, propter τὸ ἐνθουσιῶν, cuius cum insania solennis comparatio. Attonitas Maenadās h. furentes occurserunt apud Juvenal. VI. 316. et ἐμβροντηθῆναι pro ματρισθαι apud Menand. εὐγεωργῆ apud Grot. Excerpt. p. 713. Alia vid. Hemsterh. allata ad Lucian. l. l. Eandem fere mensuram poscit Anacreon apud Athen. X. p. 426. cuius uero ita constituendi videntur:

ἄγε δὴ φέρ' ἡμῖν, ὡς πᾶσι,  
κελέβην ὅκως ἀμυστιν  
προπίω, τὰ μὲν δύν ἐγχεῖς  
ὑδατος τὰ πέντε δ' οἴνου  
ὡς ἀν̄ φρέν' ἐβριστιῶσαν  
ἀναδεύσας βασσαρήσω,


cyatho putido κυδίους et inferio φρέν' — 15 sqq. Suavis conversio vulgaris sententiae: Verecundiorum portio erunt tres cyathi. — supra ultra tres, plures quam tres prohibent vetant Gratiae tangere, exquisitissimo verecundiae sensu pro, capere, bibere; qui Gratiis litant, ternum Gratiarum numerum petunt, ultra tres haud progredi audent. Hinc πράτην πόσιν Panyasis (apud Athen. I. p. 36.) ἀποιμει Χάρισι ς "Ωραις: τὴν δὲ δευτέραν, Ἀφροδίτην" "Τβρει δὲ ς Ἀτρ. τὴν τρίτην. Item Eubulus apud Athen. l. l. τρεις γάρ μόνος κρατήρας σύγκεραννιώ τοῖς εὖ φρονοῦσιν εἰ. — rixarum metuens, abhorrens, aliena a rixis, ut metuens viri alterius castitas III. 24. 22. Cf. Serm. II. 3. 110. et vid ad II. 2. 7. Male alii. — Gratia juncta Sororibus, docte pro, Gratiae junctae Vid. ad III. 21. 22. — nudis, nam et nudas eas exhibebat senior antiquitas. v. Pausan. IX. p. 782. Cf. IV. 7. 6. et ad I. 30. 5.

v. 18. *Juvat*, volupe, dulce est (ut IV. 12. extr.) *insanire*, μαίγεσθαι, exsultare laetitia; Θέλω, Θέλω ματῆναι Anacr. XXXI. Insaniam, s. effusiorem poetae hilaritatem egregie decent breviter enuntiatae, abruptaeque sententiae in sqq. Cf. II. 17. 21 sqq. — *cur cessant flamina tibiae*, cur non inflatur, reboat tibia. *Flamina tibiae*, αὐλῶν, λωτοῦ πνεύματα, Eurip. Phoeniss. 794. Bacch. 128. et saepius alibi. — *Berecyntiae*, in Cybeles sacris adhiberi

solitae ; auget furoris ideam. — 20. *Cur pendet, cur cessatur in de-*  
*ripiendis de pariete lyra et fistula.* — *tacita*, muta ; opponitur  
*lyra loquax, φωνέοσσα* (ut in Sapphus fragm. ἄγε, χέλυ δῆμ μοι  
λέγε, φωνέοσσα δὲ γίνεσθαι apud Urs. p. 7.) εὐφθογγός et sim. ήτω  
το σύριγξ Quint. Cal. VI. 170. — 21. *Odi parcentes dexteras,*  
quanto significantius quam, intolerabilis ista cunctatio est, ene-  
cat me haecce ignavia : *parcentes* sc. deripere, cunctantes der.  
quae non dandum deripuerint ; notissimo verbi gr. φειδεοθετι, usu.  
Ita φειδεοθετι κελεύθον, de omittenda expeditione Pind. Nem. 9.  
47. Explicant fere, otiosas ; quod absolute dici nequit. Trahen-  
dum autem magis ad superiora quam ad seq. — 22. Rosarum et  
omnino florum in conviviis usus multiplex. H. l. mensa potissi-  
mum rosis instrata intelligenda. Cf. ad I. 36. 15. *Neu desint epaz-*  
*lis rosae.* — *Audiat invidus* cet. tota vicinia nostro clamore per-  
crepet, fere ut Propert. III. 8. 23. 26. *Tibia nocturnis succum-*  
*bat rauca choreis, publica vicinæ perstrepat aura viae*, ubi Burm.  
cum Nostro comparat Cic. pro Rosc. 46. *cantu vocum et nervi-*  
*rum et tibiarum nocturnisque conviviis tota vicinitas perstrepitō*  
*et in Verr. V. 13.* Quanto ornatior Noster, admixto senilis invi-  
diae colore : Lycus senex, vicinus (vide quam docte disjunxerit  
haec epitheta poeta, ut locum significantiori faceret) *invidus au-*  
*diat*, invidia propter ingravescentem aetatem rumpatur, dum  
*strepitum dementem, insaniens juvenum, audit* Jon. 1. l. v.  
7. Πινακεύ, παιζώμεν, ἵτω διὰ τυρτὸς ἀοιδή. — 24. Uxor Lyci, ei  
utpote *seni non habilis* minus apta, aversans eum, inversa ora-  
tione ; proprie enim Lycus, morosus atque effoetus senex, uxori  
juvenculae *non est habilis*, ejus animo, moribus cet. minus com-  
modus. Tanto aegrius accidebat Lyci auribus iste juvenum stre-  
pitus. Ceterum hac Lyci commemorata vicinia venuste admodum  
domum designat, in qua compotationem institui cupiat.

v. 25. *Nexum ita tibi finge* : quemadmodum autem illa se-  
nen Lycum aversatur, ita contra te Rhode efflictum amat, pulchra  
pulcherrimum. — *Nitidum, fulgentem, insignem spissa pingui,*  
*densa coma, κομὴτεν* ; quae et decoris et vigoris juvenilis index.  
Φαίδιμαν κέμαν Paridi tribuit Pind. Nem. 102. λιπαρὰν ἔθειραν  
Theocr. V. 91. κευσῶχαιταν μαρμαίρων Eurip. Jon. 887 εὐβόστρεψ-  
χεν αἴγλην eadem specie dixit Irenaeus III. 3. (A. Br. III. 10.)  
Male nonnulli de coma uncta cogitant. — 26. *Suavis formosi*  
*juvenis cum Vespero, stella Veneris comparatio, Laudant Virg.*

Aen. VIII. 589 sqq. adde Senec. Hippol. 750 sqq. Quint. Cal. V. 131. Suavissime autem eam adhibuit Plato ep. XXI. (A. Br. I. 173.) Αστήρ πρίν μιν ἔλαμψες ἐνὶ γυναισιν ἔπος, νῦν δὲ θυνῶν λαμπεῖς ἔστερος ἐν φθιμένοις. — *puro*, recens e mari exorto, vel simpliciter, splendido. — 27. *tempestiva*, ὥρατα, *πέντερος*, in flore aetatis constituta. — 28. Ego minus felix sum in amore. Pro quo est: *me latus amor torret*, ego lento amoris igne maceror, pereo (cf. ad I. 13. 8.) Glyceram asperam, immitem expertus. De Glycera v. I. 19. 5 sqq. Ridicula inscitia βραδινὰν Ἀφροδίταν cum dento amore h. l. componunt.



## ARGUMENTUM. XX.



*Monet Horatius hoc carmine Pyrrhum quemadmodum, ut ne temerario ausu Nearchum, puerum delicatum, a puella quadam, amore ejus pariter capta, abstrahere conetur; rem enim esse admodum arduam ac periculosam, quandoquidem puella ultima potius expertura sit, quam ut sibi eum eripi patiatur; tum ne periculi quidem pretium fore, in puerō superbo atque amatores fastidente. Hæc omnia poeta ἀλληγορικῶς extulit, puellam cum leaena comparans, pro catulis, quos Pyrrhus sibi ercepsum eat, animose decertante. Totum carmen ad verbum plane e graeco poeta expressum esse, et argumenti et tractationis ratio facile evincunt. Primas allegoriae lineas deprehendebat Cel. Schneiderus (Animadvv. in Anacr. p. 107. in Platonis Charmide T. V. p. 111. Bip. Καὶ ἐνόμισα σοφώτερον Κριτίαν τὰ ἐρωτικά. ἐς σῆπεν ἐπὶ τοῦ καλοῦ-λέγων παιδὸς, ἄλλῳ ἵποτιθέμενος*

εὐλαβεῖσθαι, μὴ κατέναντι λέοντος νερῷον ἐλθόντα  
μοῖραν αἰρεῖσθαι κρεῶν. Αὐτὸς γάρ κοι εδόκει ὑπὸ τοῦ  
τοιούτου θρέμματος ἀλωκέναι.

### Annotations.

v. 1. *Non vides, non animadvertis, intelligis, quanto cum periculo moveas,* h. quam periculosa res sit, leaenae catulos movere, auferre, rapere? Et hoc, demita allegoria, pro temere agis, qui formosum adolescentem a puella, effictim istum amante, abducere, abalienare conaris. *Movere* sc. latibulo, pro, amovere, quod soienne de furto peccatum. Vid. I. 10. 10. Burm. tamen ad Prop. I. 15. 26. explicabat *lacessere, irritare*, et ad Nostri locum facere existimabat Graec. proverbium, κύνα καθεύδονσαν μὴ κινεῖν; quam doctrinam huic loco parum opporturam non adfudisset poetae, si ipsum locum curiosius inspexisset. *Leaenis* comparantur et alibi ἔταιραι, ob seūnam, qua adolescentes spoliant lacerantque, indolem, veluti Anaxilae apud Athen. VIII. p. 558. Hoc tamen loco iracundiae magis summique erga catulos amoris (de quo v. Stat. Theb. X. 414.) ratio habita. *Gaetulae* auget feritatis notionem, ut I. 23. 10. — 3. *Post paucillo, mox, statim ubi raptos sibi cubiculo catulos leaena animadvertet, raptor,* qui temeraria audacia impulsus, catulos ipsi eripere conabar; graviter pro tenui, tu. — *fugies subterfugere tentabis, detrectabis, inaudax,* quo quidem meticulosum tuum animum manifestabis, (suaviter igitur τῷ raptor, cui audaciae notio inest, adjectum) *praelia dura, acerrimum leaenae impetum;* tergiversaberis cum ea congregdi, non sustinebis ejus incursum. *Inaudax*, novum vocabulum, ab Horatio ad Gr. ἄτολμος formatum, quod ab aliis jam monitum video, *Tremebundum equitem* qui raptos tigridis catulos secum avehit, similiter vocat Claudian. R. Pros. III. 365.

v. 5. *Juvenum catervas volunt esse amatores puellae, quos ea spernat, ut quae Nearchum solum sequatur, atque in hoc solo votorum summam desigat; hosque obstare leaenae consequenti ajunt, quod eorum intersit, Nearchum ab ea abstrahi.* Vide mihi argutias intpp. Res ita potius animo informanda videtur: Plures huic expeditioni operam navantes cogita, ex his unum, (Pyrrhum) audacissimum haad dubie, catulos latibulo asportantem, celeri-

meque aufgientem, reliquos leaenam jaculis confodiendam operientes. Hos igitur leaenae raptorem sequenti obstare existim. Sed vi viam sibi leaena per oppositas has juvenum venantum (*Ια-λεπούς αἰγνούς* Homerus quoque venatores simpliciter vocat II. γ.26.) catervas faciet, et *ibit repetens*, repetitum, ut recuperet *insignem* forma, formosum Nearchum suum. Sequi proprie debebat, ut *repetat* raptos suos catulos; sed, missa allegoria, Nearchuni poeta posuit, perspicuitatis causa, ut II. 7. 15. et alibi. — *7. grande certamen*, (per adpositionem haec verba accipienda) super quo (Nearcho) grande certamen, acerrima pugna orietur, decertabitur, *tibine an illi* (puellae) Nearchus *major praeda cedat*, magis, potius praeda s. victoriae praemium cedat, uter vestrum Nearcho sit potiturns. Ita difficiliorum hunc locum expediendum esse arbitror, etsi nemini intpp. hanc rationem in mentem venisse videam. Nearchus per adpositionem *certamen* dicitur, h. de quo certatur, usitatissima poetis loquendi ratione. Adponam unum Enripidis locum satis laculentum, Hippol. 1140. *νυμφίδια δ' ἀκόλωθε λέχη φυγῆ σᾶς*, λέκτρων ἄμιλλα κούραις; ubi λέχη dicuntur ἄμιλλα κούραις, *lectus*, *conjugium*, super quo certabant puellae *inter se*. Objectum igitur certaminis, sive res sit, sive persona, certamen absolute dictum. Ita Virbius Sil. It. IV. 390. *ultima palma* dictus, qui vincendus restat. Exemplorum struem congregastam vide a Drakenb. ad Sil. VIII. 34. et a Rup. ad eundem I. 459. Etiam Acron et Porphy. vv. 7. 8. ad antecedentia traxere hac adjecta duplīci explicandi ratione: „Cum per obstantes juvenum catervas ibit grande certamen, (haud dubie hoc sensu: inter juvenes acerrime pugnabitur, pugna gravissima inter juvenes erit) *repetens* Nearchum: (quo *repetatur* N., quo dijudicetur, utrius Nearchus sit) aut obscura elocutione in Pyrrhum certamen ire dixit, in mulierem, (lege: certamen ire dixit mulierem, deleto *in*) quae certamen cum ea (leg. *eo sc.* Pyrrho) habitura esset, cupiens illi eripere Nearchum; ipsam enim Leaenam grande certamen dixit.“ Altero igitur loco leaenae verba, grande certamen, adposita Acron censuit; quod etsi per se satis commode fiat (ut leaena s. puella respectu Pyrri grande certamen dicatur, quatenus Pyrrhus gravem eam adversarium habiturus sit.) Ita, ne in exquisitiori hoc loquendi modo exemplum desideretur, Tyllio Gemino IV. 5. (Anal. Br. II. 280.) *ὁ πτερόεις Ερως* cum Hercule commissus vocatur *Εὐρῶς εἴς βαρὺς ἄθλος* gran-

*de ceriamen) hoc tamen loco seqq. vix admittere videntur. Recentiores intpp. disjungunt hos vv. a superioribus, suppletique Tum vero, ubi adsecuta te fuerit, erit, existet grande certamen; ut vero sententiarum ordo ac nexus sibi constet, ante seqq. iterum supplere necesse habent: de quo admodum dubium est, tibine cet. Ultima iidem recte quidem exponunt: *tunc an illa superior futura sit*; sed loquendi rationem minus recte expedient. Praeda est ipse Nearchus, praedae victori cedens. Nota Asinii Pollionis verba, quae roganti Caesari, ut secuni adversus Antonium proficiaseretur, respondit: *ero præeda victoris*.*

v. 9. 10. Interim, dum vos strenue ad certamen accingimini; dum super Nearcho animose ac fortiter contenditis. Etiam haec ἀλληγορικῶς expressa. Pyrrhus *sagittas* e pharetra *promit*, leae-nae *incusum* *propulsaturus*, eamque *confosurus*: leaena *contra dentes acuit*, θήγει ὁδόντας, *invasura laceraturaque Pyrrhum*. Ad aprum hoc proprie spectare, (Hesiod. Scut. 388.) monuere jam alii. *Erigere jubas*, et *stimulare* sese ad pugnam *caudae verberē* (Lucan. I. 205.) solenniora de leone. — 11. Quid vero Nearchus? inter acerrimam de se pugnam delicatulus iste ac superbis puer ventum sibi flabello facit, parum scilicet curans certamen *vestrum*, ejusque eventum. Praeclara sane atque consummata plene pictura! Adstat Nearchus, praemium certaminis; idemque *arbitr̄ pugnae*, ἀγωνοθέτης; βραβευτής; nam in ipsius potestate erat, cuius esse vellet. Jam is palmam victori tradendam non, ut agonothetaram mos erat, manu tenet, sed humi *projectam sub pedibus positam* habet; quod insigniter fastidium superbiaque formosali istius παιδεψιον et ferocientis, quod penes se solum stet, uter vincat, quod adeo victoriam sibi subjectam teneat, ostenditur. Nam *pedibus premere*, *sub pedibus tenerē*, est pro modo arbitrio dominantium. Exempla locutionis vid. apud Burm. ad Prop. I. 1. 4. — *nudo*, non calceis sed soleis, iisque laxis (Prop. II. 22. 40.) innixo; quod delicatulorum hominum erat, ideoque indecorum habebatur. Scipioni hoc objectum, quod Syracusis cum pallio crepidisque *inambularet* in gymnasio apud Liv. XXIX. 19. Domitianum certamini crepidatum *praeseditisse* tradit Sust. c. IV. — 13. Egregia νερόπωσις pueri mollis et delicati; in summa brevitate tanto magis animum feriens. Vestitus laxus ac fluens, unde humeri aperti ac nudi; comae promissae ac per humeros fluitantes, (χόρυαι μέχρι τῶν αὐχένων λελυμέναι Long. Past.

1. 2. Theocr. V. 91. Λιπαρὰ δὲ περ' αὐχένα σειετ' ἔθειρα. Insignis praeprimis hoc facit locus Chaerem. in excerpt. Grot. p. 845. in describenda per partes juvenilis formiae specie: κόμαι δὲ κυροχρῆτες οἱ αγάλματος αὐτοῖσι βοστρύχοισι ἐκκεκλωσμένοι ξουθοῖσιν ἀνέμοις ἐνεργίφων φορούμενοι. Plura vide a Valken. allata ad Eurip. Hippol. 202.) eaeque *odoratae*, unguentis delibutae, ipse flabelium manu tenens, eoque commovendo *lenem ventum* s. auram, qua recreetur (unde ψύγματα, Graecis appellata) exeatans. Extremae hoc mollitiei apud veteres. Simile exemplum est apud Athen. VI. 16. p. 257. ubi delicato puero quidam adstat, Ther. vocatus, τῷ δεξιᾷ Φωκαϊκὸν ψύγμα τῇ διακινῶ: Aliud idem l. l. de rege Paphi, cui columbae ventulum faciebant, et Antiphane laudat, πρᾶγμα τρυφερὸν διαφερόντως, quod ibi vide sis. Eodem nomine Artemonem quendam traduxit Anacreon, cuius fragm. vide apud eundem XII. 9. p. 534. Ita Herculis desidiam notarunt vett. juxta Plutarch. in lib. εἰ πρεσβ. πολιτευτέον. p. 913 ἔνιοι τὸν Ἡρακλέα παιζοντες οὐκ εῦ γράφουσιν, ἐν Ομφάλης κροκωτοφόρον, ἐνδιδόντα Λυδῶν θεραπαιησι τριπίζειν καὶ παραπλέκειν ἑαυτόν. Eadem res in antiquis artis operibus expressa, v. c. apud Gor. Genim. Flor. T. I. p. p. 158. et in Cabin. d' Orl. T. I. p. 112. De flabellis veterum v. Broukh. et Burm. ad Prop. II. 18. 59. Cum Nostro autem comparandus Ovid. Fast. II. 509 sqq. *Ibat odoratis humeros, perusa capillis Maeonis, aurato conspicienda sinu.*. Aurea pellebant rapidos umbracula soles. — 15. *Qualis*, quali coma (nam a coma promissa praecipue Nearchi venustas designatur) et hoc in genere pro, quali specie, forma fuit *Nireus*, ὁς κάλλιστος ἄνηρ ὢντος Ἰλιον ἥλθε τῶν ἄλλων Δυναῶν μετ' ὄμύμονα Πηλείωνα, Homer. Il. II. 673. — *raptus ab Ida* in coelum, Ganymedes. A comarum insigni specie eundem Lucian. T. I. p. 215. καλὸν κομήτην adpellat. — *aquosa*, Homeri epitheto, cui Ἰδη πολυκιδᾶς, πιδίεσσα audit. *Aquosae valles Idae* itidem memorat Ovid. Fast. VI. 15. et *celeberrimam fontibus* dicit Met. II. 218.



## ARGUMENTUM XXI.

---

*Magnas hoc carmen virtutes et colorem vere  
lyricum habet, sive sententiarum conversio-  
nem, ad finem usque servatam, copiosamque  
varietatem, sive eloquutionis ornatum, nu-  
merorumque species venustatem. Omnino hoc  
in Horatio quisque paullo acutior facile ob-  
servabit, tum maxime ab eo exquisitioris do-  
ctrinae copias expromi, ubi cum viro docto  
atque intelligentे agit; qualem quidem M.  
Valerium Messalam Corvinum fuisse, satis  
constat. Cf. de eo Cic. ep. ad Brut. 15. Virg.  
Catal. XI. Cir. 54. Tibull. IV. 1. Neque litera-  
rum solum, maxime poeseos atque philosophiae  
laude florebat eximia, sed et rebus pa-  
ce belloque (cf. Tib. I. 7. triumphum ejus Aqui-  
tanum celebrantem) egregie gestis amicitia-  
ni gratiamque Augusti promeruerat, idemque  
cum Octaviano Cos. fuerat a. U. DCCXXIII.  
Talis igitur tantusque vir quum coenam apud  
Horatium condixisset, poeta laetitiae sensum,  
quo penitus affectus erat, ita expromit, ut  
vetustum atque optimae notae Massicum suum  
in Messalae honorem de veterario descendere  
jubeat. Facta hac sententiarum conversione  
facile erat poetae, in vini laudes atque effe-  
cta (Messalae tamen habita ratione vv. 9. —  
16.) excurrere; super quibus satis jejunе intpp.  
argutari videoas. Ceterum, et orationis colo-  
rem et sententias plane graecas esse in hoc  
carmine, ad argumenti rationem aliquantu-  
lum inflexas, vix admonitione egere arbitror.*

A d n o t a t i o n e s.

v. 1. Miram venustatem habet conversa ad amphoram oratio, cui artificiose admodum reliquae deinceps sententiae accommodantur. *Testa* s. *amphora mecum*, eodem, quo ego, anno, L. *Manlio* Torquato, et L. *Aurelio Cotta Coss.* (est is DCLXXXIX. U. C.) *nata*, docte et ornate pro, quae vinum, istis Coss. natum, reconditum servas. Alii (tamquam *Cruquius* et *Gesnerus* adeo) testam natam proprie intelligent, formatam scilicet e terra sigilina, notatumque fuisse in amphoris contendunt annum, quo factae sint. Quod uti temere statui arbitror, ita amphorae aetatem, etiam si concedas, quod tamen falsissimum est, nova vina semper novis vasis fuisse condita, unde adeo eadem vini, quae amphorae, aetas exsisteret, nemo facile paullo subtilioris judicii a poeta in vini commendanda vetustate designatam exspectet, quum contra per vulgata res sit, vini aetatem Coss. quibus condebatur, nomine amphoris inscripto, notatam fuisse.  
— 2. Virtutes et effecta vini pro bibentium ingenis (*τῷ χρωμένῳ γὰρ τοῖς τρόποις κεράννυται οὐνος* juxta Chaerem. apud Stob. Flor. Grot. p. 849.) modoque in bibendo servato varia ac multiplicia suaviter poeta ita declarat, ut ea ipsa vino ingesta amphorae contenta (qua eadem imagine Macedon. XXI. 4. (Anal. Br. III. 117.) πίθον vocat λικαρῆς ἔνδον εὑφροσύνης) dicat. Non agnoscet igitur magnum Gesnerum, qui diversos vini effectus diversorum, quae deinceps amphorae indita fuerint, vinorum, unias adeo generis unum eundemque apud omnes effectum esse vult, ita quidem, ut amphora nunc vinum habuerit, quo in rixas homines incaluerint, nunc, quod jocos, nunc, quod somnum excitaverit, et sic porro; quae quam jejuna sit ratio, facile perspicitur. Sed incidit in hanc perversam opinionem Gesnerus τῷ seu-seu, quod neutiquam urgendum. Plures enim ideas, animo occurrentes, ita enuntiat poeta; V. e. c. I. 1. 21. *Testa* igitur *gerit*, continet *querelas*, quatenus vinum inde haustum homines *querulos* h. morosos, asperos; *jocos*, quatenus, modice potum, hilares, atque eos quidem, qui natura ad hilaritatem propensi sunt; *rixam* contra, magis iracundos, exasperatos, ad istum animi affectum natura proclives; *insanos amores*, amantes, ut amore insaniant; *somnum*, somnolentos denique reddit, nimis largiter hanstum nimia sui copia. Verbo igitur, vinum, praeter generalem ejus

vim narcoticam, affectus, ad quos quisque natura propendet, prodit, (nota Theognidis: ἀνδρὸς δ' οἶνος ἔδειξε νέον. cf. Athen. II. 2.) atque inflamat. Eadem fere enumeratione vini virtutes exhibet Evenus XV. (Anal. Br. I. 166. Βάκχου μέτρον ἄριστον, ὁ μὴ πολὺ, μήτ' ἐλάχιστον. ἔστι γαρ η λύπης αἵτιος η μανίης εἰ δὲ πολὺς πνεύσειν, ἀκέστρωται μὲν ἔρωτας, βαπτίζει δ' ὑπνῷ γείτονι τῷ θανάτῳ. Et Panyasis apud Stob. tit. XIX. p. 101. Grot. Οἶνος γὰρ πυρὶ ίσον ἐπικραυτοῖσιν ὄντειρας ἐσθλὸν, ἀλεξίσκον, πάσσος συνοπήδον ἀοιδῆς. Ἐν μὲν γὰρ θαλίης ιερὸν μέρος, ἀγλαΐης τε, ἐν δὲ χοροιτυκίης, ἐν δ' ἵμερτῆς φιλότητος, ἐν δὲ τε μέν δήρης (ita cum Wintert Poet. min. p. 459. legendū) καὶ δυσφροσύνης ἀλεγεινῆς, quem locum (collato Eubuli quem dedimus ad III. 19. 15.) Horatio obversatum fuisse vix dubitem. Cf. fragm. Hesiodi apud Wintert. p. 115. Eurip. Bacch. 279—83. Theogn. 871 sqq. — 3. Rixas de amantium jurgiis, inter vina obortis, intelligunt (nt I. 13. 11. cf. Propert. III. 6 init.) verbaque et insanos amores, explicative subjungi autumant; vix bene. Nam et τῷ seu nunc substituit poeta, et rixa proprie sumenda. Cf. 18. 8. Eurip. Cycl. 532. Πυγμᾶς ὁ κῶμος λοιδορὸν τ' ἔριν φιλεῖ. — *insanos* vel perpetuo vehementioris amoris epitheto (ita μαίνεσθαι et *insanire* saepissime poetis v. c. Theocr. II. 82. X. 31. Virg. Ecl. X. 22. Unde et Amor σωφροσύνης ὑβριστῆς φρενόκλωνος, ληστῆς λογισμοῦ Q. Maeccio IX. 3. (A. B. II. 238.) audit) vel quatenus vinum amorem insanum efficit, auget, inflamat. Achill. Tatius II. c. 3. p. 50. Ἔρως δὲ καὶ Διένυσος, δύο βιατοὶ θεοί, Ψυχὴν κατασχέντες ἐκμαίνοντιν εἰς ἀναισχυντιαν, ὁ μὲν καίων αὐτὴν τῷ συνήθει πυρὶ, ὁ δὲ τὸν οἶνον ὑπέκκενυμα φέρων. Οἶνος γάρ ἔρωτος τροφή. Suaviter hinc Ioni apud Stob. Flor. Grot. p. 449. vinum ἥδιστος πρόσωπος βαρυδόύπων ἔράτων audit. Adde Bacchyl. XI. 2. (Anal. Br. I. 151.) Κύπριδος ἐλπὶς αἰδούσει φρένας, ἀναμιγνυμέτια Διονυσίοισι δάροις. — somnum *facilem*, vel qui potentibus obrepit, eos opprimit; vel omnino mollem, jucundum. Hesiod. l. l. Οστρις ἄδην πίνει — φιλεῖ δὲ ἐ μαλακαὶς ὕπνος. — *Piam* vocat testam, respectu vi- ni, quod pium est erga cultores suos, operam sibi impensam large rémunerando. Sic arborem piam poeta recte dixerit, quae pro cultura fructus benigne præbet. Sed hoc forte subtilius atque longius petitum; igitur præstat h. l. accipere pro, quae ali- quid boni largitur, munifica, benigna; quod utique in genere de vino recte dici poterat, nulla abusus ejus ratione habita. Cf. I.

18. Atque ideo haud temere *interfacilem somnum* hoc epitheton interposuit poeta. Possit etiam testa respectu sui, pii quippe vatis vel, quae sacro, forte natali Corvini die ehibatur, pia adpellata videri; forte etiam graec. *isphv* (*vitem sacram* I. 18. 1) in animo habuit poeta.

v. 5. *Quocunque nomine Massicum servas*, docta brevitate pro, cujuscunque demum *nominis h. virtutis*, indolis sit, quaenamque demum vi polleat, quacunque potestate praeditum sit vinum hoc *Massicum*, quod *servas*, in te reconditum habes, sive quod querelas, sive jocos cet. excitet. Ita jam Acron expediebat hunc locum: „*quocunque nomine: ex omnibus supra dictis, sive ad jocos: sive ad querelas etc.*“ Plerique cum Schol. Cruq. explicant, cujuscunque Consulis nomen, seu Manlii, seu alterius, inscriptum geras, cujuscunque aetatis sis; insulsa post memoratum versu 1. Manlii consulatum dubitatione, ac sententia. Sed in hunc errorem prolapsi sunt prava verborum structura *quoc. nom lectum* jungendo: quum *lectum* (docte pro, conditum; nam uiae proprie leguntur) copia poetica τὸ *servas* adjunctum sit. Neque vero audiendi sunt, qui hos vini effectus cum respectu ad amphoram suam commemorari existimant, ita quidem, ut Horatius *Massicum* suum in convivis, quos habiturus esset, quorumque bene nosset ingenia, atque in hoc quidem querelas, in illo jocos etc. excitaturum praesentisceret, atque auguraretur; quod vanissimum atque satis indoctum commentum est. Loquitur enim poeta de testa sua tanquam de vino in genere; quod vv. 13 — 20. satis manifesto docent. — *digna certe es moveri*, graece, quae movearis, deripiaris ex horreo, s. veterario (ut V. 13. 6. *Tu vina Torquato move consule pressa meo*) et ob vetustatem vini (erat enim circiter XXXIII. annorum) et ob generis praestantiam (*Massicum*) die bono vel festo, numini cuiquam sacro, ut Plaut. in Poenulo: *die bono Aphrodisiis*, quem landat Neap. ad Ovid. Fast. I. 72. *Nunc dicenda bono sunt bona verba die;* vel quod malim, fausto, quo scilicet Messalam Corvinum convivam habeam. — 7. 8. *Descende promere*, graece prorsus, ut promas, reddas vina tibi indita; suaviter. *Descendere* autem jubet amphoram poeta, nou tam quod in superiori aedium parte reposita esset, quam quia parieti alte adelinata staret. Unde *deripere horreo amphoram* III. 28. 7. — *Corvino jubente, in honorem ejus; forte etiam hoc Messala,*

enim se convivam offerret Horatio, jocose pactus erat. — *languidiora*, vetustate mitigata, lenia (III. 29. 2.) cf. III. 16. 35.

v. 9. *Ille*, quamquam *madet*, penitus imbibit, imbutus est *sermonibus Socratis*, philosophia Socratica, te non negliget, haud aspernabitur te *horridus*, pro studiorum, quae tractat, severitate; ille, uteunque tristis atque austerus philosophus, te benignus habebit, commodum se tibi praebet. *Sermones Socratis* universe de philosophia posuit poeta, ut *Socraticam domum* I. 29. 14. Vide ibi Not. Si autem sermones proprie accipias, erit: quamquam sermonibus philosophicis abundat, nil nisi philosophiam crepat; quod quidem fere eodem redit. Plin. Epp. III. 12. *Veniam ad coenam: sed-sit expedita, sit parca:* Socratis tantum sermonibus abundet. Doce autem *Socratica* philosophia declaratur Messalae philosophandi disputandique ratio non spinosa illa atque maledica, quae Nostris temporibus grassatur, sed modesta, Atticique leporis salibus conspersa. *Sermo enim in quo Socrati maxime excellebant, lenis erat minimeque pertinax*, nec leporem excludebat, juxta Cic. Off. I. 37. — *madet*, praeceptis philosophicis pectus, iis refertum, locutione vel pedestribus scriptoribus familiari, qua docti cuiuspiam artis aut scientiae imbuti vel tincti eademi dicuntur exornati, ejusque aucta notio-ne. Sic Martial. I. 40. 3. Decianum *Cecropiae madidum Latiaeque Minervae artibus et VII. 96. 2. Theophilam Cecropio rore* (ita legerim pro, *Cecropia dote*) madentem, et eod. lib. c. 51. 5. Pompejum jure madentem vocat. Senec. ep. 36. *Perseveret* — perhibere *liberalia studia*, non illa, quibus perfundi satis est, sed haec, quibus tingendus est *animus*. *Horridum severioribus studiis, maxime philosophicis, proprium, ob rigidiora atque asperiora philosophorum vivendi praecepta*. Hermesianax apud Athen. XIII. 8. ἐποστοι συληφθεὶς βίον ἐστήσαντο ἀνθρώπων, σκολιὴν ματόμενοι σοφίην. Meleager XXXVII. 3. τὸ εἰς ὁφρύσι φρύγανα σκηντροφύρου σοφίας. Eodem sensu *hispidum Platona* vocat Sidon. c. IX. 233. *mitia contra studia poetica*. Markl. ad Stat. Silv. IV. 4. 49. — 11. 12. Etiam *Catonis virtus*, tristis illa gravitas ac severitas Catonis, gravissimus ille Cato saepe *mero caluit*, incaluit, θερμάνθη οὖν, ab adfecstu, pro, largiter sese vino ingurgitavit, majoribus poculis sese invitavit benignius. Sunt qui Catonem majorem s. censorium cum Scholl. intelligent, adferantque in hanc rem e Plutarchi Cat. Mai. (p. 351. E.) locum, qui tamē

nihil amplius docet, quam Catonem *ruri* subinde lautius coenasse, (*ἥν δὲ καὶ τὸ δεῖπνον αὐτῷ ἐν ἀγρῷ δαψιλέστερον*) reliqua enim, quae sequantur, καὶ συνδιῆγεν ἡλικῶς οὐ τοῖς καθ' ἡλικίαν μόνοις ἥδυς ὡς συγγενέσθαι, καὶ ποθεῖν, ἀλλὰ καὶ τοῖς νέοις, ad hilares ejus commodosque mores potius quam ad computationes referas. Praestat igitur ad Catonem Uticensem referre, quem satis constat provectione maxime aetate, vino plus justo indulsisse. At hoc Catonis junioris exemplum negent satis aptum esse h. l. partim quod notius ac recentius fuerit, de quo tamen poeta fando tantum (*narratur*) sibi constare dicat; partim, quod Messala parum honorifice cum illo Catone comparetur, qui et tempestiviora et liberiora convivia agitaverit, noctesque perpetuaverit; quod denique *priscus* satis dure atque insolenter dicatur is, qui severis moribus praeditus sit. Sed hoc paucis ita videbitur, quibus exquisitor hujus vocis vis ignota est. Ita vera Catull. LXIV. 159. *Sæva quod horrebas prisci præcepta parentis*, h. Aegei. Plura vid. ad V. 13. 5. adlata. Omnino autem quum Messalam poeta illustri aliquo exemplo commonefacere vellet, vel gravissimum virum haud dedecere liberiorem computationem; in promtu erat Cato noster, vir viui quidem adpetentior, idem tamen incredibili, quam natura habebat, quamque perpetua constantia corroboraverat, gravitate (sunt verba Cic. de Off. I. 31.) conspicuus; adeo quidem, ut hoc ebrietatis vitium in viva hac virtutum imagine excusatius haberetur, ac paene honesti nomen obtineret. Atque ita constanter loquuntur, sicubi mentionem istius rei faciunt, veteres scriptores. Seneca de Tranq. cap. extr. *Catoni ebrietas objecta est: facilis efficiet, quisquis objecerit, hoc crimen honestum, quam turpem Catonem.* Caesarem quoque Catonem ob hoc ita reprehendisse, ut laudaret, tradit Plin. Epp. III. 12. quem locum omnino vide sis. Adde Martial. II. 89. *Quod nimio gaudes nostrum producere vino; ignosco: vitium, Gaure, Catonis habes.*

v. 13 sqq. A Catone facilis ac plane naturalis transitus erat ad effecta vini in viris sese prudentia, qui Catoni sunt simillimi, h. vel natura graves atque severi, vel continuo rerum abstrusarum studio ad gravitatem compositi, h. philosophi, qualem Messalam fuisse vel e v. 8. nostri carminis abunde constat. Adpositum igitur est, quod hoc potissimum nomine poeta vini virtutes praedicat. *Vinum tormenta admovet, quibus expugnet ingenium durum, animi duritiem, severitatem, morositatem; per conse-*

quens igitur: vinum expugnat, vincit animi gravitatem, exhilarat tristem ac morosum natura animum. Doctrinam poetae in enuntiis, hac sententia facile observes. Scilicet pectus, quod hilariat: omnem aditum praecludit, munitum quasi atque obseptum est pertinaci gravitate, atque austeritate; violentia igitur opus est, qua ista expugnetur vincaturque: vinciter autem plerumque (cum verbo enim hoc adv. jungendum) *admotis vini tormentis* seu machinis, *lenibus illis ac blandis*, quae, et si efficacissima, blanda tamen vi sese pectori insinuant, illudque profligata gravitate, laetum, hilare ac jocosum reddunt. Geminus huic plane locus est III. 28. 4. *Prome reconditum*, *Lyde strema*, *Caecubum*, *munitaeque adhibe vim sapientiae*, ad quem vide quae adnotavimus. Quod si vero tormenta cum quibusdam explices βασάνοις, admoveri ea h. l. a poeta cogitanda ad duri ingenii frangendam pertinaciam (nam hoc fere istis volunt effici) non autem, quod intpp. volunt, ad explorandos tentandosque animos; quae quidem sententia ab h. l. plane aliena est. Utramvis autem rationem amplectari, idem sensus erit. Ceterum novam h.v. explicandi viam ingressus est Bentlejus, poetas respici existimans, quorum ingenium durum plerumque et siccum, ubi liberiore vino immaduerit, facile, fluens, copiosum fiat; minus adposito ad sententiarum nexum; ut taceam, injurium esse Bentlejum in poetas, quos sic aridae plerumque et difficilis venae, non εὐερτικούς, non pollentes inventione et copia dicat; et, si poetarum testimoniis, quod facit, pugnare licet, *vinum ingenium offuscare* itidem evincam Eubuli vv. apud Stob. Flor. Grot. p. 658. (coll. Athen. II. p. 43. F.) ὁ μὲν οἶνος ἡμῖν τὸ φρεσεῖν ἐπιακοτῆ, νῦν δὲ τούς πινοντας εὐερτικούς ποιεῖ. — *Lene*, virtutis lenitiae, emollientis, suaviter adjectum *tormentum*, eleganterque oppositum *duro* ingenio, quasi duritia lenitate vincatur. Comparant intpp. Bacchylidea apud. Br. Anal. I. p. 151. γλυκεῖ ἀνάγκα σενομένα κυλίων θάλπησι θυμόν. *Dulce tormentum* itidem pulchre Voconii παιδάριον vocat Martial. VII. 29. 1. — *ingenium durum*, de animi natura difficulti, morosa, ut apud Terent. Phorm. III. 2. 12. et alios. — 14. *Tu retegis, recludis*, in medium profers *curas sapientium*, φιλοσόφων μελετᾶς, quidquid acerrima meditatione extuderunt, nova ipsorum de rebus divinis humanisque dogmata; tu disertos facis philosophos, tua ope philosophorum nodosae quaestiones ac disputationes existunt faciles, dilucidae et copio-

sae. — *consilia*, βουλεύματα, h. διανοήματα, decreta, placita philesophorum. Hoc enim sensu βουλεύεται, et βούλευμα Platonis et aliis adhibetur. *Arcana* dicuntur, quatenus vino demum reteguntur atque explicantur; ornat adeo simpliciter. Ad sententiam poetae egregie facit Chaeremon apud Grot. Excerpt. p. 849. τοῖς χρωμένοις (οῖνος) παρασκευάζεται χέλωτα, σφίλαν, εὔμαθίαν, εὐβούλιαν, et Theopomp. apud. eund. p. 555. ἐ τρύξ ἄριστόν ἔστιν εἰς εὐβούλιαν. — *jocoso Lyaeo*, ope vini, ad lusus ac jocos provocantis. Ceterum insulsas Intpp. super his vv. alucionates tricasque referre atque exagitare nec vacat, nec lubet.


v. 17. Nunc demum poeta, liberiorem campum nactus, laudes vini generatim exponit, ad quas superioribus vv. prono quasi ilveo deducebatur. Comparandum in primis cum h. I. Diphili fragm. ab Athen. II. 1. servatum: ὁ πᾶσι τοῖς φρονοῦσι προσφιλέστατε, Διόνυσος, καὶ σοφώτερ', ὡς ἡδὺς τις εἴ, ὅταν ταπεινόν μέγα φρονεῖν ποτεῖς μόνος, τὸν τὰς ὄφρυς αἴροντα συμπειθεῖς γελῶν, τὸν τ' ἀσθενῆ τολμᾶν τι, τὸν δειλὸν Θρασύν. Cf. I. 18. init. Epp. I. 5. 16 sqq. — 17. *spem reducis*, sperare iterum jubes mentes anxias, sollicitos, melioris sortis spe erigis addicts. *Spes jubet esse ratas* Noster Ep. laud. v. 17. et IV. 12. 19. *Spes donare novas largus*, — 18. *reducis*, reparas, *vires*, ἀνδρὶ δὲ κεκμηῶτι μένος μέγα οἶνος ἀείξει. Homer. Il. §. 261. quem locum respexit Macedonius c. XX. (Anal. Br. III. 116.) μένος μερόκων οἶνον Ὄμηρος ἔφη. — *addis cornua*, das animos, spiritus, pauperi, humili, proverbiali locutione, qua et Ovidius usus est A. A. I. 238. *Tunc veniunt risus*; tunc pauper cornua sumit: *tunc dolor et curae, rugaque frontis abit*. Scilicet κέρατα ἔχειν cf. Diogenian. Prov. cent. VII. 89.) dicuntur audaces ac fortes. Unde explicandus Ovidii locus Amor. III. 11. 5. *domitum pedibus calcamus Amorem, venerunt capitii cornua sera meo*. Οἶνος, inde dictus Ioni apud Athen. II. 1. ἀεροπνούσος, et Antiphani apud Grot. Excerpt. p. 601. στρατηγὸς, ὃς μόνος θυητοῖς ἄγει τόλμαν. — 19. 20. Adeo quidem, ut ne potentissimorum quidem hominum iram ac minas *tremat*, metuat *post te*, vino tuo hausto. (ut *post vina* I. 18. 5.) Jam potentissimos designat poeta per Parthorum s. omnino Orientis reges, quos tiaram, s. diadema apice munitum imperii habuisse insignes satis notum est. Cf. I. 34. 14. Tum pro: non tremit reges, magis ἐραργῶς est, *regum apices*, majestatem, potentiam regum, idque, quo audaciae notio mire exaggeratur, iratotum; pro quo

docte ipsi apices irati dicuntur. Paullo aliter sententiam extulit Bacchyl. XI. 9. (Anal. Br. I. 151.) *πῶσι δ' ἀνθράκοις μοναρχήσειν δοκεῖ.* — neque horret *arma enes militum* in se strictos, audacter pugnat; *in proelia trudit inertem* Noster Ep. I. 1. Macedon. XXI. 5. (Anal. Br. III. 117.) re in majus aucta: *αὐτίκα δ' ἡμετέροιο πτών κρητῆρα Λυκίου παῖσι καναστραιοῖς μαρνάμεναι ἐθέλω.* Οὐ τρομέω δὲ θάλασσαν ἀμείλιχον, οὐδὲ κεραυνούς, πιστὸν ἀταρβήτου θάρσος ἔχων Βρομίου.

v. 21. Tecum suaviter noctem traducemus, servata orationis conversione, pro, per totam noctem potahimus. Exquisite invertit atque exornavit istam sententiam poeta. Proprium ac vulgare erat: Convivium vino, risu, jocis in serum noctis producetur (uti plane effert Liv. XXXIII. 48.): pro hoc doctius est, vinum s. amphora producit, extendit noctem, quae continuatur per noctem. Quae forma est in Prop. IV. 6. 85. loco Nostri simillimo: *Sic noctem paterā, sic ducam carmine, donec injiciat radios in mea vina dies.* Martial. II. 89. 1. nimio gaudes noctem producere vino: et Val. Fl. I. 278. *Thracius hic noctem dulci testudine vates extrahit.* Tum inversa ratione nox (pro qua h. l. lucernae sunt) et quae inter potandum excitantur, amores, joci, decentior hilaritas (quae docte ad *Liberum*, *Venerem*, et *Gratias* refert poeta) amphoram h. l. producere dicitur. — *laeta, benevolia, propitia.* Vid. ad I. 2. 4. 6. Adde luculentum Theocriti locum VII. 156. prave, ut multa istius poetae, intellectum, ἀ δὲ γελασσαὶ, h. laeta, propitia sit, δράγματα καὶ μάκωνας ἐν ἀμφοτέροις ἔχοισα, Ceres. — 22. *segnes solvere*, graece, ad solvendum, quae difficerter, omnino non solvunt *nodum*, nexum, mutuo amplexu haud divelluntur, *Χάριτες συζυγίαι*, Eurip. Hippol. 1147. Miserrime super hac συζυγίᾳ, convivis adcommmodanda, argutari quosdam cum Baxtero video. — 23. *Lucernarum* in conviviis nocturnis solennis mentio. Vid. I. 27. 6. III. 8. 14. — *vivae*, lucentes, λύχνος φιλάγρων Meleag. LXVI. A. Br. I. 20. Contra occidentes lucernae Petron. c. XXII. — 24. usque ad solis ortum. Jon. Chius apud Schol. Aristoph. *Εἰρήνη* 835. forte in eadem re: 'Αστον ἡεροφοίτων ἀστέρα μείνωμεν, ἀστίον λευκοπτέρυγα πρέδροιον.



## ARGUMENTUM XXII.



*N*e nugas antiquas, quas bene multas super consilio poetae consecrationisqne causa effusiere interpres, referendo novis hoc epigrammatum nugamentis implicem, (quod bono Iano accidisse existimo, in felici amicæ Horatii puerperio adnuntiato hoc carmen effusum statuenti) satis sit monere, poetam in graeco aliquo epigrammate, quod nativa venustate ipsi præplacuisse, vertendo lusisse, cum eoque certasse videri. Neque temere hoc statui, facile largientur ii, qui multa adhuc hujus generis epigrammata in Anthologiis graecis exstare meminerint. Invocationem numinis sequitur consecratio, per vulgato more:

## Annotations.

v. 1. De invocatione munera que Dianae propriorum ad pri scorum hymnorum modulum facta enarratione vid. Argum. c. X. *Montium custos nemorumque, ή κατέχεις ὄρέων δρυμούς, ἐλυφηβόλε, σεμνὴ in Orphicis in Dian.* 35. 10. Declaratur Diana venatrix, οὐρασίφοιτος, ἀγροτέρη; res nota; vid. ad I. 21. 5. Adde Carm. Sec. 1. — Virgo; παρθένος simpliciter dicta Diana, ob perpetuam ipsi a Iove concessam παρθενίην; vid. I. 12. 22. et Hom. H. in Ven. init. — 2. 3. Iithyia. *Audis, exaudis* (v. ad I. 2. 27.) praesto es vocata, precibus, ut ad sis, implorata, accessita de praesenti Deae auxilio cape. Noster V. 5. 5. si vocata partibus *Lucina veris adfuit*. Theoct. XVII. 60. ἐντο γὰρ Εἰλείθυιαν ἐβώσατο λυσίζων Ἀντιγονας, Θυγάτης Βεβαρημένης ὠδίνεσσιν. Η δέ οἱ εὖ μενέοντα παριστάτο, καδδ' ςρα πάτον να δυνιαν κατέχεντε μελῶν Callim. H. in Del. 132. κάλει μόνον Εἰλείθυισσαν, et H. in Dian 21. ὀξείσιν ίπ' ὠδίνεσσι γυναῖκες τειρόμεναι καλέουσι βοηθόν. Ipsa enim manum obstetriciam partarentibus praestare credita. Minus igitur adcarate vocata pro invocata ca-

piunt nonnulli. *Ter* cuius opem puellae iterum iteramque, h. enixe exposcunt, ingravesceribus partus doloribus. Mire arguantur intpp. super hoc ternario numero. — *laborantes utero μογοστούσας*, partus doloribus correptas. Ovid. Amor. II. 13. 18. *Tuque laborantes utero miserata puellas*, — *lenis ades, precibusque meis fate, Ilithyia.* Unde ipsa dicta *μογοστόκος*, veluti Theocr. XXVII. 29. *puellas*, nuptas, κουριδίας ἀλόχους; note loquendi usu. — *adimis leto*, morti eripis, e praesentissimo vitae discrimine incolumes praestas; unde eadem Dea dicta σώτειρα, *opifera* cet. — *Diva triformis τρίμορφος* (Lycophr. 1176.) *tergmina* (Virg. Aen. IV. 5. 11). qua imagine varias ac diversas ejusdem numinis potestates ac vires per naturam diditas, diversisque anni temporibus proditas priscus Orphicorum sermo complectebatur. Splendide hanc Hecates potentiam descriptam vide apud Hesiod. Theog. 411. sqq.

v. 5. *Tua, sacra tibi esto pinus, villa mae imminens, adstans; sed alterum praeclare de procera arbore.* Argutantur intpp. in consilio poetae, quod pinum Dianae consecret, causamque vel ab Iside vel a Cybele, quas easdem cum Diana inepte statuant, quibusque pinus sacra fuerit, arcessunt. Si omnino ratio reddi debeat, equidem eam a Diana *nemorum custode* v. 1. repetierim. — 6. *Consecrationi sacrum votivum subjicit poeta, verrem quotannis sub ista pinu immolandum.* — *per exactos annos*, finito, quovis anno, quotannis. — *laetus, libens, e voven- di formula.* Virg. Aen. VIII. 268. *Ex illo celebratus honos, laeti- que minores servaveri diem et mox 279. omnes in mensam lae- ti libant divosque precantur; et saepius alibi.* — *quam verris sanguinem donem, subter quam verrem immolabo, nihil amplius.* De adsuso radici pinus sanguine cogitant; temere, arbitror. — *obliquum meditantis ictum, exquisite pro annui; plane ut III. 13. 4. Cui frons turgida cornibus primis — proelia destinat* Hesiodeo ornatu, Scut Herc. 386. οῖος δὲν βῆσσος ὄρεος χαλεπὸς προιδέσθαι κάπρος χαυλιόδων φρονεῖτι Θυμῷ θυαχίσασθαι ἀνδράσι θηρευτῆσι, θάγει δὲ τε λευκὸν ὁδίντα δοχμωθεῖσ. *Ictum obliquum med. oblique ictus spargere gestit, δοχμὸς ἀσσεῖ* (Homer II. XII. 148) *in latus iras frangit* (Stat. Theb. VIII. 535.) e natura aprorum.



## ARGUMENTUM XXIII.



*Optime eos statuere arbitror, qui poetam  
graeco quopiam, ut ita dicam, fonte prolu-  
tum ad tractandum hoc argumentum acces-  
sisse existimant. Egregie tamen illud intex-  
tis Romanis ideis ita exornavit nobilitavit  
que Horatius, ut admodum exiguum inventio-  
nis laudem poetae graeco reliquerit. Corri-  
git hoc carmine poeta meticulosam rusticarum  
mulierum, quae sacra in agris procurarent,  
religionem, quotidianis sacrificiis, iisque pro-  
fultate laetioribus, Deorum pacem expo-  
scientium, monetque exiguis donis, novilunii  
diebus oblatis, agrorum ubertatem gregumque  
fecunditatem abunde a Diis posse redimi. Inde  
defertur ad auream sententiam: Deos non tam  
sacrificii sumtus, quam pium offerentis ani-  
mum spectare. Mirificum hoc carmen lenoci-  
nium habet a sententiarum veritate atque sim-  
plicitate, orationisque quaesita quidem, non  
adfectata tamen, elegantia. Si risum quaeris,  
adfatim tibi propinabunt intpp. super hujus  
carminis consilio argutiae.*

## Adnotationes.

v. 1 — 4. Egregie exornatur vulgaris sententia: Satis propi-  
tios tibi Deos reddideris, si tenui sacrificio, at pia puraque men-  
te oblato, eos venereris. *Si tuleris, sustuleris coelo, ad coelum,*  
*manus supinas, vrtias.* (ὑπερισπευτα κειρῶν Aeschyl. Prom. V. 1004.  
docte comparat Boettig.) expansis palmis; qui solennis olim pre-  
cantium habitus erat. Nota Homericā, χεῖρας ἀνασχεῖν, χεῖρ' ἐρέ-  
γειν eis οὐρανόν. Vide Lanbin. et Torr. Adde Aristaenēt. II. 2.  
Φοῦ προσαγατείνειν τὰ χεῖρες. — *Luna nascente, nova, novilunii*

die, quem sacrum habebat agrestis superstitione. Adpositus est Catonis locus, quem laudat Torrent. de R. R. 143. *Kalendis — coronum in focum indat; per eosdemque dies Lari familiari pro copia supplicet.* Nam ad Kalendas veterum more nascentem Lunam referri debere, etsi Horatii tempore anni Juliani cursus receptus esset, bene idem Torr. monet, unde *menstruatura, antiquo Lari reddita vocat Tib. I. 3. 34.* De re etiam Aeron ad h. l. „*Solent rusticæ mulieres in initio primæ lunae preces coelo effundere.*“ cuius superstitionis causa a vi, quam lunae in rerum e terra provenientium uberatem adsignarent, reportenda videtur. Dicta inde σελιάνη αντίστροφα, φερίζεται Orph. H. VIII. 5. — 3. *placaris*, sacrum feceris, neto loquendi usu. — *horna*, ἄρνις, hornotina *fruge*, frugum primiis, diis agrestibus offerri solitis; quibus *Lares* villaticos accensendos esse, dubitari nequit. — *Porei* Laribus immolandi frequens mentio apud veteres. Tibull. I. 10. 26. *Hostia erit plena rustica porcus hara.* Noster II. 3. 165. Unde Lares domesticos *grundules* dictos censem Arnob. I. 19. — *avida* e natura animalis. Ovid. Fast. I. 349. *Prima Ceres avidae gavisa est sanguine porcae.*

5 — 8. Docte enumerat mala atque calamitates, quae ita facile propulsentur. Nam precum formula tam augendae rei quam avertendae calamitatis rationem habebat; qualis exstat apud Caton. c. 141. *Te precor. ut tu morbos, riduertatem vastitudinemque, calamitates, intemperiasque prohibessis, defendas, overrunnesque; utique tu fruges, frumenta, vineta, virgultaque grandire, beneque evenire sinas.* — *Fecunda vitis non sentiet Africum pest.* concisa brevitate pro, vinea fecunda erit, latus vi- tium proventus erit, nulla ab Africo peste s. noxa illata. Africus s. Auster cum omnino nocens (II. 14. 15.) tum maxime vitis infestus. Pallad. II. 13. *Plagam coeli spectare debet locis frigidis meridianam, calidis septentrionalem, tepidis orientem; si tamen Austros vel Euros regio non habeat inimicos.* — *sentiet, experietur, adjecta damni notione, ut III. 27. 22. IV. 4. 25. et IV. 6. 3. et saepius alibi.* — 6. *Nec robigo segetem sterilem, in fecundam reddet, laedet.* Unum genus sterilitatis posuit, tunc quam poeta. De rubigine docte dispicit Boettig. ad h. l. quem vide. Fiebant deae Rubigini sacra, ne virides herbas torreret. Colum. X. 342. Etiam ad grandinem avertendam Senec. Qua. N. IV. 6. 7. Exquisite ipsa rubigo *sterilis* dicitur, quae segetem ita.

rilem facit. — *aut variat rō nec*, quod bis posuerat poeta, mōrā Nostro familiari. — *dulces alumni*, hoedi et agnī, cum delectu (v. ad III. 18. 3.) pro universis gregib⁹. Cato I. l. *pastores per cuaque salva servassis*. Fetura enim auctumni tempore morbis maxime obnoxia. Cf. I. 17. 4. *dulces* tenelli perpetuo epitheto (Lucret. II. 1158. *Ipsa dedit dulces fetus et pabula laeta*. Virg. Ge. III. 178. *dulces nati*, de vitulis) juventae proprio, Cf. I. 16. 23. Alii vernalis, *Op̄eratōis*, intelligunt, quibuscom ludant domini, unde *dulces*; minus adcommodate ad reliqua. Vide omnino ad III. 18. 4. — 8. *tempus grave*, nocivum, insalubre, propter pluviās, ventos (I. 17. 4.) h. Austrum (*per auctumnos corporibus metuendum* II. 14. 16.). Similiter *graves auras* dixit Ovid. Met. VII. 557. *gravem Auctumnum Noster Serm.* II. 6. 19. *grave coelum* Sueton. Tib. 36. — *pomifero anno* exquisitoris struēta pro anni h. partis anni, *pomiferi Auctumni*.

v. 9. Pro copia enim (ut Cato I. l. ait) si supplices, abunde Diis satisfactum erit. Aliter habet, in sacrificiis publicis a Pontifice pro universi populi salute parandis. Sententiam hanc ita inversam: lauiores victimas pontifex mactabit, vide quomodo exornarit poeta. *Victima*, pecora, Diis devota, destinata (*aris servata* ut Virg. Ge. III. 159.), *que pascuntur saginantur in Algidō*, Latii monte nivali, praealto, ac saltuoso; *inter querens et ilices docte porcos sacres* (uti Plautus eos indigitat Menaechm. II. 2. 16. cf. Varro II. 1. 20.) et *Albanas herbæ*, pascua circa Albam longam (*finitima herba* eadem forte innuit Juven. XII. 12.) *boreas spinos* designant. — *crescit*, nutritur, adolescit. In Italicas aliquando pastos fuisse cogas ex Ovid. ex P. IV. 8. 39. *Agnaque tam lacteis* (in privato sacro) *quam gramine pasta Falisco* *victima* (in publico sacrificio) *Tarpejos inficit icta focos*. — 12. 13. Istam convenit *tingere*, madefacere *cervice*, sanguine e cervice ebulliente, *secures pontif. h.* a pontificibus mactari. Eadem ornatus ratio in Propert. IV. 1. 111. *Idem Agamemnoniae ferrum cervice puellæ tinxit*; et in Inscriptione apud Gruter. p. 95. Inser. IV. *Lampsacios melior non imbuet hostia cultros*, *quam veniet nostru victimæ caesa manu*. Adde Carpurn. Ecl. V. 27. Vulgariorem ornatum, aram victimæ sanguine tingere adhibuit Catull. XIX. 16. et Virg. Ecl. I. 8. qui primum occurrit apud Enriq. Iphig. T. 40. *Ἐνθά κούρα διατίγγει βουοῖς*.

v. 13. Observa doctemduarum sententiārum complexionem,

Ita disjungendam: *Nihil attinet, οὐδέν προσήκει, nihil necesse est,* minime consentaneum est, te istos imitari: satis erit, abunde Deos venerata eris, corona ipsis oblata. *Tentare quaesite pro,* placare, propitiis tibi reddere velle, *multa caede bidentium,* doce pro, multarum ovium caede, multas oves immolando. — *coronantem,* dommodo corones deos parvos, exigua Larium simulacra, *s. rto e rore m. et myrto plexo;* ex more. Plaut. Aulul. II. 8. 14. *Nunc tusculum cni et hasce coronas floreas,* haec imponentur in foco nostro Lari. Cf. ejusd. Com. prol. 24. Juvenal. IX. 137. colore e Nostro ducto: *O parvi nostrique Lares, quos ture minuto, aut farre, et tenui soleo exorare corona.* Adde ejusd. XII. 87, sqq. Absolvi autem corona oblata sacrificium putandum; quod prave alii de adparatu ejus interpretantur. Vulgarē ac simplicem coronam arguunt *ros marinus, λιβανωτής,* et *myrtus fragilis,* (ut *fragilis cera* Juven. XII. 88.) adeoque tenera, coronis nectendis aptissima. Aliter *fragiles laurus* appellat Virg. Ecl. VIII. 82.

v 17 — 20. Sententia satis expedita, atque ab Ovid. ex Pont. IV. 8. 39. 40. eleganter ita expressa; *Nec, quae de parva Dīs pauper libat acerra, tura minus, grandi quam data lance, valent,* Diis piā mentem magis quam sacrificioram sumtus respicientibus; sed impeditior ejus enuntiatio. Dnas fere conciliandorum inter se verborum rationes iniri videoas. Altera, quam melioris notae intpp. sequuntur, est: Si pia mente Deos veneraris, *sumtuosa hostia* (in recto casu) sacrificium sumtuosum non blandius, non magis mollivit, mollire solet (*ἀπίστως*) placat *Penates aversos,* iratos, ad reconciliandam eorum gratiam valet, quam *fur pīum et mīca sc. salis,* h. mola salsa, tenuissimum sacrificium. Haec quidem simplicior ratio, Horatio hāud omnino indigna. Doctior tamen ac quaesitior haec altera: manū, si, quae immunis sc. a scelere, *καθαρὰ, aram tangit,* Deos veneratura, illa non blandior mollivit, exquisite pro, non magis emollit, propitiis reddit *Penates av. sumtuosā īostīl,* si sumtuosum offerat sacrum, quam *farrē cet.* si tenue; quod docta inversione, ad Phidylez animum, huic superstitioni adligatum, adcommodata, est pro: manus pii hominis, aeque mola salsa ac lautiore sacrificio lītat, mentem param adferas necesse est, si sacrum qualecunque Diis gratum esse cupis. Sed duram durioris ingeniū homines istam rationem crepant, quod nullas video; certe

futilia ac nullius plane momenti sunt, quae ei opponuntur. In altera contra ratione horridi quid, ex meo quidem sensu, atque ambigui inest. Nam si sumtuosa hostia pro subjecto, ut Grammatici loquuntur, habetur, poeta haecce voluisse videri possit, sumtuosam hostiam deos quidem placare posse (qualicunque manu oblatam) idem tamen dii hominis tenue sacrum efficere, quod contra poetae et vett. γνώμην est. Philem. III. 1. (Gnom. Br. p. 194.) εἰ τις δὲ θυσίαν προσφέρων, ταῦτα γε πλῆθος ἢ ἐρίφων, — — εὔνουν νομίζει τὸν θεόν καθιστάντι, πεπλάνητ' ἔκεινος. — — θεῶν δὲ θύει διὰ τέλους δίκαιος ἄν, μὴ λαμπρὸς ὡν ταῦτα χλαμύσιν ὑπὸ τῷ καρδίᾳ. Cf. Eurip. in Danae, apud Steb. Grot. p. 391. *Immunem manum esse ἀγνήν*, puram, docet contextus ratio. Bentl. tamen manum vacuam intelligit, accepto insuper *si pro etsi*. *Far pium*, pio animo oblatum et salis *mica saliens* in igne, crepitans. Tibull. III. 4. 10. *Farre pio placant et saliente sale*. Ad sertentiam idem IV. 1. 14. 15. *Parvaque Coelestes placavit mica; nec illis semper inaurato taurus cadit hostia cornu*. Cf. Ovid. II. Trist, 75.



## ARGUMENTUM XXIV.



*Nobilissimo incensus adfectu poeta insectatur hoc carmine luxum seculi sui perditissimum, et, quae inde necessario exsistit, avaritiam, omnium scelerum ac maleficiarum matrem fecundissimam, pestemque reipublicae teterrimam. Quae mala, in summum aliquando discriminem civitatem adductura, ut ab ea prohibeantur, scelerum licentiam severissime vindicandam. scelerumque causas, luxum et habendi cupiditatem, tollendas atque extirrandas esse graviter monet. Ut autem pauperati honos suus reddatur, sieque virtuti ite-*

*rum locus pateat, hoc ita denum effici posse contendit, si prava animis eximatur opinio, doceaturque, divitias neminem beatum efficer, continentiam contra atque frugalitatem maximum ad vitam bene beateque agendam momentum esse; id quod Scytharum Getarumque exemplo poeta ostendit. Excellit hoc carmen sententiarum sublimium ubertate, eloquutionis dignitate ac vi, numerorumque delecta gravitate. Ediscant illud juvenes, quibus est incoctum generoso pectus honesto.*

### Annotationes.

v. 1—8. Ii, qui beati vulgo censentur, haud immunes sunt a fatali moriendi necessitate, maximeque mortis metu anguntur. Vulgarem hanc, Nostroque saepius (v. c. I. 4. 13. II. 18. 17 sqq. III. 1. 9. sqq.) tractatam sententiam vide, quibus coloribus adumbravit hoc loco, nobilitaveritque felix Horatiani ingenii ubertas! Primum felicitatis, quam quidem vulgus adpellat, notionem uno ejus genere descriptam exhibet, idque divitiarum possessione amplissima; tum has speciatim sensu Romano, h. ab ea parte declarat, qua eas potissimum perditissimus Romanorum luxus ostenderet, atque profunderet, in quo quidem *τρέψεια* est; denique miram sententiae *δινόρητς* adjicit poeta, oratione ad profligatae hujus luxuriae hominem conversa, fere ut II. 18. 17. Jam generalis sententia: utcunque divitiis abundes, licet ditissimis sis, vividior sub sensu cadit, per comparationem exposita: licet *opulentior sis thesauris Ar.*, quod ornate et docte dictum pro, licet opes Arabum thesauris majores teneas, divitiis Arabas antecellas. De *beatibus Arabum gazis* v. ad I. 29. 1. — *intactis*, *integris*, quos nondum hostilis manus attigit, expilavit; auget igitur opulentiae notionem. Nota autem satis Romanorum Arabiae felicis potiundae atque exspoliandae, quamquam parum felicem successu facta, tentamina (v. Argum. Carm. 29. L. I.); unde ipsa *Arabia intacta* audit Propert. II. 8. 20. — India divitiis suis, quaestuosisima pretiosarum mercium exportatione compa-

ratis, ariquie venis istidem celebratissima. — 3. Licet *Tyrrhenum omne*, mare inferum, quam longe Italiam alluit, et *Apulicum*, superum, *caementis*, insanis subtractionibus, quibus villas magnificas inaedifices, *occupes*; omnino pro, licet utramque, quam longe protenditur, Italiae oram praetexas villis tuis. De qua Romanorum insania vid. ad II. 18. 20. III. 1. 33. *Occupatur* mare villis, in quo primum eae exstruuntur, proprie igitur accipendum h. l. Mare Hadriaticum poeta *Apulicum* dixit, quod Apuliam attingit; omnino ad totam superam Italiae oram spectat; siquidem Tyrrheno oppositum. — 5 — 8. Apodosis: tamen, si fatalis hora instat, si fatum jubet, nihil est, quod te a morte liberet. Docle et antiquo sermone hoc extulit poeta. Fatum h. l. est *Necessitas* Ἀνάγκη, Μοῖρα, quatenus omnia ei subjecta sunt, nemo illud effugere potest. Declarandae hujus potentiae atque immutabilitatis causa tribuuntur ei *clavi*, firmitatis ac violentiae symbola, (vid. ad I. 35. 18.) idque adamantini, durissimae materiae. Ita ἀφυκτα μῆδεα παντοδαπαν βουλῶν ἀδαμαντίνας κερατίσιν Αἴσα ὑφαίνεσθαι dicta Sophocli in fr. Phaedr. apud Stob. Flor. Grot. p. 133. et Necessitatis ἡλεκτρη τε καὶ τὸ αριστορού εἴδος μέντος apud Platon. de Rep. X. p. 762. E. Jam qui Necessitatis s. Fati violentiam experitur, in quo viam suam exserit, hunc, servata, animataque symbolica ratione, *clavis* adigit, his fixum tenet, ut ne elabi queat, idque *summis verticibus*, in summō vertice eos defigendo. *Alligandi* igitur notio primaria atque unica subest huic imagini, qua quidem τὸ ἄφυτον, fatum inevitabile designatur. Ita ἐνδεδέοθαι ἀνάγκη vel Herod. I. XI. quo etiam spectant Homericā: Ζεὺς μὲν μέγα Κρονίδης ἄργε στρέψει δημητρίη. II. 1. 18. Unde et δεσμούς ἀφύπτους ἀνάγκη tribuit Eurip. Alc. 937. et ζεύς μητρα. Idem Iphig. A. 443. De effectu autem, quem clavus per caput adactus producat, poetam nec cogitasse, nec cogitare potuisse h. l., quum Necessitatē a morte diversam inducat, quis non videt? Plurimi tamen intpp. immemores prorsas symbolicae rationis, prisciique sermonis indolis, foeda scilicet rei imagine, carnificinaque, licet Romanis plane incognita, offensi in alia omnia, quantumvis absonta, longeque petita, discedunt, quibus rem ad sensus quidem suos atrociissimam lenire student. Dace. *vertices* interpretatur culmina villarum similes, (e. v. 3. 4.) quas cum adeat Necessitas, clavosque inibi desigat, eaturem dominum metu ac morte corripi; quod insalsum phantasma

idem satis èommodum atque praeclarum censem. Languida atque obscura Benileji ratio est, summos vertices de clavorum capitibus accipientis, omissa plane re, cui insigantur. Alii in iisdem cogitant res excelsas, earum culmina s. apices, quibus fortuna magna et excelsa declaretur. Speciosum sane hoc. Enimvero, si pensiculatius exequias, imaginem inde vagam, nullique plane rei adstrictam prodire videas, quam tamen certam specialibus quippe coloribus abumbratam, dedit Horatius. Quodsi generatim disisset, Necessitatem excelsa quaevis domare, sibi subjicere, sane, quod displicere posset, non esset. Sed clavis agit hoc loco; res adeo cogitare necesse est, sensibus subjectas; unde magnam fortunam, remota translatione, haud intelligi posse, facile patet. Fac vero vertices sint excelsa montium, domuum, quibus fortuna splendida significetur: montium sane aut dominum. Necessit. clavis adactarem imago nescio quid monstrialit, alligandi vincendiique, quae symbolicae huic actioni subest, notione plane ita neglecta, ac déperdita, et omnino sententia, quam volunt esse hanc: siquidem s. quam (ita enim si accipiunt) neque splendidissima fortuna a Fati potentia immunis sit, parum commode collata atque adnexa videtur. Ceteruni πηκτήν ἀράγεν Orphei H. XXXVIII. 10. hic vocabat Gesr. nescio quam bene. Rectius hic trahas σφυρηλάτον Ἀράγεν Pind. in fragm. p. 94. — 7. 8. Mortem habet effugies. Metum instantis mortis h. l. intellige, non generatim, curas, tristitiam, ut fere volunt. Laqueis retibus, Mors implicat homines, satis antiqua notione. Apollon. Rh. I. 1035. τὸν (μοῖραν) γέρης θεοίς οὐσιοῖς ἀλύξαι θυντοῖσι· πάντη δὲ περὶ μέγα πέπταται ἐρχοσ. Stat. Silv. V. 155. furvae miseram circum undique Leti vallavere plagae. Qto quidem segmento itidem τὸ ἄφυτον atque ἀλυτὸν designatur. Unde et τὴν Δίην λαρυννούσης τριbuuntur, veluti Aeschyl. Agam. 1622. vid. Valken. ad Herod. p. 545.

v. 9 sqq. Quid? quod ne felices quidem habendi sunt in amplissima fortuna constituti, quandoquidem cupiditatibus continuo vexantur, quibus explendis intenti per omnia scelerum flagitorumque grastantur genera; unde, perversis, quibus continetur civitas moribus nulloque amplius virtuti statuto pretio, rei ipsi publicae damna infliguntur funestissima. Praeclare hanc sententiam poeta contrario Seytharum Getarumque, in paupertate nihil alienum conspicientium sicque melius, beatius, viventium exemplo propon-

nit atque illustrat. Celebratissima Scytharum moderatio, alienaque abstinentia apud veteres, unde eosdem δικαιοτάτους ἀνθράκους adpellat Homer. Il. XIII. 6. Landant et Strab. VII. p. 462. Justin. II. 2. Ammian. XXII. 6. Magnam autem ἐνέργειαν h. l. habet comparatio, in qua cultissimus populus ab inculto superatur. *Campostres*, qui in aperto campo vivunt, errantes, vagi, perpetuo Scytharum epitheto. Intelligendi h. l. Scythaes γεωργοί, uti Herod. IV. 18 adpellat, diversi a Nomadibus, ulterius versus Orientem habitantib[us]. — 10. Quibus plastrum instar domus est, qui re ac familia plaustris imposita vagam vitam ducunt. Expressit Horatius graecum epitheton, ἀμαχόβιοι, ἀμάχοικοι, Scythis a consueto hoc vivendi more (onde rite) proprium. Πλεκτὰς στήγας ἡσπερέλαιοις ὄχοις vocat Aeschyl. Prom. V. 715. Erant enim maternalia canuis consuta coriisque tecta. Valer. Flacc. VI. 79. sqq. *plaustris ad proelia cunctas Coraletae* (Thraciae populus, pro quo Noster *Getas* habet) traxere manus: ibi sutilis illis et dominus, et crudo residens sub vellere conjux. De Scythis Justin. I. l. *Uxores liberosque secum in plaustris vehunt, quibus, coriis imbrium hiemisque causa tectis, pro domibus utuntur.* — 11. *Getae*, Thraciae populus, eadem, qua Scythaes, victus simplicitate, morumque integritate notus; unde *rigidi*, moribus rigidis, oppositi Romanis, luxu effeminatis. Ita *rigidi Sabini* Epp. II. 1. 25. Alii tamen ad regionis, quam incolunt, frigus cum Porphyri trahunt.

v. 12 sqq. Utrique huic populo *jugera immetata* sunt, terram colunt haud in jugera descriptam, nullis limitibus distinctam, sed communem; unde eadem *fruges liberas iis fert profert*, praebet, quae ad omnes pertinent, nullius proprias. Doceo duo haec commata conjunxit poeta. Agrorum inter veteranos ab Octaviano factam divisionem respici atque designari h. l. opinabatur Burm. de Vectig. Rom. I. p. 6. monente Boettig. ad h. l. qui satis quidem adposite Nostri Serm. II. 2. 115. *metatum* h. inter veteranos divisum *agellum* laudat (adde Valer. Catonis Dir. 45. *Pertica* quae nostros metata est *impia agellos*, et Propert. IV. 1. 130.) sed tangi omnino insanam divitum Romanorum, latifundia sua per longinquos tractas porrigendi putem libidinem. Ita graviter opponi sentias Scythis omnia in medium querentibus Romanorum potentiores, vel mari, quo latiores privatae ipsorum fiant possessio-nes, detrahentes. Et Cererem copia poetiae adjectum. — 14.

*Nec cultura ejusdem agri ipsis placet, est, longior annua, anno longius, sedem quippe quotannis mutantibus. Alternis igitur, seu pluribus potius annis institutum inter eos ut agri cessarent, sicque reficerentur, stercorationis usu ipsis ignoto. Nonnulli h. v. ad sqq. trahunt, hoc sensu: Alternis agriculturam exercent, ita ut qui hoc anno agris colendis vacaverint, altero quiescant. Sed haec vix commode e verbis elicias. Multo impeditior autem illorum ratio, qui Scythis non plus quaeri, quam quantum uni anno sufficiat, poetam voluisse existimant.*

v. 15. 16. Agriculturae haecce inter eos constat ratio, ut vi-  
cissim opus ruri faciant, ita quidem, ut ii, qui hoc anno illud  
coluerint, insequenti immunes ab opere sint, aliis ipsorum vices  
subeuntibus. Hos *vicarios* adpellat poeta, qui vices laborum an-  
nuas suscipiunt, *aequali sorte*, aequa in eos laboris devoluta par-  
te, *aequali* laboris portione, sicque *recreant defunctum laboribus*,  
vacationem iis dando, ipsis succedendo. Ceterum totum hunc de  
Scythis ac Getis locum inde a v. 12. insigniter illustrant, quae de  
Suevis tradit Caesar B. G. IV. 1. jam a Lambino laudatus: *Cen-  
tum pagos habere dicuntur, e quibus quotannis singula millia  
armatorum bellandi causa educunt. Reliqui, qui domi manse-  
rint, se atque illos a'unt. Hi rursus anno post in armis sunt;  
illi domi remanent. Sic neque agricultura, nec ratio atque usus  
belli intermittitur. Sed privati ac separati agri apud eos nihil  
est, neque longius anno remanere uno in loco incolendi causa  
licet.*

v. 17 sqq. Laudata Scytharum simplici vitae ratione ac conti-  
nentia ad morum, qui isthac nituntur, integratatem progreditur  
poeta, ita quidem, ut semper Romanum populum avarum illum  
ac luxu perditum, eundenique scelerum, inde propullulantium,  
infamia laborantem in ocalis ferat, notetque. Illic *mulier*, no-  
verca *temperat* docte pro, miscet pocula, bibendum praebet,  
*priv. matre carentibus*, orbatis; *innocens*, sine noxa, ita ut  
ne noceat ipsis non veneno inficit pocula, quae privignis parat,  
ut*si* apud nos fieri adsolet. Doctior haec poetaque dignior ratio  
prae altera nimis pedestri, qua *temperat priv.* explicant, parcit  
iis, non saevit in eos. Tum hoc potissimum maleficii genere  
novercas in antiquitate traductas docet vel Ovidii Met. I. 147.  
*Lurida terribiles miscent aconita novercae.* Adde Virgil. Ge. II.  
128. Clandian. XV. 173. — 19. 20. Dotis ibi in diligenda uxore

nulla habetur ratio. Pro hoc, quod sere accidit in matrimonio dotis aequirendae causa inito, poeta: ibi non regit, in potestate habet virum conjux dotata, dote freta; nam quae indotata est, ea in potestate est viri; dotatae mactant et malo et damno viros, uti Plautus ait Aul. III. 5. 60. Idem Men. V. 2. 16. Ita isthaec solent, quae viros subservire sibi postulant, dote fretae, feroce. Laudant et ejusd. Asin. I. 1. 74. Argentum accepi, dote imperium vendidi. — nec nit. fid. adultero, non imperiosa ac superba est erga maritum adulteri fiducia, vel amatoris adversus mariti injurias praesidio tutata. Ita multo gravior ad notandam morum, qui Roman invasissent, corruptelam existit sententia, quam si explices, non alienum amorem expedit. Nitido, ad totum habitum refer, quo seminae placeare studet adulter.

v. 21 — 24. Castitas ac probitas uxoris magnae instar dotis apud eos aestimatur. *Virtus parentum*, cujus semina in liberos propagari credita. Vid. ad IV. 4. 29. Adposite Eurip. Archet. fr. XX. ἐν τοῖς τέκνοις γάρ ή Ῥετή τῶν εὐγενῶν ἐνέλαβε· κρείσσων τ' ἔστι πλουσίου γάμου et Antip. Thess. XLVI. (Anal. Br. II. 121.) Παρθένε — ίσχε σύνεργον ἡλακάτην: ἦν δ' ἵκη εἰς ὑπέρναντον, Καχαΐδος ἡ θεα μητρὸς χρηστά φύλασσε πόσει προϊκα βεβαιοτάτην. Ad verba ac sententiam totius loci insigniter facit Hippoactis fr. apud Stob. Flor. Grot. p. 305. dignum ideo, quod hic adponatur: γάμος κράτιστος ἔστιν ἀνδρὶ σύφρονι, τρόπον γυναικός χρηστὸν ἐνδον λαμβάνειν. αὖτη γὰρ η προὶξ οἰκιαν σώζει μόνη: δοτις δὲ ἀτρύφερον τὴν γυναικά ἄγει λαβθὲν, σύνεργον οἵτος ἀντὶ δεσποινῆς (non dotata regit virum) ἔχει εὐνουν; βεβαιαῖν (certo foedere) εἰς ἴωσιτα τὸν βλοῦ, et Plautina illa: (Amphitr. II. 2. 209.) Non ego illam mihi dotem duco esse, quae dos dicitur: sed pudicitiam, et pudorem, et sedatum cupidinem, Deum metum cet. Adde ejusd. Aulul. II. 2. 61. Dummodo morata recteueniat, dotata est satis. — Castitas metuens alterius viri, ἀλλοτρίου, quae tangi se non sinit (metuitque tangi III. 11. 10.) ab alio viro, quae congressum fugit, abhorret ab alieno viro, certo foedere matrimonii, dum sancte servat foedus cum marito initum. — 24. Et, porro, dotis loco habetur τὸ nefas peccare, quod uxores nefas, summum flagitium existimant, peccare, fidem marito dataim fallere, (vid. ad III. 7. 19.) adulteram fieri. — aut pretium emori, potest esse, aut, si pecca-

rint, *pretium μισθίος*, ποινὴ statuta est mori, mortis supplicium. Sed parum adposita est haec ratio ad reliqua. Legem enim de adulteriis quomodo uxor dotis loco marito adferat? Igitur praestat altera: dotis loco esse, quod *pretium* putant, in *precio* habent, pulcherrimum existimant, *amori*, mortem potius subire, quam dedecus illud pati; intentatum vel illatum flagitium morte voluntaria redinunt. Καλὸν γ' αποθανεῖν, πρὶν θαύματον δρᾶν ἀξιον, Anaxandrides apud Grot. Excerpt. p. 145. Ita Phaedra σοφροῦσα apud Senec. Hippol. 1189. *mortem* adpellat *pudoris maximum laesi decus*.

v. 25 — 32. Exposita Scytharum in pauperie sua continentia morningue integritate, adumbriataque hoc modo graviterque nota- ta Romanorum effreni opum constipandarum cupiditate, erataque inde morum corruptela; satis consentaneum erat, ut remedia poe- ta, patriae amantissimus, sollicite circumspiceret, quibus obviam iretur malis, inde in remp. redundantibus, eamque misere affli- gentibus. Ac horum quidem causae qurum a subversa disciplina anti- quaa repetendae sint, de hac restituenda primo loco cogitari oportere: restitui autem non posse, nisi scelerum licentia tollatur, severaque puniatur. Quum ex Suetonio satis constet, Augustum in morum legumque, quarum *perpetuum recepisset regimen* (Octav. c. XXVII. extr.), paullo severius instituta emendatione ac retractatione adeo subinde offendisse, ut eas praetumultu re- cusantium perferre non potuerit; admodum probabile est, poe- tam hoc sententiarum conversione Augusto gratificari voluisse ha- ceterus, ut gravissimis sancitarum ab eo sancendarumque legum causis propositis ipsorum civium atque rei adeo publicae salutem in comprobandis iis observandisque verti ostenderet. — 25. 26. Magnam ad conciliandos Augusto, de emendandis moribus cogi- tantis civium animos, εὐάγγελον habet generatim proposita senten- tia, qua urum tantum poeta, unde reip. salus sperari possit, dari ligatissimatum remedium, quo onines uti oporteat, qui causam reipublicae susceptari sint. *Quisquis*, quicunque e republica tol- lere, penitus abolere volet *impias*, mutuas civium caedes, et rabiem civicam, furorem civilem, bella civilia. Speciatim haec pro calamitatibus universis, quas mores corrupti civitati inflixerint, commemorat poeta, tanquam reip. fuenstissima. Originem autem bellorum civilium maxime ab insano, qui Romam cum divitiis invaserat, luxu, praeda rapinisque fovendo, repetendam

**esse**, facile perspicitur. Rem diserte exponit Lucan. I. 158 — 182. Qui igitur bella civilia extincta cuperet, horum semina, luxus et avaritia, ei opprimenda erant. — 27. Duo haec commata: Si Patris augusto nomine adpellari, statuasque sibi erigi cupiat, vide quo artificio poeta conjunxerit. Si quaeret, hoc adsequi velit, ut *statuis urbium*, per urbes, per terrarum orbem adeo, qua habitatur, in honorem ejus ponendis, splendidissimum *Patris nomen subscribatur*, basi inscribatur; quod docte ac magnifice est pro: si optime de republica mereri velit. Hos enim honores non nisi optime de patria meritis viris obtigisse satis constat. Alii jungunt, *Pater urbium*, quae sane ratio et simplicissima est et satis proba, modo intelligas *patrem*, sospitatorem ac conservatorem *urbium* totius habitati orbis, quem imperio complexus videri volebat populus Romanus, nec vero de urbe Roma, cuius quidem respectu Romulus Ovid. Fast. III. 72. Domitianus Statio audit Silv. III. 4. 48. *Pater inclytus orbis*. Altera tamen ratio et doctior videtur et magnificentior; et vero etiam probabilius ob sqq. Quum enim post mortem demum hos honores virum, qui hoc in se recipiat, sperare jubeat, valde adposita putanda est haec augusta Patris, tanquam Divi, adpellatio, defunctis Impp. inter Deos relatis, deinceps tribui solita. Vid. Spanhem. de V. Num. Diss. XII.

28. *Is audeat*, quam praeclare pro, sibi sumat, inde procedat, ut cet. Habet enim adjunetam notionem difficultatis suscipiendi laboris, tum quanta animi virtute talen virum praeditum esse oporteat, qui reip. causam cum plurimorum invidia atque offensione suscipere velit, egregie declarat. *Is refrenet*, severissimis legibus atque institutis compescat, coercent (ut IV. 15. 10. de Augusto, *rectum evaganti frena licentiae injicit*: ubi vide notata) *indomitam*, effrenatam morum *licentiam*. — 30. *Clarus futurus*, unde summam nominis claritatem, famam consequatur apud *postgenitos*, posteros, τοὺς ὄντας, μετὰ, γεγενημένους (v. ad I. 28. 31.), unde adeo sibi immortalitatem paret. — *Quatenus*, quandoquidem *virtutem*, virum probum, patriae saluti prouidentem *odimus*, invidia prosequimur, carpinus, *meritis* ejus detrahimus, *incolunmem*, dum vivit, *superstes*, *praesens* est; *sublatam* autem *ex oculis*, mortuum tali praeditum *virtute*, cuius splendorem oculi hand ferre poterant, *quaerimus*, *desideramus*, laudamus, colimus, veneramus. *Quaerere*, ut Gr. ζητεῖν, desiderio persepsi. Stat. Achill. I. 240. Martial. V. 10. 5. *Sic veter-*

*rem ingrati Pompeji quaerimus umbram: et saepius alibi. — invidi praesenti virtuti, ingrati.* Docte hoc poeta ad posterius com-  
ma retulit. Ad sententiam poeta Mimnerm. VI. (Anal. Br. I. 61.)  
*δεινοὶ γὰρ ἀνδρὶ πάντες ἐσπέν εὐκλεῖται φῶτη φθονῆσαι κατθαύοντα δὲ αἰνέσσαι.* Paullo aliter instruxit eam Seneca de Benef. IV. 30. pe-  
titio tamen e Nostro orationis colore: *Hoc debemus virtutibus,*  
*ut non praesentes solum illas, sed etiam ablatas e conspectu co-*  
*lamus.* Adposite quoque laudant Vellei. II. 92. *Praesentia invi-*  
*dia, praeterita veneratione persequimur; his nos obrui, illis in-*  
*strui credimus.* Adde Sophocl. Ai. 973. Epp. II. 1. pr. et 14.

v. 33. Omnes de corruptis civitatis moribus conquerimur, ne-  
que tamen remedia pati possumus. *Querimoniae, querelae nihil*  
*proficiunt, profuturae sunt, nisi culpa, flagitia, sclera supplicio,*  
*atrocissimis poenis recidantur, compescantur, luantur.* In-  
dicenter. *Acerbitas enim* (Gell. XX. 1. extr.) *ulciscendi male-*  
*ficii, bene atque caute vivendi disciplina est.* Reciduntur vul-  
nus, quae molleis manum respuunt, quae non nisi ferro exhibito  
sanantur. Pulchre Cic. Or. Catil. II. 5. *Quae sanari poterunt,*  
*quacunque ratione sanabo; quae resecanda erunt, non patiar ad*  
*civitatis perniciem manere.* Notissima Ovidii: *immedieabile vul-*  
*nus ense recidendum, ne pars sincera trahatur.* Respicit autem  
poeta leges ab Augusto paullo severius retractatas sanctasque,  
quas non nisi *ademta lenitave parte poenarum* (Suet. Aug. 34.)  
perferre potuerat. — 35. Enimvero, *quid ipse haec leges prosi-*  
*ciunt, vanae esse atque inutiles, sine moribus, absque morum*  
*antiqua norma, sine paupertate ac parsimonia, nisi mores legibus*  
*obnoxii sint, sublata luxuria atque avaritia, quae fidem* (Sallust.  
Cat. X.) *probitatem, ceteraque artes bonas subvertit; pro his*  
*superbiam, crudelitatem, deos negligere, omnia venalia habere*  
*edocet.* Sententiam egregie illustrant Plautina (Trin. IV. 3. 25.):  
*Nunc mores nihil faciunt, quod licet, nisi quod lubet.* *Ambitio*  
*jam more sancta est, libera est a legibus: petere honorem pro*  
*flagitio, more fit.* CH. *morem improbum.* St. *mores leges per-*  
*duxerunt jani in potentatem suam, magis quis sunt obnoxiosi,*  
*quam parentes liberis.* Juvenal. XIV. 177. *quae reverentia legum,*  
*quis metus aut pudor est unquam properantis avari?* Petron. c.  
XIV. *Quid faciant leges, ubi sola pecunia regnat.* — 36. *sqq.*  
Si insatiabilis lucri cupidio animos hominum vexat, adeo quidem,  
ut ejus explendae causa maximas aerumnas tolerent, ipsiusque

vitae pericula adeant. Pro hoc speciatim poeta: si mercator lueri causa torridam frigidamque Zonam (quas inaccessas inhabitabiles, que antiqua terebat opinio) tentat, penetrat, ac maria trajicit? Jam Zona torrida docte declaratur *parte mundi*, terrae tractu *incluso*, qui circumfusus, oppletus est fervidis solis caloribus, qui adeo ferventissimus est. Potest et accipi: pars *inclusa*, clausa sc. hominibus, invia; inaccessa propter fertidus nimios culores, Solis aestum. Sed praestat prior ratio. Lucan. V. 24. *Vel plaga qua torrens, claususque vaporibus axis, nec pallitur noctes* (cf. Senec. Herc. Oet. 1363.) *nec iniquos crevere soles.* Eratosthenes de eadem: ή δέ πια Δαφνή τε καὶ ἔωρος οὖν ἐρυθρὴ, (una corusco semper sole rubens Virg. Ge. I. 234.) τυπωμένη φλογμοσιν ἐτεί τα μόραν ἐπ' αὐτὰν κεκλιμένη ἀκτῖνες δειθεπές πυρίσσων. Zona frigida h. l. est *latus mundi*, *regio, Boreae finitima*, plaga Borealis, quam nires continuo gelu solo duratae, induratae, quae nunquam sole resolvuntur, adeoque perpetuae tegunt, quae adeo semper frigore riget. Hoc tamen nequaquam abigit arcet a se, absterret mercatorum, quo minus ad ea loca accedat. — 40. Si *navitae*, mercatores *callidi*, callida arte, navigandi peritia, dexteritate, *vincunt*, domant, sibi subjiciunt *aequora horrida*, aspera fluctibus, mare iocellosum, si vel procelloso mari navigant? Ita locum si accipias, multo efficacior erit ad lucri situm castigandam. *Callitos* alii nautas dictos volant, quorum ingenia lucri cupidio acuat, in divitiis parandis fraudulentos, falsos, minus adcommodate h. l. — 42. Si divitiae honori sunt, *pauperies contra magnum opprobrium proliro habita*, atque ideo quaevis, quantumvis scelestia jubet, ad lacinota quaevis instigat, quo bonae illa *mentis soror* (Petron. c. 84.) abigatur atque propulseter? Sallust. Cat. XII. *Postquam divitiae honori esse coepere, et cas gloria, imperium, potentia sequebatur; habescere virtus, pauperitas proliro haberi, innocentia pro malivolentia duci coepit.* Igitur ex divitiis juventutem luxuria atque arritia, cum superbia invusere; rarere, consumere; sua parti pendere, aliena cupere; pudorem, pudicitiam, divina atque humana promiscua; nihil pensi atque moderati habere. *Pauperies, facultates medicare, fortunae mediocritas ea, unde patet ac sobrie vivitur, quae in maximo antiquitus honore constituta,* (unde Plaut. Trin. IV. 3. 21. *Utinam reteres mures, veieres parsimoniae majori honori essent. cuam m... mali.*) nure, correnti civitatis moribus,

Déspecta ac inoleta, adeo quidem, ut talis conditionis homines miseros se atque omnium rerum egenos, quibus luxuriosis esse non licet, querantur. Hinc acuto cum judicio paupertati poeta *Egestatis* notionem induit, et, quae hujus propria erant, in illam transtulit. *Egestas enim quidvis imperat*, ut rem Plauti verbis (Asin. III. 3. 81.) eloquar; pro quo doctius poeta: *quidvis et facere et pati*, h. ed. quaevi, quantumvis scelestia facienda, et ad quaevi, quantumvis turpia, patienda, toleranda, impellit. Lucian. pro Mercede Cond. p. 717. *πενία πάρτα ποτέν τοι πάσχειν.* οὐαπειδεσσα, οὐ εἰφύγει τις αὐτήν. Valer. Max. II. 6. *Removeatur dulcedo vitae, quae multa et facere et pati turpiter cogit.* Apulei Met. IX. p. 189. Pric. *quidvis facere, quidvis pati paratus*, ad quem locum Pricaens hunc Graecis familiarem loquendi usum docte explicuit. Ad sententiam Timocles apud Stob. Flor. Grot. p. 389. Πολλούς γὰρ ἐνὶσθι ἡ πενία βιβλεῖται ἀράξι αὐτῶν ἔργα παρὰ φύσιν ποτέν. et Philemon (ed. Cleric. p. 350.) Ἡ γὰρ σπάνις πρό-  
χειρος εἰς τὸ δέρμα κακά. — 44. Pauperies despecta deserit virtutis viam, homines a recti honestique studio deducendo, pravisque artibus imbuendo. In virtute ardua, in excelsa collocata, Hesicium figmentum, quod plures deinceps poetae exornarunt (vid. doctiss. Ruperti ad Sil. IV. 603.) facile agnoscas. Potest et simpliciter accipi, in illustri posita, clara, splendida, ut *ὑψηλαζι ἀγε-*  
tai, Pind. Ol. V. 1.

v. 45 sgg. Quodsi igitur rempublicam calamitatibus, quibus-  
cum aegre conflictatur, liberatam cupimus, scelera, unde eae  
promanant, non tam legibus compescenda, quam radicitus ex-  
stirpanda sunt. Exstirpabis autem sublatis ipsorum causis, luxu  
et immensis cupiditatibus. Neque vero has tollas, nisi divitias,  
funiteni istarum atque nutrimentum, ab hominum usu removeris,  
paupertatique atque parsimoniae suum honorem reddideris. Ita  
denum respublica persanata ad pristinum splendorem resurget. —  
45. Vel in Capitolium opes deferamus, Diis consecrandas. Sen-  
tentiam in Augusti gratiam a poeta ita adornatam esse, facile  
colligas ex Suetonii (Aug. XXX.) loco, in quo tradit, *Augustum*  
*opulentissimis donis aedes sacras adornasse, ut qui in cellam*  
*Capitolini Jovis sedecim millia pondo auri, gemmasque et mar-  
garitas quingenties HS. una donatione contulerit.* — 46. Inter  
adclamaciones populi. Solenni enim pompa donaria Deorum tem-  
plis illata fuisse satis exploratum est. Focat clamor turbæ faven-

tis (pro quo docte est, *clamor et turba fav.*) dum paeat pompani; eique *favet* h. adclamationibus favorem prodit. Notus satis hic verbi usus, de quo, si opus est, adiri potest Broukh. ad Tib. II. 5. 110. — 47. Vel potius *in mare proximum, Tyrrhemum, mittamus, projiciamus*, e medio prorsus tollamus, ne dicitiarum adspectu amplius conturbemur, irritemur. Proverbialis haec fere locutio de re, quam prorsus abolitam cupimus. Vid. Ada.g. Schott. p. 47. Egregie autem hoc facit Luciani locus, a doctissimo Boettigero quoque laudatus, in Tim. §. 56. p. 173. οὐδὲ αὐτοῦ χάριν ἐστάλην, ὡς μὴ διαφεύγῃ σὲ τὸ κάκιστον τοῦτο καὶ εἰπιβουλότατον κτῆμα ὁ πλοῦτος, ὁ πολλοῖς πολλάχις αἴτιος ἀνηκέστοιν συμφορῶν γεγενημένος· εἰ γὰρ μοὶ κείθοι, μάλιστα ὅδον εἰς τὴν θάλατταν ἐμβαλεῖς αὐτόν. Et in ejusd. Vit. Anet. 9. p. 549. τὰ δὲ χρήματα, ἵν εἶχε, ἐμοὶ πωθόμενος εἰς τὴν θάλατταν φέρων ἐμβαλεῖς. — *lapides, λίθους, uniones, margaritas.* — *aurum inutilis, ἀχρηστον, ἀχρεῖον, perniciosum.* Antholog. Lat. Barm. T. I. p. 513. *Heu misera in nimios hominum petulantia census, caecus inutilium quo ruit ardor opum? — summi materiem malii, unde tanquam fonte, principio (summi) omnia mala proveniunt.* Sallust. Cat. X. *Igitur primo pecuniae, deinde imperii cupidus erexit: ea quasi materies omnium malorum fuere.* Justin. III. 2. de Lyeurgo: *Auri argenteique usum, velut omnium scelerum materiam, sustulit.* Rutil. Itin. I. 357. *Materies vitiis aurum letale parandis, auri caecus amor dicit in omne nefas.* — *Si bene vere poenitet nos scelerum, si vere emendari, salvamque temp. cupimus.*

v. 51 sqq. Statim e teneris mentibus, puerorum animis eradenda, evellenda, tollenda sunt *pravi cupidinis*, prayarom cupiditatum elementa ac semina, antequam radices egerint; in pueris statim videndum, ne luxu atque otio ipsorum diffluant, ac corrumpantur animi; quos contra *formari, institui, imbari, ad-suescieri oportet asperioribus studiis, exercitationibus, fami, siti, laboribus tolerandis; verbo, severiore opus est disciplina in edicando puer.* Ita vero duo haec commata conjungi debere congeo. Alii *cupidinem pravum avaritiam explicant; recte quidem per se, sed parum commoda h. l. sententia, qua nunc ipsam avaritiam ex animis radicibus extirpatam vellet poeta, qui tam non nisi materia s. causis ejus subtractis, divitus scilicet, tolli posse satis prudenter paullo ante monuisse.* Docte autem poeta

verba, tenerae nimis mentes, posteriori membro adposuit, ad primum statim commissa retrahenda. Quod ipsum fraudi fuit intpp., ut sensu totius loci paullum aberrarent. Sunt autem mentes tenerae, hominum in tenera aetate constitutorum, sed nimis, justo teneriores, ultra quam natura fert, nimis molliter habitae, prava institutione essemittatae. Alii simpliciter explicant, molles, fluxas, nulla aetatis ratione habita; male, vel propter formandae.

— 54. Nostri adolescentes parum curant campestria studia, omninoque duriores labores reformidant. E campestribus exercitatio-  
nibus equitationem in specie memorat poeta. Cf. I. 8. 3. sqq. *In-*  
*genius puer, adolescens Romanus, sed cum vi, quatenus studia,*  
quae hominem ingenuum decent, omittit. In *rudis nescit, obser-*  
*va copiam poeticam. Imperitiam pueri ulterius arguit poeta τῷ*  
*haerere pro, insidere equò.* — 56. *Timet; στύσι, aversatur, ab-*  
*horret, recusat* (ut I. 8. 8. *timet* Tiberin tangere) *venari;*  
utpote nimis aerumnosam molliatque imbecillo corpori exercita-  
tionem. Cf. Serm. II. 2. 9. Epp. I. 18. 49. — *doctior*, peritior  
est, magis callet, babilorem se ostendit ad ludendum trocho et  
alea. Eadem oppositio Serm: I. I. *vel si Romana fatigat militia*  
(h. *venatio et ceterae exercitationes) adsuetum graecari h. tro-*  
*cho aliisque ludicris deditum studiis. Unde h. l. tr. graecus, ut-*  
*pote graecae originis, audit. De trocco multi multa. Vid. Schef-*  
*fer. de re Vehic. I. 6. p. 57 sqq. et H. Mercurial. de Arte Gymn.*  
III. 8. ubi trochi typos adpositos deprehendes. — *Seu jubeas —*  
*seu malis, ad utrumque paratissimum declarat, estque omnino*  
pro vulgari, tam, quam. — 58. *Alea, qui tesserarum proprie*  
ludus erat, mox omnes complectebatur, in quibus casus regna-  
bat: quumque Romanorum insania magnam ac totam subinde rem  
familiarem ei subjiceret; et infamiae nota et poenis publice  
gancitis ea compescebatur; unde *legibus vetita h. l.* Mature hoc  
factum fuisse, colligas ex Ovid. Trist. II. 470. *Sunt aliis scrip-*  
*tiae, quibus alea luditur, artes: haec est ad nos non leve cri-*  
*mén avos. De alea condemnatos memorat quoque Cie. Phil. II. 23.*

v. 59. Patre interea divitiis quoque, quantum vis scelesto modo, constipandis intento. Pulchre opponitur filio turpiter opes profundi nefaria patris avarita. *Quum, interea dum perjura*  
*fides, perjurium, perfidia* (ut I. 18. 16.) *patris, h. pater perju-*  
*rio fallat, perfide decipiatur et. Noster Serm. II. 3. 126. Quare,*  
*si quidvis satis est, perjurias, surripis, aufers undique?* — *Con-*

*sortes dicebantur*, qui certam pecuniae summam (*sortem*) negotiandi causa conferrent: unde pro sua cujusque summa et lucrum et damnum, quod inde emerget, commune esset, iidem inde dicti *socii*, et collegium *societas*; res nota. Cumulavit h. l. poeta *cons. socium*, cum satis fuisse, consortem, vel sortis socium. In maximo autem ista trax habita criminis. Bentl. laud. Cic. pro Rosc. Amer. c. 40. *In rebus minoribus socium fullere turpissimum est*, et mox: *Recte igitur maiores eum, qui socium se fessellisset, in virorum bonorum numero non putarunt haberi oportere.* — 61. Ita fraudulenter agit, ut properet enixo studio coacervet, paret pecuniam haeredi filio indigno, aleatori, graecanti. Juvenal. XIV. 177. *que reverentia legum, quis metus aut pudor est unquam properantis avari?* — 62. *Scilicet quantumvis crescant divitiae*, immense ita augeantur. *Improbas* vocat, vel improbe, nefariis modis (quos proxime indigitaverat) congestas, vel omnino, nimias, immensas, vel denique, quae homines improbos reddunt, scelerum irritamenta. Prior tamen ratio convenientior h. l. — 64. Tamen nescio quid, praclare, quum avari inexplabilis cupiditas ipsa nesciat, quantum absit desit rei curiae, parvae, exiguae, ex istorum hominum opinione.

~~~~~

### ARGUMENTUM XXV.

~~~~~

*En poetam efferatissimo furore, dum Augusti laudes meditatur, correptum ac vere debacchantem! en Dithyrambum Romanum nulli Graecorum (quantum ex istorum fragmentis conjectare datur) inferiorem; Tanto nisu poetam extolli, in altosque nubium tractus tendere sentias, ut oculorum eum vix adsequaris acie! Quid mirum igitur, intpp. ac VV. DD. in aliis satis acutos, in hujus carminis rimando consilio spissa offusos caligine hebescere ac prorsus visu deficere! Omni-*

*no sunt quaedam Horatii carmina, quae ne a  
doctissimis quidem viris legi cupiam; nisi ip-  
si sint*

*cupidi silvarum aptique bibendis  
Fontibus Aonidum,*

*nisi ingenio polleant, sublimium phantasma-  
tum capaci, et, ut breviter dicam, Horatio  
sint similes. — Jam Horatius, Augusti lau-  
dum acri thyrsō percussus, altonitusque re-  
rum magnitudine, materiaeque amplitudine  
excelsissimorum phantasmatum, inde animo  
ejus, dum eloqui ea conatur, objectorum exu-  
berantia ita confunditur, ut extra se rapi,  
Bacchicoque furore se tentari existimet. At-  
que in hoc furore Bacchico, qui pertotum car-  
men decurrit, ad primariam ejus causam ex-  
promendam, seu potius animo, graviter ista  
quasi vexato, excutiēdam omnes vires con-  
vocat, sed in ipso eluctandarum Augusti lau-  
dum (rei quippe nimis arduae) conamine sae-  
pius tentato collabitur ac plane concidit. Sci-  
licet ita demum dignum Augusto elogium exi-  
re poterat, quod splendidius, disertiusque ju-  
dicandum, quam longissimum perque omnia  
laudum momenta diductum carmen panegyri-  
cum, quale illud putidum ac jejunum ad Mes-  
salam est, quod tercis Tibulli adrepdit nume-  
ris, quodque ego, pessimus omnium poeta, fe-  
cisse nolle. Sed illa ipsa ἐνάργεια ac δεινότης  
in solo laudandi nisu compressa in gravissi-  
mos errores vel acutiores homines impegit, ut  
vel aliud carmen circumspicerent, quo laudes  
Augusti persequutus esset poeta, hocce tan-  
tummodo ei praefatus; vel, in quo sibi acu-  
tissimi viderentur commento, non incallide*

*poetam, qui ad Augusti laudes dicendas excitatus fuisse, tergiversari statuerent: indigni prorsus, quibus talis laudator contingat.*

### Annotations.

v. 1. Vividissimis initio statim poeta enthusiasmum coloribus depingit, quo se correptum, et ad sublimes, quibus tumet, sensus cantu evolvendos incitatum sentit. Scilicet magnitudine rerum gestarum Augusti animus ejus ita conturbatur atque percellitur, ut impotens sui bacchetnr, ingentiumque phantasmatum sibi objectorum impetu plane auferatur poeta. Quo quidem Augusti extollendi modo, sane, quid augustius, exquisitus, splendidiusque singi cogitarique possit, non video. Jam quum excelsior enthusiasmi Bacchus auctor (utpote μαύλας, quacum enthusiasmus comparatur v. III. 4. 6., θεός) perhieatur, consentaneum sane et vero etiam poetis solenne est, naturam ejus plane ad Baccharum habitum ac fuorem conformatam repraesentare. Simulantes igitur Bacchi orgia poetae in nemorum recessus feruntur (I. 1. 30.) Bacchum vident, cum comitatu suo discurrere, εὐάγειρι cet. semetque ipsos ab eo, Maenadum instar, a thyrso percuti ac in fuorem agi sentiunt. Igitur eo percitus poeta ἐνθουσιῶν exclamat: *Quo me rapis tui plenum, tuo numine, tua vi perculsum atque attonitum. Plenum Bacchi pectus similiter dixit II. 19. 6.* — 2. Explicative τῷ quo subjunguntur nemora ac specus, loca solitaria, Bacchis frequentari solita. Praeclarum etiam hoc, quod prioren structuram statim relinquit incitatus poeta. Aut familiare Horatio, ubi duas ideas eloquitur; animo simul objectas. Ceterum solenne fuisse Graecis Dithyrambos hac Baccharum formula exordiri, cum ipsa rei natura fidem facit, tum recte illud colligas e Plautino loco (Menaechm. V. 2. 82.) ubi Menaechmus ita se furere simulat: *Evoe, Evie, Bromie, quo me in silvam venatum* (hoc voc. corruptum; forte: *evatum*, antiquo verbo, unde *evans* mansit) *vocas.* — 3. *velox*, praeceps, citato cursu. Vere bachelantem tibi poetam cogita. Igitur vix bene de ingenii nisu interpreteris. — *Mente nova* quippe a Deo possessa, alio plane mentis habitu, expulso pristino sensu (Claudian. XXXIII. 5.); ob novas animo ejus objectas rerum species, novos ac sublimiores

sensus, a Deo immissos — quibus antris audiar, in quae antra  
abreptus audiar meditans, mediter atque canam Augustum, qui-  
bus in antris resonent immortales Augusti laudes? Jam evolvitur  
poetae enthusiasmus, in Augusto defixus. Praeclare autem atque  
exquisite prorsus singula. In antra concedit poeta canturus, noto  
phantasmate. Vid. ad III. 4. 40. — egregii, incomparabilis, ut  
I. 6. 11. — meditari de poetis, ut μιλετῶν, animum ad canen-  
dum componere, omnes in argumento aliquo tractando cogitati-  
ones desigere, tum docte pro, canere. Jam duobus modis verbo-  
rum juncta institui potest. Pedestrior est: *audiar*, resonent  
antra, *meditans inserere*, dum meditor, id unice ago, ut in-  
seram cet. Quanto doctior, commotoque poetae multo adcommo-  
datior altera haec paullo audacior structura: quibus antris audi-  
ar *meditans*, meditando, canendo, cantu meo *decus stellis in-  
serere*, quod copioso ornatu dictum, pro audiar canens, canam  
Augusti decus! Pro vulgari, celebrare, extollere, splendide est,  
*decus*, gloriam Caesaris *stellis* coelo *inserere*, inferre atque ipsi  
*consilio Jovis*, deum inter Divos consiliantes (III. 5. 17.) repre-  
sentare. Excelsissimus in hoc spiritus! tanquam divinos honores  
poeta Caesari praestet, cuius nomen carmine suo immortalitati  
consecret, quae eadem ideae sunt IV. 8. 22 sqq. *Aeternum* or-  
nate τῷ *decus* simpliciter adjectum videri possit, ut sit, im-  
mortale, aeternitate dignum, eximum; sed lyrica ratio suadet,  
ut *aeterni* notio τῷ *inserere stellis* jungatur, ut sit pro, decus  
aeternum facere, quod fit ἀποθεώσει, cuius augustam statim im-  
miserit speciem.

v. 7. Pulchre decet arrogantia ista poetam, ab argumenti,  
quod tractat, majestate sumta; quo ita adflatitur, ut se plane divi-  
num quoddam proloquuturum audacter adfirmet; quo quidem di-  
vino prorsus artificio exquisitissimas Augusti laudes contineri,  
vel hebetior animadvertis. *Dicam*, proferam, canam *insigne*,  
quod p[ro]ae omnibus emineat, singulare prorsus, *recens*, nunquam  
auditum, *adhuc indictum ore alio*, a nemine adhuc tractatum.  
Omnes se facile superare in hoc argumento poeta ait, quando-  
quidem nemo adhucdum par Caesari extiterit, (unde significan-  
ter admodum *egregii* v. 4.) cuius facta quemquam tam sublimi-  
um phantasmatum capacem reddere potuerint; *egregie* prorsus.  
Jam vide, quo modo totum locum deprimant intpp.

v. 8. Egregie jam *mentem novam suam* repraesentat poeta.

Scilicet, dum immortalium factorum Caesaris admiratione occupatus ejus animus ad celebranda ea progreedi audet, ecce rerum magnitudine plane obstupesfactus confunditur, novoque adflatu perturbatur. Eo disertissimum atque eloquentissimum in solo canendi nisu poetam, atque egregium plane laudatorem! Mens, Augusti admiratione attonita, *stupet* aequa ac *Elias exsommis*, Baccha, somno, auditu tympani sonitu, experrecta, istoque ad novos furores recreata. Novo igitur statim furore Bacchani correptam puta designari a poeta. Eurip. Bacch. 691. *αὶ δ' ἀποβάλουσαι Θελερὸν ὄμυστρων ἵππον, ἀνὴξαν ὁρθαῖ.* Pervertunt totum locum, qui Baccham somno expergefactam, furore solutam et ad se redeuntem a poeta significari existimant. Unde poetae quoque furem, qui cum maxime tumultuari incipit, resolvi credere consentaneum foret. Jam stuporem exornant rigidi ac truces oculi, quibus attonita Baccha oppositam sibi regionem intuetur, fere ut apud Eurip. Bacch. 1085. *Ἐγρησαν ὄρθαι, καὶ διήνυσγκον κόρεας;* unde totius loci pulcherrima pictura existit. Commemorantur loca, Bacchis frequentata, quorum ipso adspectu novos furores Baccha concipit, *Hebrus*, Thraciae fluvius, *Thrace* (quae partibus ejus docte adponitur) *nive candida*, nivalis *χιονίδης* (Orph. Arg. 1370.) ac *Rhodope*; mons ejusdem regionis, orgiis Bacchi sacra. Pro hoc ornata, *lustrata pede barbaro*, h. barbararum, quam barbarae, h. Bacchae Thraciae pervagantur, origia celebrantes. *Thraces barbari* pervulgata loquendi ratione.

v. 12. Bachac stuporeni, quocum ante suum ipsius tantum comparaverat (ipse enim adstupebat divinis Augusti laudibus) jam in summo enthusiasmi fervore suum plane facit, iisdemque coloribus exornat, adsumto iterum primorum versuum phantasmate. *Ut libet volupe est* (laeta enim haec mentis, Baccho plena, perturbatio II. 19. 6.) *mihi devio, in solitariis locis vaganti* (v. ad II. 19. 1, *mirari*, adstupere) v. ad III. 29. 11.) *ripis* praeruptis, et sonoris, quae continent, flueatis (respondet enim *Hebro* v. 10.) et *nemori vacuo*, deserto, solitario; uti *devio* paullo ante. Splendide nugantur intpp. qui ad Augusti laudes referunt; quas poeta primus (*devio*, versanti in carminis argumento a nemine trito) et *solus* (*vacuum nemus*, in quo ipse solus vagetur) digne scribere sibi arroget.

v. 14. Novo exstimulatus furore nova Augusti celebrandi subit poetam audacia. *Potens*, in cuius potestate sunt, qui choros


ducis *Naiadum* ac *Baccharum*, plane Orphico versu H. LIII.  
6. Ναϊσὶ καὶ Βάκχαις ἡγούμενε κιττοφόροισι. vid. ad II. 19. 3. —  
*valentium vertere, radicitus evellere fraxinos.* Exempla vid.  
apud Eurip. Bacch. 109. 1066. 1093. et 1102.

v. 17. *Nil parvum . . . loquar*, iterum ad Augustum redit  
in quo enthusiasmus ejus defixus est. *nil parvum*, insigne v. 7.  
— aut, nec *humili modo*, humilibus modis, sublimi cantu. Pind.  
Ol. 9. 19. οὐτοὶ χαμαίπετε αὐ λόγων ἐφάψῃ, ἀνδρὸς ἀμφὶ<sup>τ</sup>  
παλαισμασιν φόρμιγγ' ἐλεῖγμων. — *nil mortale loquar*, canam,  
quod aeternum sit, quo immortalitati eum consecrem. Praeclare  
de hoc enthusiasmo poetico Senec. de Tranqu. Animi cap. extr.  
*Non potest grande aliquid et supra ceteros loqui, nisi commo-  
ta mens. Cui vulgaria et solita contempsit, instinctuque sacro  
surrexit excelsior, tunc demum aliquid cecinit grandius ore  
mortali, ratione forte hujus loci habita.*

v. 18. Debacchatur jam poeta, ipsa bacchantium exclamati-  
one o *Lenaee, lò Bāx̄s*, adhibita, audacterque orationi inserta.  
*Dulce est, jucundum est ad animum, enthusiasmo corripi, et*  
pro hoc, adflari a Baccho; plane ut II. 19. 6. *Plenoque Bacchi*  
*pectore turbidum laetatur.* Jam quum corpus, incumbente deo  
periclitaretur, h. graviter adfligeretur (quod prodebant vatici-  
nantes distortis corporis motibus); docte poeta sacrum istum hor-  
rorem vocat *periculum*. Jam furorem istum iterum bacchicum  
simulat verbis, *sequi deum*, rapi ab eo per silvas ac montes. —  
20. *Cingentem sibi (ne dubita) tempora vir. pampino*, Bac-  
chum. Forte epitheton Dithyrambicum in animo habuit poeta,  
quod per suae linguae leges distrahendum ac pluribus verbis enun-  
tiandum erat. Similiter *ornatus viridi tempora pampino Liber*  
IV. 8. 33. Ad argumentum carminis si postrema transferas, erit;  
Projectissimae quidem audaciae est, Augustum celebrare; sed  
alea jacta esto.

---

## ARGUMENTUM XXVI.



**T**otum hoc carmen plane e graeco fonte fluxisse, et argumenti ratio, et vero maxime ejusdem tractatio, exornandarumque sententiatarum ratio satis evincunt. Bacchylidem auctorem haud inepte suspiceris e v. 10. Sed idem argumentum sexcenties a poetis graecis tractatum esse, dedicatoria, quae in Anthologiarum libris supersunt, abunde comprobant carmina. Quae si animo teneas, vanas VV. DD. de Venere marina ejusque sacello vel publico vel privato disceptationes mecum licebit rideas. Veneribus suis haud omnino est, quod destitutum hoc carmen queraris. Chloes arrogancia ac fastidio victus poeta amoribus sese plane renuntiaturum ita ostendit, ut instrumenta, quibus artem amatoriam exercuerit, Veneri, ejus praesidi, solenni more dedicet, adjecto pio, si Diis placet, voto, ut Chloes superbia ab ea puniatur. In quo tamen ipso, uti in ipsa dedicatione (v. 6.) subsilentes pristini amoris igniculos animadvertere licet, in quo animi humani naturam, egregie expressam animadvertis.

## Annotations.

v. 1. Nuper admodum, adhuc scilicet, antequam Chloes stadium expertus essem. — *vixi*, *fui idoneus*, ἤπειρος (primitivo significatu) comodos mores adprobavi, placui *puellis*, ab iis expetitus. Similiter Terent. Andr. IV. 2. 13. *Hanc mihi expetivi, contigit*: convenient mores. Forte tamen hoc statim versus amoris cum militia comparatio incipit, et Horatius *idoneum* h. bonum militem (ut Tibullus de se I. 1. 75. *Hic ego dux milesque bonus in effringendis puellarum foribus*) se fuisse jactat,

qui puellarum animos facile expugnare potuerit. Cf. Propert. I. 6. 29. — 2. *militavi*, huic amoris militiae nomen dedi, vacavi, amoris castra secutus sum, *non sine gloria*, ita me gessi, ut magnam inde laudem ac victoriam reportarem; pro vulgari, felix in amore fui. Pervulgata amoris cum militia comparatio. Notissima Nasoniana; *Militat omnis amans, et habet sua castra Cupido.* — 3. Nunc taedet amor amplius vacare, pro hoc continua-  
ta imagine a re militari desumpta; Nunc arma emeritis stipendiis, Veneri, militiae istius praesidi, libet consecrare. Magnum autem in hac enuntiatione delectum observabis, si cujusque artis instrumenta, omissa ejus exercitio, deo, in cuius tutela ars esset, suspendi consuevisse memineris. *Arma* intellige instrumenta omnia, quorum usus Horatio in Amoris castris fuerat, barbiton, funalia, vectes, arcus, infra v. 7. commemorata. De solo barbito cogitant plerique, minus accurate. — *defunctum bello*, amoris militia, quae non amplius amatoria carmina sonat. Ad lyram docte transtulit, quod magis poetae proprium erat. Intelligenda autem potissimum ἀσματα παραλανοιθυρα, ad lyram cantari solita. — 4. *paries habebit*, habeto (graeca temporum permutatione); parieti adfigam, suspendam. — 5. Qui *custodit φρουρην* (uti fere Prometheus apud Aeschyl. P. V. 31. πέτραν φρουρεῖν dicitur, ei adfixus) servat, est a laevo Veneris latere, parte; unde haud inepte colligas, in templi parte, quae intrantibus a dextra est, donaria olim suspensa fuisse. Ceterum de templo Veneris Geneticis, in Divi Iulii honorem ab Augusto dedicato accipi volebat Sanad., quod in eo Venus ἀναδυομένη, Apellis opus, teste Plin. XXXV. 10. collocata fuisse. Alii privatam Veneris religionem, domestico sacello a poeta cultam intelligi malunt. Vide Argum.

v. 6. Vividissima pictura hominis, qui puellae fastidiis vi-  
ctus amori nuntium mittere videri cupit, eundemque, dum hoc ipsum agit, vehementissimum, quo adhuc flagrat, invitus prodit atque manifestat; quam plane ex animo humano descriptum di-  
xeris. Cf. omnino I. 19. 13. — *ponite δέσθε*, proprio dedicatio-  
nis vocabulo v. c. Catull. XIX. 10. XX. 6. et saepissime alibi. —  
Sequuntur arma, quae in Veneris militiae poetae usui fuerant, s.  
instrumenta comissabundi. *Funalia* funes cerati, (λαμπάδων κηρο-  
χιτῶν) suaviter adpellat Antip. Thess. XIII. 1. A. Br. II. 112.) faces, taedae, quae ei ad Chloen post comissionem media nocte

eunti praeluxerant. Suo hunc morem exemplum illustrat Prop. I. 3. 9. Solennis inde taedarum in comissione mentio. Antiphanes apud Athen. VI. 10. ἐπὶ κῆμαν, εἰ δοχεῖ, ἰωμεν, — δὲδε καὶ στεφάνους λαβόντες. Iisdem minabantur fores ac tectum incendere si puellarum asperitas vi grassandum moneret. Theocr. II. 128. εἰ δὲ ἄλλα μὲν ὁδεῖτε καὶ ἀθύρα εὐχετο μόχλῳ, πάντας καὶ πελεκεις, καὶ λαμπάδες ἥνθον εἴρη μέντος. Turpilius apud Non. v. Turbam: *Nemo unquam vidit ebrium ire interdiu, neque turbam facere, neque fores exurere* Ovid. Amor. I. 6. 58. *Aut ego jam ferroque ignique paratior essem, quem face sustineo, tecta superba petam;* et A. A. III. 370. *Nec franget postes, nec saevis ignibus uret.* Atque hoc potissimum nomine funalia h. l. inter alia, quae ad vim faciendam parata essent, instrumenta commemorari existimem. — *Vectes*, effringendis foribus adhiberi solitos; res nota. Ejusdem fere usus esse debuere *arcus* (si omnino lectio sana); nam dicuntur *minaces*, hostiles, vim interentes, vi effringentes fores *oppositas*, clausas.

v. 9 — 12. Cum voto absolvit dedicationem poeta; quod et alibi occurrit. *Diva, quae tenes Cyprum*, Κύπροιο ἐύχιμένης μεθίουσα. Hom. H. in Ven. 292. nota ratione; v. ad I. 3. 8. *beatam opulentam*, maxime e mercatura: δλβιώτατος δὲ νησιωτῶν οἱ Κύπροι, δεξὶ τὸ θαλασσοκρατῆσαι, Eustath. ad Dionys. Perieg. 508. Cf. I. 1. 13. et III. 29. 60. Unde et vetus ejus nomen *Macaria* apud Plin. V. 31. ad quod forte allusit Horatius. — 10. Ex prisorum hymnorum ratione plura loca, ubi Veneris religio domestica erat, poeta commemorat. Memphi eam cognomine Hospitae cultam fuisse, auctores sunt Herod. II. 112, et Strabo XVII. p. 1161. a. — *carentem nive, ἀχείμαντον*, (Bacchylideo epitheto apud Athen. I. 17. p. 20. τὴν ἀχείμαντόν τε Μέμφιν καὶ θονακῆδεα Νεῖλον.) h. calidam, e natura istius regionis. — *Sithonia* qualis est in Thracia, epitheto a regione translato, in qua summa ejus copia. Ita *frigoribus Pellgnis Romae carere vult* poeta III. 19. 8. Calpurn. XI. 51. *Sithonias feret ille nives*, *Libycosque calores*. Ornat adeo simpliciter. Sed mire in hoc v. argutari alucinari que videas intpp. — 11. *regina, ἀνασσα, δέσποινα*, solenni Deorum appellatione. Jam pro vulgari, ulciscere, puni Chloes arrogantiam, docte poeta: *tange, feri, percute* Chloen arrogantem, ob ejus arrogantiam *flagello sublimi*, in sublime educto, quo gravior plaga sedeat; pulchre! Solenne poetis ultionem divinam

per flagellum divinitus impactum declarare. Ita est θεοῦ πληγὴ apud Incert. in Stob. Grot. p. 119. Δίκης πέντερον h. ἡ θεόθεν τιμωρία Eurip. Hippol. 1171. (uti plane dea Δίκη τῷ φάβδῳ καιούσα τὴν Ἀδικίαν repraesentata erat in arca Cypseli apud Pausan. V. 18. p. 422.) Δαιμόνων μάστιγα ἔρειδει Sophocl. in Oid. apud Stob. Grot. p. 473. Notissima quoque Furiarum verbera. Quum igitur haec e poetica loquendi ratione dijudicanda sint, nollem VV. DD. eo delapsos esse, ut Venerem, quam in sacrario suo Horatium habuisse credunt, flagello accinctam fuisse statuerent, quae sane idea a Venere marina alienissima est. Sunt qui de Chloe Horatio propitia reddenda explicit, flagello ad amorem instiganda; imagine quidem obvia (ita Medea apud Pind. Pyth. IV. 390. ἵν φρεσὶ καιομένᾳ dicitur δονεῖσθαι μάστιγι Πειθῶς; et Aristae. II. 2. ὥπ' Ἐρωτὸς φωτισθῆναι, quatenus μάστιγι aliquis impellitur, instigatur; unde μάστιγι θεῖα Aeschyl. Prom. 687. est vis divina, in furorem agens, furor divinitus injectus. Ad cestum Veneris suaviter hoc phantasma traduxit Martial. VI. 21. 9. *arcano percussit pectora loro; plaga juvat; sed tu jam, Dea, cæde duos.*) ab hoc tamen loco admodum aliena. — *semel*, præclare ardorem et odium hoc adjecto profitetur poeta.



## ARGUMENTUM XXVII.



*Longum foret, omnes, quibus intpp. virique docti indulserint, super hujus carminis consilio ejusque adornatione insulsas opiniones percensere atque examinare, satis officio boni interpretis fecisse rati, si justam carminis descriptionem adposuerimus. Dehortaturus poeta Galateam quamdam ab itinere, quod in Graeciam factura erat, non malis quidem auspiciis eam retineri ait, quum, etiamsi pessima imminerent, avertere ea atque corrigere*

*in promtu esset; sed instare hibernum tempus, tempestatibus, quas secum ferat, pericolosissimum; de hoc ei laborandum esse, quod nulla arte propulsari queat. Ad blandiri quidem nunc sudum coelum, ventumque ferentem, sed admodum fallax serenum esse, Europae exemplo abunde comprobari. Hoc illustrat in eo que illustrando haeret poeta, summus affectuum ad vivum delineandorum artifex! Ad pedestris scriptoris ἀρχιβεΐων cogi poetam lyricum facile sentias, si nobilissimum ejus spiritum atque impetum cohibitum, si exitum carminis, in praestantissimis totius antiquitatis ingenii operibus judicandum, cum superciliosa Criticorum cohorte abesse malles. Adeo ad naturam animi aestuantis expressa, et oratione comtissima elaborata sunt omnia! Sed Europae exemplum, quod absterrendae Galateae proponatur, minus aptum esse clamant vitio creati censores. Recte utique, o boni, si in Chriarum scriptore similitudo ad rem propositam exigenda foret. Sed taedet, piget pudetque tam quaesitis ineptiis longius immorari. Tu vero compara cum toto carminis habitu Propert. I. 8.*

#### A d n o t a t i o n e s.

v. 1. sqq. Exordium hujus carminis, quod in recensendis tam scaevorum quam faustorum ominum generibus usque ad v. 16. decurrit, ad nostrum quidem sensum parum omnino habet, quo nos detineat; sed injurium foret, e nostrorum temporum ingenio de talibus statuere, quae Romanorum religionibus, his auspiciorum ominumque captandorum superstitionibus implicitis, satis excusantur. Libenter iis utuntur, atque adeo latius exsequendis indulgent poetae, quod, quum in rebus sensui subjectis versentur, ornatum ac tractationem poeticam facile admittant. Ideo

ecsdem in rerum magicarum descriptione fere luxuriare videas. Tam hoc carmen est ad puellam, de exitu itineris forte nimis trepidam ac male ominantem, cui animum ita reddere conatur Horatius. Dici enim vix potest, quam superstitione Romani olim antequam iter ingredenterur, fortuitis rebus attenderint, indeque vel boni vel mali ominis causas derivaverint. Vid. vel Tibull. I. 3. 9 — 20. Jam sententiarum progressionem, paullo impeditiorem, ita tibi explica: Non infausta quidem, quae tuum iter morentur, habes omina, neque ea ego tibi profecturae adprecer, quamvis te retinere cupiam, ut potius, quem semel iter apud te certo constitueris, ipse Deos rogem, ut bona, quae felicem profectionis tuae exitum spondeant, omina mittant; sed adversari tibi anni tempus inplementius ipsa probe intelligis cet. Jam pro: haud infausta profecturae tibi omina adprecer, docta conversione est: Impii iter talibus omnibus, quibus pessimus evenitus respondeat, auspicentur! Ad *impios abominationem*, quam in hostes convertere solenne est (v. vel v. 21. nostri carminis) praeclare deflexit poeta, ut Galateam nil tale merentem ostendet. Facile autem a poeta exspectari poterat, ut infaustorum omnium species nonnullas adnumeraret. De *parra* parum explorata tenemus, ad meropum aliis, aliis ad vanellorum eam genus referentibus. Apicem eam in capite habere, et viridioris coloris esse, constat; nec minus de insuavi ejus cantu, Paullinus ad Aussen. ep. 2. 36. *Si confers fulicas cycnis, et aëdona parrae.* Ad nostrum locum tenere sufficit, fuisse cantum ejus a laeva auditum (nam al dextra condicere putabatur: Plaut. Asin. II. 1. 13. *Cornix est ab laeva; corvus, parra a dæxtera; consuadent.*) inauspicatissimum. Prudent. II. 570. *Cur Cremarae campis cornice vel oscine parra nemo Deum monuit; perituros Marte sinistro ter centum Fabios?* — *recinentis*, quod cantu edit. In composito non argutandum, quasi sit: cantu ab itinere revocantis. — 2. *Ducat*, dux sit itineris, quatenus ominis oblati in re suscipienda ratio habetur; h. l. docte est pro: eveniat, accidat iis hoc omen. — *Canis occurens per se scaevus;* (Plaut Cas. V. 4. 4. *caninam scaevam spero meliorem fore*) scaevior, graviditatis tempore; quod omnino, uti et post partum, inauspicatissimum habitum; unde *feta vulpes*, quae recens enixa est, v. 4. De cornice Plin. X. 12. *inauspiciatissima, foetus tempore; hoc est, post solstitium.* Etiam a sexu ominis diri vim auctiorem repre-

sentare voluisse videtur poeta: quod patet e v. seq. — 3. *Lupa rava*, ravis oculis, quorum color inter flavum et caesium est, γλαυκός, torvam prae se ferens speciem; unde Minerva γλαυκόπις, leo γλαυκίσθων Hom. Il. v. 172. Hesiod. Scut. 430. Et similia. Optime igitur Colum. VIII. 2. 9. *ravidi vel nigrantes oculi*, Geoponica XIV. 16. reddunt, εὐχάροντες τὰς ὄψεις καὶ μελανόφελαμοι. Est igitur lupa torvo adspectu, βλοσφή, χρυσή; αἰσωπὸς, uti passim poetae. Ad colorem fere referunt int̄pp. — *Lanuvium*, Latii oppidum, haud longe a via Appia; per quam transverso cursu lupam ferri puta. — *decurrēns*, nam haec decessior. Docte autem poeta Lanuvina lupa iter Galateae Brundisium versus inuit.

v. 3. *Serpens rumpat iter* docte explicant, interrumpat, scindat; quatenus per transversam viam feratur, eam oblique trajiciat) sed vereor, ne nimis docte. Ego, adj. *institutum* scutus, simpliciter intelligo: sistat iter, quod impii instituerant, ulterius progreedi vetet; quod infaustissimum hoc prodigium habetur. Sententia sane eadem, nimirum: serp. obliqua iis occurrat via: sed alterum simul repraesentat ominis diritatem. Atque ita hunc locum cepit quoque Lucil. Iun. Aetn. 370. *Causa latet, quae rumpat iter, cogatque morari.* — 6. *Si per obliquum terruit, breviter pro, oblique viam trajiciendo terruit, terret mannos, cursu eorum velocissimo inhibito.* Praecipua enim mannorum virtus in velocitate. Ovid. Am. II. 16. 49. Vid. ad V. 14. 14. — *similis sagittae, egregie velocitatem, qua serpens elevatur atque provolvitur, depingit.*

v. 7 sgg. Ego te faustis potius omniibus prosequar, deosque precer, ut laeta tibi auguria mittant, ablegatis tristibus. *Ego ei, cui timebo*, de cuius salute sollicitus ero, angas, ut pote mihi summopere amatae, *providus auspex*, providens, propiciens, augurium ut procurem, *suscitabo corvum prece*, evocabo precibus, h. precebor deos, ut corvum mittant (plane ut Virgil. Georg. I. 157. *rotisque vocaveris imbrem*) oscinem, qui cum clangore advolet a solis ortu, ab Oriente. *Oscines aves dici* quae augurium voce, *praeepetes*, quae volatu faciant, in vulgus notum. Porro *corvus* a laeva *clamans*, bonum; a dextra *volans*, malum augurium habitum; omnino in genere tenendum, *praeepetes* bonas h. fausti augurii, suis malas *oscines*, et contra. Ab ortu autem solis prospera fuisse corvi omnia, adversa ab occasu,

ait Schol. hujusque rei veritatem se plures expertum contendit bonus Mancinellus. — *Antequam* mala obnuntientur. Igitur anteverti atque procurari ista posse arte augurali, creditum. Pro omni malo in specie est *avis divina*, divinans (ut A. P. 218. Serm. I. 9. 30. et alibi) praesagiens *imbrem imminentem*, im-  
pudentem, futurum, h. *cornix*; quod facit, dum *repetit*, petit (facit enim hoc, quoties pluvia imminet) iacet ad *paludes*, aqua sese perfusura. Cf. Arat. Dios. 217. sqq. Plin. XVIII. 35.

v. 13. Hoc (sc. ut faustum iter habeas) ita volo, uti tibi ubi-  
cunque degere lubet, felicissimam vitam ex animo cupiam. Blan-  
de admodum ista poeta, desiderii sui adsectum ad puellae volun-  
tatem adcommodando. *Sis licet felix* (haud adversor tuae volun-  
tati, imo, ut felix istud iter eveniat, deos rogo) *ubicunque ma-*  
*vis, et vivas*, disjunxit poeta, quod concinnius ita efferas: *Vivas*  
*felix*, ubiunque placuerit, *memorque nostri*, quo solo deside-  
rium nostrum solamur. Posteriora amoris sui testificandi causa a  
poeta adjici putanda; nam ad sententiarum contextum parum fa-  
ciunt. Notissima Albiana: *Vivite felices, memores et vivite no-*  
*stri*. — 15. Nullae te aves inauspicatae morentur. Ex his memo-  
rat *picum laevum*, a sinistra parte malum auspicium facientem,  
et *cornicem*, item a laeva mala portendentem. Virg. Ecl. I. 18.  
*Saepe sinistra cava praedixit ab ilice cornix. vago, φοιτᾶσα*  
ornat.

v. 17. *Sed ipsa vides*, perspicis, quam graves hoc anni tem-  
pus secum tempestates ferat, quibus Adriaticum mare, quod in-  
gressura es, potissimum infestatur. Tempestates imminentes de-  
signat poeta ab occasu Orionis, a quo excitari eae creditae. Apoll.  
Rh. I. 1201. εὗτε μάλιστα χειμερή ὀλοῦσθ πέλει δύσις Ωρίωνος, οὐκέ-  
τε ἐμπλήξασθε θοὴ ἀνέμοιο κατάσις. Vid. omnino ad I. 28. 21. *Orion*  
*pronus*, in devixa coeli parte constitutus, trepidat ad occasum,  
festinat (quatenus praeceps fertur, ut *Arcturi cadentis impetus*  
III. 1. 27.) vergit, in eo est ut occidat, *magnō* cum ventorum  
*tumultu*, maximas in mari tempestates excitante. Monet igitur  
puellam de iis, quae proxime per naturas leges certo eventura  
sint. Frustra igitur sunt, qui, ut poeta sibi constet (nam adhuc  
coelum serenum putandum) *trepidare tumultu dictum* volant pro,  
aestuare tumultus excitandi cupiditate, quod longius petitum vi-  
detur. — 18. Ipse expertus sum, quam tempestuosum sit mare  
Hadriaticum. Pro quo poeta: *quid sit*, quale, quam horrendum

sit, *Hadria*, mare Hadr. si in *atros sinus curvetur*, fluctibus intumescat; exquisite. Nam fluctus *sinum trahunt* (Virg. Ge. III. 238.), unde sinus pro ipso fluctu. Similiter *Hadria Calabros sinus curvare* dicunt I. 33. 16. Vulgo explicant mare, quod curva litora ambient. — *Ater*, μίλαν κύμα v. c. Hom. II. ψ. 11. Apoll. IV. — 20. De Iapyge v. ad I. 3. 4. *albus*, coelum serenans, ut *albus Notus* I. 7. 15. — *Quid peccet*, quam fallax ejus serenum sit, quod adfert, quam facile fidem datam fallat, immutando subito coeli sereni faciem; venusta translatione.

v. 21 — 24. Oratio ita continuanda erat: Novi ego, quantas turbas Auster in isto mari excitet. Pro hoc poeta, quo periculi magnitudo mirifice augetur, adhibita imprecationis formula: *Sentiant*, experiantur cum malo suo (nam fere ubique mali notionem huic v. admiscuit poeta) *motus*, maris fluctus ab Austro oriente, surgente excitatos. Forte tamen simplicius erit *motus*, impetus *Austri*, Austrum impetuosum intelligere, quo mota ab eo in mari tempestas designetur. Sive de vento sive de mari intelligas motus *caeci* erunt, subito ingruentes, haud praevisi, vel furentes (quasi caeca mente, insani instar, feratur Auster) vel atri h. vel *Austri* (δυνατὴ θύελλα de turbine Orph. Arg. 1180. cf. I. 5. 7.) vel maiis atri. Omnino de hoc ambigui sensus epitheto v. Heyn. ad Virg. Ge. II. 502. De Austro arbitrio *Hadriæ*, ejusdem duce turbido v. I. 3. 14. III. 3. 5. *Uxores ac pueros* ad rem vocat, utpote magis trepidos in tali discrimine. — 23. *Aequoris fremitum*, fragorem, βρέμοντα τρικυμιας πόντον, (Eurip. Troad. 83.) βρόμον ἡχήντα βαρυγδούποτο θάλασσης, (Musae. 206.). — *nigri* turbati, tumidi. — 24. *Ripas*, litora, fluctum verbere, ictu, adpulsu *trementes*, percussas; nisi et hic verbera *Austri*, undas impellantis, intelligere malis. Meleag. L. 5. (A. Br. I. 16.) ἀνέμων μάστιξι θάλασσα τραχὺ βοῶ. Spectant autem haec postrema ad solam tempestatis exornationem, in qua fluctuum ad litus allisorum solennis mentio. Vid. vel Nostri I. 11. 5.

v. 25. *Sic et Europa*, fallacibus tauri blanditiis illecta, consenoque ejus tergo in mare abrepta, graves temerarii ausi poemas luit. Vide Argum. Illa, qua erat simplicitate, nihil doli suspicata, *credidit latus*, fidenter ac remisse (hanc enim admiscuit notionem poeta huic enuntiationi. (Vid. II. 7. 18.) inhaesit tergo tauri *dolosi*, vel dolose blandientis, vel omnino falsi, latente sub eo Jove. — *niveum*, pulchrum. — 26. Seque misere dece-

ptam, periculis objectam sentit. *Palluit*, cohorruit, adspectu pon-  
ti belluis scatentis, belluosi, (IV. 14. 47.) Homericō epitheto,  
ἀλὸς κητωέσσας, πόντου μεγακήτεος, Od. III. 185. Eandem verbi  
structuram adhibuit Sil. I. 101. *evantes Massylae palluit iras.*  
Ceterum Hellen, ὀχήματος παραδόξου (carietis) ἐπιβάσαν, καὶ ἀπι-  
δοῦσαν ἐς βάθος ἀχνὲς, similiter ἐπιλαγεῖσαν, καὶ τῷ θάμβει ἄμα  
σχεδεῖσαν exhibet Lucian. Dial. M. IX. p. 313. — *mediasque fraude-*  
*des*, cum horrore vidit, se periculis, in quae fraude incidisset,  
circumventam teneri, se in mediis periculis, quae non amplius  
effugere liceret, constitutam esse. — *audax*, temeraria; venuste  
τῷ *palluit* ad latus positum.

v. 29. Quae *nuper* admodum, paullo ante, lusibus puellari-  
bus indulserat, ea nunc noctu per mare vehebatur. — *Studioſa*  
*florum*, intenta, occupata floribus legendis, *opifex cor.* quibus  
Nymphis *coronam ex voto debitam* consertura esset; suavissima  
simplicitate. Eadem de Daphnide ac Chloe habet Long. I. 4. τὰ  
ἄνθη συνέλεγον, καὶ τὰ μὲν εἰς τοὺς κόλπους ἐβαλλούν· τὰ δὲ, στεφα-  
νίσκους πλέκοντες, ταῖς Νύμφαις ἔφερον. — 31. *Nocte sublustrī*,  
quae maligna stellarum luce paullum illustrabatur; adcommodatē  
ad terrōrem augendum. — *nihil astra praeter vidit et undas*,  
conveniunt cum Moschi 129. ἀλλ' ἀηρ μὲν ὑπερθεν ἐνεργεῖ δε πόντος  
ἀπειρων.

v. 33 sqq. In Europae oratione, quam artificiose intexit poe-  
ta, divina prorsus omnia, sive sensuum adfectuumque varietatem  
etque veritatem, sive orationis, qua perturbatior puellae plane  
repraesentatur animus, concisae abruptaeque spectes δεινότητα,  
ut adeo in consummatissimis eam antiquitatis operibus cum ter-  
sioris iudicii hominibus jure ponere liceat. — Simul ac *tetigit*,  
attigit, ἀpulit Creten, *centum oppidis potentem* C. oppida ha-  
bentem, ἐκτόμπολιν, Homericō epitheto, Il. β. 649. Cf. V. 9.  
29. — 34. Multum πάθος habet simplex exclamatio, quacum  
compone Euripi Med. 166. ὁ πάτερ, ὁ πόλις, ὁ ἀπενάσθη. *Pater*  
*o, nomen rel. filiae*, o carissimum patris nomen, *filiae a filia*,  
a me, relictum, quem turpiter reliquerim, deseruerim. Contor-  
tior ratio est, si filiae secundo casu accipias, hoc sensu: O pa-  
ter, o ego misera, quae filiae nomen reliquerim, penitus exue-  
rim; sed hoc demum subſicitur. — *O pietas erga patrem, victa*  
*furore*, temerario meo ausu prorsus neglecta, quam dementi con-  
ſilio abjecerim, proddiderim; verbo, demens ego, quae patrem,

penates deseruerim. Minus vigoris habet Acronis junctura, *dixit victa furore*, non amplius represso irae adfectu.

v. 37. Summum stuporem Europae, sensibus exsternatae, egregie depingunt illa: *unde? quo veni?* quae admodum deprimunt intpp., qui ita diluunt: ego sustinui dulcem et innocentem apud patrem vitam (*unde*) cum hac adultera ac misera (*quo veni*) commutare. Eodem plane adfectu Turnus Maronianus, Aen. X. 670. *Quo feror, unde abiit, quae me fuga, quemve reducet?* Minus graviter Stat. Achill. 248 de Achille: *stupet aëre primo, qui loca? qui fluctus?* ubi Pelion? omnia versa atque ignota videt, dubitatque agnoscere matrem. — *Una mors levis*, levior est, haud satis est ad luendam *culpam flagitium*, quod virgines in se admiserunt: abjectae pudicitiae crimen gravius est, quam ut digne satis vindicari queat. Ex intimo amissi pudoris sensu, qui facile crimen exaggerat, haec dici putanda. Per consequens autem poeta extulisse videri debet sententiam; o quae scelerum omnium scelestissimum scelus patrare sustinuerim! Nostrum exscripsit auctor Herc. Oetaei, obesae naris homo v. 866. *Levis una mors est: levis, at extendi potest.* Propert. IV. 4. 17. *Satis una malae potuit mors esse puellae*, laudavit jam Lamh.

v. 38. Praeclara est atque plane ex animi humani natura ducta haecce puellae, quae probe ac pudice vita<sup>m</sup> antea egisset, de admisso tam insigni scelere dubitatio, a poeta egregie exornata. Vulgare erat: Vigilone an somnio? Similiter in magno gaudio repente oblato Aristaen. II. 14. μεταξὺ δέ πως προσαπιστοῦ· α, πρὸς ἐμαυτὴν ἔφασκον ἀρα ἐγρήγορα, ή πλανῶσι με τῶν δυνητῶν εἰκόνες; ὃν τοῦ σΦόδρα γὰρ ἐπιθυμεῖν ἐλέμβανε μέ τις ἀποστολα. Cf. ibi Abresch. p. 259. Jam, vigilone, verene illud in me admisi facinus? utrumque hoc vide quam docte copulaverit (quod idem in antithesi tenuit), adjectoque poenitentiae sensu (*ploro turpe comm.*) exornaverit poeta! — 39. *An somnio*, pro quo ornatissime est: *an ludit*, illudit, decipit *imago*, *ἴδωλον*, visum, somnianti objectum, idqne *panum*, falsum, quippe e porta somni eburnea emissum. Nam somnia, quae in locis inferis collocata, in superas auras evolant, ac vera quidem, per corneam, falsa per eburneum somni portam emitti credita; Homericō phantasmate Od. τ. 562. a Virgilio exornato Aen. VI. 894. Jam imago isto ducit adfert h. l. *somnium*, quatenus speciem sui somniantis sensibus objicit. — *vitiis carentem*, ita ut

adulterii crimine vacem, admiodum *ἐναργῆς*, pro tenui, me. Ex Nostro profecit Claudian. XXVII. 21. *Additur ecce fides, nec mea mea lusit imago, irrita nec falsum somnia misit ebur.* Adde Val. Flac. IV. 531. — 42. In hoc haeret puella, ita argumentando: *meliusne fuit*, qui enim mihi persuadeam, me maluisse, potius habuisse, *ire per longos fluctus, longinquum mare trahere*, tam periculosum iter suspicere, quam floribus in amoenissimo prato carpensis vacare? — *recentes, novos* (IV. 1. 32.) *τέρπεν' ἀνθεξ.* Venuste jucundum florilegii laborem designat hoc epith. poeta.

v. 45. Haud incerta amplius, vere ista omnia accidisse, acerba poenitentia incitata saevissimaque ira accincta, furibundae instar, in auctorem mali, quod naturae sensui consentaneum erat, convertitur, gravissimam de eo vindictam sumitura. Magnopere animum percellit furoris muliebris species, ulciscendi studio ad quaevis audenda adgrediendaque, quantumvis viribus longe inferior sit, animosi atque prompti: — *Si quis dedat, utinam detur mihi nunc, ita adfectae, ira percitae, hinc explicatus adj. iratae;* vellem mihi dari obviam juvencum *infamem*, detestandum, invisum (uti Venus illud v. 71. falsae puellae exprobrat). Magnam cum h. l. similitudinem habet, quae Geta loquitur apud Terent. Adelph. III. 2. 12. unde initium delibare liceat: *vix sum compos animi; ita ardeo iracundia. Nihil est quod malim quam illam totam familiam dari mihi obviam — seni animam pri- mum extinguerem ipsi, qui illud produxit scelus: tum autem Syrum impulsorem, vah quibus illum lacerarem modis; vide omnino reliqua.* — 46. Enitar lacerare, quam *ἐναργῆς* pro, *lace- rarem*, discerperem, atque ipsa ejus cornua frangerem, comminuerem; huic verbo adpositum τὸ ἐνιτάρι, vide quantam vim exserat. Pro ejus suavissima antithesi est, *monstri*, tauri adspectu foedi, execrandi, qualis nunc Europae indignahundae videbatur, quem ipsum modo; dum in pratis luderet, *amasset*; blande palpando, atque adeo osculando. Vid. Mosch. 93. sqq. Male *mon- strum* nonnulli tauram dici autumant, vel quod Jupiter sub eo latuisset; quod tamen ignorabat puella: vel, quod in humanam sese formam mutasset. Ita vero parum quadrant adj. *modo m- amati.*

v. 49. Nunc ad se redit, seque ipsa probris lacerat damnataque. *Impudens* fui, quod *patrios Penates*, patriam liquerim;

multo tamen magis *impudens* nunc, quod non statim morte flagitium luerim. Κλίμακ in altero membro facile sentias. *Orcum moratur*, qui mortem differt, quae ipsi dudum subeunda foret. *O deorum* cet. Maximam vim habet subito ad Deos conversa oratio; tum quod Deorum benignitatem ac miserationem in hoc agnoscit, si belluae, quibus dilanietur, sibi objiciantur. Etiam hoc ad animum ejus perturbatiorem satis adcommodate, quod dubitanter admodum preces proponit, quarum rationem ullum Deorum esse habiturum vix speret; uti fit in summa trepidatione ac desperatione. — Utinam errerem inter leones, leonibus subito me circumventam videam, praedae iis der. — *nuda*, vel proprie, vestium qualicunque munimento destituta, quod leones aliquantisper moraturum puellaris sibi persuaderet simplicitas; vel, absque auxilio, sola. Prius tamen poeta dignius, atque venustius.

v. 53. Antequam lenta morte consumar, fame conficiar. Profecta haec e priso humanitatis sensa, quem etiamnum animadvertere licet, quo exigua in proprinchorum aut sibi dilectorum funere luctus solatia haberent, si illaeso atque integro corpore mori ipsis contigisset. Sophocl. Antig. 829. οὐκοῦν κλεινὴ καὶ ἔπαινον ἔχουσ' εἰς τὸ δὲ ἀπέρχη χεῦθος νεκύων οὐδὲ φθινάσσει ληγεῖσσα νόσοις, οὔτε ξιφέων ἐπίχειρα λαχοῦσσα. Cf. Eurip. in Philoct. fragm. V. p. 464. Lips. Lucian. in Luc. 33. extr. p. 603. Luculentius Stat. Silv. II 1. 154. *Gratum est, fata, tamen, quod non mors lenta jacentis exedit puerile decus, manesque subivit integer, et nullo temeratus corpora damno.* Adde Ei. Theb. IX. 732. Apulei. p. 188. Oud. Idem igitur votum floridae aetatis puellae, cui semel pereundum sit, a poeta tribui, in hoc nemo facile judicium ejus desideret. Sed miris hariolationibus h. l. indu videas intpp. Jam expende ornatum verborum. *Macies turpis occupat, extenuat, deturpat malas decentes, dehonestat genarum pulchritudinem.* — *Succus defluit corpori* (pro quo quaeſitiūs est, tenerae praedae, puellae tenerae, feris destinatae), corpus contabefit, areſcit. Succus enim vegetae aetati proprius, unde eadem aetas tumida cet. vid. ad II. 5. 10.; cui opponitur corpus aridum, exsuccum, γῆρας ξηρόν. — *Speciosa dum adhuc sum integro corpore;* quo ipsum speciosum dici potest, ex oppos. corp. macie confecti — *quaero pasc. tigres*, cupio tigribus objici, praedae dari; sed alterum opimiae praedae adjunctam notionem habet.

v. 57. Furorem animique ex amissio pudore gravem aestum vide quam vivide adumbret explicitque poeta! Eo tandem puella progrederitur, ut de morte sibi consiscenda deliberet; deliberantique sibi patrem, quem omnia, quae sibi acciderint, rescisse autumat, truculento vultu adstare imaginatur, et ipsum ad exsequendum quam primum supplicium sese instigantem, variaque mortis genera, quae in ejus manu sint, liberaliter suggesterentem. Mirare artificium poetae, in puellae sensibus, intexta patris oratione explicandis. — *Vilis*, abjecto pudore, abjecta. — *urget*, instat tibi, delecte pro tenui, inquit propter seqq. — 59. *Potes* hac ab orno cet. graphice prorsus, vel hac ab arbore pendere potes. *Laedere collum zona*, nihil amplius esse arbitror, quam zonam collo circumdare, adjuncta tamen arctioris impressionis notione. Ita *laedere oscula*, de *pressis*, quae Martial. IV. 34. 1. vocat, *osculis* I. 13. 15. ubi plura vide. Nam suffocationis seu elisarum faucium notio quaerenda in adj. *pendulum*; quod ab hac orno (nam haec τῷ *pendulum* jungenda) pendeat. Est adeo: *Potes* collo tuo zonam injicere, ita ut ex hac arbore pendas; nam τὸ *pendulum* ad corpus maxime spectare, facile quisque videt. Eodem fere ornatu Sophocl. Antig. 1237. τὴν μὲν χρεμαστὴν αὐχένος κατειδομεν βρόχη μιτράδει (*zonae*) σινδόνος καθηματην. Ac in hac enuntiatione acerba cunctationis inest exprobratio, quasi collum laedere timuerit puella; sed hoc forte subtilius. Eadem acerbitas in *bene te sequuta*, quam opportune hoc attulisti. Ceterum de hoc zonae usu passim veteres. Cf. Aeschyl. Supl. 456. Aristodic. I. 3. (A. Br. II. 260.) Parthen. ἐφωτ. παρθην. c. XI.

v. 61. Variatur oratio, quae ita continuanda erat: potes etiam ab hoc saxo mortem petere. Pro eo est, vel si *rupes* et *acuta saxa*, rupes acutis, prominentibus saxis *te delectant*, eas mavis, praefers, *leto*, quibus letum tibi consiscas. Ποιητικῶν tamen videtur, si *acuta leto*, h. quae acie sua mortem facile inferant, jungas. — age *crede*, committe te *veloci procellae*, ventis, qui satis cito te deferant, delahere per auras, praecipita te isthinc; nota loquendi ratione. Haud dissimilia Acciana apud Cic. Tusc. II. 7. *Heu qui salsis fluctibus mandet me ex sublimi vertice saxi?*

v. 63. Summa acrimoniae vis tam in verbis quam sententia, qua ad mortem audendam sese excitari sentit puella. *Nisi forte*

*tu, regius sanguis regio prognata genere, servitium tolerare manus.* Pro servitio speciatim poeta ponit *pensi herilis*, h. ab hera injuncti, s. lanae quotidie *carpendae* ac filis deducenda h. nendae opus, in servili conditione commemorari solitum. — 65. *dominae barb. tradi*, in alias feminae potestatem venire, dominam nancisci, cuius forte pellex fieri cupias. Sammum virus in his.

v. 66. En malaciam inter saevissimos adfectum tumultus subito exorrectam, tantoque blandius animum ferientem ac permulcentem! Postquam puellae adfectus in summam ἀκμὴν excreverat, adeo quidem, ut res ad exequendum parandae necis consilium spectaret; hoc demum momento Venus, diu misero isto spectaculo maligne laetata, e nube prodit, ac miseram solatur. — *Aderat*, dudum adstabat Venus, audiveratque querentem de miseria sua Europam. Praeclare ita munit viam poeta ad seqq. — *perfidum*, perfide, maligne *ridens*, inter maximos Europae ejulatus, ac dolores. Idem epiti. Nostro adsumsit Appulei. p. 411. Oud. — 67. *remisso arcu*, nervo laxato, quippe opere ex animi sententia ad exitum perducto. Suavis pictura.

v. 69. *Mox*, tam, ubi satis lusit, ubi satis ludibrio habuit puellam, satiata tandem saevo isto spectaculo. Novos ludos, quos Europae Venus fecerit, postquam se conspiciendam præbuerit, comminiscuntur h. l. intpp. quos ego non video. Ipsa Veneris oratio, ad consolandum composita, multum amaritudinis admixtum habet, quod loquentis personam admodum decet; tum in exitu gravis, quo fortius Europae, quae tanta fortuna indignum sese gessisset, animum feriret. *Abstineto irarum et rixae* ab ira, (notissima structura) sedulo te hortor ac moneo, ne, quod pulchre minata es, in iram effundaris. — *calidæ*, animi calidi, commoti indicis. Cf. III. 14. 27. — 71. *Quum* taurus iterum in conspectum tuum veniet. Pro quo cum amara minarum ejus irrisione est, *laceranda reddet cornua*, præbebit tibi corn., quae dilaceres. — *invisus*, infamis iste v. 45.

v. 73. *Nescis esse uxori*, græcce, pro, nescis, non intelligis, te esse *uxorem*, expeditam amplexu a Jove. — *invicti*, exspectantissimi, valde adposite. — 74. Id felicitatis fastigium attigisti, ut cavendum tibi sit, ne ea efferaris; felicissimam te putato. Sed gnomes formam sententiae docte induit poeta, passim celebratae Eurip. Suppl. 124. Tί δέ εὐτυχοῦντες, οὐκ ἔχοντας φέρειν, male felicitatem ferunt ut Senec. Const. Sap. c. 11. Adde Rutil.

Itin. I. 497. — 75. *Nomiua tua ducet*, a te nōmen trahet, accipiet *sectus orbis*, docte pro, pars *secti orbis*, terrarum, Europa

ARGUMENTUM. XXVIII.

**L**eve admodum argumentum, satis docte tamen ac venuste ab Horatio tractatum. Offert se Lydae, libertinae atque fidicinae (quod e toto carminis habitu conviviique adornandi ratione sole clarius patescit) convivam poeta, convivandi occasione a Neptunalibus (quae in a.d. V. Calend. Aug. incident) desunita. Es apientia ejus v. 4. prave accepta serio cogunt nonnulli, intelligi oportere „matronam Romanam nobilem, honestam, doctam eamdem item valde gravem ac severam, ceterum amicam Horatii decoro sensu“ Ohe! Placet in hoc carmine Horatii sedulitas atque morae impatientia, qua totum mire animatur. Neque abest doctrina atque ornatus quaesitior in singulis sententiis. Graecum tamen exemplum ad manus fuisse, hinc inde adparet.

A d n o t a t i o n e s.

v. 1. Sententiam, hunc diēm hilariter agere convenit, vivida inversione neque tamen satis diserte, ut decebat ejus affectum, exposita, poeta extulit: *Quid potius*, quod magis consentaneum sit festo huic Neptuni diei, Neptunalibus, faciam, quam potando eum transigere. Alia alii supplent atque comminiscuntur, quae minus ad rem faciunt. — 2. *Prome* e veterario *strenua πρόσθμος*, pro adv. *strenue*, *πρόσθμως*, noto graecismo, v. c. Theocer. XXV. 252. *λις αἰνὸς ἀπόροθεν ἀθρόος ἄλτο*, ubi alterum epith. *ἀθρόος* verbo *ἄλτο*, adverbialiter, *ἀλέγως*, jungendum. — Caccu-

**bum**, cadum vini Caecubi (de quo I. 20. 9.) *reconditi*, interius repositi (ut *interior nota Falerni* II. 3. 8.) tanquam melioris notae, servatique ad festas dapes, ut de eodem V. 9. 1. Tum plurium annorum Caecubum opus habebat, antequam mitesceret.

— 4. *vim adhibe*, vim admove, expugna, pelle animo *sapientiam*, σοφοσύνην, temperantiam, sobrietatem, sapientiae praeceptis confirmatam, adeoque indulge genio, totam te ita in hilaritatem effunde, ut tetricis ac severis insipida videare. Ita *stultitia et desipere* est IV. 12. 27. Docta est ad h. l. Porphyrionis nota: Graeci ajunt, vim sapientiae adhiberi per vinum; quae tamen vereor, ut huic loco satis cominoda sit. Graecis enim simpliciter οἶνος βιάσθαι dicitur, veluti Theogn. 495. οἰνοβαρέω κεφαλὴν — — καὶ με βιάταν οἶνος, ἀτὰρ γνώμης οὐκ ἔτ' ἐγὼ ταῦτα ήμετέρης.. Eodem sensu ἀμπέλου καὶ βιάρης audit Pind. Nem. IX. 122. Cf. ad III. 21. 13. Ad sententiam Meleag. LVI. 5. (An. Br. I. 17.) Κωμάσσομαι — — ἵψιφθω σοφίας ὁ πογύς πόνος. — munita docte sapientia dicitur, quod proprie in animum cadit, adversus omnia sapientia munitum atque obfirmatum. Quo sensu Homero φρένες dicuntur πυκταί, Hesiod. Theog. 608. mulier ἀρηγῆσια πραπίδεσσι et alibi νόος πεπυκασμένος, Mosch. III. 15. νόος δέ οἱ ἐμπειρήσασται. Attius apud Cic. de Div. I. 22. *Vide ne*, quem tu esse hebetem deputes, aequa ac pecus, *is sapientia munitum pectus egregium gerat*. Quint. Cal. II. 264. στερεῷσιν ἀρηγάμενον φρεσὶ θυμὸν dicit, quem Martial. I. 40. *magnae subnixum robore mentis*. Paullo aliter σοφίαν in alio positam, ad quam pauci enituntur, καλλίπυργον vocat Aristoph. Nub. 1020. quam disertius exponit Lucret. II. 7. *nil dulcius est, bene quam munita tenere edita doctrina sapientum tempora serena, despiceret unde queas alios* cet. quocum conf. Lucian. Nigrin. 18. p. 57. et Stat. Silv. II. 2. 131.

v. 5. *Meridies inclinat*, docte pro, dies vergit ad occasum. Non nimis stricte accipiendum h. l. sed ut Macrobi. I. 3. *mediae noctis inclinatio* primum diei tempus dicitur, ita h. l. de die magnam partem praeterlapsi cogitandum. Formata autem haec locutio ad Graecorum rationem, quibus, aequa utrimque diei lance, μεσημβρία σταθερὰ, ἴστασθαι, meridies stare, sole in summum coeli fastigium evecto (qui et ipse tunc stare dicitur. Nicand. Theriac. 469.) exquisite dicitur. Vid. omnino eruditam Ruhnk. notam ad Tim. p. 235. Omnino convivium tempesti-

viis institui cupit poeta. — 6. Neque dum tamen de auspicanda compotatione cogitas. *Veluti stet, non properet, cito ad finem decurrat dies volueris, cuius fuga velocissima sit. Haud segnis stat remeative dies,* Tibull. I. 4. 28. Seneca Herc. fur. 179. *volucrique die rota praecipitis vertitur anni.* Vid. Markl. ad Stat. Silv. V. 1. 17. — 7. *Parcis deripere, non deripis (notissimo τον φειδεσθαι υσυ) horreo,* de vini veterario (de quo pariter adhibuit Colum. XII. 2. 2.), quod in superiori oeco erat, ubi cadi alte repositi erant. Unde proprie *deripere.* Vid III. 21. 7. — *Cessantem suaviter adjectum, tanquam ipsa convivium moretur, non satis cito ex Horatii impatientia deripientem secuta.* Eadem venustate Virg. Aen. VI. 210. de aureo ramo: *Corripit Aeneas extemplo aridusque refringit cunctantem, respectu Aeneae avidi.* Nam si proprie accipias, Sibyllae sibi haud constaret effatum v. 146. Stat. Silv. I. 5. 11. *cunctantemque impelle chelyn,* ut ibi scribendum, estque vel, move, deripe, vel impelle fides (ut Tib. II. 5. 3. *impellere chordas*) *cunctantes, tacitas, quae dum sonare debnissent.* Parum apte h. l. amphoram cessantem interpretantur, tot annis otiosam, vel, quam cessas deportare, quod linguae rationi adversatur. — *Bibuli consulis, M. Calpurnio Bibulo Cos.* reconditam, consulatus ejus nota signatam. Incipit is in a. U. DCXCIV.

v. 9. Cantu quoque hunc festum diem celebremus. Cum compotationi Neptunalia praetendant, satis consentaneum est, cantui hymnos subjici. — *invicem, alternatim, ἀμοιβαίως.* — 10. *virides Nereidum comas, admodum poetica ratione, pro, Nereidas virides s. caeruleas comas habentes, κυανικλοκάμους* (Q. Cal. V. 345.) epitheto a maris colore ad deos marinos solenni more traducto. Stat. Silv. I. 5. 16. *Ite deae virides, liquidosque adverte vultus, et vitreum teneris crinem redimite corymbis;* (ubi ter (*virides deae, liquidi vultus, vitreus crinis*) epitheton a mari ductum videas, quod vix probaveris. Ovid. Trist. I. 2. 59. Proh. Superi — *viridesque dei, quibus aequora curae.* — 11. *Tu recines, vicissim canes lyra curva, convexa;* vid. ad I. 10. 6. — 12. *Latonae in hymnis in Apollinem et Dianam, suaue laudes tributae, maxime, quod tam praeclararam prolem partu edidisset.* Vid. ad. I. 21. 3. — *spicula Cynthiae, Diana (a Cyntho, Deli monte) quod iterum poetica ratione dictum pro, Dianam spicula s. tela gestantem, pharetrataam, τοξοφόρον, ιοχέατραν.* Simillime

Callim. de Apolline H. in eund. 18. 19. εὐφημεῖ καὶ πόντος, ὅτα  
κλείσιονσιν ἀσιδοὶ ή κιθαριν, ή τόξα, Λυκωρέος ἔντεα Φοίβου.

v. 13. *Summo carmine*, tum denique, postremo nos una can-  
tabimus deam, quae tenet *Gnidon*, Gnidii numen ἐγχώριον, (v.  
ad I. 3. 1.) Venerem. De Venere *Gnidia* v. I. 30. 1. — *Cycla-  
das*, quae omnino νήσου iερωτάται Callim. H. in Del. 3. audiunt,  
maxime Delum Veneri quoque sacram fuisse, cum ex h. l. tum  
ex Pausan. IX. 605 et Plutarch in Thes. c. 9. quos laudat Spanh.  
ad Callim. H. laud. v. 308. abunde cognoscitur. — *fulgentes* vid.  
ad I 14. 19. — De Venere, *Paphi* culta, res pervulgata. — *vi-  
sit*, *invisit*, frequentat *junctis* currui suo *oloribus*, inventa currū  
*oloribus* juncto. Docte ita illud *tenet* variavit poeta. Ceterum  
hae Deorum ἐπιδημίαι, quas tangit hoc orationis colore Horatius,  
satis frequentatae vett. De Veneris currū olorino vid. ad Propert.  
III. 2. 39. et ad Stat. Silv. I. 2. 42. Loca autem Veneri consecra-  
ta haud temere cumulari a poeta dixeris, si eum priscorum hym-  
norum naturam ita repraesentare voluisse cogites. — 16. *Nox*  
quoque (utpote in nocturna compotatione, ut III. 19. 10.) *dice-  
tur*, celebrabitur, ornabitur *naenia*, hymno, carmine, nihil am-  
plius. — *merita*, ὁσπερ εἰς τὸ, merito Nocti honos iste haben-  
dus. Ceterum haec χορυκτα diversas cantiunculas constituere, ipsa  
argumentorum ejus abunde commonstrat ratio.



## ARGUMENTUM XXIX.



*In hujus carminis percensendis celebrandis-  
que virtutibus facile deficias vel*

si tibi linguae  
Centum atque ora sient totidem vocesque liquatae,  
ut Hostiana (Macrobi. VI. 3.) nostra faciamus.  
Adeo et in summa carminis, et in singulis

*ejus partibus omnia elaboratissima, excellen-  
tissima, atque omni laude superiora! Potuit  
quae maxima virtus esse, fuit. Quae  
quo melius intelligentur, de argomento, ejus-  
que tractatione ita habe: Maecenatem invitat  
poeta, ut, relictis urbanis negotiis, aliquan-  
tulum temporis ad se in villam concedat, ge-  
nioque ibi indulgeat, momentis, quibus eum  
expugnare conatur, partim ab urbis fastidio,  
quod luxus ejus aliquando gignat, partim a  
ferventissimo anni tempore desuntis. Quum  
autem Maecenatem praefectura Urbis, quam  
tum sustineret (ab a. DCCXXXIII.) sollici-  
tusque paullo gereret, maxime, quo minus co-  
piam sui faceret, impediri intelligeret; poe-  
ta, a nimia ista sollicitudine eum dehortatu-  
rus graviter ostendit, certis curas istas cir-  
cumscribi oportere finibus, ne bona, quae  
praesens hora largiatur, penitus elabantur;  
futurarumque rerum curam vanam esse atque  
inutilem. Hinc fluminis exundantis ritu pro-  
volvitur concitator poetae spiritus, ex suo  
de rebus humanis, praesentisque temporis in  
vitae incertitudine, fortunaeque inconstantia  
fructu arripiendo, sensu altus atque nutritus,  
Exsultare poetam dicas, immensumque  
profundo ore ruuentem, ubi veros ani-  
mi sensus prodit, nunc enuntiationis brevita-  
te, nunc exuberantia sua (vide mihi v. 35 sqq.)  
animum mirifice adficientes. Qui hoc perle-  
cto carmine non incaluerit, nae ille Apolli-  
ne, Musis, Gratiisque aversis in dias se lu-  
minis auras projectum nullus dubitet.*

#### Adnotationes.

v. 1. Augustius atque illustrius exorsurus carmen poeta Mae-  
cenatem Tyrrhenorum seu Etruscorum regum (pro quo exquisi-

tiori junctura est, *Tyrrhenus regum progenies*; quia eadem idem Propertio loco mox adducendo *Etruscus sanguis regum*, pro, Etruscorum regum s., audit) stirpe oriundum praedicat, quem hac sua origine sibi admodum placere tantoque majorem inde continentiae laudem captare intelligeret, quod, quum summa in rep. consequi potuisset, equestri dignitate contentus esset. Idem quaesitam lenocinium in, Propert. III. 7. 1. *Maeoenas eques*, *Etrusco de sanguine regum*, intra fortunam qui cupis esse tuam; coll. vv. 21 — 30. De regia Maecenatis stirpe vid. ad I. 1. 1. et intpp. ad Prop. I. 1. — *tibi est apud me*, in tuum usum parata a me sunt, destinata tibi sunt. *Jam dudum*, non quod diu ista domi suae Maecenati servaverit, quae admodum jejuna ratio foret, sed omnino impatientiam, qua amicum exspectat poeta, egregie declarat. — 2 — 4. Idem exordium in simili arguento cum eadem convivalis adparatus enumeratione est IV. 11. *Merum lene*, πέρων, vetustate emollitum, lenius factum, (ut molle merum I. 7. 19.) languidum (III. 21. 8.) annosum, idque servatum in *cado non ante verso*, qui ante hunc diem non inversus est, integro, intacto adhuc. Est adeo pro: cadus vini vetustissimi, adhuc plenus, tibi apud me est; sere ut IV. 11. init. *Est mihi nonum sup. annum plenus Albani cadus*. Paullo adparatus, hilariusque convivium Maecenati ita denuntiari, in promtu est videre. Eodem spectant sqq. *Vertebatur autem cadus*, dum vinum inde effundebatur (Plaut. Stich. V. 4. 32. *quamvis desubito vel cadus verti potest*. Cf. Nost. Serm. II. 8. 39.) idque inversus statuebatur (*capite sistebas cadum* idem Plaut. Mil. III. 2. 36.) vino exhausto. Si cadum non ante versum simpliciter interpreteris, recentem, cui primum vinum infusum sit, nescio quam gravis sit, quae vino inde accedit, commendatio, et alterum aptius utique liberiori compotationi. — 3. *flore rosarum*, π'δαν ἀντροις (ut Callim. ep. L. 3.) *rosis*. — 4. *balanus*, seu μυροβolanus (ἢ τὰν μυρεψάν βάλανος Aelian. X. 11.) *glans*, e cuius nucleo oleum exprimebatur, cuius ad pretiosissima unguenta usus erat. Cf. Dioscorid. III. c. 154. De natali arboris solo agit Plin. XII. 21. — *pressa tuis capillis oleum e balanino expressum*, omnino pro unguento balanino, quo crines tuos perfundas, inungas, pro tenui, tibi, in tuum usum.

v. 5. *Eripe te morae non simpliciter est, amove a te, pelle moras*; festina; sed uti seqq. suadent, expedi te iis, quae te

jucunditate sua detinent, a quibus aegre divelleris. de quibus explicatius statim poeta. — 6. *Ne semper in domo tua intra urbem delitescas, desideas.* Jam domum Maecenas magnifice alteque exstructam habebat in hortis Esquilinis, unde in totam urbem adjacentesque regiones latissime prospectus pateret, quo eum admodum delectatum fuisse ex h. l. colligas. Igitur pro isto vulgari, adjecta hac morae causa, poeta: ne semper *contempleris*, e domo tua prospicias, ne usque delecteris, detinearis jucundissimo in amoenissimas regiones prospectu. Sed has speciatim adumbrat, oculisque subjicit poeta. De Tiburtinae regionis suavitate v. l. 7. 12. — *udum, ὑγρὸν, roris et fontibus irriguum;* perpetuo epitheto. Ovid. Fast. IV. 71. *Et jam Telegoni, jam moenia Tiburis uidi stabant.* Cf. I. 7. 14. IV. 3. 10. Ceterum male nonnulli de Tiburtina Maecenatis villa h. l. cogitant, quo totius loci vis infringitur, et cui repugnant vv. 9 — 11. Tum illa oppida in Romae conspectu esse diserte ait Strabo V. 238. — *Aesulae declive arvum, Aesulam, coloniam Romanam, in declivi positam.* — 8. *juga collis, collem,* in quo Telegonus urbem condidit, Tusculum in alto situm. Ovid. Fast. III. 92. *Factaque Telegoni moenia celsa manu.* De Telephono, qui inscius Ulyssem patrem trygonis radio, sagittae praesixo, interficeret (unde *parricida*) vid. Boettig. ad h. l. Beckmann. ad Antig. Mirab. c. 22. p. 33. intpp. ad Hygin. F. 127. in primis Schott. Ohss. hist. III. c. 17.

v. 9. Desere aliquantis per urbem, ipsa lautiarum copia *fastidiosam*; nisi potius (etiam propter v. seq.) ad domus ejus copiam referre praestat, hoc sensu: Linque aliquandiu domum, omnibus vitae deliciis copiose instructam, omittit aliquantis per lauitias istas, ipsa copia sua, usque haud intermisso satietatem ac fastidium creantes; quibus opponantur (v. 15..) *coenae paup. sine aulacis* cet. — 10. *Moles propinqua nub. ard.* est ipsa alta (V. 9. 3.) Maecenatis domus, s. *turris Maecenatiana* in Esquilinis. Cf. Sueton. Ner. 38. Ejus delineatio exstat in Lauri splendore antiquae Urbis T. II. t. 104. *Regias moles similiter dictas habes* II. 15. 2. eademque ratione *Hadrianea moles*, Mausoleum Hadriani, in turrim excrescens, appellatum; de quo v. Schoepflin. in Apotheosi Imp. Rom. p. 85. Suaviter opponit regali Maecenatis aedificio parvum suum larem poeta v. -14. — 11. *Omitte, noli mirari,* ne te tantopere Urbis illecebrae

capiant, ut inde abstrahi nequeas. *Mirari* enim poetis est, ob-  
tutu defixum haerere (ut III. 25. 14. *Ut mihi devio ripas et va-  
cuum nemus mirari libet*) et quidein cum laetitiae sensu (Prop.  
I. 11. 3.), capi alicujus aspectu (ut I. 4. 19. IV. 9. 15. V. 3. 11.)  
delectari aliqua re. Male confundunt intpp. cum verbi *rum amare*  
et *spernere* usu poetico, pravumque inde canonem criticum con-  
stituant. — 11. Luxum deliciasque urbis Romae paeclare poe-  
ta ita eloquitur, ut injucundi, molestique, quod iis admixtum est,  
sensum in Maecenate simul excitet acuatque, quo facilius eum  
inde abducat. Immanem igitur epularum luxum *fumo* designat  
poeta, e fumariis prodeunte, teclisque ac plateis aestatis tempo-  
re (ad quod spectat hocce carmen) quum sol altissimus est, con-  
tinuo incubante, aëremque gravante. Senec. ep. LIV. *Ut pri-  
mum gravitatem urbis excessi, et illum odorem culinarum fu-  
mantium, protinus mutatam valetudinem sensi.* Forte tamen  
fumus de coenarum adparatus factarum nidore accipiens, cu-  
jus jacundissimus ad Maecenatem penetraret sensus, quoque iti-  
dem Claudium in Saliari coena adparanda ictum narrat Sueton.  
c. 33. ut adeo simpliciter laudiores epulas innuat, a quibus ali-  
quantisper Maecenatem avocare conetur poeta. Nam ignis adeo-  
que fumi grandioris solennis mentio in coena laudius instructa.  
Martial. VII. 27. 5. *Pinguescant madido tetri nidore Penates,  
flagret et exciso festa calina jugo.* — *Opum generaliorem no-  
tionem interposuit poeta, more, quo speciei genus immiscet,*  
ipsi häud infrequenti. Vid. I. 10. extr. I. 31. 6. et alibi. Hoc loco  
perspicuitati maxime insertum. Nemo enim facile fumum strepi-  
tumque miraretur, nisi manifesta opum s. splendoris atque luxus  
essent argументa. Qua ipsa de causa Romae addi putandum  
epith. *beatae h. splendidae, opulentiae.* Quid vero? si *opes* in  
mensis divitum expositas, aurea atque argentea vasa, tricliniorum  
que magnificentissimum ornatum, eburneos lectos purpureis stra-  
gulis instratos, aulæa, laquearia aurea, pavimenta opere tessell-  
ato polita, etc. quibus mundae coenæ sine aulæis et ostro op-  
ponantur, strictiore sensu interpreteris? quod sane, perpensis  
omnibus, adcommodatissimum h. l. videtur. — *strepitum* etiam  
ab omnibus intpp. generatim de clamore forensi, discursantium  
tumultu, quem *urbis fremitum* Plin. Epp. III. 5. et *vaga mur-  
mura* Stat. Silv. I. 1. 67. vocat (acute etiam Martial. XII. 57.  
*ad cubile Roma est, h. eo penetrat urbis strepitus*), accipi vi-

Geo. Sed revocanda idea ad coenae lautioris tumultuosiores adparatum, ministrantium ingenti numero discursus, convivantiumque liberiorem compotationem. Atque ita demum Romam satis εὐαργῆς brataī dici, in promtu est videre. De strepitu hoc convivali v. Virg. Aen. I. 725. Adde Stat. Theb. I. 515. dictis parere ministri certatim accelerant. Vario strepit icta tumultu regia: pars ostro cet. et Achill. II. 81. Jamque atria servent regali strepitu et picto discumbitur ostro. Ceterum hoc tetrastichon Licentium in carm. ad Augustinum v. 71. sqq. *Et nunc Romulidum sedes et inania (f. immania pro, et inania) tecti culmina, buchhatasque domus (convivales strepitus) vanosque tumultus desererem, ob oculos habuisse haud inepte suspicabatur Wernsdorf.* Poet. min. T. IV. p. 871.

v. 13. sqq. Inversa atque amplificata antecedentium vv. sententia, ad Maecenatem, ut urbis deliciis aliquantis per careat, et in Sabinum suum commigret, persuadendum egregie concinnata. Doce autem conjunxit poeta duo haec commata: vices gratae sunt divitibus, et, quo vices disertius exponuntur: coenae mundae — explicuere frontem. *Vices*, mutata per aliquod tempus vivendi ratio grata, multum jucunditatis habens, nato quippe et continua fruendi copia fastidio; tum gratiore divitibus lauitiae suae existant necesse est, quibus aliquamdiu caruerint. Unde in praceptis Epicuri erat, τοῖς, πολυτελέσι ἐκ διαλειμμάτων προσέρχεσθαι, Diog. Laert. X. 131. laudante Boettig. — 14. Coenae haud opipare quidem ac sumtuosae, at mundae, haud sordide adparatae, munda supellectili expositae (ubi splendet in mensa tenui salinum II. 16. 14. cf. Epp. I. 5. 7.) sub larē parvo, sub exiguo tecto pauperum, ab hospite paupere adornatae, plerumque explicuere haud raro explicare solent frontem sollicitam, curis corrugatam, obductam, h. dispellunt eorum sollicitudinem, curas, quae fere ipsos comitantur; verbo, exhilarant eos. — *sine aulaeis et ostro* absque tricliniari magnificentia. „Aulaea sub cameras in triclinio tendebantur, ut si quid pulveris caderet, ab ipsis exciperetur“ uti recte Schol. ad Serm. II. 8. 54. Iis tum deimum locus erat in tricliniis, quibus non laqueata tecta essent; vid. ad II. 16. 11. Ostro autem s. conchyliatis peristromatis (ut Cic. adpellat Phil. II. 27.) h. purpureis stragulis lecti, in quibus convivae discumbebant, instrati erant (Virg. Aen. I. 700. stratoque super discumbitur ostro, eodem ornatu), Atque haec

ratio plenius delineat triclinium magnifice exornatum, quam aliorum, aulaeum et ostrum nota figura pro, aulaeum purpureum, accipientium.

v. 17. Jam ferventissima aestas est, qua omnes ex Urbe rus evolant. Docte istam ab ortu stellarum earumque cum sole conjunctione designat. *Andromedae pater*, Cepheus, sidus, sub cauda Ursae minoris, VII. Id. Jul. oriens. Pro, oritur docte est, ostendit, ἀναφαίνει, exserit ignem suum, stellam suam, h. in conspectum venit. Catull. LXII. 7. *Nimirum Oetaeos ostendit Noctifer ignes*. Virg. Ge. IV. 232. *Taygete simul os terris ostendit honestum Plias*. *Clarus*, ἀριστερής, seu simpliciter, de ortu cosmico, dum in conspectum venit, exoriens; ex oppos. *occultum*, occultatum, priusquam oriretur. — *Procyon s. Antecanis* unus ex Orionis canibus venaticis, Ibid. Jul. exoritur, quem XI. diebus post sequitur Canicula s. stella primae magnitudinis in ore canis majoris, Sirii adpellatione frequentata. Conf. Plin. XVIII. 28. Colum. XI. 2. 53. Quo eodem tempore (XIII. Cal. Aug.) Sol. primam Leonis partem ingreditur, quod *Leonis stella* h. l. indigitatur. Exquisita autem ratione ardentissimum aestum, qui in istorum siderum ortus incidit, ab iisdem repeti omninoque medium aestatem iis designari a poetis, per vulgatum est. Igitur *Proc. furit* aestu, quatenus aestum gravissimum ortu suo ciet. Nam *fure*, *bacchari* exquisite de nimio calore poetis usurpat. Cf. III. 3. 55. Hinc et *stella vesani Leonis*, sidus vesanum Leonis, *rabitus*, (Lucan. VI. 337.) *saevus radiis Leo* (Idem I. 655.). Similiter Icarii canis stellam protervam vorat Ovid. Amor. II. 16. 14. — 20. referente, iterum adducente, dies *siccus*, tempus siccum, δίψιον ὥρην, ab caloris effectu. Unde Sol. ἀξαλέος Apoll. Rh. IV. 679. et Σείριος ἀξαλέος Hesiod. Sent. 153. Atque hac ipsa caloris designatione Maecenatem poeta ad sitim in villa sua pellendam cohortari putandus est, poetarum graecorum, quos Noster h. l. expressit, exemplo. Alcaeus apud Athen. X. p. 430. Β. τέγγε πυεύμονας οἴνῳ, τὸ γὰρ ἀστρον περιέλατεται· ἀ δ' ὥρα χαλεπά, πάντα δὲ διψᾶς ὑπὲ καυμάτος. Anacreon in Steph. fragm. poet lyr. p. 140. φίδλην πεύπινε παισὶν, ἵνα νέκταρος πότεροι παραμύθιον λαβήντες φλογερὸν φυγόντες ἀστρον (reliqua desciunt). Eupolis ἐν Κόλαξι apud Grot. Excerpt. p. 501. Πίνειν γὰρ αὐτὸν — — ἐκέλευ ιἴα πρὸ τοῦ Κυνὸς τὸν πιεύμον' ἔκλυτον φρεγῆ. Denique Theogn. 1005. ἄρρονες ὄνθρωποι καὶ νήπιοι, οἵτινες οἴνον μὴ πίνουσαν ἀστρον καὶ κυνὸς ἀρχομένου.

v. 21 — 24. Praeclare hucolicis, ut ita dicam, ulterius fermentissimum anni tempus poeta adumbrat coloribus, a villa sua; in qua nunc commoraretur, ei suppeditatis. Vel sic tamen haud quaque dubitate licet, poetae in adornanda hac pictura graecum obversatum fuisse exemplum. Incerti ep. CCLX. (quod Alcaei venditant intpp. ad Tibull. I. 1. 27.) v. 5. Χώ ποιμέν ἐν ἔρεσσι μεσαμβρινὸν ἀγχόθι παγᾶς συρίσων, λασίας Θάρην ύπὸ πλαιτάρου καιρίατ' ὄκαρινοι φυγὰν κυνὸς, in Anal. Br. III. p. 203. Pastor *fessus* aestu (ita plenius Virg. Ecl. II. 10. *messores rapido aestu fessos* vocat,) umbras rivumque, umbrosam ripam quae rit, eo compellit gregem, et ipsum nimio calore *languidum*. Boettig. laudat Pers. III. 6. *jam patula pecus omne sub ulmo est.* — *dumeta Silvani*, arbusta, Silvano sacra. *Horridus* dicitur, vel quatenus cuīn Pane Graecorum φρίξοκόμη (Anyte III. 1. An. Br. I. 161.) αὐχμήντι (Hom. H. in Pan. 6.) a Latinis permutatur, vel, quod simplicius, quatenus inter deos agrestes est, qui inculti ac horridi. Cf. Tib. I. 4. 4. Tum ipsa Silvani imago, qualis a poetis et in monum. antiquis delineata exstat, arundinibus ac frondibus capite et *inculto* pinus *termite* (Grot. Gyneg. 20.) manus gravati satis horridam speciem prae se ferre putanda est. Ad Nostrum *Silvanum horridum* vocat Martial. X. 92. 6. Indocte quidam epith. ad arbusta horrida tradicunt. — 24. Ne ad amnum quidem ripas tenuissimae aurae refrigerium sentire licet; nam in summa malacia levissima ibi aurae slabella animadvertis. Venti *vagi*, φοιταλέοι πολυκλανεῖς (Oppian. Hal. I. 45.) ornat; uti quoque ripa *tacitura*, vento taciturno, silente.

v. 25. Vel sic tamen rus secedere gravaris, haud perpellis potes; propter reip. salutem, in qua omnes curas tuas configis. Vid. Argum. *Tu curas*, unice hoc agis, quis dec. civ. status; quomodo optime stet civitas, uti omnibus suis partibus integra persistat respublica. Civiles has Maecenatis *curas* Noster vocat III. 8. 25. — 26. *Urbi sollicitus*, urbis saluti sollicite prospiciens, quanto gravius pro pedestri dignitatis ejus adpellatione, *Urbi praefectus*. Qua eadem vi: *Romanae tu vigil urbis eras*, de eodem Incert. in obit. Maecen. 14 Eadem vigilantiae laude eum condecorat Vellei. II. 88. ubi res vigiliam exigeret, sane exsommnis, providens, atque agendi sciens. — *Times* vel de extremis imperii Romani finibus, Orientem atque Septentrionem versus. Orientis populos speciatim cum delectu ponit *Seras*,

extremos qui Romanis innotuere, Orientis incolas, hosque potissimum propter finitos Parthos, in Romanos fines continuo incurantes; pro quibus est *Bactra*, urbs regionis Bactrianae primaria, pro universo Parthorum regno, *Cyro* quondam *regnato*, possesso; nota loquendi ratione. Vid. ad II. 6. 11. — *Tanais*, accolae ejus, *Scytha*e, *discordes* inter se, intestinis motibus distenti, quo minus infestandis nostris finibus vacare queant: praecclare hoc epitheto vanam Maecenatis sollicitudinem arguit poeta

v. 29. Ne te nimium excrucies de futuris, quae consulto Deus mortalibus praevideri noluit, ne instantium metu praesentis temporis fructus intercipiatur. *Prudens* prudenti consilio, sapienter, consulto; ut I. 3. 22. — *exitum futuri temporis*, quae futuro tempore eventura sint, futuros casus, futura. — 30. *calig. nocte premit*, spisis tenebris involvit, occulit, celat hominem Deus. Scilicet futura sunt τὰ κόρων longinqua, *quod ultra est* (II. 16. 25.) quibus caliginem praetexunt Dii, ne mortalium oculorum acies ea attingat. Theog. 1037 sqq. Πρήγματος ἀπρήκτου χαλεπώτατὸν ἔστι τελευτὴν γνῶναι, ὅπως μέλλει τοῦτο θεὸς τελέσαι. Ὁφρηνὶ γάρ τεταταί πρὸ δὲ τοῦ μέλλοντος ἔσεσθαι οὐ ξυνετὰ δύντοις πειράτη μηχανῆς. Incert. apud Stob. Flor. p. 409. Ζώοι τις ἀνθρώπων τὸ κατῆμα, ὅπως ἡδιστα πορσύνων, τὸ δ' εἰς αὔριον αἰεὶ τυφλὸν ἔργει. Eurip. Iphig. Taur. 476. πάντα γάρ τὰ τῶν θεῶν εἰς ἀφανέστερα, κούδεν οἴδ' οὐδεῖς κακόν. Iam Pind. Ol. XII. 13. τῶν δὲ μελλόντων τετύφλωνται φράδαι. Ad Nostrum Juvenal. VI. 556. *genus humanum* *damnat caligo futuri*. — 31. Ridet hominum stultitiam ac vanitatem, *ultra fas*, *ultra quam convenit*, *ultra modum*, misere *trepidantium*, *sollicitorum*, (ut II. 11. 4.) rerumque futurarum metu praesentium fructum abhijcentium. — 32. Imo vero *quod adest*, praesens tempus, praesentem qualemcumque fortunam, statum, *memento componere*, συγκατατιθεσθαι, h. εὐ διοικῆσαι (v. Toup. Emend. in Suid. T. III. p. 203.) componere, eo utere *aequus*, animo aequo, neque adversis depresso, neque secundis elato, sapienter. En graecam gnomen ad verbum plane expressam: τὸ περὸν εὐ τιθεσθαι, ἀγαπᾶν τοῖς περοῦσι, μέμνησο, veteribus celebratissimam. Cratinus apud Suidam v. τὸ περοῦ εὐ ποιεῖν. ἀνδρας σοφοὺς ἔχρην τὸ περὸν πρᾶγμα εἰς δύναμιν θεσθαι καλῶς, uti locum constituit Toup. T. III. p. 216. Alia loca occupavit Hemsterhusii diligentia ad Lucian. T. I. q. 485. quem adi.

v. 33. *Cetera, τὰ δὲ ἄλλα* (Amphis apud Athen. VIII.  
 336. C. ὅστις δὲ Θυητὸς γενέμενος μὴ τῷ βίῳ ζῆτει τι τερπωνόν προσφίρειν, τὰ δὲ ἄλλα' εἰς cēt. adde Eurip. Alc. 792.) quae in potestate tua non sunt, sed fortunae arbitrio subjacent, τὰ τῆς Τύχης, ea nullo consilio regere aut mutare potes; in his fortuna regnat. Praeclare atque exquisite prorsus haec rerum humanarum vicissitudo fluvio adsimulatur, nunc leniter defluenti, (quae latioris sortis imago est) nunc impetuosisimo, omniaque vastanti, (adversa fortuna ingruente), Eadem imagine τὴν Τύχην a Graecis φεύγουσα tribui videas. Incert. apud Stob. Ecl. phys. Grot. p. 135. ἀπανθρώπων ὁρῶσαι τὴν Τύχην πέντε μεταπίστωτά τε. Pind. Ol. II. 62. φοιτὶ δὲ ἄλλοτε ἄλλας εἰδομένας τε μέτα καὶ πέντεν εἰς ἀνδρας ἔβαν: Palladas CXIX. 1. (A. Br. II. 431.) οὐ λόγον, οὐ νόμον εἶδε Τύχην, — — τοῖς ἰδίοις ἀλόγως φεύγουσι συρροέντι. Idem CXXI. τὰς ἀκαίρους μεταβολὰς τὰς τοῦ βίου vocat φεύγοντον τῆς φύσιμάλου Τύχης. coll. ejusdem c. LXXIV. (A. Br. II. 423.) Unde rerum naturam, continuo mutatam, fluvio comparabat ποταμοῦ φούσην τηναγάγων τὰ ὄντα Heraclitus juxta Plat. Cratyl. p. 265. A. Paullo aliter rem adornavit Seneq. Ep. XXIII. extr. *Ceteri eorum more, quae fluminibus innatant, non eunt, sed feruntur. Ex quibus alia lenior unda detinuit, ac mollius vexit, alia vehementior rapuit; alia proxime ripam, cursu languescente depositum; alia torrens impetus ejecit in mare. — feruntur, cursum suum tenent; ea non magis inhibeas aut certa ratione regas, quam cursum fluminis, Tiberis, qui nunc medio alveo, aqua vix alvei medium tangente, modica, cum pace, placide ac leniter (adsumisit hoc Flor. IV. 2. ubi pax fluminis reddit) in Etr. mare delabentis, sese evolventis.* — 36. Nunc intumescentis, torrentique impetu late stragem edentis. *Ferventem immensaque ore profundo ruentem poetam in hac descriptione quis non sentiat, admireturque?* Eadem fere enumerat Incert. El. de Fort. viciss. 23. sqq. in eadem adversae fortunae cum torrente comparatione; *Ut gravis hiberno torrens de monte volutus obvia non magna arbuta vertit ope: saepe domus etiam, saepe addita moenia raptat cet. Stat. Theb. IX. 466. sqq. nec mole ligenti contentus carpit putres servantia ripas arbusta, annosque tristes, ejectaque fundo saxa rotat. — lapides adesos, eis τε κυλίνδων χειμάρρους ποταμὸς μεγάλαις περιέξεσε δίβαις,* Theocr. XXII. 50, laevia saxa I. 17. 12. — 37. *stirpes, arbores*

radicibus evulsas. — *raptas volventis*, raptantibus atque *una volventis*, secum provolventis, proturbantibus. 38. *non sine m. clamore*, cum ingenti montium fragore. Sil. IV. 521. *Cum sonitu ruit in campos*, *magnoque fragore avulsum montis volvit latus obvius passim armenta, immanesque ferae silvaeque trahuntur.* Clamor, βοὴ, de sonitu, passim poetae. — 40. *Quum fera diluvies*, Tiberis immaniter exundans, *amnes*, qui eum influunt (puta Anienem, Claniū, Nar, alios), *quietos irritat*, e quiete sua proturbat, eodem furore accedit, ut, alveum egressi, late campos populentur; quod Tiberi tumido, indeque flumina, quae sese in eum exonerare solent, aspernante, accidere necesse est. Rem expedit Plin. Epp. VIII. 17. *Tiberis alveum excessit* — — *Inde, quae solet flumina accipere, et permixta devchere, velut obvius sistere cogit, atque ita alienis aquis operit agros, quos ipse non tangit*, vide reliqua, quae de Aniene subjungit. *Ira, furor*, de amnium incrementis, marique tumido, pervulgatissimum. Praeclare vero invicem collocata *quietos et irritat*.

v. 41. *Ille demum sui potens, κρατῶν, εγκρατῆσ ἐαντοῦ, sui possessor*, (ut Senec. ep. XII. vocat) ab omni cupiditate atque affectu liber, qui non rebus externis, quarum domina Fortuna est, ducatur, sed in se ipso felicitatis causas habeat, sicque *laetus, laete, placide, tranquille deget, beatus dicendus est, cui vere licet in diem dixisse*, quovis die dicere: *Vixi, h. hodiernum, s. praesens, quod mihi datum est, tempus hilariter atque seccare transeggi, nulla futuri sollicitudine in animum admissa, neque vitae fructu in crastinū dilato.* Ea enim demum vita adpellanda est, quae jucundum sui fructum largitur: *βίος ἐστιν, ἀντὶ τούτων βίος χριστὸς βίος*; in Brunkii Gnom. p. 223. Hinc vivere significanter admodum pro vita frui. Plato Comicus apud Athen. III. 23. p. 103. *πότον εὐθεῖον πίνει διά σε νῦν* — — *ἔχει δ' εστι τὸ τοιοῦτον ὡς λέγοντιν οἱ σοφοί.* Agath. XXVI. 7. (A. Br. III. 43.) *Πίνε γέρον, καὶ γῆραι.* Cic. ad Attic. XII. 2. *Homini non recta, sed voluptaria quaerenti nonne βεβιωται;* Martial. LVIII, 7. *Cras vives, hodie jam vivere, Postume, serum est.* *Ille sapit, quisquis, Postume, vixit heri.* Enixe inde vett. Epicuri commendatur gnome, *τοῦ μηδὲν ἀναβάλλεσθαι, et praesentis horae donis* (III. 8. 27.) frui, *τὸ τερπνὸν εφαυέριον διώκειν* Pind. Isthm. VII. 57. *τούτοις μερον* *ἔχει ήδεως,* Incert. apud Athen. VIII. p. 336. Antiphanes apud eund. III. p. 103. *οὐ*

βιβατον οὐδέν εστί, πλὴν ἐάν καὶ ἡμέραν εἰς εκυτὸν οὐδέως τις ἀναλίσκειν τύχοι. Palladas XXIX. 5. (A. Br. II. 813.) εὑφρα. πεσε-  
αυτὸν, — — λήθην τοῦ θανάτου τὸν Βρόμιον κατέχων· τέρπεο καὶ —  
— τὸν ἐφημέριον βίον ἔλκων· τὰλλα δὲ πάντα Τύχη πράγματα δίς  
διέκειν, imitatus Euripidea (Alc. 791.); εὑφραινε σαυτὸν, πίνε  
τὸν καὶ ἡμέραν βίον λογίζουσαν· τὰ δ' ἄλλα τῆς Τύχης. Adde ejusd.  
Bacch. 908. Senec. Ep. CI. *Propera vivere, et singulos dies sin-  
gulus vitas puta. Qui hoc modo se aptabit, cui vita sua quoti-  
die fuit tota, -securus est.*

v. 43. Crastinum diem nihil ad me pertinere existimans, ne-  
que ex futuro suspensus. Ne tantillum igitur pensi habet, utrum  
*Pater, Jupiter crus polum atra nube, spissa caligne occupet,*  
involvat, obducat, an *solem purum nulla nubecula obfuscatum*  
ostendat; quid boni aut mali crastinus dies adferat. Notissima  
Theocriti: Ζεὺς ἀλλέκα μὲν πέλει αἴθριος, ἀλλόκα δὲ νεῖ. Ad  
sententiam Seneca ep. CI. *Stabilita mens — — quidquid dein-  
ceps dierum rerumque venturum est, ex alto prospicit, et cum*  
*multo risu seriem temporum cogitat.* — 45. Unice beatus iis,  
quae perceperim; hoc solum meum judicans, quod a tergo est;  
quod nec Deus mihi eripiat. *Non irritum efficiet, haud abolere*  
poterit, *quodcumque retro est, praeteritum tempus* (v. II. 11. 5.),  
hujusque hilariter exacti sensum jucundissimum. 47. *Non diffin-  
get, immutare poterit, et, aut, quod fugiens hora, tempus*  
*praeteritum, semel vexit secum avexit, abstulit, proprium, quod*  
mihi tribueret, habuit (male nonnulli *vexit* volunt esse, attulit)  
fructum, gaudia praeterita, infecta reddet, τὰ μὲν πραχθέντα οὐδὲ  
Κλαθῷ ἀν ἐτι ἀνακλώσειν, οὐδὲ Ἀτρόπος μετατρέψειε, Lucian, de  
conscrif. hist. 38. p. 52. Pind. Ol. II. 29. τῶν δὲ πεπραγμένων  
ἀκολητον οὐδὲ ἀν Χρόνος, ὁ πάτων πατήρ, δύνατο θέμεν ἔργων τέ-  
λος. Eandem sententiam Agathon apud Aristot. Eth. VI. 2. ita  
effert: μόνον γὰρ αὐτοῦ καὶ θεῖς στερίσκεται ἀγένητα ποτεῖν, ἀσο'  
ἀν γε πεπραγμένα, laudante jam Lamb. Adposite Senec. de Vit.  
Brēv. 10. *In tria iēmpora vita dividitur. Ex his — — quod egi-  
mus certum est. Hoc est enim, in quod Fortuna jus perdidit,*  
*quod in nullius arbitrium reduci potest. Haec est pars temporis*  
*nostri sacra ac dedicata, omnes humanos casus supergressa,*  
*extra regnum Fortunae subducta, haec nec turbari nec eripi*  
*potest: perpetua ejus et intrepida possessio. Nostrum imitatione*  
*expressit Auct. el. LXII. L. III. Anthol. Lat. Burm. v. 7. Per-*

*vixi: neque enim Fortuna malignior unquam eripiet nobis, quod prior hora dedit.*

v. 49. Evidem, potens mei, fortunae mancipium esse nolo. Arbitrium Fortunae exquisite delineatur a poeta. — *laeta*, quae gaudet *saevo negotio*, *saeve*, crudeliter cum hominibus agere sueta, *saeva*, ματαβολαις χαιρουσα παντοιαις Τύχη, Menand. apud Stob. Flor. p. 443. Agathias LXVI. 4. (A. Br. III. 56.) Τερψινή ολισθηγης οὐ δεδάκης Τύχης. Claudian. XVIII. 24. *Hoc regni, Fortuna, tenes? quaenam ista jocandi saevitia, humanis quantum bacchabere rebus?* — 50. *Pertinax*, διατεινομένη, ludere, quae pertinaciter, continue ludit *ludum insolentem*, insolenter ac arbitrarie homines tractat, *miris modis ludos facit hominibus*, ut Plant. Merc. II. 1, 1. παιζει τὰ τῶν ἀνθρώπων πράγματα (Lucian. Nigr. 20. p. 58.) solenni loquendi ratione. Proxime ad Nostrum Boeth. Cons. Phil. II. 2. ubi Fortuna loquitur: *Haec nostra vis est, hunc continuum ludum ludimus.* Idem II. metr. 1. *genitus, dura quos fecit, ridet. Sic illa ludit, sic suas probat vires, siue magnum* (leg. *magnumque seclis*, v. Askew. Spec. novae ed. Aeschyli p. 10.) *monstrat astentum. Fortuna ludos sibi faciens* Senec. de Tranqu. 11. Παιγνιον ἔστι Τύχης μερόπων βίος, Palladas CXX. 1. (A. Br. II. 431.) adde Macedonii XXXIX. 1. (A. Br. III. 122.) Cf. Ovid. ex P. IV. 3. 49. Orationis colorem e Nostro petuit Vestrit. Spurinna III. 11. (Wernsd. Poet. min. III. 362.) et Apulei. VII. p. 149. Princ. Ceterum ex Euripi-deis: πτηνὰς διάκεις, ὡς τέκνον, τὰς ἐλπίδας, οὐχ' ή Τύχη σέ τῆς Τύχης δ' οὐχ εἰς τρόπος, Nostrum profecisse existimabat Valken. Diatr. p. 251. parum probabiliter. — 51. *Transmutat honores*, modo in hunc, modo in alium confert *honores*, munera sua, quibus hominem decorat, extollit. Hinc ornate adjectum, *incertos*, qui possesorem continuo permutant, instabiles. — 52. *Benigna, εὐμενής*, propitia, favens *nunc mihi* cet. Praeclare ita paratur transitus ad sqq.

v. 53. Stoicae scholae dogma: *Sapiens non amat divitias, sed mavult: non in animum illas, sed in domum recipit: non abigit illas, sed abeuntes securus prosequitur*, Senec. de V.B. X. 21. Idem c. 20. *Ego divitias et praesentes et absentes neque contemnam; nec, si alicubi jacebunt, tristior; nec, si circa me fulgebunt, animosior. Ego Fortunam nec venientem sentiam, nec recedentem.* Igitur laudo manentem, si hospitio me suo dig-

natur, in domo mea perstat, pro, lubens dona ejus accipio, ut  
pote quae majorem virtuti meae subministrent materiam. *Fortuna manens* in nummis ad seriores adulaciones Imp. factas spectat,  
uti recte animadverxit Boettig. — *si celeres quatit pennas*, si  
abitum parat, me deserit: sed alterum praecclare de Fortuna ala-  
ta, de qua non minus splendide Aeschylus apud Stob. Ecll. phys.  
Grot. p. 137. *ἀ τε χάρις λάμπει περὶ σὸν πτέρυγα χρύσεον.* Maxime  
autem in discessu alatam repraesentant, propter opes cito evani-  
das. Lucian. Tim. 20. p. 130. *Οὐόταν δὲ ἀωλλάττεσθαι δέῃ πτη-*  
*νον ἔψει, πολὺ τῷ ὄρνεσσιν (vel quod praestat, ὄνειρων) ἀκύτερον,*  
ad quem locum Πλούτου ἀκείαν πτέρυγα Eurip. Meleag. fr. XIII.  
p. 456. Lips. ab Hermsterh. jam adserri video. Idem Electr. 948.  
*Οδ' ὄλβος — — εἰξέπτατ' οἴκων, σμικρὸν ἀνθήσας χρόνον.* Hinc  
vim τοῦ celeres facile sentias. — *resigno*, restituo ei, quae de-  
dit. Desumtum verbum a re *argentaria* veterum, ubi pecunia ad  
*argentarii* mensam *perscribebatur*, h. per adsignationem solveba-  
tur, pro quo h. l. est *resignare*. Cf. Epp. I. 7. 34. Mutui enim  
loco sapiens *Fortunae* bona habet, quae adeo non amittit, sed  
redit. Senec. de Tranq. 11. *Quandocunque autem reddere ju-*  
*babitur, non queretur cum Fortuna; sed dicet, quia imperas,*  
*cedo gratus libensque. Si quid habere me tui volueris, etiam*  
*nunc servabo: si aliud placet; ego vero factum signatumque*  
*argentum, domum, familiamque meam reddo, restituo, —*  
*mea virtute me involvo, in internis animi bonis adquiesco, quae*  
*sunt ἀναφαίρετα. Nam si a me regnum Fortuna atque opes eri-*  
*pere quivit, et virtutem non quitt, Attius apud Macrob. VI. 1.*  
Tritissima enim Stoicis gnome: *ἀρτῆς βέβαιαι δ'. εἰσὶν αἱ κτήσεις*  
*μόναι, uti Sophocl. in Eriphyle (Stob. Grot. p. 3.) enuntiat. Sua-*  
vis autem rei imago: Sapiens, amisis seu potius redditis omni-  
bus, virtutis amictus pallio incedit, hoc ipsi decus atque orna-  
mentum. Eadem vēnustate Athen. VII. p. 291. de Dionysio Hera-  
cleote, qui a Stoa in Epicuri hortos migrasset: *ἴς ἀγτίρρου ἀνο-*  
*δὸς τὸν τῆς ἀρτῆς χιτῶνα ἀνθίνα μετημφίασατο.* Paullo  
argutius de Ulysse, cum quo ναυαγήσαντι Virtus συνεκνήσται, Bas-  
sil. de legendis Graecis p. 91. Grot. τοσούτου δεῖν αἰσχύνην ὄφλη-  
σται γυμνοὺς ὥφθεντα μόνον, ἐπειδὴ περὶ αὐτὸν ἀρετὴ ἀντὶ ἴματιων κεκό-  
μημένον ἐποίησε. — 55. Et paupertatem amplector; pro quo sua-  
vissima imagine est: Paupertatem, puellam indotatam quidem  
at probam ac honestam quaero; ejus consortium expeto, dolum

mea Fortunae discessu vacuefacta. Paupertas *proba*, *bonae mentis soror*, ut venuste ait Petron. c. LXXXIV. μήτηρ σωφροσύνης. Pallad. CXII. (A. Br. II. 430.).


v. 57. Atque in hac paupertate mihi admodum placeo, quippe quae a curis me immunem praesiet, quibus divites continuo anguntur. Pro hoc angoris statim causas adnumerat poeta, planeque easdem, quae habet III. 1. 25. sqq. *Non est meum, οὐ τοῦ μοῦ τρόπου τοῦτο*, (Aristoph. Σφῆν. 996.) Plautina locutione. Asin. I. 3. 37. *quia nihil habes, maledictis te eam ductare postulas*. Ar. Non meum est. Ci. nec meum quidem edepol, *ad te ut mittam gratias*. Cf. Mil. Gror. IV. 8. 53. Rud. II. 3. 11. — 37. si malus procellis Africis Africo fractus mugiat, fragorem edat (plane ut I. 14. 5. *Et malus celeri saucius Africo antennequae gemant*) reboet, pro simplici, incumbente tempestate. — 58. ad preces mis. decurrere, descendere (Virg. Aen. V. 782.) καταβαίνει εἰς λιτάς (Herodot. I. 116.) misere Deos precibus sollicitare. — votis pacisci, gravius est, quam vota nuncupare; qui enim vota Diis facit, mutuam eorundem operari redimere cupit. Unde *precem emacem* dixit Pers. II. 3. Ad Nostrum Senec. Nat. Quaest. IV. 7. *Negant posse fieri, ut cum grandinē aliquis paciscatur, et tempestates munusculis redimat, quamvis munera etiam Deos vinctant*. — 60. 61. Ne merces naufragio pereant. Pro hoc est, addant divitias, ditius reddant mare, praedae sint mari; tanquam invideat mari divitias sūas, naufragiis partas, suoque damno auctas. — araro, quod insidiatur, inhibet nautarum opibus; praecclare. — m. *Cypriae Tyriæque*, e Cypro ac Tyro adiectae. Cf. I. 1. 13. et III. 26. 9.

v. 62. Tum ego potius, quando alii, deprehensi tempestate, de servandis opibus miserrime laborant, in tali periculo constitutus, aequissimo rerum meorum jacturam ferens animo, nave oneraria, tempestati diripienda, relicta, concensaque scapha, ei annexa, nudus in litus evadam, seu, demta allegoria: qualescumque opes meas aequo, si fortuna ita ferat, auferri mihi sinam animo. *Aura me feret*, navigabo, evadam *Aegaeos tumultus*, tempestatem maris Aegaei gravissimam, qualis in mari Aegaeo est; hoc enim procellosissimum vett. habitum. Unde *Aegaeæ hiemes* proverbialiter eævissimæ dictæ, veluti Stat. Siiv. V. 2. 5. Claudio. XXXII. 12. — *tutum praesidio*, intatum, fretum scapha procellis minus obnoxia. — biremi, διπάνη. — *geminusque Pollux*;

Dioscuri; v. ad l. 3. 2. Adposite ad totum h. l. Paul. Silent. LXXI. 5. (A. Br. III. 93.) ή δ' ἀρετὴ σταθερόν τι καὶ ἀγροτῶν· ηδὲ εἰ μούνης κύματα θαρσαλίως ποντοπόρου βιότου.



### ARGUMENTUM XXX.



*G*enerosissimo spiritu apotheosin suam hoc carmine exsequitur poeta, quum lyram, officio suo cum laude defunctam, Apollini consecratam suspendere, poesinque lyricam missam facere certo apud animum suum constituisset. Hoc ita instituit poeta, ut illud consilium non ab effeta ingenii vena (cujus nostri temporis poetæ, ut videri volunt, ne rationem habere quidem videas; profectum esse facile adpareat. Quo illud tamen modo discussum fuerit, vid. in Argum. IV. 1. 1. Auguratur igitur magnifico sensu immortalibus ingenii operibus innixo, nominis sui immortalitatem, poesi lyrics, quam primus Latio intulerit, partam atque fundatam laurumque a Musa sibi imponi nobilissima cum arrogantia postulat. Regnat in hoc carmine summus ingenii lyrics splendor, excelsissimorum phantasmatum ubertate, ornatusque exquisitissimi copia animum feriens.

### A dnotationes.

v. 1. *Exegi monumentum, pessime hic et apud Ovid. Metam. XV, 871. Jamque opus exegi,* interpretantur, finivi, absolvī; quo pedestrius vix quidquam in tam splendido exordio dici potest. Est utique: erexi, in altum eduxi monumentum; quo sensu

έλασύνειν, ἐξελαύνειν passim apud Graecos occurrit. Jam carminum suorum monumenta cum iis comparat, quae homines ad propagandum ipsorum ad posteris nomen aere aut congesta saxorum strue educere solent; quibus suum quidem et ad perennitatem famamque durabilis esse atque illustrius generoso spiritu pronuntiat. Comparatio ipsa Pindaro jam frequentata; veluti Nem. IV. 131. κελεύεις στάλαν Θέμεν, Πάριον λίθον λευκότεραν, h. hymnum concinnare, quem itidem λίθον Μοισαῖον vocat Nem. VIII. 80. — *aere perennius*, longius duraturum monumento aereo, statua aerea, titulis, aeri incisis, quibus rerum gestarum memoriam posteris tradere laborant. — 2. Atque ipsis Pyramidibus *altius*; unde adeo majorem consecuturus sum nominis gloriam; nam hanc potius ob causam Pyramides in comparationem adductas putaverim, quam propter stabilitatem ac firmitatem, quamquam et hoc nomine sint famigeratissimae. Nam operis perennitatem v. 1. jam designaverat poeta; tum praeter admirabilem structuram ab altitudine maxime eas celebrari satis constat. Pro Pyramidibus est *regalis situs*, positus P., moles posita, constructa sumtibus vere regiis, sumtuosissime exstructa; unde *Pyramidum sumtus ad sidera ductos* vocat Propert. III. 1. 57. atque ita accipere magis Horatianum est (cf. *regias moles* II. 15. 1.) quam si regum opera eas eductas interpreteris.

v. 3. sqq. Sequitur comparationis exornatio splendidissima, ad Pindari προτότυχον artificiose concinnata, Pyth. II. 7. seqq. έταιρος ὑμνων Θησαυρὸς — τετείχισται τὸν οὔτε χειμέροις ὄμβρος ἐπαετὸς ἐλθῶν ἐριβρόμον νεφέλας, στρατὸς ἀμειλίχος, οὐτ' ἄνεμος εἰς μυχοὺς ἀλὸς ἀξοι παμφόρῳ χεράδι τυπτόμενον. Nec minus splendi de Simonidis de occisorum ad Thermopylas perenni fama, XV. 5. (A. Br. I. 124.) ἐντάφιον δὲ τοιοῦτον οὐτ' εὐρώσ, οὐδ' ὁ πανδαμάτωρ ἀμαυρώσει Χρόνος, ἀνδρῶν ἀγαθῶν. Conf. omnino Incerti ep. DCXV. (A. Br. III. 281.) Propert. l. l. Ovid. l. l. Martial. VIII. 3. 5. X. 2. et epigr. CCLXI. CCLXXII. in Anthol. Burm. T. I. 447 sqq. — *imber edax*, dissolvens compagem saxeam, arroden s aes, titulos aeri inscriptos illata rubigine exedens. Ad posterius maxime traxerim. Similiter est *tempus, vetustas edax* et sim. — 3. *Aquilo impotens*, immodice furens, vehementissimus. Si ad totam ἥπατιν epitheton trahas, erit, impotentior est, quam ut dirue re possit, omnino non diruet; quae ratio non plane quidem dampnanda videtur. Verior tamen altera. Martial. I. 50. 19. *Aut cum*

*December canus, et bruma impotens Aquilone rauco mugier.*  
Senec. Hippol. 276. *Cupido impotens flammis simul et sagittis.*  
Adde Catull. IV. 18. Boeth. C. S. I. 4. 14. — 4. aut innumerabilis. . . . *fuga temporum*, copiose pro, aetas longissima, ita quidem, ut illud longum seculorum deerursum, hoc omne, quod futurum est, *tempus designet De fuga temporum*. vid. ad II. 14.1.

v. 6. 7. *Non omnis, totus moriar, esse desinam, multa, eaque meliori mei parte superstite.* Docte disjunxit ista, novoque alterum membrum instruxit ornatu poeta. Nota autem imagine poetae se et famam, vel suis ipsorum carminibus partam vel aliis inde tributam, ejusdem personae ac conditionis faciunt. Hinc ex parte tantum sese morti obnoxios profitentur, ut h. l. poeta. Ovid. Trist. V. 14. 5. *Dumque legar, mecum pariter tua fama legetur, nec potes in maestos omnis abire rogos.* Idem in fine Metam. 875. *Parte tamen meliore mei super alta perennis astra ferar.* Martial. V. 25. 5. *Quem chartis famaeque damus populisque loquendum? Quis Stygios non vult totus adire lacus?* — 7. *Vitabit Libitinam, effugiet mortem, immortalis erit; eadem fere ornatus ratione ac II. 20. 7. III. 3. 16.* Adde Tyllii III. (A. Br. II. 103.) de Sappho: μή με θανοῦσσεν τὴν Μίτυληναιαν ἐννεῶ' ἀοιδοπόλον. — — γνώσεαι ὡς Ἀΐδεω σκότος ἔκφυγον. Ovid. Trist. III. 7. 54. *Effuge venturos, qua potes, usque rogos.* Adde ejusd. ex P. III. 2. 32. Martial. X. 2. 7. Ducta h. l. loquendi ratio a Venere Libitina, cui funerum cura concredita, ob adparatus funebres, in ejus templo repositos. Libitinam igitur *vitat*, nihil rei est cum ea, qui morti haud obnoxius est.

v. 7. *Ego crescam laude postera, laus, gloria, nomen meum crescat apud posteros, usque recens, ita ut nova in dies incrementa capiat, novis usque auctibus apud posteros vigebit, nunquam inveteraset.* En vatem vere venturi praescium ac Delphica cortina veraciorem! Imitatus est locum Prop. III. 1. 34. *tui casus memorator.* Homerus posteritate suum crescere sentit opus. — dum Roma cum Capitolio stabit, h. in aeternum; nam de aeternitate Capitolii atque Urbis suae certissima Romanorum erat opinio. Unde aeternae Romae Aeternitatis imperii frequentissima in nummis Romanorum jactantia: Exquisita autem imagine illud extulit poeta: *dum, donec Pontifex M. sacra publica curaturus, scandet ascendet Capitolium, sacra Virginum Vestalium pompa deductus; quod solenne erat in sacris publice faciundis.* — tacit.

*ta* praeclare augustam religiosae pompae praehet speciem. Nostrum locum imitatus est Martialis IX. 2. 5. *Tarpeia summi saxa dum Patris stabunt : dum voce supplex, dumque ture placabit matrona Divae dulceJuliae nomen, manebit altum Flaviae deus gentis cum sole et astris cumque luce Romana.*

10. Dicar ego Apulus, memorabunt posteri, me Venusia, Apuliae oppido, oriundum, principem deduxisse; primum fuisse, qui Aeolia Alcae et Sapphus carmina, modos, ad Italos modos deduceret, traduceret, qui Graeca carmina lyricalia ad modos Italos accommodaret, ita ut Romanis modis fidibus (subjectis nimis Latinis verbis) resonarent; indeque ex humili, quum humili genero ortus esset, potentem factum, apud populares suos fama ac gratia floruisse, ingenio nobilitatem consecutum fuisse: omnino pro, me primum Romanorum existisse, qui Graecorum exempla secutus, poesin lyricam cum laude tractaret. Doctius idem de elegia sua ad Graecos conformata III. 1. 3. *Primus ego ingredior puro de fonte sacerdos Itala per Grajos orgia ferre choros.* Ingenui vero animi poetam, qui, quum magnifice admodum de se loquatur, neque quantum ipse Lyricis graecis debeat, neque quam obscuros natales habuerit, non tam reticeat, quam potius jactabundus profiteatur. Illud „ego Apulus“ vide quam ornaverit poeta! qua parte, ubi *Aufidus*, Apuliae fluvius violens obstrebit, violenter fluit, impetuose atque cum fragore ruit, καραχηδά πέει; e natura istius fluvii, vid. IV. 14. 15. Serm. I. 1. 58.

— 11. Disertius Apuliam designat ab antiquo ejus rege (ut II. 6. 11. et III. 29. 27.) *Dauno*, qua, ubi is regnavit populorum, ἡρξ λαῶν, imperitavit populis, quam regionem ille in ditione habuit aquae pauperem, aridam, siccam; perpetuo Apuliae epitheto. Cf. V. 3. 16. Ovid. Met. XIV. 510. *Iapygis arida Dauni arva.* Sed audacter Horatius Daunum ipsum aquae vocat pauperem; quod a lyricalia ratione haud alienum putandum. Ceterum alium alii ordinem verborum instituunt, quorum nullum facile adprobabis.

v. 14 — 16. Laurum jam Musam poscit vates ea dignissimus, ipsa hac arrogantia sua placens atque amabilis. Communicat autem poeta superbiam suam cum Melpomene tanquam Musa sua lyricalia, quacum principatum inter poetas Romanos lyricos obtinuerit; quo eodem spiritu Propert. III. 1. 9. *Quo me Fama levat terra sublimis, et a me Nata coronatis Musa triumphat equis.* *Sume superbiam*, haud te jam decet superbia, haud

vana illa, sed *quaesita* parta, innixa *meritis*. — 15. et mihi *cinge* *comam lauro*, impone lauream *Delphicam*, Apollineam, vatis-  
bus debitam. — *volens*, propitia, de Diis solenni formula (Pind.  
Isthm. VI. 63. ει —, — ὦ Ζεῦ πατέρε, θυμῷ δέλων ἀράν  
σας κετ. Hesiod. Theog. 446. Hecate ποίμνας — θυμῷ γε δέ-  
λον σα εἰξ ὄλιγων βριάζει) maxime in precationibus adhibita; v.  
c. in sacris lustralibus apud Catonem c. 142. *Mars pater te pre-*  
*cor quaesoque, uti sies volens propitius mihi, domo, familiae cet.*  
Alia vid. apud. Princ. ad Apul. IV. p. 237.


---



**Q. HORATII FLACCI**

**C A R M I N U M**

**LIBER QUARTUS.**



I.

A D V E N E R E M.

---

Intermissa , Venus , diu  
Rursus bella moves. Parce , precor , precor !  
Non sum , qualis eram bonae  
Sub regno Cinarae. Desine , dulcium

Mater saeva Cupidinum ,  
Circa lustra decem flectere mollibus 5  
Jam durum imperiis. Abi ,  
Quo blandaे juvēnum te revocant preces.

Tempestivius in domum  
Paulli , purpureis ales oloribus ,  
Commissabere Maximi ,  
Si torrere jecur quaeris idoneum. 10

Namque et nobilis , et decens ,  
Et pro sollicitis non tacitus reis ,  
Et centum puer artium ,  
Late signa feret militiae tuae : 15

Et quandoque potentior  
Largis muneribus riserit aemuli ,  
Albanos prope te lacus  
Ponet marmoream , sub trabe citrea. 20


Illic plurima naribus  
Duces tura, lyraeque et Berecyntiae  
Delectabere tibiae  
Mixtiſ carminibus, non sine fistula,

Illic bis pueri die 25  
Numen cum teneris virginibus tuum  
Laudantes, pede candido  
In morem Salium ter quatient humum.

Me nec femina, nec puer  
Jam, nec spes animi credula mutui, 30  
Nec certare juvat mero,  
Nec vincere novis tempora floribus. —

Sed cur, heu, Ligurine, cur  
Manat rara meas lacryma per genas?  
Cur facunda parum decoro 55  
Inter verba cadit lingua silentio?

Nocturnis ego somniis  
Jam captum teneo, jam voluerem sequor  
Te per gramina Martii  
Campi, te per aquas, dure, volubilis. 40



## II.

### AD IULUM ANTONIUM.



Pindarum quisquis studet aemulari,  
Iule, ceratis ope Daedalea  
Nititur pennis, vitreo datus  
Nomina ponto.

Monte decurrens velut amnis, imbris 5  
Quem super notas aluere ripas,  
Fervet immensusque ruit profundo  
Pindarus ore:

Laurea donandus Apollinari,  
Seu per audacis nova dithyrambos 10  
Verba devolvit, numerisque fertur  
Lege solutis:

Seu Deos, regesve canit, Deorum  
Sanguinem, per quos cecidere justa  
Morte Centauri, cecidit tremendae 15  
Flamma Chimaerae:

Sive, quos Elea domum reducit  
Palma coelestis, pugilemve equumve  
Dicit, et centum potiore signis,  
Munere donat: 20

Flebili sponsae juvenemve raptum  
Plorat, et vires animumque moresque  
Aureos educit in astra, nigroque  
Invidet Orco.

Multa Dircaeum levat aura cynum,  
Tendit, Antoni, quoties in altos  
Nubium tractus: ego, apis Matinae  
More modoque, 25

Grata carpentis thyma per laborem  
Plurimum, circa nemus uvidique  
Tiburis ripas operosa parvus  
Carmina fingo. 30

Concines majore poëta plectro  
Caesarem, quandoque trahet ferociis

Per sacrum clivum , merita decorus  
Fronde , Sygambros :

55

Quo nihil majus meliusve terris  
Fata donavere , bonique Divi ,  
Nec dabunt , quamvis redeant in aurum  
Tempora priscum.

40

Concines laetosque dies , et Urbis  
Publicum ludum , super impetrato  
Fortis Augusti reditu , forumque  
Litibus orbum.

Tum meae (si quid loquar audiendum)  
Vocis accedet bona pars : et , o sol  
Pulcher , o laudande , canam , recepto  
Caesare felix.

45

Tuque dum procedis , Io triumphe ,  
Non semel dicemus , Io triumphe ,  
Civitas omnis , dabimusque Divis  
Tura benignis.

50

Te decem tauri , totidemque vaccae ,  
Me tener solvet vitulus , relicta  
Matre , qui largis juvenescit herbis  
In mea vota ,

55


Fronte curvatos imitatus ignis  
Tertium lunae referentis ortum ,  
Qua notam duxit , niveus videri ,  
Cetera fulvus.

60



## III.

## A D M E L P O M E N E M.



Quem tu, Melpomene, semel  
Nascentem placido lumine videris,  
Illum non labor Isthmius  
Clarabit pugilem, non equus impiger

Curru ducet Achaico 5


Victorem, neque res bellica Deliis  
Ornatum foliis ducem,  
Quod regum tumidas contuderit minas,

Ostendet Capitolio:  
Sed quae Tibur aquae fertile p<sup>r</sup>aefluunt, 10  
Et spissae nemorum comae,  
Fingent Aeolio carmine nobilem.

Romae principis urbium  
Dignatur suboles inter amabili<sup>s</sup>  
Vatum ponere me choros: 15  
Et jam dente minus mordeor invido.


O, testudinis aureae  
Dulcem quae strepitum, Pieri, temperas:  
O, mutis quoque piscibus  
Donatura cycni, si libeat, sonum! 20

Totum muneris hoc tui est,  
Quod monstror digito praetereuntium  
Romanae fidicen lyrae:  
Quod spiro et placeo, (si placeo), tuum est.



IV.

D R U S I L A U D E S.



Qualem ministrum fulminis alitem,  
Cui rex Deorum regnum in avis vagas  
Permisit, expertus fidelem  
Jupiter in Ganymede flavo,

Olim juventas et patrius vigor  
Nido laborum propulit insciū:  
Vernique, jam nimbis remotis,  
Insolitos docuere nīsus

Venti paventem: mox in ovilia  
Demisit hostem vividus impetus:  
Nune in reluctantis dracones  
Egit amor dapis atque pugnae:

Qualemve laetis caprea pascuis  
Intenta, fulvae matris ab ubere  
Jam lacte depulsum leonem,  
Dente novo peritura, vidit:

Videre Rhaetis bella sub Alpibus  
Drusum gerentem Vindelici: quibus  
Mos unde deductus per omne  
Tempus Amazonia securi

Dextras obarmet, quaerere distuli;  
Nec scire fas est omnia: sed diu  
Lateque victrices catervae,  
Consilijs juvenis revictae,

Sensere, quid mens rite, quid indeoles,  
Nutrita faustis sub penetralibus,

5

10

15

20

25

Posset, quid Augusti paternus  
In pueros animus Nerones.

Fortes creantur fortibus et bonis:  
Est in juvencis, est in equis, patrum      30  
Virtus: neque imbellem feroceſ  
Progenerant aquilac columbam.

Doctrina sed vim promovet insitam,  
Rectique cultus pectora roborant:  
Utcumque defecere mores,      35  
Indecorant bene nata culpae.

Quid debeas, o Roma, Neronibus,  
Testis Metaurum flumen, et Hasdrubal  
Devictus, et pulcher fugatis  
Ille dies Latio tenebris,      40

Qui primus alma risit adorea,  
Dirus per urbis Afer ut Italas,  
Ceu flamma per taedas, vel Eurus  
Per Siculas equitavit undas.

Post hoc secundis usque laboribus      45  
Romana pubes crevit, et impio  
Vastata Poenorū tumultu  
Fana Deos habuere rectos:

Dixitque tandem perfidus Hannibal:  
Cervi, luporum praeda rapacium,      50  
Sectamur ultro, quos opimus  
Fallere et effugere est triumphus.

Gens, quae cremato fortis ab Ilio  
Jactata Tuscis aequoribus sacra,  
Natosque maturosque patres,      55  
Pertulit Ausonias ad urbis,

Duris ut ilex tonsa bipennibus  
Nigræ feraci frondis in Algido,  
Per damna, per caedis, ab ipso  
Dicit opes animumque ferro.

60

Non Hydra secto corpore firmior  
Vinci dolentem crevit in Herculem:  
Monstrumve submisere Colchi  
Majus, Echioniaeve Thebae.

Menses profundo, pulchrior evenit:  
Luctere, multa proruet integrum  
Cum laude victorem, geretque  
Proelia conjugibus loquenda.

65

Carthagini jam non ego nuntios  
Mittam superbos: occidit, occidit  
Spes omnis et fortuna nostri  
Nominis, Hasdrubale interemto.

70

Nil Claudiae non perficiunt manus:  
Quas et benigno numine Jupiter  
Defendit, et curae sagaces  
Expediunt per acuta belli.

75



V.

A D A U G U S T U M.



Divis orte bonis; optime Romulae  
Custos gentis, abes jam nimium diu:  
Maturum redditum pollicitus Patrum  
Sancto concilio, redi.

Lucem redde tuae, Dux bone, patriae: 5  
Instar Veris enim voltus ubi tuus  
Adfulsit, populo gratior it dies,  
Et soles melius nitent.

Ut mater juvenem, quem Notus invido  
Flatu Carpathii trans maris aequora 10  
Cunctantem spatio longius annuo  
Dulci distinet a domo,

Votis ominibusque et precibus vocat,  
Curvo nec faciem litore demovet:  
Sic desideriis icta fidelibus 15  
Quaerit patria Caesarem.

Tutus bos etenim rura perambulat:  
Nutrit rura Ceres, almaque Faustitas:  
Pacatum volitant per mare navitae:  
Culpari metuit Fides: 20

Nullis polluitur casta domus stupris:  
Mos et lex maculosum edomuit nefas:  
Laudantur simili prole puerperae:  
Culpam Poena premit comes.

Quis Parthum paveat? quis gelidum Scythen? 25  
Quis, Germania quos horrida parturit  
Fetus, incolumi Caesare? quis ferae  
Bellum curet Iberiae?

Condit quisque diem collibus in suis,  
Et vitem viduas dicit ad arbores:  
Hinc ad vina reddit laetus, et alteris 50  
Te mensis adhibet Deum:

Te multa prece, te prosequitur mero  
Desuso pateris: et Laribus tuum

Miscet numen, ulti Graecia Castoris  
Et magni memor Herculis.

55

Longas o utinam, Dux bone, ferias  
Praestes Hesperiae! — dicimus integro  
Sicci mane die, dicimus uidi,  
Quum Sol Oceano subest.

40



VI.

A D A P O L L I N E M.



Dive, quem proles Niobea magnae  
Vindicem linguae, Tityosque raptor  
Sensit, et Trojac prope victor altae  
Phthius Achilles,

Ceteris major, tibi miles impar:  
Filius quamquam Thetidos marinae  
Dardanas turris quateret tremenda  
Cuspide pugnax.

5

Ille, mordaci velut icta ferro  
Pinus, aut impulsa cupressus Euro,  
Procidit late, posuitque collum in  
Pulvere Teucro.

10

Ille non, inclusus equo, Minervae  
Sacra mentito, male feriatos  
Troas et laetam Priami choreis  
Falleret aulam:

15

Sed palam captis gravis, heu nefas! heu!  
Nescios fari pueros Achivis  
Ureret flammis, etiam latentem  
Matris in alvo:

20

Ni, tuis victus Venerisque gratae  
Vocibus, Divom Pater adnusset  
Rebus Aeneae potiore ductos  
Alite muros.

Doctor Argivae fidicen Thaliae,  
Phoebe, qui Xantho lavis amne crinis:  
Dauniae defende decus Camenae,  
Levis Agyieu.

25

Spiritum Phoebus mihi, Phoebus artem  
Carminis, nomenque dedit poëtae.  
Virginum primae, puerique claris  
Patribus orti,

30

Deliae tutela Deae, fugacis  
Lyncas et cervos cohidentis arcu,  
Lesbium servate pedem, meique  
Pollicis ictum,

35

Rite Latonae puerum canentes,  
Rite crescentem face Noctilucam,  
Prosperam frugum, celeremque pronos  
Volvere mensis.

40

Nupta jam dices: ego Dis amicum,  
Seculo festas referente luces,  
Reddidi carmen, docilis modorum  
Vatis Horatî.



VII.

A D T O R Q U A T U M.

---

Diffugere nives: redeunt jam gramina campis,  
Arboribusque comae:  
Mutat terra vices: et decrescentia ripas  
Flumina practereunt:

Gratia cum Nymphis geminisque Sororibus audet 5  
Ducere nuda choros.  
Immortalia ne spes, monet Annus, et alnum  
Quae rapit Hora diem.

Frigora mitescunt Zephyris: Ver proterit Aestas,  
Interitura, simul 10  
Pomifer Auctumnus fruges effuderit: et mox  
Bruma recurrit iners.

Damna tamen celeres reparant coelestia lunae:  
Nos, ubi decidimus,  
Quo pius Aencas, quo dives Tullus et Ancus, 15  
Pulvis et umbra sumus.

Quis scit, an adjiciant hodiernae crastina summae  
Tempora Di superi?  
Cuncta manus avidas fugient heredis, amico  
Quae dederis animo. 20

Quum semel occideris, et de te splendida Minos  
Fecerit arbitria:  
Non, Torquate, genus, non te facundia, non te  
Restituet pietas.

Infernus neque enim tenebris Diana pudicum 25  
Liberat Hippolytum:

Nec Lethaea valet Theseus abrumpere caro  
Vincula Pirithoo.

---

VIII.

A D C E N S O R I N U M.

---

Donarem pateras grataque commodus,  
Censorine, meis aera sodalibus;  
Donarem tripodas, praemia fortium  
Grajorum: neque tu pessima munera  
Ferres, divite me scilicet artium, 5  
Quas aut Parrhasius protulit, aut Scopas,  
Hic saxo, liquidis ille coloribus  
Sollers nunc hominem ponere, nunc Deum.  
Sed non haec mihi vis: nec tibi talium  
Res est aut animus deliciarum egens. 10  
Gaudes carminibus: carmina possumus  
Donare, et pretium dicere muneri.  
Non incisa notis marmora publicis,  
Per quae spiritus et vita reddit bonis  
Post mortem ducibus; non celeres fugae 15  
Rejectaeque retrorsum Hannibalis minae,  
\*Non incendia Carthaginis impiae,\*  
Ejus, qui domita nomen ab Africa  
Lucratus rediit, clarus indicant  
Laudes, quam Calabiae Pierides: neque, 20  
Si chartae sileant, quod bene feceris,  
Mercedem tuleris. Quid foret Illiae  
Mavortisque puer, si taciturnitas  
Obstaret meritis invida Romuli?  
Ereptum Stygiis fluctibus Aeacum 25

Virtus, et favor, et lingua potentium  
Vatum divitibus consecrat insulis.  
Dignum laude virum Musa vetat mori:  
Cœlo Musa beat. Sic Jovis interest  
Optatis epulis impiger Hercules : 50  
Clarum Tyndaridae sidus ab infimis  
Quassas eripiunt acquoribus ratis :  
Ornatus viridi tempora pampino  
Liber vota bonos dicit ad exitus.



## IX.

### A D L O L L I U M.



**N**e forte credas interitura , quae ,  
Longe sonantem natus ad Aufidum ,  
Non ante volgatas per artis  
Verba loquor socianda chordis.

Non , si priores Maeonius tenet 5  
Sedis Homerus , Pindaricae latent ,  
Cæaque , et Alcaei minaces  
Stesichorique graves Camenæ :

Nec , si quid olim lusit Anacreon ,  
Delevit aetas : spirat adhuc amor , 10  
Vivuntque commissi calores  
Aeoliae fidibus puellæ.

Non sola comtos arsit adulteri  
Crinis , et aurum vestibus illitum

Mirata, regalisque cultus 15  
Et comites, Helene Lacaena:

Primusve Teucer tela Cydonio  
Direxit arcu: non semel Ilios  
Vexata: non pugnavit ingens  
Idomeneus Sthenelusve solus 20

Dicenda Musis proelia: non ferox  
Hector, vel acer Deiphobus gravis  
Excepit ictus pro pudicis  
Conjugibus puerisque primus.

Vixere fortes ante Agamemnona 25  
Multi: sed omnes illacrimabiles  
Urgentur ignotique longa  
Nocte, carent quia vate sacro.

Paullum sepultae distat inertiae  
Cclata virtus. Non ego te meis 50  
Chartis inornatum silebo,  
Totve tuos patiar labores

Impune, Lolli, carpere lividas  
Obliviones. Est animus tibi  
Rerumque prudens, et secundis  
Temporibus dubiisque rectus: 55

Vindex avarae fraudis, et abstinens  
Ducentis ad se cuncta pecuniae:  
Consulque non unius anni,  
Sed quoties bonus atque fidus 40

Judex honestum praetulit utili, et  
Rejecit alto dona nocentium  
Voltu, et per obstantis catervas  
Explicuit sua victor arma.

Non possidentem multa vocaveris  
Recte beatum: rectius occupat  
Nomen beati, qui Deorum  
Muneribus sapienter uti,

45

Duramque callet pauperiem pati,  
Pejusque leto flagitium timet,  
Non ille pro caris amicis  
Aut patria timidus perire.

50



X.

A D L I G U R I N U M.



O crudelis adhuc, et Veneris muneribus potens,  
Insperata tuae quum veniet pluma superbiae,  
Et, quae nunc humeris involitant, deciderint co-  
mae,  
Nunc et qui color est puniceae flore prior rosae,  
Mutatus Ligurinum in faciem verterit hispidam: 5  
Dices, heu! quoties te in speculo videris alterum,  
Quae mens est hodie, cur eadem non puero fuit?  
Vel eur his animis incolumes non redeunt genae?



XI.

A D P H Y L L I D E M.



E st mihi nonum superantis annum  
Plenus Albani cadus: est in horto,  
Phylli, nectendis apium coronis:  
Est cederac vis

Multa, qua, crinis religata, fulges.  
Ridet argento domus: ara castis  
Vincta verbenis, avet immolato  
Spargier agno.

Cuncta festinat manus: huc et illuc  
Cursitant mixtae pueris puellae:  
Sordidum flammae trepidant rotantes  
Vertice sumum.

Ut tamen noris, quibus advoceris  
Gaudiis: idus tibi sunt agendae,  
Qui dies mensem Veneris marinac  
Findit Aprilem:

Jure solennis mihi, sanctiorque  
Paene natali proprio, quod ex hac  
Luce Maecenas meus adfluentis  
Ordinat annos.

Telephum, quem tu petis, occupavit,  
Non tuae sortis juvenem, puella  
Dives et lasciva, tenetque grata  
Compede vinctum.

II. Band.

U

5

10

15

20

Terret ambustus Phaëthon avaras  
Spes : et exemplum grave praebet ales  
Pegasus , terrenum equitem gravatus  
Bellerophontem :

25

Semper ut te digna sequare , et , ultra  
Quam licet sperare nefas putando ,  
Disparem vites. Age jam , meorum  
Finis amorum , —

30


Non enim posthae alia calebo  
Femina , — condisce modos , amanda  
Voce quos reddas : minuentur atrae  
Carmine curae.

35



XII.

A D V I R G I L I U M.



Jam Veris comites , quae mare temperant ,  
Impellunt animae lintea Thraciae :  
Jam nec prata rigent , nec fluvii strepunt  
Hiberna nive turgidi.

Nidum ponit , Ityn flebiliter gemens ,  
Infelix avis , et Cecropiae domus  
Aeternum opprobrium , quod male barbaras  
Regum est ulta libidines.

5

Dicunt in tenero gramine pinguium  
Custodes ovium carmina fistula ,  
Delectantque Deum , cui pecus et nigri  
Colles Arcadiae placent.

10

Adduxere sitim tempora , Virgili :  
Sed pressum Calibus ducere Liberum  
Si gestis , juvenum nobilium cliens ,      15  
Nardo vina merebere .

Nardi parvus onyx elicit eaduni ,  
Qui nunc Sulpiciis adcubat horreis ,  
Spes donare novas largus , amaraque  
Curarum eluere efficax .      20

Ad quae si properas gaudia , cum tua  
Velox merce veni : non ego te meis  
Immunem meditor tingere poculis ,  
Plena dives ut in domo .

Verum pone moras et studium lucri :      25  
Nigrorumque memor , dum licet , ignium ,  
Misce stultitiam consiliis brevem :  
Dulce est desipere in loco .



### XIII.

#### A D L Y C E N.



Audivere , Lyce , Di mea vota , Di  
Audivere , Lyce . Fis anus , et tamen  
Vis formosa videri ,  
Ludisque et bibis impudens ,

Et cantu tremulo pota Cupidinem  
Lentum sollicitas . Ille virentis et  
Doctae psallere Chiae  
Pulchris excubat in genis .

5

Importunus enim transvolat aridas  
Quercus, et refugit te, quia luridi  
Dentes te, quia rugae  
Turpant et capitis nives.

10

Nec Coae referunt jam tibi purpurae,  
Nec clari lapides tempora, quae semel  
Notis condita fastis  
Inclusit volucris Dies.

15

Quo fugit Venus? heu! quove color? decens  
Quo motus? Quid habes illius, illius,  
Quae spirabat Amores,  
Quae me surpuerat mihi.

20

Felix post Cinaram notaque et artium  
Gratarum facies? Sed Cinarae brevis  
Annos fata dederunt,  
Servatura diu parem

Cornicis vetulae temporibus Lycen:  
Possent ut juvenes visere fervidi,  
Multo non sine risu,  
Dilapsam in cineres facem.

25



XIV.

A D A U G U S T U M.



Quae cura Patrum, quaeve Quiritium,  
Plenis honorum muneribus tuas,  
Auguste, virtutes in aevum  
Per titulos memoresque fastus

Aeternet? o, qua sol habitabilis  
Illustrat oras, maxime principum:  
Quem legis expertes Latinae  
Vindelici didicere nuper,

Quid Marte posses. Milite nam tuo  
Drusus Genaunos, implacidum genus,  
Breunosque velocis, et arcis  
Alpibus impositas tremendis,

Dejicit acer plus vice simplici.  
Major Neronum mox grave proelium  
Commisit, immanisque Rhaetos  
Auspiciis pepulit secundis:

Spectandus in certamine Martio,  
Devota morti pectora liberae  
Quantis fatigaret ruinis:  
Indomitas prope qualis undas

Exercet Auster, Pleiadum choro  
Scindente nubis: impiger hostium  
Vexare turmas, et frementem  
Mittere equum medios per ignis.

5

10

15

20

Sic tauriformis volvitur Aufidus ,  
Qui regna Dauni p̄raefluit Appuli ,  
Quum saevit , horrendamque cultis  
Diluviem meditatur agris :

25

Ut barbarorum Claudius agmina  
Ferrata vasto diruit impetu ,  
Primosque et extremos metendo  
Stravit humum , sine clade victor :

30

Te copias , te consilium et tuos  
Præbente Divos . Nam , tibi quo die  
Portus Alexandria supplex  
Et vacuam patefecit aulam ,

35

Fortuna listro prospера tertio  
Belli secundos reddidit exitus .  
Laudemque et optatum peractis  
Imperiis decus adrogavit ,

40

Te Cantaber non ante domabilis ,  
Medusque , et Indus , te profugus Scythes  
Miratur , o tutela præsens  
Italiae dominaeque Romae :

Te , fontium qui celat origines ,  
Nilusque , et Isler , te rapidus Tigris ,  
Te belluosus qui remotis  
Obstrepit Oceanus Britannis :

45

Te non paventis funera Galliae  
Duraque tellus audit Iberiae :  
Te caede gaudentes Syganibri  
Compositis venerantur armis .

50



XV.

A U G U S T I   L A U D E S .



Phoebus volentem proelia me loqui  
Victas et urbis, increpuit lyra,  
Ne parva Tyrrhenum per aequor  
Vela darem. Tua, Caesar, aetas

Fruges et agris retulit uberes, 5  
Et signa nostro restituit Jovi,  
Derepta Parthorum superbis  
Postibus, et vacuum duellis

Janum Quirinum clusit, et ordinem  
Rectum evaganti frena Licentiae 10  
Injecti, emovitque culpas,  
Et veteres revocavit artis:

Per quas Latinum nomen et Italae  
Crevere vires, famaque et imperi  
Porrecta majestas ad ortum 15  
Solis ab Hesperio cubili.

Custode rerum Caesare, non furor  
Civilis aut vis exiget otium,  
Non ira, quae procudit ensis,  
Et miseras inimicat urbis. 20

Non, qui profundum Danubium bibunt,  
Edicta rumpent Julia: non Getae,  
Non Seres, infidive Persae,  
Non Tanain prope flumen orti.

Nosque et profestis lucibus et sacris,  
Inter jocosi munera Liberi,

Cum prole matronisque nostris,  
Rite Deos prius adprecati,

Virtute functos, more patrum, duces,  
Lydis remixto carmine tibiis,

Trojamque et Anchisen et almae  
Progeniem Veneris canemus.

25

50

# **Argumenta Carminum**

**e t**

**A d n o t a t i o n e s.**

THE CLOTHES OF THE MUSICAL

3

—  
—  
—

Q. HORATII FLACCI  
C A R M I N U M  
LIBER QUARTUS.

---

C A R M E N I.  
ARGUMENTUM.

*Quartum hocce carminum lyricorum volumen ex longo intervallo ab Horatio, idque Augusti potissimum hortatu, qui ita cavere studeret, quo minus, quae in Nerones, privignos suos, ipsius jussu ab eo composita essent, intercidenter carmina ēπινια, prioribus tribus fuisse additum, a Suetonio (in vita ejus) proditum est. Ex quo tamen loco temere eos agere arbitror, qui non pleraque, quod quidem verissimum videtur, sed omnia prorsus, quae in hoc libro continentur, nova, h. post tres demum libros emissos, a poeta conscripta esse opinentur carmina; quum in his nonnulla deprehendantur, quae ad anteriora, id quod abunde ipsorum arguit indeoles, referri debent tempora. Dicendum igitur potius poetam partim ea, quae dudum parata neque dum tamen in vulgus edita (certe non in fascem col-*

lecta) servaret, partim, quae tunc temporis primum composuisset, in unum volumen conjecta, tum primum una cum Neronianis (c. IV. et XVI.) edidisse carmina, atque hoc a deo sensu, quae a Suetonio tradantur, accipienda esse adparet. — Jam ad primum carmen quod attinet, ad lusus illud Poeticos, tractationi lyricae aptissimos, eosdemque ab aetatis istius hominibus cupide expetitos lectatosque (qua ipsa de causa hunc ipsi hujus libri fronti praefixum esse suspicor) unice referendum esse, argumenti ejus abunde adstruere videtur levitas. In quo quamquam amoris naturam atque ingenium ad amussim plane descripserit; illud tamen tantum abest, ut paullo iniquius de moribus poetae, quod quidem invenustos homines quosdam facere vides, ferre nos cogat judicium, ut in representando cum tanta colorum veritate amoris, a quo tamen immunis esset, affectu summum eum potius admirari deceat artificem. Deprecatur autem amorem sibi quinquagenario a Venere injectum, eumque ad Paullum Maximum, juvenem nobilem, pulchrum ac divitem, qui ei ideo aptior sit, elegantur amat; dumque se jam plane nuntium amori mississe significat, ecce iterum gravissimo sese amoris aestu pertentari animadvertisit, quem invitus quidem, sed venuste admodum explicat. Omnino magnum sese poetam ostendit hoc carmine Horatius, sive argumenti ejus tractationem, sive eloquutionis doctrinam speces atque contam venustatem: in quo tamen a graecis eum subinde profecisse, vix dubitari potest. Ceterum quamquam pro explorato, quisnam ille Paullus Maximus fuerit, vix statui posse existimem; satis tamen probabilis eorum

*videtur opinio, qui Paullum Fabium Maximum, qui, quamquam multo serius, quam hoc carmen scriptum est, cum Q. Aelio Tuberonem (a. DCCXLIII.) consul fuit, intelligunt.*

### Adnotationes.

v. 1. Ecce iterum ad amorem, cui dudum finem imposuisse mihi videhar, compelli me sentio! Pro quo nobilius phantasma est, quod a Venere sese denuo ad amorem instigari dicat; quo et vehementiam ejus, et quod invitus, quippe fere quinquagenarius, ei succubuerit, praeclare declarat. Cf. omnino I. 19. 9 sqq. Aestum poetae vivida statim prodit orationis ad Venerem conversio. — *bella moves*, ad amoris militiam me excitas; nota imagine. Vid. ad III. 26. 2. — *rursus*, post militiam hanc diu intermissam, qui diu amori haud vacaverim. — *Parce*, cogita Venerem instantem poetae reluctanti, tantoque gravius urgentem; inest adeo vehementissimi amoris notio, etiam repetito *precor* luculenter prodita. In hoc ducem forte habuit poeta Alcaeum, cuius fragm. servarunt Haphaest. p. 16. et Schol. Aristoph. Plat. 302. δέξι με κωμάζοντα, δέξαι, λίσσομαι σε, λίσσομαι.

v. 3. Non jam amplius vigor aetatis superest, amoribus appetissimus. Florem aetatis suae pulchre poeta a Cinarae amoribus designat, quos ejus primos jucundissimosque fuisse recte inde colligas. *Cinaram* immatura morte obiisse ex IV. 13. 21. constat. Tenerimi igitur affectus plena est ejus injecta h. l. mention. — *bonae*, moribus probis, minime meretriciis. Tibull. II. 4. 45. At *bona quae*, nec avara fuit cet. *Immunem* se *Cinarae placuisse* scribit Epp. I. 14. 33. — *Regnum* proprium amicarum, cui *servitus* amatorum opponitur; pervulgata ratione. Vid. ad II. 8. 18. Vulgare utique erat, quam *Cinarae* addictus eram, eam unice amaham.

v. 4 — 7. Pulchre exornatur amplificaturque antecedentium vv. sententia. Pro vulgari: ne me, nimis aetate provectum, amare cegas, doctius erat, ne me tuo imperio iterum subjicias (juxta pervulgatam Graecis loquendi rationem, δηθῆναι ὑπὸ Ἐρωτος, et sim. Speciali hanc exornavit idea, a domandis singendisque equis petita. Quae eadem jam adhibita est ab Hermesian. el. v.

85. Οὐδὲ οἱ δεῖνον Ἐρωτος ἀπεστρέψαντο κυδοιμὸν φαινόμενον, δεινὸν δὲ τὸ πλάθον υφ' ἄνιοχον. Sed explicatus Noster. *Flectit imperitis* (quamquam proprie jungendum τῷ *durum* tertio casu), ad sui arbitrium imperiose singere tentat Venus poetam circa *lustra decem*, annos jam L excedentem, adeoque *jam durum* isti imperio, minus tractabilem, docilem. Mirum acumen in antithesi *durum* et *mollibus*; nam *mollia* sunt Veneris *imperia*, quae blanda vi sua animum impellunt, quibus lubenter se submittunt homines, dum amori per aetatem sunt habiles. Similiter est γλυκῆς ἀνάγκης, *lene tormentum*, de quo vid. ad III. 21. 13. Amoris igitur naturam exprimi puta hoc epitheto; uti pervulgatis amor dicitur *blandus*, *lenis flexanimus*, θελξίφρων et sim. Ad aetatem *mollem aptamque regi* (Ovid. A. A. I. 10.) referunt nonnulli; ut *imperia mollia* sint, aetati molli, juvenili adhibenda, ne scio quam bene. *Durum* s. duri oris equum refractarium dici, notum. Venus mater *Cupidinum* dicta ut I. 19. 1. — *saeva*, quae senem amare cogat, vel simpliciter τὸ πικρὸν aut vehementiam amoris delineat. — *dulcium* vel tenerorum (fere ut eadem Ovid. Am. III. 15. tenerorum mater *Amorum* audit) perpetuo<sup>5</sup> juveniae epitheto; vel solenni Amoris attributo, Φεως γλυκύς, ἀγανώσις cet. Cf. I. 9. 15. Ita acceptum suaviter vides opponi τῷ *saevo* — 7. 8. *Abi ad juvenes*, quibus desideratissima es. Praeclare ita transitum parat ad seqq. poeta. Vulgaris erat, quo juvenes te precibus vocant, s. ad juvenes, qui te precibus expetunt. — *blandae* anget desiderii vim. Cf. III. 23. 18. In revocant non argutandum, quasi Venus antea jam adfuissest juvenibus; sed est pro simplici, vocant. Ceterum inversa sententia rem ad Somnum traduxit Stat. Silv. II. 4. 14.

v. 9 sqq. *Tempestivius*, opportunius adibis, conferes te in domum Paulli Fabii *Maximi*; gratior ibi sedes tibi erit, majorē inde gloriam feres, Maximo, forma, aestate ceterisque virtutibus, quae paratam ei victoriam spondeant, conspicuo. Exquisitum artificium, quo laudes Maximi tanquam alind agens intexuerit poeta, observarunt jam alii. Jam Veneris migrationem in domum Maximi vide quam splendide instruxerit poeta! — *ales*, ἀτρέπεσσα, πτηνή, volans h. celerrime per aërem vecta oloribus, ope cyenorum alitum, quod docte est pro, curru ab oloribus ducto commissabere in domum M. vehere, intrabis Maximi aedes. *Commissari*, comissatum ire, in domum, plane ut Graeci, οὐρα-

ζειν πρὸς τινα (Theocr. III. 1. Κωμάδως κοτὶ τὰν Ἀμαρυλλίδα) κῶμον ἄγειν πρὸς τινα (Bion XI. 4. ἐμίν κοτὶ ποιμένα κῶμον ἄγοντες — — τὸ διδοῦ φάσ) κωμάζειν εἰς τινα (ut in Proverb. apud Suid. ἀκλητοὶ κωμάζουσιν εἰς φίλους φίλοι apud Schott. Adag. p. 346: qui ex eodem p. 413. laudat; εἰς μελίττας γ' ἐκώμασσας) quum proprie sit, amicorum domos adire diei festi agendi aut' hilarioris comptonationis gratia, facile perspicitur, quum delectum hoc verbum sit pro vulgari, concedere in domum M. Innuit enim Maximi domini Veneri aptissimam, utpote hilarioribus juvenum compotationibus frequentatam, adeoque risui, jocis lasciviaeque vacivam. Hinc Annacr. VI. 12. ἐδόπερ ὁ χρυσοχαίτης μετὰ τοῦ καλοῦ Λυσίου, μετὰ τῆς καλῆς Κυθήρης — κῶμον μέτετοι χαλφων. Cf. III. 18. 6. — Olores *purpurei*, nitidi, ob pennarum laevitatem atque candorem. Nam splendor in purpura laudatissimus. Πτερὰ πορφυρέα forte eodem sensu Boreae tribuit Pind. Pyth. IV. 326. Res passim notata VV. DD, Vid. Gesn. ad Claudian. XXIX. 7. et. Wernsd. Poet. min. III. p. 308. Ineptias plurimorum intpp. adponere nihil attinet. — 11. *Si quaeris, allubescit tibi, jecur idoneum torrere*, animum ejuspiam, qui amori magis idoneus, amando aptior sit, amore accendere. *Jecur libihinis sedes*, ut in vulgus notum: *torreri de amoris igne dicitur*; notissima ratione. Vid. III. 9. 13.

13. *Namque et nobilis*, quum nobilis genere ortus sit, sc. ex illustri Fabia gente, et decens, forma insignis. *Decor juvenili aetati proprius*. Supra II. 11. 5. *fugit retro levis juventas et decor*. — 14. Etiam ingenii dotibus instructissimus. Pro hoc speciatim: vir eloquentissimus, magnum eloquentia sua nomen adeptus. Sed novum ad laudem facundiae ejus momentum facit, reis impensa opera, ut II. 1. 13. — *non tacitas, disertissimus*; si quando reorum causam agat. — *solicitis ut moestis l. l. perpetuo reorum epitheto*. Cf. Ovid. A. A. I. 460. Fast. I. 22. ex P. I. 2. 118. Martial. V. 16. 6. — 15. *Puer, juvenis centum artium μύρια εἰδὼς*, ingenio eximio artibusque exculto. *Centum doctum consilia similiter Plaut. Pseud. II. 3. 12. primarum artium principem Terent. Ad II. 3. 6.* Atque ita acciperè praestat quam de astutis machinationibus, quibus amatores illaqueare student puellas; quod Maximo minus dignum foret. — 16. *Is in tuis castris, tuus miles late sigma atque arma victoria feret*, cir-

dumferet, ubique victoria potietur, omnia expugnabis. Solenne istud de victore exercitu.

v. 17. *Et quandoque*, quandocunque, ubi felix in amors fuerit, votis potitus fuerit. Pro eo suaviter poeta, servata militiae imagine, ad rem magis adcommodata: ubi potentior factus, praelatus fuerit *aemulo*, rivali; pro quo significanter est, *largis muneribus aemuli*, aemulo amplissimis donis puellae animum expugnante. *Potens*, *potior*, de amatore, *priores partes* (Ter. Eun. I. 2. 71.) dejecto rivali apud amicam *habente*. Plant. Menaechm. II. 3. 8. *huius ultro fit*, ut meret potissimum nostrae domi ut sit. Idem Stich. I. 2. 41. *Quem aequius est nos potorem habere quam te?* Cf. III. 9. 2. Jam potentior riserit graece dictum puta pro, *riserit*, laetus fuit, se potentiores factum aenulo; structura nostro frequentata. — 19. Tum tibi; voti compos factus, splendidum templum statuet. Vota Veneri in amore secundo nuncupata passim poetae memorant; h. l. templum a Maximo Veneri vovendum premitit poeta, pro re istius lauтори. Cf. II. 18. extr. Igitur vix putem, allegoricam v. 16. rationem a poeta continuari, respicque imperatorum, in hellum proficiscentium morem, Diis templa, aras cef. vovendi reque bene gesta dedicandi. — *Te marmoream ponet*, imaginem tuam de marmore factam statuet. Idem orationis color in epigr. Aeneidi praefigi solito (Catal. VI. 9.): *Marmoreusque tibi, dea, versicoloribus alis in morem picta stabit Amor pharetra*. Ita passim Demosthenes, χαλκοῦ τινα ἵσταται pro aeneam alicui statuam exigere. Vid. VWolf. ad ejus orat. Leptin. p. 336. Ponere pro dedicare, consecrare, proprio hac de re vocabulo. Cf. III. 26. 6. — *sub trabe citrea*, sub tholo (ibi enim Deorum statuae collocari solitae) de materia citrea vel laminis citreis expolito. Docte autem ita declaratur templum Veneri una cum statua ejus consecrandum; cuius magnificentiam ab una ejus parte descriptam exhibet. *Citro enim*, arbori in Atlantis confiniis provenienti, maximum Romae statutum pretium, adeo quidem, ut mensae inde factae latifundiorum pretio pares aestimarentur. Maximus radicis ejus ac tuberum usus fuit in sellis, lectis, (Pers. I. 53. lacunariis (Apulei. V. init. *summa laquearia citro et ebore curiose cavata*) pavimentis (v. Fest. in *pavimenta poenica*) ceteraque supellectili, segmentis ejus inducenda, propter macularum ac colorum a venis, quibus distincta sunt, provenientium varietatem.

Locus class. apud Plin. XIII. 15. Cf. Salmas. ad Tertull. de Pall. p. 433. Ciacon. de Triclin. p. 20. et intpp. ad Apul. l. l. — *prope lacus*, lacum *Albanum*; qui erat in nemore Albano. De eo Liv. V. 15. Virg. Aen. IX. 387. De monte Albano Noster Epp. II. 1. 27. Villam Maximum in ea regione habuisse, cum Scholl. re-  
ete statuas.

v. 21. *Illic* maximo numen tuum honore prosequetur, summa religione colet Maximus. Nocte haec specialibus ideis exposita a poeta. — *Duces, trahes naribus, penetrabit nares tuas plurimus turis incensi odor*, multum turis tibi adolebitur. Elocutionis ratio in his minus quidem augusta, ad totius tamen carminis ingenium ac habitum satis adcommodata. — 22. 28. Ibi cho-  
ros puerorum ac virginum instituet, hymnos ad lyrae ac tibiae  
numeros in tuum honorem cantantes. Paullo diductiore ornata  
haec poeta. *Delectabere, audies, carmina, sonos, modos* (ut III. 11. 7.) *lyrae ac tibiae permixtos, non sine, una cum fistula*. De lyra ac tibia, rei sacrae adhibitis, satis constat; vid. I. 36. 1.; fistulae autem talis usus in monum. antiquis satis obvius.  
— 25. Chori puellarum ac puerorum in omnibus sere sacris adhibiti; vid. Argum. Carm. Saec. Hoc loco *bis die laudant*, laudes, hymnos Veneri canunt, ut in sacris Iiacis; de quo vid. Heyn. ad Tibull. I. 3. 31. — 27. Cum saltatione, h. ita ut chorus ad certos carminis numeros moveretur, decantari solitos fuisse hymnos, in vulgus notum. Pro incessu ad numeros composito est *quatere, pulsare humum*, ut I. 4. 10. et saepius alibi. Ter certos modos h. l. designare videtur. — *candido nocte chorum forma insignem innuit*. — *In morem Salium, ornat*, ut I. 36. 1.

v. 29 — 32. Me quidem jam amoris pertaesum est. *Nec spes* cet. ne tum quidem, si sperate s. induci possim, ut credam *animum mutuum* fore, me redamatum iri. *Animus mutuus* eodem amoris affectu percitus. — *credula*, quae facile istud persuadet amanti, fallax, cum vi; inest enim ratio, cur amoris omnis poetam taedeat. — 31. Nec comissari juvat. Suaviter hoc propter v. 11. et quod comissiones ad juvenilem amoris lasciviam pertinerent. Speciatim autem illud poeta *certare mero, bibendo* (Vid. ad I. 36. 40.) h. liberiore compotatione et coronis convivialibus (pro quo est, *vincire, redimire, circumdare tempora floribus notis, recentibus*) extulit.

v. 33. Vanitatem horum dictorun ecce redarguant amoris, diu sappressi, nunc subito prorumpentis manifesta indicia, quae poetae invito excidunt. Ominino multam artem ostendit poeta in tractando hoc loco. Exquisita statim apostrophe ad Ligurinum, fundi calamitatem. Tum oratio ambigentis est in re tam manifesta, quasi sibi ipse vix persuadeat; se in luto adhuc haerere.

— 34. *lacrima rara*, quae furtim dederit genis ipsi nec advertenti elapsa. Adposite Meleag. LIII. 1. (A. Br. I. 16.) Αἰτι μοὶ δύνει μὲν ἐν οὐκσιν ἥχος Ἐρωτος, ὄμητα δὲ σῆγα κιθοῖς τὸ γλυκὺ δάκρυ φέρει. Cf. I. 13. 6. Adde Lucian. DD. VI. p. 271. — 35. Alterum amoris indicium *silentium*, haesitatio *inter verba* in media oratione. Virg. Aen. IV. 76. de Didone amore saucia: *incipit effari, mediaque in voce resistit*, qui locus ductus ex Appollon. III. 685. πολλάκι δ' ἴμερον μὲν ἀνὰ στόμα θῦνεν ἐνισπεῖν. φθογγὴ δ' οὐ προύβανε περιστέρω. A Nostro Sapphica magis expressa: ἀλλὰ κάμμεν γλώσσ' ἔσχε. *Lingua cadit, vox concidit, intercipientur silentio, obmutescit plane.* — *parum decoro*, parum decenter.

v. 37. Cum variatis imaginibus vides orationem quoque doce variari a poeta. Somnia Ligurinum eo statu referunt, quo poetae interdum curam sui injecisset. Praeclare adeo exornatur ita vulgaris sententia, etiam per somnos tua mihi obversatur imago; quod et ipsum invite succumbentem amori poetam ostendit. — *jam captum teneo, nunc tenere mihi videor, nunc seqnor volucrem, volantem, celerrimum per gr. campi M. in campo M.* — 40. Te, finitis exercitationibus, natantem in Tiberi. *Volubiles vel perpetuo epitheto, vel a natatu ejus; quod malim.* Vim quaesivit poeta a repetito *te*, quod facile animadvertis. *Durum ac superbū Ligurinum ostendit c. X. hujus libri.*

~~~~~  
**ARGUMENTUM II.**  
~~~~~

**Q**uum Augustus perdomilis, qui rem Romanam, adflixissent, Germaniae populis, ma-

xime Sygambris, quibus, acceptis obsidibus, pacis leges imposuisset, in maxima Romae expectatione esset (quamquam eam tum frustrarentur curae ipsius ad Galliam atque Hispaniam componendam conversae), omnesque intentius id agitarent, ut redeuntem eum summo cum adparatu ac splendore exciperent, poeta vel sponte, ut et ipse in publicae laetitiae communionem veniret, vel a Iulo Antonio excitatus, ad Augusti redditum ac triumphum carmine celebrandum, ita se componit, ut, quum Pindarici spiritus artisque argumentum professus esset, ingenii sui modulum atque imbecillitatem excuset, Antoniumque vicissim, quippe tanto conatui unice parem, ad illud in se recipiendum, sedulo exhortetur. Quae conversio dici vix potest, quam exquisitam poetae artem in Augusti magnitudine repraesentanda augendaque ostendat, maxime, si eum vi ac spiritu plane Pindarico ista profiteri videas. Ita enim hoc carmen instruxit poeta, ut Pindarici ingenii gravitatem, magnificentiam, adde etiam redundantiam (inde a v. 5.) adsequi voluisse videri debeat, etsi omnino inde, quod fere intpp. volunt, ab Antonio ei Pindaricum, quo Augusti triumphum extolleret, carmen injunctum fuisse, statuere vix necesse arbitror. Dum autem munus istud Antonio demandat, singulare poetae artificium vide, quo ipse illud, per partes eundo ac praecipiendo, quae in isto carmine describi cupiat, explere conatus sit. In quo etiam illud animadversione dignum est, quod quo magis vigerent omnia, rem ad pompam triumphalem transtulerit, carmenque epinicionum cum formulis triumphatori adclamari solitis plane commiscuerit. Quod ipsum quam

a Pindarica ratione haud alienum sit, tum confusum laetitia poetae animum in Augusti reditu mirifice ostendit. Scriptum autem hoc carmen esse jam exeunte a. DCCXXXVIII. quo Augustum post devictos Sygambros Romam statim triumphantis habitu redditum fama ferret, vel inde suspicari licet, quod nulla dum Rhaetorum ac Vindelicorum, proximis demum annis victorum, in eo occurrit mentio. Ceterum de Iulo Antonio, Marci e Fulvia filio, vid. Dio LIV. 26. Vellei. II. 100. et ad v. 53.

### A d n o t a t i o n e s.

v. 1. Nobilissimum ac vere Pindaricum exordium! Vulgaris vv. 1 — 32. sententia erat: Augsti victoriis celebrandis impar sum; Pindari ingenium exprimas necesse est, si cum laude in tam gravi arguento versari cupias. Quod quam arduum ac difficile sit, facile perspicitur. Adeo ille supra omnes eminet in quovis poetarum genere. Iam intelligis, opinor, exquisitum artificium poetae in convertenda tractandaque hac vulgari sententia, ad Pindaricam rationem plane conformatum. Quo illud statim pertinet; quod primariam sententiam, qua Angusti laudibus canendis se sufficiente negat, ita convertit, ut simpliciter se Pindarum exprimere velle sibi non arrogare profiteatur, hocque generatim eloquatur, quisquis cet. Qui Pindarum sibi aemulandum proponit, ad ejus majestatem adsurgere conatur, sane quam periculosam rem illo adgreditur. Περιπλάνης; quid posterioris sententiae habet enuntiatio, quod et ipsum amat Pindarus, tantoque adpositius h. l. ob volatum, poetis tribui solitum. — nititur pennis, sustinetur, libratus in aere (ut Virg. Aen. IV. 252. paribus nitens Cyllenius alis) alis ceratis, oera connexis; quod conatus temeritatem magis oculis subjicit, quam generalius, factis, formatis, ope Daedalea, Daedali artificio. Est adeo pro, volatus ejus altior haud tuior est, quam Icari; volat ita, ut Icari sortem experturus sit, ex alto decidat. Hoc per consequens poeta: daturus nomina ponto. Res nota vel ex Ovidio. Cf. Senec. Herc. Oet. 685 et 690. — ritreo,

viridis coloris, caeruleo. Vid. ad I. 17. 20. Ceterum spectat huc Quintiliani locus, Inst. Or. X. 1. 61. etiam propter sqq. hic adponendus: *Novem Lyricorum longe Pindarus princeps, spiritus magnificentia, sententiis, figuris, beatissima rerum verborumque copia, et velut quodam eloquentiae flumine; propter quae Horatius eum merito creditit nemini imitabilem,* De lulo Antonio vid. Argum.

v. 5. Pindarum poetarum longe principem, neminique adeo imitabilem dum ostendere vult poeta, ecce magnitudine ejus perculsus transversimque raptus in laudes ejus, tanquam solam hanc exornandam carmine sumisset materiem, copiosus exundat, hocque ipso felicissimum sese Pindari imitatorem probat. Praeclare autem Pindaricas virtutes, spiritus ejus magnificentiam, beatissimamque rerum verborumque copiam una imagine poetica, et ipsa Pindarica, et masculo vigore expressa repraesentat poeta. Scilicet solenne Pindaro aliisque poetis, phantasmatum ubertatem, copiosum verborum ornatum, sonoram numerosamque orationis voluntatem flumini comparare. Ita ρόας Μουσῶν habes Nem. VII. 17. et ἐπέων ρόας Isthm. VII. 26. Magis splendide Ol. X. 13. Νῦν ψῆφον ἐλισσομέναν ἐπει κῦμα παταλύσσει βέον; denique Ὁμηρικὸν ρεῦμα est in epigr. incert. n. DXIX. 3. Anal. Br. III. 260. Jam, quo concitatiorem Lyrici istius spiritum referret, auctiorem exhibuit istam imaginem poeta, comparando eum amni de monte praeceps ruenti, quem *imbres aluere, auxere super ripas, docta brevitate pro, ita ut ripas evagetur notas, quibus contineri solitus erat; Homericā exornatione, Il. XI. 492. ἀς δ' ὄποτε πλήγων ποταμὸς πεδίονδε κάτεισι χειμάρρους καὶ τὸ δρεσφίν ὀπαζόμενος Διὸς ὅμιτρος* cet. Talem εὑροιχν, ut similiter Plato in Phaedro T. III. p. 238. adpellat, Demostheni ac Ciceroni tribuit Iuvén. X. 119. *utrumque largus et exundans leto dedit ingenii fons.* — Eodem impetu, eadem immensa copia praecepitatur exundatque Pindari spiritus atque ubertas. Sed praecitate continuatur a torrente desumpta imago, sicque plane commisceri comparans cum comparato videas; quae ipsa Pindaro admodum frequentatur ratio, veluti Pyth. IV. 515. et saepius alibi. — *fervet, παχλάζει, ζέει, ἀναζεει, aestuat,* concitato spiritu fertur, et *immensus ruit, πολὺς ἥει* (quod Demosthenes de Pythonē Byzantio ait) *torrente dicendi copia* (Iuvén. X. 9.) exuberat *Pindarus ore profundo h. os profundum, βαθὺ στόμα;* Pindari. Potest etiam jungi *immensus ore profunda,*

quod copiose dictum esset pro alterutro, immenso s. profundo ore ruit Pindarus. Εὔρος στόματα similiter Eurip. in Hippol. Καλυπτ. fr. IX. 3. p. 448. Lips. et orationem Aeschylī χειμάρρων οὐκ επιτελεσθεῖν διοσκορ. XVII. 4. (Anal. Br. I. 497.) dicit. Omnino os proprium poetis ob vim atque copiam dicendi; unde μέγα στόμα Homerus Antip. Sid. LXIX. 1. (A. B. II. 24.) στόμα δεξιὸν πάντων ἀρχαιών Aeschylus Dioscor. I. l. atqne vel Vellejo I. 18. 3. os Pindari dicitar. Optime autem os profundum Pindari illustrat Cratini fragm. apud Suid. v. Δωδεκάρουντον στόμα. Ἀναξ Ἀπολλον, τοῦν ἐκῶν τῶν ἡευμάτων! καταχοῦσι πηγαί, δωδεκάρουντον στόμα, Ἰλισσος ἐν φάρυγγι. Idem phantasma est in Callim. H. Apoll. 106. οὐκ ἄγαραι τὸν ἀοιδὸν, ὃς οἰδ' ὁ σα πέντος, αἰδεῖ et in Stat. Silv. V. 103. effreno nimbos aequare profatu, quod tamen, proprius ad verba Ulyssis νιφάδεσσιν ἐοικότα χειμερίγοι Homeri Il. III. 222. accedit; qui locus omnino pro fundo haberi debet. *Magno nobis ore sonandus eris* Ovid. A. A. I. 206. *Magni nunc erat oris opus* Propert. II. 10. 12. Contra βραχὺ στόμα exuberante argumenti materie, Pind. Nem. X. 35.

v. 9. Poeta, in quovis poeseos genere principatum obtinens, excellens, seu, seu. — *Donandus laurea*, coronari dignus, tanquam victor, in agone poetico; palmam auferit, praestantissimus est. *Apollinari*, inusitata forma pro, Apollinea, ornante epitheto, ut *lauru Delphica* III. 30. 14. — 10. Concitatorem atque plane effrenem Dithyrambici carminis impetum, summam mentis perturbationem ac σχῆμα Βακχικὸν prae se ferentem, vide quam vivide ac signate descripservit poeta! Jam pro vulgari: Dithyrambos scribere, doctius et ad enthusiasmi, qui Dithyrambis cum maximie proprius est, declarandam indolem adcommodatus est, *verba devolvere*, orationem torrentis instar praecipitare per *Dithyrambos*, servata exundantis fluvii imagine. — *nova verba*, haud vulgaria, compositione; (*τῶν γὰρ ὄνομάτων τὰ μὲν διπλᾶ (imo sesquipedalia) μάλιστα ἀρμέττει τοῖς Διθυράμβοις* Aristot. Poet. c. 22.) juncta, significatu denique innovata, cum novo orationis habitu, atque structura. Unde *audaces*; quod et ad sqq. referendum. — 11. *numeros lege solutos intellige effrenes*, libriores, concitatiores, quos amat atque requirit adeo effrerior enthusiasmi aestus. Est adeo: *fertur numeris, lege solutis*, praecipitatur, exundat *numeris*: allegoria iterum a fluvio deducta. *Ia enim legem servat, quis intra alveum defluentibus; qna sol-*

*vitur*, dum exundat. Ita si explices, rei et ornatui poetico sane quam admodum erit. Referendum adeo ad incessum Dithyrambici carminis vegetum, atque incitatum, sententiarum fulmine per plures versus atque strophas adeo exuberante. Alii lege solutos numeros dici volunt, quibus nulla certa versuum harmonia subest, ubi non ejusdem metri vv. certis intervallis sese excipiunt, sed promiscua metri ratio est. Quod etiamsi pro explorato statuatur, minus tamen poeticum videtur.

v. 13. Sequntur Παιάνες, "Τύμοι et Ἔγκώμια Pindari; illud quidem carminis genus cum Hymnis Deorum, hoc regum s. herorum laudes complectens. Ad Paeanas spectat Servii nota ad Virg. Aen. X. 737. „Pindarus opus suum; quod et hominum et deorum continet laudes, Paeanas vocavit“ quae quam adcurata eorum descriptio sit, quam hodie, iis plane deperditis, dictu admodum difficile sit, tum rei ulterius explorandae hic locus non est. Servianam tamen rationem optime tuearis si *Hymnos*, et *Encomia* generali *Paeanum* vocabulo a Pindaro designata fuisse statuas; quam ipsam ob causam utraque hic forte conjunxerit Horatius. — *Deorum sanguinem*, filios; nam omnes heroes genus suum ad deos referebant, ut in vulgus notum. Heroes autem *reges* dicti, graeca ἀνάκτορων adpellatione, in Homero, Pindaro, et aliis; de Diis heroibusque passim obvia. Βασιλεῖς διογενεῖς male huc vocant nonnulli intpp. quod vel seqq. evincunt. — 14. Encomia ornatus exponit poeta, adlatis eorum argumentis, a Pindaro tractatis. Primum, quod designatur a poeta, extollebat Herculis, Thesei ac Pirithoi virtutem in Centaurorum ὑβρεῖ, ipsorum caedo vindicanda ostensam; ad quod haud dubie fragmentum spectat, quod ad ἄδηλα rejectum est, n. LX. p. 111. De ipsa fabula vid. ad I. 18. 8. — *justa morte ceciderunt*, jure caesi sunt, ob vim Hippodamiae intentatam. 15. 16. Alterum Bellerophon Chimaera occidens Cf. ad I. 27. 23. et quae de fabula ista acute disputat, Boettig. in Descript. Vas. P. I. p. 101. — *flamma Chimaerae*, Chimaera πυρίσνοος, ut II. 17. 13. Hinc tremenda ἄμυχον τέρπας.

v. 17 — 20. Carmina ἐπινίκια in Hieronicas, quae sola nobis haud invidit fortuna. *Sive dicit*, canit, celebrat eos, quos palma cet. victores in ludis Olympicis. Hos pro universis Graecias ludis memorat poeta, tanquam illustiores ceteris, quod vel e splendido Pind. Ol. I. 1. exordio intelligitur. *Palma Elea*, in ludis Olym-

picias, juxta Elidem habitis, parta *coelestes domum reducit*, non est, quod fere volunt, inversio vulgaris sententiae; victoriam domum reportant, eoque *coelestes sunt*; quae Horatio parum digna est; sed potius, *colesti*, splendido, plane eximio ipsos in civitates suas redeuntes honore beat, gloriosissimum ipsis redditum munit, speciali, qui victoribus a civibus suis haberetur, honore memorato pro generali, quos Diis exaequat, *victoria*, ad summum felicitatis fastigium evehit, uti passim de iis Pindarus loquitur Vid. ad I. 1. 6. unde Vitruvii locum, L. IX. praef. qui nostrum mire illustrat, hic transferre operae pretium erit; *Graecorum majores hieronicis ita magnos honores constituerunt*, uti non modo in conventu stantes cum palma et corona ferant laudes, sed etiam quum revertantur in suas civitates cum *victoria triumphantes*, *quadrigis in moenia et in patrias invehantur*, e reque publica perpetua vita constitutis vectigalibus fruantur.

— 18. E certaminum generibus posuit poeta pugilatum, πυγμὴν et certamen equestre; in quo possis et *equum κέλητα*, solum viciorem intelligere, quandoquidem is ipse *victoriae insignibus atque honoribus, nummis, inscriptionibus et statuis condecorari solebat*; de quo adeo poeta rectissime dicere poterat, *palmam eum coelestem*, h. eximie honoratum *domum reducere*, quamquam haec *pugilis magis respectu dicta à poeta*, uti et seqq. — 19. 20. quod *munus*, carmen epiničium *potius* est, praferri meretur *centum signis*, statuis, in *victoris honorem erigi solitis*; quod adeo maximum *victoriae ornamentum* est, propter ejus diurnitatem. In exornanda hac sententia poetani sese ad exordium Pind. Nem. V. οὐκ ἀνδριαντούσιος εἰμ' ὁστ' ἐλινύσσοντα μ' ἐργάζεσθαι ἀγάλματ' ἵπταις βαθμίδος ἐσταύτη, composuisse, facile fidem facit narratio, quam ibi Schol. adfert super initii istius adornatione.

v. 21 — 24. Θρῆνοι, de quibus vide judicium Dionysii Halic. T. II. p. 128. Cf. Schneider. ad fragm. Pind. p. 30 sqq. Jam vulgare, seu carmine epicedio mortuos laudat, delecte poeta speciali istius generis argumento, inde delibato, tenerrimique affectus pleno, exposuit. *Juvenemve, sive juvenem plorat, Θρῆνει* (proprio vocabulo) carmine ἴωκηδεῖων prosequitur, *raptum*, prematura morte ereptum sponsae *flebili*, contristatae, maetore inde oppletae; *ornat*. — 22. *educit in astra*, extollit, celebrat cum carmine aetatem laturo) ut Catull. VI. 16. *Volo te ac tuos amores ad coelum lepidò vocare versu*) propter eximias ejus animi

corporisque dotes. *Vires animumque, ἀνθραινειαν, ἀρετὴν, Pindarico sensu.* — *mores aureos, ἡδος χρυσοῦν, optimos, Vid. ad I. 8. 9.* — et morti eripit, mori istas virtutes non sinit; exquisite, ex invidiae, quae alteri, quidquid boni habet, eripere gestit, natura. Cf. IV. 8. 25. Contra Ἀΐδης βάσσανος dictus Leonid. Tar. LXXXI. 4. (A. Br. I. 241.) quatenus homines virtute quapiam conspicuos immatura aetate rapit.

v. 25. Excelsus ingenii Pindarici nisus, qui in istis carminibus, a Nostro percensitis, deprehenditur, praeclare cycni, altissime volantis, specie jam repraesentatur atque sensibus plane subjicitur a poeta. Poetis quum propter τὸ ἐνθουσιῶν, quo incalcent et efferruntur, volatus tribuatur (v. ad II. 20. 1. Adde Pind. Pyth. V. 152. ἐν Μοίσαισι ποταύος), exquisita est hujus phantasmatis exornatio, quae eos cycnis, et altius emitentibus, et, ut poetarum saltem credi vult persuasio (Callim. II. Apoll. 5. ὁ δὲ κύκλος ἐν ἡέρι καλὸν ἀείδει); inter volandum suavissimum cantum edentibus, adsimulat. Jam vulgaris sententiae; Pindarus, cycni instar, effertur, in altum evolat; enuntiatio est prorsus Pindarica, commixtis comparantis et comparati coloribus, a Nostro passim ad partes vocata. — *Dircaeus cycnus*, Pindarus Thebanus a Dirce, fonte Boeotiae, fabulis famigeratissimo. Similiter Alcaeus, κύκλος Λεσβίος, si Codd. lectionem sequaris, dictus Incert. ep. DXX. p. 6. T. III. p. 260. cf. Anthol. Brod. p. 135. et Anacreon κύκλος Τήσιος Antip. Sid. LXXVI. (A. B. II. 27.) ὁ Τήσιος ἐνθάδε κύκλος εὐδει. Cf. I. 6. 2. — *Aura levat*, graphice de volatu, ut I. 2. 48. — *multa aura*, πνεῦμα μέγα, δεινή ἀέλλη, qua cycni penna haud tenuis (II. 20. 1.) ad emitendum opus habet, quaque altissime elevatur. Alii expedient, *multum* eum aura levat, eodem quidem sensu; quod tamen nescio an poeticus sermo ferat. Certe in Virgilii locis, quae adferunt (Ge. I. 187. II. 166.) parum praesidii videtur esse huic explicationi. — 26. *Quoties*, quando exsurgit, sublimem volatum molitur. *Nubium tractus*, regiones, nubes altæ pro summo aëre. Proprie autem poetae dicendum fuerat: multa aura in altas nubes elevat cycnum, quoties volatum parat, evolat. — 27. Ego vero humilia sector, vix supra terram attoller. *Repentes per humum sermones* suos similiter designat Noster Epp. II. 1. 250. Quo suavior autem ad cycnum illustriorque exsisteret oppositio; dulcissima illam eademque aptissima apis flores humi petragantis atque mella legentis imagine, cum

eaque studium suum confert mellitus poeta. Celebratissimae sunt poetis graecis, maxime Pindaro, κῆποι Χαρίτων, λειμῶνες Μουσῶν, quorum flores poetae vel decerpere, iisque, quem celebaturi sunt, coronare, vel, apum instar, depascere profissentur. De priore phantasmate exposuimus ad I. 26. 8. Allatis ibi locis adde Pind. fr. p. 53. Heyn. ὑφαίνω δ' Αμυθεωνίδαις ποικίλον ἀνδημόν. Posterius mirifice illustrat Platonis locus, a Boettig. iam laudatus, in Io. T. IV. p. 187. Bip. λέγουσι γὰρ πρὸς ήμάς οἱ ποιηταί, ἔτι ἀπὸ κρηνῶν μελιρρύτων, ἐν Μουσῶν κήπων τινῶν καὶ νάτων δρεπόμενοι τὰ μέλη ἡμῖν φέρουσιν, ὥστε αἱ μέλιτται, καὶ αὐτοὶ οὗτοι πετόμενοι. Unde provenit solennis poctarum cum apibus comparatio. Ἀτθίδαι μέλισσαι inde Sophoclem perhibet antiquitas, juxta Schol. ad ejus Tragg. atque hac adpellatione indigitat eum Hermesianax apud Athen. XIII. p. 598. Sappho quoque Πιερικὴ μέλισσα λιγδρόος dicta in epigr. apud Ursin. p. 5. et Erinna νεκοιδὸς μέλισσα, Μουσῶν ἀνθεῖ δρεπομένη Leonid. Tar. LXXXI. 1. (A. Br. I. 241.) Inde Claudio. XXIX. 6. *flores aeterno — veris honore rubentes sors Aganippea Permessius educat unda; unde piae pa scuntur apes et prata legentes transmittunt seclis Heliconia mella futuris.* Hinc carmina simpliciter, *meli*, *favi Musarum dicti, νέκταρα χυτὸν* Pind. Ol. VII. 12. Incert. ep. DXXIII. (A. Br. III. 261.) Δέσβιον Ἡρίνης τίδε κηρίον ἀδύ το· μικρὸν, ἀλλ' ὅλον ἐξ Μουσέων κιρνάμενον μέλιτι, et poetatum *labia nectarea, melitta*, quae ulterius persecui nihil attinet. Magnam autem venustatem imagini conciliat oratio ad anthologiam et mellificium adcommodata. *Matina*, Matini, Apuliae montis, Venusiae, poetae patriae, vicini incola. Iam hoc epitheto lectorem ad se revocare putandus poeta. — 28. *More circa flores vagandi et modo mellis inde conficiendi, si omnino diversa notione posuit poeta.* — 29. *thyma carpentis*, Θρεπομένης, depascentis succos mellis inde delibantis. — *grata*, dulcia, quibus lubentissime immorantur. — *per laborem plurimum, laboriose*, multo cum labore, sedulitate, ipsis insita. — 30. *Volitans circa nemus et ripas, floribus abundantes, Tiburis; suaviter pro, in secessu Tiburtino. Eodem colore, ab apibus ducto, Antiphanes κρηναῖα καὶ ἀνθεσικότητα μέλει vocat apud Grot. Excerpt Trag. p. 631. — uidi perpetuo epitheto. Vid. ad III. 29. 6. — 31. *carmina operosa, operose, instar apis* (nam huic πόνος proprius in melle faciendo. Phocyl. 159. εἴ μνει ἡεροφοῖτις ἀριστοκόνος τε μέλισσα cet.) *fingo,**

πλάττω, vocabulo de mellificio proprio: v. c. Antip. Sid. XLVIII.  
3. (A. Br. II. 19.) ξουρὸς περὶ χειλεσίν ἐσμὸς ἔχλασσε κηρίδετον,  
Πινδαρε, σεῖο, μέλι. Spectat autem τὸ operosum ad poetarum  
μελέτην, et ipsam ideo pro carminibus poni solitam. Tῷ parvus  
quod imaginem ab ape petitam suaviter continuat, se tenui facultate poetica praeditum profitetur modestus poeta.

v. 33. *Tu* vero (pro quo signata est *poeta*) multo dignius  
victoriam Augusti de Sygambbris reportatam *concines*, carmine  
celebrabis. Antonium horoico metro Diomedreas (f. Diomededa).  
Ad rem conf. Heyn. Exc. ad Virg. Aen. XI. 243. scripsisse XII.  
libris et nonnulla alia oratione soluta tradit Schol. Cruq. Gravi-  
ore lyrae sono opus est, in argumenti gravioris tractatione; lyra  
adeo impellenda *majore plectro*, cui *levius* opponitur, in levi  
materia. Utrumque conjunxit Ovid. Met. X. 150. Cecini plectro  
graviore *Gigantas*, sparsaque *Phlegraieis vetricia fulmina cam-  
pis*: *nunc opus est* leviore lyra. Vid. omnino ad II. 1. 40. Do-  
cete ita designavit Antonium grandioris spiritus poetam, qui epi-  
cam gravitatem lyra sustineret. *Concines*, canes ad lyram, s.  
lyra, ut saepius Ovidius; veluti Amor. III. 9. 24. Fast. IV. 110.  
Poeta enim et lyra accinunt invicem. Cf. I. 32. 2. Male Scholl.  
*concines mecum*, quo totius carminis vis perimitur. Mirum au-  
tem, de verborum junctura *mai. pl. concines*, dubitari potuisse.  
— 34 — 36. Graphica Augusti triumphantis descriptio! — *quan-  
doque*, pro quando, ut et alibi Noster. — *trahet*, verbum usitatum  
poetis de captivis. Vid. ad II. 4. 5. Cum vi h. l. pro, in  
triumpho ducet, *Sygambros*, adjecta vinculorum notiane, qui-  
bus traherentur. Similiter II. 12. 11. *ductaque per vias regum  
colla minacium*. De re vid. Dio LIV. 20. Flor. IV. 12. — *feroces*,  
auget Augusti gloriam; *caede gaudentes* iidem populi dicti IV.  
14. 51. — 35 *per clivum Capitolii*, per quem pompa triumphalis  
in Capitolium ducebatur; *res nota*. — *sacer*, propter Capitolium,  
deorum sedem, vel si linguae ratio ferat, propter sacram  
triumpfi pompam, clivum adscendentem. Male Porphyri. de via  
*sacra*, qua triumphus in Capitolium ibat, accepit. — *decorus  
fronde*, radinitus lauro, laureatus. — *merita*, devictis Sygam-  
bris. Justum triumphum a poeta ita declarari volunt intpp. sine  
causa.

v. 37 — 40. *Caesarem*, maximum et optimum Principem. *Ni-  
hil majus*, neque major unquam quisquam, *meliusve*, neque me-

lior eo exstitit. Eadem forma I. 12. 17. adde Ovid. ex P. I. 2. 100.  
*Alma nihil majus Caesare terra ferat.* Pro „exstitit“ delecte poeta, *fata et Divi donavere terris*, gigni voluere, concessere mortalibus, propter adjunctam summi boni, quo universus terrarum orbis recreatur, notionem. — *boni*, θεοὶ ἀγαθοὶ (uti etiam in nummis occurrunt. Vid. Spanhem. de praest. et usu Num T. II. p. 336.) benevoli; adposito epitheto. Cf. IV. 5. 1. — 39. 40. *Nec dabunt*, donare possunt, *quamvis tempora in priscum aurum redeant*, iterum mutentur, si vel maxime aurea aetas reditura sit; quia in ista omnes probi. — *priscum*, in qua primi homines vixerunt. Ad sententiam Noster Epp. II. 1. 17. de Augusto: *nil oriturum alias, nil ortum tale fatentes.*

v. 41. Praeclarum postae artificium est, quo Augusti triumphum, dum Antonio canendum injungit, ipse vere celebrat, praeformando ei suggestendoque ad illud carmen materiam, quae ab eo digeratur. — *publicum ludum Urbi*, ludos a Senatu pro felici Augusti reditu diis votos, nunc edendos, *imperato* isto a diis, reduce Augusto facto. Vota pro incolumi Augusti reditu publice privatimque fuisse facta iisque sese exsolvisse populum dserte tradit Dio LIV. 19. et 27. — *fortis*, Gallia, Germania et Hispania perdomita. — *forum litibus orbum*, in quo nullae causae aguntur; declarantur *dies laeti s. festi*, per quos ab consuetis negotiis vacabant Romani. Alias solenne hoc justitiuni in publica calamitate,

v. 45. Varias ab intpp. rationes iniri videas ad difficillimam, mea quidem sententia, vv. 45 — 52. sententiam ejusque cum antecedentibus nexus expediendum ac declarandum; quamquam sunt, quibus de difficultate loci parum exploratum videantur. Evidenti mea ita tenebo, ut probahilloribus, si quae adlata video, primus omnium adplaudam. Designatam proximis vv. 41 — 44. dierum festorum, quibus populus Romanus laetitiam suam de recepto Augusto testificaturus sit, solennitatem, quam ab Antonio cani velit, poeta ipse vividissimis coloribus adumbratum subjicit, partes istas ab Antonio sibi demandatas, etsi iis explendis se plane imparem profiteatur; in se recipit, egregieque tuerit. Deseruit igitur vulgarem sententiarum seriem, ita fere instituendam: Conclues tu laetitiam universi populi, faustis adclamationibus eam prodentis, ipsam hanc statim subjiciendo, atque ita describendo, ut snos laetitiae sensus primarios faciat, quamquam eos,

intentiore voce ostensos, in effreniori omnium gaudio atque exultatione vix perceptum iri sperare audeat. Occupatur igitur jam poeta describenda revertentis Augasti pompa, animoque praecipit, quantis eum plausibus populus Romanus excepturus sit, sicque munus capessit, cui se subtrahere videri vult. Haec si animo teneas, rectius de singulis statuere licebit. *Tum*, ubi Augustus Urthem intravet, *accedet* adclamantium turbae (minime vero, ad magnificos cantus tuos sc. Antonii, ut volunt) adjungeretur *bona*, magna pars meae *vocis*, adclamabo ei altissima, qua potero, voce; inter adclamantium voces mea imprimis exaudietur. *si quid loquar audiendum*, *si tamen quid efficere potero, si vox mea, quantumvis intenta, exaudiri poterit; exquisite prorsus ita Augustus declaratur universo populo desideratissimus, cui ardentissima studia sua ita adprobare adnititur, ut de praerogativa cum quovis contendat.* Importuni igitur sunt, qui Horatium Antonio succinentem (quo quid sibi velint, ne adsequaris quidem) faciunt, et verbis *si quid loquar aud.* verecundiae sensum subjiciunt; quo vix alienius quidquam adferri poterat. — 46. Sequuntur adclamacionum formulae, *o Sol pulcher, o laudande, o lucem pulcherrimam, o diem praeclarum, qui te nobis restituit.* Pro hoc ex sua persona poeta: *canam, accinam, adclamabo ego felix, felicissimum me mortalium existimans, adeoque laetus, exsultans ob receptum, redditum Caesarem.*

v. 49. Si satis constaret, quod quidem admodum probabile videtur, illos quoque, qui triumphatorem in pompa praecedent ac sequerentur, suum *io triumphhe* victori adclamasse, versus hos ita expediendos censuerim: *Dum tu* in ista pompa *precedis* et exclamas (quod Pindarica *sympysia* omittitur) *io triumphhe*; nos turba spectatrix, (pro quo est, *civitas omnis*) non *semel*, iterum iterumque *dicemus*, respondebimus, vicissim adclamabimus, *io triumphhe*, sensu sane quam commodo, reique dignitate conveniente. Atque ita etiam ratio adparet, cur poeta non Augustum sed Antonium e pompa triumphali posuerit. Si tamen paullo durior haec videatur explicatio, dicendum universam pompan triumphalem Antonio, parte ejus, designari, idque non aliam ob causam, quam quod carmen hoc ad eum scriptum sit: quae sane quam levis sit, in promtu est videre. Aliorum argutias, quas bene multas adsudere huic loco, excutere nihil attinet. — 51. *tura dabimus, adolebitus Diis benignis, redditum Gae.*

aris benigne praestantibus. Incendi ista solebant in aris, per plateas, quas pompa ista attingeret, erectis.

v. 53. Ab incenso ture naturali ordine defertur poeta ad describenda sacrificia, publice privatimque isto die diis offerenda. Sed revocat iterum generalem sententiam ad se et Antonium, et utriusque sacrum cujusque facultatibus accommodat. Simillimus exitus est II. 17. Jam pro vulgari: tu exsolveris voto, immolando decem tauris, immolabis X tauros, quos diis vovisti; ego vitulum: nobilis est, te solvent X tauri. Trita satis loquendi ratione, qua vota nuncupantes obligari diis, reque, quam propter facta sunt, exitum habente, iisdem debere (Virg. Aen. XI. 52.) dicuntur: solvuntur adeo, nomen expungunt, qui, quae vorerant, diis offerunt. — 54. tener v. relicta matre, vixdum a matre depulsus, quem jam pudet ubera matris ducere, ut in eadem re Juven. XII. 8. — 55. qui juvenescit, adolescit, in mea vota, destinatus est huic sacro votivo. Cf. ad III. 23. 11. — 57. 58. imitatus fronte, cornua gerens fronte similia curvatis ignibus, cornibus Lunae, tertium ortum referentis, die tertio a novilunio orientis. Mosch. II. 87. ίσα τ' επ' ἀλλήλοισι κέρα ἀνέτελλε καρῆνον ἄντυγος ἡμιτόμου κεραῖς ἀτε κύκλω σεληνῆς. Pessime alii ad seqq. trahunt, et notam μηνοειδῆ designari contendunt. — 59. 60. niveus videri λευκὸς ιδέσθαι (v. c. Theocr. XI. 20.) candidus ea parte, qua notam duxit, habet, alba nota insignis; nihil amplius. ducere, trahere, de nota s. macula, quae diverso colore distinguitur, sollempne. — cetera τάδ' ἀλλα, reliquis corporis partibus. Eadem rei species in Θεοταύρῳ apud Mosch. II. 84. Τοῦ δ' ἥτοι τὸ μὲν ἄλλο δίμας ξανθόχροον ἔσκε, κύκλος δ' ὀργύφεος μέσσῳ μάρματρε μετάποι.

### ARGUMENTUM III.

**F**elicissimum mortalium facultate sua poetica quaesitaque inde carminibus inter populares suos fama ita se hoc carmine jactat Ho-

*ratus, ut in summa arrogantia arrogantiae prorsus expers videri cupiat, hocque insigni artificio omnem a se invidiam amoliatur. Quo quidem lenocinio ita te deliniri sentias, ut Horatium, ita de se loquentem, non tantum suspicias, sed te amoris etiam quodam erga eum affectu perfundi animadvertis. Atque hanc potissimum causam subesse arbitror, quod hocce carmen in venustissimis Horatiani ingenii monumentis unanime omnium aetatum habuerit judicium. Nimirum Musis dum se acceptum ferre profitetur, quod vi ingenii poetica polleat, studiisque poeticis ita deditus sit, ut unice inde, vel splendidissimis laudum titulis posthabitatis, gloriae sibi quaerendam existimet materiem; tantum abest, ut hanc sibi ipse vindicet gloriam, gloriabundique personam induat, ut potius ad Musas eam totam referat, iisque, quae illud in se munus contulerint, gratum suum testari gestiat annum. Facile ex his intelligitur, quam feliciter in tractando hoc argumento poeta versatus sit, sicque, quam a natura tributam haberet, satis luculenter comprobaverit venam ingenii poeticaam. Exquisitae ac doctae argumenti tractationi docta accedit ac nitida eloquutio, numeroramque admirabilis suavitas; ut omnino hoc carmen in consummatissimis antiquitatis operibus habere fas sit. Quamquam autem magna inter hoc et L. I. c. 1. intercedat similitudo; obvia tamen animadversio est, utrique suum esse habitum, suam tractationem: quum in altero studium suum poeticum, in hoc maxime partam inde aeternam nominis jactet gloriam.*

Annotations.

v. 1 — 12. Qui facultate poetica pollet, ad poesin natura factus est, is unice ejus studio delectatur, unice inde laudem quaerit. Minus arrogantiae atque invidiae habet sententia generatim proposita, quam si initio statim hac se felicitate poeta extulisset; quo etiam facit illud, quod Musarum propitio numini hanc facultatem partamque inde laudem acceptam fert. (Vide Callim. locum, mox ad partes vocandum.) Jam quibus Musae propitia sunt, quos amant; in hos munera sua liberaliter conferunt, hi poetae evadunt; vid. ad I. 26. 1. Pro illo Horatius: quem nascentem, vix dum in luminis auras editum Musae (e quibus Melpomenem ponit, forte pœseos lyricæ respectu; quo adeo sententiam ad se tacite convertit) placido lumine viderint, placidis oculis, placido vultu, εὐμενῶς, adspexerint; suavissima imagine post Hesiodum (Hesiod. Theog. 82. ὄντινα τιμήσουσι Διός κοῦραι μεγαλοῖ, γεινόμενόν τ' ἐσιδωτοί — — τῷ μὲν ἐπὶ γλώσσῃ γλυκερὴν χείουσιν ἀσιδὴν cet.) a graecis poetis passim adhibita varieque exornata. Callim. XXII. 4. ὁδὸν ηὔσιον κρείσσονα βασκανίης. Οὐ νέμεσις. Μοῖσαι γὰρ σύσσιοι ἴδον ἴμματι παῖδες μὴ λοξῷ (ut recte praefert Ruhnk. ep. cr. II. p. 146.) κολιοὺς ίστοις ἀπέθεντο φίλονε, Theoc. IX. 35. εὖσιν Μῶσαι φίλαι: εὖς γὰρ ὀρεύντι γαθεύσσαι, τῷ δὲ εὖ τι ποτῷ δαλήσσατο Κίρη, h. ii nullis aliis illecebris capiuntur. Stat. Silv. V. 3. 121. *Protinus exorto dextrum risere Sorores Aonides, pueroque chelyn submisit et ora imbiuit amne sacro jam tum tibi blandus Apollo.* Omnino Dii bona sua cum hominibus communicant solo adspicte, suavi figmento. Ita fortuna respicit (Aristaen. I. 19. init. Μελισσάριον εὐμενέσιν ὀφθαλμοῖς, εἴσερ κοτε ἢ νῦν εἶδεν ἡ Τύχη) quem felicem; Libertas (Virg. Ecl. I. 28.), quem liberum praestat. De Gratiis pulchritudinem ita donantibus vide Meleagri XXIII. 1. (A. Br. I. 9.) et Aristaeneti I. 11. Haud minus suave phantasma est, quo adflatu solo Dii in homines agunt. Sed ista non hujus loci. Quod autem a partu statim illud contingit, huic forte notio subest. poetam nasci, non arte singi. — semel spectat ad totam sententiam, qui semel Musarum sacris initiatus est, is numquam inde abstrahetur. Mire tricantur in hoc voe. nonnulli.

v. 3. Is illud studium suum poeticum potius habebit ceteris, quibus mortales ad summum felicitatis fastigium enituntur, gle-

riam adeo poeticā vel victoriae in ludiis sacrī Graecorū ac triumpho splendidissimo praferet. Magnifice hoc tractatum atque exornatum a poeta. — *Illum non labor Isthmius* cēt. is non id aget, ut in ludiis Isthmiis vīctor evadat Pro ludiis Graeciaē universis poeta laborem *Isthmīum* posuit, h. certamina in ludiis I. κάρυατον (Pind. Pyth. V. 62.) τετραποτίν τέρατος (Isthm. III. 28. et IV. 79. coll. Hesiod. Scut. 305 sq.) et inde *Eleos labores* Stat. Silv. IV. 4. 31.; e certaminib⁹ autem *pugilatum*, πυγῆ, et *quadrigarum cursum* τετραποτίν. — clarabit, consicurim, insinuem reddet; antiquo verbi significati. — Non, neque equus impiger, impigro cursu suo, currum vīctorem ducet, efficiet, ut currui vīctor insistat, non vīctor vehetur currū, non laborabit ille de vīctoria εἰν τεθρίπποις potiunda. Recte plerique de vīctoris in patrīam reditu accipiunt, de quo vid. ad IV. 2. 17. — *Achaico*, Graeco, Romana designatione unde cūm Boettig. haud male de Olympico certamine curali, quod ceteris insignitius erat, h. l. intelligas. Vid ad I. 1. 3.

v. 7. Vide, quam exquisita copia vīctoriae nosionem ejusque splendorem variaverit poeta! Vulgare, is non curabit bellica laude inclarescere, non adspirabit ad summam hellicae virtutis gloriam, Romani triumphi specie egregie repraesentatur. — *Res bellica*, res bello strenue gesta, *Ducem ornatum Del. foliis ostendent Capitolio*, docte pro, ornabunt eum triumphali lauru, efficien, ut triumphans Capitolium adscendat; de quo v. ad IV. 2. 35. Rem bellicam illustrant, quod regum tumidas minas, insolentiam, superhiam, qua tumidi imperio Rom. interitum minati fuerant, fortias quam, reges feroceſ contuderit, fregerit, perdonnerit. *Tumere* exquisitum verbum, tam jactantiae (ut Phaedri graculus ināni tumens superbia I. 3. 3.) quam irae proprium; quae utraque notio τῷ minae subest. — *folia Delia*, laurus, Apollini Delio sacra. Ceterum exornavit triumphi speciem *regum* de vīctorum commemoratione poeta, cum quod ante currum triumphalem agerentur, tom quod ipsum regium nōnen Romanis invissimum esset. Cf. II. 12. 12.

v. 10 sqq. Sed is Musis unice vacabit, inde nōnen sibi quæret. Poeticum studium venuste declaratur secessu poetrum atque otio in amoenissima regione, cuius adspicere sensus ipsorum excitati inflammatisque ingenium εὐφαντζωτον reddunt. Vid. al I. 1. 30. Jam pro amoenissima regione in genere Tiburtinam me:

morat, eamque suavissimis coloribus depingit; tum pro poesi universa carmen *Aeolium*, lyricum (v. ad III. 30. 12.) ponit; utrumque sui studii habita ratione. Pro Tibure sunt aquae, Anio, Alba et cetera quae *T. praefluunt*, praeterflunt (ut IV. 14. 26.) agrum Tiburtinum, inde fertilem et spissae nemorum comae, spissa, densa nemora, *Tiburni lucus* I. 7. 13. — 12. *fingent nobilem c. Aeol.* docta brevitate pro singent, eum poetam lyricum efficient, ut magnam a poesi lyricsam trahat, consequatur.

v. 13 — 16. Jam apertius loquitur poeta sibi que hanc ingenii poetici laudem ac famam Musarum beneficio inter populares suos contigisse profitetur. *Romae suboles*, noto usu loquendi, pro Romani; ut *proles Ausonia* Virg. Aen IV. 236. *proles Arcadiae* Id. Aen. X. 429. et saepius alibi. — *princeps urbium*, imperii Romani, quod per totum terrarum orbem porrigitur, *sedes, domina* IV. 14. 44. Martial. XII. 8. *Terrarum Dea gentiumque, Roma, cui par est nihil et nihil secundum.* — 14. *dignatur me ponere, modestius quam, ponit, inserit me datum choro, poetis lyricis* (ut I. 1. 35.) *aequiparat me Graecis* lyricis: *Narr chori* lyricae poesi proprii. — *amabiles*, vel perpetuo chori epitheto χαρός ἐπέσις (Hom. Od. XV. 193.) ιμερόεις, (Il. XV. 603.) χαρίεις, Musae. 35. vel habita sententiae ratione, inter insignes. *praecipuos* poetas me ponit. Prius tamen, si quid judico, magis poeticum videtur, etsi alterum Horatio honoriscentius. Et jam *invidia major sum* (ut de se II. 20. 4.); minus jam invidis ac malevolis hominum obtrectationibus mea obnoxia sunt carmina. *Pro invidia est dens invidus, quatenus detrahit alterius laudi, deterit ejus merita.* Ovid. Trist. IV. 10. 123. *Nec, qui detrectat praesentia, Livor iniquo ullum de nostris dente momordit opus.* Idem ex P. III. 4. 74. *laedere vivos Livor et injusto carpere dente solet.* Unde eidem edax Amor. I. 15. 1. Martial. V. 28. 7. *Rubignosis cuncta dentibus rodit.*

v. 17. sqq. *Totum hoc, quidquid arte poetica valeo, quantumcumque mihi laudis inde obtigit, tui, o Pieri, Melpomene, muneris est, tibi soli acceptum fero.* Amolitur ita a se gloriae invidiam; quamquam de se vel sic, quod se Musis amicum fert, generosum sensum prodit. Vv. 17 — 20. *egregie Musam lyricam repraesentant. Quae temperas, regis, moderaris* (ut I. 24. 14.) *strepidum testudinis;* docte pulsas citaram, ut *duelis strepitus, suavissima exsistat modulatio, potens lyrae,* I. 6. 10. Male tem-

perare *strepitum* de fidium intendendi arte accipiunt, uti ad concentum opus sit; imo exquisite est pro, tractare citharam, sonos elicere. Propert. II. 25. 80. *Tale facis carmen docta testudine, quale Cynthus impositis temperat articulis. Strepitus testudinis, πάμφωνοι ὄυελαι,* Pind. Isthm. V. 35. *κέλαδος ἐπτάτοντος λύρας,* Eurip. Iphig. T. 1129. ad concentum nervorum refer. Minus recte alii. — 19. 20. Hymni speciem habet breviter at εὐργῷ satis adumbrata Deae potentia. *Donatura, quae largiri potes vel piscibus mutis ἀφύσοις (ἀφεντιγῷ δὴ τάχη καὶ οὐδετερα;* Lucian. Halec. p. 176. unde ἀφωνοτερος τῶν ιχθύων, tritis-simo proverbio; de quo vid. Erasm. Ad. p. 165.) *sonum θρόνου cycni, κυνέον στόμα,* (uti est in An. Br. III. p. 261. c. DXXIV. 2.) h. vocem jucundissimam; vid. ad IV. 2. 25. — Proverbialiter inde Κύκνος ἀοιδίτερον, veluti Dioscorid. XX. 6. in Anal. Br. I. 498. — 22. Quod summam in poesi lyrice laudem consequuntus sum, quod in omnium ore versor. Publicam hanc famam atque admirationem pulchre ita designat, ut se jam a populo praetereunte digitis demonstrari dicat. Vulgaris demonstrationis formula erat, *hic est, οὗτος ἐκεῖνος.* Nota Persii, *pulchrum est monstrari, et dicier: Hic est.* Martial V. 13. 3. *toto legor orbe frequens, et dicitur: Hic est.* Idem IX. 9. 3. *quod turba semper in omni monstramur digito, rumpitur invidia.* Lucian. in Somn. p. 16. *τοιαῦτα σοι περιθήσω τὰ γνωρίσματα, ὥστε τῶν ὅρθιων ἔκαστος τὸν πλησιον κινήσας δεῖξει σε τῷ δακτύλῳ, Οὗτος ἐκεῖνος, λέγων.* Idem Harmon. p. 851. in ejusdem artis musicae excellentia: *ἡδο-ξα, τῶν πολλῶν, ότι ἐπίσημον εἶναι ἐν πλήθει, ότι δείκνυσθαι τῷ δα-κτύλῳ ότι ἦν κανὼν, εὐθὺς ἐπιστρέφεσθαι πάντας εἰς ἐμόν, ότι λέγειν τούνομα, Οὗτος ἐκεῖνος Ἀρμονίδης εστίν, οὐ ἀριστος αὐλητῆς.* Ita Horatius se digito monstrari appellarique audit *Romanae fidicinem lyrae, principem gentis sua poetam lyricum.* Similiter Rufus Ovidio *Pindaricae lyrae fidicen* dicitur ex P. IV. 16. 28. Cf. Nostr. Epp. I. 19. 32 — 24. *Quod spiro, quodecumque poetici spiritas mihi est; ne dubita.* Ita IV. 6. 29. *Spiritum Phœbus miki, Phœbus artem carminis nomenque dedit poetae.* Scilicet *spirare spiritus de sublimiori poeseos genere, maxime epico, siadmodum frequentatum.* Alcaeus Mes. V. 3. (A. Br. I. 487.) *ἔπονες δ' ἵππου ἐργματ', δειγώντες ἀψίνευς Χαρίτων.* Sic Sappho *ἵσα πνέοντας Μόνοντις* dicitur Dioscorid. XXV. 3. (Ibid. p. 493.) *Spirare triumphos Stat. Theb. I. 18.* Recte adeo

de poesi lyrica h. l. — *si placebo*, blande admodum intersjectum.



#### ARGUMENTUM. IV.



**C**onsummatissimum *sui generis* hoc carmen atque omnibus plane numeris absolutum, cui non, vel leviter boni pulchrique sensu contacto, admirationem *sui injecit* atque expressit? quis quaesitissimis laudibus lyrics ejus virtutes unquam adsequutus est? Et sane quantum ubique sanguinis atque nervorum! qui nisus! quae spiritus magnificentia! quae rerum verborumque majestas! quam divinum tractationis artificium! ut jure mihi contendere posse videar, in illud fastigium hocce eximio opere adductam conspici poesin lyracam, ultra quod non nisi temerario conatu evehere eam quisquam andeat, utque adeo locupletissime inde ostendi possit, quam validus ingenio Horatius fuerit, et quam masculine (ut, quae de Stesichoro Quinctil. X. 1. prodidit, ad Nostrum transferam), maximis bellis et clarissimis canendis ducibus, epicis carminis onera, nullis prorsus Graecorum poetarum allevatus adminiculis, lyra sustinuerit. Quam enim splendidam laudem materiem, a sua gente proditam, tractandam suscepisset, eamdem sensu ac spiritu prorsus Romano persusam animatamque facile quisque, rei intelligens, animadvertisit. Sed, quo magis poetae virtus elucescat, age, ipsum carmen propius

intueamur. Est illud ἐπινίκιον, in Drusi ac Tiberii, Neronum, privignorum Augusti, laudibus bellicis, a devicta Rhaetorum et Vindelicorum gente reportatis, occupatum, ipsiusque Augusti jussu, ut diserte tradit Suetonius (non modo seculare carmen componendum injunxit, sed et Vindelicam victoriam Tiberii Drusique, privignorum suorum) et haud dubie inde Porphyryion (ad hoc c. „haec est ecloga, propter quam totus hic liber compositus s. editus est.) compositum. Rhaeti quidem, gens bellicosissima, atque crudelissima, incolebant Alpium declivia, ab oriente meridiem versus vergentia, (terram adeo Grisonum ac Tirolensem) et ad Veronam usque Comunque pertinebant juxta Strab. IV. 142, et alios. Vindelici, Rhaetis contermini, τὰ ἔχτες παρώσεια, adeoque plagam septentrionalem, quae maxime per Bavariae fines porrecta Tirolensis agri partem complectitur, tenebant. Uterque hic populus quum partim Galliam togatam partim Italiae finitimas partes adsiduis incursionibus vexaret, missus primum ab Augusto Drusus contra Rhaetos cum exercitu (a. U. DCCXXXIX.) in Tridentinis ad Alpium radices eos obviam sibi factos fudit fugavitque; mox, quum ab Italia repressi Galliam togatam urgerent, cum Tiberio, adjutore operis ei ab Augusto dato, cum divisis copiis Vindelicis eos adgressus, perdomuit. Vid. Dio LIV. 22. Jam quum illud in Druso maxime admiratione dignum esset, quod admodum XXIII. annorum juvenis, tantas res confecisset, poeta τηλανγέστατον carmini suo positurus πρόσωπον juvenilem ejus ferociam cum aquila ac leone comparat, qui, quam primum adoleve-

rint, generosam ipsorum indolem, editis statim patriae virtutis documentis, luculenter exserant; unde adeo generosa Drusi, clarissimis majoribus orti, indoles optime perspicitur. Neque tamen vel sic Drusus illud effectum dare potuisset, nisi in Augusti domo cum Tiberio fratre coelestium praceptorum disciplinis innutritus conformatusque fuisset. Ita enim demum, si bono ingenio bona accesserit institutio, praeclarum ac divinum quidam existere, uti contra, absque hac, optimam quamque indolem degenerare. Quantum hoc ad Augustum extollendum, in eumque Neronum laudes derivandas momenti habeat, facile intelligitur. Tum a Drusi juvenis generosa virtute ad maiores ejus, a quibus eam quasi hereditate accepisset, poetae impetus provehitur, et in illustrando C. Claudii Neronis splendidissimo et ad conservandam rem Romanam efficacissimo facinore, in Hasdrubale opprimendo designato, omnem vim suam exserit atque deponit. Atque hunc locum tanta gravitate atque sublimitate sensum, tanta affectus ἐρεγγείz, tanto imaginum splendore, orationisque masculo vigore, tanta denique arte illuminavit atque persequutus est rei magnitudine incensus poeta, ut dignitatem ac majestatem lyricae poeseos insigni aliquo exemplo repraesentare voluisse videatur. Quo enim illustriores Claudii Neronis laudes essent, magnifica ipsius Hannibalis oratione, infensissimi Romanorum hostis, eas persequutus est, atque ita campum sibi aperuit, in quo simul invictam Romanorum vim Punico isto bello ostensam, explicare posset: quae haud dubie magnificentissima est pars carminis.

A d n o t a t i o n e s.

v. 1. Magna statim virtus in exordio. Poeta rei a Druso ju-  
vene tam splendide administratae magnitudine tumens ac percis-  
tus, ejusdemque, ut fert animi commotioris impetus, subito evol-  
vendae planeque repraesentandae cupidus, comparationibus ora-  
tionem involvit, quarum delectus pariter atque exornatio magni-  
ficentissima summum facile prodit artilicem. Jam quem Drusus  
primaee militiae rudimenta tanta cum laude in debellandis Vin-  
delicis posuisset, facile exspectari poterat, fore, ut, quod ei glo-  
riosissimum esset, maxima luce a poeta collustraretur. In utra-  
que igitur comparatione juventutem maxime spectari oportere,  
facile perspicitur. Jam sententiarum hunc ordinem statue: Si-  
cuti aquila, vixdum volandi facto periculo, vires suas in ovibus  
mox, audacior facta, in draconibus experitur; vel ut caprea lec-  
nis catulum ad se accendentem videt; talem Drusum videre Vin-  
delici. — *Qualem alitem, notissima forma, pro, qualiter, veluti*  
*alitem cet.* — *ministrum fulminis*, Jovi fulmina ministrantem,  
*Jovis armigerum* ut Stat. Theb. III. 532. *vectorem fulminis*  
idem ib. 507. Causam figmenti inde repetunt, quod aquila fulmi-  
ne haud tangatur. Plin. X. 3. *Negant unquam solam hanc ali-*  
*tem exanimatam fulmine: ideo armigeram Jovis consuetudo in-*  
*dicavit*, laudante jam Boettig. — 2. *regem avium*, ἀρχὸν οἰωνῶν  
(Pind. Pyth. I. 13.) βασιλέα οἰωνῶν (Id. Ol. XIII. 29.). Sed ex-  
plicatius poeta adjecta imperii accepti causa, more Pindarico.  
— *rex Deorum* quaesita Jovis designatione, in regnis distribuen-  
dis; quod ipsa verborum collocatio (*rex D. regnum* in a.) ostendit. — *aves vagas, ἡγεφοῖτος, ornat*; ut III. 27. 16. — 3. *per-*  
*misit, tribuit, concessit*; sed alterum majestate Jovis dignius. —  
*expertus fidelem* cet. quod operam suam Jovi in Ganymede rap-  
to adprobasset. Scilicet *fidelis* is est, qui, quod in se recepit,  
praestat alteri. Plaut. Pers. I. 1. 49. *Obsecro te, resecro: operam*  
*da hanc mihi fidelem*. Sequitur autem vulgareni narrationem poe-  
ta, qua aquilae ministerio Jovem in rapiendo Ganymede usuni  
tradunt. Vid. Apollod. III. 12. 2. ad quem locum vide, quae de  
fundo fabulae acute monet Heyn. Alii ipsuni Jovem aquilae spe-  
cie sumta Ganymedem rapuisse perhibent; quos sequitur Lucian.  
ID. IV. p. 208. Θέσπιον ἀέλλην, h. aura sublatum Ganim. sim-  
pliciter memorat Hom. H. in Ven. 208. — *flavo, ρυμανθῷ* (ut Hom.

H. l. 202.), pulchro, docte causam raptus innuit; Γανυμήδεα μητέσια Ζεὺς ἦραζο' εὖν δὲ κάλλος, Hom. l. l. Ceterum male ingeniosi sunt, ac parum commode poetam ab illorum injuria defendunt, qui a re alienos hos tres vv. dicant, nova comparationis momenta in iis anxie rimando, et quidem ministrum fulminis et regem avium in Druso agnoscendo, qui nunc primum exercitam ducat, Augustique (qui cum Jove alias comparetur) quasi fulmen gerat. Imo aquilam ab imperio ejus in aves fulminisque ministerio poeta designavit, quo augustior comparationis exsisteret species; nihil amplius.

v. 5. Vulgare erat: ut ales juventa ac patrio vigore compulsus nido evolat. Pro hoc multo fortius est, *juventas*, juvenilis ferocia et *patrius vigor*, ingenita animi indoles μένος ἐγγενές *nido* eum *propulit*, ἀριστως, expellit, exigit. Olim, primum, ex oppos. τοῦ μοῖχ v. 9. et nunc v. 11. quod est pro vulgari, primum, deinde, denique. Alias *olim* comparationi inservit simpliciter, absqne ulla vi, ut ὁ πότε, οὐ τε πολλὰ — *laborum inscium*, exornat et exponit τὸ *olim*, volandi adhuc rudem; sed alterum quam exquisite de aquila, *quae contra solis exorientis radios contendit volare* (ut Hygin. Poet. XVI.), *quae altissime evolat*, enititur. Facile vides opponi *laborum inscium* τοῖς *insolitos docuere nisus*. Mirum itaque, *labores* omnes intpp. accipere potuisse de aquilae certaminibus cum aliis animantibus; *quae sententia* ab h. l. plane aliena est, tum multo ποιητικῶν, illustrandaque rei, *quae depingitur*, multo adcomodatius alterum. — 7. 8. et in altum enititur. Graphice et ornate haec expressit poeta. Aura tollitur, levatur (ut IV. 2. 25. *Multa Dircaeum levat aura cyanum*) eaque sustinetur avis, altum petens; hinc praecelare venti docent aquilam *nisus insolitos*, prima volandi conamina, dum opē ventorum, iis sustentatus, in altum primum enititur, volatum experitur. *Nisus*, ut paulo ante *labor*, operosa aquilae molimina innuit, *quae adeo in primam ejus juventutem* (quam etiam v. *parvem venustem* designat) cadunt, quam docte poeta v. 7. ulterius declarat. Ventos antem *vernos* cogita veris adultioris, primam aestatem, unde passim poeta colores in veris descriptionem interfert (vid. v. c. IV. 7. 4. et ei. libri 12. 4.), quod tum demum annum formosissimum Italiae regio habet. Igitur haud plane a naturae ordine ac lege aberrasse dicendus est poeta, qui prima pullorum aquilae volandi tentamina sub aestatis initium retulerit, ma-

xime, si sub clementiore Italiae coelo citius editos citiusque adul-  
tos cogites. Nam poetam plane in ordinem cogere velle, Scali-  
geranae hoc morositatis est. Vide, si vis, hypercriticum hunc vi-  
rum in Poet. VI. c. 7. adversus quem monuere alia alii, quae,  
quum ad poetam parum fructuosa sint, excutere non est animus.  
Modo teneas hoc, poetam h. l. non de aquilae aetatis incremen-  
tis disquirere, sed ponere ea, quae augendae rei momentum ali-  
quod faciant, naturae haud plane contraria. — *jam nimbis remo-  
tis*, exornant veris notionem Nam ἔαρ κρυελῶν νεφέων ἐλατή, Op-  
pian. Cyneg. I. 119.

v. 9. *Mox*, volanti periculo facto, ubi nidum reliquerit. Ma-  
gna poetae ars cernitur in prodendis aquilae incrementis subitis,  
ad majora in dies audenda eam extimulantibus. Praedae inten-  
sus primum oves adgreditur. *Vividus*, acer *impetus* demittit aqui-  
lam, ornata pro, cum impetu desertur, (ἐψικετης, Hom. Il. μ. 201.)  
deorsum ruit; e natura accipitrum. Male *impetum* explicari se-  
re videoas instinctum, *patrium vigorem* v. 5. — *ovilia* vel sim-  
pliцiter oves pascentes, vel septis eas inclusas intellige. Ad rem  
Epicrates apud Athen. XIII. p. 570. οὐροὶ γὰρ (αιετοί) ὅταν ὥστε  
νέοι, ἐν τῶν ὄρῶν πρέβατ' ἐσθίουσι ς λαγώς μετέωρ' ἀναπτύχοντες  
ἀώδη τῆς ἰσχύος. — *hostem*, cum vi, pro tenui, eum. — 11. *Nunc*  
*amor*, cupido *dapis* delectius quam, praedae, et *pugnae* egit, agit,  
impellit eum, praedae *pugnaeque* cupidus adgreditur *dracones*,  
magnos serpentes. *Imago aquilarum* cum serpentibus depugnat-  
tium passim frequentata poetis. Vid. Cerdia ad Virg. Aen. XI. 751.  
Quum pugna ista luctae quandam speciem habeat propter serpen-  
tium *nexus multiplices*, quibus aquilarum alae ligantur (Plin. X.  
4.) et utriusque inde casuni, hinc docte poeta dr. *reluctantes* di-  
xit, pro, repugnantes. Eodem ornatu Virgil. I. c. 754. *sibilat ore*  
*arduis adsurgens*: illa haud minus urget aduncō *luctantem* ro-  
stro. Antipat. Thess. XLIV. 4. (A. Br. II. 120.) τούνεκκ ς μιν  
αιετὸς ἐξ νεφέων ὁξὺς ἐμαρψεν ἴδων πλοχμοῖς δ' εἰλιχθεῖς  
ωσσεν.

v. 13.. Cumulat comparationes poeta, veritus scilicet, ut tam  
praeclare gestae rei mensuram satis impleturus sit verbis; quod  
omnius a poetis fit, ubi in re aliqua memorabili vivide oculis  
subiectienda laborant. Tum multum jucunditatis habet ista phan-  
tasmatum ubertas ac varietas. Praeclare autem poeta imaginem  
ita elocutus est, ut aptissimus inde exsisteret transitus. Vide enim

quam concinne sese excipient, *vidit*; *videre* cet. Singula comparationis vivide satis adumbrata. *Capreae metum atque horrorem mirifice augent adj. laetis pascuis intenta*, unice pastu opimo (cum vi igitur *lactis*, pinguibus, quae omnes ejus in se cogitationes converterant) detenta, nulli metni vacans; igitur tanto magis percellitur, leonem subito conspicata. — 14. Leo juvenis designatur ornatu a domesticis animalibus petito. Nam iis proprium est, *lucte depelli* in ablatione. De leone adeo erit, qui primum praedatum exit, cibum petiturus. Jam duae fere rationes iniri possunt, quibus verba inter se concilie. Vulgatior haec: *ab ubere lacte fulvae m. depulſ.* in qua ubertas lactis aliquam ad leonem viribus jam satis validum declarandum vim habere videri possit: doctior tamen et exquisitor altera, qua copiose adjici putanda, *ab ubere fulvae matris*; quae ratio in Pindaro frequens admodum, lyricumque poetam haud dedecens. Scilicet has negligentiore structura cumulatas ideas inter se cognatas fere animadvertis, ita ut altera alteri lucem adfundat, siveque ultraque rei vivide declarandae inserviat. — *dente novo peritura*, a quo sibi certam necem paratam intelligit; docte inversa oratione pro, *vidit*, videt leonem, potiundi ejus cupiditate, adpropinquare. — *dente novo*, ferae sanguine neendum rubefacto, tinteto.

v. 17. Talem, tam praevalida vi *Drusum* annorum XXIII. Iuvenem *videre* cet. De *Rhaetis* et *Vindelicis* vide Argum. Primam autem poeta pugnam innuit, qua Drusus Rhaetos apud Alpes Tridentinas obviam sibi factos celeriter prolligavit διὰ ταχέων ἐγρέψατο, Dio Cass. LIV. 22.) Igitur *Vindelici*, *Rhaetis* finiti, *videre Drusum bella gerentem*, maxima virtutis bellicae specimina edentem *sub Rhaetis*, *Rhaeticis Alpibus*, fusi ad Alpium radices Rhaetis. Docte igitur hi Alpibus *Rhaetis* a poeta designari putandi; quamquam ad Tridentinas A. proelio cum iis Drusus congressus esset. Sed recte ita efferti poterat propter continua Alpium Rhaeticarum et Trident. juga. De *Vindelicis* autem nondum his vv. agi puta; nam hi serius una cum Rhaetis, qui ab Italia repressi, Galliae togatae imminerent, a Druso Tiberioque, adjutore operis ab Augusto dato, eorumque legatis, divisis copiis, diversisque locis fusi atque perdomiti, Dione teste l. l. Igitur adcnrate poeta h. l. loquitur, dum *Vindelicos Drusi virtutem* primum in *Rhaetis* *vidisse*, mox semet ipos *sensisse* ait. — 18. Jam armorum, quae in pompa triumphali praesertim solerent,

quaeque, quum in Germanis populis maximam haud dubie apud Romanos mirationem facerent, genus notandum paulisper desle-  
ctit poeta, ita tamen, ut istam ingenii phantasmatum copia exu-  
berantis atque ita confusi, ut, quod Pindaro quoque haud raro  
accidisse videmus, a rei se summa abduci pateretur, culpam fa-  
stidiosa, qua rem istam, sibi objectam, statim missum ficeret,  
superbia, ut ita dicam, redimeret, atque corrigeref. Cf. Obss.  
— quaerere distuli, inquirere supersedeo, non lubet, unde mos  
deductus . . . dextras obarmet, docte pro, unde mos deduc-  
ctus sit (*magnanimis mos ductus avis* Valer. Fl. XI. 125.) unde  
inorem Vindelici traxerint, ut *dextras securi obarment*, securi  
pro gladio utantur, *Amazonia*, quali fere Amazonas instructas  
fuisse constat. *Per omne tempus*, est vel, inde ab antiquissi-  
mis temporibus, vel, quod omnino de Germanis tradit Tacitus,  
quod non belli tantum tempore securi armati sint, sed omnia om-  
nino negotia dextra securigera obire soliti sint. — 22. *Nes fas est*,  
consentaneum est, disquirendae huic rei immorari, non vacat  
ad has disquisitiones descendere. Quo quidem ipso Horatium ju-  
dicii sui subtilitatem, a re aliena cum indignatione repudiantis,  
egregie ostendere, quis non sentit? Generatim autem expressit  
sententiam poeta, Pindarica gravitate. Forte cum hoc Nostri loco  
haud inepte conferas Pind. Isthm. I. 83. sqq. Sed h. l. corrigen-  
tis est, et ad propositum revertentis, consueta vel pedestri ora-  
tioni ratione.

v. 25. *Sensere*, cum vi (ut IV. 6. 3.), gravissima clade ac-  
cepta, cum malo suo intellexere, quanta vis esset bonae indolis  
si bona institutio accesseri. Exquisitam artem poetae vide, qua  
magnam Drusi laudum partem haud ambitiose quaesita ratione  
cum Augusto communicat! — *quid posset*, quantum efficere vale-  
ret, *mens et indoles*, ingenita animo virtus, animi generosa in-  
doles, ab Augusto exulta; pro quo splendide est, orationi divi-  
nitatis ejus specie inducta: *rite nutrita*, bona institutione excul-  
ta, *sub faustis penetralibus*, in Augusti domo, tanquam Dei  
domicilio formata, propitium Augusti numen experta. Nam rite  
ad religiones pertinet, et *fausta penetralia* de templo propitii  
numinis docte adhibitum a poeta. *Innutritum coelestium prae-  
ceptorum disciplinis Tiberium* in domo Augusti educatum simili-  
ter fert Vellei. II. 94. 2. tralatitia adulacione; et de Druso Ovid.  
Consol. ad Liv. 38. *Caesaris illud opus*, voti pars altera vestri,

**occidit**, satis doce ac magnifice. — *vv. 27. 28.* declarative subiecti. Nunc demum enim Augusti numen cognoscitur, quod Nero-nam puerorum curam ac tutelam gerat. — *animus paternus*, affectu paterno (ut *II. 2. 6.*), institutione atque praeceptis ostendo.

*v. 29. sqq.* Hueret poeta in amplificanda proximorum *vv.* sententia, quo magis intelligeretur, Nerones, quamquam ingenit dotibus instructissimos (id quod ab ipsorum generis nobilitate facile exspectari poterat), Augusto potissimum debere, quod tales evaserint. Hoc generatim, Pindarico more, poeta extulit: adesse quidem in generosae stirpis hominibus virtutis materiam, sed doctrina atque institutione opus esse, quibus illa singatur, et ad summum perducatur; aliter enim corrumpi atque degenerare. Hoc, quod omnem contactum poeticum refugere videtur, vide quibus poeta illuminaverit coloribus! Sed in singulis graecos habuit, quos duces Horatius sequeretur. *Fortes et boni procreant similes ex se*, propagant virtutis semina. Eurip. in Alemiae. apud Stob. Grot. p. 363. ὡς ἀληθὲς — ἐσθλῶν ἀπὸ ἀνδρῶν ἐσθλὰ γίγνεσθαι τέκνα, κακῶν δὲ ὄμοια τῇ φύσει τῇ τοῦ πατρός. Idem in Archel. apud eundem p. 359. ἐν τοῖς τέκνοις γὰρ οὐ περὶ τῶν εὐγενῶν ἐνέλαμψε ex emendatione lectione Valken. Diatr. ad Eurip. p. 162: Pindarus Pyth. VIII. 62. φυῖ τὸ γεννᾷον ἐπιπρέπει ἐκ πατέρων παῖοιν λῆμα, — 30. Quod idem observatur in generosorum animalium fetu. Pro hoc in specie statim, *patrum virtus*, generosa indoles taurorum et equorum adparet in pullis ipsorum. Latius idem persequutus est Senec. Troad. 536 sqq. *Generosa in ortus semina exsurgunt suos. Sic ille magni parvus armenti comes cet.* Martial. VI. 38. 7. *Acris equi suboles magno sic pulvere gaudet; sic vitulus molli praelia fronte cupit.* Similiter Eupolis ἐν Δῆμοις apud Grot. Excerpt. tr. p. 499. οὐδὲνδὲ οὐν πρείσος με μὲν γεννᾷν τέκνα, ὅρνεις δὲ ὄμοιος τοὺς νεντροὺς τῇ πατρὶ; Contra Ecdorus apud Stob. Grot. p. 365. ἐε τοῦ κακοῦ γάρ οὐ φύσις τίκτει κακόν· οὐδὲ ἐχιδνᾶ γίγνεται. — *imbellem feroce magna vis horum epith.* ad universam sententiam, ipsa eorum collocatione adjuta.

*v. 33. sqq.* *Sed doctrina, η παιδεύσις*, bona institutio, praecatio promovet, auget, perficitque *rim insitam*, generosam animi indolem, τῷ ἐγγένει. Quintil. I. O. XII. 2. *Virtus, etiam si quosdum impetus a natura sumit, tamen perficienda doctrina est.* Boetig. laudat Cic. pro Arch. 15. *Quum ad naturam eximi-  
gam et illustrem accesserit ratio quaedam, confirmatioque dor-*

strinac, tum illud nescio quid praeclarum ac singulare solet existere. In eandem sententiam Eurip. Hec. 600. ἔχει γε μέντοι καὶ τὸ Θρηφθῆναι παλᾶς δίδαξιν ἐσθλοῦ, et Iphini. in A. 561. τροφαὶ δ' αἱ παιδευόμεναι μέγα φίρουσα εἰς ἀρετάν. — 34. *Cultus recti recta disciplina*, quatenus animus ea excolitur, ad recta et honesta perducitur. — *roborant*, confirmant *pectorā*, perficiunt naturalem indolem. Cic. Quaest. Tusc. II. 4. *Fortes* — *multo magis adjuvat ratio*, quae quibusdam quasi *praeceptis* *confirmat vim fortitudinis*. Et paullo post: *ut ager quamvis fertilis, sine cultura fructuosus esse non potest; sic sine doctrina animus.* Ita est utraque res sine altera debilis. — 35. 36. Inversa sententia cum αὐγήσαι, *utcumque*, quandocunque *mores*, morum disciplina deficit, destituit indolem, ubi abest bona educatio; sed docte effecta ejus posuit poeta, *mores*. — *culpae, vitia, indecorant*, nitorēm detrahunt, maculam adspargunt, deformant *bene nata*, τὸ εὔφυες, εὐγενὲς, bonam indolem; degenerat illa, in *vitia prona*. Fortius adeo est, quam, perit virtus animi, non exculta. Decus quidem, τὸ αἰσχρὸν proprium de vitiis, cum vi tamen h. l., quatenus in homine bene nato, ut ita dicam, deprehenduntur, quibus adeo natalim splendor offuscauit. Jam comtemplare di-vitiae poetae in declaranda ἐυγενεῖς (*fortis et boni, vis insita, pectora, bene nata*) et παιδεῖς (*doctrina recti cultus, mores*) expositas!

v. 37. Celebrata Neropum generosa indole, a majoribus accepta, satis proclivis poetae ad celebrandas horum virtutes via erat, unde ampla satis de futura juvenum istorum magnitudine iudicandi daretur copia. Satis autem habuit, unem at splendidissimum *avitae virtutis exemplum* in C. Claudio Nerone proponere. Qui bello Punico II. a. U. DXLVI. quum Hasdrubalem cum nova belli mole Italiae saucibus imminere intellexisset, relictis clam cum delecto milite, quae in Lucania adversus Hannibalem tenebat, castris in Umbriam profectus Hasdrubalis exercitam praevalidum collatis cum M. Livio Salinatore signis ad Metagrum fluvium adgressus maxima clade penitus contrivit. Vid. Liv. XXVII. 43. sqq. Atque hujus plane eximiae virtutis imagine incenditur poetae animus, adeo quidem, ut generoso ad consequendum tam splendidum argumentum, quod a carminis consilio neutiquam alienum videretur, impetu abreptus in rei hujus magnitudine vivissime oculis subjicienda haereat, unicuique occupetur. Vid Argum. Vi-

vida statim initio orationis conversio, quid debeas; o Roma, pro, quantam resp. Romana Neronum familiae debeat, quam insignia ejus sint merita, testatur victoria de Hasdrubale a Claudio Neronē reportata. Posterius pluribus ideis eloquutus est poeta, ita ut generalem (*Hasdrubal divictus*) et speciales, quae rem exornarent amplificarentque, promiscue adponeret; frequentata Nostro ratione. Solenne antem poetis, fluviis et locis virtutum testimonia denuntiare. Jam Enip. Herc. sur. 363. de Centauris ab Hercule caesis: ξύνοι δε Ηρακλέος ἐκαλλιδίνων, μαρτυρί τι ἀποφεύγει πεδίον ἀερπτον. Catull LXIV. 358. *Testis erit magnis (Achilleis) virtutibus unda Scamandri.* — *Metaurum (adjective) flumen*, *Metaurus*, Umbriae fl. pugna ista, ad eum commissa, famigeratissimus. Sil. VII. 486. *Multaque Hasdrubalis fulgebit (innotescet) strage Metaurus.* Hinc Sidon. Epp. I. 5. *illie Metaurus*, cuius ita in longum felicitas uno die parta porrigitur ac si etiam nunc Dalmatico salo cadavera sanguinolenta decororatis gurgitibus inferret.

v. 39. sqq. Victoria, quae primam Italiam post multorum annorum calamitates, ab Hannibale inflictas, recreavit, ab interitu servavit. Offusa erat Italiae densissima caligo, dum calamitatibus conflictaretur; unde emersit, pristinaque iterum luce effulxit, incolumitate ejus per Neronem praestita ac stabilita; quas imagines nec pedestris oratio reformidat. Cic. pro Rose. Am. 32. de bello civili, *tanquam si offussa reip. sempiterna nox esset, ita ruebant in tenebris, omniaque miscebant*, Valer. Max. V. 2. *funus et tenebras imperio minitari.* De luce v. ad IV. 5. 5. — *pulcher dies, lucidus, faustus*, ut IV. 2. 47. — *fugatis Latio a Latio*, ab Italia tenebris, luctuosis calamitatibus sinem imponens — 41. qui primus *risit*, effulsit, resplenduit (v. ad IV. 11. 6.) salutifer fuit Italiae, *adorea, gloria bellica, victoria, isto die parta*; ornatius quam, quo die prima salutis adfulsit spes populo Romano, *victoria parta. Ador, adorem fur, adorea, praemium militibus victoribus distributum*, mox pro ipsa gloria bellica atque adeo *victoria dici coepit.* Conf. Claudian. XXI. 284. Plin. XVIII. 3. *Gloriam a furris honore adoream adpellabant.* — *alma, prospera, salutari populo Romano; ornat.*

v. 42. Primus, *ut*, ex quo Hannibal Italiam infestavit, insedit. Summam *ἐνάργεταν*, qua hoc expressit poeta, vel hebetior perspiciat. Maxime vero admirabilis delectus verbi *equitare dō*

hoste, qui continuis victoriis insolentior factus terram hostilem populabundus pervagatur, ipsi regioni, urbibus ferociter, insultat. Vid. ad V. 16. 12. et 17. 74. Eadem notione Graecis usu venit, οὐρανούς εἰσελθεῖν καὶ πάτερα χάρκυντειν et sim. Habes igitur hoc uno verbo adumbratam imaginem Hannibal, ab Alpibus in Bruttios usque per totam paene Italiam impune grassantis, ferroque atque incendiis omnia vastantis, qualem historiae fides abunde adstruit. Hinc δεινὸς δίρυς Afer simpliciter Hannibal dictus; cf. III. 6. 36. Etiam urbes Italae significanter pro Italia positae, in vastitate ejus delineanda. Jam hostilem vim atque impetum Hannibal poeta, quo justa ejus objiceretur animo species, duabus coniurationibus illustrat, delectu pariter atque exornatione, tum enuntiationis brevitate insignibus. Summam enim rapiditatem ac violentiam, adjuncta noxae idea, designat *flamma*, ignis, silvae, eique piniferae (*taedis*), immissus, et procella mari incumbens, pro qua speciatim est *Eurus*, undis *Siculis* infestissimus, maximas in mari Sienlo turbas ciens. Utriusque impetum designavit poeta verbo, quod proprie ad Hannibalem spectat; unde adeo illa notio adsumenda, nota figura; quamquam et Ventis bigas a poetis tribui (Ita Βορέας ἀμιτωνος dixit Sophoel. Antig. 997. Ζεφύρους ἐν οὐρανῷ ἵππεύοντα Eurip. Phoen. 220.) et ιππεύειν, διφρεύειν omnino de citatiore motu althiberi videoas veluti Eurip. Suppl. 993. κατ' αἰθέρα, ἦν ὁκυδίαι Νύμφαι ἵππεύονται δι' ὄρφυκιας. Nunn. Dionys. XXXIII. 339. \*Αστερίην — ἀσταρον ἵππεύοντας ἀμοιβάδις σύνδρομον αὔρη ..... ἐνεργίζωσεν Ἀπόλλων. Ceterum quantum momentum ista ad augendam Neronis gloriam habeant, in promtu est videre. Eodem spectant sequentia, omnia, quae postea Romani prospere gesserint, a Neronis victoria, tanquam fonte, derivantia.

v. 45. Post hoc, ἐπὶ τῷτο, viciis semel hostibus, nova in dies res Romana incrementa cepit, prospere omnia cessere Romanis. *Pubes Romana*, exercitus Rouanus (ut juvenum recens examen I. 35. 30. *pubes Latia* Avien. D. O. 310. et saepius alibi) crevit usque, esse potest, crevit animo, magis magisque animo obfirmatus est, continuis antea cladibus ad desperationem adactus, secundis laboribus, prospera belli fortuna usus; vel, gloria ejus hellica in dies aucta est secundis praeliis; quod simplicius et magis adpositum videtur. *Labores μέδος*, de gravi *Martis opere* (Virg. Aen. VIII. 516.) solenne; Sil. III. 89. *discedē*

*periclis incerti Martis durosque relinque labores*, h. πόνον αἰτεῖ,  
*Homer Il. XI. 600.* Ita πόνος δογίσσως ἀγδρᾶν Theogn. 965. Sed  
 pervulgata talia. — 46. sqq. Et Italia respiravit aliquando, Han-  
 nibalis furem non amplius pertimescens. Quo quidem sensu  
 Romanos statim post Hasdrubalis cladem animatos fuisse, adeo  
 quidem, ut Hannibalem perinde haberent, ac si excessisset Ita-  
 lia, diserte tradit Polyb. XI. 3. Jam restitutam securitatem pub-  
 licam docte poeta ab effectu, idque ab instauratis per Italiam re-  
 ligionibus designat; in quo augusta admodum species est, aucta  
 insuper adposito Poenorum, istas conculeantium, impietate. *Tu-  
 multus signate de Poenis*, variis per Italiam discursibus subitum  
 continuo pavorem incutientibus. — *impious*, qui nec fanis deo-  
 rum pepercisset; adposito epitheto, quod ad Poenos proprie spe-  
 ctare, vix opus est monere. — *Fana deos hab. rectos*, ristituta  
 sunt templa deorum, viguit iterum ipsorum cultus, οἱωρθωδην τὰ  
 ἵερα. Scilicet ὄρθα graecis dicta, sarta tectaque; et ὄρθωσαι, in  
 integrum restituere, pristinae incolumitati reddere. veluti ὄρθω-  
 σαι κόκιν, ἐπὶ χάρακν ἔσται, urbem civilibus turbis concussam eri-  
 gere, incolumiem praestare. Pind. Pyth. IV. 485. Vide Boettig.  
 ad h. l. Adde Enripi. Iph. A. 24. Igitur *Dii recti*, ὄρθα τὰ τὸν θεῶν,  
 instauratis sacris, cultu Deorum.

v. 49. Praeclaro et ad Neronis laudem efficacissimo artificio  
 poeta victoriae istius magnitudinem ita extollit, ut ipsorum ho-  
 stium in summam inde rerum desperationem adactorum, confes-  
 sione bellum istud Punicum vere ea profiliatum fuisse pronuntiet,  
 hocque imminentis Carthagini fati prae sagitum Hannibal, quo  
 major rei esset gravitas, oratione explicit. Stamina ejus depre-  
 hendas fere in effato Hannibal, audita Hasdrubalis clade, *ag-  
 nisco fortunam Carthaginis*, juxta Liv. XXVII. 51. et inde Flor.  
 II. 6. unde optime de poetae arte, in tractando eo exornandoque  
 prodita, statuere licebit. Oratio vivida ac concitata, imagines for-  
 fissimae, lineisque magis ostensae, quam coloribus adumbratae;  
 summaque ἐνέγκεια in antithesibus. Summa autem orationis, *vir-  
 tus* Romanorum tantum abest ut cladibus infringatur, ut adversis  
 potius enitescat, verbo, *invicta*, ex ipsa Romanorum fortuna,  
 quam isto bello experti fuerant, ducta; *Marte* quippe in eo ita  
*ancipite*, ut *propius periculum fuerint*, qui vicerunt, Liv.  
 XXI. 1. Cf. Junonis oratio Virg. Aen. VII. 293. — tandem, ma-  
 ximis demum cladibus ad hanc confessionem coactas, victa de-

mum indomita ejus ferocia; praeclaro e persona Hannibalis. — *perfidus*, qui, excisa Sagunto, foedus ruperat, bellum nefarie incepérat. Sic Martial. VI. 19. *perjuria Punici furoris* istud bellum et Stat. Silv. IV. 6. 77. ipsum Hannibalem *perjuro ense superbum* vocat. Vel omnino animum ejus *perfidia plus quam Punica* (Liv. XXI. 4.) infamem notare voluit poeta. Certe generalius de Punica fide acceptum paullo languidius in tali loco videtur. — 50. Vide quanta brevitatis virtus sit enuntiatae sententiae: insanos nos, qui ultro adgrediamur, bello petamus, quos effugere satius erat. Insaniam istam vivide declarat poeta comparatione, cum ipsa sententia mira arte contexta. Cf. III. 2. 10. Nos *Poeni Romanos sectamur, cervi lupos.* (Hos enim oppositionis vis postulabat. De Roimli lupa poetam cogitasse, nemini facile Baxterus persuaserit.) Proprie igitur erat, *cervi sectamur lupos, quos . . . triumphus, praedue quippe certissimae iis futari.* Sed docte hoc inseruit poeta (*praeda rapac. lup.*) et in altero (*sectamur, quos cet.*) comparati magis ratio habita. — 52. *fallere et effugere eos, λαζεῖν, fuga impetum eorum eludere, sese subducere, triumphus opimus est,* pulcherrimae instar victoriae habendum, in summa felicitate ponendum. Nota opima spolia; unde docte *triumphus opimus dictus.*

v. 53. Plane insitam Romanae genti esse invictam vim atque fortitudinem, adeo quidem ut ab ipsis cladibus calamitatibusque nova incrementa capiat, poeta ut ostenderet, ad ipsa populi sui primordia recurrere necesse habet, luculenter istud comprobanda; de quibus Hannibali, in Italia senescenti (utī ipse ait apud Liv. XXIX. 3.) utique constare poterat. *Gens, stirps gentis Romanae Aeneadae, qui ne patriae quidem interitu (docte hoc epith. c̄remato involvit poeta) animo conciderant, sed novis sedibus quaerendis intenti fortis, fortiter, aerumnosis viae laboribus ac periculis haud deterriti, petiere Italiam.* Hoc augustiore specie poeta; tanquam sola erga Deos atque infirmam aetatem pietate ducti tantos labores toleraverint. — 54. *Saura, θεούς πατέρων, Vestam, ceterosque deos patrios, maxime Penates.* Virg. Aen. II. 293. *Sacra suosque tibi commendat Troja Penates; hos cape fatorum comites.* Res curate tractata ab Heyn. in Exc. IX. L. II. Aen. p. 304. — *jactata;* quatenus ipsi Trojanī gravissimam tempestatem in *Tusco, Tyrrenho mari experti;* docte. Virgil. Aen. I. 71. *Gens inimica mihi Tyrrhenum navigat aequor, Ilium in* II. *Band.*

*Italiam portans victosque Penates*; ubi vide quae sequuntur. — 55.  
*Pii Aeneae maxime respectu, natum Iulum et maturum aetate Anchisen secum asportantis, haec commemorari existimia. In pertulit summae constantiae notio; et Ausoniae urbes docte Italia dicta, ab Ausonibus, antiquis Italiae incolis. Vide omnino Heynii Exc. IV. ad Aen. VII. 37. p. 129.*

v. 57 sqq. Gens ista, quum cladibus attritam ac paene confectam putes, tum *velut ab stirpibus laetius feraciusque* (ut de eadem Liv. VI. 1.) renascitur, exsurgit; *major semper frequentiorque pro tot caesis exercitibus subolescit*, quod de eadem iidem Carthaginenses praedicant apud Liv. XXIX. 3. Igitur quam adposita istius gentis cum ilice, post amputationem laetius efflorescente, novumque, quo sese extollat, robur adepta, comparatio sit, in promptu est videre. *Ilex tonsa*, attonsa, accisa; ramis amputatis. *Brachia arborum tonde*, Virg. Ge. II. 368. — *hip. duris, στιβαροῖς*, dure impactis; vel simpliciter e duro ferro *άλεκτος χαλκήλατος*. v. 58. suaviter exornat comparationem. De *Algido* v. ad I. 21. 6. — *feraci nigrae frondis*, saltuoso, silvis consisto; ut frondes nigrae sint umbrosae, ut I. 4. 11. et I. 21. 7. Forte tamen in specie Algidum quercubus atque ilicibus feracem designare voluit poeta epith. *nigrae*, istis proprio (uti et μελάνδρων Graecis), etiam propter densam umbram istarum arborum. Ad rem v. III. 23. 9. — 59. 60. Docte iterum (ut vv. 50. sqq. co)parationem commiscuit cum sententia poeta, utriusque aequali fere ratione habita. Nam etiam *damna* et *caedes* ilicis tonsae dici possunt. Suave autem oxymoron, *damnis* Roma opulentior facta, quod imitatus est Rutil. Itin. I. 120. *Adversis solenne tuis. sperare secunda: exemplo coeli (lunae) ditia damna subis*. Similiter crescere malis de Hercule Senec. Herc. fur. 33. *damnis dives ab ipsa suis de hydra* Ovid. Heroid. IX. 96. Adde eund. Met. IX. 193. — 60. *ducit opes animumque, novas vires, novum robur acquirit, animosior facta, ab ipso ferro, securi amputata; h. graviter afflita, maximas clades experta, de Romana gente.*

v. 61. Novas comparationes ejusdem illustrandae sententiae subnectit poeta, oratione tam scite variatas, ut comparationis speciem in iis vix agnoscas. De Hydra Lernaea, e cuius uno recesso capite innumera alia succrescerent, narrationem pete ab Ovid. Met. IX. 69 sqq. Cf. Intpp. ad Hygin. f. 30. et ad Appollod. II. 5. 2. Simile effatum Pyrrhi apud Flor. I. 18. *Videō me*

*plane Herculis' sidere procreatū, cui, quasi ab angue Lernaeo,  
tot caesa hostium capita de sanguine suo renascuntur.* Sed frequentatum omnino vett. enatum inde proverbiū *ῦδραν τέμνειν*,  
ubi ex uno malo, quod sustuleris, nova copiose emergere animadvertis; de quo vid. Torrent. h. l. et Erasm. Adag. p. 319 —  
*Hydra non firmior, firmius crevit in Herculem*, docta brevitate  
pro, non magis *secto corpore*, resecto uno capite novo succre-  
scente capitum numero, virium incrementa cēpit, quibus obnitere-  
tur Herculi. Nova adversus Hercalem *subrecta* capita docte *τῷ*  
*crevit* designat poeta. — *vinci dolentem*, omnibus viribus adni-  
tentem, ne vinceretur, graviter collectantem cum hydra aeger-  
rimeque vincentem; immense auctas hydrae vires docte ita decla-  
rari puta. Iolai demum ope Hercalem id effecisse, in vulgus no-  
tum. — 63. Neque draco cāede sua ferocior ac terribilior fuit.  
E satis ejus dentibus provenisse γηγενεῖς idque armatos, notum  
vel ex Ovid. Met. III. 101 sqq. Prodigiosum hunc terrae partum  
docte *monstrum* poeta adpellat, quod *Colchi et Thebae*, terra  
Colchica ac Thebana *submisere*, protulere; Iasone Colchis, The-  
bis Cadmo dentes istos serentibus. Elegans est usus verbi *submit-  
tere ἀνθεμέμετειν*, de rebus, quas terra gignit, passim notatus VV.  
DD. veluti Burm. ad Val. Fl. III. 528. et ad Propert. l. 2. 9. —  
*Echioniae*, Boeotiae, ab Echione, uno terrigenarum, e reliquis  
mutuis ictibus pereuntibus, cum quatuor aliis superstite.

v. 65 sqq. Similiter qua verba qua sententiam Hannibal apud  
Liv. XXII. 14. init. *Cum eo nimirum hoste res est, qui nee bo-  
nam nec malam ferre fortunam potest; seu vicit, ferociter instat  
victis: seu victus est, instaurat cum victoribus certamen.* Idem  
apud Justin. XXXI. 5. *Aliis bellis plurimum momenti habere,  
priorem aliquam cepisse occasionem loci temporisque, agros di-  
ripuisse, urbes expugnasse; cum Romano, seu occupaveris pri-  
or aliqua, seu viceris, tum etiam cum victo et jacente luctan-  
dum esse.* Sidon. Apoll. c. VII. 6. *Adversis sic Roma micat cui  
fixus ab ortu ordo fuit crevisse malis.* In Nostro mire animum  
percillit nervosa brevitas, quae antithesibus vigorem addit. *Mer-  
ses profundo, si mari eam penitus immergas, immersam patet  
h. calamitatibus oppressam, cladibus confectam, ecce pulchrior,  
gloriosior evenit, emergit, in malis major exsistit.* Quanto  
fortior Noster imitatore suo Rutil. Itin. I. 129. *Flevit succes-  
sus Hannibal ipse suos. Quae mergi nequeunt, nisu majorēr.*

surgunt, exsiliuntque imis altius icta vadis. Mergi, ut βασιλεύονται, de malis, quibus opprimimur, uti contra εὐερεόται, iis liberati, nota poetica loquendi ratione. — 66. Cogita par luctatorum compositum; illum, adversario statu delecto ac labante victoriae jam imminentem, hunc collectis viribus insurgentem, alterumque integrum adhuc, b. ne loco quidem motum, uno impetu prosternentem. Cum laude igitur proruit, majori laudi ei cedit, quod exhaustus paene viribus adversarium integrum, integris viribus ac victorem, victoriae jam certum proruit, terrae affligit. Forte dicta haec respectu Hasdrubalis, cum exercitu integro atque Hispaniarum victore in Italiae faucibus a Romanis toties ab Hannibale fusis ad interencionem caesi. — 68. conjugibus loquenda, cum vi, de quibus conjuges querantur, quorum tristissimam memoriam servaturaे sint, maritis ipsorum in iis caesis, adeoque atrocissima, funestissima. Catull. LXIV. 349. 50. Illius egregias virtutes claraque facta saepe fatebuntur gnatorum in funere matres. Altera ratio, conjugibus (tertio casu) loqua, quae victores conjugibus enatrent, ut in Ovidiano: narrantis conjux pendet ab ore viri, a Schol. Cruqu. jam allata, minus gravitatis habet pro affectu loquentis.

v. 69. Pulchre subjicitur Romanis post cladem animosioribus Hannibal, eadem accepta, de summis rebus desperans! quo victoriae istius magnitudinem mirifice extolli, in aprico est vide-re. Jam non, non amplius mittam, mittere licebit Carthagini, Carthaginiensibus, nuntios superbos, qui victoriam superbam, magnificam, gloriosam (ut triumphus superbus I. 35. 4.) annuntient. Sed docte ipsi superbi dicti; partem istius gloriae sibi vindicantes, elati gentis suae gloria. Quam acerba antem haec pristinae felicitatis, cum praesente fortuna collatae, recordatio! Missi autem saepius Carthaginem victoriae nuntii, quos Livius diserte memorat, veluti post cladem Cannensem, XXIII. 11. — 70. Magna δεινότης in repetito occidit — fortuna nostri nominis, rerum nostrarum, nostra gentis, nostra. Ita acceptum convenit fere iis, quae idem apud Liv. XXVII. 51. dicit, agnosco fortunam Carthaginis; hocque ad Neronis laudes satis splendidum foret, quod ejus victoria Carthaginiensium regni ruinam traxisset. Vel sic tamen praestare arbitror, fortunam nostri nominis, de Hannibalis fortuna hellicacum Hasdrubalis exercitu exstincta accipere. Atque hoc jubent anteced. v. 69. et spes omnis. Etiam Li-

vius XXVIII. 12. Post Hasdrubalis vero exercitum cum duce, in quibus spes omnis reposita victoriae fuerat, deletum, eeden-doque in angulum Bruttium cetera Italia concessum est. valde adposite.

v. 73. Tam insigni edito opere maxima quaevis posterum ab ipso hoc Claudio, ejusque posteris, virtutum suarum heredibus (juxta illa, fortis creari fortibus) perpetratum iri recte ominari licet. Exquisitum poetae artificium est, quo ipsum Hannibalem futurae gentis Claudiae magnitudinis yatem fert, sicque orationem ad privignos Augusti, primarium hujus carminis argumentum, inflectit. Male nonnulli poetam iterum loqui autumant; quo totius tetrastichi vis plane infringitur. *Nil non, omnia persicent manus Claudiæ, gens Claudia, manu strenua, fortis; omnia prospere ab ista gerentur.* Docta reique apta periphrasis est *manus Cl.* in declaranda istius gentis fortitudine bellica; ut *manus Herculea* II. 12. 6.—74. *Quas, quandoquidem gentem istam Jupiter benigno numine, Deorum favor defendit, tutatur. Sanctos inde acceptosque numinibus Claudiis dixit Tacit. Ann. IV. 64.* Designatur felicissimus rerum, strenue ac prudenter inceptraum perfectarumque, eventus. Adoptavit etiam Florus II. 6. *Nihil actum erat tanta virtute, tanto favore etiam Deorum.* — 75. *cūrae sagaces, consilia sagacia, ingenii sagacitas, prudentia in administrando bello speciata.* Supra *consilia* simpliciter dicta v. 24. — 76. *Expediunt per acuta belli, docte et breviter pro, transmittunt incolumes per maxima belli discrimina, ex iisque adeo expediunt. Acuta belli, pugna acuta, ὁξὺς Ἀρης, ὁξὺς ἄγροι μάχαι* (Pind. Pyth. VIII. 37.) *de pugna ancipiti, atrocissima. Similiter διὰ ὁξεῖας δραμεῖν, ἐπὶ τῷ διαχινθυνόντων, quod proverbium est apud Zenob. Cent. III. et ἐπὶ ξυρῷ εἶναι Theocr. XXII. 6.*

ARGUMEHTUM V.

*Magnum facile agnoscas poetam in exquisita ac plane perfecta Augusti laudum, quas*

hujus carminis argumentum fecit, per tractatione. Tanta enim Augusti laudationi, ad latissimis idoneis rerum argumentis, conciliavit veritatis speciem, ut nihil plane adulacionis aut vanæ ostentationis ei adspersum, vereque pectus poetam, quum ista scriberet, disertum fecisse, dicere liceat. Tum artificium poetae in quaesite laudando Augusto haud unum animadvertis. Primum, quantis Augustum meritis insignem tibi finges necesse est, quem, diutius absentem, universus populus Romanus impatientissime desideret, ac paene suscipiet? quo sane tenerrimi amoris ac pietatis, a felicitatis ei debitæ sensu profectae, vix liquidius affectus ostendi poterat. Deinde, ne in turpem adulacionem prolapsus ac simulate loquutus videri posset, causas quidem, quibus civium animos sibi conciliasset, non ambitione adtexit, sed docte ab effectis, suavissima felicitatis istorum temporum pictura declaratis, colligendas dat. Tandem, quo rectius de immortalibus ejus in patriam meritis statuatur, magnitudine eorum universum populum ita attonitum atque affectum ait; ut, quum humana sorte paene altiora sint, Augustum, publicae istius privataeque felicitatis auctorem, non possit, quin summa veneratione ac pietate, tanquam numen tutelare, prosequatur, utque diutissime inter se moretur, quotidie voveat. Ad libationes tam publicas quam privatas, quae jam a. U. DCCXXIV. Senatus Augusto decrevisset, ultima haec spectare, in proclivi est animadvertere. Atque ex his a me dictis, quae hujus carminis summa, quamque artificiosa argumenti sit tractatio, satis expeditum esse arbitror. Ceterum quantum suavitatis atque hilaritatis vel ipsis hujus car-

*minis insit numeris, vix admonitione egere arbitror.*

### A d n o t a t i o n e s.

v. 1. *Divis orte bonis explicant, nate Diis bonis, absolute, θεῶν ἀγαθῶν, εὐμενῶν sc. ὄντων θεῶν ἐκητί, Diis propitiis, Deorum beneficio terris date! fere ut IV. 2. 37. de eodem: quo nihil majus meliusve terris fata donavere bonique Divi, haud indocte quidem, neque indigna h. l. rei specie. Augustior tamen h. l. Augusti *Dei compellatio*, quatenus in gentem Iuliam adscitus ad deos genus suum referret, ac meritorum magnitudine, dum adhuc in terris degeret, ita dici adpellarique mereretur. Cf. III. 5. 2. Epp. II. 1. 15. Atque haec per totum fere carmen regnat idea. Thall, Miles. I. 2. (A. B. II. 164.) Καῖσαρ ἀνικάτων ἔχοντος Ρομυλίδων! αἰθερίην γένεσιν σέο μέλπομεν. Praestat adeo multo simplicior ratio, oriunde a Divis; *bonis*, qui tantum famaque beneficium Romanis numen ex se nasci voluerint. — 2. *Custos gentis Romulae*, Romuleae, itidem tanquam Deus *iγχώριος*, tutelaris, ut Neptunus *custos Tarenti* I. 28. 29. Infra idem Augustus *tutela præsens Italiae* IV. 14. 43. et *rerum custos*, adjuncta divinitatis notione, audit. *Romulus*, adjective ut *Dardanus* et plurima alia vocabula. — *abes a gente tua, jam nimium diu*; quo admodum molliter desiderii impatientiam prodit. — 3. *pollicitus maturum redditum*, te multo maturius, brevi redditum, *sancto, augusto, Patrum concilio, ordini, Senatui*. Similiter *sanctissimum gravissimumque orbis terrae consilium* Senatum adpellat Cic Cat. I. 9. *sanctum Senatum* Virg. Aen. I. 426. — *redi*, en votorum summam, uno verbo expositam!*

v. 5. *Exhilara iterum adventu tuo patriam, per longam absentiā moerore prostratam. Suavissima haec imagine extulit poeta. Ohnubila omnia sunt (quae solennis tristitiae imago est; expressa quoque a Virg. Aen. II. *vitam in tenebris luctuque trahebam*. Cf. IV. 4. 40.) absente te; igitur redde lucem patriae, dispelle ista nubila *luce tua*, te reddito, quo se tanquam Solis luce recreatam patria sentit. Aeschyl. Pers. 298. ubi Atossa, postquam Xerxem cladi superstitem audisset: ἐμοῖς μὲν εἶπες δόμασιν φάος μέγα, καὶ λευκὸν ἥμαρ νυκτὸς ἐκ μελαγχήμον. Homer. Od. XVI.*

25. in summi gaudii testificatione; ἡλιος, Τηλέμαχος, γλυκερὸν φάος. In aliis Homeri locis salutis primariam notionem habet, quae huc non faciunt. *Ducis* minus ambitiosa Augusti appellatio, etiam sub Imp. frequentata, quod regium nomen Romani exosi essent. Exempla acervatim constipavit Markl. ad Stat. Silv. IV. 1. 46. Nonnulla quoque habet Burm. ad Propert. II. 13. 20. In *patriae* cave arguteris, dictum uti *pater patriae* et sim. — *tuae*, tibi penitus addictae, tantoque desideratus redditum tuum efflagitanti.

v. 6. Vide quam splendide *lucis* notionem exornaverit poeta; in quo iterum divinitatis Augusti subest idea. Scilicet benevoli numinis praesentia insolito fulgore (vid. ad III. 16. 1.) aut candida nube (uti irati caliginosa), qua amictum est (v. ad. I. 2. 31.) prodi credita; unde adeo tota natura resulget, laetioremque faciem induit. Notissimus Lucretii (I. 6. sqq.) locus de Venere: *Te, Dea, te fugiunt venti; te nubila coeli adventumque tuum: — — tibi rident aequora ponti, placatumque nitet diffuso lumine coelum;* quod phantasma varie exornatum est a poetis. Igitur Augusti *vultus instar Veris affulget, resplendet*, per naturam fulgor ejus diffunditur, Veris (personam cogita, uti in splendidissima pompa apud Lucret. V. 736. Cf. IV. 7. 9.) adventantis instar, quod dispulsiis nubibus serenitatem reducit. Dictum inde "Εας χρύσειον, ερυθρῶν νεφεων ἐλατήρ Opian. Cyne. I. 119. Hinc suaviter Theocr. VIII. 41. 43. παντας ἔαρ — — ἔνδ' ἀ καλὰ πάτηταις ἐπινισσεται, laudante Boettig.; et vennitas, veris instar affulgens, Χαρίτων ἔαρ Julian. LVII. 1. (A. Br. II. 506.) et Alexand. Aetol. V. 7. (A. Br. 497.) πρωθῆβης, ἔαρος Θαλερώτερος; secuti Theocr. XIII. 45. cui Νυχεῖα ἔαρ ἔρωσι dicta. — 7. dies, menses, anni *cunt*, procedunt, obvia ratione, poetis admodum frequentata. Vide ad IV. 7. 12. — 8. *Soles*, φάες, quatenus cuique diei suum solem adsignant. *Memini me condere Soles* similiter Virg. Ecl. IX. 82. — *melius*, purius *nient*, servata imagine pro, recreatur patria te praesente.

v. 9. Mollissimum desiderii affectum, quo Patrem suum patria pie prosequitur, egregie poeta cum materna sollicitudine comparat, quae per longiorem unici filii absentiam vigorem atque incrementa cepit maxima, Comparisonem per se dulcissimam et ad movendos animos aptissimam vide quam ἕικεργῶς exposuit, animaveritque poeta. Augetur desiderii affectus itineris sus-

cepti difficultate atque periculo, vivideque ad coelum expansis  
in litere matris, vota metu duplicitis, manibus ostenditur. Acu-  
ant talibus locis humanitatis sensum hemines invenusti frigidii-  
orisque sanguinis. Profecit autem poeta ex Homerū Od. XVI. 17.  
comparatione, quamquam paullo aliter adornata: *μέν δέ πατήρ  
οὐ παιδει φίλα φρονίων ἀγαπάζει ἐλθόντ' οὐκέτης γαῖης δεκάτῳ  
εἰσαντῷ, μούνον, τηλύγετον, τῷ οὐκέτης ἀλγεα πολλὰ μοργήσῃ μέν τότε  
cet.* Cum Nostro certamen instituit Oppian. Hal. IV. 325. εպ.  
*ὅς δέ οὖτε τηλύγετον μήτηρ γόνου, ή καὶ αἱρίγην εὐνέτις ἀλλοδαπήν  
τῆλε χθένα γαῖαν ιέντα ἀχνυμένη στέλλοντο νέος δέ οι ἔνδον ἀλύει,  
οἵση οι μεσηγγοὶ αἵρεις χύσις, ποσά τε κύκλα μητρῶν ἀκροτάτοισι δέ  
ἐπειβαίνουσα θαλάσσης κύματι δικρυόσσαν ἐπὶ στόμα γῆραν ἔησι.  
οὐσιύδειν λισσομένη παῖ μιν πόδες οὐκέτης ὄπισσω ιεμένην φορέουσιν,  
ἔχει δέ ἐπι ποντὸν δικαίας.* Intellige autem juvenem, adversis ven-  
tis, quo minus e Bithynia, quo mercatura causa protectus fu-  
erat, redditum parare posset, prohibitum ac detentum. Doce hoc  
Carpathii maris, quod ei transeundum erat, et *Noti*, redeunti  
Italianam adversi mentione facta innuit poeta. — *Notus invido fla-  
tu, flatus Noti invidi, Notus invidus, adversus, matri filii redi-  
tum invidens; ornate.* — *Carpathii maris aequora.* solenni ca-  
pia poetica pro, Carpathium mare, de quo vid. ad I. 35. 8. —  
*distinet*, sejunctum enim tenet a domo dulci, desiderata, ultra  
annum. Pro quo *ornatus* est, *cunctantem*, ita ut ei desidendum  
sit, a domo abesse cogatur *longius*, diutius *annuo spatio*, anno.  
Magis autem poeticum erit, si jungas *distinet trans aequora*,  
qua *cunctantem trans aequora*.

v. 13. Praeclare omnia cumulat poeta, quibus sollicitudi-  
nem matris, salvum filii redditum a diis impetrandi ob oculos  
ponat. *Votis*, diis pro incolumi filio nuncupatis, vocat juvenem  
deos exorare studet, ut reddant sibi filium. *Precibus vocare im-  
brem* similiter Virg. Ge. I. 157. *Omnibus faustis captandis*, aut,  
si sinistra adpareant, iis averruncandis. Utrunque conjungi so-  
lenne. Liv. praeſ. in fin. *Cum bonis potius omnibus, votisque  
ut precationibus deorum libentius inciperemus cet.* — 14. non  
*demovet faciem*, fixis in mare oculis prospicit, unde cum ven-  
turum sperat. — 15. Eodem tui desiderio flagrat universus popu-  
lus. — *desideriis icta, πόθῳ βληθεῖσα, ιμέρᾳ πενθηγμένη*, ut  
Aeschyl. Agam. 555. et 1215. *Desiderio perfixa juveni*, Lucret.  
II. 360. *Omnino de quovis vehementiore animi affectu poetis ad-*

hiberi, in vulgus notum est, *fidelibus*, sident, amoteni pop. Rom. in te testantibus, pio animo profectis; significanter. — 16. *quaerit*, suaviter desiderii notionem exponit, Cf. III. 24. 32. Alia vide apud Markl. ad Stat. Silv. III. Omnino *desid. icta quaerit*, delecta copia est pro, vulgari, desiderat *Caesarem suum*, quod ipsum quam anguste protenui, te.

v. 17 *sqq.* Ut omnem simulatae pietatis suspicionem excludat poeta, causas subjicit, a quibus ardentissimum illud desiderium proficiscatur; insignia ipsius in rem. merita; quae docte ab effectis declarata statim subjiciuntur. Declarat autem ea ab summa omnium rerum abundantia, securitate, innocentia, morumque integritate; quibus quum auream aetatem fere designari constet, in promtu est artem poetae perspicere, qua Augusteum saeculum cum aureocomposuerit. *Bos tutus, tuto, secure rura perambulat*, otiose in pratis pascitur. *Perambulare*, quod alias est errare, palare, vagari, de pastu gregum. Bovem aratorem intelligunt nonnulli, nescio quam commode propter *sqq.* et omnino suavior securitatis imago; grex libere per prata vagans, dum pascitur. — *Venusta eximiae ubertatis imago: Ceres et Faustitas*, quae alibi *Abundantia*; Copia (C. Saec. v. 60.) nutriendit rura, secundant segetes, unde largus proventus existit. Consimilis imago apud Tib. VI. 1. 163. *Non illic colit arva deus Bacchusve Ceresve*. Nostrum ante oculos habuit Sil. XII. 375. *Arva coquit nimium — cetera propensae Cereris nutrita favor.* — *alma*, benevolia, in largiendis frugibus. Ad sententiam IV. 15. 5. *tua, Caesar, aetas fruges et agris retalit uberes.* — 19. *Navitae*, specialim mercatores, volitant per mare, secure maria trajiciunt, quippe *pacata*, non amplius infestata, compositis bellis civilibus. Adposite laudant, quae nautae Augusto simum Puteolanum praetervehenti adclamarunt, *per illum se vivere, per illum navigare, libertate atque fortunis per illum frui*, apud Sueton. Aug. 98. *Volitare praeclare lasciviam et audaciam nautarum in summa securitate depingit*. Vide vel Ernesti Clav. Cic. h. v. — 20. *Fides metuit culpari*, cavet, ne culpetur, omnino non culpatur, sincera, incorrupta, *integra est ab omni fraude; nota loquendi ratione.*

v. 21. Per te restituta disciplina publica, reducti mores majorum. Effectum maxime hoc Augustus voluit latis legg. Iuliis de adulteriis, quae omnis morum corruptelae fontem haberet.

Cf. III. 6. 17. — *Nullis polluitur cet.* Matrimonia casta sunt, nullis stupris *polluta*, contaminata. Notae graecorum loquendi formulae, μισθίειν, αἰσχύνειν κέχος, hac de re. — 22. More pristino restituto, latisque, quae adulteria compescerent, legibus. Sed nova sententia ornate exposuit poeta. — *edomuit*, coercuit, extirpavit nefus, flagitia, h. adulteria, quaesito verbo. Nam *Licentia evagatur*, cui lex *frenum injicit*, illam compescens, ut IV. 15. 10. ubi vid. Not. — *maculosum*, foedum, turpe, communi flagitiorum epitheto, quatenus νόμοις μισθίουσι (ut *Incert.* apud Stob. Grot. p. 119.) vel homini notam inurunt; tum solenne poetis, *labes adulterii* (ut Ovid. Am. III. 5. 44.) *libidine foedus et maculosis* Tacit. Hist. I. 7. et similia. Respondet igitur τῷ polluitur. — 23. Castitatis fideique uxoris in maritum maximum apud antiquos argumentum proles marito similis. Laudatio jam ab aliis poetarum locis, Hesiod. Eey. 233 sqq. Theocr. XVII. 44. Catull. LVIII. 225. et Martial. VI. 27. 3. adde Athen. V. p. 190. Nossidis ep. VII. 4. (A. Br. I. 195.) ἡ καλὸν ὄντες πέλει τέκνα γονεῦσιν ἵσα. Ovid. Trist. IV. 5. 31. Alia habet Abresch. ad Aristaen. Lectt. p. 120. — 24. *Culpam premit pede*, statim sequitur, instat ei *Poena*, flagitia statim vindicantur; ne dilatione robur acquirant, latiusque serpent impunitatis illeclamento.

v. 25 sqq. Securitatem externam civitati Romanae ab Augusto effectam vivide delineat poeta, commemoratis speciatim, qui imperiuta Rom. antea infestassent, atrocissimis hostibus, nunc partim edomit, partim repressi. Vividum securitatis sensum vivida pulchre prodit oratio. De *Parthis* domitis vid. ad III. 5. de *Scythis*, ultra Istrum repressis v. II. 9. 23. De *Germanis* v. IV. 4. denique de *Cantabris* v. II. 6. 2. et III. 14. init. — *gelidum Scythen, gelidae orae*, (I. 26. 4.) Septentrionis incolam. — 26. Quis *fetus Germaniae horridac*, docta epithetorum permutatione, pro *fetus Grem. horridos*, Germanos adspectu truces, immanni virium robore quantumvis feroce; ita enim accipi debere, docet oppositionis (τῷ paveat) elegantia, Atque hoc sensu *feram Germaniam* dixit Ovid. Trist. IV. 2. 1. et ex P. II. 8. 39. (ubi eadem oppositio: *Sic fera quam primum pavido Germania vultu cet.*) *Germaniam atrocem* Prisciam. Perieg. 275. *Germanos truces* idem 294. Infra V. 16. 7. *fera caerulea Germania pube*. Ad *horridam*, qua Taciti adhuc squalebat aetate, Ger-

maniae faciem vix bene referas; quamquam horrere proprium haec de re verbum. Eadem virtute Valer. Fl. II. 645. licet hinc saevas tellus alat horrida gentes, ubi saevus rō horrida lucem suam adfundit. Ceterum incolas telluris, in qua pati educatique sunt, fetus subolem, atque alumnos dici, notum vel e Catull. LXIII. 50. *Patria o mea creatrix, patria o mea genetrix.* Avien. Descr. O. 311. de hac ipsa re: *Italidum vi moesta paludivagos Germania slevit alumnos.* Delecta autem h. l. in Germanorum atrocium descriptione imago, quasi γηγενῶν naturam ii referant, terra sati. *Fetus autem adhibuit poeta, non quod instar catulorum ferarum essent, sed propter Germaniam matrem; cuius fetus est, quidquid intra eam gignitur.* Ceterum orationis colorem e Nostro duxit Sil. I. 230. *atros chalybis fetus humus horrida nutrit, satis feliciter.* — 27. In *incolumi.* Caesare magna deservens est, et ad totam p̄nōs spectat; hoc vivente, hujus nominis terrore contemiscunt gentes! — *Iberia fera, propter Cantabros feros, bellicosos.*


v. 29. Succedunt suavissimae tranquillae atque inter jucundissimos labores actae vitae picturae, quibus animum post horridarum gentium enumerationem mirifice deliniri sentias. Ex opere autem rustico gratam tantum ejus speciem repraesentat, vini culturam, atque ex hac ipsa genus quoddam, quod nec taedium nec defatigationis offenditionem habet. Tum ipsam hanc impendi vides operam ad vitam genialiter agendam; quam statim exquisita ratione ad Augustum, felicitatis istius auctorem, relatam subjicit. — *Condimus diem,* dum inter opus, quo per totum diem occupati eramus, conditur, elabitur, occidit; quod de sole magis proprie dici, in promtu est videre. Atque ita jam Callim. ep. II. 3. ἦλιον ἐν λέσχῃ κατεδύσαμεν, et inde Virg. Ecl. IX. 52. Paullo argutius Claudian. LII. 13. *Idem condit ager soles, idemque reducit, pro, in eodein agro semper versatur.* Saepissime autem solem cum temporis spatio, quod cursu suo efficit, h. die permutari, in vulgus notum. — *in collibus vitiferis, vinetis, suis;* quorum nunc tuta possessio est: quae bellis civilibus admodum incerta eraf. — 30. Et maritat arbores vitibus, alligat vites arboribus; nota loquendi ratione. Vid ad V. 2. 10. — *viduas, antequam iis alligarentur vites; ornat.* Proprie autem arbores *viduae, oppos. vitibus maritiis,* ut Juvenal. VIII. 78. *Siratus humili palmes viduas desiderat ulmos.* Catullus tamen

vitem viduam adpellat LXII. 49. — 31. *Hinc*, absoluto diurno opere, *redit* (nam quovis die hoc facit) *ad vina*, compotacionem instituit, *laetus conviva curat*, ut de agricolis Virg. Ge. I. 301. — *mensis alteris*, secundis te *adhibet*, tanquam deum *εἰτραπάτης*. Alludit poeta ad Graecorum morem, qui deorum tutelarium parva sigilla mensis suis adponerent, quibus post epulas libarent. Notissimus Alexandri Hercules *εἰτραπάτης*, *Genius tutelaque mensae*, Lysippi opus unius pedis mensura, quem pulchre describit Stat. Silv. IV. 6. Cf. omnino quos laudat Barth. ibi ad v. 32. Orationis colorem Virgil. quoque inde duxit Aen. V. 62. *adhibete Penates et patrios epulis, et quos colit hospes Aestes.* Non igitur h. l. simpliciter est, tibi, ut deo, libat; nam hoc v. 33. demum subjicitur; quamquam libationes Augusto publice decretas, transferendo huic graeco mori ansam poetae dedisse recte statuas. De iis Dio LI. 19. p. 457. *ἐν τοῖς ουσιτίοις, εὐχ ὅτι τοῖς κοινοῖς, ἀλλὰ καὶ τοῖς ιδίοις, πάντας αὐτῷ σκένδειν εκέλευσαν.* Eundem apud Graecos regibus habitum honorem fuisse docet Luciani Catapl. I. p. 633.

v. 33. *Te prosequitur, colit, honorat multis precibus, et mero pateris defuso, libatione facta.* Nam preces et libationes *τιμᾶι θεῶν*, unde *laticum libavit honorem* Virg. Aen. I. 736. et sexcenties alibi. Factas autem fuisse preces inter libandum docet vel I. 32. 2. *quid orat, de patera novum fundens liquorem?* Ad sententiam Ovid. Fast. II. 637. *Bene nos, patriae, bene te, Pater, optime Caesar, dicite suffuso per sacra verba mero.* Thall. Miles. I. 3. (A. Br. II. 164.) de eodem vel Tiberio: *ἀμφὶ δὲ βωμοῖς γηθοσίνους* (f. *γηθόσινοι*) *λοιβὰς σπένδομεν ἀθανάτοις* (f. *ἀθανάται*) — *Laribus miscet inter θεοὺς πατρώους*, gentis conservatores refert *tuum Numen*, *uti Graecia heroas suos, Diocuros et Herculem.* Diis *σωτῆροι* adnumerat. Hinc passim in nummis Augustus *Parens et Conservator P. R.* dictus. Jungi autem oportere: *uti Graecia Cast. et Herc.* Diis suis miscet, vix dubitandum. — *Memor ornate docteque adjectum pro, propter ingentia ipsorum merita.* Plenius ita Cic. Off. III. 5. *Herculem hominum fama, beneficiorum memor, in concilio Coelestium collocavit.* Ad rem conf. III. 3. 9 sqq. De libatione Hercolii fieri solita diserte Ion. II. 5. (A. Br. I. 162.) *σπένδοντες δ' ἀγνῶς Ἡξαλεῖ τ' Ἀλμήνη τε — ἐκ Διὸς ἀρχόμενοι πίνωμεν* cet.

v. 37. *Diu praestes, largiaris, concedas Hesperine, Italiae*

tuae has *ferias*, hanc tranquillitatem ac securitatem, utinam hanc felicitatem diuturnam esse velis! quam splendide de Augusto, tanquam deo, pro vulgari, diu vivas! Minus graviter, quamquam eodem divinitatis adsumto colore Thall. ep. l. v. 6. εὐχομένοις ἡμῖν πωλὺ μέροις ἐπ' ἔτος. Ornatum forte Noster repetiit ab ἐπιδημίαις deorum; nam iis praesentibus feriatur tota regio, festis epulis, choreis cet. occupata; qualem vitam otiosam atque jucundam Augusto Romani debeant. — *dicimus*; precamur te mane et vesperi. Utrumque exornavit poeta. *Die integro* nulla dum parte sui demta. — *Sicci* vino necdum irrigati. Vid. I. 18. 3. Cf. Plaut. Asin. V. 2. 7. Pseud. I. 2. 51. H. l. simpliciter ornat, et inservit. oppos. *uvidi*, madidi, βεβρεγμένοι, de quo consule Villois. Animadv. ad Long. p. 141. — 40. *Sol Oc. subest* e poetica ratione; suaviter a compotatione nocturna tempus ve-  
spertinum designatur.



## ARGUMENTUM VI.



*Solennē, quod ludis secularibus, a. U. DCCXXXVII. magna religione celebrandis, in templo Apollinis Palatini a choro puero-rum ac puellarum caneretur, cārmen ab Au-  
gusto scribere jussus Horatius, quo augusti-  
orem muneri isti, sibi admodum honorifico,  
speciem ac dignitatem conciliaret, Apollinem  
hoc carmine, quod quidem, respectu secula-  
ris carminis, προσομίου adpellatione optime in-  
digites, antea invocat, eumque, ut se, car-  
men illud meditantem, adjuvet, divinoque  
adflatu dignetur, rogat. Jam, quum maxi-  
ma jam apud populares suos lyriceae poeseos  
fama vigeret, id quod hujus ipsius muneris  
injuncti ratio abunde ostendit. satis poeta ha-  
bet, Apollinem orare, ut, quam ei acceptam*

ferat laudem poeticam, nunc tueatur, integrumque conservet. Tum, ut omnia recte peragantur; sumta chorodidascalii persona ad chorūm convertit se, monetque eum, ut gravissimis, quas in se tuendas receperit, ne deposit partibus, proposita, qua studium ejus acutat, jucundissima quondam rei bene gestae recordatione. Jam in tractando hoc argumento quomodo versatus sit poeta, paucis dispiciamus. Magnificum statim prorsus est, quod universo carmini antiquioris hymni habitum induerit. Cujus quum praecipua pars in laudibus exorandi numinis posita sit, delecte admodum poeta eas Apollinis virtutes percenset; quae maximum ad futuram rem Romanam momentum haberent. Igitur exposita Apollinis a Niobe Tityoque sumta vindicta in Achille, ab eodem sagittis confosso, haeret, in exornandaque hujus facti magnitudine sibi maximopere indulget; quod quidem, non tam nisum lyricum sequuntus, quam potius summo cum judicii acumine fecisse videri debet, quandoquidem sola Achillis morte effectum est, ut Trojana gens, non plane deleta, laetioribus incrementis revirescere potuerit. Quae quam adposita ad carminis secularis argumentum sint, facile quisque intelligat. Tum religioso, ut ita dicam, incessu gravitateque concinna ubique sententias procedere videoas, masculo orationis vigore probe corroboratas.

#### A d n o t a t i o n e s.

Vv. 1. 15. Occupatur poeta celebrandis Apollinis laudibus, speciali insignium operum ab ipso editorum, quae maximam numinis ejus potentiam arguunt, adtexto recensu; quo quidem priorum hymnorum faciem plane repraesentari facile intelligas.

De Niobe vid. loc. class. apud Hom. Il. &c. 602. sqq. Cf. intpp. ad Hygin. f. 9. ad Ovid. Metam. VI. 146. et ad Appollod. III. 5. 6. *Proles Niobeas*, liberi Niobes; de quorum numero ad h. l. disquirere cum quibusdam parum fructuosum ad poetam foret. — *vindicem*, ultorem *magnae linguae μεγάληγορίας*, jactantiae matris. *Magna lingua*, *magna loqui*, ut μεγάλη γλώσσα, μέγα μυθεῖσθαι, apud Graecos. Sophocl. Antig. 128. Ζεύς μεγάλης γλώσσης κόμπων ὑπερεχθαίρει. Theocr. X. 10. μῆδεν μέγα μύθεν. Μίλ. οὐ μέγα μυθεῦματι. Tibull. II. 6. 11. *Magna loquor*, sed *magnifice mihi magna locuto executiunt clausae fortia verba fores*. Ovid. Trist. 3. 29. *Illu nec levius cecidi, quem magna locutum repulit a Thebis Jupiter igne suo*. De Niobe Stat. Theb. III. 192. *magniloquos luit impia flatus Tantalos, innumeris quam circumfusa ruinis corpora tot raperet terra, tot quaereret ignes*. Dicta inde Niobe κακήγλωσσος Callim. H. Del. 96. ἀθυρόγλωσσος Theodoridae VII. 2. (A. Br. II. 42.) λάλος Antipat. Thess LV. 2. (A. B., II. 123.) — *sensit*, cum vi, graviter expertus est, gravem maternae temeritatis poenam luit; ut saepius. Senec. Oedip. 472. *Sensere terrae te Dahum feraces*. Idem Agam. 829. *Te sensit Nemeaeus arcto pressus lacerto fulmineus leo*. — De Tityo vie. ad II. 14. 9. III. 4. 77. *Raptor*, qui vim Dianaë inferre conaretur; solenne hoc de stupro violento. Vid. v. c. Senec. Hippol. 627. et 726. — 3. 4. Achillem a Paride, tela Phoebo dirigente, confossum iri vaticinatur Hector moribundus apud Hom. Il. XXII. 359. 60. quem sequitur Virg. Aen. VI. 57. Sophocl. Philoct. 333. Τέθυντεν ἀνδρὸς οὐδενὸς, θεοῦ δ' ίππο τοξευτὸς, ως λέγουσιν, ἐκ Φοίβου δαμεις. Vid. Intpp. ad Hygin. f. 107. *Phthius*, Φθιώτης, a Pnthiotide, Thessaliae tracatu, cui imperabat. — *prope victor Trojae*, sublato, qui Trojae excidium morabatur, Hectore. De eodem II. 4. 10 *Tradidit fassis leviora tolli Pergama Grajis*, ubi vide Not. — *altae, αἰωνῖς*. Homérico Trojae epitheto.

v. 5. In Achille haeret poeta, Homericis, quibus rem exponeret, invitatus imaginibus. Omnino lyricae rationi satis consentaneum videtur, alia transmittere aut breviter attingere, alia vero copiosius tractare atque omni spiritus poetici ἐραργεῖ instruere, cuius rei apud Pindarum et Nostrum satis luculenta existant exempla. Hoc autem loco magnam tractationis artem hac ipsa amplificatione ostendit poeta, quandoquidem mors Achilliae

maximum instauranda in Latio Trojae momentum faciebat. Vid. vv. 21 sqq. Ceterum Achillis virtutem insigniter extollit poeta, quo major inde Apollini gloria accederet. Jam vv. 5 — 8. vulgaris enuntiatio erat; quamquam heroum, qui ad Trojam venissent, fortissimus esset. *Ceteris Graecis major μείζων* (ut Aeschyl. VII. adv. Theb. 427.) fortior, ἄριστος Ἀχαιῶν (Hom. Il. I. 412.) tibi soli miles πολεμιστῆς ὢν, *impar pugna, inferior tecum congressus, pugna decernens;* haec notio subest τῷ miles — 6. *Quamquam ille summo virium robore polleret.* Hoc admodum εὐαργῆς illustri ejus rei documuento designatur a poeta. Pro ille, quanta cum vi, *filius Thetidis marinae.* utpote qui dea natus esset. In hoc plerique totius sententiae vim ponunt, quod vix pntem. Tum saltem ita sententia constituenda foret: quamquam se Thetidis filium immenso virium robore probaret, quod ad nostram rationem proxime accedit. — 7. *turres,* proprie pinnae, propugnacula murorum, tum ipsi muri, ut πύργοι, στεφάνω πύργων Eurip. Hec. 910 πύργοι θεότευκτοι Trojae, Simmias Bip. 12. (A. Br. l. 210.) *Quatit eas, convellit, labefactat Achilles pugnax tremonda cuspidc,* oppugnans adgressus eas, infixa iis fortiter lancea, solo hastae impulsu. *Excellissima imago, qua vastae vires Achillis magnifice repraesentantur.* Ad Nostrum, *Achilleis infelix Troja lacertis quassata dicta* in Anthol. Burm. T. I. p. 634. Ad falaricani ornatum verborum transtulit Sil. VI. 215. *suetamque movere excelsas turres immensae cuspidis hastam et VII. 485. Punica Romuleos quatient mox spicula muros.*

v. 9 — 12. Achillem πελώριον (Il. φ. 527.), quo totius tetra-stichi vis redit, egregie poeta repraesentat ab amplio spatio, quod eadens occupavit, Homericā specie, comparationibusque usus. *Procidit, procubuit late ἐκτείνυστο s. ut de Achille Hom. Od. ω. 39. 40. σὺ δὲ στροφάλιγγι κονίς κεῖσο μέγας μεγαλωστι.* Vastam corporis molem vivide declarant comparationes, et ipsae ex Homero ductae; veluti Il. V. 414. Vid. Cerd. et Heyn. ad Virg. Aen. V. 448. Adde Hesiod. Scut. 421. — *icta, caesa ferro. — mordere poetis res dicuntur invicem nexae* (ut fibula Virg. Aen. XII. 274. Stat. Theb. VII. 659.) *vel mole sua* (ut ancorae uncus morsus Aen. I. 169.) aut vi fortiter impactae ut h. l. — *impulsa Euro, dejecta vento. — posuit collum, collapsa cervice* (ut apud Virg. Aen. IX. 434.) *jacuit in pulvere, κάκκεσεν ἐν κονίῳ*

(unde κατεσκόδημένοι, occisi, apud Aeschyl. Sept. c. Theb. 811.)  
Theuero, ad Trojam,

v. 13. Ille totam Trojanorum gentem, quae insita animo ejus erat truculentia ac feritas, penitus extirpasset, sicque omnem instaurandae aliquando in Latio Trojae spem intercepisset; *ni* cet. Acute poeta hanc de Achillis saevitia, quae nulli Trojanorum parsura fuisse, conjecturam ducit ab animi ejus ferocia atque immanitate, per totam Iliada conspicua. Cf. Il. v. 467. sqq. Praeclare autem ad Achillis brutam animi ferociam luce sua colustrandam attemperata ab Horatio omnia, adscitis ab Ilio per fraudem capto coloribus. Ille non falleret, sed ureret, *ni*, profellisset, ussisset, nisi cet. nota graecitate. *Ille non* fraude Trojanos oppressisset, Trojam cepisset, uti post mortem ejus factum. De *equo* durateo h. l. exponere, nihil attinet; adeant quibus opus est, Virg. Aen. II. sqq. Q. Cal. XII. 66. sqq. — *Minervae sacra mentito*, qui mentiretur, se Minervae sacrum; ἀγάθης, esse, docte pro, quem Graeci Minervae pro reditu votum (Virg. Aen. II. 17.) vel ad eam propter Palladium surreptum placandam exstructum simularent. — 14. *male* cum maximo infortunio suo, satis intempestive feriatos, ob simulatum Graecorum discessum feriantes, otio solutos, diem festum secure atque hilariter agentes. — 15. *laetam choreis*, indulgentem choreis. Sua-vior hanc ad animum imago, quam si Priami *aulam* s. regiam somno vinoque sepultam exhibuisset poeta.

v. 17 — 20. Sed aperto Marte urbem expugnasset, incendioque absuinsisset, omnesque ad unum Trojanos occidisset. Agnosce poetam cum in connectenda artificiose sententia, tum in eadem graviter ac ornate enuntianda. — *palum ἀμφαδὸν*, nt Agath. LXIII. (A. Br. III. 58.) ἡ κλεινὴ Πριάμον πόλις; ἢν δὲ παχάς τοι Ἐλλάνων δεκέτης οὐκ ἐτάλασσεν Ἀρης ἀμφαδὸν. ἀλλ' ἵπποι καὶ ζύλοι. Magnifice Capaneus apud Stat. Theb. X. 477. *Nunc nunc mihi vincere pulchrum teste die; mecum clamore et pulvere aperto ite palam juvenes.* — *gravis captis, βαρὺς ἐσλωχόσι*, crudeliter cum captae urbis incolis agens, immaniter in eos saeviens; cuius rei species statim subtexit poeta. Ita βαρὺς Πέρσαι Alexander dictus Theocr. XVII. 19. οἵσι σὺ γένοιο βαρὺς Rhian. VII. 4. (A. Br. I. 481.) — 18. *Nescios fari pueros, νήπια τέκνα infantes*, ac vel *latentem* adhuc in matris alvo, neque dum natos ureret flammis, igni Trojae ardantis injecisset. Praeclare ita

Troiae incendium involvit poeta. Postrema ex Agamemnonis oratione expressa apud Homer. Il. VI. 57. εἰρηνή τῶν (Τράσων) μῆτις ἵππεψύχοι αἰπὺν ἔλεθρον, χεῖρας θ' ἡμετέρας· μηδὲ ὅντινα γυαστέρι μῆτηρ κοῦρον ἔσυται φέροι, μηδὲ ὅς φύγοι· ἀλλ' ἄμφι πάντες Ἰλιου ἐξαπολοιτάς ἀκήδεστοι καὶ ἄφαντοι.

v. 21. Nisi Achilles occisus fuisset. Pro hoc suavissima ad Romani imperii origines, quae Achillem ante Troiae eversiōnē tollendum suaderent, conversione facta: nisi *Divum pater*, Jupiter non omnino delendos Teucros statuisset, novam iis in Latio urbem condendam concessisset, quae caput orbis terrarum futura esset. Concesso autem hoc etiam in Achillis letum consensisse Jovem haud necesse erat, ut disertius exponeret poeta. Ceterum antiquum, ut ita dicam, Horatius obtinet, quod a Diis gentis ejus tutelaribus sese Jupiter exorari patitur; quod cum ad majestatem Jovis recte aestimandam fieri necesse erat, tum quod absque ejus nutu, cui populorum fata alligaret antiquitas, ne ceteris Diis quidem in homines quid. quam liceret. Acute hoc iam observavit Luctat. ad Stat. Theb. V. 176. quod epicis poetis, Homeri auspicio secutis, passim frequentatur. Quae species etiam ad Romani imperii dignitatem ac splendorem augustior videri debet. — *victus vocibus*, motus precibus Apollinis et Veneris gratae, cuius ideo preces efficacissimae, *adnuit rebus Aeneae*, concessit Aeneae (noto graecismo) ceterisque Danaum reliquiis, *muros*, novam urbem, Romam, *potiore ulite*, melioribus, quam quibus Troja condita fuisset, auspiciis, *ductam exstruendam*, verbo, quae aeterna foret. *Ducere muros* vel omnino est, educere, struere, vel, quod malim, fossa ducta locum exstruendo muro definire, quod ipsum auspicato siebat. Ita plane respondet gr. ἐλαύνειν, veluti Hom. Il. IX. 349. ἐλαύνειν τύφρον. Atque hac virtute *ducere muros* accipere praestat propter adj. moliriique arcem et sqq in designandis rerum fundamentis occupata apud Virg. Aen. I. 413. De auspiciis in condenda nova sede, captis nota res vel ex Callimacho H. Apoll. 55. Φοίβῳ δ' ἐσπόμενοι πόλιας διεμερήσαντο ἀνθρώποι, ubi vides διαμετρήσασθαι idem esse, quod specialius Noster, *ducere muros*.

v. 25. Nova Numinis invocatione facta (quod et ipsum ad priscorum hymnorum formam accommodate fit) poeta ad preces transit. *Fidicen λυόεργε* (ut Apollo audit in Orphic. Ar-

gon. 7.) qui lyram pulsas, εὐφόρμιγξ, λύρας, ἀοιδῶν μεδσαν, Callim. H. Del. 5. — *doctor Thaliae h. l. Musae lyricae, Argivae*, (ut *Gruiae Camenae II. 16. 38.*) qui docuisti Graecos lyrics carmina (λύρας ὄπωσ θέσιν ἀοιδὴν Φοίβος, ἀγήτωρ μελέσων Eurip. Med. 424.) qui lyrics poetas Graecos numine tuo adflasti. Cum delectū hoc; nam ad istos exprimendos Horātium sese composuisse satis constat, et ipse passim prae se fert. — 26. qui Xantho lavis amne crines: doctius et quaesitus quam, ἐνχώτη, ἀκροτούμα. Supra III. 4. 61. *Qui rore puro Castaliae lavit crines solutos.* — 27. *Defende, tuere, sustenta decus Camenae*, Camenam: sed alterum ἐναργῆς, quatenus Horatius magnum carminibus lyrics nomen inter Ronianos (cf. III. 3. extr.) adeptus esset. Illud autem splendide pro vulgari, adsis, praestosis mihi canenti. — *Daunia* opponitur *Argivae Thaliae*, Appala, mea; nihil amplius. Ita *Romanæ* sese fidicinem *lyrae Noster* fert III. 3. 23. — 28. *Agyieei* cognomento Apollinis Athenis per vias (ἀγυεῖς) religio erat, in quibus aerae ipsi erectae erant. Aristoph. Σφῆ. 870. Solennis inde haecce in Graecorum hymnis compellatio. Adi, quos bene multos laudat Valken. ad Eurip. Phoen. 634. — *levis*, λεῖος υπάνων; vide, si tanti putes, Ruhnk. ep. crit. I. p. 66. Spectat autem ad *aeternam Phœbi juventam* (Tibull. I. 4. 37.) epitheton. Certatim laudant Callim. H. Apoll. 36. Θηλεταις οὐδ' οἵσσον ἐκι χνόις ἥλιοι παρεῖταις.

v. 29. 30. *Sensus*, quos his vv. explicit poeta, unice profectos puta a verbis, *def. decus Camenae*. Nam illud *decus* se Apollini acceptum ferre, nunc jactanter subjicit. Atque haec arrogantia multum gravitatis habet in poeta, qui augusta χοροδιδασκάλου persona sumta chorum carminis saecularis modos edocetus est. Ita enim demum muneri poetæ, ut ita dicam, saecularis se parem ostentare poterat. Enthusiasmum poetæ plerique h. l. agnoscent, quo se ab Apolline exauditum, canendoque carmini saeculari jam idoneum profiteruntur; quod quem alienum ab h. l. sit, cum moderationi atque aequabiliter per totum carmen procedens spiritus, tum ipsa enuntiandi ratio (*artem carminis; nomen poetae*). satis manifestat. — *Spíritum*, excelsiorem ingenii nisum, vim lyricam, τὸ ἐνθουσιῶδες, εὐφεντασιῶτον, ut II. 16. 38. *mihi — spiritum Graiae tenuem Camenae Parca non mendax dedit.* — *artem carminis*, τέχνην μουσικὴν; lyrām scite pulsandi; modos, numeros carminis intellige. Utroque designat

facultatem suam poeticam Horatius. — *nomen poetae, quod ponar inter vatum choros* IV. 3. 15.

v. 31. Asserta carminum suorum divinitate poeta ad chorum convertitur, ipsa ejus splendida professione ad condiscendos modos jam excitatum atque preparatum. — *Virginum primae; natalium splendore, e clarissimis gentibus ortae, puerique, juvenes ejusdem prosapiae.* Ad rem vid. Argum. carm. Saec. — 33. *tutela*, qui in tutela estis *Deliae deae*, Diana. Hanc solam tutricem chori adpellat Horatius, quum et Apollini suae partes essent, tanquam poeta. Ad rem Catull. XXXIV. init. *Dianae sumus in fide, puellae et pueri integri.* — 34. *cohibentis arcu, - sistentis fugam, graphice pro, fidentis sagitta, ferientis lyncas et cervos;* plane ut apud Callim. H. Dian. 16. ὅππότε μηκίτι λύγκας, μήτ' ἐλάφους βάλλοιμι. — *fugaces praeclare respondet τῷ cohibentis.* Ceterum haec Diana a muneribus ejus designatio, et ipsa priscorum hymnotum naturam redolet — 35. *Servate, observe, attendite ad pedem, mensuram, numeros Lesbios,* metri Sapphici, quo Carmen Saeculare expressum est, cantum et incessum adcommodate ad illud, et ad *ictum pollicis*, ad modos percussa a me lyra editos ad modorum mensuram (*Takt*) in carmine saeculari canendo (arte enim jungendi vv. 37 — 40. antecedentibus). Pro carmine saeculari docte argumentum ejus tanquam in tabula repreäsentat poeta. *Rite, ex antiqua religione, seu ut Tibullus ait, ritus ut a prisco traditus exstat aro.* II. 1. 2. Male ad cárminis leges referunt. — *Latonae perum, Λητοῦς παιδῶν, augustiore adpellatione, itidem hymnis frequentata.* — 38. Dianam πολυάνυμον primo *Noctilucam* adpellat Romana religione; eo enim cognomine in Palatio cultam fuisse constat de Varr. e L. L. IV. 10. Luna dicta *Noctiluca in Palatio*; nam illi noctu luet templum. Eadem ratione Graécis dicta νυκτίφαγης, νυκτίλαμπης. Cf. Verheyk ad Anton. Lib. c. XXIX. — *crescens face, lumine; αὐξομένη* (Orphic. H. 8. 4.) ad lunae auctus refer. — 39. *prosperam frugum;* quae fruges prosperas reddit, rore nocturno. Quo eodem nomine Ήντες ἀρχίφυτος audit Meleag. CX. 5. Οἱ δὲ ἀπαλὴν ποιοντες ἀεξιφύτου θρίσσον Ήντες. Dicta inde φερέκερπως, Orph. H. 8. 5. Catull. c. I. 19. *Rustica agricultae bonis tecta frugibus exples.* — *celerem volvere, noto Graecismo* (ut I. 15. 18.) quae celeriter volvit, cursu suo celeri

efficit, ut *menses proni*, prono cursu decurrant; *cursu menstrua metiens iter annum* Catull. l. l.

v. 41 sgg. Novum incitamentum, quo studia puerorum ac virginum aeuat, poeta a rei praecitate gestae jucundissima aliquando recordatione ductum subjungit. Quo quidem illi sese erigant, quibus recte actorum laborum fructus aut plane intercipitur, aut longissime ostenditur. Triviale cannam poeta prodidisset, si, quod intpp. volunt, simpliciter pueris puerisque praediceret, fore, ut magna cum voluptate aliquando recordentur, secundum saeculare cecinisse, qui admodum jejunus foret exitus. Vim igitur quantumvis habent illa *reddidi carmen*, et *dilectis modorum*, de quibus statim. Pueras solas alloquitur poeta; tanquam poeta; in quo adeo non argutandum, ut nec in *nupta jam*, quo suaviter futurum tempus declaratur. *Carmen Diis, Apollini et Diana amicum*, gratum, in eorum honorem compositum atque ritu religioso decantandum. — 42. Quando *saeculum exactum* referret, eo finito redirent festae luce, phæta, festi ludorum saecularium dies. — 43. *reddidi*, cantu gestuque plane expressi; *dilectis modorum*, docilem me praebendo ediscendis reddendi que modis Horatii, illud voce, manu, gestu, incessu plane representavi, uti dignum erat tanta solennitate. — *vatis, auctoris carminis*; sed illud multo angustius.

## ARGUMENTUM VII.

*Qui diligentem hujus carminis cum Nostri I. 4. comparationem instituere volet, facillimo ipsi constabit negotio, proprias utrique, quamquam in eodem argumento occupato, inesse dotes lyricas, fecundumque atque a sententiarum variatarum exornatarumque copia instructissimum jure habebit, quod in poeta suspiciat ingenium. Alterius enim quem incessus paullo laetior sit atque hilarior, a phan-*

tasmatum vigore mire adjutus; huic quidem poeta gravitatem quandum admisit, quo penitus sensuum, quos illud explicat, vis ac veritas in legentium animos descenderet. Jam ad fruendas vitae voluptates cohortaturus poeta, quamquam iisdem fere argumentis, a vitae brevitate, communique moriendi necessitate ductis, defungatur; eadem tamen nova plane ratione in nostro adornata tractataque videas. Quumque alterum ipsam veris amoenissimam tempestatem vitae hilariter agendae momentum faciat; ab ejusdem descriptione nostrum diverso plane consilio exordiri poeta putandus est. Scilicet a vere, quo quidem scribebat hoc carmen Horatius, ad reliquas anni partes progressus e continuis ipsarum vicibus velocitatem temporis ita colligit, ut deducta inde vitae humanae brevitate ad praesentis horae fructum capiendum tanto acrius exhortetur, quo in certa hac vitae brevitate incertior dierum summa sit, quam nobis dii admensi sint, ut quibus ne crastino quidem fidere liceat. Tum moriendi conditionem ita mortalibus propositam subicit poeta, ut ea ipsa, quum omnem spem redditus in vitam plane abscindat, de fruendis vitae voluptatibus graviter admoneamur. Ceterum L. Manlium Torquatum nepotem ejus, quo Cos. Horatius natus fuerit, ad quem etiam est Epp. I. 5. cum Sanadono optime accipias.

#### A d n o t a t i o n e s.

v. 1. Cum initio conf. I. 4. init. — *diffugere*, liquefacta, soluta est, contabuit *nix*. Forte de coelo nivali (ut Colum. III.

1. *vocat; cogitavit poeta, quod veris initio, pulsis nubibus ni-*  
*vem defundentibus; primum resplendet.* Anacreon XXXVII. 7.  
*ἀφελῶς δὲ λαμψε Τίταν, νεφελῶν σκιαι δονοῦνται. — gramina re-*  
*deunt, iterum proveniunt in campis, pratis; praecclare verbum*  
*respondet τῷ diffugiunt. Comae, crines de foliis ac frondibus,*  
*vulgari poeterum usu. Ceterum Baxterum in redeunt mire argu-*  
*tum deprehendas, qui scite illud a poeta adhibitum contendit,*  
*quod et barba et crinis redire dicatur; hocque in animo illi*  
*fuisse ostendere subjectum voc. *comae*. Sed amat Noster annuas*  
*vices, et quae per eas fiunt, verbis cum *re* compositis declarare,*  
*quod passim fraudl fuit intpp. Vide v. c. II. 10. 15. III. 8. 9.*  
*III. 18. 10. III. 29. 20. C. Saec. 22.*

v. 3. *Mutat terra vices, variat faciem, colorem, novum*  
*ex nova anni s. veris vicissitudine (I. 4. 1.) vultum induit,*  
*mutatur per novas anni vices; docte. Nam vices terrae de co-*  
*lore ejus, per annuas vices adparente, ac pro diversa anni tem-*  
*pestate variante, dictae. Igitur terrae jam facies laeta, hilaris;*  
*campis, in quibus unda per hiemem stagnaverat, exsertis ac vi-*  
*ridantibus; quod statim subjicit poeta. E Nostro colorem mutua-*  
*tus est Salei. Bassus ad Pis. (Wernsd. Poet. min. IV. 261.)*  
133. *Ipsa vices natura subit, variataque cursus ordinat, inver-*  
*sisis et frondibus explicat annum. — flumina, quae per hiemem*  
*in campos exundassent, jam decrescunt, detumnuere, ac ripas*  
*sueas praetererunt, intra eas, jam altiores factas, sese continent.*  
*De adultiore vere intelligi oportere, res ipsa clamat. Senec.*  
*Herc. Oet. 588. de Acheloo: quum jam tumidas vere peracto*  
*poneret undas, gracilisque gradu serperet aequo. Alii de veris*  
*ingressu cogitantes, totius loci faciem pervertunt, dum exponunt*  
*flumina, exigua antea, nunc nivibus aucta ripas praetererant,*  
*evagantur; quo sensu praeterire vix bene latinum videtur. Simi-*  
*liter Claudian. XVII. 234. Acrior ac rapidus tacitas praetermeat*  
*ingens Danubius ripas. Ad rem Noster IV. 12. 3. nec fluvii stre-*  
*punt hiberna nive turgidi.*

v. 5. 6. *Verni temporis amoenitatem suavissimo Gratiarum*  
*cum Nymphis saltantium phantasmate explicat poeta, quo miri-*  
*fice veris descriptio animatar. Conf. I. 4. 5. sqq. Gratia cum ga-*  
*minis Sororibus, Gratiae, nudae, recinctae, solutis zonis;*  
*vid. ad I. 30. 5. et III. 19. 17. H. l. docte mitem aeris tempe-*

irem innuit. Jungendum autem, quo major ei vis accedat, r̄a.  
audet. — ducere choros h. l. simpliciter pro, saltare.

v. 7. 8. Hae ipsae vices annuae quum graviter admoneant  
de veloci vita decursu, age, fruamur praesenti, quod in nostra  
potestate est, tempore, quum ne crastino quidem confidere lice-  
at. Prius persequitur late poeta in seqq.; posterius vero, de vi-  
ta in summa ejus brevitate recte fruenda, leviter tantum attingit  
(v. 19. 20.), et Torquato inde colligendum relinquit, plane ut.  
II. 14. — *Annus* praecipit cursu praeterlabens, celerrima fuga  
sese proripiens, et, in quo multo magis velocissimam temporis  
fugam observare licet. *Hora*, dea vicissitudinis temporum, quae  
rapit, aufert, praecipitat quemque *diem*, quam ornata pro,  
diei cujusque *aimi*, cuius fruendi nobis copia data est, fuga per-  
niciissima monet, ne spores *immortalia*, satis luculentiter ostendit,  
vitam non aeternum duraturam, vitam citissime praeter-  
labi. Sed majorem vim habet oratio in gnomes formam redacta.  
Pind. Isthm. V. 20. Θνητὰ θνατοῖσι πρέπει: et VII. 60. τὰ μακρὰ  
δὲ εἴ τις πανταίνει, βραχὺς ἐξικέσθαι χαλκόπεδον θεῶν ἔδραν. Grot.  
Excerpt. Trag. p. 923 Θνητὰ χρὴ τὸν θνητὸν, οὐκ ἀθάνατα τὸν θνη-  
τὸν φρονεῖν. Magis adposite Incert. ep. DCLV. (A. Br. III. 290.)  
μὴ σὺ γε, θνητὸς εἰσὼν, ὡς ἀθάνατος τι λογίσον· οὐδὲν γὰρ βίο-  
του πιστὸν ἐφημερίοις.

v. 9 — 12. Quo magis praeeceps temporis transitus intelligatur, quatuor anni tempestates, ad quas facilis ab Hora, istarum praeside, transitus erat, poeta percensem, maxime con-  
tinuae, qua sese invicem urgent s. excipiunt, vicissitudinis ha-  
bita ratione. Ornatissime autem singula, et in *succedendi* expri-  
menda notione delectissima varietas. *Frigora*, frigus hiemale  
mitescit, solvitur flatu Zephyri, hiemi succedit ver, fere ut I.  
4. 1. *Solvitur acris hiems grata vice veris et Favoni*. *Aestas*,  
contra proterit, graviter, et quo caloris vehementia egregie ad-  
umbratur, pro, pellit, excipit Ver. Nam tempus, quod praee-  
teriit, cedit sequenti (praecclare Sophocl. Ai. 675. νιφοστιβεῖς  
Χειμῶνες ἐχωροῦσιν εὐκάρπω Θέρει. Juvenal. IV. 56. jam leti-  
fero cedente pruinis *Auctumno*); hoc adeo instat; promovet,  
pellit proxime praeterlapsum. Salei. Bass. ad Pis. 138. *Ver fugit*  
*Aestates*: *Aestatum terga lacessit pomifer Auctumus, nebulis*  
*cessurus et undis*. Ovid. Met. X. 164. repellit per *Hiemem*,  
*Piscique aries succedit aquoso*. — 10. Notetur elegans in brevi-

tate concinnitas. — Ipsa etiam Aestas vicissim interitura est, ad occasum vergit, φθίνει; nam anni tempora certis spatiis atque intervallis poetico phantasmate pariter per coelum seruntur, atque annus, menses (hinc *menses coeli* Virg. Ge. I. 335.), dies, coelo procedere (Idem Ecl. IV. 12.) volvi (Idem Aen. I. 269.) aedeo deorsum agi dicuntur. Conf. Ovid. Met. II. 25. — 30. Unde etiam Vertumno in coelo locum adsignat Tibull. IV. 2. 13. *Talis in aeterno felix Vertumnus Olympo mille habet ornatus.* Forte etiam adlusiit poeta ad graecam Auctumni adpellationem, φθινόπωρον. — 11. Simulac *Auctumnus* in conspectum prodit. Pro hoc suaviter, *Auctumnus*, e sinu (ut *Pax* apud Tib. I. 10. 68. *praefluat et pomis candidus ante sinus*) vel ex Amaltheae cornu, quod gestat, *fruges effundit*, larga copia omnium generum fructus defundit, praebet. *Pomifer*, pomis incinctus caput, ut Bacchus (vid. III. 23. 8.) Noster V. 2. 17. *Vel cum decorum mitibus pomis caput Auctumnus arvis extulit.* — 12. *Bruma iners*, vel perpetuo frigoris epitheto (v. ad I. 22. 17.) quatenus per hiemem omnis procreandi vis cessat; vel, quod inertes reddit, cessante opere rustico, χειμα δύσεργον, Bion. VI. 5. *hiems ignava colono* Virg. Ge. I. 302. Priore significatu posuisse videtur Ovid. ex P. I. 2. 26. — *recurrat*, redordiens cursum suum, quem emensus fuerat. Vid. ad v. 1.

v. 13. Enimvero anni tempora, quae obire videmus, annis vicibus redeunt; nos, semel peractum vitae cursum non redintegramus. Contrarint, scil. morte intermitti vitam, non eripi, Seneca inde cogit ep. 36. *Observa orbem rerum in se remenantium: videbis in hoc mundo nihil extingui, sed vicibus descendere ac resurgere.* Aestas abit, sed alter annus illam adducit: hiems cecidit, referent illam sui menses: Solem nox obruit, sed ipsam statim dies. abigit cet. Jam veris; aestatis, auctumni, hiemisque tempora vicissim recursantia luna in orbem suum redeunte docte atque apte satis (maxime si annos vett. lunares cogites) repraesentat poeta. Nam Sol et luna ducunt coelo labentem annum, (Virg. Ge. I. 6. quocum compone Aeschylea Agam. 5. Καὶ τοὺς φέροντας χεῖμα καὶ θέρος βροτοῦς λαμπροὺς δυνατὰς, ἐμπρέποντας αἰθέρι ἀστέρας. et Theocr. XVI. 71. Οὐαὶ μῆτρας ἄγων ἔκαψεν οὐρανὸς, οὐδὲ ἐνιαυτοὺς) in comitatu adeo ipsorum sunt dies, menses, annus (vid. ad v. 10.). In luna autem manifestior anni revertentis observatio est; unde eam ad-

sumsit poeta. Luna igitur, h. menstruus lunae decursus (ut II. 18. 16.) celer, celeriter reparat, resarcit, restituit *damna* iacturam; interitum anni partium, refert adeo, reducit revoluta in orbem anni tempora, quae perierant. — *coelestia*, quatenus ejus interitus coelō s. siderum cursu efficitur; ornat. Minus ad posite alii *damna* de crescentis lunae quae eadem crescendo reparat, intelligunt; quamquam utrumque verbum proprie de hac re adhiberi poetis probe sciām. Ovid. Met. I. ii. *Nec nova crescendo reparabat cornua Phoebe.* Manil. Astron. II. 95. *Et cum damna tuas imitantur Délia vires.* Petron. c. VI. 5. apud Wernsd. P. M. IV. p. 306. *lunaeque senectus, et reparatus homos.* Sidon. XV. 41. *quid menstrua lunae incrementa parent, totidem cur damna sequantur?* Denique in Anthol. Burm. I. p. 137. *reparatum Cynthia format lucis honore jubar.*

v. 14. Sententia Catulliana: *Soles occidere et redire possunt nobis, quum semel occidit brevis lux, nox est perpetua una dormienda.* Nos ubi eo decidimus; devenimus; descendimus, quo Aeneas cēt. suavissimo euphemismo pro, ubi semel mortui sumus, adjecta communis moriendi necessitatī, quae nec egregiis hominibus parcat, notione. E gentis stiae antiquitate poeta memorat *Aeneam pium* (quod nec ipsi adversus mortem profuerit. Nota Ovidii (Amor. III. 9. 37.) *Vive pius, moriere pius*) *Tullum Hostillum et Ancum Marcium,* utrumque (nam utrique rō *dives adcommodandum) divitiis ac potentia sua a moriendi necessitate haud immunem.* Praeiverat Lucret. III. 1038. *Lumina sic oculis etiam bonus Andar reliquit, qui melior multis quam tu, fuit, improbe, rebus: inde alii multi reges, rerumque potentes occiderunt, magnis qui gentibus imperitarunt.* Conf. Epp. I. 6. 27. *Divites autem dicti, temporum istorum, quibus vivebent, habita ratione.* Nam quod *Ancum pauperem* adpellat Clodian. XV. 109. facit hoc Impp. post Caesarem comparatione, ut bene ibi Gesn. Tum respicitur ipsorum, qua regum, potentia, tum temporis satis valida. Etiam Liv. I. 31. ait, *in magna gloria magnisque opibus regnum Tulli ac totam rem Romanam fuisse et c. 33. non urbem tantum hoc rege (Anco) erevisse, sed etiam agrum finesque,* Ceterum ad totius loci sententiam ejusque adornationem plane egregie facit fragm. Sotionis apud Athen. VIII. 3. p. 336. πινωμεν — — χαιρωμεν ἔως ἐνστι τὰ φυχὴν τρέφειν (quae dederis animo) — — — Εγεις δ' ὁ ἄν φα-

γέρε τε καὶ πίστις μόνα (*manus, avidas, fugient heredit.*), σποδοὶ δὲ τὰλλα Περικλέης, Κόδρος, Κίμων, quae posteriora plane respondent vv. 15. 16. — 16. *Pulvis et umbra sumus*, fere proverbialiter, in nihilum redacti sumus, unde Orestem adhuc viuum Soph. Electr. 1163. σπόδον τε καὶ σκιὰν ἀνθρακήν vocat. Anacr. IV. 9. ὁλίγη κόνις κεισόμετθα. Ad sententiam simili facit incertae trag. fragm. apud Grot. Exc. trag. p. 623. Πάσιν δὲ θυητοῖς βούλομαι παραίνεσθαι τούφημαρον. Σὺν ηδέωντο γάρ θυητον τὸ μηδέν εἶτι καὶ σκιὰ κατὰ χθονός· μικροῦ δέ βιότου ζῶντ' ἐπαύρεσθαι χρέων. Similiter epigr. in Muratorii Inscr. T. I. p. 1321. ήμεῖς, δὲ πάντες οἱ κάτιο τεθυητοῖς ὀστέα τέφρα τε γεγόναμεν, ἀλλα δ' οὐδὲ ἔν.

v. 17. Anacreontea sententiarum progressio (XV. 9. eqq.): τὸ σήμερον μέλει μοι, τὸ δὲ αὔριον τίς οἶδεν; ὡς οὖν ἔτι εὐδίκεστι, καὶ τίνε καὶ κύβενε, καὶ σκένδε τῷ Δασιῳ. Palladas XXIX. 1. (A. Br. II. 413.) πάπι θαυμεῖν μερόκεστιν ὄφειλεσθαι, οὐδέ τις εἴστιν, αὔριον εἰ ζήσει θυητὸς ἐπιστήμενος. Τοῦτο συφᾶς, ἀνθρώπε, μαθὼν, εὐφραίνε τελευτῶν cet. Ct. Theocr. XVI. 24. Callim. ep. XV. 1. Novum autem hoc ad beatę vivendum momentum, ex vitae incertitudine ductum. — an Dii adjiciant, adjecturi sint summae dierum hodiernae, diebus, quos exegimus (cf. I. 4. 15.), vel crastina tempora, diem crastinum. E Nostro profecit Seneca ep. 12. Sic ordinandus est dies omnis, tanquam cogat agmen et consummet atque expleat vitam. — Crastinum si adjecerit Deus, laeti recipiamus.

v. 19. 20. Quocirca fruere vita, dum licet. Sed novum huic fruendae vitae praecepto, quo altius in Torquati animum penetraret, momentum implicuit, nimirum, omnia ei perire, quibus Genium suum defraudaverit, et pro hoc multo efficacius, omnia heredi avido cedere, quae sibi negaverit. Conf. II. 3. 20. II. 24. 25. — Cuncta ea heredis manus avidas, avide ad ea, te adhuc vivo, iam exorrectas, fugient, elabentur iis, eripies iis; suavi phantasmate. Id igitur tuum scito, quod animo dederis, quod tibi impenderis. *Animo dare* graece elegantiae est, Φυχὴ δοῦναι, uti jam plenius Aeschyl. in Pers. 843. 44. Φυχὴ διδόντες ηδονὴν κατ' ήμέραν· αἱ τοῖς δενοῦσι ωλοῦτος οὐδὲν ὥρελεῖ. Simonides apud Stob. Grot. p. 407. ταῦτα μαθῶν βιότου κατὶ τέρμα Φυχὴ τῶν ἀγαθῶν τλῆσι χαριζόμενος. Adde Theocr. XVI. 24. *Sibi et suo Genio praestare* Senec. ep. 65. ubi notat, ganeones ita loqui. —

amico, quod id ipsum, quod ei obsequitur, abunde declarat adposito epitheto.

v. 21. Ubi semel vita defunctus fueris; hoc ulterius exornatur a poeta. — et inferorum iudicium subieris, pro hoc doce atque honorifica ad Torquatum inflexione, ubi Minos de te arbitria splendida fecerit, honorificentissimam vitae laudabiliter actae a te sententiam tulerit, praecclare de te statuerit. Ita arb. splendida praestat h. l. accipere; de augusta, quam iudicia, maxime infera, habeant, specie cogitant nonnulli; nescio quam bene. Pervulgatum autem, arbitria pro iudiciis universis ponit. De inferis pariter habet Senec. Thyest. 14 Herc. Oet. 1007. et alii. — 23. Nihil te in vitam restituere, redditum in vitam haudquam impetrabis. Adornatum sic a poeta, quasi Torquatus catusam suam apud Minoem agat, linguaeque suae facundia, qua excelleret, redditum ex inferis sibi parare conetur, praetento summo generis splendore, ac pietate, vita probe transacta. Eadem haec alias tanquam avertenda mortis momenta adseruntur a poetis, veluti Prop. III. 16. 11. *Quid genus aut virtus, aut optima profuit illi mater.*

v. 25. Quandoquidem ne ipsi Dii quidem fatorum leges infringere ac resolvere valent. Hoc statim exemplis illustratum attexitur. De Hippolyti fabula adeant, quibus opus est, Euripi. et Senec. ejusdem nominis tragedias, et Hygin. f. 47. ibique intpp. Noster h. l. antiquorem fabulae repraesentat faciem, qua frustra Hippolytus a Diana ab inferis repetitus sit. Nam resuscitatum eum ab Aesculapio, aut a Diana ex inferis reductum, et in nemore Aricino absconditum fuisse; haec seniorum, diversis modis fabulam tractantium, commenta sunt, quorum fidem ita elevat poeta. — *Non liberat*, haud exsimere, eripere valet *Hippol. pudicum*, meliori sorte dignum *infernis tenebris*, Atque *oxeris*, locis inferis. — 27. 28. De *Pirithoo* v. ad III. extr. Etiam haec fabula diversis modis tractata est. Apud Homier. Od. X. 650. Pir. et Theseus apud inferos sunt, quem sequitur Virg. Aen. VI. 601 et 617. H. l. ita adornata videtur fabula, ut Theseus tum demum vinculis constrictus fuerit, cum liberandi Pirithoi consilium cepisset. — *vincula abrumpere*, demere, solvere vinculis; omnino pro, in vitam reducere. — *Lethaea*, ornat.

ARGUMENTUM VIII.



Si Alemanis carmēn, cuius fragmentum servavit Eustathius (vid. ad v. 10.), quodque Nostro prima adornandi exordii stamina suppeditasse videtur, aetatem tulisset; rectius utique de pretio, hnic carmini ab inventi laude dicendo, statuere liceret. Etenim si omnino argumenti rationem singularumque partium tractationem atque exornationem curatius expendas, haud vane maximam carminis partem e graecis fontibus fluxisse augureris; hocque adnotatione nostra, quo ad ejus fieri potuit, ostendere conati sumus. In quo ipso tamen admirari licet poetae artem, qua colores Graecos cum Romanis ita commiscuit, ut hosce flores plane sub Italo coelo natos, et circa nemus uividique Tiburis ripas a poeta fuisse lectos facile tibi persuadeas. Pertinet eo praeter exempla, ex historia Romana addata (vv. 15 sqq. et 22.) statim exordium, a more, qui Romae vigeret, deductum. Scilicet, ut tandem ipsius carminis argumentum expediam, quum Saturnalibus, aliisque statis diebus dona sibi invicem Romani missitare solerent, Horatius C. Marcio Censorino, quem carminibus delectari nosset, strenae loco hoc carmen mittit, quo ei obstrictum suum ostenderet animum, illudque munus suum verbis ita exornat, ut pretiosissimo cuique facile praeferendum judicet. Ita ad splendidissimum de poeseos efficacia locum deductus poeta poetas solos esse adserit, qui rerum gestarum famam multo certius quam monumenta iis ere-

*cta ad posteritatis memoriam propagent, quid?*  
*quod viris immortalibus operibus editis immor-*  
*talitate dignis coelo adlegant, et in deorum*  
*numerum referant, landatis in hanc rem Ro-*  
*mulo, Aeaco, aliis. Ceterum quum duo Romae*  
*illustres fuerint Censorini, pater et filius;*  
*probabilius est, C. Marcium Censorinum qui*  
*a. DCCXLVI. cum C. Asinio Gallo Cos. fuit,*  
*quemque „demerendis hominibus genitum“ ad-*  
*pellat Vellei. II. 102. intelligere.*

### A d n o t a t i o n e s.

v. 1. *Danorem commodus, cōmodum, benignum, libera-*  
*lem me praeberem in eo, quod donarem sodalibus meis cet.*  
Ita satis commode expedient Lambinus, alii. Sed quae sitior  
et ornatior junctura exsistit, *commodus meis sodalibus, ἀρμένος*  
*τοῖς ἐμοῖς φίλοις* (fere ut Plato de Pindaro XXVIII. 1. (A. Br.  
I. 174.) Ἀρμένος ἦν ξετυοισιν ἀνὴρ ὅδε, καὶ φίλος ἀστοῖς  
(in animo haud dubie habuit Pind. Nem. VIII. 64.) Πίνδαρος,  
h. *aptus amicis*, ut Noster II. Serm. 3. 43:) *donarem, pro,*  
*commodus, liberalis forem erga sodales, donando cet.*; eodem  
quidem sensu. Ex muneribus, die natali, Saturnalibus, aliis-  
que festis diebus a beatioribus mitti solitis; memorat poeta *pa-*  
*teras, aera, tripodas*. Utrum *pateram* proprie sumserit poeta,  
ut sit, qua libari solenne; an de poculo capaci amplique ori-  
ficii (ut apud Virg. Aen. I. 739.) cogitaverit, vix definias. Si  
seqq. *praemia fortium Grajorum*, etiam τοῖς *pateras et aera*  
adponi dixeris, praferendum utique erit posterius. Nam in  
Graecorum certaminibus pocula quoque victoribus proposita fu-  
isse satis e Pindaro constat; v. c. Ol. IX. 137. Nem. X. 81. Isthm.  
I. 28. — 2. Jungere quidem licet *pateras et aera*, noto loquendi  
usu, pro, *pateras aeras*; sed praestat. h. l. copiosa munera  
enumeratio, ut *aera docte vasa aerea dicta*, quibus maxima ab  
arte accedebat commendatio. Cf. v. 5. — *grata*, gratum animi  
testantia, quibus amicos remunerarer. Ita fere jam Schol. Grae.  
multoque exquisitus est, quam intelligere jucunda. expedita.

— 5. *tripodes* quaevis supellex dicta, tribus pedibus fulta, ut mensae, vasaque ampliora, tam ἄνυρα, ut crateres, quam quae igni admovebantur; vid. Torrent. ad h. l. Eos *praemia fortium Grajorum*, h. *præmia fortitudinis* in ludis gymnicis apud Graecas fuisse, satis liquet ex Homero (Il. XIX. 264. et inde Virg. Aen. V. 110.) Hesiodo (Scut. 312.) Pindaro (Isthm. I. 27. τριπόδεσσιν ἐκόσμησαν δόμον καὶ λεβήτεσσιν φιάλαισι τε χρυσοῦ γενέμενοι στεφάνων νικαφόρων). et aliis. Hoc loco vel exornationi simpliciter inservit docte hujus rei injecta mentio, vel, quod satis probabile videtur Romae sua tempestate talia subinde pro ipsis antiquis victorum praemiis habita ac venditata fuisse ita indigitat poeta. Nam antiqua omnino declarari artis opera, aper-te docent seqq. Ac certamina autem funebria aetatis heroicas quidam ista referre malunt, epith. *fortium* illecti, et majoris dignitatis causa; sed illustriora utique Hieronicorum præmia, et ipsa nonnisi *fortitudine ἀπεργῆ* (Pindarico usu) adquisita. — 4. non *pessima munerum*, exquisitum, egregium munus aliquod tu *ferres*, auferres, acciperes; ut *præmia ferre* et sim. — 5. Scilicet si *dives essem artium*, possiderem, domi meae haberem talia antiqua artis opera. *Artes* de opere affabre facto passim poetae. Vid. Broukh. ad Prop. III. 7. 39. Noster Epp. I. 6. 17. *marmor vetus, aeraque et artes suspice.* — 6. Pro, *artium antiquarum*, exquisito cum delectu *Parrhasii* et *Scopae*, maximoru[m] artificium, opera ponit. *Parrhasius*, Ephesius, maximum arte pictoria nomen adeptus, ac propter certamen cum Zenxi initum famigeratissimus, floruit circa Ol. XCV. De eo adi Jun. Catal. p. 141. eundemque de *Scopa*, nobili statuario, p. 195. et Winkelm. Monum. ined. praef. p. 70. — *protulit*, ejus ingenium extudit; exquisitum verbum, tanquam inventor artis fuit, quam perfecisset. Eodem sensu apud Tih. I. 10. 1. *Quis fuit horrendos primus qui protulit enses ubi vid. intpp.* — 7. 8. quam ornate pro, hic, *Scopas*, arte statuaria ille, *Parrhasius*, pictoria excellens. — *Sollers ponere*, graece, pro, ingeniosus, intelligens, mirus artifex in *ponenda*, efformanda e *saxo nuno Dei nune honinis* (auget artificis peritiam) statua. *Ponere*, iorāvat, solenne hac de re vocabulum. Cf. Toup. Em. ad Suid. T. III. p. 92. ed. II, Ad alterum generalius nota zeugmatis figura adsumendum; *sollers* referre *liquidis coloribus*, ad vivum delineandi in tabula Deos hominesque. *Liquidi referunt miranda*

colores Nostrum juxta dixit Valer. Fl. II. 467. Adde Sidon. c. XXIII. 503.

v. 9. *Sed haec istarum rerum vis*, copia, mihi haud suppetit. — *nec res tibi*, res tua familiaris talium operum eget, domum satis instructam habes istis artis operibus. Haec docte *delicias* adpellat, quia ab elegantiae ac magniscentiae studiosis cupide expetuntur; quo sensu etiam Ciceroni adhibitum videas Verr. IV. 23. Vide Ernesti in Cic. Clave h. v. Hinc Seneca Hippol. 210. *domos delicatas*, talibus refertas vocat. Sed ipsum locum adponere juvat, ut turpem ei maculam detergamus, *non placent suetae dapes*, *non tecta sani moris*, aut *vilis cibus*. *Cur in penates rarius tenues subit haec delicatas eligens pestis domos?* De menda in vv. *aut vilis cibus latente consentiunt omnes*, nemo tamen ulceri manum admovet. Tu lege quantocius; *aut vilis scyphus*, v. c. *fagineus*, qui memoratur Tib. I. 16. 8. *Faginus adstabat quum scyphus ante dapes*, in simili descriptione. — 10. *neque unimus tibi egens*, adpetens est talium, qui in summa istarum rerum abundantia novis usque inhiet, numquam satietur. Nam homo cupidus se egere profitetur. Aleman. (apud Eustath. Il. ε. p. 414.) οὐ γέρνεται τόσος κόπος, ὥστε ἀμύνασθαι. Cf. Valk. ad Eurip. Phoen. Schol. p. 691.

v. 11. Praeclara oppositio: *Minus te capiunt istae deliciae*, quam carmina; his magis *gaudes*, delectaris. Suaviter autem excipiunt *sese carminibus*; *carmina*, ut *muneribus*; *munera* III: 16. 15. et passim. — 12. *pregium dicere muneri*, de hoc inune re recte statuere, quanti aestimandum sit, pronuntiare; *quum res cupiditatis*, quas istae sunt deliciae, incertae admodum aestimationis sint, libidine semper modum excedente. Facile perspicitur, quantivis pretii illud suum munus poetam ita designare, longeque istis anteferre; id quod sequentia sole clarius ostendunt.

v. 13. sqq. Declarat jam poeta, quanti hoc muneris genus haberi debeat; scilicet sola carmina immortalitatem nominis praestare, perenniora ea esse rerum gestarum monumenta, quam reliqua, quibus virtutis famam homines ad posteros propagare adnitantur, utpote quae temporis injuriis obnoxia sint et angusta errarum parte contineantur. Sed rem statim Scipionis Africani majoris, Ennii carminibus aeternum nomen adepti, exemplo illustratam subjicit poeta, quo magis ejus veritas elucesceret.

Omnino locus, qui sequitur, poetam magnae artis atque doctrinae tam in sententiarum conversione quam in singularum partium exquisita exornatione ostensae, prodit; qua ipsa tractatione eum haud vulgare pretium huic suo dono, Censorino mittendo, adjicere voluisse videri debet. Jam vulgarem rationem: Ennii carmina clariss indicant laudes Scipionis, quam monumenta publica, statuae, inscriptiones, in ejus honorem positae, invertit, adpositisque laudum ejus argumentis exornavit Horatius. — *Marmoreæ* monumenta marmorea, *incisa notis*, insignita, consignata litteris, epigraphe, titulo, qui honoris habiti causam, adeoque rei egregie gestae argumentum ostentat, in ipsorum basi inciso. *Marmor inciditur notis*, quae ei insculpuntur; quae minus per vulgata loquendi ratio est, quam, *notas incidere marmori*. *Notæ* autem complectuntur omnia, quibus designatur aliquid, h. l. epigraphe in basi subjecta. Cf. III. 24. 28. — *publicis*, venuste *notis* adjicitur; nam hoc ipsum ostendebat nota s. *inscriptio*, veluti: *Scipionis virtuti posuit S. P. Q. R.* Neque tamen urgendum h. l. epitheton, sed sententia generaliter (quod etiam docet v. seq.) proponi a poeta putanda, quam publice Scipioni positū monumenti nulla extet memoria. Igitur orationem v. 15. demuni ad Scipionem inflecti, siveque specialius cum generali a poeta doce contexti, dicendum. — 14. quam ornate pro, quae clarorum hominum memoriam servant, continent. *Spiritus et vita reddit*, reviviscunt boni duces αγαθοί, qui res bello strenue gesse re, in ore hominum versantur virtute ipsorum monumentis publicis condecorata; *post mortem*, quamquam ipsi desiere in vivis esse. Tῷ δυσιβούσῃ prona via ad Scipionem deferri poetam facile quisque sentit. — 15. Poetico jam ornatu explicat poeta argumenta notarum s. titulorum monumentis incisorum. Vulgare igitur erat: tituli qui Scipionis facta recensent, non clariss cet. Jam e Scipionis praeclaris facinoribus unum tantum, sed illustrius, quod quidem maximum componendo bello momentum faceret pulsum ab eo ex Italia Hannibalem, adponit poeta. — *fugae Hannibal*, quod trajecto in Africam exercitu Hannibalem Italia submoverit revertique in Africam coegerit. — *celeres*, propter subitum ejus ex Italia, quam tot annos possedisset, excessum, Ouwens tamen Noct. Hag. III. 1. p. 353. pugnam ad Zamam faciem respici existimat, unde Hannibal *biluo et duabus noctibus Adrumetum*, quod abest a Zama circiter millia passuum tre-

centa, pervenisset; juxta Nep. in ejus vita c. 6. parum probabiliter. Poetam enim generatim loqui, ostendit vel sequens versus. — 16. *Rejectae retrorsum Hannibalis minae duobus modis expedire licet.* Potest esse; Hannibal minax retro rejectus, repressus, Italia ejectus; ut *Cimbrorum minae* Propert. II. 1. 24. Vel, quod utique praferendum videtur tanquam significantius; *minae*, excidium urbis, eversioque imperii Romani, quam Hannibal minatus fuerat, (ut Epod. IX. 9. *minatus Urbi vincla*, de Sex. Pompejo) animo conceperat, a Scipione retrorsum *rejecta*, in ipsum *rejecta*, ipsius regno vicissim intentata, Africam trajiciendo, ibique ferro atque igni grassando. Schol. Cruq. explicat *minas rejectas*, pro nihilo ductas; haud indocte quidem (v. ad III. 9. 20.) sed parum commode vel propter ali. *retrorsum.* — 17. Si hunc versum retinendum censeas, *incendia Carthaginis* vel generaliter et poetice pro, belli incendia (ut Virg. I. 556. Alia exempla pete a Klotz. ad Tyrt. p. 90.) per Carthaginem, h. Africam sparsa ac didita, accipienda; ut adeo incendi notione bellum latius serpens atque Africam adeo involvens declareret; vel bina castra Syphacis et Hasdrubalis ab Scipione incensa, (Liv. XXX. 5. 6.) cremataeque Carthaginiensium D. naves (Liv. XXX. 43.) a poeta innui putandae; quod minus probabile videtur, quamquam hanc maximie sententiam intpp. suffulciant. Utraque tamen ratio quam dura sit, in promtu est videre. Vid. Obss. — *impiae*, perfidae, perpetuo Poenorum epitheto. — 18. Istis titulis non *clarior* *indivantur*, non magis celebrantur, minus innotescunt Scipionis laudes *κλέα* (v. c. Theocr. XVI. 2.) res ejus gestae (ut *laudes Caesaris* I. 6. 11.); minus adeo efficaces sunt inscriptiones ad famam Scipionis ad posteritatem propagandam, quam *Calabriae Pierides*, Musa, carmina Enni Calabri (vid. Gronov. Obss. L. IV. p. 784. Lips.) Annales. Pro laudes Scipionis, summo cum delectu est, *ejus*, qui ab *Africā* a se *domita*, vectigalique facta *nomen lucratus* rediit, Africani cognomento condecoratus est, cui nomen Africano obtigit. Nam hanc ipsam adpellationem virtute sua redemerat; hinc *lucratus*, quaesite, quia praemii instar ipsi ea cesserat. T. Fabro intemprias suas hic egestas nemo facile recti judicij homo ei invidebit.

21. Connexuit poeta, quae pedestris ratio ita dispescuissest: quandoquidem virtuti soli ~~carminibus~~ honos suus aeternumque

decus paratur, constat; sola haec immortalitatem praestant. Cui non in mentem veniant illa Lucani IX. 980. *O sacer, et magnus vatum labor! omnia fato cripis et populis donas mortalibus aevum.* Sed proprius hoc spectant Pindarica (fr. Schneid. p. 5. πρέπει δὲ ισλοῖσιν ὑμνεῖσθαι καλλίσταις ἀοιδᾶς τοῦτο γὰρ ἀθανάτοις τιμᾶς ποτιψάει μόνον ρῆσέν· Ζνάσκε δὲ ἐπιλασθὲν καλὸν ἔργον. Cf. Ejusd. Nem. VII. 18 sqq. et vid. ad IV. 9. 25. — Si chartae sileant, nisi literis consignentur, h. carminibus celebrentur. *Chartas*, carmina sua indigitat etiam IV. 9. 31. ut *Maeonias chartas Homeri carmina Ovid. ex P. IV. 12. 27.* — quod bene feceris, praeclarorum facinorum *mercedem tuleris*, nullum fructum capies, frustra laboraveris. Manifeste Horatius expressit tam verba quam sententiam Pindar. Ol. X. 109. *Kai ὅταν, καλὰ ἔργα αἰσ (quod bene feceris). Idem Nem. IV. 135. vocat καλὰ ἔργατα loco simillimo, ad v. 28. ad partes vocando) ἀοιδᾶς ἄτερ (si chartae sileant) εἰς Ἀΐδη σταθμὸν ἵκεται, κενεῖς πνεύσας (neque mercedem tuleris) ἐπαρε μόχθῳ βραχὺ τι τερπνόν.* — — ἔχοντι δὲ εὐρὺ κλέος Κόραι Πιερίδες Διός. Doctior autem junctura est *merces illius*, quod b. f. quam, si chartae s. id, quod b. f. *Merces*, fructus laboris, rei bene gestae, gloria, aeternum nominis decus, carminibus conciliatum ἀκίνα μόχθον, ut Pind. Nem. VII. 23. et Isthm. IX. 1. λύτρον εὑδοξον καμάτων, ut κῶμον s. hymnum ibi adpellat.

v. 22. sqq. Sublecta etiam haec e Pindaro Pyth. III. 198. *Νέστορος καὶ Λάκιον Σαρπήδον' ἀνθράκων φάτις, εἴς ἐπέων κελαδευτῶν, τέκτονες οἵα σόφοι ἄρμοσσιν, γινώσκομεν.* Tum subjicitur eadem generalis sententia, quam similiter Noster v. 28. inseruit: *αὐτὴν κλείνας ἀοιδᾶς χρονία τελέθει.* Sed suum plane fecit istum locum Horatius, felix imitandi artifex, et exemplorum delecta et comitiore orationis cultu ac variatione. *Quid foret Romulus,* multo ἐναργεστέρως quam, tantum abest, ut Romulum deum habitiari fuisset, ut ne nossemus quidem eum, quamquam Marte atque Ilia genitum. Facile ita perspicitur, quanta virtute a poeta Romulus designetur a natalibus ejus, nihil ipsi ad immortalitatem profutaris, nisi vatum accessisset opera. — *Si vatum taciturnitas, silentium, meritis ejus (pro quo cum dignitate est; Romuli) obstaret, obstitisset, si merita ejus silentio obducta fuissent, vase destituta.* — *invida, injuria, iniqua, quatenus meritis praemia sua denegat, ea oblitterat; ornata, ut*

*lividae Obliviones IV. 9. 33.* Ceterum Ennium potissimum a pos-  
ta respici, Romuli virtutis praeconem, nemio ambiget.

v. 25. *Aeacus immortalis factus, vatum opera.* Magnificum  
prorsus est, quod heroas divinis honoribus Musarum maxime be-  
neficio mactatos pronuntiat, quos nominis tantum immortalitate  
ab iis ornari ostensurus erat poeta. Eadem excelsa notionum per-  
mutatio est III. 25. 5. 6. — *Virtus, ingenii praestantia, ἀρετὴ.* —  
*favent, hene illi cupiunt poetae, quem carminum suorum argu-  
mentum faciunt, propter immortalitatem ei tributam.* Hinc favor  
ut τιμὴν (veluti Pind. Nem. VII. 46. vid. plura ad I. 26. 10.) de  
poetae studio, in laudando aliquo occupato. — *lingua; ςοιδὴ,*  
*carmina vatum. — potentium, exquisite, quum de immortalitate*  
*carminibus concilianda agatur.* Ista igitur vatum opere Aeacum  
*creptum Styg. fluctibus consecrat div. insulis, mori non passa*  
*est, sed consecratum, ilivinis honoribus condecoratum colloca-*  
*vit in beatis insulis, Elycio. Fluctus Stygii, de locis inferis,*  
s. morte, ut νῦμ' Αἰδώ, Pind. Nem. VII. 45. loco similiter:  
κατένεν γάρ ἔρχεται καὶ μέν Αἴδα — — τιμὰ δὲ γίνεται (effugit istos  
fluctus), ὥν Θεός (Musa) αὐξεῖ ἀβρὸν λόγου, quem Musa conse-  
crat. Simonides XXXIII. 3. (A. Br. I. 132.) Οἵδε τε θυσίας θα-  
ρόντες εἰσι σφ' ἀρετὴν καθιερθεντούσι ἀνάγει δάμακτος ἢ Αἴδεω.  
Alia vid. ad III. 3. 16. — *Consecrant poetae, quem carmine ce-  
lebrauit; ut I. 26. 11. Hunc Lesbio sacrare plectro cet.* Hoc lo-  
co; uti jami dixi, augustiore sensu accipiendum. De divitibus s.  
*beatis insulis* vid. ad V. 16. 41. Hoc loco tenere sufficiat, cum  
Elycio campo saepius eas permisceri, atque heroibus fere istam  
sedem ab antiquitate adsignari, uti Menelao apud Eurip. Hel.  
1693. (coll. Homer. Od. IV. 563 sqq.) Achilli, Eurip. Androm.  
1262. Diomedi in Callistrati Scol. 6. (A. Br. I. 155.) es alii.

v. 28. *Musa vetat mori, h. u. d. interire sinit, aeternum parat*  
nomen *viro laude dingo, qui carmine celebrari meruerit.* Τογγάρ  
ἀοιδίμος ἔργοις, ἀθανάτον τε μην αὐξοντι Μοῦσαι, Μεμονούνται  
θύγατρες, Aristotel. Scol. 20 (A. B. I. 177.) — 29. Et vel *coelo*  
*munere beat, divinos honores largitur, deum facit.* Augu-  
stior haec rei species est; quam si dixisset Horatius, a poetis  
nos edoceri, homines inter deos fuisse receptos. In heroum,  
quos Musarum beneficio coelum escendisse ait, enumeratione ex-  
pende divitias poetae, quibus ἀποθεώσεως notionem variaverit. Sic,  
poetarum carminibus effectum, ut *Hercules epulis Jovis intersit,*

cum diis epuletur; quem quidem solennem designandae di-  
vinitatis modum de Hercule potissimum a poetis adhiberi putem,  
ad quietam ejus exantlatis per universum orbem terrarom innu-  
meris laboribus, otiosamque inter deos vitam declarandam. Unde  
et Hercules *αὐτοθεωδής* *quiescentis* statum habet in anaglyphō a  
Corsinio (Herculis quies et expiatio, s. a. et l.) illustrato; ean-  
demque ob causam ei ne τίμαι quidem s. munera quantum sci-  
am, decreta, quae ejus ήσυχίαν turbatura frissent. Πολυφρυγίαν  
ejus ita notari, vix equidem existimem. Ad rem Lucian. DD. XXIV.  
2. *εἰ μὲν Ἀλκμήνης καὶ Σεμέλης νιοί* — — *εἰ ὡς χοῦνται ἀφροντί-*  
*δεῖς.* Alia vid. ad III. 8. 11. — *optatis* ad totam sententiam spe-  
ctat: optaverat Hercules, ut sibi aliquando ab istis laboribus,  
quos *impiger*, *impigre*, fortiter, tolerasset, respirare liceret;  
adeoque, jucundo iam otio fruatur in coelo. — 81. *Tyndaridae*  
*Dioscuri, clarum sidus*, (v. ad I. 3. 2.) hoc divinum munus,  
τίμὴν, a poetis consecuti sunt, ut *rates quassas*, tempestate ja-  
ctatas, in *infima aequora*, fundum maris detrusas, inde *cripiant*,  
extrahant, serventque; quam veniste; dii σωτῆρες facti. Ad rem  
ac verba Eurip. Electr. 991. οἱ δὲ φλογερὸν αἴθέρα ἐν ἄστροις ναίουσι,  
βροτῶν ἐν ἀλός τιμᾶς σωτῆρας ἔχοντες, et Theocr. XXII. 6 sqq.  
et 17. ὑμεῖς τε καὶ ἐκ βυθοῦ ἔλκετε νῆσος αὔροις ναύταισιν  
σιομένοις θυγέτεσσι Adde Lucian. DD. XXVI. et ibi doctam Hem-  
sterh. notam. — 33. Nova numinis designandi ratio, a Virgilio  
quoque adhibita Ecl. V. 79. *Ut Baccho Cererique, tibi sic vota*  
*quotannis agricolae facient; damnabis tu quoque votis.* Etiam  
Homer. Il. x. 364. de Hectore: ὁ Τρώες κατὰ ἄστυ Θεῶν εὐ-  
χετόνῳ, h. deum habuerunt Hectorem. *Liber vota bonos dicit*  
*ad exitus*, preces, ad se factas, ratas esse jubet, exaudit,  
adeoque divinos honores adeptus est. Intelligenda autem maxime  
vota agricolatum, ubereni ruris proventum precantium. Nam  
Bacchus deus agrestis, ut in vulgus notum; vid. ad III. 8. 6.  
Etiam verbis: *ornatus viridi tempora pampino* numinis notionem  
poeta subjecisse videri possit, ut corona ista diadematis loco po-  
sita sit, diis proprii. Eodem Herculem *ἀκοθεωδέστα* redimitum  
repraesentat laudatum anaglyphum.

## ARGUMENTUM IX.



*Quod in praecedenti carmine tantum colligendum dedisset poeta, nimirum, carminibus suis immortalitatem paratam esse, generoso hoc spiritu initio statim hujus carminis profitetur, certisque, quae ejus rei fidem faciant, argumentis adserit. Quae quidem splendida professio, facile intelligitur, quantum ad encomii, Lollio dicendi, amplitudinem ac dignitatem recte aestimandam momenti habeat. Exposito igitur suo de aeternitate carminum lyricorum suorum sensu magnifice sese poetis graecis lyricis ingerit, atque tacite comparat, quos, etsi ad epicam Homeri gravitatem non adsurgant, haud minus tamen operibus suis immortalitatem esse consequatos in confessu esse. (Deprimi fere ab intpp. poetam animadvertis, rem suam ita agere opinantibus: habere quidem Romanum poetas, quamquam alio in genere, se majores; nihil tamen illud impedire, quo minus carmina sua lyrice aetatem latura sint: uti nec poetarum graecorum lyricorum carmina illustrius Homeri epos obscureret. Sed altera ratio poetæ dignior, ac verior; nam et alibi sese Lyricis graecis adjungere amat, v. c. I. 1. extr. IV. 3. 15.). Tum, quo illud spectet, quod de carminibus praedicasset, subjicitur, nimirum, aeternam nominis gloriam solis carminibus provenire, solum adeo eum post mortem vivere, qui talem virtutum suarum præconem nactus fuerit, quamvis aliis, qui isto destituti sint, quamvis rerum gestarum magnitudine haud minus conspicui fuerint, memoria ipso-*

*rum penitus abolita, haec benefactorum suorum merces intercipiatur.* (Copiose ac splendide, quod quidem facile exspectari poterat, hic locus a poeta tractatus est; quocum contendere juvabit carm. praeced. inde a v. 20.). Quos quidem, si posteritatis ratio habeatur, ne hilum quidem ab iis, qui inertiae sese per totam vitam dediderint, differre quum in aprico sit; haud ego committam (pergit poeta), ut virtus tua, immortalitate dignissima, oblivioni tradatur, sicque laborum tibi tuorum fructus pereat. Delatus ita ad rem, quam sibi proposuerat, poeta in laudes Lollii effunditur, hasque ita tractat, ut facile adpareat, *Lollium tum temporis, quo haec de eo praedicaret Horatius, talem virum aut vere fuisse, aut certe magna cum specie prae se tulisse;*

### Adnotationes.

v. 1. Sententiam, carmina sua aetatem latura esse, immortalia fore, oratione ad Lollium, quem aeternitati consecratus esset, conversa poeta explicat, certisque argumentis communis, quo justius laudationi suas statui ab eo posset pretium. Ne forte credas, noli in animum inducere, ne existimes, *interitura esse* *lyrica mea carmina.* Postrema haec praecclare exornavit poeta, adsumta prisca κιθαρῳδεῖū idea. *Verba*, Pindarica simplicitate de carminibus, ut λόγοι Pyth. V. 63. ρήματα Nem. IV. 10. — *socianda chordis*, aptanda citharae (ut II. 12. 4.) ad lyram canenda. Ovid. Met. XI. 5. *cernunt Orpheo percussis sociantem carmina nervis.* Εὐλογίαν φέρμιγγι συνάρον eadem plane ratione lyricum carmen indigitat Pind. Nem. IV. 8. — *quae ego, ad Auffidum natus, Appulus* (cf. III. 30. 10.) *loquor, cano* (ut λαλεῖν Theocr. XX. 29. cf. III. 25. 18.) *meditor.* — *longe sonantem,* ἐπὶ μαχρὸν ἀυτέοντα (ut de Styge Hermesian. 5.) *κελάδοντα*, rapidum. Cf. III. 30. 10. IV. 14. 25. — *per artes, arte non ante*

inter Romanos *vulgata* *lyrica*, princeps inter Romanos arte lyri-  
ca. Cf. III. 30. 13. IV. 5. 22.

v. 5. Etenim, si Homerus principatum inter poetas obtinet, hoc non impedit, quo minus poetae Graeci lyrici in honore sint, immortalitatemque consequantur. Generoso spiritu poetam sese lyricae Graecorum cohorti immiscere atque aequiparare docta haec sententiae conversione. facile quisque sentit. In adornando autem toto loco magna doctrina, elocutionis copia, insignisque in summa brevitate, qua, quid cuique lyricorum poetarum proprium, designat, ars poetae adparet. Ceterum eadem sententiarum progressionē Antip. Thess. XXIV. 6 sqq. (A. Br. II. 115.) εἰ δὲ νύμνων σκῆπτρον Ὁμηρος ἔχει, καὶ Ζεὺς τοι χρείσσων Ἔινοσίχθονος· ἀλλ᾽ Ἐνοσίχθων τοῦ μὲν ἐφυ μείσων, ἀδανάτων δὲ ὄπαρος. Καὶ ναετήρ Κολοφάνος ἐπέζευκται μὲν Ὁμήρῳ, ἀγείται δὲ ἀλλῶν πλάνθεος ήμιθέων. Homerus priores sedes, προεδρίαν, primum locum inter poetas tenet, unanimi antiquitatis calculo. Τοῦ πάσαι μετόχισθεν ἀριστεύοντιν ἀσιδαι, ut emblema Rhapsodi habet Hom. H. Apoll. 173. Leonid. XLIX. 3. (A. Br. I. 233.) ὑμνωπόλους ἀγεληδὸν ἀπημάλδυνεν Ὁμηρος λαμπρότατον Μουσᾶν φέγγος ἀνασχόμενος. Λα-  
στον ἀσιδῶν Hometum refert Theocrit. XVI. 21. eundem inter *Heliconiadum comites unum sceptra potitum* Lucret. III. 1055. Propert. I. 7. 3. Aude Hermesian. el. 27 sqq. — Non ideo latent, obscuratae, ingloriae sunt, nimio Homeri fulgore praegravantur, atque obrunntur (ita Menander *omnibus ejusdem operis auctoribus fulgore quodam suae claritatis tenebras obduxisse* dicitur Quintil. X. 1.) *Camanae* *lyricae*, carmina lyricorum poetarum. Ex his suo iudicio potiores percenset poeta. Agmen dicit Pindarus, novem *Lyricorum longe princeps* (unde regnator *lyricae cohortis* audit Stat. Silv. IV. 7. 5.) *spiritus magnificentia, sententiis, figuris, beatissima rerum verborumque copia, et ve- lut eloquentiae quodam flumine*, ut vere de eo Quintil. I. O. X. p. 219. Bip. — 7. *Ceae*, Simonidis Cei. Saepius idem simpliciter Κῆνος ἀσιδὸς audit; veluti Theocr. XVI. 44. Moscho in Bionis epith. 92. quamquam idem natale solum haberet Bacchylides. Simonidis *principua virtus in commovenda miseratione* (hoc ad θρήνον ejus spectat) *ut quidam in hac eum parte omnibus ejusdem operis auctoribus praeferant*, ut idem Quintil. I. 1. quod idem iudicium habet Dionys. Halic. in cens. SS. — *minaces Alcaei, quibus tyranpos insectatur*, ut Quintil. I. 1. quas

ejus carmina in praestantioribus idem habet. Eadem virtute Incert. ep. DXIX. 7. (A. Br. III. 260.) in recensu lyricae enneadis: Καὶ ξῖφος Ἀλκαίοι, τὸ πολλάκις αἴρε τυράννων ἔστεισεν, πάτης δέσμια ρύμενν. — 8. Stesichorus, ingenio validus, epicī carminis onera lyra sustinet. Reddit enim personis in agendo simul loquendoque dignitatem cet. Quinetil. I. l. Unde graves ejus Camenae, propter μεγάλοπερεῖς. Stat. Silv. V. 3. 154. Stesichorus ferox audit, quatenus ferociam personarum oratione repreäsentat. Eundem Σαπληθὲς ἀμετρήτου σιύρα Μόύτης vocat Antipat. Sid. LXXVII. 1. (A. Br. II. 27.) quod plane respondet iis, quae Quinetil. I. l. subjicit: si tenuisset modum, videtur aemulari proximus Homerum potuisse; sed redundat, atque effunditur, Nisi tamen ibi potius in laudem Stesichori est, ut IV. 2. 3. ubi vide notata. Nostrum expressit Sidon. IX. 217. Non hic spectes — laesi Archilochi feros Iambos, vel plus Stesichori graves Camenæ.

v. 9. Nec delevit, abolevit, aetas, durat adeo, viget adhuc, si quid, quidquid lusit, levioris, amatorii argumenti composuit Anacreon. Notus τὸν ludere de levioris argumenti tractatione usus. Similiter παιῶν, παιῆν Gr. eodem significatu. — 10. Exstant adhuc Sapphus carmina amatoria. Mira haec suavitate extulit poeta. Exquisita imagine carmina, quae amores continent, eosdem spirare, iis inalescere dicuntur. Simonides LV. 3. (A. Br. I. 136.) de Anacreonte: ὃς Χαρίτων πνείοντα μέλη, πνείοντα δ' Ἐρώτων τὸν γλυκὺν εἰς παιδῶν πνεύμονα. Incert. ep. DXX. 1. (A. B. III. 260.) ἐπινεε τερπνὰ ἡδυμελιφθεύγγου Μούσα Σιμονίδεω. Carmina adeo adflant amorem, (προσπνείουσιν Ἐρώτα, ut de Berenice Theocr. XVII. 50.) amorem excitant legentibus. Jam vulgarius erat: leguntur adhuc carmina, amorem Sapphus spirantia, testificantia; pro quo inversa ratione est, spirat adhuc Sapphus amor, fere ut in Critiae fr. apud Athen. XII. p. 600. de Anacreonte: Οὐ πνείσσον φιλότης γηράσεται, οὐδὲ θαυμάσται. — 11. Vivere, βιοτεύειν, de carminum perennitate passim occurrit, veluti apud Pind. Nem. IV. 11. οἰτιώσι Χάριτες de carminibus. Argute Sidon. II. 313. funera servat cantus, et aeterno vivunt in carmine mortes. Hoc tamen loco multo venustius est, si ad caloris naturam adcommodes: calores Aeoliae puellæ, Sapphus amoris ejus flamma adhuc ardet (ut vivus ignis, vivaë lucernæ cet.) nova usque alimenta capit. — commissi fidibus, lyrae con-

crediti, tanquam arcanae curae pectoris, quas aliis fateri pudor eam prohiberet; pulcherrime pro, ad lyram cantati. E graeco fonte ductas has esse Veneres, colligas ex Porphyri ad haec Nostri Serm. II. 1. 30. *Ille velut fidis arcana sodalibus olim credebat libris*, ubi haec notat: Hoc Lucilius ex Anaereonte graeco traxit et Alcaeo, quos ait Aristoxenus libris propriis vice amicorum usos fuisse. Ita quoque Pind. Pyth. VIII. 40. εἰμὶ δὲ ἀσχολοῦντας θέμεν πάσχειν μακρυγόρταν λίρες τε καὶ φθέγγουτι μαλακῶς; et Nem. III. 19. ἐγὼ δὲ ἔκεινων τέ μιν ὁδροῖς λύρας τε κοινώσομαι. Assententiam Posidippus apud Athen. XIII. p. 576. Σαπφώ, αἱ δὲ μένουσι φίλης ἔτι καὶ μνέουσιν ὥδης αἱ λευκαὶ φθεγγόμεναι σελίδες οὐνομα σὸν μακάριστρον.

v. 13. Asserta carminibus immortalitate poeta ad propositum suum ita progreditur, ut ostendat, solis carminibus effici, ut rerum egregie gestarum fama haud in obscuro sit, et ad posterōs pertingat; hocque sole clarius inde perspici ait, quod omnia, quantumvis egregia, iisque, quae a poetis celebrata aeternum nomen adepta sunt, haud inferiora facinora oblitterata, oblivioni que tradita sint, quibus laudator suis defuerit. Ab hac posteriore sententia, omissis prioribus, quibus transitus fieret, incipit poeta, eamque speciatim actate, ut ita dicam, Antichomerica splendide ita exornat, ut plane similia iis, quae divinae Iliados argumentum constituant, pariaque fortitudinis exempla innemera ante Homerum exstitisse pronuntiet, de quibus tamen, quum praecone suo destituantur, vel plane nulla, vel admodum tenuis famae aura ad nos perlapsa sit. Jam, haud primum ad posteros memorabile bellum Trojanum fuit“ vide, quam splendidissimis coloribus, ex Homero ductis, illustraverit poeta! Sed hic ipse nimius colorum fulgor, quaesitiorque ornatus, quem Ilias suppeditaret, praestinxit intpp. oenlos, ut has figurarum complexiones non unius argumenti tabulam sed plurium sibi a poetā objici picturas existimarent. Sic, ut in uno haeream, plures extilisse a poeta innui volunt, quae forma, auctoribus cet. Helenae fuerint similes; quas omnes sane nemo facile oblivioni traditas conquere-retur. Sed memoratur Helena, tanquam belli Trojani causa. — 13. Non sola Helena illicitis induxit amoribus. Docte haec expressa a poeta. Ardere aliquem, nota structura poetica. Jam vulgarior ratio ferebat: Helena non sola arsit adulterum comitis erinibus, amore accensa est Paridis adulteri, amatoris (nihil

amplius; vid. v. c. Senec. Med. 456.) *crinibus* promissis eleganterque *comitis* h. pulchri, laudata pulchritudinis parte pro universa. Qua quum in amorem Helena pellecta esset, hinc multo exquisitus est, *arsit crines ad.* Similiter Aristoph. Eccles. 950. πάνυ γάρ τις ἄρως με δονεῖ τὸν δὲ τὸν σῶν βοστρύχων. Paul. Silent. XXXIV. 3. (A. Br. III. 81.) ἐγὼ ξανθίσμασι χαλτησι ἔκχυτον ἐκ στέργων ἐξεπόβησα νόον. Hinc εὐπλόκαμον Τιμοῦς φιλέρωτα κίκνουν νοεῖat Meleag. LXIV. 1. (A. Br. I. 20.). Ad rem cf. I. 13. 14. — 14. *aurum vestibus illitum*, vestes operis Phrygionii, auro intextas, pictas; ires nota. *Phrygianas auro spissas* vocat Seneca de Benef. I. 3. *Linere, illinere*, ut πάσσειν gr. de intextis filis aureis, vel auri bracteis vesti inductis, solennia. Χρυσόπαστον ἰσθῆτα vocat Lucian. Necyom. 16. p. 479. Χρυσόβαφεῖς ἀνακτας Phrygiae reges. Simmias in Bipenni v. 11. *Purpura atque auro illitus vestes e Nostro duxit Senec.* Hippol. 387. Similiter Paridem repraesentat Eurip. Iphig. Aul. 73. ἀνθηρὸν μὲν εἰμάτων στολὴ, χρυσῷ τε λαμπρὸν, βαρβάρῳ χλιδήματι, et, quem in animo forte habuit poeta, Troad. 991. ὃν εἰσιδῦσα βαρβάροις ἰσθῆμασι, χρυσῷ τε λαμπρὸν ἐξεμπρύγωθη φρένας. — 15. *mirata*, capta iis. Vid. I. 4. extr. III. 29. 7. et V. 3. 10. — *cultus regales* pretiosum adparatum cujuscunq; generis. Ovid. Heriod. XVII. 221. *At fruar Iliacis opibus, cultuque beato.* — 16. *comites*, comitatū, qui magnificentiam luxuriamque Asiaticam prae se ferret. Ovid. Her. XIII. 60. et sequitur regni pars quotacunque sui. — *Lacaena*, forte cum vi, quae in Spartanā regia nihil tale vidisset. Eurip. Troad. 996. οὐδ' ἦν ἱκανά σοι τὰ Μενέλεω μέλαθρα, ταῖς σαῖς ἐγκαθυβριζεῖν τευφαῖς.

v. 17. *Primusve*, neque primus Teucer fuit, qui tela arcu direxerit, collineaverit. Nota Teucri sagittandi dexteritas ex Hom. Il. XII. 350. (τόξων εὖ εἰδὼς) XIII. 313. (οὐς ἀριστος Ἀρχαιῶν τοξούννη) et aliis. — *Cydoniq.*, Cretico, a Cydone, Cretae urbe, ornat. Nam Cretes sagittandi arte famigeratissimi. Cf. I. 15. 17. Callim. fragm. 184. — 18. *Non semel Ilios, "Ilios ipή* (ut saepius Homerus) *Ilium vexatum*, bello petitum atque expugnatum. De fortiori hoc h. verbi significatu v. ad II. 9. 3. Allusit ad h. l. Ovid. Trist. II. 318. *Car non Argolicis potius quae concidit armis, vexata est iterum carmine Troja meo.* Ceterum Trojae his captae frequentior narratio; vid. intpp. ad Hygin. f. 89. et Burm. ad illa Propert. III. 1. 32. *Troja his Oetaei numī*

*ne capta dei. Τευχίδα τριπορθον* refert Dosiades in Arae II. fundamento. — 19. *pugnavit proelia*, ut *pugnata bella sub Ilio* III. 19. 4. nota graecitate pro, pugnas gessit, strenue pugnavit. *Idomeneus*, Cretensium dux, *ingens*, bello inclytus (ut *ingens* Paullus Sil. XVII. 298. *ingentior armis Aeneas* Virg. Aen. XI. 124. et saepissime alibi) ἀγαύης, ἀγακλυτὸς, δουρικλυτὸς, quae Homericā ejus sunt epitheta. Ad staturam corporis referunt nonnulli; in quo minor laus esset. *Sthenelus*, Capanei f. et ipse inter potiores Graecorum habitus. Vid. I. 15. 24. — *pr. dicenda Musis*, digna, quae a poetis celebrarentur, quae aeternitati consecrarentur.

v. 22. A Graecis ad Trojanos transit poeta. *Hector ferox*; *Σφαῖρης*, ut mox *acer*, pro, fortis, bellicosus. *Deiphobus*, Trojanorum, excepto Hectore, fortissimus, *Θεοεικέλος* (Hom. Od. IV. 276.) Quint. Cal. XI. 340. Δηϊφόβες τε μενεωτόλεμος κράτερός τ' αἰχμητής. — 23. *graves exceperit ictus*, fortissime pro patria dimicarunt, objecere sese hostibus, gravia vulnera passi sunt. Illud, pro patria, quam exquisite, pro pudicis conjugibus *puerisque*, pro imbelli patriae ipsorum sexu et aetate. — *primus*, graviter claudit sententiam.

v. 25. *sqq.* Sed quam multos clarissimos suis temporibus viros scriptorum inops delevit oblivio! ut Boethii verbis Conf. Phil. II. sententiarum nēxūm declaremus. Omnes urgentur, premuntur (solenne hoc de spissis tenebris. Vid. ad I. 4. 16. *Jam te premet nox*; et I. 22. 20. *longa*, acerna nocte per longa saecula (ut apud Theocr. loco mox laud.) eorum fama in obscuro est, oblivioni traditi sunt; exquisito ornatu, cuius auctorem habes Pind. Nem. VII. 18. *sqq.* Ταὶ μεγάλαι γὰρ ἀλκαὶ σκότου πολὺν ὕμνων ἔχοντι δεύμεναι. Ornatius extulit Antip. Sid. XLVII. 3. (A. Br. II. 19.) μνήμης οὐκ ἡμίβροτσν, οὐδὲ μεταίνης Νυκτὸς ὑπὸ σκιερῆς κωλύεται πτέρυγι. — *illacrimabiles*, indefleti, quia nemmo ipsorum facta novit, neque infortuniis adéo, quibuscum subinde indignis modis conflictati erant, commovetur. — *ignoti*, deleta ipsorum memoria. Laudant Theocr. XVI. 42. ἀμναστοε δὲ, τὰ πολλὰ καὶ ὀλβία τῆνα λιπόντες δειλοῖς ἐν νεκύσσι μακροῖς αἰώνας ἔκπιντο. Cf ad II. 8. 21. — *carent quia vate*, nullum virtutis suae praecōnem nacti. — *sacro*, solenni vatum et poetarum epitheto.

v. 29. Praeclare transitum ad Lollium munit sibi poeta consecaria sententia: homines rebus egregie gestis sua aetate vel maxime conspicuos, neque tamen carminibus celebratos, ratione posteritatis habita, nihil prorsus differre ab inertibus. Magna ἐνάργεια in brevitate est, qua hanc sententiam elocutus est poeta. *Virtus*, oppos. *inertiae*, ea maxime intelligenda, quae rebus strenue ac fortiter gerendis sese exserit, efficax, (tanquam Herculis V. 3. 17.) obeundis laboribus ac periculis exercita, gloria-  
sa facta. — *celata*, quae occultatur posteris, in oblivionem venit,  
vate destituta. In veteri gnome, quam laudat Pind. Nem. IX.  
16. similiter est, τετελεπιέντον ἐσλὸν μὴ χαριζούσης καλύψαι.  
— *paullum*, minimum distat inertiae, h. ab inertia, parum dif-  
fert ab ea. Nihil refert ad memoriam, utrum strenuum an igna-  
vum te gesseris, si nemo te laudaverit. — *Sepultae*, in obscurio  
latentis, nullo facinore sese prodentis; praeclarare. Proprie homo  
iners *sepulto* s. mortuo similis est (Sil. III. 145. quantum e-  
nim distant a morte silentia vitae?) quatenus in tenebris (ἐν  
σκότῳ καθήμενος ut Pind. Ol. I. 132. Hinc Eurip. fr. apud Stob.  
Flor. Grot. p. 197. ή δ' εὐλάβεσι, inertia laborem refugiens, σκό-  
του ἔχει) vitam desidem agit, lucem exosus.

v. 30. Ego te haud silentio praetermittam, ita ut meis char-  
tis, carminibus, inornatus sis, haud celebreris. Postrema or-  
nata adjecta. *Ornantur res* praeclare gestas, carminibus ex-  
positae; splendida ac solenni poetarum professione. Pind. Nem.  
IX. 23. ἐπαυσάκησον κλυταῖς ἡρωα τηροῦσι. Alcaeus. Mess. VII. 5. (A.  
Br. I. 487.) de Homero: Θέτιν κύδηνε καὶ νίεα (unde honoratus  
Achilles A. P. 120.) καὶ μόδον ἀλλαν ἐρπιῶν. Alia vid. ad I. 26.  
10. — *labores*, ut κάρπατος, μόχθος saepius Pindaro de praeclaris  
facinoribus; veluti Ol. X. 112. loco valde adposito, Pyth. V.  
62. Nem. VII. 23. — *Obliviones*, Oblivio, Λήθη tanquam per-  
sona carpit, extenuat, deterit, abolet virtutis monumenta, re-  
rum gestarum memoriam; suavi plantasmate. Λήθη μαρτυρεῖται  
haud dissimiliter Antip. I. I. Senec de Benef. III. 32. eos jam  
consumisset oblivio, nisi illos filiorum gloria e tenebris eruisset.  
— *lividas*, invidas magnitudini rerum gestarum, quaesito epithet-  
to Cf. III. 8. 24. — *impune*, ita ut nemo licentius grassantes  
teprimat.

v. 34. Et sane dignus es, qui carmine extollaris, cuius ad  
posteros pertingat memoria; ut qui animum habeas rerum vnu-

*dentem*, rebus agendis idoneum, multo rerum usu exercitatum, Spectat hoc ad Lollii σύνεσιν πολιτικὴν, imperatoriasque virtutes, quas partim fansto (v. Jul. Obsequ. 131.) partim minus prospero fortunae eventu (nota Lolliana clades vel ex Suet. Aug. 23.) explicit. Nisi potius de recta agendi sentiendique norma, ad philosophiae regulas ac placita exacta, ob sqq. accipere praestat; uti fere Schol. Cruq. „vere es philosophus; quia rerum prudentes philosophi sunt ac dicuntur.“ Ita rerum otiose fere adjectum videri debet, ut saepe; vel ad rectam agendi normam referendum. — secundis temp. dubiusque *rectus*, in utraque fortuna aequus, qui neque in secundis temp. effertur (cf. III. 27. 74.) neque in *dubiosis*, adversis, periculis, deprimitur, adeoque *rectus*, erectus perstat. Cf. II. 3. 1.

v. 37. Laudes justitiae atque temperantiae Lollii. Vulgare erat: Est animus tibi ab omni cupiditate liber, integer. Pro hoc gravius, *vindex*, qui vindicat, ulciscitur, poenae depositit *fraudem avaram*, scelera ex avaritia orta; idemque *abstinens pecuniae*, minime adpetens divitiarum, non augendae rei intentus, continens. *Pec. ducens ad se cuncta προσάγουσα*, vel simpliciter, quae miras illecebras habet, nos sibi subjicit, ut non tam, quid virum justum deceat, quam quod e re nostra sit, spectemus. Quod esset de Lollio judice, nullis corruptelarum machinis labefactando; vel, quatenus pecuniosorum gratiam omnes sectantur, ut Schol. Cruq. Evidem prius preferam. — 39. sqq. Sequuntur notiones *virtutis*, Stoicis formulis expositae. Scilicet e Stoae praeceptis in sapientem cadit regnum, summus magistratus, summae divitiae cet. quatenus neque honorum neque opum cupiditate animus ejus ducitur, quatenus id solum, quod honestum est, sequitur, nulla utilitatis habita ratione. Jam quum consulatus Romae summus magistratus isque annus esset, poeta Lollium ob virtutem istam *non unius anni*, sed perpetuum declarat *consulem*. Plane ut III. 2. 19. *Nec sumit aut ponit seculares arbitrio popularis aurue*. Illud *quoties exornationi*, quam a consulatu anno repetiit poeta, unice debetur, minimeque urgendum. Est simpliciter: perpetuum animus tuis consulatum gerit, quandoquidem *honestum τὸ καλὸν praetulit*, praefert *utili*, *rectum* a *pravo* discernit, illudque sectatur. Specialem notionem pro generali virtutis posuit poeta, atque eam quidem, quae illustre ejus documentum præbet, incorruptam animi integrum.


tatem, nullis muneribus expugnabilem. Jam quam alterum alteri praefert animus, de utraque statuit, *judicat*. Doce igitur *judea: bonus audit, dum recte statuit, honestum praeferrendo: et fidus, dum ostensa utilitate a recti tramite hand deflectit, in recto, neglecta utilitate, perseverat*. Facile intelligitur haec exornanda ulterius sententiae adjici; nam severiores Stoici ne judicium quidem de honesto et utili admittendum esse censebant. Adposite ad h. I. Cic. Off. III. 4. *Qui autem omnia metiuntur emolumentis et commodis, neque ea volunt praepondere rari honestate, hi solent in deliberando honestum cum eo, quod utile putant, comparare: boni viri non solent. Etenim non modo pluris putare, quod utile videatur, quam quod honestum; sed haec etiam inter se comparare, et in his addubitare, turpissimum est.* — 42 — 44. exornant proxime precedentem sententiam. *Rejecit, aspernatur munera nocentium, hominum perditorum, causae suae diffidentium, ideoque vim legibus facere conantium, alto vulto, qui animi magnitudinem prodit, magnifice ea contemndo, διαρρέεσθαι, quod comparat Toup. Em. in Suid. I. p. 94. Ob oculos habuit h. I. Sil. XVI. 281. Ceterum omnia ista animo Lollii attribuuntur, exquisita ratione; quatenus ab ejus judicio profiscuntur.* — 43. Nova amplificatur imagine sententia, a milite desumpta, qui pugnandi ardore in medias hostium acies provectus, ab iisque interceptus *armia sua explicat*, ferro se expedit, viam sibi aperit, *per obstantes*, oppositas sibi atque circumfusas hostium catervas, redditum morantes, feliciterque evadit. Unde *victor ornate adjectum*. Sed doce ipsam comparisonem sententiæ involvit poeta, cuius nuda enuntiatio erat: muneribus expugnari nequit virtute adversus cupiditates munitus animus. Male seduli sunt, qui allegoricas catervarum armorumque notiones sigillatim adnumerant.

v. 45. sqq. Lolli αὐτάρκεταν laudaturus poeta in generalem sententiam orationem inflectit; quae plane lyrica ratio est, Pindaro frequentissima. Vulgaris continuatio erat: Est animus tibi, sorte sua qualicunque contentus. Sed iterum deflectitur oratio ad exprimendam Stoicæ virtutis imaginem. *Non recte vocaveris, non is vere dicendus est, est beatus, qui dixitiis adfluit, imo is rectius nomen b. occupat, sibi vindicat, vere beatus est.* — 47. *qui callet, novit uti, ut Claudian. III. 216. natura beatis omnibus esse dedit, si quis cognoverit uti.* — *sapienter, ut sapiens.*

tem decet; quod tu facis. *Munera D.* h.l. media significatione accipienda, quaecunque hominibus a Diis obtingunt, tam prospera, quam adversa δῶρα θεῶν. Vid. ad Hymn. in Cer. 147. H. I. ad paupertatem potissimum (quae explicative subjungitur v. 49.) praestat referre, et ipsam μικρὰς δόσιν αἰὲν ἔχοντας, juxta Hesiol. Ep. 719. Eurip. Ale. 1074. Χρὶ δὲ θεοῖς εἴ τον, καρπεῖν θεῶν δόσιν. Is adeo beati nomine dignus, qui pauperiem divinitus datam pati callebat, aequo animo sustinet, medica sorte contentus est, aequo animo iis caret, quae non possidet, verbo, αὐτάρκης. Male mun. deorum divitias explicant, quae opposantur pauperiei v. seq. — duram, cuius bene ferendae magno animo opus est, vel simpliciter, σεληγάν, χαλεπάν. Notum Stoicorum dogma: *Solus sapiens dives, quamvis vere pauper.* — 50. qui pejus, magis flagitium timet, qui nulla vi, nullis minis, ne morte quidem proposita a recto demovetur, deduci potest. Cf. init. L. III. 3. — 51. non ille timidus ὦν, nec timet, haud cunctatur pro patria mori, dupli graecismo.



## ARGUMENTUM X.



*Et argumenti ratio, et eloquutio poetica, paullum quaesitior, ac graecis plane floribus contexta, facile fidem facient, Horatium graeci cuiusdam poetae lusum hoc carmine repraesentare voluisse. De quo tanto minus dubitari posse existimo, quo plura ejus generis, per Anthologiorum libros dispersa Παιδίκων exempla satis luculenta suppetant. Cf. omnino, quae ad v. 2. epigrammata, de formae detimento, accidente barba, pueros monentia, excitavimus, collato Theocriti Παιδίκῳ, quod in Harlesii ed. p. 479. exstat. Ligurinum, formosum puerum eundemque superbum, ita ad obsequium sui pellicere studet po-*

*eta, ut eum de caduco primae aetatis flore  
graviter admoneat, proposita simul certa  
quamquam nimis sera fastidii ejus poenitentia.  
Ad juvenilia Nostri meletemata poetica, qui-  
bus Graecos plane exprimendos sibi propone-  
ret, hoc carmen referri debere, facile quis-  
que cordatior sibi persuasum habebit.*

### A d n o t a t i o n e s.

¶ v. 1. *Crudelis adhuc*, qui superbe tractas, fastidis amatores, dum in flore aetatis constitutus es. Sed haud diu ei istam men-tem fore; aetate ista ferocula cito avolante, praeclare τῷ adhuc innuit poeta. — et *Veneris muneribus potens*, propter eximiam tuam pulchritudinem. Formae venustatem et quae alia amoris il-lectamenta sunt, δῶρα Ἀφροδίτης multi post Homer. Il. III. 54. dixere, quos cum taedio lectorum hic percensere nihil attinet. Jam *potens* istis muneribus est, qui formae praestantia omnes in amorem sui raptat, cui nihil resistit. Propert. II. 4. 28. *Cynthia forma potens*, *Cynthia forma levis*. Idem III. 18. 7. *Est tibi forma potens*, sunt castae Palladis artes. Scilicet τὸ κάλλος τρεψυτίδα ἔχει, ut est apud Stob. Tit. LXIV. p. 410. et *imperium regnum* satis frequentata in re amatoria. — 2. sqq. Ubi pulcher-rimam istam formae speciem aetas abstulerit. Pro hoc venuste specialibus momentis defluentis pulchritudinis facies repreesen-tatur a poeta. Primum floris juvenilis damnum, lanugo, genarum-nitori infesta. Martial. I. 32. 5. *teneri sordent lanugine vultus*. Stat. Silv. III. 4. 65. *ne prima genas lanugo nitentes carperet*. (praepostere Markl. reposuit spargeret) et *pulchrae fuscaret gratia formae*. Maximum autem illud formae detrimentum ha-bitum in delicatulis pueris; unde pleni hac de re Anthologiorum graec. libri. Cf. si tanti videtur, Automedontis II. (A. Br. II. 207.) Stratonis ep. XIII. 3. (A. Br. II. 362.) ei. XXVIII. 5. XXXIII. 1. Rufini XXXVIII. (A. Br. II. 399.) Eratosth. I. 3. (A. Br. III. 123.) Incerti ep. XIX. (ib. p. 155.) Lucian. Amor. 24. p. 424. in quibus paene omnibus locis injecta cito pronican-tis lanuginis mentione ad obsequium pueros ab amatoribus com-pelli video, ut h. l. Jam pro lanugine *plumam* adhibuit poeta,

nova prorsus ratione, in poeta lyrico tamen facile ferenda, maxime si gr. πτίλα ei in animo fuisse memineris. — *insperata*, ἡ ταχὺ φυμένη ut in Eratosth. l. l. inopinato veniet, εἰςλαθη, εἴκηθήσης, crescat, tuae superbiae, tibi, dum adhuc ea cares, superbo, ut *meae insolentiae*, V. 17. 15. — 3. Comarum per humeros sparsarum solennis vegetae ac formosae aetatis significatio; tum habitus is erat παιδαρίων. Theocr. XIII. 6. ἥρπτο παιδὸς τῷ χαρίεντος Τλα, τῷ τὰν πλοκαμῆδα φορεῦντος. Magis huc spectat Rusini ep. l. v. 3. νῦν μοι προσπαίζεις, ὅτε τὰς τρίχας ἥράντις σου τὰς εἰς τοῖς σοβαροῖς αὐχέσι πλαγομένους. Cf. III. 20. 14. V. 11. 28. — *humoris involitant*, in humeros dependent, promissae sunt. — *deciderint*; defluxerint, rariores per aetatem factae fuerint. — Et quum *color*, qui *nunc prior*, praestantior, pulchrior est *flore rosae*, *rosa punicea*, purpurea, verbo color purpureus, *rosens mutatur verterit Ligur.* docta brevitate pro, mutatas fuerit, evanuerit, et inde *Ligurinus* (quam venuste protinus) h. *Ligurini facies in hispidam, pilosam* τραχὺ ἀντὶ τοῦ παιδιοῦ μαλακοῦ πυκνοσθὲν ιούλιος τὸ γένειον, Lucian. l. l. p. 426.) versa fuerit. Ad barbam potius, quam ad rugas, equidem traxerim.

v. 6. Sero tuin tuae te poenitebit arrogantiae. Suaviter et ἐνεργῶς expressa ista a poeta. — *te videris alterum*, prorsus immutatum. Theocr. XX. 20. ἐξαπίνας με Θεὸς βροτὸν ἀλλον ἔτευξε. Lucilius XII. 5. (A. Br. II. 319.) ἦν ἐθέλης δὲ περίσσων ιδεῖν εἰς εὔοπτρον ἑαυτοῦ, οὐκ εἰμὶ Στρατοφῶν αὐτὸς ἐρεῖς, ὁμόσιος. Similis Iusus Epigoni II. 1. (A. Br. II. 306.) ή τὸ πάλαι Λαῖς πάντων βέλος οὐκ ἔτι Λαῖς — — οὐ μὰ Κύπριν, γυνώριμος οὐδὲ αὐτῷ Λαΐδει Λαῖς ἔτι. Cf. Auson. ep. 55. quocum compone Juliani ep. IV. in A. B. II. 494. — vv. 7. 8. e Terent. Hec. I. 1. 17. sqq. *Eheu me miseram! cur non aut isthaec mihi aetas et forma est, aut tibi haec sententia,* expressos esse, monuere et alii. Idem laudant Auson. ep. XIII. *Nunc piget, et quereris, quod non aut ista voluntas tunc fuit, aut non est nunc ea forma tibi.* — *cur eadem mens, idem sensus, qui hodie, nunc est, non puero mihi, dum puer essem, fuit?* — 8. *his animis, hoc animi sensu, sc. fruendi amoris deliciis.* — *genae incolumes, integrae, in-herbes, uti bene Cruq. schol.*



ARGUMENTUM XI.



*Magnam hoc carmen virtutem habet a tractationis simplicitate, naturalique, quam orationis haud operosus cultus mire adjuvat, venustate. Et sane, quam adcommodata ista et argumenti rationi sedatiorique, qui per totum carmen regnat, poetae sint affectui, quum ipsa res vel hebetiori lectori fidem faciat; non opus est, pluribus ostendere. Quum Idus Apriles, qui dies Maecenatis natalis esset, magna cum religione adparationique convivio celebrandas statuisset; Phyllidem, quam hujus sacri vellet participem, ita rogat poeta, ut simul impedimenta, quae eam remoratura esse praevideret, occupet ac discutere conetur. Quum enim Telepho, juveni nobili, oculos et animum illa adjecisset, istique amori Venerem haud faventem experiretur, unde adeo animi aegritudinem contraxisset maximam, poeta consolaturus atque ad vitam ac hilaritatem revocaturus illam, sedulo hortatur, ut omni spe Telephi potiundi, alias quippe feminae, genere ac divitiis potentioris, amore beati, plane abjecta, in amore, qui ipsi conveniat, adquiescat, seque, quem ad finem vitae constantem in isto experturam spondet, ne aspernetur. Leatum utique amatorem dixeris Horatium, qui ita cum amica, a se alienata, agat sed in proiectiore aetate, in qua calor ejus juvenilis deferbiisset, carmen hoc scripsisse Nostrum, ex ejus exitu recte suspiceris.— Ceterum quod parum docte Acron ad v. 21 nota verat, „utrum ad eandem Phyllidem, an ad*

*aliam loquatur, incertum est, quia nomen non prodidit“ id cupide Sivrius arripuit, novamque ideo a versu isto exordiri oden statuit. Denique plerique Phyllidem fidicinam statuant v. 34. inducti, parum probabiliter; et rectius inde cogas, fuisse puellam doctam, poetisque studiis deditam (quod etiam vv. 25 — 28. commonstrant), atque etiam hactenus Horatii amori commodam.*

### A d n o t a t i o n e s.

v. 1 — 12. Observa simplicem munditiis poetam in describendo sacri domestici conviviique adparatu; fere ut III. 29. init. quod cum nostro comparasse utile erit. *Albani* vini duas Athen. I. p. 26. refert species, illudque a XV. demum anno ἀκμάζειν prohibet. In pretiosioribus habitum fuisse, vel hic locus ostendit. Addit. Serm. II. 8. 16. ubi in optimis recensetur. Tertium ei locum adsignat Plin. XIV. 6. qui idem Eugenias uvas, a Tauromeitanis Siciliae montibus in Albanum agrum translatas fuisse tradit XIV. 2. laudante Torrent. Cf. XIII. 109. — *superantis aetate, excedentis nonum annum, vetusti.* — 2. *plenus*, non ante versus ut III. 29. 2. Docte effusorem compotationem futuram innuit. — *est*, πάρεστι; parati sunt flores, *nectendis coronis*, ad necendas coronas convivales. Ex his memorat poeta *apium et ederam*, ex quibus consertam coronam itidem habet Theocr. III. 23. στέφανον — — κισσός φυλάσσω ἐμπλέξεις καλύκεσσι, καὶ εὐόδμωσι σελίνοις. De apio hortensi (quod ex h. l. cognoscitur) coronis adhibito insigne est Anacreontis Στρατ. apud Athen. XV. 4. p. 674. ἐπὶ δὲ φρύσιν σελίνων στέφανίσκους θέμενοι ὑπὸ Θελεῖαν ἔστην ἀγάγωμεν Διονύσῳ. Neque negligendum, quod habent. Scholl. „Alcaeus frequenter se dicit apio coronari.“ Vide Torrent. ad II. 7. 24. De *edera* res pervalgata. — *vis multa*; insignis copia. — 5. *qua*, quibus *religata*, *implicita*, *crinibus fulges*, *resplendes*, cum propter viridem colorem, coronae in genere, tam quod *hederae poeticæ dictæ fructus croceus* est. Vid. Schreber ad Theocr. I. 30. Est adeo simpliciter pro: *qua coronari soles*; quac

tamen paullo languidior sententia videtur. Erigere eam alii studuere hoc modo: qua *fulges*, venustior adparates, mire places. Sed nec hoc satis, ut ingenue fatear, omnino facit.

v. 6. *Domus ridet*, explicatiorem faciem habet, resplendet argento, vasis argenteis, ad hujus diei solennitatem purgatis Noster Epp. I. 5. 7. *Jam dudum splendet focus et tibi munda supellex*. Hinc proprium *ridere* s. *splendere* de adparatiore convivio. Phaedr. IV. 24. 20. *Splendebat hilare poculis convivium*, Operosins jam Catull. LXIV. 44. at *sedes* — *splendent auro atque argento, candet ebū soliti, collucent pocula mezsis*: tota *domus gaudet* ( $\gamma\epsilon\lambda\zeta$ ) *regali splendida gaza*. Cf. ad II. 18. 2. *Decorae aedis eadem significatio est* I. 30. 4. Laudant Alcaeui,  $\mu\alpha\mu\alpha\rho\tau\iota$  δὲ μέγας δόμος χαλκῷ apud Athen. XIV. 5. — *ara sacrificio parata est*. Pro hoc suaviter, *avet spargier*, adspergi cupit agni immolati sanguine. Catull. XIX. 15. *Sanguine hanc etiam mihi* — — *aram barbatus linit hirculus, cornipesque cappa*.  $\beta\omega\mu\omega\delta$  διατέγγειν similiter Eurip. Iphig. T. 404. Intellige autem aram cespititiam; *vincitam*, munitam, redimitam verbenis *castis*, herbis sacris. Imitatus est locum Juven. XII. 1. *Natali, Corvine die mihi dulcior haec lux, qua festus promissa deis animalia cespes exspectat*.

v. 9. 10. Solennis discursantium famulorum in instruendo convivio mentio. Vid. ad III. 29. 12. *Cuncta, omnium manus festinat*, inten̄ta, occupata est adparandis epulis; quod statim verbis, *huc et illuc cursitant*, magis graphicē subjicitur. — 10. *mixtae pueris puellae, pueri et puellae*; sed alterum rem oculis magis subjicit. — 11. 12. quam ornate pro, flamma densum fumum agit, major hodie ignis accensus est. *Flamiae trepidant rotantes* (ita jungere praestat), trepide h. celeri motu in altum agunt fumum, adeo, ut *rotetur*, turbinibus convolutus altum petat; auget luculentioris ignis ideam. — *Sordidum*, vel simpli- citer *nigrum*, vel *sordes tecti fastigio inserentem*. Ita *culenen multo lumine sordidum vocat Stat. Silv. IV. 5. 14. Martial. VII. 2. 5. Pinguescant madido tetri nidore Penates, flagret et exciso festa culina jugo*. Ceterum de fami receptaculis cave h. l. co- gites, quae multo senioris sunt temporis. Vid. Beckmanni Ge- schichte der Erfindungen cet. Vol. 2. p. 391. ubi de hoc ipso loco dispexit.

v. 13. *Quibus advoceris gaudiis*, ad quae gaudia, ad quem festum diem hilariter agendum voceris. *Gaudia*, ut IV. 12. 21. ad quae si properas gaudia. — 14. Scito, *Idus Apriles esse*, quae tibi agendae sunt; quas te apud me celebrare oportet. *Agere* diem festum, vel pedestri orationi consentaneum. *Pro Idus Apriles est*, qui dies *findit*, iduat, dividit, medius est mensis Aprilis. *Iduum* etymon a poeta tangi, in promtu est intelligere. Macrob. Stat. I. 15. *Nobis illa ratio nominis vero propior aestimatur*, ut *Idus vocemus diem*, qui mensem dividit. *Iduare enim Etrusca lingua dividere est*. Veneri sacrum fuisse mensem Apriliem, satis constat. Causam rei venuste designat poeta epith. *marinae ἀναδυομένης*, e mari isto mense exortae. Tunc enim *cruore de superno spumeo Pontus globo caerulas inter catervas, inter et bipedes equos fecit undantem Dionen de maritis imbribus*. Pervigil. Ven. 9 sqq. Idem innuere videtur Ovid. Fast. IV. 60. 61. *Veneris mensem Grajo sermone notatum auguror: a spumis est dea dicta maris.*

v. 17. *Idus Maecenatis natales*. Sententiam, quae nullum paene ornatum admittere videbatur, vide quomodo nobilitaverit poeta, adsperso pietatis colore. — *solemnis*, in festis habendus mihi. — *sanctior*, majori religione colendus, magis celebrandus proprio natali die. Tibull. IV. 5. 1. *Qui mihi te, Cerinthe, dies dedit, hic mihi sanctus, atque inter festos semper habendus erit*. Neque injucundum erit cum Nostro comparare Censorin. de Die nat. c. III. *Quum singuli homines suos tantummodo proprios colant natales; ego tamen duplici quotannis officio hujusce religionis adstringor*. Nam quum ex te tuaque amicitia honorem, dignitatem, decus atque praesidium, cuncta denique vitae praemia recipiam; nefas arbitrer, si diem tuum, qui te mihi in hanc lucem edidit, meo illo proprio negligenterius celebravero. *Ille enim mihi vitam, hic fructum vitae atque ornamentum peperit*. — *ex hac luce, inde ordinat, digerit, numerat annos aetatis suae*. — *adfluentes, succrescentes, deinceps accedentes*. Sed alterum quaesitius propter adjunctam copiae notio nem, quod ad Maecenatis, vitae cupidissimi, animum magnam vim habet. — *meus, quanta in brevitate ἐνάργεια!*

v. 21. Occupat poeta, quae forte Phyllidem detentura sint, quo minus commodam sese ei praebeat, adlatis, quae ei rem persuadeant, argumentis. *Telephum*, ejus animum *occupavit*,

in amorem sui pertraxit, ut tibi vacare nequeat. — *quem tu petis*, expetis, cuius amore flagras; ut I. 33. 13. *me melior quam peteret Venus*, et saepe alibi. In seqq. praeclare adornata omnia ad Phyllidem a vano isto capiendo Telephi conatu absterrendam. *Juvenem non tunc sortis paullo acerbius*, adposite tamen, quo incepti vanitatem penitus intelligat, pro, magnae fortunae nobilitatis juvenem; tum puella, quam amat, *dives et lasciva*, insignis protervitatis, quae per juvenilem aetatem miras illecebras habet; ideoque *tenet*, detinet *Telephum grata compede vincatum*, irrefutam amore sui habet, quo sibi beatissimus ille videtur. Vincula, compedes de amore frequenter admodum poetis in usu. Tibull. I. 1. 55. *Me retinent vincum formosae vincula puellae*. Adde Ei. I. 9. 79. Δεσμὸς ἀλυκτωτός δὲ εοδη Incert. ep. XVIII. 2. (Anal. Br. III. 154.)

v. 25. Quam periculosa res sit, majora, quam quae sibi convenient, expetere, Phaethontis ac Bellerophontis exemplo graviter declarat statim poeta. *Phaëton ambustus*, τυεῖς πρὸς στέρνα περιπνῶ ἡμιδηῆς Φαέθων (Apollon. Rh. IV. 598.), κεφαννῷ λαταισαλωθεῖς, pro, exemplum Phaethontis, fulmine a Jove ieci, terret avaras spes, absterrere debet, ne immodicas spes concipiamus, ne nimia concupiscamus. Ita *animum laudis avarum* dixit Noster Epp. II. 1. 179. *caedis avarus* Claudio. XXVI. 606. — De Bellerophonte, a Pegaso, quum rerum successu elatus coelum adfectaret, excusso et in campos Aleios dejecto adi quos lundant intpp. ad Hygin. f. 57. p. 122. Eadem fabula ostendit Pindarus (Isthm. VII. 60 sqq.) vota temeraria, haud impune fieri: τὰ μικρὰ δ' εἴ τις παπτίνει, βραχὺς ἐξικέσθαι χαλκόπεδον Θεῶν ἔδραν. ὅ τε πτεροῖς ἐβριψε Πάγασος δεσπόταν ἐθέλοντ' εἰς οὐρανοῦ σταθμὸν ἐλθεῖν μεθ' ὁμάγυριν Βελλεροφόνταν Ζηνός. Pallad. LXII. 1. (A. Br. II. 420.) μηδὲν ἄγων, τῶν ἐπτὰ σοφῶν ὁ σοφώτερος εἶπεν — — οὐτω Πάγασος ἕπτος ἀπώλεσε Βελλεροφόντην, βουληθέντα μικρῶν ἀστροθέτους κανόνας. — exemplum grave praebat, graviter admonet; ut Propert. IV. 1. 109. *Exemplum grave erit Calchas*. — *ales*, πτερύς, alatus, divinitatis ejus (a Neptuno quippe et Medusa procreati vid. Apollod. II. 3. 2.) argumentum; docte igitur inest oppositio τοῦ *terreni equitis*. — *gravatus equitem*, qui gravate ferret, sessotem haud sustineret Bellerophonem, excuteret, eum, quum coelum petiturum intelligeret, *terrenum*, mortalis conditionis, quem coelum adfectare nefas esset;

summa vis in hoc epitheto. *Gravari dominos similiter Lucan.* VII. 284.

v. 29. Illa te exempla admonent, ut *sequare*, secteris, eligas *te digna*, quae te sequi consentaneam est, sententiose, prote *dignos*, amatores, tuae sorti convenientes; ἐφρά τις τῶν ἐν δυνατῷ φίλοις τῶν εἰπούσιν ἔργων, Pind. Pyth. VI. 163. in simili argumento. — *nefas putando sperare*, neque ulterius spes tuas porrigendo, παταίνειν τὰ κέρων, μεταμορφία Θερίων ἀκράντοις ἔλλισι, Pind. Pyth. IV. 39. majora concupiscendo, quam licet, quam fas est, τὸν καρό δίκαιη γλυκῦν, ut in Bellerophontis exemplo Pind. Isthm. VII. 17. — 31. *Disparem vites*, non tuae sortis juvenes; φίλει δ', οὐκέ τέρπει, τὸν ἔμοισν ἔχειν αἰ, Theocr. XXIX. 20. — et in meo potius amore adquiescas, quem perpetuum tibi polliceor. Praeclare hanc sententiam seqq. intexit poeta. *Age jam*, quapropter da te mihi, ades mihi in celebrando Mae- cenatis natali. *meorum amorum finis*, cuius amorem non nisi morte deponam, in qua amores meos finiam. — *alia calebo*, ali- us amorei expetam, nota loquendi ratione. — 34. *condisce mo- dos carmjnum*, quae *reddas voce*, canas (ut IV. 6. extr. *ego diis amicum* — *reddidi carmen docilis modorum v. H.*) festo isto die. Quo quidem *carmine*, cantu minuuntur curae, nos hil- lariter istum diem traducamus, agamus; nihil amplius. Sed per gnomen expressa sententia, more Nostro perquam familiari. Ma- le *curas nonnulli ad Phyllidis improsperum amorem Telephi tra- hunt*. Ad rem Calpurn. XI. 19. *Cantes, amat quod quisque: le- vant et carmin curas.* — *atracē, tristes.*



## ARGUMENTUM XII.



*Admodum sapere sibi visi sunt nonnulli viri docti, qui ad Virgilium quendam myropolam vel omnino mercatorem, neutiquam autem ad sacrum illum vatem, Horatium hoc carmen scipsisse contenderent, veriti scilicet, ne lu-*

*cri studio, a quo immunem eum esse negat poeta (v. 25.) sacro illi vati macula quaepiam adspergeretur. Sed huic metui quum justa interpretatione obviam ierimus, atque ipsa Bentleji ratio, quae omnia hujus libri carmina ultra Virgili aetatem rejicit, tam infirmo tali innitatur, ut nullum omnino rei momentum faciat; nihil sane impedit, quo minus illud os sacrum Phoebi, Virgilium poetam, ab Horatio hoc carmine compellatum nobis persuadeamus. Quumque parum recte gravitatem in tam levi argumento desideres; ita familiaritatem, quae Horatium inter atque Virgilium intercederet, in jocos, quos illa utique amat, effusam, hoc carmine luculenter proditam recti quisque judicii facile agnascet.* De coena collatitia cum Virgilio suo ita tractat Horatius hoc carmine, ut, quum vinum se praebitum spondeat, ab eo unguentum (at quantillam rem ad ingentem vini cadum!) conferri postulet, si que conditio placeat, statim ad se, missis omnibus, quae convivium moratura sint, cum isto advolet, adjectis, quae ad illud compellant, argumentis, a sicciore anni tempestate (1 — 12.) vitaeque brevitate (26 sqq.) desumtis. Propter v. 15. (juvenum nobilium cliens) recte Sanad. hoc carmen ante a. DCCXXXV. collocat. Cf. Catull. s. XIII. ejusdem argumenti, hilarioris-que incessus.

#### A d n o t a t i o n e s.

v. 1 — 12. Cum suavissima hac veris descriptione compassasse juvabit Nostri I. 4. init. et IV. 7. init. Procedit Ver cum pompa sua (quam magnifice descriptam vide apud Lucret. V.

736. sqq.) ; e qua poeta satis habet adponere *animas Thracias*. Θρυξίς πνοής (Aeschyl. Agam. 665) Aquilonem. Alias in comitatu Veris est Zephyrus (unde *pater veris* Claudio audit XXXIII. 240) maxime ubi illud a mari pacato navigationique iterum patefacto designatur, ut h. l. Ita v. c. Meleag. CX. 9. ἥδη δὲ πλώουσιν ἐπ' εὐρέα κύματα ναῦται πνοῇ ἀπημάντῳ Ζεφύρου λίνα κολπώσαντες Cf. ad I. 4. init. Adde Macer Agentar. XXIV. 3. A. Br. II. 272.) in veris descriptione ad Nostrum plane attemperata: χειρῶνες ἀπέδημον, ἄρτι δὲ κύμα γλαυκὸν θηλύνει περῆγελως Ζέφυρος. ἥδη καὶ φιλότεκνος ὑπὸ τραυλοῖς χελιδῶν χείλεσι καρφίτην πηλοδομεῖ θάλαμον. ἀνθεα δ' ἀντέλλουσι κατὰ χθόνα. Satyr. Thyilli epp. vide ad v. 5. Unde et h. l. Zephyros plerique intelligendos statuunt, quos etiam Homerus Θρύκηθεν spirare (Il. IX. 5.) perhibuerit. Sed indocta haec intpp. disputatio, et recte alii Aquilones eos assumendos ponunt qui veris initio flare incipiunt, ut diserte Colum. XI. 2. 21. X. Cal. Mart. venti septentrionales, qui vocantur *Ornithiae*, per dies XXX. esse solent; tum et *hirundo* advenit. Aristot. de Mondo c. IV. οἱ δὲ Ορνιθιαι καλούμενοι ἐφινοί τινες ὄντες ἀνεμοι, βορέαι ἔσοι τῷ γένει. Jam quod simplicissimum fuerat, jam spirant verni Aquilones, hoc poeta suavissima pictura animavit, quae ipsa in veris notatione solennis est. Vid. ad I. 4. 2. — *mare temperant*, mitigant, componunt, λειπίνουσι, hibernis fluctibus tumidum. — 2. *impellunt lintea*, λίνα, intendunt, κολπούσι, vela, sicque nave in *impellunt*, promovent; graphicē prorsus pro, mare navibus aperiant. — 3. *Prata non amplius rigent*, horrent (quod proprium hiemis. Illustravit loquendi rationem Heins. ad Ovid. Fast. I. 498.), gelu adstricta sunt; inversa ratione pro, virent, floribus amicta sunt, et hoc pro universo, jam germinant, flore se induunt omnia. Cf. I. 4. 4. — *nec flurii strep. turgidi*, ornate pro non turgent, exundant *nive hiberna*, aquis ex nive soluta collectis aucti, detumuerunt; quae adultioris veris significatio est. Vid. ad IV. 7. 3. *derescentia ripas flumina praetereunnt*.

v. 5. Hirundinis in veris adventu frequens poetis mentio. Eodem ornatu Antip. Sid. XXXVII. 3. (B. Br. II. 16.) ἥδη δὲ πλόσσει μὲν ὑπώροφα γυρὰ χελιδῶν σικία, λειμῶν δ' ἀβρὰ γελᾷ περιτάλα. Satyr. Thyill. V. (A. Br. II. 277.) eadem veris adumbratione: ἥδη πηλοδομεῖσι χελιδόνες, ἥδη ἀν' οἴδμα κολποῦται μαλακὰ σις οἰδόντες Ζέφυρος. ἥδη τὸ λειμῶνες ὑπὲρ πετάλων ἔχειντο ἀνθεα, τὸ

τρηχὺς σῖγα μέμυκε πόρος. Cf. ejusd. ep. VI. init. Docte autem poëta tem mythicis exornatam dedit coloribus. De fabula ipsa exponere hujus loci non est; adeant, quibus opus est, Ovid. Met. VI. 212 sqq. et SS. mythographos, eorumque intpp. — *Ityn* *flebiliter gemens*, flebili cantu Ityos necem lugens, παῖδ' ὀλοφυρομένη Ἰτυλον φίλον (Homer. Od. XVI. 522.) ob vocem querulam. Splendide Aristoph. Avv. 210 sqq. χύσον νόμοντι ιερῶν ἔμπων, οὐδεὶς διὰ θείου στόματος Θρηνεῖ, τὸν ερῦθρον καὶ σὸν πολύδακρον Ἰτυν ελεισθομένη διεροὺς μάλεσι Pamphilas I. 1. (An. Br. II. 258.) κάχμορε κοῦρα, μυρομένα κελαδεῖς τραυλὰ διὰ στομάτων, secentus Mnasalc. IX. 1. (A. Br. II. 193.) Τραυλὰ μινυρομένα, Πανδίοντι παρθένε, φωνᾷ cet. — *Cecropiae domus aeternum opprobrium*, καὶ τὸν ἔλεγχος, ὄνειδος (ut saepius Homerus; v. c. II. II. 235. V. 787. et inde alii) pro, quae aeternam infamiae notam inuesit, infamem reddidit *domum Cecropiam*, gentem Atticam, quod male, crudeli, immanni scelere ulta est libidines libidinem barbaram, infandam, cum immanni crudelitate expletam. — *regum*, Terei, regis Thraciae. Vulgarius erat, regiam libidinem, quae nonnisi in regiam h. impotentem, saevam dominationem, quae sno omnia jure agit, cadere potest. Unde *regum* generatim poëta extulit.

v. 9. Dulcissimum tetrastichon, quod suavissimos veris tabulae colores adsperrit; quod mire ad blandiri debuit Virgilio, poetae bucolico. Vide autem, quam docte variaverit illa: *Ac neque jam stabulis gaudet pecus* I. 4. 3. *Pastores dicunt carmina fistula*, canunt fistula, ut. Theocr. XX. 29. καὶν αὐλῆ λαλέω, καὶν δένακτι, καὶν πλαγιαιλῷ et supra III. 4. 1. *dicere melos tibia*. — *in gramine tenero*, vere renato, quod suaviter hoc epitheto indigitatur. Suavem pastorum cantum suavi Panis auscultantis adumbrat phantasmale. Pro Pane docte est *deus*, cui *pecus.... placent*, qui pecoris custodiam gerit, et cui *placent*, (ut Calim. II. Dian. 187. πελιῶν δέ τοι εὐαδείς Πέργη, Τηγύετον δ' ἐρέων) qui libenter commoratur, cui sacri sunt *nigri*, umbrosi (ut *nigrae silvae* I. 21. 7.) *colles Arcadiae, Lycaeus, Cyllene*, alii, unde Πάν Λυκαῖος, Ἀρκᾶς, Ταραγράῖος cet. dictus.

v. 13. A calore verno qui sub Italiae coelo gravior est, suaviter potandi causas derivat poëta, ut III. 29. 17 sqq. — *tempora*, anni tempus *adduxit sitim*, excitavit sitim, bibendi nos admonet; unde ὥρα δίψιος de aestate apud Graecos. — 14. Sed, enimvero, si *gestis ducere*, Ἑλκειν (vid. ad III. 3. 34.), bibere

*Liberum, vinum Calibus pressum, Caleno praelo domitum (ut I. 20. 9.), Calenum. 15. Juvenes nobiles satisprobabiliter intelligent Tiberium et Drusum Nerones, Augusti privignos, quorum clientem lepide Virgilium poeta fert, quod iis familiariter eteretur. Est adeo honorifica appellatio Virgilii, apud summos reip. viros gratiosissimi, qui mollissima ambitionis ejus adspersa est cavillatio. Sed mirifice intpp. argutari videoas.* — 16. *Vinum merebere, redimes, Caleni bibendi tibi copia fiet, nardo, vicissim data, allato nardi unguento; paria faciamus, ego vinum dabo, tu unguenta adferto. Facetior Catull. XIII. De nardo vid. ad II. 11. 16.*


v. 17. *Facete in collatitia hac compotatione haeret poeta, jocoseque Virgilio liberalitatem suam imputat, qui exiguo unguenti vasculo totum vini exquisitissimi cadum opponat. Suaviter igitur parvum onychem opponi vides ingenti vini cado. Onyx factum aliquid ex onyche, ut vas unguentarium, potorium, Plin. VIII. 2. Intelligentum autem marmoris genus, colorem unguis humani referens, alabastri adpellatione frequentatum, e quo maxime vascula unguentaria confici solita. Συρίω δὲ μυρῷ χρύσει ἀλάβαστρῳ Theocr. XV. 114. Cf. Plin. XXXVI. 7. Propert. II. 10. 30. Ejusdem nominis gemmam ad eundem usum (quamquam paullo rarius) adhibitam faisse docet Plin. I. l. c. 8. laudante Boetig. quem omnino vide. Serioribus temp. vitreis vasculis unguenta inclusa fuisse docet Antiphili epigr. VI. 6. (A. Br. II. 170.) νάρδον, ὁπός γλαύχης ελειομένην ἴλλου. — elicit, efficiet, ut descendat codus, demovebit eum; suaviter. Male vulgo, a me elicies.*

— 18. *Qui nunc adcubat, repositus est in horreis Sulpiciis, in apotheca Sulpicii vinaria, unde eum mihi paraturus sum. Plurima talia Romae fuisse horrea, quae magnam vini, olei cet, copiam adservarent singulatim vendendam, satis probabile est; atque in his Sulpicii cujusdam apothecam vinariam maxima fama floruisse, recte ex h. l. colligas. Memorata digna est Porphyronis ad h. l. nota, „Sulpicii Galbae horrea dicit; hodieque autem Galbae horrea vino et oleo similibusque aliis reserta sunt.“ — 19. *Codus laetitiae dator! largus donare, graece, ad donandum spes novas, quo poto animus nova spe extollitur; tu spem reducis mentibus anxiis, de amphora III. 21. 13. — efficax eluere, ad eluendum ex animo, abstergendum amara curarum, amaras caras, ad exhilarandum animum Senec. de Tranqu. An. XIV. nonnunquam, et usque ad ebrietatam veniendum —; cluit enim**

*ruras, et ab imo unum movet. Mala vino lavere similiter est III. 12. 2.* ubi plura notata vide.

v. 21. Si ad haec gaudia, ad hanc convivii laetitiam properas, ejus particeps esse cupis, si haec conditio tibi placet, hanc legem accipis. Ad solam voluntatem spectat τὸ properas per consequens expressam, ne ineptum acumen sententiae inferatur, si properas, propera, quod subjicitur. — 22. *velox veni*, advola cum tua merce, unguento nardino, e Syria missa. Cf. II. 11. 16. Alii unguentum mercem dici statuunt, quatenus vinum eo Virgilius redempturus sit; quod longius petitum videtur. — non ego meditor, animus non est, plena dives ut in domo, quod quidem divites facere solent, te meis poculis tingere, vino te meo irrigare, τέττησιν inebriare, pro vinum praebere tibi immuni, ἀσυμβόλω, ita ut nihil de tuo conferas. — *domus plena* de magna opulentia, ut plenae Arabum domus II. 12. 24. ubi vide.

v. 25. *Pone moras et studium lucri*, duobus explicari modis potest, poeta haud indignis; vel, ne detinearis, lucri in emenda nardo faciendi studio, ut lucreris aliquantulum, salubri eam emendo pretio, quo compotatio differatur necesse est; vel, quod praestat, ne diu expendas, uter nostrum in hac collatione aliquid lucelli faciat. Reliqua, quae intpp. h. l. adferunt, futilia sunt, ac prorsus ridicula. — 26. *Memor ignium nigrorum*, rogi, adeoque mortis. *Nigri*, quatenus ad res inferas pertinent, ut *invisae cupressus* II. 14. 23. *Ignes atros* eodem sensu Ovid. Fast. II. 561. Lucan. II, 299. Ad extintas rogi favillas male referunt nonnulli. — 27. *Misce, immisce, dum licet* (ita junge), *stultitiam brevem*, paullulum, in aliquod tempus, *stultitiam h. hilaritatem, consiliis, severioribus studiis*: omittit aliquantis per seria, atque lusibus, convivique hilaritati vaca. *Insania, dementia, μαλεσθαι* vocabula propria effusioris laetitiae, quae h. l. stultitia est, ex opinione morosorum hominum. — 28. *Dulce est desipere, insanire, hilaritati se dare, genio indulgere, in loco, εν καιρῳ, aliquando, suo loco ac tempore*. Callim. ep. XXXVII. 2. εῦ δ' οἶνῳ καιροὶ συγγελάσσαι. Ducta vero ex Anacreonte (XIII. 12.) θέλω, θέλω μανῆναι, vel alio Graeco poeta sententia; ut colligere est ex Senec. de Tranq. An. in fine: *Sive Graeco poetae credimus, aliquando et insanire jucundum est.*



**ARGUMENTUM XIII.**

---

*Quum Lyce quaedam, quae amatores suos olim admodum superbe habuisset, aetate in senium vergente ultro jam, deposita arrogantia, juvenum amores expeteret, puellaremque procacitatem ac lasciviam in summa deformitate anili prae se ferret; Horatius, et ipsius rei foeditate, in qua admodum difficile est, Satyram non scribere, et vero maxime, quod ipse quondam fastidia ejus expertus esset (cf. III. 10.), ulciscendi studio commotus atque incensus improbos lascivae hujus vetulae mores hoc carmine ita depexos dat, ut primarium omnino illud ejus generis exemplum haberri debeat. Adeo omnes colores tincti sunt felle plus quam Archilochio! Quam amarulentum statim in exordio poetae gaudium a Lyces deformitate pariter atque impudenti lascivia, quae ei olim imprecata esset, et propter quae jam contemtui risuique juvenibus esset, conceptum! quam acerba post laudatam Chiae floridam pulchritudinem turpitudinis istius, per partes expensae, irrisio, pristinaeque, cuius nullum supersit vestigium, formae recordatio! Illud denique, quod Lyce non tam propitiis quam iratis numinibus protecta hac sola de causâ ad extremam senectutem perveniat, ut ridendum suam praebeat juvenibus anilem libidinem, ecquam ad animi feminei impotentiam habere putas efficaciam? Neque vero hac argumenti tractatione inferiores habendae sunt eloquutionis poeticae virtutes, a doctrina, co-*

pia atque ἐνεργείᾳ commendatissimae. Comparent autem cum Nostro Venerum graecarum cupidi Meleagri LXXVII. (A. Br. I. 22.)

### A d n o t a t i o n e s.

v. 1. Initio statim exsultat poeta, voti compos factus. Voti ejus summa erat: ut Lyce cito defloresceret, atque in hac pult chritudinis jactura puellarum lasciviam atque protervitatem prae se ferret, juvenumque fastum vicissim experiretur. Jam pedestre erat: Facta es, Lyce, quod voveram, petnans ac lasciva anus! Sed major διάβολος in disjuncta sententia, ipsa verborum colloca-tione mirifice adjuta. Tum maxima erumpentis gaudii vis in ge-minato priore conimate, maximaque in repetito Lyces nomine irrisio. Audient dii vota, quae rata esse jabent, noto loquendi usu. Vid. ad I. 2. 27. — 3. tamen, quo summam omnium in te indignationem moves, vis formosa videri, formam adhuc tuam jaetas, facis ea, quas tantum formosas puellas addebet. Haec exponit seqq. poeta. — 4. Etiamnum te comissionibus ingeris, in iisque impudens ludis, haud pudet te vetulam puellari la-scivia jocari (ut III. 15. 5.), lusus procaliores puellarum imita-ri, bibere (vid. ad III. 15. 16.) et bene potam cantare. Postremum hoc exquisita prorsus acerbitate tinxit poeta! Cantu tremulo, fracta prae senio voce, sollicitas Cupidinem, permovere cu-pis, ut ad te veniat, h. canticis amatoriis juvenes venaris, in amorem tui pellicere conaris, lentum, cunctantem, non audi-entem te, non obsequentem tibi; quatenus irriti Lyces in juve-nes adsultus erant. Cantum tremulum fere διλόγως accipiunt, qui et per aetatem et per libidinem tremit; vix bene. Ad senten-tiam Tibull. I. 2. 89. Vidi ego, qui juvenum miseros lusisset amores, post Veneris vinclis subdere colla senem; et sibi blan-ditias tremula compōnere voce.

v. 6. Praeclare continuatur Amoris lenti imago, novis, quibus Lycen acriter pungeret, coloribus illustrata. Enimvero ille desidet apud Chiam (nomen puellae proprium puta), liben-ter ibi moratur. Venuste admodum ac graeca plane suavitate mo-

rae istius causas, Chiae pulchritudinem, expedivit poeta. — *vi-*  
*rentis*, floridae. aetatis puellae; vid. ad I. 25. 17. — 7. *doctae*  
*psallere*, fides pulsandi, iisque accinendi. *Dulces docta modos*  
*et citharae sciens* III. 9. 10. — 8. *excubat*, insidet genis pul-  
*chriti*; suavissima designanda eximiae pulchritudinis, quae con-  
*tinuo oculos atque animum in se defigit, imagine, a Graecis de-  
*sumta*. Sophocl. Antig. 796. 'Ερως — — ἵστηται μαλακῶς παρεῖται  
*νευρίδος ἐννυχεύεις*. Simplicior Phrynicus apud Athen. XIII. p.  
604. λάμπει δ' ἐπὶ πορφυράσι ταρπῆται φῶς Ἐρώτος. Plato VI. 2.  
(A. Br. I. 170.) de formosa vetula: οὐ καὶ ἐπὶ ρυτίδων δρίμυλος  
ἴζεται Ἐρως. Aristaen. II. 1. ἀπηνθηκότι σωματίῳ πέφυκε προσιγγί-  
νειν ὡς Ἐρως. οὐδὲ ἀν εὐανθέσ τε καὶ εὐῶδες οὐ, ἐνταῦθα καὶ ἐνιζάνο  
καὶ μένει. Oculos Amori sedēm attribuit Meleag. XCI. 10. (A.  
Br. I. 26.) οὐ με λέληθες, τοξότα, Ζηνοφίλας σύμμαχοι κρυπτόμενος.  
Ita et Alcimus in Anthol. Barm. I. p. 546. *O blandos oculos* —  
— *illic et Venus et leves Amores*, atque *ipsa in medio sedet*  
*Venustas*. Eadem imaginem ad Horam traduxit Pind. Nem.  
VIII. 3. ἀτε παρθενίσται καὶ παῖδων ἐφίζοισα βλεφάροις cet. Unde  
Alciphron III. 65. πρόσωπον αὐτῷ τὰς Ὡρας αὐτὰς ἐπικαθημένας  
ἴχει, Ita et Gratias oculis ἐγκαθιδρυμένας singit Aristaen. I. 1, eas-  
demque ἐνορχουμένας ταῖς παρεῖται Alciph. III. 1. p. 274. at Stra-  
to XXIII. 3. (A. Br. II. 364.) σεῖο περισκιρτᾶσι πρόσωπα τοξόβολοι,  
ψυχέων ἄρπαγες ἀλλοτρίων.*

v. 9. Amor enim, aspernatus vetulas, merito te, anile dede-  
cens, fastidit. Etiam in hujus sententiae enuntiatione graeca om-  
nia. Pro tenui, ille, docte et cum irrisione est, *importunus*,  
quod verbo jungendum, *importuno*, inhumano more *transv.*,  
parum commodum se praehet, morose, fastidiose *transvolat*;  
παρεῖται, praeterit, *aridas quercus*, annosas vetulas, eas con-  
temnit. Quo sensu *praeterire* adhibuit Noster A. P. 342. et Ovid.  
Her. XXI. 179. Met. VIII. 299. *transire* Stat. Theb. V. 26. Quo  
eodem sensu Graeci παρέρχεσθαι, παραδραμεῖν (Theocr. XX. 31.  
τὰ δ' ἀστυεὶ μ' οὐκ ἐφίλασεν, ἀλλ' ὅτι βωκόλος ἐμπί, παρεῖδρα-  
με) usurpant. Vid. Abresch. ad Aristaen. II. 16. p. 263. Hinc  
adposite Strato LXXI. 5. (A. Br. II. 375. νῦν δὲ τὸ (χάλλος)  
μὲν ὄιόλωλεν, ἐπήλυθε δ' ή τριχάλεωτος δαιμόν. χοι θέρπης νῦν  
σε παρεγγίμεθα. Pro eo hoc loco est *transvolare*, utpote de  
Amore, puero alato. Callim. ep. XXXIII. Χοίμος Ἐρως τοῖοςδε.  
τὰ μὲν φεύγοντα διώκειν οἶδε, τάδ' ἐν μέσσω κείμενα παρείται

ται. Simillima vero sententia atque ornatu est fragm! Anacreontis, quod Lucianus in Herc. 8. (T. III. p. 86.) orationi ita intermiscent: και ὁ Ἐρως σὸς, ὃ Τήιε ποιητὰ, εἰσιδάν με ὑποπολιῶν γένειον, χρυσοφανένοιν πτερυγοῦν ἡ ἀετοῖς παραπετόσθω, και ὁ Ιπποζλείδης εὐ φροντιεῖ. — *aridas*, effoetas senio *quercus* γεράνδρυα; proverbialiter, de extrema senectute. Cf. Diogenian. Cent. III. 77. Adposite Aristaenet. II. 1. δίδον τοῖς σοῖς ἵπποιν τὴν ἄπαν τρυγῆν, μετ' ὀλιγον ἔσῃ γεράνδρυον, Myrinus II. 1. (A. Br. II. 107.) Τὴν μαλακὴν Παφίν, Στατύλλιον ἀνδρόγυνον, δρῦν ἔλκειν εἰς Ἀΐδην ἥντικ' ἔμελλε Χρόνος cet. ad quem illustrandum Toup. (Emend. in Suid. T. III. p. 280.) docte laudat Artemid. II. 25. Δρῦς δηλοῖ και πρεσβύτην διὰ τὸ πολυερές. Cf. et Abresch. ad Aristae. I. 1. Similiter *aridas frondes*, mulieres vetulas opponit *hederae virenti puellaque myrto* puellis floridis suecique plenis Noster I. 25. 17. ubi nos vide. — *refugit*, cohorscit foedo tuo adspectu, fastidit, contemnit te. In repetito te magna acrimonia est, uti et in speciali terti vultus delineatione. *Teluridis*, nigris dentibus, te *rugis accanis turpem*, deformem. Pro cannitie poeta *capitis nives*, caput nive conspersum posuit, graeca audacia. Diogenis Laert. in Bianta (quod Antipatro alii tribnunt) quod exstat in Anthol. Brod. III. p. 422. τῇδε Βίαντα κέκενθα, τὸν ἀτρέμας ἦγαγεν Ἐρμῆς εἰς Ἀΐδην πολιώ γηρᾶς νιφίμενον, laudavit jam Lamb. Adde Antip. Thess. XXI. 5. (A. Br. II. 114.) τίθει δέ μιν, ὡς πρό γε τοῖον, ὡς αὖτις πολιώ γήρας οἰστομενον. Respexit hunc locum Quintil. VIII. 6. *Sunt et durae translationes*; i. e. a longinqua similitudine ductae, ut capitis nives.

v. 13 sgg. Neque vero adscitius ornatus operosusque cultus, quod reris, juventutem reparat, pulchritudinemque revocat. Venuste in hanc rem Lucian. VI. 1. (Anal. Br. II. 309.) τὴν κεφαλὴν βάπτεις, τὸ δὲ γῆρας οὐποτε βάψεις, οὐδὲ παρειάων ἐκτανθέσεις ρυτίδας. μὴ τοίνυν τὸ πρόσωπον ἄπαν φιμύθῳ κατάπλακτε. — — οὐδὲν γάρ πλέον ἔστι. τὶ μαίνεται; οὐποτε φύκος και φίμυθος τεύχει τὴν Ἐκάβην Ἐλένην, Ornatus duas ponit species poeta, vestem Coam et margaritas. Illa e subtilissima bombycum, quos Cos, Aegaei maris insula, aleret, lanugine conficiebatur, in summoque pretio habita erat. Unde in munditiis muliebribus solennis ejus mentio. Tiball. II. 53. *Illa gerat vestes tenues, quas femina Coa texuit, auratas dispositaque vias.* Adde Ei.


II. 4. 29. Nostrum Serm. I. 2. 101. Propert. I. 2. 2. II. 1. 5.  
IV. 5. 23. Ad rem cf. Plin. H. N. XI. 23. Pretiosiorem hanc vestem facit poeta purpura, qua tincta esset; quod subinde factum vel ex h. l. adparet. Forte aliam quoque tingendae vestis tangere causam voluit poeta, nimirum, ne, quum esset pellucida (Serm. I. 1. *Cois tibi paene videre est ut nudam*), exsucca atque senilia Lyces membra proderet. — *lapides clari*, pellucidi uniones, margaritae, lucida concha Tib. II. 4. 30. *lapidum fulgor* Virg. Cul. 64. *lapis simpliciter vocatus* Tib. I. 8. 39. — *tempora*, quae semel praeterierunt, aetatem juvenilem. Proprietates per tempora gestae fastis includuntur s. designantur, quibus tamen notandis ipsum tempus praeterlapsum digeritur (unde Ovid. Fast. I. 1. *Tempora cum causis Latium d'gesta per annum*) atque consignatur. Jani pro vulgari; quae fastis condita s. inclusa (nam alterutrum sufficerat) sunt, doce *Dies*, tempus ulterius proiectum ea condit; quatenus hic ipse processus temporis facit, ut consignari praeteritum necesse sit. — *notis*, quatenus rerum antiquitus gestarum memoriam servant, earum notitiam posteritati tradit. — *volucris* v. III. 28. 6.

v. 17 sqq. Amara irrisione, quam simulato dolore (*heu!*) exacerbat, continuat poeta vv. 10. sqq. sententiam, ita inflexam, ut ne tantillum quidem pristinae formae in Lyce residuum adparere dicat. Quae ipsa priscae pulchritudinis recordatio cum per se magnam ad urendam Lycen vim habet, tum gravior ad animum est, per partes diducta, maxime oratione ad ipsam Lycen conversa, atque interrogationibus praecipitata, plane ut in Rufini ep. XXXVII. 1. (A. Br. II. 399.) ποῦ σοι κεῖναι, Μέλλισσα, τὰ χρύσεα καὶ περίστα τῆς πολυθρυλήτου κάλλεα φαντασίης; etc. — *Venus*, formae venustas, gratia. — *Colorem* non ad genas tantum sed omnino ad totius corporis florem (*σῶμα εὐχρόον*) vegetamque formam referre praestat; etiam propter seqq. — *decens motus*, in habitu corporis atque incessu. Nam in hoc decuss spectatur. Tib. IV. 2. 8. *Illam, quidquid agit, quoquo vestigia movit, componit furtim subsequiturque Decor.* Ovid. A. A. III. 299. *Est et in incessu pars non temnenda decoris* — — *haec movet arte latus* cet. — 18. Nihil plane reliqui tibi est, quo olim in amorem tui rapiebar. *Quid habes illius, quae spirabat Amores facies?* dictiore structura pro, *quid amplius habes, quantum restat illius faciei, quae spirabat Amores,* amoris illecta-

mento; *grecorum venustate.* Hesiod. Scut. 8. Της καὶ ἀπὸ κυρῆς,  
βλεφάρων τὸν ἀπὸ κυανεάνων τοῖον ἢ οὐδὲ τε πολυχρόνου Ἀφροδίτης.  
Hinc suaviter Anacr. (Steph. poett. lyr. p. 142.) παιδαὶ ἀπλήν  
νοικιάν οὔλην πνέουσαν. Philodemus, Horatii deliciae XXIII.  
5. χρὼς ἄρρενιδωτος ἔτι ἀμβροσίην, ἔτι Πειθῶ, πάσας ἔτι στάζοι  
μυριάδας Χαρίτων. Eodem sensu Paulus Silent. IX. 1. ὄμρατα di-  
cit πόθου πνείοντα, A. Br. III. 74. — 20. quae me ita amore  
accenderat, ut in me vix compos essem: tralatitia vehementissimi  
amoris significatione. Nota Sapphus; τὸ μοι τὰν καρδίαν ἐν στήθε-  
σιν ἐπτόποσαν, et inde Catulli: *misero quod omnes eripit sensus*  
*michi.* Archiloch. XXIV. (A. Br. I. 44. Τοῦτο γὰρ φιλότητος ἔρως  
ὑπὸ καρδίην ἐλυσθεῖς πολλὴν καὶ ἀχλὸν ὄμρατων ἔχεις κλέψας ἐκ  
στῆθεών ἀπαλὰς φρένας. Apollon. Rh. III. 289. de Medea, amo-  
re saucia; καὶ οἱ ἄγνοι στήθεων ἐκ πυκινοὶ καράτῳ φρένες. Add-  
Strato XXIII. 4. (A. Br. II. 364.) Nostrum imitatus est Auctor  
ep. CCLXVI. L. III. Anthol. lat. Burm. T. I. p. 687. *Me mihi*  
*surripuit contraria flamma sororum, pulchra Theis oculis, ore*  
*nigella Melas.* — 21. *felix*, eximia prorsus post Cinaram, quae  
soli Cinarae pulchritudini cederet, inferior esset, hincque nota,  
fama hominum et carminibus celebratissima. — et artium gra-  
tarum, „quae oculis, nutu superciliorum, cervicis volubilitate,  
capitis gratia, totius denique corporis motu placet“ ut satis li-  
beraliter adnumerat schol. Cruc. Verbo igitur, *artes gratae* sunt  
illecebrae, quibus in amorem rapimur. Propert. I. 4. 13. *Inge-  
nius color, et multis decor artibus.*

v. 22. sqq. Sed fata breves annos, breve vitae spatium Ci-  
narae dedere, concessere; Cinara mature obiit; molle in hoc  
adīos. — 24. Te contra ideo fastidit Orcus, ut in summum juve-  
num contemptum adducereris, largam juvenibus ridendi copiam  
præheres; acerbe admodum. Observa doctam cum antecedenti-  
bus orationis connexionem: eadem fata servatura Lycem, vitam  
Lyces extentura, prolongatura, parem temporibus cornicis vet.,  
eo usque, donec aequaret annos cornicum. De cornicium longae-  
vitate nota res. vid. III. 17. 13. Similiter γρεῦν τριχόρων vocat  
Agath. VII. 1. (A. Br. III. 35.) et Lucilius XXXI. (A. Br. II.)  
323.) Λαϊδαὶ κορσυκάβην Myrin. IV. 2. (A. Br. II. 108.) — 26.  
Tibull. I. 6. 81. de tali vetula: *Hanc animo gaudente vident ju-  
venumque catervae commemorant merito tot male ferre senem.*  
— possent visere non sine risu; ut riederent juvenes fervidi ae-

tate, perpetuo juvenae epitheto; uti frigus senio proptium. — 28. *Facem pulchritudinis tuae, qua juvenes olim accendebas, in cineres dilapsam, redactam, versam, exustam.* Eadem suavitate Meleag. XLIV. 2. (A. Br. I. 15.) πυρχυγῆς περὶ ποτε, νῦν δὲ ἡδη διλός, Ἀωλλοδότες. Auxit rei speciem Martial. III. 93. 19. *Virumque demens cineribus tuis queris prurire;* et X. 90. 2. *Quid busti cineres tui lacescis?* Hinc σβεννύντι, de obsoleta forma! Rusin. VIII. 1. (A. Br. II. 392.) Οὐκώσου τὸ καλὸν χρόνος ἐσβέσεν, — — αἱ πότσους κατέφλεξε τὸ περὶ Θεοπίκελον ἔνθες. Vid. eurditam Ruhnkenil notam ad Tim. p. 40. Ceterum orationis colorem a Nostro mutuatus est Lucil. Jun. Aetn. 421. *in cinerem putresque jacet dilapsus arenas.*



## ARGUMENTUM XIV.



*Quamquam in eodem fere, quod quarto hujus libri carmini subjectum est, hocce occupetur argumento, neque tractationis plane dissimilis ratio sit, quandoquidem in utroque laudes Drusi ac Tiberii bellicas ad Augustum exquisita sensuum conversione referri videas; diversa tamen, qua ad eundem scopum contendat, via poetam incedere animadvertis. In altero enim, quum, praeter generis nobilitatem, institutioni potissimum ac praeceptis Augusti magnitudinem ac gloriam Neronum innixam ostendisset; summam laudum hoc carmine in Augustum ducto ab auspiciis h. jussu, copiis, consiliis ejus, quibus tantas istiores confecissent, arguento, convertit. Quamquam autem nostrum ad alterius majestatem non adsurgat; satis tamen nervorum atque dignitatis omnino pro argumenti gravitate*

*habet, tum maximum conspicuum est eloquitionis ornatū, numerisque, nunc rapidioribus, nunc remissis, prout argumenti postularet indoles. Jam, quo rerum ab Augusto gestarum magnitudinem amplissimamque in rem publicam merita quam splendidissime representaret poeta, a Senatus populi que universi studio, in excogitandis novis, quibus Augustum ornarent, honoribus occupato. (de quo vid. Dio LIV.) exorsus, vix ullos reperiri posse contendit, qui pares ejus sint virtutibus. Ita naturalis ad Augusti laudes progressus erat, quas quidem ita deinceps explicat, ut exposita, amplissimeque, ut quae proxima Augusti extollendo materies esset, exornata recentissima ejus, quam de Vindelicis per Tiberium reportasset, victoria, gentiumque ab eo devictarum recensum acto, Augustum inde totius orbis terrarum pacatorem atque Deum ἐπιφέρον magnifice repreäsentet. Ad a. U. c. DCCXLII. quo novis quaesitioribusque Augustum redditurum Senatus ornandum decrevisset honoribus, referendum esse hoc carmen, ipsum ejus abunde adserit initium.*

### A d n o t a t i o n e s.

v. 1. Poetam rerum ab Augusto gestarum magnitudine attonitum intimeque percitum satis vivide exordium statim ostendit. Vulgarem sententiam: Augusti in rem. Romanam merita ampliora sunt, quam ut iis dignus parque honos haberi queat, per se splendidam, Augustoque honorificentissimam, vide qua ἐπεγγελα amplificaverit Horatius. Quanta autem cum vi, quae cura cet. pro, quantumvis Patres ac Quirites, h. Senatus populusque Romanus in exquirendis honorum muneribus, h. honoribus in Augustum conferendis laborent, omnemque ingenii sollertia adhibeant, plenos tamen, h. eos, qui exacte respondeant Augusti virtutibus,

exaequent ejus merita, vereor ut reperturi sint. Facile perspicitur, τῷ plenis totius sententiae vim subjici oportere. Jam pro, honores in Augustum conferre, multo significantius et ad immortalia Augusti opera designanda delectius est. A. *virtutes in aevum aeternuare*, h. ita celebrare, ut ipsarum memoria in aevum perduret, aeternitati consecrare congerendis in eum honoribus, iisque (nam ἐπεζηντικῶς haec subjici putanda) titulis s. per titulos ac memores fastus proditis; quae quidem fere honorum, quibus cives de patria optime meritos ornare solerent Romani, erant genera. Nam tituli h. l. complectuntur monumenta publica, statuas, arcus, numimos cet. quibus incisae epigraphae momoriā ejus, cui honor iste haberetur, ad posteritatē propagabant. Cf. III. 34. 27. *Fasti* autem (pro quo *fastus*, antiqua forma, adhibuit poeta, teste Prisciano VI. p. 711. quod antiquo verbo *aeternet* praecclare convenit) et rerum praecclare gestarum et honorum publice ideo decretorum notationes continebant. Ad posterius h. l. retulerim, quum de praemiis Augusti virtuti decernendis hic agatur. Adpōsite Ovid. Fast. II. 15. τὰα prosequimur studioso pectore, Caesar, nomina, per titulos ingredimurque tuos; et apertius, commemorato uno honoris genere, idem Fast. I. 9. *Invenies illic et festa domestica vobis: saepe tibi pater est, saepe legendus avus;* vid. et, qui ibi sequuntur vv. 13. et 15. — memores, docte, ut III. 17. 4. Nostrum respexit Symmach. Epp. X. 32. Certe ille est Praetextatus, quem jure Consulem fecerat, ut fasti memores celebre nomen extenderent.

v. 5. Qua parte, quascunque oras terrae habitabiles Sol illustrat, per universum terrarum orbem, qua est habitabilis, τὴν οἰκουμένην; nam extremae terrarum partes extra Solis vias, positae. Cf. Virg. Aen. VI. 797. et ibi Heyn. Jam si de sententia loci, de qua tamen parum sollicitos videas interpretes, curate quaeras; facile intelligas; nihil insulsius cogitari posse hac Lambini explicacione: principum, qui terrarum partes habitabiles incolunt, maxime! Neque accipiam cum quibusdam, cui totus terrarum orbis subjectus est; sed representatur Augustus princeps plane egregius (ut I. 6. 11. III. 25. 4.) unicus (III. 14. 5.), cui nemo per totum terrarum orbem par inveniatur, cuius adeo in reimp. meritis par honos haberi vix queat. Principis igitur solennis adpellatio Augusti habenda, et summa vis ponenda in τῷ maxime. — 7. Qui modo Vindelicos subegisti, expertes adhuc *Latinae legis* non antea perdomitos a Roma-

nis, his primus pacis leges tamquam victor edixisti. *Edicta Julia* ita accipienda IV. 15. 22. ubi vid. notata. Adde Stat. Theb. I. 19. *adactum legibus Romanis Istrum. Didicere te, quid Marte posses*, graeca structura, Nostro passim frequentata (v. c. I. 17. 24.) pro, *didicere*, graviter experti sunt, *sensere*, *quid*, quantum bello valeres, quae tua in bello virtus esset. *Discere*, ut noscere I. 15. 27. *sentire*, aucta verbi vi.

v. 9 — 13. Sub tuis enim auspiciis Drusus egregie bellum adversus istas gentes administravit. Quum auspiciorum habendorum jus penes eum solum esset, qui cum summo imperio praecesset exercitui, hujusque adeo nomine a legato, cui mandatum bellum esset, omnia gererentur; facile perspicitur; in Augustum, qui summo in perpetuum imperio ornatus solus auspiciorum potestatem haberet, rerum a Neronibus egregie gestarum laudem recidere, Cf. v. 33. Potestatem istam docte designavit poeta *militate tuo*, sub tuis auspiciis adversus hostes duxo. — 10. Rhaetis et Vindelicis substituit poeta *Genaunos et Breunos*, gentes Cisalpinas, istis finitimas, bellique socias (Cf. Strabo IV, p. 316.) quo major ex devictarum gentium multitudine victoriae esset species ac dignitas. — *implacidum genus*, quantumvis trucem ac ferocem gentem; fereut Libyes, *genus intractabile bello* dicti Virgil. Aen. I. 339. Adpositum igitur hoc ad augendam Drusi virtutem ac gloriam. Immanem istius gentis morem, quo (juxta Strab. IV. p. 142.) οὐ μόνον ἀνδροφρενοῦσιν, ἀλλὰ καὶ μέχρι νηπίων ἀρρένων προέρχονται, καὶ τὰς ἐγκύους γυναῖκας κτείνουσιν, οἵσις φαῖεν οἱ μάντεις ἀρρένοντεν, a poeta respici statuit Lamb. et alii. — *Br. veloces*, qui pugnam statariam detrectantes subitis undique in hostes incursionibus facitis in tuta montium sese continuo reciperen, qui adeo difficulter debellari possent. — *arces*, castella, *Alpibus tremendis*, summis Alpium jugis *impositas*, more istarum gentium. — *dejecti*, curiose delectum verbum; nam non solum *arces*, ad quas illud proxime spectat, sed et *Genauni* et *Breuni*, ad quos etiam referendum; pulchre *dejecti* dicuntur, h. ex *Alpibus* deturbati victique (*conjurato dejectos vertice Dacos* dixit Stat. Theb. I. 20. *Et periturorum dejecti tela Gigantum*, Petron. de mutat‡ R. R. 208.) vel simpliciter, prostrati; ut Claudian. XXVI. 164. *qualem Stilicho dejicerit hostem, Thraces et Aemonii poterunt Moesique fateri*. Haud opus igitur Zeugmate. — *acer*, acriter,

fortiter eos adgressus. — *plus vice simplici*, ita ut non vicem tantum hostibus rependeret, sed multo gravius, quam accepisset iis damnum infligeret. *Vices enim, ἀμοιβὴ, illatae injuriae compensatio, ultio.* Vid. ad I. 28. 32. Bene Schol. Cruq., quia plures hostium prostraverat, quam perdidera. Drusus enim laesus pacari non poterat, nisi duplarem inferret injuriam. “Inscite ple- rique, plus quam semel, quod nec latinum nec poeta dignum est. Alii ad seqq. trahunt, et, Virgilium Aen. II. 433. *nec ullas vitavisse vices Danaum pro causa sua allegantes, exponunt, non uno congressu, non una pugna.* Sed Virgilii locus parum praesidii huic interpretationi suppeditat; nam et ibi est: copiam ipsis feci, caedem a me factam ulciscendi, pugnam haud defugiendo, obtuli me ipsorum ultiō: subjicitur enim: *et, si fatæ fuissent, ut caderem, meruisse manu, h. strage inter hostes edita.*

v. 14. *Mox reīn, ut plane gesta erat, indigitat. Major enim Neronum, Tiberius, tum demum adversus Rhaetiae populos ab Augusto missus, quum a Druso ab Italia rejecti Galliae imminerent, Dio LIV. 22. Tὸ grave vulgarem locutionem praelium commisit, redemit nobilitavitque poeta.* Est enim, gravi clade Rhaetos adfixit ac pepulit, in fugam vertit; dispersit eorum copias, pugnam secundis Augusti auspiciis, quae felicissimum exitum sponderent, capessendo. — *immanes corpore ac virium robore.* Supra v. 10. *implacidum genus.*

v. 17. *Spectandus, egregium sui spectaculum praehens, cuius fortitudo mirationē faceret, in certamine Martio, pugna, ἐκωαγλος ἐν πόνοις Ἐνναλίοι, uti plane Pind. Isthm. VI. 79. 80. Certamen, labor, opus Martis, bella, pugnae; nota loquendi ratione.* Vid. ad IV. 4. 45. Docta autem junctura, *spectandus, quantis ruinis fatigaret d. m. pectora, pro vul- gari: admirabilis prorsus, quum maximis ruinis cet. seu, maxi- ma virtute conspienus, qua hostes contunderet. — quantis ruinis, cladibus fatigaret, infringeret, ad desperationem adigeret pe- cتورa, feroce hostium animos. — devoti morti liberae, qui in libertate mori mallen, quam servitutem pati, qui adeō pro li- bertate ad internacionē dimicarent; qua quidem hostium perti- nacia Tiberii virtutem mitifice illustrari, quis non sentit? Al- ludit autem poeta ad morem, Germanis populis communem, morti sese pro patriae libertate re in summum discrimen addu-*

cta, solenni ritu devovendi atque consecrandi; cujas passim exempla commemorantur.

v. 20. Praeclare illustratur Tiberii in hostibus continuo persequendis caedendisque ostensa virtutis ferocia Austri sub ortum Pleiadum maximas in mari turbas excitantis imagine. *Qualis, quanta rabie, vi, Auster undas exercet, agitat, proturbat indomitas, ei reluctantes* (ut I. 1. 15. *Luctantem Icuriis fluctibus Africum cet.*) contra eum insurgentes; nota tempestatis cum pugna (ut I. 9. 11.) in qua semper Austro victoria cedit (unde *arbiter, dux maris Nostro* I. 3. 15. et III. 3. 5. dictus), imagine. Delectum autem epith. *indomitas*, quod hostium contra mortem obfirmato animo egregie respondet, *Pleiadum choro scidente nubes*, exquisito ornato pro, sub ortum Pleiadum. *Pleiadum chorus*, *Plejades*, propter stellarum, quae isto nomine insigniuntur, positum, choreae speciem referentem. Cf. Propert. III. 3. 58. De astrorum choreis per coelum agitari creditis (de quibus Tib. II. 1. 88. quocum contendere juvabit Eurip. fr. Pirith. n. II. p. 468. Lips. et Dionys. H. Apoll. 17. in A. Br. II. 254.) patum commode cogitant h. l. nonnulli. Jam quum ortus Pleiadum, qui X. Cal. Mai. incipit, laetiorem coeli faciem reducat, ac mare iterum aperiat, nihil sane ad declarandas res hostium penitus concisas aptius Austri imagine excogitari poterat, sub ilud tempus in fluctus debacchantis, eosque ita *debilitantis* (ut I. 11. 5.), ut plane subsidant, rebellandi animo plane abjecto. Signate igitur *scidente nubes*, ortu suo nubes, per hiemem collectas, dispellente, pro vulgari, in conspectum prodeunte. — *impiger vexare*, in vexando, impiger vexans, instando conturbans atque affligens *hostium turmas*, *κλονέων φάλαγγας* (Hom. II. V. 96. et inde Mimnerm. in An. Br. I. p. 522. v. 3.) De hujus verbi vi vide ad III. 2. 4. — 24. et *equum immittere*, concitare, *per medios ignes*, qua pugna ferventissima est, qua acerrime depugnatur. Ita fere Acron. h. l. expedit, recte utique ad sensum; praestat tamen proverbialiter dictum accipere, *per ignem ire, διὰ πυρὸς μολεῖν*, in re periculi plena. Vid. ad II. 1. 7.

v. 25. Cumulat comparationes poeta. Tiberii virtutem sua luce collustrare gestiens. Exquisita autem ac splendida imago est, qua Tiberius hostium cuneos perrumpens, lateque stragem edens torrenti, omnia vastanti, adsimulatur. Jam Homer. II. V. 87. dc Diomede Θύες γῆς ἀμπεδίον ποταμῷ πλήθοντι ἐστῶς χειμᾶρ-

ῥῷ, ὃς τ' ἄκα ἔρων ἐπέδυσσε γεφύρας — — πολλὰ δ' ὑπὸ αὐτοῦ ἐργά  
κατήρικε, καὶ λίγην ὡς ὑπὸ Τυδείδῃ πυκνᾷ κλονέοντο φάλαγγες  
Τρῶων. Hoc speciali Aufidi, fluvii violentis (III. 30. 10.) ac rapidi, exornavit imagine poeta. — *tauriformis*, ταυρόμορφος, taurino capite, vel capite cornuto; nam utrumque de fluviorum diis perhibent poetae et monumenta antiqua, veluti in Cabinet d' Orleans T. I. p. 129. Sic ταυρόμορφον ὅμιλα Κηφισοῦ ωντος Eurip. Ion. 1261. Rationem segmenti optime expedit Schol. ad Eurip. Orest. 1378. ὅτι περιπλησίᾳ τῷ μυχήματι τῶν ταύρων ἡ ἀπίκρισις τοῦ ὕδατος ποιεῖ ἐν τοῖς σφραγῖς ἔρουσι ποταμοῖς, quod Homeri locus comprobat, Il. XX. 237. ubi de Scamandro: μερυκὼς ἦν ταῦρος. Unde et Neptunus ταύρος Ἐρνοσίγατος et Oceanus ταυρόχρανος dicti Hesiod. Scut. 104. et Eurip. Or. 1. 1. — 26. Ornatus quam, Apuliae fluvius. — *praefluit*, alluit. Vid. IV. 3. 10. — 27. *saevit*, θύει, exasperat, tumet. Nam *ira* solenne de intumescente fluvio. Vid. Barth. ad Stat. Theb. V. 393. — *diluviem meditatur*, praecclare de fluvii Deo, stragem per campos immissis iis aquis edituro, undas per agros explicante. Forte antiquum poetani, qui de Clanio idem dixerat, sequutus est poeta; unde sua hausit Vib. Sequ. p. 21. *Clanius*, *Acerrae in Campania*, qui, quum creverit, meditatur pestem terrae.

v 29. Eodem vasto, immanni, praecipit impetu hostes adortus diruit, disjecit, turbavit eorum agmina, confertos hostium globos. — *ferrato*, ferro praecincta, armata; docte. Σιδηρεῖν μάχην simili ornatu dixerat Anyte XX. 2. (A. Br. I. 201.) — 31. 32. Maximamque stragem edidit inter eos. Caesorum hostium copiam exquisitis coloribus repraesentavit poeta. *Messuit*, demessuit, prostravit hostes, a primis, proximis ad extremos usque caedem continuans. Virg. Aen. X. 513. *Proxima quaque metit gladio, latumque per agmen ardens limitem agit*, laudavit jam Schol. Cruq. Idem usus τοῦ ἀμάρνης apud Graecos; veluti Aeschyl. fr. apud Stob. Grot. p. 199. ἀλλ' Ἀρης φίλεῖ γ' αἰτι τῷ λῶστῳ πάντα ἀμάρνη στρατοῦ, uti praecclare locum sanavit Valken. Diatr. Eurip. p. 225. quem omnino vide sis. Ingentes autem stragis acervos innuit hoc verbum, a messoribus translatum; unde elegans caendentium cum iis comparatio apud Homer. Il. XI. 67. sqq. quocum contenderunt Viri docti Catulliana LXIV. 334. de Achille: *Namque velut densas prosternens cultor aristas sole sub ardenti flaventia demetit arva, Trojogenum infesto pro-*

*sternet corpora ferro.* Adde Eurip. Eurysth. fr. II. p. 446. fr. Lips. de Hercule, Hydræ capita resecante: *πάντας δὲ ἔξεθέριστον, οὐ στρίχον πύριμον, σπάζει κολοῖσιν φυσγάνου μελανδέτον.* — 32. *stravit humum, constravit, operuit terram caesorum corporibus. — sine clade victor, αναιρεσι; incruentam Drusi Tiberique victoriā, de gentibus reportatam, tradit quoque Vellei. II. 95. Uterque Rhaetos Vindelicosque — majore cum periculo quam damno Romani exercitus; plurimo cum eorum sanguine perdomuerunt.*

v. 33. Iterum praeclara inflexione poeta Tiberii laudes cum Augusto communicat; de qua vid. ad v. 9. Hoc enim summam rerum obtinente gesta omnia erant *copiis, consilio*, quo bellum istud administraretur, et *auspiciis* ejus felicissimis. Pro hoc poeta: *te Divos tuos*, quos constanter propitios expertus es, h. *auspicia*, quae felicissimum eventum sponderent, *præbente*. Doce autem ita auspicia designantur a poeta, quatenus iis futura mortalibus Dii manifestant. *Sui autem, propitiis, ut passim poetae.* Vid. v. c. Tib. III. 3. 28. et ibi Heyn. Nostrum oh oculos habuit Ovid. Trist. II. 173. *Per quem bella geris, cuius nunc corpore pugnas, auspicium cui das grande Deosque tuos.* Ade eund. A. A. I. 191. *Auspiciis animisque patris, puer, arma movebis, et vinces animis auspiciisque patris.*

v. 34. Declarat jam *suos Augusti Divos*, h. constantem Numinum erga eum favorem, captamaque ab eo Alexandriam in hanc rem allegat poeta, quod eodem ipso die, quo cum Rhaetis ac Vindelicis debellatum esset, Augustus XV. annis ante, Alexandriam cepisset; quem quidem IV. Cal. Sept. intpp. ad h. l. et ad Dionem LI. 19. statuunt. *Fortuna* igitur (quam explicative *Diis suis substituit poëta*) *prospera eodem die reddidit*, iterum præbuit, eosdem dedit Augusto *secundos belli exitus*, subactis Vindelicis, *lustro tertio*, XV. annis post, quam Alexandriam eidei aperuisset, capiendam præbuisset. Convenit hoc plane cum temporum ratione; capta a. U. DCCXXIV. Alexandria, finitoque a. U. DCCXXXIX. bello cum Vindelicis gesto. Alexandria captam admodum augusta repraesentat species: Cogitanda *Alexandria* mulier (uti passim genius urbis in nummis exhibetur) *supplex*, ad Augusti genua advoluta, eique victori *sese submitens* ac dedens; qui habitus passim in monum. antiquis occurrit. Jam pro, victori *sese tradidit signatus est*, patefecit classibus

tuis portus suos, et aulam vacuam, regiam desertam, Antoniu et Cleopatra in Mausoleo, in quod confugerant, exspirantibus.

v. 39. 40. Atque ita adrogavit, adjecit, addidit peractis imperiis (tertio casu) rebus, quas olim imperator bello gessisti, pristinae tuae gloriae bellicae, laudem, novam gloriam ex victoria Videlica, et decus optatum, eximium, exquisitum. Non nulli imperiis peractis sexto casu accipiunt, ut sit, bello, quod Tiberius auspiciis tuis gereret, peracto, finito, parum docte. Ceterum Nostri verba sublegit Phocas grammations de Hist. 22. (Wernsd. Poet. min. III. 412.) de Virgilio: *perenne Romulae voci decus arrogavit carmine sacro.*

v. 41. Ad reliquas terrarum gentes ab Augusto perdomitas poeta, tumens ejus laudibus, progreditur, quo fortunam ejus prosperam illustriorem reddat. De Cantabria ab Augusto derium in provinciae formam redacta v. ad II. 6. 2. et III. 8. 22. De Medis s. Parthis. v. III. 5. init. — *Indus*, v. ad IV. 15. 23. — *Scythes*, v. ad II. 9. 23. et III. 8. 23. — *profugus*, ob erratum ejus vivendi moreni ut I. 35. 9. — 43. *miratur*, majestatem nominis tui reveretur, splendide pro se tibi submittit, abjecto rebellandi animo, ut mox v. 52. *venerari*. — *tutela praesens*. numen tutelare, quod praesens venerari datur, quum Jovis absens sit. Vid. III. 5. 12. et I. 12. extr. — 44. *Italiae*, totiusque terrarum orbis; pro hoc docte *Romae dominae*, quae orbi terrarum dominatur; perpetuo ejus epitheto, v. c. Ovid. Rem. 291. vid. Wernsd. ad Calpurn. IV. 161. p. 133. Explicatius Rutil. Itin. 193. *Nec locus ille mihi cognoscitar* — — qui dominas arves est caput orbis habet.

v. 45. sqq. Admiserit jam colores suos poeta, ne in Geographo te versari putas, easdemque fere gentes ab ipsarum flaviis indigitat. Aegyptum adeo declarat *Nilus*, qui celat origines fontium, cuius fontes ignorantur; quos nostris demum temporibus, indefessis studiis apertos esse constat. De ignoto Nili capite v. Plin. V. 9. Ovid. Amor. III. 6. 40. (qui fere ut Noster: qui patriam tantae tam bene celat aquae) Tibull. I. 7. 24. Lucan. X. 190. Martial. de Spect. III. 5. Auson. ep. IV. 8. et Sidon. VII. 44. — Istri fontes et ipsos vett. ignoratos suis junctura *Nilusque et Ister* indicari judicabat Gesner. Quod quamquam verum sit (Senec. Quaest. nat. IV. 1. *Danubium* (Nilo) similem natura philosophi tradiderunt, quod et fontis ignoti, et aesta-

te quam hieme major sit. Auson. Epigr. IV. 1. *Danubius penitus caput occultatus in oris*) hoc tamen loco ita statuere minime necessarium arbitror. Intellige autem Istri accolae, Dacos et alias ab Augusto devictas gentes. — *Tigris*, Armeniae fl. ita ob *raviditatem*, sagittae similem, Medis dictus; ad Tigranem regem Armeniis a Romanis constitutum hoc refer. 47. 48. Ad legationem a Britanniae regalis ad Augustum/a. U. DCCXXXIV. (cf. Strabo I. IV. p. 138.) missam spectant hi vv. Vid. ad III. 5. 3. Britanniam insulam docte declarat poeta per *Oceanum*, *Britannis obstrepentem*, alluentem, circumfluentem ipsorum insulam. Idem ornatus II. 18. 20. — *belluosus*, belluis scatens (ut III. 27. 26.) μεγαχήτης; verbo a Nostro euso; cujus auctoritatem sequutus est Avien. Or. mar. 204. (Wernsd. P. min. p. 1201 T. V.).

v. 49. *Tellus Galliae*, Galli, funera, mortem, non paventes feroce, fortes. Lucan. I. 460. sqq. *quos*, *ille timorum maximus*, haud urget letimetus; *inde ruendi in ferrum mens propria viris*, animaeque capaces mortis, et ignavum redditurae parcere vitae. — 50. *Iberiae durae*, ferae supra IV. 5. 27. — audit *ἀκούει*. tibi obtemperat. — 51. Denique *Sygambri*; de quibus v. IV. 2. 36. — *caede gaudentes*, efferi, torvi, ut Juven. IV. 147. eos indigitat. — 52. *Compositis armis*, reconditis telis, latoque arcu, ut de Scythis III. 8. 23. adeoque nihil hostile amplius p<sup>rae</sup> se ferentes. Alii, *compositis bellis*, vel quatenus ipsi Sygambri compositi, h. quieti erant; male utrumque. Observa divitias poetae in varianda *devictarum* gentium notione conspicuas; item delectum epithetorum, victoriae gloriam mirifice juvantium.

~~~~~

## ARGUMENTUM XV.

~~~~~

*Augustum, belli pariter atque pacis artibus inclitum, celebraturus novissimo hoc carni-*

ne Horatius, belli quidem laudibus splendidissime ita absolutis, ut iis digne canendis sese plane imparem profiteatur, in Augusto pacificatore ornando haeret, ejusque merita in rem publicam ample magnificeque extollit. Quorum quidem quo illustrior esset species, Augustum poeta repraesentat tamquam Numen Romanorum tutelare, cuius πιστεία civitatem, internis externisque malis graviter afflictam prostratamque recreaverit, et ad sumnam magnitudinem ac felicitatem provexerit. Frui enim jam per eum populum Romanum summa securitate, atque omnium rerum abundantia, conversis civium ad colendas pacis artes, maxime agrorum cultum, quem quidem metus hostilis ac rei bellicae cura sufflaminasset, studiis; deballatum ab eo Parthum, pacatumque omnino totum terrarum orbem; revocatam porro saluberrimis latis legibus pristinam morum integritatem ac sanctitatem. Non minus igitur splendide quam vere Vellei. Il. 89. Nihil dii hominibus praestare possunt, quod non Augustus populo Romano repraesentaverit. Finita bella civilia, sepulta externa, revocata pax; restituta vis legibus; rediit cultus agris, sacris honos, securitas hominibus; leges emendatae utiliter, latae salubriter cet. Unde quam carus acceptusque populo suo Augustus sit, praeclara prorsus, quaque intimum amoris ac pietatis affectum prodit, imagine ostenditur inde a. v. 25. — Regnat omnino per totum carmen sedatior spiritus, composita gravitas, aequabilisque sententiarum progressio; accedit oratio compta ac decora magis, quam nimio fulgore sensuum vim hebetans; quae quidem quantam ad carminis argumentum vim habeant, in promptu

*est animadvertere. Ceterum post a. DCCXLIV.* illud scriptum esse, Janus tertium clausus (v. 9.) manifeste prodit. Cum nostro autem comparasse utile erit c. V. hujus libri, ut poetae copiam in ejusdem fere argumenti tractatione pernoscas.

### A d n o t a t i o n e s.

v. 1 — 4. Augusti res bello strenue gestas carmine extollere conantem absterret ingenii tenuitas. Pro hoc augustior et ad Augusti laudes bellicas magnificentior imago est, qua ab ipso Apolline se ab isto nimis calide capto impetu audacique conatu revocatum esse pronuntiat. *Me loqui vulnem,* canere adgredsum *proelia et urbes victas,* Augusti victorias, subito adstans Phoebus *increpuit lyra,* lyra tacta admonuit, ne cet. Super ordine verborum magnum inter VV. DD. est dissidium. Scholl. cum Torrent. Baxt. et aliis jungunt, me volentem *loqui lyra* Phoebus increpuit. Expeditissima sane haec ratio, et *loqui lyra* satis commode dicitur at IV. 12. 9. ubi vide Not. Dura tamen haec, si quid judico, propterque ambiguitatem vitiosa verborum trajeccio! Praestat igitur multo simplicior, concinnior itemque doct. or junctura, *increpuit lyra;* quod tamen cave cum Dacer. et Samad. de lyra Horatio impacta accipias; quae parum liberalis fuisse. admonitio, et, si loquendi usum sequaris, non tam cohibitum quam potius ita excitatum ad canendum poetam dicas. Ita de Baccho Ovid. Aen. III. 15. 17. *Corniger increpuit thyrso graviore Lyaeus,* et passim. Neque adsentiar iis, qui interpretantur, vehementiore tactu lyrae objurgavit, admonuitque me, ne; quam sententiam a Iano potissimum exornatum videas. Is Phoebum cogitandum existimat tanquam choragum (imo χορος διδισκαλον), qui cantum meditanti poetae adstat, aberrantemque increpat, h. corrigit, legitimum sonum lyra, quam manu tenet, praecundo. Speciosa sane haec; quae tamen si severius exigas, haud scio an displicitur sint. Nam *increpare lyra s. lyram* simpliciter est, pulsare fides, nulla vehementiae aut indignationis adjecta notione. Ovid. Her. III. 118. *Threiciam digitis incre-*

*puisse lyram.* Adde Am. II. 11. 32. Tum manifesta dilogia est in v. *increpare*, quod est et objurgare, et pulsare lyram; cum quo posteriori non adparet, quomodo concilientur verba *me volentem*. Ego quidem h. l. agnoscam Apollinem orationi suae, cuius tantum argumentum satis habet adponere poeta, προμιλέοντες; desumpta a veterum praeludiis, solenni cantui praesertim solitis, imagine. Auditio igitur bellico, ut ita dicam, poetae cantu, subitus adstat vati Apollo, audientianique sibi facturus lyram tangit atque tum demum oratione commonefacit poetam, ne tenuis graudia conetur. En idem prorsus phantasma Ovidio A. A. II. 493. usurpatum: *Haec ego quam canerem, subito manifestus Apollo movit inauratae pollice fila lyrae.* — — *Is mihi, lascivi dixit, praceptor amoris* cet. ubi similiter mota prius lyra vatem alloquitur. In Nostro igitur est, *lyra prius tacta increpuit docita brevitate pfo*, objurgavit; admonuit me, ne cet. Eadem fere rei species, uti acute animadverxit Heynus, in Tibull. III. 4. 39. sqq. de Apolline: *Hanc primum veniens plectro modulatus eburno felices cantus ore sonante dedit. Sed postquam fuerant digiti cum voce loquuti* (h. absoluto prooemio) *edidit haec dulci tristia verba modo: ubi ejus oratio subjicitur*, quamquam Phoebo parum digna. In Virgilio Eel. VI. 3. alia rei imago in eadem re: *quam canerem reges et praelia, Cynthius aurem vellit, et admonuit cet.* — 3. Ne majora viribus meis adgredier. Pro hoc docte poeta, *ne parva vela darem, ne exigua rate per aequor navigarem; altum peterem.* Scilicet grande atque vastum argumentum tractaturus profundioris cris poeta pelago dat vela patenti, ut simillime, qua verba, qua sententiam Virg. Ge. II. 41. tenuis contra vena, atque in tenui materia occupati cymba in exiguo lacu ludit, Ovid. Trist. II. 330. Utrumque conjunxit Propert III. 7. 3. *Quid me scribendi tam vastum mittis in aequor, non sunt apta meae grandia vela rati.* — *Tyrrhenum pro quovis vasto mari.*

¶. 4. Magna ἐνέργεια in eo cernitur, quod, ad quas eum Augusti virtutes Apollo tractandas convertisset, ipsas earundem tractatione statim subjecta praecipiat atque manifestet. Vulgaris transitus erat: igitur contineam me in celebrandis Augusti pacis artibus. Jam pedestrem enuntiationem sententiae, tu pacem terrarum orbi reddidisti, vide qua arte nobilitaverit amplificaveritque poeta. Pacem restitutam exquisite designant bona atque com-

moda ejus, propter quae maximopere expelitur, frugum ubertas, abundantia; eaque ad augustam aureae aetatis speciem revocant a poeta, ad quam repraesentata ab eodem morum istius aetatis spectat sanctitas v. 10 sqq. Conf. omnino IV. 5. 17. sqq. *Tua aetas retulit*, vidit referri, tua aetate relata, reddita est *agris*, frugum ubertas, revocato a te (quae vis *tua* inest) ipsorum cultu. Rediit cultus *agris*, effectore Augusto, diserte Vellei. l. in argum. laudato. — 6. Signa a Parthis recepta a. U. DCCXXXIV. Quam rem, gloriosissimi instar triumphi ab Augusto habitam et a poetis istius aevi ideo splendidissimis verbis extollit solitam, etiam hic primo fere loco commemorari vides. Pacata autem per Augustum externa innuere putandus poeta devicti subjugatique Parthi, acerrimi Romanorum hostis facta mente. — *restituit Jovi*, templo Jovis Capitolini intulit, tanquam spolia imperii Romani Conservatori consecravit Augustus triumphator; quae augustior imago est, quam si, fidem historicam sequutns, Marti Ultori ea dedicata poeta perhibuisse. Qua de re vid. Dio LIV. 8. Ovid. Fast. V. 585 sqq. — 7. *derepta*, detracta templorum *postibus*, quibus Parthi adfixerant. Mos spolia diis consecrandi, suspendendique eorum templis notus vel e Virg. Aen. VII. 183. Ad rem Nost. Epp. I. 18. 56. *templis Parthorum signa refigit*. Repraesentari autem ea tanquam vi erepta Parthis bello perdomitis, quae iis tantum metus extorsisset, vix opus est monere. — *superbis*, tam egregio anathemate superbientibus; *venuste*,

v. 9. Sueton. Aug. c. 22. *Janum Quirinum*, semel atque iterum a condita urbe ante memoriam suam clausum, in multo breviore temporis spatio, terra marique pace parta clausit. *Janum*, h. Jani templum clusit, antiqua verbi forma, de hac re solenni. Vid. Oudend. ad Suet. I. I. Omnino amant poetae ritus antiquos ipsis antiquis verborum formis (ut hic *duella* et *elusit*) vetustisque Deorum indigitamentis (*Janum Quirinum*) referre atque designare. *Janum Quirinum* optime illustrat Macrobi. I. 9. In sacris quoque invocamus *Janum Quirinum* — quasi bellorum potentem, ab *hasta*, quam Sabini curim vocant. Potestatem hujus verbi reddidisse videtur Lucanus, *Janum belligerum* adpellando, I. 62. — *vacuus duellis*, s. vacare bello dote Janus dictus, quatenus clausus signum est imperii bello vacui. — 10 sqq. et reduxit disciplinam veterem, latis saltabriter

lēgibus. *Frena injectit*, compescuit, edomuit morum licentiam, usitata imagine, ab equo indomito desumpta. Supra III. 24. 29. *indomitam audeat refrenare licentiam*. Jam Plato de Legg. III. p. 591. ὁ τρίτος σωτήρ, ὑμῖν ἔτι σωστικῶσαν καὶ θυμουμένην τὴν ἀρχὴν ἐρῶν, οἶον ψάλιον ἐνέβαλεν αὐτῷ τὴν τῶν Ἐφόρων δύναμιν. *Leges autem frena eleganter dictae, quatenus in ordinem cogunt hominem ac reprimunt, quominus praescriptos legg. terminos excedat.* Antiquus poeta apud Cic. de Orat. III. 41. *exsultantem te et praesidentem tibi reprimunt validae legum habenae — evaganti, migranti, excedenti, non servanti rectum ordinem, rectam agendi normam, recti s. virtutis viam deserenti;* ut III. 24. 44. — 11. *emovit*, funditus extirpavit, excidit culpas, adulteria, severissime in ea animadvertingo, et mores publicos emendando. Hinc supra IV. 5. 22. *Mos et lex maculosum edomuit nefas.* *Emovere docte adhibitum de vitiis cum ipsorum fundamentis evulsis atque abolitis.* — 12. *revocavit*, reduxit artes veteres, majorum instituta, continentiam, parsimoniam, verbo antiquam Romanorum disciplinam; de qua passim Noster.

v. 13. *Per quas Roma pulcherrima rerum facta est* (Virg. Ge. II. 535.), in immensum excrevit, orbis terrarum imperium adepta. *Latinum nomen*, non est simpliciter h. l., res Romana, populus Romanus; sed reip. dignitas, splendor, ut apud Cic. Or. pro Sex. Rosc. 18. loco valde adposito: *non alienos (agros) cupide adpetebant; quibus rebus — — rempublicam, atque hoc imperium et populi Romani nomen auxerunt; eadem fere cumulatione.* — *Italiae vires crevere*, Romana civitas incrementa cepit, robur nacta est. — *Imperii majestas, splendide pro, imperium, adjecta notione amplitudinis, quae illud ab omni injuria tutum praestat.* — *orrecta, extenta ab Hesp. cubili, Solis occasu ad ortum ejus; terrarum orhem amplexa.* Tibull. II. 5. 57. *Roma tuum nomen terris fatule regendis — — quaque patent ortus, et qua fluitantibus undis solis anhelantes abluit amnis equos.*

v. 17. sqq. *Custode rerum Caesare*, dum Augústus terrarum orbi prospicit, ei imperat; sed alterum magnifice de Augusto, tanquam deo. Vid. ad IV. 5. 2. Simplicius Ill. 14. 14. eadem sententia: *ego nec tumultum, nec mori per vim metuam tenente Caesare terras; et IV. 5. 27. Quis Parthum pareat —*


— *incolumi Caesare?* — *non furor* cet. haud metuenda erunt bella civilia. *Furor et vis civilis*, ardor civium (III. 3. 2.) sedatio, legum refractis repagulis, violenter grassans, bellum intestinum. — *exiget*, exturbabit e tranquilla sede sua *otium*, pacem, revertet tranquillum reip. statum. — 19. 20. Ulterius exornatur belli civilis notio, ab ejus causa, dissidiis civilibus. *Ira*, inimicitiae civium, odia, quae procudunt enses, quae ad vim procedunt unde bella et caedes enascuntur; suaviter. Αἴσαντος φροντίδην dixit Aeschyl. Choeph. 645. — 20. Et totas civitates communis belli incendio involvit; quod saepius in bellis Romanorum civilibus factum constat. — *inimicat*, fortiore significatu, exasperat, ut infestis animis inter se consiliant, ad arma capessenda excitat. Ita fere Statius Theb. II. 419. *hostiles inimicant classica turmas*, h. excitant, ut arma rapiant, pugnae se parent. Male ferre: *ira inimicat urbes*, inimicas inter se reddit; quod idem per idem esset. Praecclare autem decet hoc antiquum verbum poetam lyricum, quod et alii monuere. *Amicare* inde novavit Stat. Theb. III. 470.

v. 21. Neque ab externo hoste quidquam timendum erit, imperante Augusto. Cf. IV. 25 sqq. et IV. 14. 41. sqq. Pro, externi populi bello haud lasset temp. Romanam, splendidius est, jugum imperii, ab Augusto iis injectum, haud excutient, non rebellabunt, Augusti majestatem reveriti. Doce enim hac sententiae conversione terrarum orhem Augusti victoriis peragratum simul declarat poeta, eos potissimum populos memorando, qui nuper demum Romano sese jugo submiserint. — *qui Danubium bibunt*, Istri accolae, Rhaeti, Pannones, maxime Daci; quos speciatim memorat poeta, *Getarum*, finitimi ipsis populi, adpellatione eos complexus. Nam Getas ultra Dacos versus Pontum Euxinum sedes habuisse tradit Strabo VI. p. 467. Sed Dacos Romanis Getas dictos diserte ait Plin. 12. *Ab eo (Istro) in plenum quidem omnes Scytharum sunt gentes* — alias Getae, Daci Romanis dicti, alias Sarmatae cet. Repressi autem Daci ultra Istri ripam a Lentulo a. U. DCCXXXIV. mox rebelles a Tiberio perdomiti. Vid. ad II. 9. 23. III. 8. 18 — 22. *Non rumpent* pacis conditiones, foedera cum iis inita servabunt; pro hoc magniscentius, *edicta Julia*, leges devictis populis ab Augusto impositas; ut IV. 14. 7. *Vindelici legis expertes Latinae*, necedum domiti. Inepte leges Julias de adulteriis et alias cogi-

tant Lamb. et Torrent. — 23. Nota *Serum legatio*, Augusti amicitiam petere jussa, et a Romanis pro obsequii confessione accepta. Vid. Propert. III. 3. 5. et ibi Burm. — Parthi *infidi*, quantumvis antea perfidi, non amplius imperium Romanum detrectabunt. — 24. Nec Scythae, *Tanais* accolae; res notissima.

v. 25. Snavissima oppositio: Exterae gentes nominis tui maiestatem reverentur; nos, maximo felicitatis cumulo a te beati ornatique, tenerrimo te amore prosequimur, et tanquam numen beneficium veneramur. Est omnino locus, qui sequitur, dulcissimi affectus plenus, id quod suo quisque sensu facile cognoscat. *Nos beatissimi otio atque securitate frumentos auctorem tanti munieris, tanquam Deum salutarem, libatione atque hymnis veneramur.* De libationibus Augusto a Senatu decretis vid. ad IV. 5. 33. — *profestis lucibus, et sacris, quovis die pietatem tibi nostram adprobamus. Luces, dies profesti, h. l. omnes non festi, (ἀναλόγως τῷ profanū) qui tamen festa conviviorum hilaritate sub Augusto traducerentur Romanis.* Privatum igitur cujusque domi suae Augusto habitum honorem designat poeta, oppositum publicae religioni, *sacris diebus eidem institutae.* — 26. Inter convivia hilariter agitata, mensis secundis; nam tum demum bibi libarique diis coeptum. Doce igitur libationem Augusto fieri solitam declarant *munera Liberi.* — *jocosi, ἐγερσιγέλωτος*, jocos excitantis; cf. III. 21. 2. — 27. Cum liberis conjugibusque nostris; praecipue haec exornant domesticae felicitatis picturam. Idem praecipit Cic. Catil. III. 10. in supplicatione ob servatam a se temp. publice decreta, *celebratote illas dies cum conjugibus ac liberis vestris.* — 28. *sqq. rite*, ritu solenni deos prius *adprecati*, libatione cum precibus ceteris diis facta, *canemus laudes gentisJuliae.* Hoc admodum doce ac splendide poeta, pristinum *patrum s. majorum morem*, — Graecis maxime frequentatum ad partes vocando, quo fortia patrum facta ad tibiam super epulis canerentur. Laudant Cic. Tusc. I. 2. *Est in Catonis Originibus, solitos esse in epulis canere convivas ad tibicinem de clarorum hominum virtutibus.* — *virtute funtos*, qui magnas res patrare sustinuerunt, qui gravissimos labores atque aerumnas virtutis causa tolerarunt, maxima facinora edidere. *Virtus enim, ἀνδρεία, strenue agendo, ac perseverando maxime spectatur; ea adeo fungimur, edentes virtutis specimina.*

Laudant et xplicant Nostri locum e Cic. Tusc. I. 45. *Nemo parum diu vixit, qui virtutis perfectae functus est munere; nescio quam recte.* — 30. carmine, hymno remixto, ἀναμεμιγμένῳ, admoto, attemperato ad tibias, ὅμοῃ μελίσσων συναύλοις, ut in Pind. fr. p. 68. Hevn. Idem fere ornatus apud Val. Fl. V. 200. de Orpheo: *mixtoque sonantem percutit ore lyram.* Nisi orte poeta innuerit harmoniam τὴν μιξολυδίστι, Sapphas inventum, juxta Aristoxenum apud Plutarch. de Mus. p. 2082. Ita carmen simpliciter esset cantus, sonus, modus (Tonart) remixtus tib. Lydiis vel compositus cum modo Lydio, vel qui certis intervallis cum altero permutaretur. Sed hoc reconditus, atque quaesitus. Tibiae Lydae, quibus canitur ad modum Lydium, qui vigoris plenus erat, conviviisque adeo aptissimus. Lucian. Dial. Mer. XV. p. 322. ἥδη δὲ προχωροῦντος τοῦ πότου, ἐγὼ μὲν ὑπέκρεβον τι τῶν Λυδίων εἰ. 31. Troja tanquam Romanorum metropolis, ad partes vocatur a poeta propter oriundos inde Anchisen, et Veneris progeniem, gentem Julianam, ab Jalo, Anchisae et Veneris nepote descendere creditam, in quam Augustus adoptatus esset; quem exquisite plane ita tangi, in promptu est videre. Nam ipsum a poeta progeniem Veneris dici vix putem, quamquam clarus Anchisae Venerisque sanguis in C. S. v. 50. audiatur.



Q. HORATHI FLACCI

EPODON LIBER.



I.

A D M A E C E N A T E M.



Ibis Liburnis inter alta navium,  
Amice, propugnacula,  
Paratus omne Caesaris periculum  
Subire, Maecenas, tuo.  
Quid nos, quibus, te, vita, si superstite, 5  
Jucunda; si contra, gravis?  
Utrumne jussi persequemur otium,  
Non dulce, ni tecum simul?  
An hunc laborem mente laturi, decet  
Qua ferre non molles viros? 10  
Feremus; et te vel per Alpium juga,  
Inhospitalem et Caucasum,  
Vel occidentis usque ad ultimum sinum,  
Forti sequemur pectore.  
Roges, tuum labore quid juvem meo, 15  
Imbellis, ac firmus parum?  
Comes minore sum futurus in metu,  
Qui major absentes habet.  
Ut adsidens implumibus pullis avis  
Serpentium adlapsus timet 20  
Magis relictis; non, ut adsit, auxili  
Latura plus praesentibus.  
Libenter hoc et omne militabitur  
Bellum in tuae spem gratiae;

Non ut juvencis illigata pluribus

25

Aratra nitantur meis :

Pecusve Calabris ante sidus fervidum

Lucana mutat pascua :

Nec ut superni villa candens Tusculi

30

Circaea tangat moenia.

Satis superque me benignitas tua

Ditavit: haud paravero,

Quod aut, avarus ut Chremes, terra premam,

Discinctus aut perdam ut nepos.



II.



Beatus ille, qui procul negotiis,

Ut prisca gens mortalium,

Paterna rura bubus exerceat suis;

Solutus omni foenore.

Neque excitatur classico miles truci,

5

Neque horret iratum mare;

Forumque vitat, et superba civium

Potentiorum limina.

Ergo aut adulta vitium propagine

Altas maritat populos,

10

Inutilesque falce ramos amputans

Feliciores inserit;

Aut in reducta valle mugientium

Prospectat errantes greges;

Aut pressa puris mella condit amphoris;

15

Aut tondet infirmas oves;

Vel, quum decorum mitibus pomis caput

Auctumnus arvis extulit,

Ut gaudet insitiva decerpens pyra,


20

Certantem et uvam purpureae,

Qua muneretur te, Priape, et te, pater  
Silvane, tutor finium.  
Libet jacere, modo sub antiqua ilice,  
Modo in tenaci gramine.  
Labuntur altis interim ripis aquae; 25  
Queruntur in silvis aves;  
Fontesque lymphis obstrepunt manantibus,  
Somnos quod invitet leves.  
At quum Tonantis annus hibernus Jovis  
Imbris nivesque comparat, 30  
Aut trudit aeres hinc et hinc multa cane  
Apros in obstantes plagas;  
Aut amite levi rara tendit retia,  
Turdis edacibus dolos;  
Pavidumque leporem, et advenam laqueo gruem, 35  
Jucunda espatat praemia.  
Quis non malarum, quas amor curas habet,  
Haec inter obliviscitur?  
Quod si pudica mulier in partem juvet  
Domum atque dulces liberos, 40  
Sabina qualis, aut perusta solibus  
Pernicis uxor Appuli,  
Sacrum et vetustis exstruat lignis focum,  
Lassi sub adventum viri:  
Claudensque textis cratibus laetum pecus, 45  
Distenta siccat ubera;  
Et horna dulci vina promens dolio,  
Dapes inemtas adparet;  
Non me Lucrina juverint conchylia,  
Magisve rhombus, aut scari, 50  
Si quos Eois intonata fluctibus  
Hiems ad hoc vertat mare;  
Non Afra avis descendat in ventrem meum,  
Non attagen Ionicus  
Jucundior, quam lecta de pinguisimis 55  
Oliva ramis arborum,  
Aut herba lapathi prata amantis, et gravi  
Malvac salubres corpori,


Vel agna festis caesa Terminalibus,  
Vel hoedus ereptus lupo. 60  
Has inter epulas, ut juvat pastas oves  
Videre properantes domum!  
Videre fessos vomerem inversum boves  
Collo trahentes languido!  
Positosque vernas, ditis examen domus,  
Circum residentes Lares! 65

Haec ubi loquutus foenerator Alphius,  
Iamjam futurus rusticus,  
Omnem redegit Idibus pecuniam;  
Quaerit Kalendis ponere. 70




### III.

#### A D M A E C E N A T E M.



Parentis olim si quis impia manu  
Senile guttur fregerit,  
Edit cicutis allium nocentius.  
O dura messorum ilia!  
Quid hoc veneni saevit in praecordiis? 5  
Num viperinus his cruor  
Incocitus herbis me gefellit? an malas  
Canidia tractavit dapes?  
Ut Argonautas praeter omnes candidum  
Medea mirata est ducem, 10  
Ignota tauris illigaturum juga,  
Perunxit hoc Iasonem:  
Hoc delibutis ulta donis pellicem,  
Serpente fugit alite.

Nec tantus unquam siderum insedit vapor      15  
Siculosa Appuliae :  
Nec munus humeris efficacis Herculis  
Inarsit acutus.  
At, si quid unquam tale concupiveris,  
Jocose Maeccnas , precor ,      20  
Manum puella savio opponat tuo ,  
Extrema et in sponda cubet.



IV.



Lupis et agnis quanta sortito obtigit ,  
Tecum mihi discordia est ,  
Ibericis peruste funibus latus ,  
Et crura dura compede .  
Licet superbus ambules pecunia ,      5  
Fortuna non mutat genus .  
Videsne , Sacram metiente te viam  
Cum bis ter ulnarum toga ,  
Ut ora vertat huc et huc euntium  
Liberrima indignatio ?      10  
Sectus flagellis hic Triumviralibus ,  
Praeconis ad fastidium ,  
Arat Falerni mille fundi jugera ,  
Et Appiam mannis terit ;  
Sedilibusque magnus in primis eques ,      15  
Othone contemto , sedet .  
Quid adtinet tot ora navium gravi  
Rostrata duci pondere  
Contra latrones atque servilem manum ,  
Hoc hoc tribuno militum ?      20



IN CANIDIAM VENEFICAM.

At, o Deorum quidquid in coelo regit,  
Terras et humanum genus !

Quid iste feri tumultus ? aut quid omnium  
Vultus in unum me truces ?

Per liberos te , si vocata partibus , 5  
Lucina veris adfuit,

Per hoc inane purpurae decus precor ,  
Per improbaturum haec Jovem ,

Quid ut noverea me intueris , aut uti  
Petita ferro bellua ? 10

Ut haec tremente questus ore constitit  
Insignibus raptis puer ,

Impube corpus , quale posset impia  
Mollire Thracum pectora ;

Canidia brevibus implicata viperis 15  
Crines et incomtum caput ,

Jubet sepulchris caprificos erutas ,  
Jubet cupressus funebres ,

Et uncta turpis ova ranae sanguine ,  
Plumamque nocturnae strigis , 20

Herbasque , quas Iolcos atque Iberia  
Mittit , venenorum ferax ,

Et ossa ab ore rapta jejunae canis ,  
Flammis aduri Colchicis .

At expedita Sagana per totam domum 25  
Spargens Avernales aquas ,

Horret capillis , ut marinus , asperis ,  
Echinus , aut currens aper ,

Ahacta nulla Veja conscientia ,  
Ligonibus duris humum 30

Exhauriebat , ingemens laboribus ,

Quo posset infossus puer

- Longo die bis terque mutatae dapis  
Inemori spectaculo :  
Quum prominaret ore, quantum extant aqua 35  
Suspensa mento corpora :  
Exsucta uti medulla, et aridum jecur  
Amoris esset poculum :  
Interminato quum semel sixae cibo  
Intabuisserunt pupulae. 40  
Non defuisse masculae libidinis  
Ariminensem Foliam,  
Et otiosa creditit Neapolis,  
Et omne vicinum oppidum :  
Quae sidera excantata voce Thessalà, 45  
Lunamque coelo deripit.  
Hic irresectum saeva dente livido  
Canidia rodens pollicem ,  
Quid dixit? aut quid tacuit? O rebus meis  
Non infideles arbitrae , 50  
Nox, et Diana, quae silentium regis ,  
Arcana quum fiunt sacra ,  
Nunc nunc adeste: nunc in hostiles domos  
Iram atque numen vertite.  
Formidolosae dum latent silvis feræc , 55  
Dulci sopore languidae ,  
Senem, quod omnes rideant, adulterum  
Latrent Suburanae canes ,  
Nardo perunctum, quale non perfectius  
Meæ laborarint manus. — 60  
Quid accidit? cur dira barbaræ minus  
Venena Medæa valent ,  
Quibus superbam fugit ulta pellicem ,  
Magni Creontis filiam ,  
Quum palla, tabo munus imbutum, novam 65  
Incendio nuptam abstulit?  
Atqui nec herba, nec latens in asperis  
Radix sefellit me locis.  
Indormit unctis omnium cubilibus  
Oblivione pellicum. — 70

Ah! ah! solutus ambulat veneficae  
Scientioris carmine.

Non usitatis, Vare, potionibus  
O multa fleturum caput!

Ad me recurras: nec vocata mens tua  
Marsis redibit vocibus.

Majus parabo, majus infundam tibi  
Fastidienti poculum.

Priusque coelum sidet inferius mari,  
Tellure porrecta super,

Quam non amore sic meo flagres, uti  
Bitumen atris ignibus.

Sub haec puer, jam non, ut ante, molibus  
Lenire verbis impias;

Sed dubius, unde rumperet silentium,  
Misit Thyesteas preces:

Venena magnum fas nefasque; non valent  
Convertere humanam vicem.

Diris agam vos: dira detestatio  
Nulla expiatur victima.

Quin, ubi perire jussus exspiravero,  
Nocturnus occurram Furor,

Petamque vultus umbra curvis unguibus,  
Quae vis Deorum est Manium;

Et inquietis adsidens praecordiis,  
Pavore somnos auferam.

Vos turba vicatim hinc et hinc saxis petens  
Contundet obscenas anus.

Post insepulta membra different lupi,  
Et Esquilinae alites.

Neque hoc parentes, heu mihi superstites!  
Effugerit spectaculum.



VI.



Quid immerentes hospites vexas, eanis,  
Ignavus adversum lupos?  
Quin huc inanes, si potes, vertis minas,  
Et me remorsurum petis.  
Nam, qualis aut Molossus, aut fulvus Lacon, 5  
Amica vis pastoribus,  
Agam per altas aure sublata nives,  
Quaecunque praecedet fera.  
Tu, quum timenda voce complesti nemus,  
Projectum odoraris cibum. 10  
Cave, cave: namque in malos asperrimus  
Parata tollo cornua;  
Qualis Lycambae spretus infido gener,  
Aut acer hostis Bupalo.  
An, si quis atro dente me petiverit,  
Inultus ut flebo puer? 15



VII.

AD POPULUM ROMANUM.



Quo, quo scelesti ruitis? aut cur dexteris  
Aptantur enses conditi?  
Parumne campus atque Neptuno super  
Fusum est Latini sanguinis?  
Non ut superbias invidiae Carthaginis 5  
Romanus arces ureret:  
Intactus aut Britannus ut descenderet  
Sacra catenatus via:  
II. Band.

Sed ut, secundum vota Parthorum, sua  
Urbs haec periret dextera.

10

Neque hic lupis mos, nec fuit leonibus,  
Nunquam nisi in dispar, feris.

Furore caecus, an rapit vis acrior?

An culpa? responsum date. —


Tacent; et ora pallor albus inficit,  
Mentesque percussae stupent.

15

Sic est: acerba fata Romanos agunt,  
Scelusque fraternali necis:

Ut immerentis fluxit in terram Remi  
Sacer nepotibus cruor.

20



### VIII.



Rogare longo putidam te seculo,  
Vires quid enervet meas!  
Quum sit tibi dens ater, et rugis vetus  
Frontem senectus exaret;  
Hietque turpis inter aridas nates  
Podex, velut crudae bovis.  
Sed incitat me pectus, et mammae putres,  
Equina quales ubera;

5

Venterque mollis, et femur tumentibus

Exile suris additum.

10

Esto beata, funus atque imagines

Ducant Triumphales tuum;

Nec sit marita, quae rotundioribus

Onusta baccis ambulet;

Quid? quod libelli Stoici inter sericos.

15

Jacere pulvilos amant:

Illiterati num minus nervi rigent?

Minusve languet fascinum?

Quod ut superbo provokes ab inguine,  
Ore adlaborandum est tibi.

20



IX.

A D M A E C E N A T E M.



Quando repostum Caecubum ad festas dapes,  
Victore lactus Caesare,  
Tecum sub alta, sic Jovi gratum, domo,  
Beate Maecenas, hibam,  
Sonante mixtum tibiis carmen lyra, 5  
Hac Dorium, illis Barbarum?  
Ut nuper, actus quum freto Neptunius  
Dux fugit, ustis navibus,  
Minatus Urbi vincla, quae detraxerat  
Servis amicus perfidis. 10  
Romanus, eheu! posteri negabitis,  
Emancipatus feminae,  
Fert vallum et arma miles, et spadonibus  
Servire rugosis potest;  
Interque signa turpe militaria 15  
Sol adspicit conopium.  
Ad hoc frementes verterunt bis mille equos  
Galli, canentes Caesarem;  
Hostiliumpque navium portu latent  
Puppes sinistrorum citae. 20  
Io Triumphe; tu moraris aureos  
Currus, et intactas boves;  
Io Triumphe, nec Jugurthino parem  
Bello reportasti ducem;  
Neque Africanum, cui super Carthaginem 25  
Virtus sepulcrum condidit.

Terra marique victus hostis, Punico  
Lugubre mutavit sagum.  
Aut ille centum nobilem Cretam urbibus,  
Ventis iturus non suis, 30  
Exercitatas aut petit Syrtes Noto;  
Aut fertur incerto mari.  
Capaciores adfer huc, puer, scyphos,  
Et Chia vina, aut Lesbia,  
Vel, quod fluentem nauseam coérceat, 55  
Metire nobis Caecubum.  
Curam metumque Caesaris rerum juvat  
Dulci Lyaeo solvere.



X.

IN MAEVIVM POETAM.



Mala soluta navis exit alite,  
Ferens olentem Macvium.  
Ut horridis utrumque verberes latus,  
Auster, memento, fluctibus.  
Niger rudentes Eurus, inverso mari, 5  
Fractosque remos differat;  
Insurgat Aquilo, quantus altis montibus  
Frangit trementes ilices;  
Nec sidus atra nocte amicum adpareat,  
Qua tristis Orion cadit; 10  
Quietiore nec feratur aequore,  
Quam Graja victorum manus:  
Quum Pallas usto vertit iram ab Ilio  
In impiam Ajacis ratem.  
O quantus instat navitis sudor tuis, 15  
Tibique pallor luteus,

Et illa non virilis ejulatio,  
Preces et aversum ad Jovem;  
Ionus udo quum remugiens sinus  
Noto carinam ruperit! 20  
Opima quod si praeda curvo litore  
Porrecta mergos juveris;  
Libidinosus immolabitur caper,  
Et agna Tempestatibus.

---

XI.

A D P E C T I U M.

---

P eeti, nihil me, sicut antea, juyat  
Scribere versiculos Amore perculsum gravi:  
Amore, qui me praeter omnes expetit  
Mollibus in pueris aut in puellis urere.  
Hic tertius Decenber, ex quo destiti 5  
Inachia furere, silvis honorem decutit.  
Heu! me, per urbem, nam pudet tanti mali,  
Fabula quanta fui! conviviorum et poenitet,  
In queis amantem et languor et silentium  
Arguit, et latere petitus imo spiritus. 10  
Contrane luerum nil valere candidum  
Pauperis ingenium querebar, adplorans tibi;  
Simul calentis inverecundus Deus  
Fervidiore mero arcana promorat loco.  
Quod si meis inæstuat praecordiis 15  
Libera bilis, ut haec ingrata ventis dividat  
Fomenta, vulnus nil malum levantia;  
Desinet imparibus certare submotus pudor.  
Ubi haec severus te palam laudaveram,  
Jussus abire domum, ferebar incerto pede 20

Ad non amicos heu! mihi postes, et heu!  
Limina dura, quibus lumbos et infregi latus.  
Nunc, gloriantis quamlibet mulierculam  
Vincere mollitia, amor Lycisci me tenet:  
Unde expedire non amicorum queant 25  
Libera consilia, nec contumeliae graves;  
Sed alius ardor aut puellae candidae,  
Aut teretis pueri, longam renodantis comam.

~~~~~

XII.

~~~~~

Quid tibi vis, mulier nigris dignissima barris?  
Munera cur mihi; quidve tabellas  
Mittis, nec firmo juveni, neque naris obesae?  
Namque sagacious unus odoror,  
Polypus, an gravis hirsutis cubet hircus in alis, 5  
Quam canis acer, ubi lateat sus.  
Qui sudor vietis et quam malus undique membris  
Crescit odor! quum, pene soluto,  
Indomitam properat rabiem sedare; neque illi  
Jam manet humida creta, colorque 10  
Stercore fucatus crocodili; jamque subando  
Tenta cubilia, tectaque rumpit.  
Vel mea quum saevis agitat fastidia verbis:  
Inachia langues minus, ac me:  
Inachiam ter nocte potes; mihi semper ad unum 15  
Mollis opus: pereat male, quae te,  
Lesbia, quaerenti taurum, monstravit inertem;  
Quum mihi Cous adesset Amyntas,  
Cujus in indomito constantior inguine nervus,  
Quam nova collibus arbor inhaeret. 20  
Muricibus Tyriis iteratae vellera lanae  
Cui properabuntur? tibi nempe;


Ne foret aequales inter conviva, magis quem  
Diligeret mulier sua, quam te.

O ego infelix, quam tu fugis, ut pavet acres 25  
Agna lupos, capreaeque leones.



### XIII.

#### A D A M I C O S.



Horrida tempestas coelum contraxit, et imbres  
Nivesque deducunt Jovem; nunc mare, nunc  
silvae

Threicio Aquilone sonant; repiamus, amici,  
Occasionem de die; dumque virent genua,  
Et decet, obducta solvatur fronte senectus. 5

Tu vina Torquato move Consule pressa meo.  
Cetera mitte loqui: Deus haec fortasse benigna  
Reducet in sedem vice. Nunc et Achaemenia

Perfundi nardo juvat, et fide Cyllenea  
Levare diris pectora sollicitudinibus. 10

Nobilis ut grandi cecinit Centaurus alumno,  
Invicte, mortalis Dea nate, puer, Thetide,  
Te manet Assaraci tellus, quam frigida parvi

Findunt Scamandri flumina, lubricus et Simois;  
Unde tibi redditum certo subtemine Parcae 15  
Rupere; nec mater domum caerula te revehet.  
Illic omne malum vino cantuque levato.

Deformis aegrimoniae dulcibus alloquiis.



XIV.

A D M A E C E N A T E M.



Mollis inertia cur tantam diffuderit imis  
Oblivionem sensibus;  
Pocula Lethaeos ut si ducentia somnos  
Arente fauce traxerim,  
Candide Maeceenas, occidis saepe rogando: 5  
Deus, Deus nam me vetat  
Inceptos, olim promissum carmen, iambos  
Ad umbilicum adducere.  
Non aliter Samio dicunt arsisse Bathyllo  
Anacreonta Teium; 10  
Qui persaepe cava testudine elevit amorem,  
Non elaboratum ad pedem.  
Ureris ipse miser; quod si non pulchrior ignis  
Accendit obsessam Ilion,  
Gaude sorte tua; me libertina, neque uno 15  
Contenta, Phryne macerat.



XV.

A D N E A E R A M.



Nox erat, et coelo fulgebat Luna sereno  
Inter minora sidera,  
Quum tu, magnorum numen laesura Deorum,  
In verba jurabas mea,  
Arctius, atque hedera procera adstringitur ilex, 5  
Lentis adhaerens brachiis;

Dum pecori lupus, et nautis infestus Orion  
Turbaret hibernum mare,  
Intonsosque agitaret Apollinis aura capillos,  
Fore hunc amorem mutuum. 10


O dolitura mea multum virtute Neaera,  
Nam, si quid in Flacco viri est,  
Non feret adsiduas potiori te dare noctes,  
Et quaeret iratus parem;  
Nec semel offensae cedet constantia formae, 15  
Si certus intrarit dolor.

At tu, quicumque es felicior, atque meo nunc  
Superbus incedis malo,  
Sis pecore et multa dives tellure licebit,  
Tibique Pactolus fluat, 20  
Nee te Pythagorae fallant arcana renati,  
Formaque vincas Nirea;  
Eheu! translatos alio moerebis amores:  
Ast ego vicissim risero.



## XVI.


### AD POPULUM ROMANUM.



Altera jam teritur bellis civilibus aetas,  
Suis et ipsa Roma viribus ruit.  
Quam neque sinitimi valuerunt perdere Marsi,  
Minacis aut Etrusca Porsenae manus,  
Aemula nec virtus Capuae, nec Spartacus acer, 5  
Novisque rebus infidelis Allobrox;  
Nec fera caerulea domuit Germania pube,  
Parentibusque abominatus Annibal:  
Impia perdemus devoti sanguinis aetas;  
Ferisque rursus occupabitur solum. 10


Barbarus, heu! cineres insistet victor, et urbem  
Eques sonante verberabit ungula;  
Quaeque carent ventis et solibus, ossa Quirini,  
Nefas videre, dissipabit insolens.  
Forte, quid expediat, communiter, aut melior  
pars 15  
Malis carere quaeritis laboribus.  
Nulla sit hac potior sententia; Phocaeorum  
Velut profugit exsecrata civitas  
Agros atque Lares proprios, habitandaque fana  
Apris reliquit et rapacibus lupis; 20  
Ire, pedes quocumque ferent, quocumque per  
undas  
Notus vocabit, aut protervus Africus.  
Sic placet? an melius quis habet suadere? se-  
cunda  
Ratem occupare quid moramur alite?  
Sed juremus in haec: Simul imis saxa renarint 25  
Vadis levata, ne redire sit nefas;  
Neu conversa domum pigeat dare lintea, quando  
Padus Matina laverit cacumina;  
In mare seu celsus procurrerit Apenninus;  
Novaque monstra junxerit libidine 30  
Mirus amor, juvet ut tigres subsidere cervis,  
Adulteretur et columba milvo;  
Credula nec ravos timeant armenta leones;  
Ametque salsa laevis hircus aequora.  
Haec, et quae poterunt redditus abscindere dulces, 35  
Eamus omnis exsecrata civitas,  
Aut pars indocili melior grege; mollis et exspes  
Inominata perprimat cubilia.  
Vos, quibus est virtus, muliebrem tollite luctum;  
Etrusca praeter et volate litora. 40  
Nos manet Oceanus circumvagus arva: beata  
Petamus arva, divites et insulas;  
Reddit ubi Cererem tellus inarata quotannis,  
Et imputata floret usque vinea;

Germinat et nunquam fallentis termes olivae, 45  
Suamque pulla ficus ornat arborem;  
Mella cava manant ex ilice, montibus altis  
Levis crepante lympha desilit pede.  
Ilic injussae veniunt ad muletra capellae,  
Resertque tenta grex amicus ubera; 50  
Nec vespertinus circumgemit ursus ovili;  
Nec intumescit alta viperis humus.  
Nulla nocent pecori contagia, nullius astri  
Gregem aestuosa torret impotentia.  
Pluraque felices mirabimur; ut neque largis 55  
Aquosus Eurus arva radat imbribus,  
Pingua nec siccis urantur semiina glebis;  
Utrumque rege temperante Coelitum.  
Non huc Argoo contendit remige pinus,  
Neque inipudica Colchis intulit pedem; 60  
Non huc Sidonii torserunt cornua nautae,  
Laboriosa nec cohors Ulixei.  
Jupiter illa piae secrevit litora genti,  
Ut inquinavit aere tempus aureum:  
Aerea dehinc ferro duravit secula; quorum 65  
Piis secunda, vate me, datur fuga.



XVII.

I N C A N I D I A M.



V a r u s.

Iam jam efficaci do manus scientiae  
Supplex. et oro regna per Proserpinac,  
Per et Dianaec non movenda numina,  
Per atque libros carminum valentium

- Defixa coelo devocare sidera, 5  
Canidia, parce vocibus tandem sacris,  
Citumque retro solve, solve turbinem.  
Movit nepotem Telephus Nercium,  
In quem superbus ordinarat agmina  
Mysorum, et in quem tela acuta torserat. 10  
Unxere matres Iliae addictum feris  
Alitibus, atque canibus homicidam Hectorem,  
Postquam relictis moenibus rex procidit  
Heu ! pervicacis ad pedes Achillei.  
Setosa duris exuere pellibus 15  
Laboriosi remiges Ulixei,  
Volente Circa, membra ; tunc mens et sonus  
Relapsus, atque notus in vultus honor.  
Dedi satis superque poenarum tibi,  
Amata nautis multum et institoribus. 20  
Fugit juventas, et verecundus color  
Reliquit ossa pelle amicta lurida ;  
Tuis capillus albus est odoribus,  
Nullum a labore me reclinat otium.  
Urget diem nox, et dies noctem, neque est 25  
Levare tenta spiritu praecordia.  
Ergo, negatum, vineor, ut credam miser,  
Sabella pectus increpare carmina,  
Caputque Marsa dissilire naenia.  
Quid amplius vis ? O mare et terra ! ardeo, 30  
Quantum neque atro delibutus Hercules  
Nessi cruento, nec Sicana servida  
Furens in Aetna flamma. Tu, donec cinis  
Injuriosis aridus ventis ferar,  
Cales venenis officina Colchicis. 35  
Quae finis ? aut quod me manet stipendum ?  
Effare : jussas cum fide poenas luam ;  
Paratus expiare, seu poposceris  
Centum juvencos, sive mendaci lyra  
Voles sonari; tu pudica, tu proba 40  
Perambulabis astra sidus aureum.  
Infamis Helenae Çastor ossensus vice,

Fraterque magni Castoris, victi prece,  
Ademta vati reddidere lumina.  
Et tu, potes nam, solve me dementia, 45  
O nec paternis obsoleta sordibus,  
Nec in sepulcris pauperum prudens anus  
Novendiales dissipare pulveres.  
Tibi hospitale pectus, et purae manus:  
Tusque venter Pactumejus; et tuo 50  
Cruore rubros obstetrix pannos lavit,  
Utcumque fortis exsilis puerpera.

C a n i d i a.

Quid obseratis auribus fundis preces?  
Non saxa nudis surdiora navitis  
Neptunus alto tundit hibernus salo. 55  
Inultus ut tu riseris Cotyttia  
Vulgata, sacrum liberi Cupidinis?  
Et Esquilini Pontifex benefici  
Impune ut urbem nomine impleris meo?  
Quid proderat ditasse Pelignas anus, 60  
Velociusve miscuisse toxicum?  
Sed tardiora fata te votis manent:  
Ingrata misero vita ducenda est, in hoc,  
Novis ut usque suppetas doloribus.  
Optat quietem Pelopis insidus pater, 65  
Egens benignae Tantalus semper dapis;  
Optat Prometheus obligatus aliti:  
Optat supremo collocare Sisyphus  
In monte saxum; sed vetant leges Jovis.  
Voles modo altis desilire turrihus, 70  
Modo ense pectus Norico recludere;  
Frustraque vincla gutturi nectes tuo,  
Fastidiosa tristis aegrimonia.  
Vectabor humeris tunc ego inimicis eques,  
Meaeque terra cedet insolentiae. 75


An, quae movere cereas imagines,  
Ut ipse nosti curiosus, et polo  
Deripere Lunam vocibus possim meis,  
Possim crematos excitare mortuos,  
Desiderique temperare poculum,  
Plorem artis, in te nil habentis exitum?

80

# **Argumenta Carminum**

**e t**

**A d n o t a t i o n e s.**



Q. HORATII FLACCI  
EPODON LIBER.

---

CARMEN I.  
ARGUMENTUM.

Quamquam ex hoc carmine sole clarius patescat, Maecenatem a. U. DCCXXIII. quum imminente pugna Actiaca Senatores equestrisque dignitatis viri Brundisium evocarentur (Dio L. 11.) eodem proficisci in animo habuisse; in tanto tamen scriptorum historicorum pariter atque poetarum, si auctorem el. inobitum Maecen. (v. 45. 46. Quum freta Niliiacae texerunt lata carinae, fortis cras circum, fortis et ante Ducem), incertae aetatis hominem. excipias, silentio, recte utique dubites, an res eventum habuerit nedum, quod tam adfirmate cum Scholl. ponit Meibomius, eundem Liburnis, quae maximum victoriae momentum fecissent, ab Augusto praepositum fuisse existimes. Quum vero multo probabilius sit, quod Massonius (vit. Hor. p. 143 sqq.) satis idoneis adstrunctum argumentis ivit, Maecenatem, dum Au-  
ll. Band.

*gustus abesset, Urbi praefectum constitutum fuisse; carmen hocce ante, quam illud profec-  
tionis consilium ab Augusto, demandata ei  
Urbis praefectura, discussum fuisse, scrip-  
tum esse optime statui arbitror. Horatius igitur,  
quum discessuro Maecenati comitem se  
professus domi manere jussus esset, tenerri-  
mum amicitiae suae affectum hoc carmine ita  
testatum facit, ut, quum aegritudinem exab-  
sentia ejus se nimis molliter laturum intelli-  
gat, omniti ei, propositumque suum in sube-  
undis fortiterque perferendis militiae labo-  
ribus adprobare conetur. Quam ne a lucri  
cupiditate, qua fere mortales ducantur, pro-  
fectum existimet pertinaciam, abunde jam  
sibi, intra naturae fines viventi, ab eodem  
prospecium gratius adfirmat. Quae uti haud  
ambitiose quæsita videri debet accepti bene-  
ficii commemoratio; ita animi sui sordes pro-  
ferunt, qui ampliora Horatium a Maecenate  
extorquere voluisse aliis persuadere conan-  
tar. Ceterum mollissimum amoris affectum  
in primis esse,, qui insigne huic carmini pre-  
mium faciat, admonitione vix egere arbitror.*

#### A d n o t a t i o n e s.

v. 1. Pedestris connectendæ orationis forma erat: quum  
tibi constitutum sit, ad bellum navale proficisci; *quid nos* ceteri.  
Multo gravior autem atque ad Maecenatis animum periculis obe-  
undis paratissimum declarandum efficacior est sententia, ita enun-  
tiata, quam, quod Bentleins volebat, dubitanter, seu interro-  
gative proporsita. Jam pro generali: prefecturus es ad bellum na-  
vale; speciales poeta admisit colores, quos diversa certaminis  
suppeditaret ratio, quibusque periculorum, Maecenati subeu-  
dorum, magnitudo illustraretur. Quo major enim periculi animo  
objiceretur species, ex Augusti navalibus copiis solas Liburnas

naves comminorat, iisque immates Antonii naves opponit. Sed videndum prius, quam tenere praestet orationis structuram, verborumque sensum. Sunt qui, anctoritatem vet. Schol. secuti, Maecenateni Liburnis ab Augusto praepositum a poeta declarari statuant, explicitentque: *īp̄ inter alta nav. propugnacula*, discurrere inter maiores Octaviani naves, ad ordinandum navale praelium, ceteraque ad pugnam necessaria expedienda; quae ducis inuria obeat Liburnis, quippe celerrimis. Ita partim Scholl. et Barth. Adev. LVII. 14. Sane rē ire inter n. ita acceptum, satis signata dictem, et *propugn. nav.* maiores naves, unde Octavianai milites pugnarent; recte posse dici, nemo facile dubitet. Sed si vel maxime de re ipsa constaret, multo tamen et ad historiae fidem exactius, et vero etiam ἵραπτέστερον erit, si *Liburnas* delecte pro universa Octaviani classe, quatenus *Actiaco praelio cum Liburnorum auxiliis praecipue vinctus esset Antonius* (Veget. de Re mil. IV. 33.), et *alta nav. propugnacula*, h. naves altis propugnaculis munitas pro Antonii classe a poeta ponit statnas. Hujus enim naves, praeter novenos remorum ordines, turribus atque tabulatis allevatae, castellorum et urbium speciem prae se ferebant, juxta Flor. IV. 11. Unde de his potissimum Virg. Aen. VIII. 691. *pelago credas innare revolsas Cycladas* cet. Cf. Dio L. 18. Hinc facile perspicitur, fortiori significatu accipienda esse illa, *ibis inter a. n. p. h. immiscebis te audacter, paratus es adgredi exiguis Liburnis Antonii naves ipsa mole horribiles;* in quo adeo magna Maecenatiana virtutis laus est. Longius petita magisque pedestris ratio est, si ita jungas: *Ibis Liburnis, paratus subire periculum — inter alta n. p. — 3. paratus, promptus, omnia cum Caesare subeundi pericula venire.*

v. 5. Quae igitur nostrae in re tam aincipiti partes erant, *quid nos capiemus consilii, quibus vita, ita demum jucunda atque expetenda videtur, si superstite te fuerit, contigerit, quae contra, non superstite te, gravis futura est.* Eadem tenuissimi amoris testificatio II. 17. 5 — 8.

v. 7 — 10. Utrum te sequemur, an domi remanehimus? Sed praecclare ita instruxit orationem, ut facile intelligeretur, se illud securum, quod bono civi, maximie vero amori suo erga Maecenatem consentaneum foret. — *perseguemur otium, perseverabimus, perstabimus in otio. Otium h. l. oppositum belli aerumnis ac laboribus, est adeo vita desiliosa; otiosa, domi*

**exacta.** Minus commode Schol. Crup. carmina intelligit, quae ab otiosis scribantur. — *jussi a te remanere.* Sublestā sunt, quae tradunt Scholl., Horatium, Maecenate agente, ab Augusto meruisse militiae vacationem, quum solos Equites et Senatores Augustum ante pugnam Brundisium evocasse satis constet, e Dionē Ll. 11. — 8. 9. *an laborem militiae, μόθον, ἐργα Αγνος,* belli molestias, *mente, animo quo decet non molles,* h. strenuos, fortes *viros,* fortiter, uti par est, laturi sumus, tecum tolerabimus.

v. 11. Insurgit cum poetae affectu oratio. Magna vis in repetito *feremus*, certum est, statutum est mihi, te sequi, si vel longinquiōra ac vel maxime periculosa loca peteres. Tralatitia haec apud poetas summi amoris significatio. Vid. ad II. 6. 1. Hoc loco tanto adpositior, quo opportunior ejus in parando itinere mentio. Ex inviis ac pericolosis regionibus poeta posuit *Alpium juga*, Alpes, quarum immensa altitudo longe porrigitur, ei *Caucasum inhospitalem, ἀξερον.* Vid. ad I. 22. 6.; ex longinquis autem *ultimum sinum*, extremum versus Occidentem maris *sinum*, Oceanum, et hunc pro terrarum ultima, ei adiacente, Iberia. Sinn quidem proprie fretum Gaditanum poetam designare voluisse videri possit, quod ipsum pro Oceano esset; sed et Oceani sinus cum virtute est, quatenus terras ambit, claudit.

v. 15. Quamquam parum in me tibi periclitanti praesidii fore probe intelligam, id quod facile tibi concesserim; hoc tamen inde consequar commodi, quod praeiens minori angar sollicitudine quandoquidem, iuxta Ovid. Her. I. 12. *res est solliciti plena timoris amor*, et Senec. Troad. 515. *Levius solet timere, qui proprius timet.* Quaeras forte, *quid tuum laborem,* te laborantem, cum laboribus ac periculis conflictantem *yuvem.* sublevem, quam tibi opem adferre queam, *meo lab.* si periculorum particeps fiam? — 16. Ut qui sim *imbelligis ac firmus parum,* *ἀπτόλημος καὶ ἀνάλκις*, Homericā emulazione. — 18. quam absens. Hoc generali gnome extulit. *Major metus, sollicitudo magis habet, ixui,* tenet, insinuat sese absentibus.

v. 19. — 22. Ultima delecta comparatione, ab avibus, pullis suis timentibus, ducta, exornavit poeta. Sensus quidem comparationis satis expeditus, sed eloquio et structura verborum paullo impeditior. Quod primū sese offert, est: *ut avis, adsidens*

*impl. pullis*, dum adsidet, adest, praesens est pullis, *times* quidem *serpentium adlapsus*, metuit quidem serpentes; *magis* tamen timet, sollicita est, *relictis* iis, (vel dandi casu; quos reliquerit, vel auferendi, ubi nido avolaverit), quamquam *absens*: *ut adsit*, si vel maxime praesens sit, iis (pro quo ornate et copiose est, *praesentibus*; quatenus ipsa praesens iis facta) non plus auxiliū adlatura sit, non magis eos *praesentia* sua tueri possit. Forte tamen concinnior (nam hiulci quid inest verbis *times* et *magis relictis*), certe doctior haec altera ratio, hinc interpunctioni superstructa: *Ut*, adsidens implunibus pullis, avis serp. adlapsus timet magis *relictis*, hoc sensu: *ut avis*, quae adsidere solet, incubat; foveat pullos, dum *implunes* sunt (naturam adeo avis simpliciter his ad exornandam sententiam adjectis exprimi putandum) magis *serpentium adlapsus* timet *relictis* (tertio casu), adeoque eos non deserit, iis, quantum licet, incubat, metuens ne per absentiam suam serpentes nido insidentur: *non*, neque tamen, licet adsit, *praesentia* sua quidquam in profutura. In qua tamen quum facile offendat ambiguitas, quae rādī *adsidens* inest, equidem amplectar hunc tertium modum: *ut adsidens* timet, *adsidet pullis*, timens *magis relictis*, quoniam majus iis a serp. periculum fore eredit, se absente. Ceterum maternam avium sollicitudinem multae poetarū illustrant comparationes, inde desumptae. Aeschyl. Theb. 293 sqq. Δράκοντά δέ τις τέκνων υπερδέδοικε λεχίσων δυσευνάτερα πάντροφος πελετας. Claudian. R. P. III. 141 sqq. Sic aestuat ales, quae teneros humili fetus commiserit orno, adlatura cibos, et plurime cogitat absens: ne fragilem ventus discusserit arbore nidum, ne furtum pateant homini, neu praeda colubris. Adde Stat. Achil. I. 212 sqq. et, quae Lamb. laudat, Theocrit. XIV. 39 sqq. Oppian. Halieut. V. 579.

v. 23 sqq. Atque hoc equidem facio non quaerendarum opum causa, sed sola spe promerendae tuae hoc obsequio benevolentiae, amicitiae. Illud respicit militiae praemia, veteranis bello isto civili ab Octaviano promissa, ac, finito eo, distributa. Hinc divitiarum notio ad agrorum possessiones, quae militibus adsignabantur, revocata a poeta. Errant igitur, qui ista munificentiae Maecenatianae faciunt, quae Augusti essent. — *hoc bellum militabitur*, socium me tibi in hoc et omnibus, quibuscunque tu interfueris bellis, adjungam, tecum belli pericula

prompto animo capessam, in spem tuae gratiae, tui solius gratia, vel potius, sperans me ita gratiam apud te initurum, tibi ita placitum; ex oppositione praemiorum publice propositorum — 25. Neutquam vero, ut amplas agrorum possessiones, latifundia, mihi inde quaeram. Latifundiorum notionem, quo vividius sensibus subjiceret, docta partim enumeratione vivide repreäsentavit, tum singulas partes mire exornavit poeta, Pro, possidere jugera, est, colere, arare ista, solenni ratione. V. v. c. i. 10. Tum pro, ut arem jugera, quaesitus est, ut nittantur, innitantur, infigantur, premant, proscindant sc. terram aratra mea. Quod quum paullo durius sit supplere, video an probabilius haec altera sit explicandi ratio: *aratrum nittitur obnittitur juvencis*, quatenus aegre ac difficulter ab iis promovetur, vomere in terram depresso, jucunda et ad sensus veritatem composita imagine. Denique fundi amplitudinem docte designant *plures juvenci* (Boeth. Conf. Ph. III. mest. 3. ruraque centeno scindunt opima bore), aratro s. jugo aratri illigati, pro quo inversa ratione aratra juv. illigata dicuntur. — 27. Rem pecuariam, haud contemnendam fundi partem, nobilissimis Calabriae et Lucaniae pascuis, indigitat. Cum enim Calabria per aestatem nimio calore gravaretur, Lucania contra propter montes ac saltus temperatior esset, in utraque regione divites Romani pascua habebant, ut gregibus ipsorum aestiva in Lucania, et hiberna in Calabria essent. Ita enim adpellat ista Varro III. 9. 16. Noster Epp. II. 2. 177. Quid vici prosunt, aut horrea, quidve Calabris saltibus adjecti Lucani? Jam pro: pecus Calabra pascua Lucanis mutat, perpetua structurae inversione est: Calabrii Lucana mutat, h. e. e Calabria in Lucaniā agitur. Vid. ad I. 17. 2. — ante sidus fervidum, ante ortum Sirii, sub mensem Julium, Calabri populator Sirius arvi Val. Fl. I. 683. — 29. 30. Tertia fundi rustici pars, villa, cuius amplitudinem ac magnificentiam his vv. a poeta designari vix dubitandum. Sed elocutionis ratio paullo obscurior. Barth. Advv. IV. 13. verba: *villa tangat moenia Circaeum Tusculi explicat*, pari cum illis aestimetur pretio, par sit structura et aequabilis, parum commode. Acron: nolo continuare agros Tusculanos usque ad Circaeum sc. promontorium, s. Circeios. Disjunctit adeo villam Tusculi a Circaeis moenibus, itaque ambiguitatem vix ferendam orationi intulit, et villam non de aedificiis sed de fundi agris capiendam statuit. Quod

posterioris Cruquii Schol. quoque amplexum esse video. Ait enim: ut dilatentur termini agrorum meorum usque ad Circaeum oppidum T. s. Prove uterque. Nam agrorum spatiose tractus jam admensus est poeta vv. 25. 26. et *candens v.* non nisi de aedificiis splendidis h. l. agi sole clarius ostendit. *Omnibus sollicite perpensis*, equidem poetam hoc velle statuo: reque id quaero, ut villa mea Sabina Tusculum attingat, h. aedificia ejus adeo dilatentur, ut ad Tusculi suburbia continua serie porriganter. De villa multarum urbium faciem praestantibus vid. ad II. 15. 1. Hinc facile perspicitur, *moenia Circaeae Tusculi esse pro, m. Tusculi Circaeae*, h. a Telegono, Circes et Ulyssis filio, conditi. Vid. ad III. 29. 8. — *candens*, marmore expolita: omnino aedificiorum magnificentiam declarat. — *Tusculum supernum*, absolute a cipiendum, in colle situm, ratione adjacentium camporum depressiorum habita.

v. 31. *Satis tu me fecisti locupletem* (Epp. I. 7. 15.) Sabino donato. Similiter II. 18. 12. *nec — largiora flagito, satis beatus unicis Sabinis.* — 32 — 34. Ego, ab avaritia pariter atque luxuria, praecipuis acervandarum opum causis, alienissimus, nihil amplius desidero, in agello meo acquiesco. *Haud paravero comparaho*, meum non est, congerere dvitias, quas aut *terra premam*, abscondam, defodiam, avari instar, aut luxuriose *perdam*, disperdam, profundam. Avarum docte Chremetis persona illustrat, e Menandi Thesauro (uti docte Boettig. e Donato ad Ter. Eun. Prol. 10. colligit) adducta. Nam Terentiani Chremetis ingenium h. l. importunum est, quamquam ita Scholl. — *Nepotes homines luxuriosi atque gulosi dicti; res notissima.* Vid. Casaub. ad Pers. VI. 71. et Dorvill. ad Charit. VII. 1. Hinc *discincti*, soluta, laxa veste conspicui, quod molliorum erat ac luxa diffluentium. Unde *otia discincta* docte vocat Ovid. Am. I. 9. 41. Cf. Lamb. Ceterum rem universe intelligendam esse, facile adparet, quum tamen Maecenatem fere discinctum fuisse satis constet, exstitere nonnulli, inficeto rure inficetiores illi, qui tacite ei ab Horatio opprobrium factum contenderent.



ARGUMENTUM II.

---

Quam parum sibi constant hominum, quos  
sua cupiditas dicit, vota atque consilia, adeo  
quidem; ut quemque fere sui poeniteat, lucu-  
lenter admodum Alphii foeneratoris exem-  
pto ostendit hoc carmine poeta. Confectus  
ille enectusque innumeris, quas res foenebris  
habet, curis ac molestiis, vitam rusticam,  
otiosam illam, eamdemque maximis utilitati-  
bus jucunditatibusque refertam, summis ex-  
tollit laudibus; itaque potiorem habet, ut  
amplectendam eam rusque commigrandi cer-  
tissimum consilium capiat: idemque tamen  
paullo post, victus lucri studio, ad ingenium  
pristinamque vitae consuetudinem reddit. In  
praestantioribus haud dubie ingenii Horati-  
ani monumentis hoc carmen habendum est,  
cum ob naturalem argumenti, in vitae rusti-  
cae adumbrandis deliciis copiosi, suavitatem  
tum ob insigne Veneres poeticas, imaginum  
varietate, orationis comita mundicie, delecta-  
que epithetorum proprietate ei adfusas. Fu-  
ere, qui cum v. 66. carmen finitum, illudque  
totum intra vitae rusticae laudes contentum  
mallent, quandoquidem percepta ex eo vo-  
luptas extremis versibus, Alphium sordidum  
hominem, ista loquentem prodentibus, admo-  
dum infringatur ac deleatur: ita vero habe-  
remus congeriem imaginum rusticarum poe-  
tice tractatarum, sed anima, ut ita dicam,  
prorsus destitutam, nulloque certo consilio  
factam, quod quidem ne idyllii quidem luxu-  
riantius in se desiderari patitur ingenium,

*nendum lyrice ratio, quae hactenus tantum talia lenocinia haud refugit; atque anquirit adeo, quatenus viam, qua ad scopum aliquem sibi propositum tendit, amoeniorem efficiunt; Cujus generis plures apud Nostrum carminum ingressus sunt; veluti I. 4. et 9. IV. 7. init. Qcumque ab imaginum potissimum veritate venustatis sensus exsistat, veri autem summam speciem habere necesse sit, quod invito quasi cuiquam excidit; nescio an hac ipsa adornatione jucunditatis aliquid rei accedit; qua eadem poeta consequutus est hoc, ut probabile, quod de vitae rusticae praerogativa proferret, videretur judicium, Alphio quippe inditum, homini deliciarum, quas vita urbana proprias habet, satis gnaro. Adposita adeo inde a v. 49. victus urbani ac rustici comparatio, in qua illud mirae venustatis est, quod iste lautiis se urbanis haud aegre caritatum profiteatur, quarum tamen quam molliter ferat desiderium ipso earum adparatus facto recensu abunde ostendit. Ceterum ejusdem Alphii meminit Colum I. 7. 2. ubi hoc ejus dictum refert: vel optima nomina non adpellando mala fieri, e quo hominem istum abunde cognoscas. Cum vitae autem rusticæ descriptione comparent humanitatis studiosi Virgil. Ge. II. 458. sqq. Martial. I. 56. Claudian. c. 52. et e Graecis Aristoph. fragm. apud Stob. Floril. p. 213. et Liban. Progymn. p. 88. ed. Morell.*

#### A d n o t a t i o n e s .

v. 1. Quo certius de vitae rusticæ praerogativa constet, poeta, antequam ad ipsas, quas in se habet, enarrandas voluptates atque jucunditates progreditur, cum aliis quaestuosis, quae sua

tempora suppeditarent, eam componit generibus, notatis simul, a quibus illa inmunis est, aerumnis ipsorum atque molestiis. Delectus in singulorum recensu, loquentisque personae rationis a poeta habitae obvia animadversio est. Jam illud *beatus magna ἐνεργείᾳ* initio statim positum, et expressum potius Alphio, homini, in rei foenebris exercitio sibi beatissimo viso, sed ejusdem curis tunc temporis misere confecto; quam ex animi ejus sententia prolatum. — *procul negotiis*, haud districtus vitae negotiosae molestiis. Negotia enim ad omne vitae genus pertinent, quod et molestias et periculi metum secum fert, maxime quaestuosum: cui opponitur vitae rusticæ *otium* (ut I. 1. 16. *otium et oppidi laudat rura sui*; adde Virg. Ge. II. 468. *latis otia fundis et Cul. 72. Otiaque invidia degentem ac fraude remota*) quippe suis contentae, neque adeo augendae aut amittendae rei cura ac sollicitudine vexatae. Disertius mox, inde a v. 3. talia negotiosae vitae genera exponuntur a poeta. Unde facile adparet, minus commode h. l. de solo foenorū exercitio a quibusdam accipi. Optime jam Schol. „negotia dicit molestias urbanae vitae. — 2. *Ut prisca gens mortalium*, qualis vita antiquissimorum hominum fuit. Illud in genere a poeta tempus designari putem, quo homines in societatem primum collecti ad agros colendos unice studia sua conferrent, nullo needum habendi ardore, per cupiditates demum excitato, vexati; quam quidem simplicitatem atque frugalitatem in unaquaque gente aliquando existisse manifestum est. Arateam hanc aureae aetatis notionem, ad rei veritatem magis descriptam, recte dixeris: Phaenom. 108. sqq. Οὐπωλευγαλέσθ τότε νείκεος ἡγίσταντο, οὐδὲ διαχρίσιος περιμεμφέος, οὐδὲ κυδούμου· αὔτως δ' ἔξων, χαλεπή δ' ἀσέκεστο θάλασσων καὶ βίον οἴων τῆς ἀπόπροθεν ἡγίνεσκον, ἀλλὰ βόες καὶ ἄροτρα. (quocum cf. Hygin. P. A. XXV.) expulso τῷ τερπτώδει de frugibus sponte nascentibus, vini ac mellis fluentis, quae protritae aetatis istius sunt poetarum exornationes. Senec. Hippol. 483. sqq. *Non alia magis est libera, et vitio carens, ritusque melius, vita, quae priscos colat, quam quae relictis moenibus silvas amat cet.* Majorem autem διενήρηται (adde et dignitatem ac veritatem) sententia habet, ita accepta, quam si ad priscam Romanorum vivendi normam illam adstringas; apud quos quidem etsi *cura rusticationis* (ut Colum. Praef. ad I. 13. ait) gloriae esset (Cato de R. R. I. 1. *Majores nostri — virum bonum quum*

laudabant, ita laudabant, bonum agricolam bonumque colo-  
num. Amplissime laudari existimabatur, qui ita laudabatur.);  
cum eorundem tamen hellico sineque dilatandi animo cupido  
reliqua vix conciliebat. Tum omnino obstat videtur elocutionis  
ratio. Signatus certe Virg. Ge. II. 532. *Hanc olim veteres vitam*  
*coluere Sabini, hanc Remus et frater cet.* — 3. *exercet rura*  
*bubus, occupatur in versanda, subigenda vomere terra, arat*  
*rus, agricola.* Similiter *exercere collum vomere* Virg. Aen. VII.  
798. Ge. II. 356. *presso exercere solum sub vomere*, et 418.  
*sollicitare tellurem.* Agrum *exercitatum ac multa aratione re-*  
*solutum dixit Pallad. X. 10. 2. Χρόνα ταπεσσειν ἀλλὰ χερῶν* jam  
Pind. Ol. II. 113. — *paterna*, a majoribus hereditate transmis-  
sa, nullis accessionibus in regni speciem amplificata, qualia divi-  
tum Romanorum latifundia Horatii aetate erant. Cf. III. 16. 3r.  
Eadem continentiae laudem exhibit Noster I. 1. 11. *Gaudentem*  
*patrios vindicare sarculo agros cet.* Similiter villulam suam celebrat  
Auson. Id. III. 1. *Salve, herediolum, majorum regna meorum,*  
*quod proa<sup>us</sup>, quod avus, quod pater excoluit.* Nostrum ex-  
prescit Claudian. LII. 1. *Felix, qui patriis aevum transegit in*  
*agris.* — *suis*, cum vi. Aristoph. l. in argum l. *κατημένον ζευ-*  
*γύπτον οἰκεῖον βοοίν.* — 4. sqq. Nullis, quae reliquos rei quaerendae  
modos comitantur, curis districtus; colit adeo agellum suum  
animo otioso ac tranquillo, hanc ipsam ob rem beatissimus ab  
Alphio judicatus. F. praecipuis autem divitiarum parandarum mo-  
dis foenus primo loco ponit, satis obvia ratione. Reliquos, qui  
sequuntur, complectitur Claudiani c. l. v. 7. 8. *Non freta mer-*  
*cator tremuit, non classica miles; non rauci lites pertulit ille*  
*fori.* — *Solutus omni foenore, nihil omnino rei habens, haud*  
*implicitus rei foenebris negotiis, animo gaudens ac foenore liber*  
Martialis inde IV. 89. 6. *Impediunt curae, negotia, animum;*  
quibus solvitur, iis liber. Vid. ad I. 22. 11. Prave utique non-  
nulli explicant: nihil protersus debens alteri, ab aere alieno li-  
ber. — 5 Neque *miles*, dato militiae nomine, labores atque aerum-  
nas, quas militia habet, experitur, perpetitur. Erat illa istis  
temporibus maxime quaestuosa, cum propter aucta militibus  
stipendia, constitutaque finita militia praemia, tum propter im-  
manem praedandi licentiam. Vid. Heyn. ad Tib. I. 1. 1 Jam  
aerumnosam militiam per turbatos *classico h. signo capessendae*  
*pugnae in repentino hostili incursu edito, somnos declarare, so-*

lenne poetis. Tib. c. I. 4. *Martia cui somnos classica pulsa fugent*, ubi vide ejusdem viri Not. Atque ita acceptum maiorem sententiae vigorem conciliat, quam si de signo primo quovis diluculo, ad milites somno excitandos dari solito (χοιμωνεύοντας τὸν ὄρθρον εἰν τῷ πολέμῳ διεγείρουσιν αἱ σάλπιγγες, Polyb. XII. p. 666. Casaub. Unde in pacis commodis refert Bacchyl. apud Stob. T. LIII. χαλκίων δ' εὐέτει σαλπίγγων κτύωσ, οὔτε συλλαται μελίφρων ὕπνος ἀπὸ βλεφάρων, certatim a VV. DD. cum Tiburtianis collatus) h. l. cogites. — *truci, minaci*, (ut *minax murmur cornuum* II. 1. 17.) vel cuius sonus horrorem ciet, unde *classicus horror* nove dictus Salei. Bass. in Pis. 129. ubi v. Wernsd. — 6. Neque periculis, quae mercaturae propria sunt, obnoxius est. Cato R. R. init. *Est interdum praestare mercaturis rem quaerere, ni tam periculosum siet; — at ex agricolis quaestus stabilissimus consequitur, minimeque invidiosus.* Mercaturam docte poeta per navigationem in longinquas terras designat, ut III. 1. 26. et alibi. Alii militiae descriptionem h. v. continuari autumant; parum commode; quamquam maris in eadem rationem habitam a Nostro videoas II. 6. 7. — *iratum mare, tumidum, tempestuosum, timens inde vitae ac mercibus suis.* Cf. I. 1. 16. et III. 1. 26. et 29. 60. — 7. *forum vitat*, non causas in foro agit, tanquam patronus, inclarescendi atque honorum divitiarumque inde consequendarum studio. Ita accipere praestat, quam de litibus, quas ipse sectetur. Martial. V. 20. 5. *Nec nos atria, nec domos potentum, nec lites tetricas, forumque triste nossemus.* Senec. Herc. sur. 172. *Hic clamosi rabiosa fori iuria vendens, improbus iras et verba locat.* — *vitat limina, non adit, frequentat atria civ. potentiorum, patronorum, salutandi eos ac deducendi causa.* Lim. *superba* proprie possunt accipi de atrio *superbo*; splendido; nam hoc curiosa magnificentia veteres exornasse satis constat. Vid. III. 1. 45. Multo tamen magis adpositum erit, si intelligas ea, quae clientes superbo habent, communicata cum iis dominorum superbia. Senec. trag. laud. 164. *Ille superbos aditus regum, durasque fares, expers somni colit.* Atque ita hunc locum cepit Columella I. Praef. 7. sqq. qui omnino initium hujus carminis in rem suam vertit, unde quum Nostro aliquid inde lucis adfolgeat, potiora delibanda statuimus: *Cetera (praeter agriculturam) diversa et quasi repugnantia dissident a justitia, Nisi aequius existimamus, cepisse*

*praedam ex militia* (v. 5.) — — *an bellum perosis maris et  
negotiationis* (v. 6) *alea sit optabilior*, *ut se fluctibus audeat  
credere, semperque longinqui litoris peregrinus ignotum pereret orbem?* *An foenratio* (v. 4.) *probabilior sit*. *etiam his invisa.* *quibus succurrere videtur?* *Sed ne caninum quidem,*  
*sicut dixerunt veteres, studium praestantius locupletissimum quemque adlatrandi et contra innocentes et pro noventibus* (v. 7.)  
— *concessum intra moenia et in ipso foro latrocinium?* *An honestius duxerim mercenarii salutatoris mendacissimum aucupium circumvolitantis limina potentiorum* (v. 8.) *somnumque regis sui rumoribus angurantis?* *neque enim roganti, quid agatur, intus respondere servi dignantur.*

v. 8. Sequuntur parvae vitae rusticae tabulae, in quibus eam rerum faciem representari vides a poeta, quae vitam illam otiosam omnibusque curis vacuam sensibus nostris subjicit, quaeque in tenui animique potins recreandi causa suscepto labore uherimos cultori fructus suppeditat. Adjecta inter haec amoenissimae descriptio; dies festi genialiter acti, et sic porro. — *Ergo, οὗτοι, γάρ, καὶ γὰρ οὐν, ut itaque, quae vitae ejus partes sunt, persequar, enarrandi initium faciam, rusticus agit hoc, ut certa nota inchoandi formula, veluti Colum. X. 35. Tum solenne Nostro, res, quae deinceps diversisque temporibus fiunt, per aut — aut copulatas enuntiare. Jam ex operibus rusticis primo loco ponit vitium culturam; quam quidem una ejus specie, propaginibus per agros disponendis, ordinandisque, designat. Hanc docete et ornate extulit. Populos vitium propagine, novellis vitibus maritat, vites adjungit, copulat populis, solenni ac propria fere SS. rusticis hue de te locutione. Plin. XIV. 1. In Campano agro populis nubunt, maritasque complexae atque per ramos earum procacibus brachiis geniculato cursu scandentes cœcumina aequant. Colum VI. 2. 79. Ulmi quoquè vitibus recte maritantur. Ulmo conjuncta marito vitis Catull. LXII. 54. Supra IV. 5. 20. Et vitem viduas duuit ad arbores, et passim alibi. Propagatio autem siebet propaginibus s. ramis in terram curvatis ac defixis (unde pressos propaginis arcus Virg. Ge. II 26.) ut cum ea coalescerent, unde, quum radicibus actis convaluiscent (*adultae*), quod tertio anno fieri tradit Colum. de Arbor. 7., in arbusta transferebantur. Rem tradit Plin. XVI. 23. Colum. de Arbor. VII. Optimum hunc vitium proventum adserit Virg.*

Ge. II. 63. melius propagine vites respondent. *Populis* etiam, praeter ulmos, vites adjunctas fuisse, diserte memorat Plin. XVI. 37. idque propter altitudinem, quia vites naturaliter in sublime procedunt, tum et materias ampliores creant, et fructum aequaliter percoquunt, Colum. de Arb. 6. Adde eund. de R. R. V. 6. 4. *Vitem maxime populus* videtur alere, deinde *ulmus* ret. Claudian. XIV. 20. *lento premitur palmita populus.* — 11. 12. Eadem imago in Aristoph. l. c. εώσιτ' ἀκούειν προ-βατίων βληχωμένων. *Mugitusque boum mollesque sub arbore somni non absunt.* Virg. Ge. II. 470. et Martial. III. 59. 10. *Truces in alta valle mugiant tauri, vitulusque inermi fronte prurit in pugnam.* — *Greges mugientium, mugientes greges, bovis ἐριπευκός, ut balantium grex* Virg. Ge. I. 272. — errantes pascentes in valle reducta, sinuosa, ut I. 17. 17. — 13. 14. In-sitio, de qua Virg. Ge. II. 73 seqq. Non ad vites tantum, sed ad reliqua etiam arborum geneta referenda. Amputat ramos inutiles, steriles, resecat sarmenta, quae nec ipsi fructus ferunt, et aliis impedimento sunt, inseritque feliciores, felioris proven-tus, fertiliores ramos. Virg. Ge. II. 81. *ingens exiit ad coelum ramis felicibus arbos.* Adde Grat. Cyneg. 442. Potest etiam in-sitio arborum silvestrium intelligi, quae vel infecundae sunt, vel feros tantum fructus proferunt, quibus secunditas ac mitior na-tura felicioribus ramis inseratur.

v. 13. Mellatio. *Mella pressa*, mel favis in salgineum qua-lum vel tenui vimine rarius contextum saccum (Colum. IX. 15. 12. *sabanum* vocat Pallad. Jun. 8.) congestis expressum, eli-quatum, *Spumantia cogere pressis mella favis* Virg. Ge. VI. 140. Transfertur inde atque reconditur in amphoras, s. vasaf-ctiliu, juxta Colum. l. l. 13. — *puris*, ne mel corrumpatur. — 16. *Oves infirmae*, e natura earum, *imbelle, molle pecus*, uti passim audiunt. Alii, quae morbis sunt obnoxiae; quod quidem magis ferendum, quam, quod Baxterus adserit, fluore alvi labo-rantes, quem propter ovium clunes detondere necesse sit: quod sane inter voluptates rusticas vix commode locum suum tu-eretur.

v. 17 — 22. Vel, Auctumni tempore, poma et uvas legit. Auctumnale tempus splendida imagine repraesentatur a poeta. *Auctumnus*, Genius istius anni temporis, *effert arvus caput, e terra exsurgit, suaviter et habita fructum e terra provemien-*

tium ratione pro, in conspectum venit, adparet, procedente suo anni tempore, solenni phantasmate. Vid. IV. 7. 11. Jam εἴτιος οὐεταί ejus, ut omnino deorum ratalium (cf. Virg. Ge. II. 390 — 2.) quum largissimus naturae proventus sequatur; facile perspicitur, sumam omnium rerum ubertatis haec imagine simul declarari. — *decorum*, revinctum *mitibus pomis*, ramis pomiferis. Vid. ad IV. 7. 11. — 19. *Ut gaudet decerpens*, decerpere, vivide ei ornate pro magno cum voluptatis sensu decerpit *rira insitiva*, quae ipse inseverit, quod ipsum est, quo exultat. Delecte adeo haec poeta pro universis pomis possit. — 20. *certantem colore purpurea*, βέρεν πορφύρα, πορφύρον (Maec. X. 3. Zonae III. 3. in A. Br. II. p 80. et 239.) quae purpureum colorem dicit, Ovid. Met. III. 485. Ct. II. 5. 12. — 21. Primitiarum Diis agrestibus oblatarum mentio snaviter injecta in hominis rusticis probitate adversus Deos adumbranda. *Munera*, *munerari* de sacrificiis passim. Tib. I. 1. 19. *Vos quoque felicis quondam, nunc pauperis agri custodes, fertis munera vestra, Lares.* E diis agrestibus speciatim poeta commemorat *Priapum*, hortorum, et *Silvanum*, ruris deum praesidem: Pro qui in specie h. l. audit *tutor finium*, quatensis finibus regandis praeferat, lapide terminali religione ejus sancito. Dictus inde *Orientalis òrios*, cui est in confinio lucus positus, a quo inter duos vlturesve fines oriuntur, juxta vet. auct. de Limit. p. 294. Goef. Cf. Bronzi d' Hercul. T. I. p. 262. — *Pater*, communis deorum epitheto.

v. 23. *Suavissima otiantis rustici in amoenissima regione imago!* Desidiam ejus praecclare depingunt dueae enuntiationes modo — modo, ut I. 1. 21. — *antiqua*, annosa, adeoque patula, umbrosa. — 24. gramen *tenax* densitate sua, densum; vel, quod recens actis radicibus terrae firmiter adhaeret, novum, viridissimum. Illud tamen praeferam. Longius petitum videtur, quod Torrentius adserit: quod recubantem virore suo oblectat ac detinet. Sanadoni explicatio: quod vestigia impressa servat, minus suavem infert ideam. — 25. *Interim*, dum latus in umbra aut in toro gramineo recubat, delectatur aquarum lapsu. *Labuntur altis ripis*, intra alveum suum, ita ut ripae altiores sint. Forte tamen profundos amnes innuit hoc epitheto, quibus v. 27. teniores rivos opponit. Cui opinioni robur additur Senecae loco Hippol. 508. sqq. e Nostro ducto; *hie aves querulae fremunt* —

— juvat aut omnis vagi pressisse ripas, cespite aut nudo leves  
duxisse somnos, sive fons largus citas defundit undas, sive per  
flores novos fugiente dulcis murmurat rivo sonus. — 26. Inter  
dulcissimos avium concentus. Queri, querelae solennia de cantu  
avium, ut μίγεοθαι, μινυρίσματα Graecis poetis. — 27. fontes  
lymphis manantibus, aquarum suarum lapsu, cursu, aquae fon-  
tium obstrepunt, ξύτιαχσύσται, obmurmurant sc. avium querelis,  
cum leni strepitu profluvunt. Propert. IV. 4. 3. *Lucus erat felix*  
*hederoso consitus autro, multaque nativis obstrepit arbor aquis.*  
Lene autem murmur docte poeta *l. manantibus*, designat. Nam  
manare de leni cursu aquarum solenne. — 28. *Quod murmur*  
fontium. Ad posterius retulit membrum poeta, quod omnium  
esset. Vulgaris sententia erat: inter quae somno indulgere vo-  
lupe est, quae suavissimum accersunt, conciliant somnum. Ovid.  
Met. XI. 604. *Invitat somnos et repitantibus unda lapillis.* Cf.  
Virg. Ecl. I. 54. Stat. Theb. I. 585. *suadetque leves cava fistu-*  
*la somnos.* — *leves*, molles, utpote hominis curarum expertis.  
Cf. II. 16. 15. et III. 1. 21. Comparant cum toto hoc loco hu-  
manitatis studiosi Theocr. Epigr. IV. 5. sqq. Virg. Cul. 144. sqq.

v. 29 sqq. At instantे hieme venationi et atcupio vacat. *An-*  
*nus hibernus*, anni tempus hibernum, hiems, ut *frigidus annus*  
Virg. Aen. VI. 311. *horrens annus* Stat. Theb. IV. 1. *pomifer*  
*annus Noster* III. 23. 8. vid. Intpp. ad Grat. Falisc. p. 58. Burm.  
*comparat*, colligit, adducit *imbræ* et *nives*, quatenus per illud  
tempus ingtaunt, ac defunduntur. *Annus Jovis* dicitur, antiqua  
notione, quatenus horarum anni arbiter est ac moderator; nihil  
amplius. Vid. ad 12. 15. 16. Invertunt alii orationem, et Jovi  
istas partes attribuant hoc modo: Jupiter per hiemem imbre  
n. comparat, commoda quidem sententia, cui tamen vereor, ut  
linguae leges addicant. — *Tonantis*, perpetuo Jovis epitheto.  
Ad rei tamen descriptionem trahi vult Toup. in Suid. T. II p.  
164. comparato Aristoph. fragmento: Κτι ξυνένοφε, καὶ χειμέ-  
για βροτῷ μάλ' ἐν. Ceterum imbrimin mentio hiemi illata Italici  
soli ingenio satis consentanea, et frequentata poetis. Infra XIII.  
1. *imbræ nivesque deducunt Jovem.* — 31. 32. *Aut — aut pro*  
*et — et.* Apros hinc et hinc, undique, trudit, compellit, co-  
git in plagas obstantes, oppositas, praetentas, immissa multa  
eane, multis canibus. Amant in canibus venaticis feminina  
poetae, utpote sagacitate praepollere credita, v. e. Lucret. I.

400. canes ut montivagae persaepe ferai naribus inveniunt insectas fronde quietes, — acres, ἄγριος, ἄγριόδοντας. Ad rem cf. l. 1. 29. — Aut tendit amite, suspendit amitibus, retia, dolos turdis, quibus turdis insidietur, eos capiat. — rara, ornat simpliciter. Amites „hodieque adpellari surenlas, quibus retia in venatione vel in aucupio suspendantur“ notat Porphyr. ad h. l. leves, levigati, in hunc usum expoliti. edacibus, adposito epitheto, quibus ideo facile imponitur. Martial. l. 1. v. 26. Sed tendit avidis rete subdolum turdis. Ad sententiam Seneca tr. l. 500. aperto aethere innocuus errat, callidus tantum feris struxisse fraudes novit. — 35. grus advena, e genere adventicio; nt Varro vocat III. 5. 7. qui, instante hieme, ex septentrionalibus plagiis tepidiores regiones commigrat. Captat praeclare utrius admodum. — jucunda praemia, dulcissimam insidiarum structarum mercedem, praedam. Ovid. Rem. Am. 208: Lenius est studium, studium tamen, alite capta, aut lino aut calamis praemia parva sequi. Propert. III. 11. 46. Pana tibi comitem de rupe vocato, sive petes calamo praemia, sive cane.

v. 37. 38. In expedienda horum versuum sententia interpres mire fluctuare ac diversa amplecti videas, quae tamen omnia impediti quid ac salebrosi habent. Alphii potissimum rationem habent, qui amorem de habendi cupiditate, augendarumque opum studio explicant, quod quidem molestiis suis haud caret, quas tamen in tot ac tantis vitae rusticae commodis, illarum taedia longe exsuperantibus, facile ferendas judicet Alphius. Sed, ut taceam, amorem nusquam absolute de avaritia dici, quis non videt, tabulas, a poeta scitissime adornatas; illata vitae rusticae rei foenebris cura, plane confundi ac misere perturbari? Quod si vero poetae mentem esse velint; rusticum amoris s. opum coacervandarum studii inter has delicias rusticarum plane obliisci h. e. ne cogitationem quidem in animum admittere, adeoque nec ejus aerumnis affici, videant, quam opportunam h. l. sententiam inferant, quantamque omnino vim poetae verbis faciant. Alii Alphium amores suos, quos parum prosperos in urbe expertus esset h. l. professum volunt: quo ipso tamen vitae rusticae et urbanae colores permisceri manifestum est; tum multo magis consentaneum erat, aerumnas, quas ei plurimas res foenebris objiceret, commemorari. Evidem, quod simplissimum atque ante pedes est, amplector hoc: In tanta, inquit

poeta, utilitatis, quam vita rustica praebet, ubertate, delectationisque varietate quis non leviora, quae omnino humanae naturae propria sunt, ferenda existimet incommoda? pro quibus poetam amoris cruoatus in specie ponere putandum est. Hos autem cum ipso amore opere faciendo venandique studio optime discuti abigique satis locuples auctor est Ovid. Rem. A. 199. *Vel tu venandi studium cole; saepe recessit turpiter a Phoebi victa sorore Venus.* Nunc leporem prouum catulo sectare sagaci —. Aut his aut aliis, donec dediscis amare, ipse tibi furtim decipiendus eris. Inter haec adeo venationis studia atque oblectamina facile quisque curarum, quas amor habet, quae amori insunt, obliviousatur. Graecam plane, quae in hoc v. regnat, orationis structuram, passim obviam, facile animadvertis. Curae malae, quae animum adfligunt; macerant. Mire argutatur Lamb.

v. 39. Quod si agricultae tam felici esse contigerit, ut pudicam et laboriosam uxorem habeat, sane tum nemini felicitatem suam invideat. Docte posterius comma atque ἐναργῶς poeta ita enuntiat, ut commissis inter se urbanae ac rusticae vitae deliciis, palmam hisce, ipsius Alphii judicio, decernat. Mulier in partem juvat domum ac liberos, Partem eam laborum, quae curandae rei domesticae educandisque liberis prospicit, τὰ ἔνδον ἔργα καὶ ἐπιμελήματα, quae Xenoph. Oecon. IV. 4. vocat, in se recipiendo. Praeclare ad sententiam Electra Euripidea v. 71. sqq. Δεῖ δὴ κακέλευστον, εἰς ὅσον σάφεια, μύχθρη ἐπικονφίζουσαν, ὡς βάρον φέρεις; συνεκκομίζειν τοι πάνοντας. οἵτις δὲ ἔχεις τὰξωθεντὸν ἔργα. τὰν δόμοις δὲ ἡμᾶς χρεῶν ἐξευρεωίζειν.

v. 41. 42. Appularum maximeque Sabinorum mulierum castitas, frugalitas, laborumque tolerantia passim vett. laudata exemplaque proposita, quoniam in his populis diutius vigeret antiqua disciplinae domesticae severitas. Cf. III. 5. 9. Ita Namiam Livius Hist. I. 18. *instructum refert non tam peregrinis artibus, quam disciplina tetrica ac tristi Sabinorum, quo genere nullum quondam incorruptius fuit.* E Nostro fluxit pulcherrimus Statii locus Silv. V. 1. 122. sqq. *Velut Appula conjux agricultae parci, vel sole infecta Sabino, quae videt emeriti jam prospectuntibus astris tempus adesse viri, propere mensusque torosque instruit, exspectatque sonum redeuntis aratri.* — perusta solibus, ήλιον παντος, praecitate in laborum patientia ejus, per aestatem ostendit.

sa, notanda. Appulus *pernix*, propter frequentes montium ascensus in ista Italiae parte. Pernicitas enim propria populis monticolis. Cf. IV. 14. 11. Forte tamen aptior h. l. significatus erit, si *A. pern.* interpreteris, impigrum, strenuum. — 43. Non epulis parandis, quod nonnulli volunt, quippe fere ἀνύποτοι, quibus rusticus fructus; sed balneo, quo virum laboribus fessum recreat, faciendo ignem ab uxore ejus excitari puta; id quod epith. *lassi* abunde adstruit. Tibull. I. 10. 42. *Et calidam fesso comparat uxor aquam.* — *exstruat lignis focum exquisitiore forma pro ligna in foco exstruat*, quam nec pedestris oratio resiformidat. *Mensae conquiritissimis cibis exstruebantur*, Cic. Tucc. V. c. 21. Cf. Ovid. Met. XI. 120. Docte autem τῷ *exstruere* ligna super foco large reposita innuit poeta. — *sacrum*; ob Larium religionem; res nota. Vide vel 5. 65. — *vetustis*, aridis. Ad sententiam Eurip. El. 75. εἰσιάντη δ' ἵργατη θύραςεν ηδὺ τὰν δον εὐρίσκειν καλῶς. — 47. *Pecus laetum* adspectu, pingue, ut *laeta armenta* Virg. Aen. III. 220. et passim. Praeclare respondet uberibus *distentis* sc. lacte (uti plenius Virg. Ecl. VI. 21.), σφυγώσῃ. Cf. infra XVI. 50. Serm. I. 1. 110. — *siccet*, emulgeat. Lucan. IV. 314. *distentas siccant pecudes.* — 47. Bene Schol. Cruq. „hoc ad idioma rusticæ simplicitatis pertinet, hornum vinum bibere.“ Scilicet mustum veteres in dolia defundebant, ut ibi deferviceret ac liqueceret (C. XII. 28. 3.), unde statim homines tenuiores bibere solebant, quod vinum inde doliare dictum, h. de dolio haustum, quum lautiorum palatum vina in amphoras diffusa, atque in apothecis recondita, utpote limpida et atque vetustate ac fumo amariora, praeficeret. Hinc *dolum dulce*, quippe quod *horna*, novella *tina* continet, musti adhuc servantia dulcedinem. — *promens adparat*, promit atque adparat *dapes inemtas*, ruri natas, quas fundus praestat. Virg. Ge. IV. 132. *seraque revertens nocte domum dapibus mensas onerabat inemtis.*

v. 49. sqq. Omnes facile cupedias hisce posthabuerim, multo magis delectarer coenae agrestis frugalitate ac simplicitate, quam mensae urbanae deliciis; pro hoc utriusque adparatus recensum subjungit poeta. Lautiorum dapes instruxit *conchyliis* pretiosisque pisibus, *rhombo* et *scaro*, tum et avibus transmarinis, quae in triclinium ganearium introierunt, gallina Numidia et attagene. E *conchyliis* s, ostreis adposuit *Lucrina*, e lacu

Lucrino arcessita, prae ceteris cupide expetita, atque optimi saporis habita, judice Sergio Orata apud Plin. H. N. IX. s. 79. *Rhombus* e nobilioribus piscibus, a magnitudine maxime commendatus. Cf. Serm. I. 2. 116. Juven. XI. 121. A Columella quoque inter eos pisces refertur, *quorum pretia maxime vigerent*, L. VIII. 17. 9. *Scaro* autem principatum datum fuisse tradit Plin. H. N. XI. 17. *ἀπαλόσαρκος καὶ γλυκὺς* audit Diphilo apud Athen. VIII. p. 355. C. *Visceribus* maxime bonum praedicat Martial. XIII. 84. *χειμῶν*, tempestas, *intonata*, nove pro, quae cum fragore incussa, immissa est, incubuit *Eois fluctibus* mari Eoo: quae in eo fluctus excitat, cum iisdem propellat, et ad hoc nostrum mare vertat, agat; si qui forte maris, cuius indigenae sunt, tempestatibus acti ad has horas deferantur. *Maxime frequentatum* cum mari *Carpathio* (unde *ultimis ab oris attractus* audit Petron. c. 93.), neque *promontorium Troadis Lecton* sponte unquam (h. non nisi tempestate compulsum) transire tradit Plin. IX. 17. Adde Colum. VIII. 16. 9. qui *totius Asiæ Graciaeque litoribus Sicilia tenus frequentissimum exire, nunquam in Ligusticum, nec per Gallias ad Hibericum mare enare* auctor est. Claudii tempp. demum scaros inter Ostiensem et Campaniae oram ab Optato, liberto ejus, disseminatos fuisse tradit Plin. I. 1. — 53. *Non jucundior descendat, non jucundioris saporis sit, suavius sapiat, magis in deleiis sit; quam cet. Afræ aves, gallinae Numidicae, guttatae* (Martial. III. 58. 15.) de quibus accurate disputantem vide Schneid. ad Colum. VIII. 2. 2. — *attagen Ionicus*, prae reliquis Asiaticis sapore praestans. Martial. XIII. 61. *Inter sapore fertur alitum primus Ionicarum gustus attagenerum.* Cf. Ovid. Fast. VI. 175. Ceterum cum hoc lautitiarum elenco conf. Petronii locus, de Mut R. 33. sqq. *Ingeniosa gula est: Siculo scarus aequore mersus ad mensam vivus perducitur, inque Lucrinis eruta litoribus vendunt conchylia coenas, ut renovent per damna famem. Jam Phasidos unda orbata est avibus cet.* — 55. *quam*, quae fundus suppeditat edulia. *Olivas* quidem legi h. manu decerpi oportere commune antiquitatis praecepium erat, *quod eae, quae vapulascent, inarescerent, nec tantum olei, quantum manu stricta, darent* (Varro I. 55.) hoc tamen loco pinguissimas ac grandiores, quae conditui (Colum. II. 22. 4.) adeoque mensis reponerentur, curiosa, diligentia nudisque digitis lectas (Varro I. 1.) a poeta

inni facile fidem facit *pinguissimorum* ramorum, unde decer-  
perentur, adjecta mentio. Similiter ἀπολέκτος τῶν φοινίκων βα-  
λάνους, quae magnitudine sua mirationem facerent, vocat Xe-  
noph. Anab. II. 3. 15. — 57. De *Lapatho* v. Ind. ad SS. R. R.  
h. v. — *prata amantis*, pratensis in undis maxime locis eam  
provenire tradit Plin. XX. 21. Ventrem mollire credita. Noster  
Serm. II. 4. 27. *si dura morabitur alvus — pellent obstantia con-*  
*chae et lapathi brevis herba.* Unde lubrica dicta Colum. X. 373.  
— Eadem virtutem *malvis* adseruere veteres. Vid. ad I. 31. 16.  
Unde salubres corpori gravi, languenti, aegro ex adstricta alvo.

v. 59. 60. Frugalitatem rusticam vel in adparatu epularum  
paullo lauatori servatam praeclare adjecta ostendunt, quibus  
raro admodum ae nonnisi festis diebus rusticum iis indulgere ait;  
in quo et pietatis rusticae rationem habitam videas. Pro diebus  
festis Terminalia in specie commemorat poeta, tanquam religio-  
sius culta. Incidebant ea in a. d. VII. Cal. Mart. Ovid. Fast.  
II. 639. Sacrificia, Termino deo a Numa instituta erant antiqui-  
tus ἀναιμάτα (Plutarch. in Num. c. 16. Adde Dionys. Hal. Ant.  
II. 466.); mox agnae ac porcae immolatione cruentata. Ovid.  
Fast. II. 655. *Spargitur et caesa communis Terminus agna,*  
*nec queritur, lactens quum sibi poreca datur.* 60. *ereptus lupo.*  
qui adeo aliqui periturus fuisset, ut recte Gesn. Martial. X. 48.  
14. *Hoedus inhumani raptus ab ore lupi*, in frugalis coenae ad-  
paratu. Intempestiva ad h. l. est Mureti ac Lambini doctrina,  
hoc ideo ab Horatio adjici monentium; quod caro pecudum a  
lupis admorsarum tenerior ac delicatior sit, juxta Plutarch. Sym-  
pos. II. p. 831.

v. 61. *Ut juvat*, magnam voluptatem adfert, (contemplan-  
do divitias suas rusticas et fructus ex agricultura percipiendos  
animo praecipiendo;) *oves bene pastas*, saturas h. e pastu do-  
mum properantes videre, textis cratibus includendas, v. 45. —  
62. 63. Solennis vespertini temporis descriptio. Vid. ad IV. 6.  
42. Adde Oppian. Cyne. I. 138 sqq. iisdem coloribus utentem;  
ἢ πάλιν ἐσπερίστιν, ὅτ' ἡέλιος γυγὰ κλίνῃ (Sol juga demeret bobus  
I. l.) ὄππότε σημαίνοντιν ἔαλς ἀγέλησι νομῆσι, εῦτε καταστείχουσι  
ποτὶ σφετέρους κάλι σήκους βριθόμεναι μαζούς τε καὶ οὐθατα κυμα-  
τουσαι. Operis diurni absolutionem copiose adumbrant b. fessi,  
collum *languidum*, et ipsum verbum trahentes. Vom. *inversum*,  
h. aratrum vomere inverso, s. suspenso, ut Virgil. Ecl. II. 66.

*Versa jugo h. inverso jugo aratra* Ovid. Fast. V. 497. — *Ver-nae, ditis examen domus, vernarum examen, copia, turba opulentiae rusticae argumentum.* Tibull. II. 1. 23. *turbaque ver-narum, saturi bona signa coloni.* — *positi, discubentes cir-cea Lares, ambientes focum, epulisque indulgentes.* Cruqu. laudat Colum. XI. 1. 19. *consuescat rusticos circa Larem domini focumque familiarem semper epulari.* — *residentes, resplendentes a foco luculento.* Ad hunc enim positas fuisse Larium icunculas, satis constat. Primaria autem  $\tau\ddot{\omega}$  renid. ignis in foco lucentis ānest notio, foci puri ac purgatorum Larium (quod idem Cato 143. praecipit; *Focum purum circumversum quotidie priusquam cubitum eat, habeat*) omninoque munditiae rusticæ tantum secundaria. Evincit hoc Martialis imitatio, III. 58. 22. 23. *Cingunt serenum lactei focum vernaे, et larga festos lucet ad La-re silva.*

v. 67 — 70. Vid. Argum. Alphius ista secum loquutus (male nonnulli Horatium ista loquutum autem, interpunctione post hanc vocem insulse facta), reputansque vitae istius commoda, certus jam, *rus* commigrare (*jamjam futurus rusticus*); *omnem pecuniam*, in foenore collocatam, *redegit Idibus*, h. edixit debitoribus, quem Idus essent, pecuniam s. sortem cum usuris proximis Calendis pernumerandam; eandem tamen, quum eae advenissent, iterum *poxit* foenori, abjecto rusticandi consilio. Ex h. l. recte poni posse arbitror, capit is. pecuniae in foenore positae solutionem Calendis faciendam, *Idibus* indicis solitam fuisse; nam his vere coactam fuisse parum probabile videtur, quum usurae cuiusvis mensis initio persolvi consuevissent. Atque in hanc sententiam forte Cic. Catil. I. 6. *Praetermitto rui-nas fortunarum tuarum, quas omnes impendere proximis Idibus senties.* Ponere, proprium hac de re verbum, ut βάλλειν, ταταβάλλειν, τιθέναι gr. Vid. Tayl. ad Lys. p. 580.



### ARGUMENTUM III.



*Quum Horatius, coenae a Maecenate adhi-bitus, allium seu potius moretum, edulii ru-*

*stici genus, serpyllo aliisque acribus herbis, maxime allio (unde moretum alliatum vocat Donat. ad Terent. Phorm. II. 2.) confectum, atque inter exquisitiores dapes per jocum (id quod praeter v. 20. res ipsa arguit) a Maecenate mensae adpositum, degustasset, tetroisque illud stomachi cruciatus cieret; percitus atque commotus inde, quo scilicet dignam ei gratiam rependeret, omne bilis suae virus in pestem istam hoc carmine evomit, illudque dirissimis venenis aequiparat. — Levitati hujus argumenti miram gravitatem ac tragicum fere spiritum poeta admisit, quo scilicet Maecenati, auctori istius tragœdiae, risum exprimeret: atque haec propria hujus carminis virtus habenda est. Accedit sententiarum enuntiatio elaboratissima ac vere lyrīca.*

### Annotationes.

v. 1. Allium nulli venenorū generi secundum ostensurus, primo cicutae comparat, eique adeo anteponit poeta. Quae quum apud Athenienses publica capitī damnatorū poena esset, poeta, augendae rei causa, colores inde exornandae sententiae admisit, ita quidem, ut allium utique cicutae substituendum censere. Jam pro generali: si quis scelus capitali animadversione dignum commiserit, huic allii edendi poena statuitor, cicuta quippe efficacioris, speciem sceleris, idque, quo atrociori poenae locus esset, immanissimi, parricidii, posuit. Igitur si quis olim, posthac, aliquando (minus commode ad praeteritum tempus nonnulli referunt) *impia manu, ἀρρώστη, ἀναστός*, eo usque impietatis processerit, ut guttur parentis senile, patris senis, *frangat*, elidat, eum occidat (at quam εὐαρπέστερον alterum! cf. II. 13. 6.); auctor sim, ut is edat allium, ut allii huic edendi poena irrogetur, atrocissima, cicuta quippe dirioris. — 4. Quādura, fortia, robusta credere par est messorū esse *ilia*, quibus

nihil inde noxae inferatur, quae alio minime laedantur. De alio cum aliis herbis contrito, s. moreto, consueto messorum edulio Virg. Ecl. II. 10. *Thestylis et rapido fessis messoribus aestu allia serpyllumque, herbas contundit olentes.*

v. 5. *Quid hoc veneni saerit, quid hoc veneni est, quod hoc venenum dicas, quod adeo saerit, tam rapide agit, tantos cruciatus ciet in praecordiis.* Doctus ac frequens apud poetas est usus verbi *saerire* de rebus, quae cum vehementia agunt. Ita *amor et libido saerit circa jecur* I. 25. 15. *Petrōn. c. 17. major dolor saerit in praecordiis.* *Praecordia, φρέves, membranae, musculus*, qui medius est inter thoracem et abdomen, et respiratione tollitur, h. l. propter irritabilitatem suam cum delectu ad partes vocatus. — 6. Num venenum his herbis *incoctum me fefellit*, h. *incoctum, admixtum* fuit, quod *me falleret*, lateret, fugeret: omnino pro: num forte veneno herbae istae infectae sunt? Pro veneno speciatim est *cruor viperae*, in acutissimis olim venenis habitus. Vid. I. 8. 9. — 7. 8. Ex adfusi veneni suspicione eo statim defertur poeta, ut hoc scelus a Canidia designatum dicat. Cf. infra XVII. 61 et Serm. II. 8. extr. — *tractavit*, delecte pro, adparavit; adjectam enim illud verbum habet veneficii notionem, ut II. 13. 10. adde Senec. Med. 719. — *malas, noxias, veneno infectas*, ut *mala grama* Virg. Aen. III. 471. Tibull. I. 2. 51. *malae herbae*. et passim.

v. 9 — 14. Neque alio veneno Medeam usam esse crediderim. Duobus statim exemplis illustratam proposuit hanc sententiam, quae artis ejus maxima essent documenta, poeta. In primo spectanda unice τοῦ φάρμακον efficacia, quae Iasonem adversus taurorum violentiam igneumque spiritum tutum praestaret; alterum φάρμακον vere δηλητήριον. Notandum hoc propter morosius Scaligeri judicium Poetic. VI. p. 342. Medea, ut, us, postquam *praeter o. Argonautas mirata est*, oculos et animum depositit in duce candido, pulchro, Iasone, pulchritudine ejus capta est, hincque servandi ejus consilium cepit. *Mirari* ut I. 4. 19. IV. 9. 15. cf. I. 36. 18. *Candor de pulchritudine passim.* — *hoc* alii suco Iasonem *perunxisse, ἐγχρίσσει*, credere consentaneum est. Parum consulunt Horatio, qui veri quid huic poeticae rei exaggerationi subesse, ad alliique naturam, quae venena praesentiora efficiat, respici contendunt. Ad rem cf. Pind. Pyth. IV. 393. Apoll. Rhod. III. 1041. et Val. Fl. VII. 463. — *juga ignota;*

quae nondum experti essent tauri, a Iasone primum domandi. — 13. 14. *Hoc allii surco eadem inunxit dona nuptialia, pallam et coronam, quae Glauen s. Creusam, novam Iasonis nuptam, ad quam missa essent, magica vi sua perurerent atque extinguerent.* Sed variavit orationem poeta, adjecta fugae ejus, re perpetrata statim factae, mentione; plane ut infra V. 63. — *dona delibuta φυγάκω κεχρισμένα.* — *fugit serpente alite, curru alatis serpentibus juncto Athenas petiit.* Res nota ex Euripidis Medea et vel Apollod. I. 9. 28.

v. 15. 16. *Nec vapor, fervor, aestus siderum, sideris, h. Sirii, ejus exortu excitatus, tantus insedit Ap., tantus unquam per Apuliam fuit ferventissimo aestatis tempore, quanto viscera torrentur. Sedere, insidere, premere, incubare solennia de coeli intemperie, vel frigidiore, vel calidiore.* Lucan. X. 251. *Phœbus pressit Meroën, tellusque perusta cet.* Val. Fl. I. 683. *populator Sirius agri incubuit* Senec. Oed. 47. *gravis et ater incubat terris vapor.* De ciasso aëte Idem Herc. fur. 704. *immotus aér haeret, et pigro sedet nox atra mundo,* et Lucan. VI. 649. *non Tarnareis sic fauvibus aér sedit iners.* — *siticulosæ, aridae, torridæ ωλυδηλίον,* Hōmerico epitheto. Cf. III. 30. 11.


v. 17. 18. *Munus, vestis, Nessi cruore tincta, quam Dejanira Herculi misit, quo constantiorem ejus amorem experiretur, humeris ejus non aestuosius, majore cum aestu, vehementia, magis inarsit, artus ejus invasit, adedit; non majore aestu correptus est Hercules.* De fabula adeant, quibus opus est, Sophocl. Trachin. 581. sqq. Ovid. Metam. IX. 130 sqq. — *efficacis, impigri, strenui, invicti, perpetuo Herculis epitheto.*

v. 19 — 22. Allii foetorem extremo loco notat poeta, facetissima ad Maecenatem conversione facta. *Si concupiveris comedieris, tale quid, allium; sed illud praeclare prorsus, quasi ipsum allii nomen exhorreat, ut bene Gesn. Jocosum Maecenatem appellari vult Porphyrius, „cui velit jocos suos commendatos esse“ inscite prorsus.* Ita tamen Schol. quoque Cruqu. Reliqui sero omnes ad jocos Maec. amatorios, de quibus statim verba faciat poeta, referunt: haud incommode. Mihi tamen multo probabilius videtur, rem ipsam, quæ huic carmini occasionem dedisset, a poeta designari. Scilicet jocos fecerat Maecenas, inter exquisitas dapes alliatum, vilissimum rusticorum edulium, adponendo. — 21. *Manu opposita prohibeat, arceat te osculari se volentem puel-*

Ia. Propert. II. 22. 39. *opposita propellens suavia dextra prospicit in laxa nixa pedem solea.* — 22. *Et in extrema sponda,*  
diversa lecti parte extrema cubet, longe a te discubhat in lecto  
sc. ne acri foetore offendatur.



#### ARGUMENTUM. IV.



**T**emere eos agere arbitror, qui satis adfir-  
mate de homine, quem virulentis his iambis  
proscindit poeta pronuntiant, quum oppido  
multi infimae plebis atque servilis adeo con-  
ditionis exstiterint, qui inter extremi belli ci-  
vilis furores in nobilissimarum familiarum,  
quae per factiones aut extinctae aut proscrip-  
tiae essent, amplissimas possessiones involas-  
sent, perditissimisque moribus suis ad sum-  
mos honorum gradus evecti essent; quos qui-  
dem importuno fastu suo, quo novi isti ho-  
mines efferrentur, maximam bonorum omnium,  
quibus factionum insania pepercisset, in se-  
met indignationem concitasse, ipsa rei natu-  
ra fidem adstruit. Ex ipso carmine discimus,  
hominem, quem notat Noster, fuisse natum  
servili genere, quod flagitosissimae insuper  
vitae inquinasset labe, mox, ubi maximas di-  
vitias tribunique militaris potestatem adeptus  
fuisset, insolentissimum mortalium factum  
esse: quae quidem quomodo in Maenam, Cn.  
Pompeji libertum, congruant, adeo quidem, ut  
justam morum ejus imaginem exhibeant, ii  
viderint, qui nimis cupide Scholl. auctorita-  
tem, in talibus non admodum gravem, ample-  
ctendam statuunt. Ac gravissimam perfidiae.

*infamiam, qua laborabat Maenas, quis non  
in homine, quem ex suis ornatum vellet virtu-  
tibus poëta, silentio praetermissam jure cum  
Gesnero miretur? Neque enim, quod opponunt  
quidam, timendum erat poetae, ne, si vel ma-  
xime hos iambos tum temporis evulgatos fuisse  
statuas. Augusti gratia excideret, quem so-  
lum proditionis fructum in proditore amasse  
satis constet; in cujas tamen notitiam ne  
adductus quidem tum erat, quum hos scribebat  
poeta. Ut taceam, multo ampliores tribunicia  
potestate (quam eum tenuisse ne memoratur  
quidem ullibi) Maenae honores contigisse, quo-  
rum commemoratio multo graviorem ei ex-  
citatura fuisse invidiam, et alia, quae Scholl.  
fidem admodum sublestam faciunt. Vid. Sa-  
nad. et Boettig. ad h. l. Ceterum, quod jam  
Toupius vidit (Epist. crit. p. 180.), Anacreon-  
teis coloribus (in fragm. XXVII. Fisch.) non-  
nulla ab Horatio adumbrata esse, admodum  
probabile est. En Teji poetae verba:*

Ο παμπόνηρος Ἀρτέμων  
Κίβδηλον εὔρισκεν βίον,  
Πολλὰ μὲν ἐν δουρὶ τιθεῖς  
Αὐχένα, πολλὰ δ' ἐν τροχῷ,  
Πολλὰ δ' ἐν νάτῳ σκυτίνᾳ  
Μάστιγι θωμιχθεῖς —  
Νῦν δ' ἐπιβαίνει σατινέων  
Χρύσει φορέων καθέρματα  
Παῖς Κύκης,  
Καὶ σκιαδίσκην ἐλεφαντίνην  
Φορεῖ γυναιξὶν αὐτῶς.

## Annotations.

v. 1. Archilochia libertate initio statim acerrimum adversus hominem, quem petit, propositetur odium poeta, illudque, ut, quale sit, probe intelligatur, per comparationem ostendit. Pedestre erat: quam discordes natura lupi et agni sunt; tanto tui flagro odio. *Sortito* istis animalibus discordia obtigit, sortiti eam sunt; ἔλαχον, h. e. naturae lege ita comparatum est, ut mutua exerceant odia agni et lupi. *Sors* enim μοῖρα, τὸ εἰμαρμένον, quod fatali quadam necessitate constitutum est, ad quod natura facti summus, quod nobis attributum est. Plaut. Merc. I. 2. 25. Ac. *Periimus*. Ch. *Principium inimicis dato*. Ac. *At tibi sortito id obtigit*, h. tibi destinatum est malum. Senec. Phoeniss. 245. *fata quis tam tristia sortitus unquam!* De naturali luporum et ovium odio Homer. Il. XXII. 263. οὐδὲ λύκοι τε ἢ ἄρνες ὄμόφρονα θυμὸν ἔχουσσιν, ἀλλὰ κακὰ φρονίσουσι διαμπερὲς ἀλλήλοισιν.

v. 3. 4. Acerbe admodum pristinam, quae ei exidisse videbatur, conditionem suam in animum revocat, neque solum, quod servus fuerit, reprobat, sed etiam quod nequam. Hoc poenis servilibus, quas perpessus sit, poeta innuit. Anacr. l. in argum. loco: πολλὰ δ' ἐν νάτῳ σκυτίνᾳ μάστιγι θωμιχθεῖσι. *Peruste latus*, cuius tergum (pro quo significantius est *latus*, quatenus funis, tergo impactus, lateri se adplicat, insinuat) *funibus* s. *loris perustum* est, h. laceratum, notatum, in cuius tergo adhuc servilium flagrorum signa conspicua sunt. *Urunt verbera*, quae altius sedent; exquisite. Noster Epp. I. 16. 47. *loris non ureris aio et Serm. II. 7. 58. uri virgis ferroque neceri*. Catull. XXV. 10. *ne laneum latusculum — inusta turpiter tibi flagella conscribillent*, h. καταγράφωσι, ut Lucian. Catapl. I. p. 649. — *Ibericis*, e sparto Iberico tortis; nam Iberia s. Hispania sparti sercissima. Cf. Plin. XIX. 2. Unde *herbas Ibericas* spartum orator quidam, quamquam ridicule atque inepte judice Quintil. VIII. 2. 2. dixerat. Ornat adeo simpliciter h. l. et auget rei ideam. Quod enim inde cogunt nonnulli, hominem in Pompeji classe, quam Hispaniam tenderet, remigem fuisse, hoc paullo reconditus arbitror. — 4. *crura perusta*, attrita, στρυμωτοσύντα (v. Obss. misc. II. p. 242.) *dura*, ferrea *compede*. Cf. Tib. I. 7. 42. II. 6. 25. *Servum ex ergastulo designat*, qui opus in compedibus faceret, adeoque insimae sortis mancipium. *Nisi potius ad poenam ser-*

vilem referas. Terent. Phorm. II. 1. 19. *Molendum usque in pi. strino, vapulandum, habendae compedes.* Res notissima.

v. 5. Licet *ambules*, magnifico gradu te inferas, incedas, sis *superbus pecunia*, divitiis effeरaris, omnino quaesito ornatu, ac graphicē prorsus de homine divitiis superhiente, *quales fere sunt, quos ex humili magna ad fastigia rerum extollit, quoties voluit Fortuna jocari*, Juven. III. 39. Vulgare utique erat, utcunque opulentus sis. *Ambulare piaeclare de statu ac gressu basilico*, ut Plantus loquitur. Ad Nostrum Claudian. XVIII. 305. *erecto pectore dives ambulat.* Cominode comparat Boettig. gr. οφερπὶς βαδίζειν. — 6. *Fortuna*, opes, et, quos hae largiuntur, honores, non *mutant genus*, non abolent, delent generis ignobilitatem, illud efficere nequeunt, ut sordidos natales tuos, conditionem tuam pristinam illustrem reddant. Aliter de divitiarum vi Menander apud Stob. Grot. p. 867. τοῦτε μόνον ἐπισκοτεῖ καὶ δύσγενειαν, καὶ τρόπου πενηπίαν, τὸ πολλὰ κεκτῆσαι.

v. 7. Illud *superbus ambules* admodum ἐνέργος jam ab effectu declarat poeta, nimirum publica, quam inde in se concitet, indignatione, quam populus rei indignitate commotus prae se ferat, atqne palam ipso effundat. Multum amaritudinis habet, quod hujus rei veritatem ipsi extorqueat. — *te metiente viam*, gradu magnifico atque ad gravitatem composito incidente per viam Sacram, cum delectu, pro, te prodeunte in publicum. *Metiri viam*, διαμερίσασθαι, alias simpliciter est, confidere iter, carsum; h. l. de gradu ad aequabilem mensuram descripto (μετὰ πυθμοῦ βαίνειν), qualis jactabundi hominis esse solet. Ovid. A. A. III. 301. *Hacc movet arte latus, tunicisque fluentibus auras excipit, extensos fertque superba pedes.* *Viam sacram*, deleete ponit poeta; nam ea maxime otiosorum trita atque obssessa erat hominum turba, cui adeo se spectandum iste ingereret. — 8. Cum toga sex ulnas ampla, quae divitum ac delicatulorum hominum erat. Unde *velis non togis amictos* Cicero tales adpellat Catil. II. 10. laudante jam Schol. Cruqu. Tib. I. 6. 40. *Effluit effuso cui toga laxa sinu.* Vid. Brouckh. ad Tib. I. 9. 70. Arcta contra tenniorum. Noster Epp. I. 18. 30. *Arcta decet sanum comitem togā.* — 9. 10. Ut omnes, *huc et huc euntes, praetereantes, commeantes ista via, ora in te vertant, convertant, te ocalis, manu, desigant, signent, neque dissimulate, sed liberime indignentur, quod, quum olim servus nequam fueris, opes*

et honores amplissimos consecutus sis, insolentissimeque te geras. Pro hoc ipsas indignabundi populi voces refert atque adponit poeta; in quo summa ἐνάργεια est. Alii, ut jam Porphyr., *ora vertat*, volunt esse, detorquēat a te adspectum, male vel propter liberrimam indignationem; tunc talis demonstratio non usquequaque honorifica erat. Ovid. Amor. III. 6. 77. *Quid moror? en digitis demonstror adultera vulgi.* — Indignatio libera, non obscure aut dissimulanter prodita, sed erumpens animo ac pectore (Vellei. II. 66.), ac palam professa. Ita *libera verba animi* Juven. IV. 90. et *libera bils* infra XI. 16.


v. 11. Hic, inquit praetereuntium turba, servorum quondam nequissimus, summaque ideo ignominia notatus, jam vero in summa opum affluentia constitutus, et tribunus militum factus, vide ut insolentius se effert, ut luxu diffluit! Pristinam ejus nequitiam atque ignominiam declarant flagella *Triumviralia*, h. flagra a Triumviris rerum capitalium tergo ejus inficta. Nam hos in sceleratos servos etiam animadversionem habuisse, satis constat. Vid. Pignor. de Servis p. 13. Ad poenae atrocitatem designandam spectat *sectus* h. plane concisus, laceratus flagris (ut Martial. X. 6. 14. *severi sectus Aeaci loris*. Adde Juvenal. X. 316. Tib. I. 9.~22.) et ad ejus diuturnitatem, *praeconis ad fastidium*, h. eo usque caesus, ut praeco claimando defetisceretur, vox eum desiceret. Praeconi enim hoc datum erat negotii, ut, quamdia lictor virgis expeditis in tergum malefici saeviret, poenae causam praedicaret. — 13. Generatim quidem accipi potest fundum mille jugernm, ampla latifundia in Campania, fertilissimo et amoenissimo Italiae tractu, *arat* h. possidet (ut Serm. II. 1. 35.); significantius tamen ad notandam ejus luxuriem (etiam propter epith. *Falerni*), erit, si speciatim vineas, per Campaniae partem, vini optimi feracissimam, longe porrectas intelligas. Neque obstat *arat*, quum satis constet, vineas inter vitium ordines arari consueuisse. — 14. *Manni*, equi Gallici paullo brevioris staturali (unde et *mannuli* dicti Plin. Epp. IV. 2. Martial. XII. 24. 8.) beatioribus Romanis, ob velocitatem ipsorum, in deliciis habiti. Cf. Lucret. III. 1076. et Senec Ep. 87. — *Appiam terit*, voluptariani iter ista via instituit, Appiam frequentat: quam notionem v. *terit* forte adjunctam habet h. I. ut apud Virg. Ge. I. 580. *Angustum formica terens iter*. Alias ferere iter, viam, τριβήν ὁδὸν simpliciter, ire, incedere via.

Ad velocitatem vix bene referas. Ceterum *Appiam* (ut paullo ante *viām sacram*) delecte posuit poeta, utpote commendantur turbæ celebratissimam.

v. 15. L. Roscius Otho a. U. DCLXXXVI. legem tulerat, ne quis in XLV. Ordinibus, orchestrae proximis, sederet, nisi qui eques esset, aut equestrem censum (quadrageinta sestertium. Cf. Epp. I. 1. 57.) haberet, atque ideo in istum Ordinem adscriptus esset. Parem equitibus dignitatem habebant Tribuni militum, quibus adeo in istis gradibus sedendi jus erat. Martial. III. 95. 9. *vidit me Roma tribunum, et sedeo, qua te suscitat* h. proturbat designator *Oceanus*. *Othonem* igitur contemnebat ille, h. non metuenda ipsi erat lex *Othonis* theatalis, audacter invadebat istos gradus, cuius divitiae equestrem censum lerge superarent, et qui tribunus militum equestri dignitate gauderet; Sed invidiae metum subterfugere haud poterat, quod infima conditionis homo tantam potentiam, tantisque opes sibi acquisisset, iisque tam arroganter uteretur. Summam enim arrogantiæ prodebat, dum in *primis* istorum graduum *sedilibus* sese tanquam *eques magnus*, splendidus, illustris, jactaret, semper primos gradus occuparet. Totius igitur sententiae vim in *primis* et *magnus* verti, in promptu est animadvertere. Contemni res eleganter dicuntur, a quibus non satis tutos putamus, unde nihil periculi timemus. Tibull. I. 3. 37. *Nondum caeruleas pinus contemserat undas*. Bentl. laudat Juv. X. 123. *Antoni gladios potuit contemnere, si sic omnia dixisset.*

v. 17 — 20. Nos classi, quam adversus piratas atque collectam servorum fugitiorum manum paramus, hominem praeficiimus, qui ipse piraticam exercuerit, servusque fuerit, quo quidem nihil magis praepostere ac monstrose cogitari potest. Spectat ista Octaviani expeditio, magna mole adparata, ad a. U. DCCXVIII, quo Sex. Pompejum, qui infelicitis belli reliquias armatis ergastulis contractisque piratis adauxerat, persequendum opprimendumque statuit. Cf. Dio XLVIII. 20. Flor. IV. 8. et infra IX. 9. 10. Eaque res exitum habuit, pagna navalı ad Mylas, in Siciliae ora, commissa. *Quid attinet, stomachahundī est, quid expedit, quid commodi inde in remp. redundaturum credas? — tot ora cet. tam' adparate bellum navale adversus latrones s. piratas instruere*. Naves bellicas designant *ora gravis pondere rostrata*, h. *ora rostris gravis ponderis, aeratis, in-*

structa, rostratae; cum virtute, quatenus rostra ligendis mer-  
gendisque hostium navibus inserviebant. — 20. *hoc, hoc, maxi-*  
*me ἐραγως* repetitum, tam flagitioso servo regendae classi  
adimoto.



## ARGUMENTUM V.



**P**arum utique vim hujus carminis adsequunti  
mihi videntur ii, qui, quum illud omnino in  
traducenda diffamandaque artis magicae di-  
sciplina occupari viderent, hoc primarium  
poetæ consilium fuisse opinarentur, quæ  
quidem *Venusina lucerna* parum digna fuis-  
set materies; sed utitur tantum iis poeta ad  
majorem *Canidia*, quam contumeliosissime  
tractandam sibi proposuisset, conflandam in-  
vidiam, inurendamque infamiam. Quam quum  
eum in finem magicas artes tam diro adpara-  
tu adgressam poeta fingat, ut insulsi senis  
animum a se alienatum recuperet; satis pro-  
babiliter inde colligas, fuisse mulierem pro-  
pudiosæ libidinis atque ejus quidem aetatis,  
quæ ipsam, explendae istius causa, vilissimos  
homines expetere (*infra XVII. 20. de eadem:*  
*amata nautis multum et institoribus*) et ad hujusmodi artes, avolante formæ  
iynge, confugere cogeret. Jam quum eas po-  
tissimum puellas exagitet, omneque acerbitas  
suae in illas virus evomat poeta, quæ,  
quum vegeta ac florente aetate fastuoso ama-  
tores aspernatae fuissent supercilie, obrepentib-  
tibus annis ultro, incitatae importuna libidi-

*nis prurigine, viros adscitis omnibus, quibus  
forniae damnum resarciretur, lenociniis aliis-  
que artibus venarentur, sicque acerbas arro-  
gantiae pristinae poenas luerent; satis pro-  
babiliter statui posse existimo, Canidiam iis-  
dem praeditam fuisse moribus, gravissimam-  
que inde Horatio, qui ipse quondam fastidi-  
um atque arrogantiam ejus expertus fasset,  
bilem in se commovisse. Quo acriores igitur  
contumeliarum, quibus insequendam eam sta-  
tuisset, aculei essent, non satis habet. libi-  
dinosas ejus intemperias exagitare, sed ru-  
more, qui forte de magicis Canidiaē conati-  
bus increbuerat, in rem suam verso flagitio-  
sissimi, quod aliquando per magicas artes  
patratum innotuerat, eam insimulat sceleris,  
in puer ingenuo, ab ista subrepto atque cru-  
delissima morte affecto, designati: Quod quo  
majorem haberet veritatis speciem, operis ad-  
ministras ei adjungit neficas; per univer-  
sam Italiam, maxime Neapolin, artis suaē  
exercitio famigeratissimas. Sagānam, Vejam,  
Foliam. Ipsa repraesentatio istius maleficii;  
omninoque sacri, inter quod patrabatur. ma-  
gici, plane consummatae artis est: Inducitur  
puer, obtestans Canidiam, a qua truci se vūl-  
tu defigi animadvertebat, ne male quid, quod  
quidem animus ejus inde augurabatur, in sē  
statuat: quas tamen illa preces aspernala ve-  
stes ei ceteraque ingenuitatis ornamenta de-  
ripit, scrobique niento tenus indit, ut deside-  
rio cibi saepius mutati contabesceret. Inter  
haec parantur omnia, quae ad rem magicam  
pertinent; accenditur ignis, eique cumulate  
imponuntur, quae Varum. de quo laborabant;  
attractura putarentur, lustratur domus, in-  
structisque rite omnibus Canidia incantatio-*

*nem peragit, sed frustra: hinc ad philtrum ex arefacto jecinore ac medulla pueri parandum, utpote ceteris efficacius, accingitur. Sequuntur dirae pueri, atrocissima mala sclestis istis veneficis imprecantis.*

### A d n o t a t i o n e s.

v. 1. In summam statim expectationem adducit lectorum abruptum orationis initium, quo aestum pueri, rei novitate perculsi, et ex sagarum, per domum tumultuantium in se converso vultu dirissima quaeque sibi augurantis, explicat ac plane representat poeta. Adposita statim exclamatio in summo ejus timore ac stupore: *O quidquid Deorum, quicunque Dii regitis terras et humanum genus, ἵπτοι τῶν κατὰ γῆς; rerum humanarum curam geritis, ἐνεργεῖτε, injecto Deorum, scelera graviter vindicantium, metu, pro tenui: in coelo estis; quod omnino est pro, o Dii magni (ut Catull. XIV. 12.) ὡς μεγάλοι θεοί, solenni; tragicisque maxime, mare coelo confundentibus, ut Juvenalis VI. 284. (unde et Plautina: *mare, terra, coelum, Di vostrām fidem!* ait, frequentata exclamationis formula. Male de obtestatione nonnulli capiunt, quae v. 5. demum subjicitur. *Quidquid deorum, quae sit, ut Liv. XXIII. 9. jurantes per quidquid Deorum est, dextrae dextras jungentes, fidem obstrinximus,* laudante Lamb. Adde Juven. XIII. 83. *jurat per — — quidquid habent telorum armamentaria coeli.* — 3. *Quid fert, sibi vult iste tumultus,* ista discursatio, ista intentior adparatio; nam utrumque innuit hoc vocabulum. — *aut praeclare turbatam cum animo linguam arguit* (Vid. infra VII. 1.); quod et praecepitata oratio ostendit. — *quid omnium vultus truces sunt, effrantur, conjecti sunt in me unum?* quid me tam torvo vulta signatis, destinatis?*

v. 5. *sqq.* Quum apud veteres obsecratio fieret per res, quas scirent alteri esse carissimas; aut omnino sanctas; utriusque rationem habuit poeta, quo efficaciores pueri preces forent. Jam dubitanter de Canidia libris, per quos obtestantem inducit puerum, poeta pronuntiando, subreptique adeo partus eam insimulando, quamquam omnem precum vim perverti probe intellige-

ret poeta; sugillandi tamen lacerandique eam vel hanc datam occasiōnem atripiuit, ut evidentissime ostenderet, Canidiae sibi omnibus probris atque contumeliis proscindendae, declarandaeque artis ejus in summa vanitate crudelissimae primarium fuisse carminis consilium, reliqua vero, quae proposito isti substerneret, secundarnm partium. Alii, ut Torrentius et Dacēr., generatim accipiunt: si modo mater es, liberos enixa es, non adoptivos tantam habes; quo sane vix dilutius quidquam cogitari potest. *Si vocata adfuit*, praesto fuit (vid. ad III. 23. 3.) veris partibus, tibi vere parienti, si vere peperisti, non subripuisti, quos habes liberos. Cf. Infra XVII. 50 — 53. — 7. *Per hoc purpūrāc decus*, hanc purpuram, hanc pūrpureo limbo praetextam togam, ingenuitatis ornamēntum (ut Cic. Verr. I. 44. vocat) atque argumentum. Maximam ita Canidiae invidiani a poeta concitari, quod tam atročem injuriam in puerō ingenuo ac nobili committat, facile perspicitur. Tum praetexta erat res sacra, qua adeo impubetem aetatem adversus injurias munitam vellent. Commodo Dac. laudat Quinctil. Declam. CCCXL. extr. *Ego vobis allegō ētiam ipsum sacrum praetextarum, quo sacerdotes velantur, quo magistratus, quo infirmitatem pueritiae sacram facimus ac venerabilem.* — 8. *improbaturum haec, sceleris, quod paratura es, vindicem.* — 9. *Quid novercali h. maligno, saevo vultu me intuetis?* Famigeratissima novercalis in privignos odii infamia; unde cuiuslibet immanis saevitiae processit notatio. Ad Nostrum Seneca Excerpt. Controv. IV. 6. *Hic tuus est: quid alterum novercalibus oculis intueris?* — 10. *ferro petitu, lacesita, vulnerata, omnino pro, exasperata.* Ad rem Virg. Aen. XII init. *Poenorum qualis in arvis saucius ille gravi venantium vulnerē pectus tum demum movet arma leo.*

v. 11. Paullo impeditior horum vv. structura, ac sententiarum ordo. Primum, quod se offert, est: *ut haec tremente queſtus ore, vixdum haec effatus erat: eo ipso momento constitit insignibus raptis, derepta ei praetexta erat, nudus stetit puer, impube corpus, per adpositionem, pro puer impubes, vel., ut sqq. melius adnectantur, puer, cuius denudatum impube corpus vel Thracas movisset.* Ita vero parum commode procedit narratio: *Canidia brevibus cet.* Igitur praestat ab hisce verbis apodosis exordiri, et sententiam ita constituere: ubi puer ita conque-

stus esset, et insignia ei a sagis detracta essent, ita; ut nudo corpore consisteret, quo vel impios Thracas ad misericordiam perduceret; *Canidia* cet. Jam intelligis, poetam maximam orationi virtutem a concisa rei gestae narratione quaesivisse, sagarum in puerum involantium, eodemque momento corpus, drepatis insignibus, nudum statuentium impetum verbis exprimendo. Omnino pedestris narrationis ordo erat: Vix ista eloquutum puerum sagae cerripiant, detractaque uno impetu praetexta nudum constituunt, vel Thracibus hoc statu miserabilem: tum *Canidia* reliqua, quae opus erant, exsequi pergit. — *Insignia*, praetexta cum bullis, collo adpendi solita, quam Cicero quoque *ornamentum pueritiae, indicium atque insigne fortunae* adpellat *Verr. I. 53.* — *impil h. saevi*, immites Thrases; quorum nota immanitas.

v. 15. Progreditur jam poeta ad ipsam sacri magici adparationem, quod, ut in genere de hac anili superstitione quaedam moneamus, a *νεκυμαντείᾳ* exortum: quum inferis Diis, quorum praesentia et auxilium a sagis exposceretur, potissimum fieret, satis consentanea erat ratio, cur eae maximè res, quae conjunctionem aliquam cum rebus inferis haberent, a sepulcris adeo, tumulis ac triviis petitiae, sacrificio adhiberentur, vique aliqua pollere crederentur. Quumque antiquissimae de rebus inferis notiones ad animos horrore quodam imbuendos comparatae essent, descripta ad summam deformitatam ac squalorem Inferni facie, hoc ipsum ad sacrificia magica translatum est, in quibus adeo omnia, quae terti adspectus infaustique ominis essent, exposcen-dae deorum inferorum paci atque auxilio profutura putarentur. Neque tamen in his substituit paullo rudior haec supersticio, sed ex allegorica loquendi ratione, qua animi adfectiones repraesentarent, e rerum natura succrevit seges, ob similitudinem, quae cum iis intercederet, ad partes vocata et vi quadam, ut ita dicam, symbolica in corpus atque animum agere credita; unde tandem difficilibus nugis ac lusibus plena ars effecta est. — Quo foedior *Canidia* adspectus esset *implicata est crines*, implicitos habet *crines et incomtum caput*, h. incomtos, horridos erines *videris*, instar Furiarum (unde eandem et Saganam *Furias* adpellat *Serm. I. 8. 45.*) tum ad potentiam ejus spectat, quod viperas impune tractet. — *brevibus*, tantoque magis venenosis. Incomti autem crines non tam horroris, quamquam et hujus,

causa memorati, quam potius ex artis istius disciplina, quae nihil adstricti patitur. *Canidiam pedibus nudis, passoque capillo noster exhibet Serm. I. 8. 24.* Ovid. Met. VII. 182. de Medea, *sacris magicis operatnra: Egreditur tectis vestes induita recinctas, nuda pedem, nudis humeris infusa capillos.* Adde Virg. Aen. IV. 518. Senec. Med. 732. Lucan. VI. 654. de Ericho: *vario Furialis cultus amictu induitur, vultusque aperitur crine remcto, et coma vipereis substringitur horrida sertis.* Ex adparatu magico primo loco poeta ponit ligna infelicia, quibus ignis excitetur alaturque, *caprificos sepuleris erutas, iis innatas, quarum solus in sacris infernalibus, qualia erant magica, usus erat.* Efficaces eae habitae, quod vi sua monumenta fiderent (Martial. X. 2. 9.) ac convellerent. *Infaustis arboribus adnumerabantur propter sterilitatem suam, tum quod e sepuleris sponte provenirent.* Cf. Propert. IV. 5. 74. Radicem ipsarum potissimum adhibitam suisse, haud inepte colligas ex *erutas:* nisi omnino artis magicae leges eas caedi prohiberent. — *cupressus funebres, funeribus adhibitas, et tumulo imponi solitas; unde ferales, atrae, funestae poetis dictae.* Cf. II. 14. — 19. 20. Tum *ova et plumam strigis ungi, conteri ac misceri jubet cum sanguine s. veneno* (nam in sanguine ejus, ut in viperae, venenum contineri creditum. Juven. VI. 659. *At nunc res agitur tenui pulmone rubetae) ranae turpis, rubetae.* Simile intrimentum magicum habet Senec. Med. 731 sqq. *Mortifera carpit gramina, ac serpentium saniem exprimit, miscetque et obscoenas aves, indestique cor bubonis et raucae strigis exsecta virae viscera.* *Strix, inauspicatissima avis, e noctuarum genere, quae quondam in bustis aut culminibus desertis nocte sedens, serum canit importuna per umbras,* ut Virg. Aen. XII. 863. *funerea inde dicta, cuius ideo maximus in re magica usus.* Cf. Ovid. Fast. VI. 139. sqq. *Plumae ejus in sepulcris inventae maxime praesentaneae.* Propert. III. 4. 27. *eadem sere enumeratione: Illum turgentis ranae portenta rubetae et lecta exsertis.* (ita omnino legendum. Noster Serm. I. 8. 22. *quin ossa legant — — et scalpare terram unguibus.* Unde mox *irresecti v. 47.*) *unguibus ossa trahunt: et strigis inventae per busta jacentia (h. in cinerem collapsa) plumae.* Ovid. Met. VII. 268. *Addit et exceptas Luna pernocte pruinias, et strigis infames ipsis cum carnibus alas.* *Rana turpis, foeda adspectu, ideoque in inferis quoque paludibus*

collocata a veteribus, veluti Aristoph. Ran. 211. et inde Javen. II. 150. *Esse aliquos Manes, — et Stygio ranas in gurgite nigras* cet. Multifariam ejus vim optime cognoscas ex Plin. VIII. 31. et XXXII. 5. — *Herbas, quas Iolcos atque Iberia mittit,* Thessalas ac Ponticas, quibus Medea usa est (unde *venena Colcha* II. 8. et infra v. 62. simpliciter *Medeae venena* appellat; nam *Iberia* Ponti regio, Colchis vicina), adeoque efficacissimas. Virgil. Ecl. VIII. 95. *Has herbas, atque haec Ponto mihi lecta venena ipsa dedit Moeris.* Tibull. II. 4. 55. *Quidquid Medea veneni, quidquid et herbarum Thessala terra gerit.* Feracissimae autem *venenorū* proventu (Virg. l. c. *nascuntur plurima Ponto*) hae regiones habitae, quoniam ibi superstatio ista maxime viguit. *Mittit suaviter, tanquam mercem* istas exportans: ut *India* mittit ebur et passim. — 23. *Ossa combusti cadaveris raptā, erepta, extorta aris canis jejunaē, famelicae, quae adeo in cineres redacta, ardentiſſimum amoris desiderium excitatura putabantur, a cane quippe cibi appetentissimo admorsa.* Lucan. VI. 550. *Et quocunque jacet nuda tellure cadaver — nec carpeve. membra vult ferro manibusque suis, morsusque luporum exspectat siccis rapturā a faucibus artus.* Eadem de causa *extorta dentibus ferarum trunca calvaria adhibet saga* apud Apulei. III. p. 55. Pric. — 24. Medicamina haec bene trita atque commixta imponi flammis jubet, quibus adurantur: ut scilicet Varus eodem aestu correptus ad se recurrat. — *Colchicis, incantatis, seu omnino rei magicae adhiberi solitis puta cupressi, caprifici* cet.

v. 25. At *Sagana*, Veja, et Folia, operis administræ, promptissimo animo partes suas exsequuntur. Sed has speciatim statim adnumerat poeta. Ad ritus magicos pertinebat etiam *lustratio*, quae h. l. *aqua aernali*, h. quae Acheronticam repreäsentabat, absolvitur. Virg. Aen. IV. 512. *Sparsérat et latices simulatos fontis Averni.* Alias taedae et sulsura adjecta. Vid. Broukh. ad Tib. I. 2. 61. et I. 5. 11. *Sagana expedita, succincta, vel omnino, alaci cum studio, nihil cunctata.* — *spargens horret capillis, docta inversione pro, horrens cap. asperis spargit aquas per totam domum, lustrat eam aqua Avernali.* *Horret capillis asperis, φρίσσει ἵρδας τρίχας* (ut Hesiod. Sc. Herc. 391. de apro), hirtam, erectam comam habet, echini aculeati instar. Calpurn. Ecl. VI. 13. *hirsuta spinosior histrice barba.* Ena-

tum inde proverbium *ἰχινούτραχότερος*, de quo adi Erasm. Adag. p. 474. — *Aper currens*, a canibus latibulo exagitatus, atque in venatores objectos subsidentesque incurrens, Stat. Theb. XI. 530. *Fulmineos veluti praeceps quum cominus egit ira sues, strictisque erexit pectora saetis cet.* Sil. Ital. I. 421. *Fulmineus ceu Spartanis latratibus actus, quum silvam occursu venantum verdidit, hirto horrescit saetis tergo et postrema capessit proelia.*

v. 29. Veja scrobem fodit, cui puer indatur. *Abacta nulla conscientia, tantum absuit, ut ab opere tam inhumano, sceleris cui illam pararet, conscientia absterretur, ut potius ingemeret, insudaret labori, summis viribus ad maturandum opus incumberet, impigre ei sece accingeret.* Forte tamen posterius simpliciter de duro labore accipiendum, cui vetulae istius vires haud sufficerent. Similiter *ingemere agris, illaborare domibus*, Tacitus Germ. 46. extr. — *lig. duris naturali ferri epitheto, ut bipennes durae IV. 4. 57. et passim.* Mire argutantur intpp. — 32. Quo defoderetur puer, ut *dapis bis terque mutatae spectaculo inemori posset*, h. ut dapum exquisitissimarum, quae adponerentur, ac per momenta, acuendae cupiditatis ejus causa, cum aliis permutarentur, desiderio lente conficeretur; miserrimaque morte periret. *Inemori spectaculo dapis, ἐνθάνειν τῷ θέατρῳ, promori desixis in dapes oculis, speotando dapes enecari.* — *posset, otiosa περιφράσει, ut saepissime.* — *die longo*, qui puero fame excruciat longissimus videbatur; ut I. 25. 7. Contortior junctura foret: *longo spectaculo.* — 35. *promineret ore, exstaret terra, mento tenus; pro hoc ornatius poeta: quantum corpora nantantium aqua exstant mento suspensa, elevata, sursum erecta; sed alterum plane ex oculorum sensu.* Habetiorem tamen visum prodidit Scalig. Hypercrit. p. 342. patibulum circumspiciendo, quum de poetica ratione quaerendum suisset. — 37. 38. Breviter pro, ut medulla et jecur exsuggeretur, areficeret fame ac siti, sicque temperando amoris poculo idonea essent. *Medulla exsucta, retrorsa, exsiccata, succo per famen subducto.* *Amoris poculum, φιλτρον, potio amorem injiciens alteri; paranda h. I. e medulla et jecinore, tanquam amoris sede.* Vid. ad I. 13. 4. Arefactis autem, idque e longo desiderio, opus erat, ut alter, qui peteretur, similiter amore consumeretur. Apud Theocr. II. 58. laceria ξηρανθεῖσα (ut Schol. notat) cumque fatina contrita

philtro adhibetur, eadem ratione. Pervulgatissimum autem, de gravi amore dici, *exedere cor, animum, medullas, Amorem exsugere sanguinem et sim.* Hinc facile perspicitur, omnem hujus philtri efficaciam in metaphorico loquendi usu verti. — 39. 40. Quum semel pupulae cibo intabuissent, h. quum oculi defixis in cibum pupulis defecissent atque obrignisset. Τάξεος τῶν φθεγγαλμοῖς Theocr. I. 91. *Pupulae, χόρται,* interior oculi tunica, quae lucis radios excipit, per quam adeo cernimus. Cf. Lucret. III. 409. *interminato,* interdicto, cujus potiundi copia non erat. — *semel arcte τῶν φυξιῶν jungendum;* sunt adeo pupulae, quae immota acie cibis inhaerent prae nimio desiderio. Male Torrent. et alii.

v. 41 sgg. Ex rumore tantum, qui Neapoli ejusque vicinia percrebuerit, poeta ponit, Foliam detestando huic sacro magico interfuisse; in quo summa amaritudo est. Inde enim collendum dat, Foliam maxima apud Neapolitanos maleficiorum, quae per artis suaे exercitium ibi fecisset, infamia notatam perustumque fuisse, adeo quidem, ut facile in animum inducerent, eidem in execrando hoc facinore partes suas fuisse. — *Non defuisse forte cum vi, gnaviter, strenue se in isto negotio gessisse.* — *masculae libidinis, τριβήδα,* de qua prodigiosa Venere Martial. I. 91. et Javen. VI. 310. Neapolis otiosa, quo secedere solebant Romani, amoenitate regionis iuvatati. Unde *in otia natam Parthenopen* adpellat Ovid. Metam. XV. 711. Ad docta otia Musarum, quae ibi viguerint, a nonnullis referri videas; sed h. l. utique et in Ovidio, generatim accipere praestat. Ornatae simpliciter h. l. Paullo enim argutius fieri existimem, si ad sententiam accommodare velis; quae vacat magicarum artium praestigiis, delectatur iis. — 45. 46. Folia, potentissima pharmaceutria. Pro hoc, declarandae ejus potentiae causa, *qua lunam et sidera excantata coelo deripit* h. cantu movet ac in terram dedit, tralatitia teratologia. *Excantare, ἐκσοβεῖν, ἐκπούειν,* proprium artis verbum inde a XII. tabulis: *qui fruges excantasset* cet. Cf. Broukh. ad Prop. 2. 49. — *voce Thessala,* carmine magico, ut saepius.

v. 47. *Hic,* rebus omnibus rite praeparatis, Canidia incantationem peragit. Habitum animi ejus, ira atque indignatione, quod amorem Vari alio conversus animadverteret, aestuantis praeclarę atque ἐραργῆς exprimunt adjecta: *rodens pollicem ir-*

*resectum*, unguis irresectos admordens dente livido, vel proprie ad notandam ejus deformitatem, vel causam furoris continet, ex Zelotypia excitati. Martial. IV. 26. 5. *Ecce iterum nigrorum corrodit lividus unguis.* Pollicem ira furentis usque ad periculum rosū e Petronio laudat Cruquii Schol. Adde Propert. II. 3. 3. *Et saepe immēritos corrumpas dentibus unguis, et crepitum dubio suscitet ira pede et III. 23. 24. Ungue meam morso saepe querere fidem.* Hinc saeva, furibunda, animi impotens; vel, si ad rem trahas, atrocia meditans; adposito, utrovis modo accipias, epitheto. — *irresectum*, ex more veneficarum. Cf. Serm. I. 8. 26.—49. *Quid dixit? aut quid tacuit?* paullo quaesitius pro, fanda, nefanda, πντα και ἀπντα h. horrenda, atrocia eloqua est; omnino pro, carmen dirum, incantationem exorsa est. Inest simul furoris, quo illam peragit, notatio.

v. 49. sqq. Cum hac invocatione conf. Ovid. Met. VII. 192. sqq. Senec. Med. 740 sqq. et Lucan. VI. 695 sqq. Noctem et Dianam invocat, utpote sacri nocturni praesides. Unde arbitras, testes, conscientias, praesentes adpellat rebus suis, quae molliatur, non infideles, vel, quae fidem praestent in tacendis, quae videant, taciturnas; ut Ovid. I. 1. *Nox*, ait, arcanae fidissima tuque triceps Hecate quae coeptis conscientia nostris adjutrixque venis, vel, quod doctius, quae certam mihi opem fertis, quae auxilio me vestro numquam destituistis; hocque adpositius videtur v. 53. — *Silentium regis*, efficis: dum per noctem, cuius proprium est silentium, lucea, adpare, arcana cum fiunt sacra, quo tempore sacris magicis operamur, fere ut Senec. Med. 6. tacitisque praebens conscientiam sacris jubar Hecate tri-formis; ita simpliciter ornans esset epitheton, Luna νυκτιφας, noctilnea; quo eodem ornatu Statio Theb. X. 365. arcanae moderatrix Cynthia noctis andit. Forte tamen concinnior altera est haec ratio: quae silentium praestas, ut arcana sacra rite peragi possint; ut alludat poeta ad εὐφημίαν, in solennibus sacris a praecone indici solitam.—53. *nunc in hostiles domos iram atque numen vertite*, ex antiquo precandi ritu (vid. ad I. 21. extr.) pro, mihi propitia sitis, ira vestra in hostes ablegata. Male plerique cum Schol.: in Varum vestram iram effundite.

v. 55. sqq. Agedum efficite, ut Varus intempesta nocte ad me compellatur. In enuntianda hac sententia affectui loquentis

praecclare adcommodata a poeta oratio, Varum *senem adulterum*, h. meretrices Suburanas sectantem (quod docte *canibus Suburana* innuit poeta) idque *nardo perunctum* seu unguentatum indigitando, in quo utroque; in sene deprehenso, summum decus. Nota Ovidii: *Turpe senex miles, turpe senilis amor.* Cf. Tib. I. 2. extr. Ad alterum Plaut. Cas. II. 3. 22. *vix teneor,* quin, quae decent te, dicam. *Senecta aetate unguentatus per vias, ignave, incedis?* Ad haec igitur spectant verba: *quod omnes rideant*, quo importuna ejus libido palam fiat atque derideatur; quamquam ipsam Canidiam, quae talem pusionem tam efflentem periret, traducere voluisse Horatius putandus est. Alterum quod Canidiae iram mirifice decet, in eo est, quod canum latratu atque insectatione Varum ad se agi cupiat. Ita enim accipienda verba, *latrent h. latrando persequantur* (ut in illo Petronii (Poet. min. IV. p. 286.): *canis in somnis leporis vestigia latrat*) abigant e Suburra *canes*, et ad me compellant; quod ex adoratione rerum suppleri debere arguit v. 60. ubi redeuntem Varum opperiens Canidia inducitur, quamquam frustra, *Suburra, Romae regio*, meretricibus ibi quaestum facientibus famosissima. Laudant Pers. V. 32. Pessime autem Crnq. Schol. jungit; quod *omnes rideant*, et (haud dubie post *adulterum* inserto) *latrent S. canes*, hoc sensu: cum eo jocentur, eum derideant canes Suburanae, i. e. meretrices de Subura. Noctem intempestam suaviter designant; *dum ferae, dulci sopore languidae*, oppressae, fessae (ut in Homericō: ἀδηπότες θαυμῷ; vid. ad III. 4. 11. (*silvis latent*, in latibulis suis quiescunt. *Quum tacet omnis ager, pecudes, pictaeque volucres*, similiter in mediae noctis descriptione Virg. Aen. IV. 525. Mire argutantur Schol. Cruqu. et Baxt. — 59. 60. *nardo*, quale ἄνοικον, struetura Graecis familiari, pro, cuius generis s. quale unguentum *nec meae manus perfectius*, melius, *laborarint*, ἐκπονήσαιντες, adeoque exquisitissimum; auget ridiculi speciem. Male de philtro cum Cruqu. Schol. congitabat Gesn. Dacer. autem venenum intelligebat, quod Canidia Vari imagunculae, quam in manibus teneret, adspersisset; haud magis probabiliter.

v. 61. sqq. Ante hunc versum Canidia incantationem, qua Varum cum summo dedecore ejus ex meretricum lustris exagatum ad se revocare conabatur, sistere, Varique adventum expectare putanda; quae ubi longe secus, quam ab venenorū ef-

ficacia sperari poterat (vv. 61 — 68.) rem procedere animadver-  
tit, de fraude alias veneficæ, cui Varus obnoxius esset, non-  
nihil suspicata, ad majorem incantationem accingitur, quam  
nulla opposita vis magica infringat ac destruat. Eadem fere rei  
adornatio in Virg. Ecl. VIII. 101. ubi fortissima remedia itidem  
extremo loco adhibita videas. — *Quid accidit cet.* Quid causæ  
est, cur præsentissima venena efficaciam suam in Varo perdi-  
derint, Varum non arcessant? Venena sua *Medeae* vocat h. Me-  
deæ venenis æquipollentia, ac iis quidem, quæ maximam vim  
exseruerint (63 sqq.), plane ut sua praedicat Theocritea phar-  
maceutria II. 15. φάρμακα ταῦθ' ἔρδοισιν χερίοντα μῆτε τη Κίρης,  
μῆτε τη Μέδειας, μῆτε ξανθὸς Περιμήδας. Tibull. I. 2. 51. de sa-  
ga: *Sola tenere malas Medeae dicitur herbas.* In tanta luce  
mireris utique, interpres contortam hanc et ad sensum ineptam  
rationem sequi potuisse; cur mea venena minus valent, efficacia  
sunt, quam *Medeae*? Ita Rutgers. quoque Lect. Ven. X. p.  
285 ut Sciligeri (Poet. VI. 342.) præposteras cavillationes mittam. — *dira*, vel omnino ornat, φάρμακα λογία, οὐλόμενα,  
qualia Circæs Homerus vocat, vel effectus respicit, quos dirissimæ  
*Medeae* venena in Creusa habuere. — *barbaræ*, Colchi-  
cae, notissima adpellationis ratione. — 63 sqq. quibus pallam,  
Creusa muneri mittendam, infecit. — *ulta fugit pellicem*,  
plane ut c. III. 14. *Hoc delibuta donis ulta pellicem serpente*  
*fugit alite.* — *superbam* ad generis quidem regii nobilitateni  
haud inepte referas, etiam propter adi. *magni Creontis filiam*;  
præstat tamen, respectu *Medeæ* ab Iasone rejectæ, dictum, ac-  
cipere pro, prælatam sibi, ideoque se susque deque habentem;  
quod ipsum acuebat ultionem *Medeæ*. — 65. *palla*, *tabo*, h.  
veneno munus imbutum, ornate pro, *palla*, quam novae nup-  
tae dono misisset, veneno infecta, tineta, *incendio* eam *abstulit*  
*consumsit*, conflagravit ea induita Glauce s. juxta alios, Creusa.  
— 67. 68. Atqui nullum in velocissimis venenis conquirendis  
lahorem defugi, omnia tentavi. — *me non fecellit*, οὐκ ελάζε,  
non fugit, rimata sum herbas ac radices in locis asperis, inter-  
rupes latentes, nascentes. In his enim virtus præcipua. Lucan.  
VI 438. *Thessala quin etiam tellus herbasque nocentes rupibus*  
*ingenuit.* Ad aconita in specie refert Lambinus, quæ nascantur  
*dura vivacia caute*, juxta Ovid. Met. VII. 418.

v. 69. 70. Sententia esse videtur: neque tamen quidquam promoveo, mei ille plane oblitus est, *nihil ille deos, nil carmina curat*, Virg. Ecl. VIII. 103. Pro hoc poeta seu Canidia, adjecta morae ejus causa: *indormit pellicum cubilibus*, detinetur aliarum seminarum amoribus districtus, mei prorsus immemor. Pro hoc cubilia *uncta*, perfusa dicit *oblivione*, inducentia oblivionem; quatenus Varum ita tenent, ut medicamine, oblivionem *omnium* aliarum rerum; adeoque etiam Canidiae) inducente irrigata videantur. In qua ratione nihil plane est, quod recte offendat, nisi forte τὸ *omnium*, quod, absolute acceptum, nimirum ambigue a poeta positum videri possit. Si igitur *omnium pellicum jungas*, generatim accipiendum erit: omnium aliarum seminarum cubilia perambulat (ut de Caesare Catull. XXIX. 8.) illarum amore flagrat, me neglecta, mei solius oblitus. Alii cum Scholl. jungunt: *indormit cubilibus*, omnium pellicum oblivione *unctis*, quod Klotzius maxime hac satis speciosa interpretatione exornavit: omnia tentavi, omnes radices et herbas adhibui: *indormit Varus cubilibus*, *unctis succis et herbis*, quae reliquarum omnium pellicum, praeterquam mei, oblivionem inducere valent et debent. Tamen nil prosunt nunc cet. Sed veneficii ratio, quae ita infertur, inaudita prorsus atque importuna h. l., Varo in lustris Suburanis degente; tum elocutio sententiae obscura admundum est ac dura. Quod Scholl. habent: dormit obesus omnium pellicum, suique adeo, hoc refragatur vv. 57. 58. et mire languet.

v. 71. Etiam haec, interposita aliqua mora, subjici putanda a Canidia, impedimenti causam acquirente; quam animo subito objectam τῷ ah! ah! declarat poeta. Dolentis vocem statuit Schol. Cruqu. — *solutus ambulat*, ornate et ad notandam Vari incenriam praecclare pro, *solutus* est, veneficia mea repelluntur, ipsorum vim refundit *carmen* s. *incantatio efficacior veneficiae enjuspiam scientioris*, quae se peritiorem jactat, gravior *incantatio* Varum tutum praestat a mea, qua hactenus usus sum: igitur (pergit Canidia v. 73.) potentiore opus esse intelligo, qua istam destructum iri Varumque mihi obsequentissimum fore certasim. *Solvi ac desigi verba propria in re magica*. Vid. ad I. 27. 21. Hoc loco notatu dignum est, quod saga adversus sagam artis sueae experimentum facit, alterius vim inhibitura.

v. 73. Duobus fere, quae sequuntur, accipi possunt modis. Alter continnat orationem: Alia te exsolvit meo carmine venefica, video adeo, te non usitatis his potionibus ad me recursurum, neque cet.: ergo *majus parabo* cet. Sed ἐνεργεσίη, ac propter interjecta, o multa flet, caput, verior haec altera ratio: *Non usitata potionē*, quæsiōre, potentiore incantationis genere ad me recurrēs, efficiam, ut ad me redeas (sed delecte recurrēs ad vim istius potionis declarandam). nec vocata cet. adeo quidem, ut, ubi semel ad me recurrens, mens, tua, tu, quamquam voceris, avoceris a me *Marsis vocibus*, quamquam in iterum saga quaepiam a me alienare, meo carmine exsolvere cupiat, non redditurus sis, ut nulla iterum a me te amore saga expeditū sit. *Majus enim parabo* cet., quae ultima ἐπειγόντια adjecta, loquentis affectui mirifice accommodata. Posterior commīta: nec vocata mens tua redibit, ita fere accipi video: mens tua, magico carmine scimel a me evocata, nunquam redibit h. sana mens, ubi semel tibi carmine meo exciderit, semel alienata erit, nunquam tibi reddetur, amore semper insanies; quod quidem adstruere licet Ovid. A. A. II. 106. *philtora nocent animis*, *vimque furoris habent*: sed expeditior atque concinnior altera ratio videtur. *Mirsae voces* ut *Marsa nuenia* infra XVII. 29. *Marsus cantus* Ovid. Med. Fac. 39. vid. ad Sil. VIII. 496. — o multa fleturum caput, quia quidem potionē misere excruciaaberis, solenni apud Graecos comminationis formula, ωλλή οἰμοῦσις. Vid. Lamb. Rem eventum habuisse adparet ex c. XVII. init. ubi Varus animi angorem atque cruciatus, quos Canidiae incantatio sibi conciverit, ipse expedit. Male nonnulli: pessime tractabo, ubi te iterum potestati meae subjecero. — 77. *majus poculum*, majoris efficacie infundam, miscebo, temperabo tibi poculum. — *fastidienti*, venuste admodum adiectum, qui priora pharmaca fastidieris, aspernatus sis, ipsis vim abjudicaveris. Minus docte Lamb. fastidienti me.

v. 79 — 81. Priusque omnis rerum per naturam ordo confundetur, adeo quidem, ut, quod ex naturae legibus effici nequit, levissima imum, gravissima contra summum locum occupent; quam non cet. Ἀδύνατον hoc docte et ornate extulit poeta. Coelum sidet, inferius subsidet, ita ut inferius sit mari, mare ei supersundetur, tellure porrecta super, et huic tellus superinstornetur, plane inverso ordine; nam ex antiqua opinione coe-

lum summum, terra medium et aqua ultimum locum possidere ctedita. Cf. Ovid. Met. I. 26 — 31. — 81. 82. Nisi *meo amore* sic flagres, mei desiderio ita incendatis, consumaris, uti *bitumen his ignibus*, comparatione a re praesenti desumpta Bituminis enim usus in his sacris notus vel e Virg. Ecl. VIII. 82. idque propter spissum fumum, quem illud egerit (*hinc fumans bit.* Ovid. Met. XIV. 792.), tali sacro, quod ad inferos pertinet, accommodum. Unde *atros* i. adpellat, h. crasso fumo circumvolutos; ut *atro lumine fumantes taedas* Virg. Aen. VII. 457. Alii aliter. Ceterum his respondent Vari verba (XVII. 30.), *o mare et terra! ardeo, quantum neque* cet.

v. 83 sqq. Inter funestum hunc adparatum furoremque Canidiae, ultima experiri statuentis, puer, salutis spem prorsus decollatam, seque ad extrebas lineas admotum animadvertis: *νει* sua mors impune Canidiae esset, jam ad imprecations, quae sola miseri sui fati reliqua videbat solatia, convertitur, quas quidem imbecillis adversus atroces fortioris injurias monumentum esse volebat prisca religio, diis ultiōem demandando, quam ipsi optinere haud possent. Ita Drusus, *exspes vitae, meditatas compositasque diras imprecatur Tiberio* apud Tacit. Ann. IV. 24. Sub haec, debacchante ita Canidia, puer non amplius molibus verbis lenire, μελιχύοις ἔωσι καθάπτεσθαι, μελαχύοις λόγοις δέλγειν (Hom. Od. I. 56. XXIV. 392.), h. precibus, quibus pertinacem istarum saevitiam frangeret, eas ad misericordiam perduceret, adgredi statuit *impias, scelestas, graviter pro, illas mulieres.* — 85. 86. *Dubius*, praepeditus irae impotentia, *prae ira nescius*, *unde rumperet silentium*, unde loquendi initium faceret, quid primum in maleficas istas mulieres evomeret, animo atrocissima quaeque, quae iram suam explicarent, circumspiciente. Sicque statim diuissimis exsecrationibus agere constituit. *Preces Thyestae, ἀρξα!*, exsecrations horrendae, atroces; quales Thyestae in Atreum fuere. *Mittere preces*, ut *mittere vocem, ιέναι φωνὴν*, adeoque precari, devovere h. l.

v. 87 — 90. Vix ullum Horatianum locum dari arbitror, in quo magis tumultuati hariolatique sint interpretes, suum quisque sensum secenti, quam hic. Nec mirum utique, quum sententiae paullo obscurior sit enuntiatio, neque uno modo verborum juncta institui possit. Quod primo utique loco sese offert, est, *ut magnum fas nefasque adpositio τὸν venena habeatur; sed quo*

idoneo sensu ( Schol. enim Cruqu. ineptas argutias nihil moror ) venena magnum fas dici queant, quae semper nefas putata sint, nec liquet, et, si vel maxime liqueret, vix dicas, quae hujus adpositionis esset vis ad totam sententiam, quae et ipsa inde laborat. Igitur praestat ista verba ad sententiam trahere hac interpretatione: *Venena φάρμακα, veneficia, incantationes, valent,* hoc quidem efficere possunt, ut *fas nefasque convertant*, commutent, commisceant, confundant: atrocissima quidem facinora patrare possunt: non item *humanam vicem ἀμοιβὴν, convertere, immitire* possunt, ita ut ultionem s. vindictam istorum scelerum effugiant. — Erwähnt haec a poeta elata, ad sensum ita revocanda: *Vos veneficae atrocissimum jam in me scelus designaturae esis, cujus tamen poenam nullis incantamentis, nullis herbis, avertete potestis, cujus vos certissima vindicta manet.* Quām quo minus effugiat, diris vos desigam cet. Jam intelligitur; cur rō *valent* ad posterius comma, ad quod proxime spectat, rejecerit poeta. Atque haec demum sententia videtur commoda, pueroque atque poeta adeo digna. Restat, ut quae ennatiatae e linguae legibus sententiae ratio sit, doceatur. *Fas nefasque convertere;* conturbare pro, nefanda perpetrare, solenne ex usu loquendi poetico. Vid. ad I. 18. 10. *Fas magnum,* venerandum, quod non impune laeditur, conculcatur; adposito epitheto. Ita *magni dii* infra 15. 3. *Justitia potens* II. 17. 15. et sim. *Vices humanae, poenae* ( vid. ad I. 28. 32. ) quibus homines obnoxii sunt, quae fato s. divinitus constitutae sunt in homines, idque, quod contextus ratio docet, improbos, sceleratos. Longius petitum est, si v. *humanas explices poenas*, quas homines a diis infligendas ex imprecationibus poscunt, quas quidem subterfugere haud liceat, quum aliae precibus, victimis, οὐρανῷ averti possint; quamquam adposite ad sqq. — 89. 90. *Diris vos agam,* quae sit dictum videri possit pro: invocabo Diras seu Furias excitabo, quae vos agitent, persequantur ( uti Clytaemnestra Furias Orestae στίστειν dicitur Eurip. Or. 941. ); quarum selennis in devotionibus invocatio; v. c. Catull. LXIV. 192 sqq. Sed obstant sequentia. Igitur simpliciter accipiendum; diris vos devoveho, exsecrabor vos. *Agunt dirae,* quatenus poena, diris expetita, sontem persequitur, urget; vel, quod simplicius, quatenus certas poenarum, diris intentatarum, evenitus reum agit, h. inquietat, excruciat, angit; unde mox inquiet.

*ta praecordia.* Liv. XL. 56. *umbrae insontis interemti filii eum diris agitabant.* — *dira detestatio* cet. Simplicior continuatio erat; diris a. v., nulla victima expiandis. Sed ornator et explicator poeta. — *Dira detestatio*, dirarum imprecationis (nam detestatio sit, quando deos ultores vindicesque injuriae testamur, comprecamur. Plenius Plin. Epp. II. 20. *iram deorum in caput pueri detestari.*) h. ira, deorum diris excitata, nulla victima, nullis sacrificiis expiatum, averruncari potest. Cf. omnino I. 28. 31. sqq.

v. 91. *Quix*, neque his contentus, exsatiatus, ipse, ubi *exspiravero* animam, vitam (ita εκνέεται simpliciter Eurip. Electr. 1220. et passim), *perire jussus*, cuius quidem miseranda necis vos auctores estis, adeoque post mortem omnibus vos excrucio modis, poenas a vobis exigam. Has speciatim adnumerat poeta, revocatis ad Furiatum ministeria coloribus. *Nocturnos occurram Furor*, noctu me vobis objiciam, vos exterrebo Furiati habitu: sed *Furorem* posuit poeta, quum de pueri agatur. Apte ad rem Torrent. laudat Suet. Ner. 34. de Nerone; neque sceleris conscientiam — ferre potuit, saepe confessus exagitari sc materna specie, verberibus Furiarum ac taedis carentibus. Similiter morihunda Dido apud Virgil. Aen. IV. 384. *Sequar atris ignibus absens*, et, quum frigida mors anima seduxerit artus, omnibus umbra locis uadero. Nostrum respxit Quintil. Decl. 314. *Sunt illa vera, quae extremo miseri spiritu dicebantur, Dabis mihi, scelerate; poenas: persecuar quandoque et occurram.* — *Nocturnus*, nam nocte vagae feruntur (Propert. IV. 7. 89.) umbrae; tum major terroris species inest. — 93. *petam, impetam, involabo in vultus vestros*, eosque dilacerabo unguibus Ovid. in Ibin 146. *Tum quoque factorum veniam memor umbra tuorum, insequar et vultus ossea forma tuos.* — 94. *Quae vis Deorum Manium est*, qua potestate gaudent Manes, sc. ut insectentur eos, a quibus peremti fuerint. Insignis in hanc rem locus est Valer. Flacc. III. 386. *patet illis* (misere necat's) *jannua leti, atque iterum remeare licet: comes una Sororum additur* — quisque suos sontes inimicaque pectora poenis implicat, et varia meritos formidine pulsat. Enate inde φάσματα s. tericulamenta nocturna, quae Ἐπινύων πρόσωπα adpellat Aelian. H. V. L. IX. 29. *Dii manes adposita adpellatione, in declaraanda eorum potentia. Male totum locum cepit Dac.* — 95. *Ad-*

*sidens non quod alias est, fovendi, solandique causa, sed ut continuo vexet, angat praecordia, animum, quod alias de Cura, Amore et. dicitur. — pavore injecto somnos auferam, excutiam, abigam.* Cf. II. 16. 15. Ceterum ultimis h. vv. totius segmenti rationem respici ac tangi, in promptu est animadvertere. *Luculentus in hanc rem exstat Ciceronis locus (Pro Rosc. c 24): Nolite putare, quemadmodum in fabulis saepenumero. videtis, eos, qui aliquid impie scelerateque commiserint, agitari ac perterriti Furiarum taedis ardentibus; sua quemque fraus et suus terror maxime vexat: suum quemque scelus agitat, amena- tiaque adficit: suae malae cogitationes conscientiaeque animi terrent. Hae sunt impiis assiduae domesticaeque Furiae, quae dies noctesque parentum poenas a conseleratissimis filiis re- petant.*

v. 97. Praeclare contundet — different, tanquam de re, certissimum eventum habitura; pro, precor ut cet. Ad execrationem hos vv. pertinere, vix opus est monere. *Turba, concitata sce- lerum vestrorum atrocitate multitudine hominum vos vicatim, per omnes vicos insectata hinc et hinc, undique saxis petens con- tundet, lapidibus obruet, ad necem usque lapidabit. — obscoenas, abominandas, detestandas, scelestas anus.* — 99. Post; ubi la- pidibus peremptae fueritis, corpora vestra insepulta jacebunt, projicientur in monte Esquilino; lupis; atque ultibus differenda discerpenda, iis praedae relieta; quod utrumque extremae miseriae habitum, ut in vulgus notum. Similis imprecatio apud Mar- tial. X. 5. 10. Et, quum supremae fila venerint horae, dies- que tardus, Sentiat canum litem; quod differendi notionem plane repraesentat. In aggere autem s. colle extra portam Es- quilinam „locum sepulcrorum, ad corpora pauperum, aut sce- leratorum comburenda aut canibus projicienda, fuisse“ monent Schol. ad h. l. et ad Serm. I. 8. 15. Hanc docte poeta indigitat *Esquillinis ultibus.* — 101. 2. *Non effugerit parentes hoc spe- ctaculum, fruentur, exsatiahunt sese parentes mei hoc misera- bili exitii vestri spectaculo; utinam hoc ex vestrum supplicio so- latium iis contingat! In heumihi superstites magnum περισταθειν; non tam miserandum fatum suum, quamquam et hoc, dolet puer, qnam quod, turbato naturae ordine, parentes suos immatura morte sua graviter affligat.*



## ARGUMENTUM VI.



*Invehitur Horatius hoc carmine in hominem, qui integrae famae homines, maximeque eos, a quibus nihil sibi periculi metuendum esset, maledictis laceraret, quiue ostenso aliquo lucello statim obmutesceret, atque a convitando absisteret. Quae ne impune ei essent intemperiae, utque aliquando pravae isti libidini modum figeret, ultro eum adgreditur, exprobrataque acerbe ignavia ac timiditate ejus in se his iambis irritari conatur poeta. Quod quidem ἀλληγοριῶς ita instituit, ut eum cum cane, latratu praetereuntes quosque territante, objectaque ossa conticescente comparet, se contra animosissimum atque acerrimum canem ferat, qui non nisi in ferociori quocunque animali virtutis suae experimentum faciat. Cassium Severum, hominem sordidae originis vitaeque maleficae (Tacit. Ann. IV. 21.), qui viros ac feminas illustres procacibus scriptis diffamaret (Id. Ann. I. 72.), adeo quidem, ut Augustus, istac libidine commotus cognitionem de famosis libellis tractandam decerneret, a poeta designari notarique tradunt Scholl. idemque nomen plerique Codd. et edd. vett. praeferunt; quos quidem quo minus sequendos statuamus, quamquam nihil impedit; quae enim Gesnerus contra monuit, adulacionem, quae v. 9. 10. ei objicitur, in hominem vix cadere, qui, quod idem Tacitus refert, ob improbam linguam Cretam amotus sit, et in Seriphis saxis consenserit, neminem facile morabuntur, qui*

*Cassium non adulando h. blanditiis atque obsequiis sed dicacitate sua invitis fere munera ista extorsisse reputaverit, quum tamen plures, Cassio similes, canina ista facundia infames Romae ista aetate exstitisse haud absurdum sit credere, consultius videtur, rem in medio relinquere.*

### Annotations.

v. 1. Quid *rexas*, *incessis latratu*, *allatras hospites*, homines tibi plane ignotos, obvios quosque, adeoque *immerentes*, nulla te *injuria lacessentes*, ab iis non irritate? h. quid conviciaris, meledictis insectaris, quemquem adspicis? *Latrare*, ut gr. ὑλακτεῖν, βαυγεῖν, solenne de conviciandi libidine, contumacio saque insectatione. Aristoph. Teomorph. 902. βαυγέτε τούμοι τίμω βάλλονται φόργῳ. Id. Vesp. 1393. Αἴσιον — Θρασεῖται καὶ μεθύσητις ὑλακτεῖ κύνων sc. αρπάκωλις. Vid. Valken. ad Phalar. Epp. p. XV. et ad Ammon. p. 231. Martial. II. 61. 5. *Uteris ore ulter*, nimiaque *aerugine coptus allatras nomen quid tibi cunque datum est*. Id. V. 60. 1. *Allatres licet usque nos et usque*, et gannitibus improbis *lacessas* — — *nos hac a. scabie tenemus ungues*, *Facundia inde canina rabalis forensibus tributa*. Colum p. aef. 9. ne caninum quidem studium praestantius locupletissimum quemque *allatrandi*, et contra innocentes e pro nocentibus — — *concessum intra moenia et in ipso foro latrocinium*; et κύων καρκυφός constitutus in Aristophanis Vespis. Cf. Cic. pro Ros. Am. 1. 20. — *hospites* obvios quosque vocat, canis domestici, qui omnes, qui extra familiam sunt, allatrat, ratione habita. — 2. *Ignarus*, imbellis, timidus, adversum lupos, adversus fortis, audaces, promtos paratosque ad propulsandas injurias, ubi haud impune te laturum intelligis. Adprime huc facit Pind. Pyth. II. 154. φίλον εἴη φιλεῖν ποτὶ δ' ἐχθρὸν ἀτ' ἐχθρὸς ἐών λύκος δίκαιος ποιεῖσθαι.

v. 3. *Quin est exhortantis, age vero, quidni potius huc, in me, si potes, sustines, audeas, vertis minas, mihi malum ministeris latratu tuo, me allatras. — inanes*, utpote canis timidi et ignavi. — 4. et me impetis satis animi habentem tecum congrega-

di; pro quo fortius est, *remorsurum*, qui vanas tuas minas morsu graviter vindicaturus sum. Verbi compositi vis in oppositione sola quaerenda; audacter resistam tibi; nam morsus alterius canis inanes ejus minae excludunt. Nisi ad mordacia ejus dicta referre malis, quo tamen poetae parum consulas. Comparat autem poeta se fortiori animosiorique cani, hancque comparationem ἀλληγορίας in seqq. persequitur.

v. 5 — 8. Acerrimorum enim canum instar cuicunque ferae fortiter instabo pertinacique eam alacritate persequar. Est adeo oppositio v. 2. *ignavus adversum lupos*. Pro acerrimis canibus sunt Molossi s. Epirotici, *amica vis pastoribus*, robore suo pastoribus commendatissimi. Virg. Ge. III. 406. *Nunquam custodibus illis* (Spartae catulis aerique Molosso) *nocturnum stabulis furem, incursusque luporum — horrebis*. *Genus est audax avidumque ferae de spartanis* Senec. Hippol. 35. Cf. Varro II. 9. 6. — 7. 8. *Agam quaecunque praecedet fera, graeca structura et ornata pro, quamcumque feram insectabor. Per altas nives et aure sublata, ὅργι, praecclare ad studii persinaciam et alacritatem declarandam adjecta*. Callim. H. Del. 230. οὐατα δ' αὐτῆς ὁργὰ μέλα; nam timidorum est, aures demittere.

v. 9. 10. Tum contra sola lucri spe maledictis tuis homines incessis, os tibi obturari vis. Pro hoc, servata allegoria, *ubi voce tim. complesti nemus, omnino pro, ubi ingentes clamores, latratus, edidisti* (nam alterum de cane venatico, quod in hunc proprie non cadit propter v. seq.), *odoraris statim, investigas, citempsicis, si quis tibi cibus objectus sit, quo mansuetior sis*. Similis sunt coloris illa Martialis (IV. 53. 6.): *Cui dat latratos obvia turba cibos, esse putas Cynicum, deceptus imagine falsa. Non est hic Cynicus, Cosme: quid ergo? canis.*

v. 11. 12. *Cave, cave solennis hujus de vitando malo admonendi formulae iteratio*. Vid. Intpp. *ad illa Petron. c. 35. Cave, cave canem.* — namque in *malos*, qui immerentes vexant, *asperrimus sum, effera* tissima ira odioque feror, insurgo, adversarios mihi eos deposco ac destino. Παρομιακῶς haec poeta, desumta a tauro feroci ac petuleo imagine: *porata tollo cornua, promptissimus sum, cornibus impetere, tauri instar efforor, εἰς κέρας θυμοῖμχι*. Idem usus τοῦ τυχροῦσθαι apud Graecos; veluti Aeschyl. Choeph. 272. Eurip. Med. 92. Plaut. Pseud. IV. 3. 5. *ne nunc mihi obvortat cornua, h. obnitatur, aduersetur.*

v. 13. Archilochi instar, Lycamben quod pactani sibi filiam, Neobulen, alteri collocasset, iamborum contumelia ad laqueum compellentis. Initium istorum exstat apud Hephaest. p. 70. Adposita adeo adpellatione h. l. audit *gener Lycambae*, a Lycombe repudiatus; ob hoc ipsum enim rabiosum iambum in sacerum strinxerat. Cf. Epp. I. 19. 25. Rem passim attigere poetae in Anthologiorum fascem collecti, veluti Meleag. LI. 3. Cn. Lentulus Gaet. c. VI. in Anal. Br. II. 167. — 14. Aut veluti Hippoanax, acerrimis in Bupalum et Anthermum iambis inventus, quod imaginem suam, foeditate notabilem, ridentium circulis proposuissent, Plin. XXXVI. 5. De eo est Philippi c. LXXXIII. (Anal. Br. II. 235.).

v. 15. 16. An impune mihi obtrectari patiar, aliorum contumelias patienter feram? Archilochia sententia apud Suid. v. καταρροήσεται ἐμεῦ δ' ἔκσινος οὐ καταρροίξεται, ex emendatione Toupii (ad Suid. II. p. 76.) lectione. — *Ater dens maledictionis obtrectationisque proprius.* Martial. V. 28. 7. *Rubiginosis cuncta dentibus rodit*, et passim. — 16. *ut puer inultus*, qui, quam illatam injuriam ulcisci nequeat, inani fletu dolorem suum solatur.

~~~~~

### ARGUMENTUM VII.

~~~~~

*D*evicto atque occiso S. Pompejo, Lepidoque armis exuto, quum respublica, diutinis bellis civilibus fessa, respirandi aliquando tempus nacta esse videretur, haud multo post (a. U. DCCXXII.) simulates, quae aliquamdiu Octaviano cum Antonio intercesserant, impatiens consortis imperio, prorumpere et ad vim spectare coepere: unde, maxime quum intentiore cura bellum, quandoquidem ultima experiundi animus esset, utrimque adparare-

*tur, in summum remp. discrimin adductum  
iri in promptu erat perspicere. Contactus igitur  
hac miseranda patriae suae vice poeta  
Romanos hoc carmine ab insano integrandi  
belli civilis consilio avocare adnititur, pro-  
posita sceleris, cui se obstricturi essent, atroc-  
itate atque vel belluinam feritatem exceden-  
te immanitate, certissimoque, quod in ipsus  
inde redundaturum sit, exitio. Animatur to-  
tum carmen dramatica rerum adornatione,  
adfectui poetae perquam adcommodata. Rapi-  
nos sentimus in medium discursantium atque  
arma deposcentium tumultum, poeta instat  
graviter increpando, summaeque dementiae  
eos adcusando: illi sceleris pudore confundi  
neque tamen arreptum cupide ferum dimitte-  
re; unde tandem funestissimam hanc cladem  
ex fatali Deorum ira pristino scelere, quod  
postoris luendum sit, contracta reip. impen-  
dere pronuntiat. Hoc quidem satis prudenter  
poeta, ne alterutri parti invidiam faceret.*

#### A d n o t a t i o n e s.

v. 1. Initio statim poetae erumpit indignatio, atrocitate faci-  
noris, quod in se admissurus esset populus Romanus; plane con-  
turbati; quod ipsum vegeta ac praecipitata oratio insigniter ostendit. Inest simul vivida civilis tumultus ιχνώσις. Quo ruitis  
quanto fortius quam, quid molimini, quid struitis? Nam alterum  
praeclare praecipitem civium furorem impotentiamque animi ad-  
umbrat, qua ad mutuam iprorum caedem impelluntur. Qua temeritatis notione hoc verbum nec pedestris oratio ponere refor-  
midat. Vid. Ernesti Clav. Cic. h. v. *Furor autem. rabies, insa-  
nia* obvia ratione bellum civile moventibus adscripta, v. c. Lu-  
can. I. 8. Idem eadem de causa *scelesti ιαγῆς*, dicti, scelus  
gravissimum, bellum civile, adorti. Cf. I. 2. 29. et 35. 53 qq.

— aut egregie confusum poetae animum manifestat; tanquam diversae enuntiationis sit, quae sequitur sententia, quum perspicuitatis causa tantum *τοῖς quo ruitis* subjecta sit. — cur iterum epes stringitis? cur novo bello civili accingimini? — enses conditi non ~~παρέλλεται~~, sed docte et graviter, qui modo vagina conditi sunt, vixdum finito bello civili. Ultimum, quod respicit poeta, erat inter Octavianum Caesarem et Sex. Pompejum, cuius finem pugna ad Mylas commissa attulerat. — 3. Tanquam parum adhuc *Latini*, nostri, civilis (ut II. 1. 29.) *sanguinis* fusum sit, re Romana multis bellis civilibus jam satis attrita; ut adeo vel hac de causa a novo abstinere oporteat. — *campis atque Neptuno super*, terra marique. Cf. omnino II. 1. 29 — 36.

v. 5 — 10. Armis accingimini, quibus non exteris nationes, sed vosmet ipsos perditum itis. Eadem adeo sententia, quae I. 2. 21 sqq. Pro hostibus in genere delecte posuit Carthaginenses, Britannos, et Parthos, quos Romano nomini infestissimos eleganter designat v. 9. In sqq. observa divitias poetae in varianda *perdenti* notione effusas. — ut *arces Carthaginis*, *Carthago uretur*, incendio vastaretur, exscinderetur, regnum Carthaginem everteretur. — *invida Romani imperii acmula* (ut Sallust. Cat. 10.), de principatu contendens cum Roma, infesta Romanis. Quo eodem arrogantiae sensu arces ejus *superbae dictae*, Romanum jugum deditantes, sibique imperium adserentes. Pro quovis autem graviori hostile Carthaginenses ad partes vocari putandi a poeta, quandoquidem nullum capitaliorem hostem olim experta esset respublica, cuius adeo belli internecini memoria Romanis inusta esset. Nam multo post eversam Carthaginem bella civilia exarsisse, Africamque Augusti tempestate in provinciae formam redactam et in colonos divisam fuisse, satis constat. — 7. 8. Aut ut Britanni perdomarentur, de iis triumpharetur. Adgressus quidem fuerat Jul. Caesar Britannos, ignotos ante, superatisque pecunias et obsides imperavit, juxta Sueton. c. XXV.; speciem tamen magis, quam veram ditionem praestitit ista expeditio. Recte adeo *intactus*, bello quidem tentatus, ne cum tanien *victus ac perdomitus*. — *descenderet Sacra via*, in triumpho duceretur per sacra viam, sed alterum signata, nam ubi pompa triumphalis Clivum Capitolinum adscenderet, triumphati in carcerem deducebantur, ibi necandi. Rem expedit Ciceronis locus, a Torr. et Gesn. jam ad partes vocatus, Verr.

V. 30. *At etiam qui triumphant, eoque diutius vivos hostium duces servant, ut, his per triumphum ductis, pulcherrimum spectaculum fructumque victoriae populus Romanus percipere possit: tamen quin de foro in Capitolium currum flectere incipiunt, illos duci in cacerem jubent, idemque dies et victoribus imperii, et victis finem vitae facit.* — *catenatus, ex more Cf. II. 12. 11. sq. — 9. 10.* Sed ut haec urbs, cum virtute, hoc imperii ac gloriae domicilium (ut Cic. de Orat. I. 105. vocat), hoc splendidissimum imperium suamet manu eversum consideret. Infra XVI. 2. *Suis et ipsa Roma viribus ruit. — secundum vota Parthorum, acerbe admodum, ut votis Parthorum, vos aliter atteri haud posse prohe intelligentium, satisfaciatis.* Lineae ductae jam ab Hom. Il. I. 255. ἡ κεν γηθήσαι Πρίαμος, Πριάμοιό τε παιδες, ἀλλοι τε Τρῶες μέγα κεν κεχαροίατο θυμῷ, εἰ σφῶν τὰδε πάντα πυθοίατο μαργαρέτοιν.

v. 11. 12. *Hic, tam immanis mōs ne in saevissimis quidem bestiis fuit, ἀοπίστως, est, deprehenditur, sc. ut in suum ipsae genus saeviant. Postrema docte invertit et cum antecedentibus copulavit poeta; numquam feris, effeari solitis, non pugnantibus nisi in dispar, nisi adversus feras disparis naturae. Sententia ipsa passim frequentata vett., quamquam, quod jam Gesn. animadvertisit, nec satis vere sit, nec subtiliter satis ad rem accommodata.* Cf. qnos laudat Boettig., Plin. Praef. l. VII. extr. et Juven. XV. 159. sqq. Ad tyrannos transtulit Senec. de Clem. I. 26. *Illa rationis expertia et a nobis immanitatis crimine damnata abstinent suis, et tuta est etiam inter feras similitudo: horum a necessariis quidem rabies temperat sibi cet.*

v. 13. 14. *Quae causa subigit vos, tam perverse agere, impellit vos, in mutuā caedem cum summo dedecore vestro ac scelere tam cupide grassari? num caecus furor, temerarius animi impetus, vos rapit, praecipites agit? an extimulat vos vis acrior, gravior, cui resisti nequeat, h. divina, fatalis quaedam necessitas, an culpa, an pro magno flagitio, ἄτη, qua obstricti estis, hoc (sc. ut male in vos consulatis) tanquam poena vobis inflictum est? In plura membra dispertivit, ac tamquam diversa sejunxit poeta, quae, si curatius examines, unius sententiae sunt. Vide enim pedestrem enuntiationem: num sceleris vindicandi causa divinitus vobis hic furor, haec animis vestris injecta est amentia, num ἄτη quapiam tenemini, qua offensi Dii*

mentem vobis eripiunt? Ita enim accipendum esse locum docent vv. 17. 18. Sed altera ratio incitato ac perturbato indignatione poetæ animo multo accommodatior. Ceterum quemcunque insolentiorem animi habitum, ut h. l. emoti atque a se alienati, a rudioris aetatis hominibus ad deos auctores referri, vel ex Homero satis constat. Etiam Enrip. Jon. 520. Εὐ φροντίς μὲν, ἡ σ' ἐμψύχη θεοῦ τις, ὁ ζέυς, βλάβη; Jam ista animi amentia homines praepediti quum ad nefaria quaevis, ipsis exitium allatura, praecepites ruant, satis consentanea ratio est, cur illam a Deorum ira, scelere quoipiam, quod ita ulturi, provocata, profectam iidem statuant. Ut poetarum loca omittam, Cic. Mil. 31. *Est, est profecto illa vis (plane ut h. l. de nomine divino) — ea ipsa huic primum mentem injectit, ut vi irritare ferro- que laceſſere fortissimum virum auderet. — Nec vero non eadem ira deorum hanc ejus satellitibus injectit amentiam cœt. et mox: Hic dii immortales mentem dederunt illi perditō ac furioso, ut huic faceret insidias. Aliter perire pestis illa non potuit. Vide omnino doctissimam Ruhnkenii observationem ad illa Vellei. II. 57. Sed profecto ineluctabilis fatorum vis, cujuscunque fortunam mutare constituit, consilia corrumpit. Ceterum simillimi coloris locus est apud Aristoph. Lysistr. 125. sqq.*

v. 15. 16. Praeclara atque ἐναγγεστάτη ὑποτύπωσις hominura scelerum suorum conscientia agitatorum atque oppressorum! Taccent, tacendo loquuntur, silentio confitentur scelus. Ejusdem index pallor, qui ora ipsorum inficit, tingit, mutantato pristino colore: nota loquendi ratione. — albus, ut luteus infra X. 16. ornat. — 16. mentes percussae stupent, fortius, quam, percussae, affonitiae sunt, sc. sceleris atrocitate; fatentur illud animi aestu, stupore.

v. 17. 18. Magnum κάθος in exitu. Poeta intelligens se frustra a bello civili revocare rempublicam, scelus confessam, Deorumque adeo ira ad illud compulsam, cum desperatione subjicit; *Sic est, in confessso, palam est, Romanos ἐναγγεῖς Deorum ira premi, et ad exitium suum cogi. Fata et scelus agunt Romanos, docte pro, fatorum, s. Deorum iratorm decreto aguntur h. ita agere coacti sunt, ad civile bellum praecepitantur Romani ut scelus fr. necis luant, s. ob parricidium, ἄγος, Remo occiso contractum. — acerba, funesta, interitum reip. allatura. — 19. 20. Scelus fraternaæ necis, occisi Remi parricidium sacrum ne-*

*potibus*, cui expiando nepotes addicti, devoti sunt, posteris tuerendum, in posteris vindicandum. Sed diductius poeta: *ut ex quo, postquam crux Remi in terram fluxit, Remus caesus est.* — *immerentis*, auget facinoris diritatem. Ceterum quum magnaæ calamitates antiquitatis sensus ad deos auctores, gravi aliquo scelere irritatos, referat, invidiae amoliendaæ causa solenne fere poetis, a majorum delictis, ac iis quidem, quae etiam in posteris vindicari putarent, irarum causas repetere, ut h. l. belli civilis mala a parricidio Romuli: quae adeo minime jejuna aut absona videri debet ratio. Ulterius progressus est Virgilius Ge. l. 502. *Laomedontea gentis perjuria praetexendo.* Sed non ex nostro sensu talia dijudicari debent.



## ARGUMENTUM VIII.



*Praeclurum utique sui generis nec vulgaris artis carmen, si ad solam tractationem animum adtendas; sed ea ipsius argumenti ratio est, ut, quum humanitatis atque honestatis sensus illud plane reformidet atque exhorreat, magnopere dolendum sit poetam virtutem suam in hocce genere spectari voluisse, illudque præ tot aliis antiquitatis operibus, quae temporis injuria interciderunt, aetatem tulisse. Sed peccavit haud dubie poeta Archilochi exemplo, cuius rabiem in idem argumenti genus effusam fuisse, facile ostendi posset, si omnino in talibus cum nostro ac lectorum taedio curiosi esse vellemus. Hoc autem potissimum agit poeta, ut frigoris sui, quod in se puella experta fuisse, ac de quo gra-  
titer conquesta esset, causas expediat, eas-*

*que ab ipsa repetendas esse pronuntiet, adeo quidem, ut quaesito rerum ac verborum delectu in summum eam contemtum ac fastidium adducere studeat. Puellam fuisse divitem, nobilem, doctam, docet posterior pars carminis. Impense hariolantem si audire vis, adi Sivrium.*

### A d n o t a t i o n e s.

v. 1. Plenior oratio erat: *Eho tune sustines, te hand dispudet, rogare, quid cet.* Sed mirifice abruptum hoc loquendi genus animo quocunque vehementiore affectu, ut h. l. indignatione percito convenit. It: Juno iram suam in Trojanos evomitura apud Virg. Aen. I. 37. *Mene incepto desistere victimam, nec posse cet.* Terent. Eun. II. 1. 3. *satne hoc mandatum est tibi? P. Ah rogitare!* Cf. infra XI. 11. et Lamb. ad h. l. Male nonnulli supplicant; non me pudet rogare. — *te putidam, rancidam, effiectam longo seculo, longa aetate, senectute, graviter pro, te vetulam, anum decrepitam.* Similiter pruriens anus indigitatur in Priapeis c. LVII. 1. *Cornix et caries vetusque bustum, turba et putrida facta seculorum.* Pacuv. in Tencro (apud Scriv. p. 72.); *quamquam annisque et aetate hoc corpus putret.* Trecenztorum Coss. *Vetustillam* eadem virulentia facit Martial. III. 93. 1. idemque secula Lesbiac tribuit X. 39. 3. Alii aliter idem exornatunt. Vid. ad IV. 13. 15. — *quid enervet, debilitet, frangat vires meas,* cur adeo enervis, segnis sim ad Venerem, nullo voluptatis sensu tangar. Basilius de Venere et vino, (in Scalig. Catal. p. 174) v. 3. *Venus enervat vires et copia Bacchi. Voluptatis enervationem* dixit Arnob. III. p. 105.

v. 3. Quum languoris istius causae tam manifestae sint, atque a temet ipsa repetenda, anu quippe deformi ac foeda. Sed amerior partium singularum adnumeratio. Cf. IV. 13. 10. sqq. Ad sententiam Martial. VI. 23. 3. *Tu licet et manibus blandis et vocibus inestes: contra te facies imperiosa tua est.* Juven. VI. 196. *Ut tamen omnes subsidunt pennae — facies tua computat annos h.* hoc inde fit, quod vetula es. *Dentem atrum singulari nume-*

ro forte cum virtute posuit poeta, tanquam ceteros jam expul-  
set, uti saepius Martialis. *Senectus frontem rugis exarat*, per-  
sulcat, faciem rugosa pelle induit. Mira vis compositi exaret,  
cute prorsus immutata. — *vetus*, ad extremas lineas admota:  
auget. Terent. Eun. IV. 4. 21. *Hic est vetus, victus, vetero-*  
*sus senex. Veteres senes.* pariter Tibull. I. 7. 50. Ad rem Mar-  
tiali. III. 93. 4. *Rugosiorum quum geras stola frontem;* et ad  
verba Virg. Aen. VII. 417 *obscenam frontem rugis arat.*

v. 5. 6. Et plane arida atque exsiccata sis. Depygem, quam  
designat h. l. poeta, Martialis III. 93. 12. ita describit: *et an-*  
*tis habeas orropygium macrae, senemque Cynicum vincat os-*  
*seus cunnus.* Idem XI. 100. 4. *Habere amicam nolo, Flacce*  
*subtilem, cui serra lumbis, cuspis eminet culo.* Paullo hone-  
stius in Priapeis. c. XXXII. init. *Uvis aridior puella passis cet-*  
*hiat, pateat, propter aridas nates.* Anum flagitiosa libidine εὐρύ-  
παρτον factam intelligent Lamb. et Dacer. putida atque aliena  
ab h. l. doctrina. — *bovis crudae, cruditate laborantis, atque*  
*ita macilentae.*

v. 7 — 10. *Sed*, enimvero tale pectus habes, quod incitare,  
ad libidinem extimulare possit. Εἴρωνίκως haec accipienda esse,  
et elocutionis ratio, et quae perspicuitatis causa, ne quis erret,  
subjecta sunt, abunde ostendunt. — *mammae putres*, resolutae  
(ut gleba putris Virg. Ge. I. 44.) flaccidae, pendulae, quales  
equarum sunt; pro quo doctiore structura est, *equina quales ubera.* *Putrida pectora* similiter Catull. LXIV. 352. *Aranearium*  
*cassibus pares mammas* vocat Martialis. III. 93. 5. Id. III. 72. 3.  
*tibi pannosae pendent a pectore mammae.* *Inclinatas* eisdem  
Propert. II. 15. 21. juxta Agathiam XIII. 4. μαξίς ὑπεκλίνθη, πέ-  
σον ὄφεις cet. — 9. *Venter mollis*, non adstrictus, laxus rugis;  
*sulcos uteri* vocat Martialis. III. 72. 4 — *femur exile*, gracile,  
junceum (*cujus lacertos annuli mei cingant* Martialis. XI. 100.  
2.) *additum*, quod epimétri loco tumentibus, crassis suris ad-  
jectum videtur; quaesita enormitate. Tò *additum* optime similis  
illustrat Petronii locus, c. 91. *Habebat inguinum pondus tam*  
*grande, ut ipsum hominem laciniam fascini crederes.* Hoc idem  
haud dubie voluit Schol. Cruqu. „eleganter dicit additum, qua-  
si adplicatum et adpositum sit; quia nihil deformius, quam pedes  
genibus et femore crassiores. Ceterum totum hunc locum mutua-  
tus videtur Horatius a graeco poeta, cuius fragmentum habet

Schol. Aristoph. Avv. 1619.  $\omega\alpha\rho\alpha\sigma\phi\nu\rho\circ\nu\pi\alpha\chi\varepsilon\bar{\imath}\alpha\mu\sigma\eta\tau\eta\gamma\bar{\nu}\bar{\nu}\bar{\eta}$ . Observa in his vv. concinnam epithetorum collocationem.

v. 11—14 At es dives, nobilis, quae sitque culta, quibus formae detrimentum satis, bene redimi repararique opinaris: quibus tamen minime tangor, — *Esto beata*, jactes opes tuas, placeas tibi divitiis tuis; nihil equidem moror. — *esto generosissima stirpe oriunda*. Delecte pro hoc poeta: *imagines* majorum tuorum *triumphales*, triumphalibus ornamenti insignes, in quibus adeo triumphantiores existitere, *ducant funus tuum*, preferantur funeri tuo; in quo amara admodum amorum, quos praeter aetatem anus ista sectetur, irrisio inest. Bene jam Schol. Cruquii „Videtur latenter illi exprobare intempestivos amores, praecipue quod morti esset proxima.“ Ceterum de more *imagines* majorum in funeribus gentilitiis praferendi, per vulgata omnia. Ad feminas quoque hunc honorem pertinuisse docet vel Cic. de Orat. II. 55. *quid illam anum patri nuntiare vis tuo? quid illis omnibus, quorum imagines duci vides?* jam Lamb. laudatus. *Imagines ducunt funus*, quatenus praecedunt illud, preferuntur. Ita accipienda verba histrionis apud Suet. Cer. 32. *Orcus vobis ducet pedes*. Ovid. Fast. VI. 668. *Dicit supremos naenia nulla toros*. Similiter *Lucifer diem ducere* dicitur Virg. Aen. II. 802. atque ita passim. Atque hanc potiorem habuerim rationem prae altera, qua orationem ita inverttere necesse est: *ducantur in funere tuo triumphales imagines*, quamquam *ducere* solenne de quavis pompa, maxime funebri. — 13. Cultu porro seu mundo muliebri exornes te magnificentissimo. Pro hoc come et quae sitque est: non sit *marita*, matrona Romana, quae plures pretiosioresque gerat *baccas* s. *margaritas*. Multitudinem baccarum invicem junctorum docte designat *onusta* (Petron. c. LV. *Quo margarita cara tribacea Indica? an ut matrona, onerata phaleris pelagiis cet.* Claudio. XXVIII. 528. *colla monili circuit, et baccis onerat cendentibus aures*. *Oneratas aures simpliciter* Senec. Const. Sap. c. 14. Boeth. Conf. Ph. III. 3; *oneretque baccis colla rubri litoris.*) et ipsarum pretium epith. *rotundioribus*: Nam a rotunditate commendatissimas fuisse docet Plin. H. N. IX. 35.— *iis onusta ambulet*, quam delecte pro, tenui, sit. Propert. I. 2. 1. *Quid juvat ornato procedere, vita capillo*. Cf. supra IV. 5. 17.

v. 15. 16. Quid? quod philosophicis te studiis delectari si-

mulas, ut vitos, iisdem deditos, hac lynge illectes. Vetulam libidine indomitam, luxuque ac mollitie perditam, quum philosopham dicere vellet, Stoicam facit poeta, non quod ipse Stoicus esset, sed quod mores ejus ab severa horidaque Stoicorum disciplina immane quantum discreparent. Hinc facile perspicitur, quam venusta irrisione *libelli Stoici*, horridi illi, *inter sericos pulvillo*s, in culcitis sericis, mollissimis adeo ac delicatissimis, jacere dicantur. Qua eadem virtute ponit a poeta puta: *umant*, volupe ipsis est, novo quasi voluptatis sensu perfruuntur quibus tam molliter cubare liceat. Nihil tamen contra moverim, si quis graeco significatu *amare* pro, *solere*, φιλεῖν, positum contendat, quum neque sic vi omni prorsus destituatur.

v. 17. 18. *Enimvero ista omnia talia non sunt, quae vel tantillum* *tui desiderium proritent amoris* *tui fruendi cupiditatem injiciant.* Pro hoc, relata ad proxime antecedentia sententia: *num ideo mihi rigent*, torpent, frigent *nervi* *mei*, *num libris* *istis Stoicis* *effici* puntas, ut *nervi* libidine inflamentur, *illiterati* illi, ad ista literarum; quae non intelligunt, illectamenta hebetes; doctis istis illecebris haud arrigentes; venuste admodum. Perimunt hanc venustatem, totiusque loci sensum pervertunt, qui *illiterati* gignendi casu, et *rigere* de vigore salaci accipiunt. *Nervus* et mox *fascinum* de ea dici parte, qua viri sumus, ē Petronio et Priapeis satis notum. — 19. 20. Ut illud *provoces*, excites, commoveas ab inguine, quo latet, vegetum reddas, ore morigerari (ut est apud Suet. Tib. 44.) te oportet *Superbum* *inguen* dixit, quod proprium fascini erat; quod minus obsequiosum se praebet, istis haud movetur, sc. divitiis, nobilitate ac studiis tuis philosophicis.

### ARGUMENTUM IX.



*Carmen* *hocce* *post primam statim famam*,  
*de victoria*, *qua Caesar apud Actium potitus*  
*esset*, *Romam perlatam*, *scriptum esse*, *plura ipsumi in se habet indicia*, *quae extra omnem dubitationem ponant* (*vide mihi v. 21 sqq.*)

29. *sqq.* qui diserte ostendunt, de Antonii *fuga*, *quorsum facta esset*, neandum quidquam *tum temporis Romae constitisse*), utque adeo, *si temporis*, quo carmina, ut ita dicam, *Actiaca composita sint*, rationem ineas, hoc *Epod. I. et ante I. 37. collocari debeat*. *Exponit isto Maeccenati laetitiae suae sensus poeta*, quos primus iste nuntius in se commoverit *vividissimos*, adeo quidem, ut victoriam istam *adparatissimo statim convivio*, non *exspectata triumphali pompa*, eidem celebrandam *in jungat*, in eaque cogitatione ita defixum *habet animum*, ut ipsas istas epulas mente *occupet*, seque convivantium turbæ *immixtum ferat*. Quia quidem vegeta rei *adornatione*, ad effrenem animi affectum plane *descripta*, totum carmen mire animari, vel hebetior quisque animadvertis. Ut autem Romanum suum, ut ita dicam, sensum poeta ostenderet, *Antonianae partis militem*, a Caesare devictum, omni contumeliarum genere obruit, quod externam sub femina et spadonibus militiam, ignavam illam, luxuque infamen, sequi sustinuerit; atque hactenus metro suo ejusque indoli satis respondet hoc carmen, quod quidem, si argumenti tractationem spectes, a naturali simplicitate; si eloquutionem, a munditie, non operosa quidem, satis tamen concinna ac justa, maximopere se commendat.

#### A d n o t a t i o n e s.

*v. 1. sqq.* Morae impatientia, quam praefert exordium, exsultanti ob victoriam Augusti mire poetæ animo adcommoda! Pro vulgari: ecquando Augusti victoriam celebrabimus? docte poeta convivii adparatus instruendi partes ponit, cantum et vinum, id-

que, pro diei solennitate, *Caecubum*, h. optimae notae, nobilissimum; unde *repostum ad festas dapes*, nonnisi festis conviviis adhiberi solitum. Idem eidem Actiacae victoriae celebrandae de-promendum indicit I. 37. 5. Cf. III. 28. 3. — 2. *victore laetus Caesare*, ornatius et significantius, quam: propter victoriam Caesaris. — 3. *sub alta domo suaviter* indicat, se illud convivium a Maecenate velle instrui. Ita enim adpellat turrem Maecenati-nam in Esquilihortis sitam, quam III. 29. 14. *molem propinquam nubibus* vocat. Atque hujus, omninoque opulentiae ejus adparatu isto convivali explicandae, respectu Maecenatem *beatum* (uti Sestium I. 4. 14.) adpellat, adposito ad rem epitheto. — *Sic Jovi gratum*, οὐτὸς Διὶ φίλον, ad totam sententiam refer: quandoquidem ita Jovi placuit, Dii prosperum hunc rerum even-tum dederunt. — 5. 6. Inter festos lyrae ac tibiae cantus. Lyra sonante carmen, edente sonos, cantus, mixtos tibiis, una cum tibiis, lira ac tibiis, resonantibus, hac quidem *Dorium* modum, severam ac gravem (nam ἡδιον τῆς Δωριῶν ἀρμονίας τὸ σεμνὸν Lucian. I. 851.), illis *Barbarum* s. *Phrygium*, effrenem ac bacchico furore tumultuantem (ἐνθεον Lucian. I. I.) edentibus. Admodum probabile est, poetam Dorio modo grave Martis opus h. ipsum pugnae conflictum, (τὴν Δωριστὶ ἀρμονίαν τοῖς πολεμικοῖς ἀνδράσι αρμόζονταν diserte vocat Plut. de Mus. p. 1136. E.), Phrygio autem, eventum ejus, victoriam Caesaris, atque adeo laetitiam, qua inde efferretur, exprimi repraesentarique voluisse. Unde adpareat, lyrām ac tibiam per vices, non mixtim et una, adhibitās intelli-gi oportere; hocque ut statuamus, ipsae Harmoniae leges, pos-tulant.

v. 7 — 10. Quod idem (sc. ut solenne convivium agitaremus) nuper fecimus, devicto ad Siculum litus S. Pompejo. Factum illud a. U. DCCXVIII. Praeclare poeta, quasi aliud agens, recen-tem hanc Augusti laudum materiem intexuit, in quam obvium erat eum incidere, quum pur fere ignonimia, quam novissima victoria avertisset, ista a populo Romano propulsata fuisset; id quod enun-tiatae rei ratio abunde ostendit, servis fugitivis in altero bello, in hoc muliere externa cum spadonibus Romanos sibi subjecere connisis. Quum S. Pompejus, mari feliciter usus (Conf. Dio XLVIII. 19.) *Neptunius* h. Neptuni filius ipse dici haberique vellet, facile perspicitur, quam quae sitae acerbitatis ista h. I. ad-pellatio sit in exponenda ejus, quam mari expertus esset, gravis-

sima clade, miserabilique cum sex septemvne navibus, quum modo trecentarum quinquaginta dominus fuisse (Flor. IV. 8.), fuga. — *actus*, exactus, expulsus *fretō* Siculo *fugit*, fuga sibi consule re opus habuit. Asiam eum, perditis omnibus, petuisse, ibique ab Antonio devictum sub percussore, ab eodem immisso, mortuum esse, ex histōia satis constat. Quae eadem cum Nostro nimirum naves ejusdem, litori allisas, ab Octaviano combustas fuisse tradit Dio XLIX. 10. p. 576. — 9. 10. Qui armatis in supplementum classis et exercitus ergastulis colle tisque piratis temp. Romanam servitii jugo subdere in animo habuerat. Hoc cum summo invictiae acumine, quod rei indignitas suppeditabat, eloquutus est poeta, Pompejum ea ipsa vincula, quibus servitia exsolvisset, civibus Romanis *minatum*, h. iis Romanos oneraturum professum, adversus adeo hos crudelissimum, *amicum* contra ac henevolum *servis* idque *perfidis*, h. fugitivis, detrahendo iis vincula, donandoque libertatem, prohibendo. *Servitia* eum *fugitivosque in numerum exercitus sui recipiendo magnum modum legionum effecisse* diserte tradit Vellei. II. 73 adde Dio XLVIII. 19. Quamquam omnino perfidia servili indoli genuina fere velt. habita.

v. 11 — 16. Persequitur jam, amareque exagitat poeta ignominiam, quam Antonii exercitus, Aegyptiae mulieris et spadonum imperiis parere haud dignatus, pertulerit. Nam cum hoc flagitiosum Antonii dedecus a poeta communicari, ipsa elocutionis docet ratio. Vide autem, quauis exacuerit vulgarem sententiam: Romani sub femina militant, et imperia a spadonibus accipiunt. *Romanus* *civis*, oblitus pristinae libertatis ac dignitatis, *emancipatus* est, se addixit, in potestatem ac dominium tralidit *feminae*, Cleopatrae, in ejusque gratiam. *miles fert vallum et arma*, graves militiae labores, impigre tolerat, militat. Male de Antonio plerique cogitant, quamquam illud (*emanc. feminae*) proprie ad eum spectat, qui *patriae obesus*, totus in monstrum illud ut mente, ita animo quoque et cultu desciverat, juxta Flor. IV. 11. Militiac aerumnas declarant *valli et arma*, a gregario mili te ferenda. Adposite laudant Cic. Tusc. II. 16. *Militiae nostri exercitus qui labor, et quantus agminis, fere plus dimidiati mensis cibaria; ferre, si qui ad usum velint: ferre vallum*. Nam scutum, gladium, galeam in onere nostri milites non plus numerant quam humeros, lacertos, manus: *arma, enim membra militis esse dicunt, — et spadonibus servire potest, quam invi-*

diose pro, ductores eos patitur, sustinet. Ex eunuchis Mardionem potissimum bellī auctorem memorat Plut. Ant. p. 345. D. — *ruggosis*, rugis ante tempus deformatis; quod quidem proprium truncati corporis perhibetur infortunium. Vid. ad I. 37. 9. Illa, *Eheu et posteri negabitis h.* vix credent posteri, Romanos olim sese hoc dedecore maculasse, graviter indignationem poetae, rei indignitate incensam, produnt. — 15. 16. Inter *signa militaria*, aquilas Romanas. *Sol adspicit*, conspicitur (sed alterum ἐνεργῶς, ob indignum spectaculum, quod Soli ita objiceretur. Hujus enim vultum ραθαπάταρον res pudendas aversari, notum vel e Thyestea fabula.) conopium. *Conopium*, κωνόπιον, velum apud Aegyptios ad arcendos culices, ex Nili illuvie abundantes, lectis praetendi solitum, mox inter luxus instrumenta habitum, intextis ei filis aureis, adpersisque tenuissimis maculis. Cf. Plut. Ant. p. 927. et Schol. Juv. VI. 80. Hinc causa intelligitur, cur illud, extremae molitiae Aegyptias argumentum, tanto *turpius* Romanis videri debuerit, quod inter aquilas Romanas conspiceretur. Ex hac ipsa antem adornatione colligas, pro militari Aegyptiorum signo illud aut omnino a Romanis habitum fuisse, aut certe invidiose h. l. a poeta designari. Ita et accipi possit in Propert. III. 9. 45. *Foedaque Tarpejo conopia tendere saxo*, tanquam vexillum ibi statuere, castra in Capitolio collocare. Eadem lasciviae ac molitiae nota sistro classicum cantum fuisse perhibent idem el. l. v. 34. et Virg. Aen. VIII. 696.

17 — 20. Ex Antonii copiis, quae in continenti stabant, qui busque Canidius praeerat, Gallograecos s. Galatas Dejotaro et Amynta ducibus, ante pugnas discrimen ad Octavianum transmissee, diserte tradunt Plut. Anton. p. 945. et Vellei. II. 84. qui addit, Awyntam *numquam reginam nisi nomine salutasse*. Hoc exaggeravit poeta, quo magis degeneres Romanorum, Antonio adhaerentium, animos argueret, Gallograecos hac sola de causa Antonium destituisse, quod castra ista, femineo luxu marcida aversarentur, id quod Romanos facere par fuisse, significando. Ita jam optime Porphyron: Gallorum ideo mentio facta est, ut Romanos, qui sub praepositis spadonibus aequo animo militarent, magis oneraret per comparationum Gallorum, qui hoc degignati ad Caesarem se contulerunt. Igitur Galli *frementes* aegerrime ferentes, indignantes *ad hoc con.* ob foedum hoc conopii spectaculum *vertcrunt*, averterunt *equos*, aversati sunt ejus *adspectum* (sed

alterum signate de equitatu) deseruere ista castra, *canentes*, laudantes clamore bellico *Caesarem*, potiores ejus partes rati, pro vulgari, transeuntes ad *Caesarem*. Ilud autem posuit poeta ex more istius gentis, cum cantu pugnam ciere solite; quamquam etiam de adclamatione Romana, v. c. Salve, Imperator, haud absurdus, intelligas. — 19. 20. Jam navales copias poeta memorat, quae eadem indignatione, quod feminae eunuchis parendum esset, motae pugnam detrectassent, et in portum, dum configeretur, recessissent. Facile intelligitur poetam in rem suam vertisse, quod ex ignavia atque timore factum esset. Exaggerasse autem poeta putandus est, quod tradunt Historici, male omnia ante pugnam in Antonii classe administrata fuisse (*τὸν ναυτικὸν ἐν ταχιδύσπειρον*, *ἡ πόλις ἀπασσαντορίζοντος θεοῦ θείαν* Plut. Anton. p. 1729. Steph.) aut utique primum, qui rem ita gestam exposuisset, nuntium secundus esse, id quod e vv. 29 — 32. de Antonii fuga, quum hoc carmen scriberet, neendum certi quid constitisse prudentibus, satis probabiliter statuas. Jam pars ista navium, quae post primam congreessionem in portum refugeret, quo minus discessio ista animad veteretur, *puppes ciebat*, h. ita retrorsum agebatur, puppes praecedenter, prorae sequerentur (Gr. *πλημναντοσθαι*, *remis inhibere*); idque *sinistrorum fieri oportebat*, acie Antonii dextrorum Italiam versus directa atque explicita. Alienam ac prorsus incommodam sententiam inferunt, qui de fuga Antonii et Cleopatra cogitant, quod vel vv. 17. 18. docent, et adjecta *portu latent*, quae quominus de Alexandrino portu interpreteris, vetat v. 29 sqq.

v. 21 — 26. Vix primo allato victoriae nuntio pompam statim triumphalem exspectat poeta, quod effreniori ejus laetitiae affectui adprime convenit. Vulgaris enuntiatio erat: E quando ducetur triumphus, vel splendidissimis Marii et Scipionis anteferendus? Pro hoc ad Triumphum Deum orationem convertit poeta, queriturque quod Urbem non illico intret, pompamque adeo triumphalem ac solenne sacrificium moretur. Nam pompe isti praeesse, eam ipse ducere creditus. Quae eadem adclamationi solenni, *in triumpho*, (ut iù *Bάρχες*) ad quam alludit poeta, subest ratio. — *currus aureos*, currum triumphalem, auro et ebore ornatum; omnino pro pompa triumphali. Sacrificium Jovi Capitolino a triumphatore faciendum declarant *boves intactae*, jugum haud passae: ex more, ut notissimum. Vid. Intpp. ad Petr. c. 105. — 23. Pul.

chre continuatur conversae orationis ingenium pro: non tam magnificus triunphus fuit, quem Marius de Jugurtha reportavit. *Triumphus reportat ducem*, quatenus cum eo Urbem intrat, eum antevolat, ut Victoria. — 25. Quaesitum est, quod Scipionem simpliciter *Africanum* indigitat, quandoquidem hac ipsa adpellatione virtus ejus bellica, de qua hic agitur, condecorata fuit. — *cui super Carthaginem* cet. *Vulgare* utique erat, qui Carthagine, virtute sua eversa, aeternam sibi nominis famam aequisivit. excidio isto immortalis factus est. Pro quo ornatius erat, si dixisset: qui eversa Carthaginiem virtutis suae monumentum fecit, ut plane de eo Vellei. I. 12. Sed vividior augustiorque species est, qua animavit sententiam poeta, a Virtute dea monumentum ei super Carthaginiem, cuius eversione promernisset, conditum perhibens.

*v. 27 sqq.* *Triumphi* magnitudinem praeclare poeta miserabili Antonii fuga, quam cum summa omnium rerum desperatione, deletis quippe navibus, copiisque ejus terrestribus ad dificationem compulsionis, capessere coactus fuit, illustratam subjicit. In verbis, *Punico lugubre* cet. gravis luxus ejus prioris notatio atque irrigio est. Ita enim de cultu ejus Flor. IV. 11. *Aureum in manu baculum; ad latus acinaces; purpurea vestis ingentibus obstricta gemmis; diadema aderat* cet. Quamquam etiam *Punicum sagum* simpliciter accipere licet de paludamento, φούρκίδι, Imp. insigni, quod abjecisse eum dicit poeta, non tam ut lateret in fuga, quam quo se imperio dejectum regnoque, quod adfectaret, exutum ipse fateretur. Solennis autem v. *mutare* structurae inversio; ut passim vidimus. *Sagum lugubre*, pullum, sordidum, vile; ex opposit. *Punici s. purpurei*. Junge autem: *mutavit s. iturus* quod docte est pro mutato sago fugit, iturus cet. — 29 — 32. Cretani aut Africam petiturus. Vid. Argum. — *centum urbibus nobilem, ἐκατόμπολην*. Vid. III. 27. 33. — 30. *Ventis non quis, sibi faventibus*. Ovid. Met. XIII. 106. *Orba suis essent etiamnum linteas ventis*. Martial. X. 104. init. *I nostro comes — — longum per mare, sed faventis undae; et cursu facilis tuisque ventis Hispaniae pete Tarragonis arces*. Senec. Quaest. nat. I. Praefat. *Quantum est, quod ab ultimis litoribus Hispaniae usque ad Indos jacet? Paucissimorum dierum spatium, si navim suus ven'us implevit; et ita passim.* — 31. Syrtes Noto exercitatas, agitatas, turbatas. Cf. Sallust. Jug. 78. — 32. *fertur incerto mari vel est, ipse incertus consilii mari fertur, errat, animo ista clade penitus*

perturbato; vel simpliciter, mari procelloso agitatur, Diis Augusti victoriam consequentibus; malim tamen prius ut exquisitus, quod etiam Scholl. habent.

v. 33 sqq. Ad propositum suum redit poeta, confususque impotenti laetitiae affectu futuram convivii hilaritatem animo praecptam repreäsentat; discubunt convivae, majoribusque poculis quae istius diei solennitas poscat, celebrandam indicit. Quo quaesito ad rem oculis subjiciendam artificio passim poetam usum vidimus v. c. II. 7. 21. et III. 19. 9. II. 18. Eadem extollenda ex merito victoriae causa cumultate adponi jubet vina *Chia*, *Lesbia*, *Caecubum*, h. generosissima. — *metire* infunde *Caecubum*; sed alterum signate; quoniam cyathi, quibus infundebatur, vel pocula quae replebantur, certi, eujusunque demum, moduli erant. Possis etiam ad vini certis aquae partibus temperandi modum referre; illud tamen *ποιητικώτερον*. — *quod nauseam*, insirmoris ventriculi indicem, *coērceat*, tollat, ventrem adeo corrigat, roboret, vinum *εὐτονον*, uti audit Athen. I. 21. — *fluentem*, alvum solventem. Proprie stomachus laxatur, languet fluit. — 37. 38. Par utique est, animum vino exhilarare, Caesare victoria potito. Cura et metus *Lyaeo solvitur*, vino diluitur, abstergetur (ut *cadus amara curarum eluere efficax* IV. 12. 20. unde Bacchus *λυσίμαχος* et similia provenere loquendi genera), animo expellitur; qui istius tenebatur, constrictus erat, dum nondum de praelii exitu constraret. — *rerum Caesaris*, ob res, Caesaris, ejus victoriam; graeca prorsus ellipsi ac locutione. Si proximis curam et metum jungas, erit: metum, quem propter Caesarem sustinuimus. Sed alterum dignius poeta, si quid judico.

### ARGUMENTUM X.

*Quum in omnibus fere, quae contumeliosa prostant, Horatii carminibus causas ac rationes, quae acuendi ipsi styli evomendaque bilis occasionem dederint, satis diserte expositas, saltem haud obscure proditas animadvertas; tanta utique Maevium quemdam, quem*

petit hoc carmine, apud omnes bonos infamia  
 laborasse credibile est, ut omnino legentium  
 fastidio, tacendis iis, poeta consuluisse vide-  
 ri debeat. Quae quidem etsi nos plane fugi-  
 ant, haud difficulter tamen eas e versu Vir-  
 gili (Ecl. III. 90. Qui Bavum non odit,  
 amet tua carmina, Maevi) expediri  
 posse arbitror. In quo quum inficitissimi aeta-  
 tis istius poetae notam ferat, isti autem ho-  
 mines non solum jactantius fere arrogantius-  
 que induant ingenium (quod ipsum jam boni  
 cuiusque stomachum moveat), sed etiam, ut  
 insipidae scilicet plebi sapere videantur, bo-  
 norum ingeniorum famam bonaque existi-  
 mationem arrodere soleant; recte mihi col-  
 ligere videor, Maevium non solum insulsum  
 versificatorem sed praestantiorum quoque poe-  
 tarum, Virgili, Horatii et aliorum obtrecta-  
 torem fuisse acerrimum, ideoque a Nostro  
 hoc carmine misere habitum. Ut enim bono-  
 rum omnium risum captaret, tragica quadam  
 gravitate ei, peregre, forte Athenas, ituro,  
 naufragium, mortemque miserrimam impre-  
 catur, lautissimumque, si precum suarum  
 rationem habiturae essent, Tempestatibus  
 sacrificium vovet. Atque hoc ipsum, ne inhu-  
 manum poetae pectus incuses, praeter inces-  
 sum totius carminis, abunde comprobat, No-  
 strum ludum potius Maevium dare voluisse,  
 quam veros animi sensus protulisse. Ceterum  
 acerbitatem, qua sententiae tinctae sunt, ter-  
 ribilium, Maevio impendentium, adparatu haud  
 parum adjutam facile sentias, quamquam in  
 hoc paullo luxuriantius poetae ingenium anim-  
 adveras.

## A d n o t a t i o n e s.

v. 1. Utinam Maevius, iter mari ingressus, tempestatem gravissimam experiatur, eaque obruatur! Votum hoc, vide qua colorum ἐναργετη adumbraverit, quantaque virulentia acerbaverit poetar. — Navis soluta retinaculis exit e portu, altum petit, solvit, (quod proprium hac de re verbum) mala alite, ἀπαντίσω ὄψις, inauspicato, infasto omine, infelix iter factura est (contra in Prop. IV. 1. 40. *O quali ducta est Dardana puppis ave*, est quam prospera navigatione ussa est D. p.). quandoquidem (inprosperae enim navigationis causa a poeta subiecti putanda) fert, vehit Maevium, ob Maevium, quem vehit; in quo statim magna amaritudo inest. — olentem hircini odoris hominem. Alii tanquam Rutgers. lectt. X. 10. carmina Maevii notari volunt, obsoletis verbis, quae affectaret, putentia ac sordida. Quod etsi loquendi usus setat (Auctor de caus. corr. Eloqu. c. XXII. quaedam vero procul arceantur et jam oblitterata et olentia cet.), acerbior tamen videatur vitii corporis exprobatio, quamquam illud a nimia pinguedine (quod plerique v. 21, innui autumant) ortum statuere nolim. Sed ipso poeta iniquorem Maevius expertus est Cruquium, qui hoc epitheto se insulsum poetam, libidinosum (propter v. 23.) timidum denique atque insipidum (propter agnam v. 24.) hominem ab Horatio notatum argueret.

v. 3—8. Conflictus plurium venorum (*μισθόμενοι άνεμοι* Hom. Od. II. 315.) solennis poetis in gravioris tempestatis descriptio- ne, quod ad naturae leges non exigendum. In hac autem, quum res ad speciales notiones revocanda erat, cum variata per apostrophen structura plurimum suavitatis habet, tum, quod cuique fere vento, quas quemque partes tueri velit, injungit. Majorem quoque vim habet praecipiendi formula *memento*, tui officii perfato, tibi curae sit, hoc sedulo ages, quam optandi, *utinam*. — utrumque navis latus, navem utrimque verberes, pulses, labefactes, convellas excitatis atque allisis fluctibus, attolle fluctus, qui laterum compagem dissolvant. Val. Fl. I. 939. *Illam* *huc atque illuc* *nunc torquens verberat Eurus*. Noster ornatior, quod Burmannum fugit. — *horridis* tumidis, adposito epitheto. — 5. 6. Ornatissimi versus! Eurus mare conturbet, remosque ac rudentes auferat. Eurus *niger*, nubes conglobans, δυοφερή Θύελλα (Orph. Argon. 1180.) Val. Fl. II. 365. *Insequitur niger, et magnis cum*

*fratribus Eurus intonat Aegaeo.* Forte tamen magis poetirum erit, si jungas niger inverso mari, ab inv. mari, inter nigros maris tumultus invectus tenebris involutus. Pro mari commoto, turbato gravius est *inversum*, a fundo versum. *Imis stagna refusa vadis* Virg. Aen. I. 125. Id. II. 419. *imo Nereus ciet aequora fundo.* Philipp. Thess. XII. 2. (A. Br. II. 214.) *ἐκ χροῦ Νόρου συνεχέως πέντε ἀντος, ἐκ δὲ νείστην μυχῶν βυθῖτις Φάμπος ἐξηρεύγεται, ιστὸς δὲ τοῦ ὄλισθεν εἰς ὄλα πτύσας κειτ.* loco valde adposito, Boeth. Conf. Ph. II. 3. 11. *Sæpe ferventes Aquilo procellas verso concitat aequore.* Cf. III. 17. 10. — 6. *fractos differat, ornate pro, frangat, detergeat* (quod proprium hac de re. Vid. ad I. 14. 4.) ac *differat, dissipet, per fluctus spargat.* Ennius apud Non. II. 880. *Alia fluctus differt, dissupat visceratim membra.* *διαχεύειν* eadem de re adhibuit Q. Cal. XIV. 503. Cf. Lambin. — 7. 8. *Aquilo summa vi in navem impetat.* *Insurgat* potest simpliciter esse, exoriatur; nam surgere venti dicuntur, qui flare incipiunt, notissima loquendi ratione. Sed suavior et exquisitor *imago* existet, si Aquilonem hostili impetu navem invadere, adgredi cogites, verbo a lucta petito Cf. Virg. Aen. V. 443. Simili phantasmate Africus Icarii fluctibus *luctatur* I. 1. 15. Vividius adeo ac fortius est quam gr. *ἐπιχρεῖν, ἐπισχήπτειν*, quod solenne de ventis. Summam Aquilonis violentiam *ἐναργῆς* explicant ac repraesentant sqq.: *quantus frangit il., h. quantus ejus impetus est, quum frangit, convellit, eruit ilices.* Exornanda rei imagini augendaeque Aquilonis vehementiae inserviunt adjecta: *altis montibus, quandoquidem firmioribus radicibus arbores iis inhaerere, fortiusque ibi surgere creditae* (vid. ad V. 12. 20.) *tum trementes, nutantes pondere ac proceritate sua, altas, proceras.* Possis quoque jungere *trementes altis montibus*, quod quae sitius esset pro, stantes in montibus. Sed alterum adpositius. Languidus quoque foret, si *trementes, concussas, commolas acciperes, τῷ frangit subjectum* Cf. Catull. LXIV. 105 sqq.

v 9. 10. *Nec sidus Dioscurorum adpareat, in conspectum veniat amicum, quod ravi atra nocte, nocturna tempestate depressae subveniat, quod quassam ratem naufragio eripiat.* Cf. I. 3. init. IV. 8. 30. *Optati inde Tyndaridae dicti Propert I. 17. 18. Procellosam noctem ulterius declarant, qua tristis Orion cadit, ad occasum vergit, nota ratione.* Vid. ad I. 28. 21. III. 27. 17. *Orion tristis orvynēs* (Anacr. 15. 9.), ob tempestates, quas ciet.

v. 11 — 14. *Nec quietiore, pacatiore, turbulentiore, adeo aequore feratur, jactetur, candem tempestatem experiatur, quam Graja victorum manus, docte pro, victrix Graecorum manus, Graeci eversa Troja domum redeentes pertulere, a Pallade, Ajaxis ulciscendi gratia excitatam.* Hæc ultima vv. 13. 14. splendide et ornate a poeta exposita. Pallas *iram*, qua in Trojanos ferebatur, cum ipsorum excidio (*usto Illo*) exsasiatam, convertit in *Ajacem impiam ratem*, fluctibus immergendo classem Ajaxis *impii*, propter illatam Cassandrae in ejus templo stuprum. De naufragio Graecorum ad cautes Euboicas facto, ei, quam ejus causam poetae epici graeci faciunt, intempestiva Ajaxis Oilei libidine pervulgata omnia. Vid. Heyn. ad Virg. Aen. I. 39.

v. 15 — 20. Miram δεινότητα habet animo praecepta ac specialibus coloribus vivide atque cum tragico vaticinantis spiritu repraesentata naufragii facies, in qua maximum momentum habet animi ejus abjecti exprobratio. Maevius pallet, ejulatur, ad preces confudit, dum nautae, servandae navi intensi, sudore diffluent. Idem plane color I. 15. 9. *Eheu quantus equis, quantus adest viris sudor!* cet. — *quantus sudor instat nautis,* quantum sudabunt, laborabunt remiges tui! — pallor luteus, subflavus, color buxeus, qualis arquatis est. Tib. I. 8. 52. *nimius luto corpora tingit amor.* — 17. illa non virilis, virum decadens, muliebris (ut muliebris luctus infra XVI. 39. querelas muliebres Claudian. XVI. 270.) illa ejulatio. Spectat hoc Cic. Tusc. II. 23. *Ingemiscere nonnumquam viro concessum est, id que raro: ejulatus vero ne mulieri quidem* — 18. Quantis precebus obtundes, fatigabis, Jovem *aversum*, concise pro, qui tamen nullum tui rationem habebit, preces tuas aspernabitur, nota loquendi ratione. Vid. Brunkh. ad Tib. III. 3. 28. — 19. 20. *sinus Ionius*, h. mare Ionium in sinus curvatum (ut *Calabri sinus* I. 33. 16.) turbatum, procellocum, fluctus maris Ionii Noto agitati, pro quo ornatius est, *remugientis*, resonantis Noto. Cf. III. 10. 6. *udo*, ὑγρὸν ἀεντί (Q. Cal. IV. 486.); ὄμβρον γενερχόν (Orph. H. LXXXI. 3.) δροσερόν (Oppian. Cyneg. III. 497.), epitheto pro rei atrocitate minus efficaci. — *carinam ruperit*, navis compagem solverit, navem diffregerit, ut φέρεται gr.

v. 21. Quod si naufragio isto interieris, voti compos factus lauto sacrificio me exsolvam. Sententiam amaritudinis affatim habentem vide quomodo acuerit poeta! Non simpliciter optat

mortem ejus, sed ut corpus ejus, in litus ejectum, avibus marinis praedae sit. Si *praeda opima mergos juveris; porrecta in litore*, doce pro, si corpus tuum porrectum, in litus rejectum, ibi jacens, jucundam mergis escam praebuerit, praedae iis fuerit, ab iis devorabitur. Ornatum *opima et juverit* fere ad Maevii pinguedinem trahunt, quod sane vim aliquam sententiae addit. Simplicius tamen fuerit, de lautiore pabulo, quod raro mergis contingat, accipere. — *porrecta in lit.*, ornatus quam projecta in litore, quatenus extensum cadaver jacet. Ceterum quum Maevium tristissimo mortis genere poeta affectum vellet, in mergos, qui sepulturae cadaver ejus subducerent, incidit, in littoralibus plagis commorantes; quamquam eos cadaverina abstinerre constet. — 23. 24. Tempestates religiose cultas fuisse satis ex Ovid. Fast. VI. 193. constat. Vid. ibi intpp. et ad Virg. Aen. V. 772. Adde Fabrett. Inscr. VI. p. 461. *Agnæ*, quam et Virg. l. l. ponit, *caprum* immolandum adjungit poeta, quo consummatio votis suis exitus esset; nihil amplius. Argute alii, epitheto capri perpetuo (*libidinosus*) in transversa rapti.



## ARGUMENTUM. XI.



*E*t argumenti ratio ludicra, affectiorque atque obscurior subinde sententiarum enuntiatio facile fidem faciunt, graecum poetae, quod nunc presse nunc liberius exprimeret, hoc carmine exemplum ante oculos fuisse, omninoque illud inter prima ejus, graecos latinis redhibendi numeris, referenda esse conamina. Lycisci (quod ipsum statim graecum nomen est, a Lyco forte, Alcaei amasio, deminutum) pueri delicati, quem ameret, arrogantia ac superbia (v. 26.) intime commotus poeta incusat, dolenterque apud Pectium, sodalem suum, profitetur miseram sortem suam, quae ipsum, discussis, quae vel ipse fortiter cuperit, vel amici suggesserint,

*sanioribus conciliis atque objurgationibus, continuo amoris, idque parum prosperi, laqueis irretiat. Explicat adeo poeta hoc carmine aestum animi sui, amoris igne incensi, incertisque consiliis perturbati; atque in hoc, egregie prorsus descripto, maxima horum v. laus continetur. De Pectio egregie, ut solet, hariolatur Sivrius, homo putide doctus.*

### A d n o t a t i o n e s.

v. 1. Cum exordio compara Nostri l. 19. 9. sqq. et infra XIII. 6 sqq. Adde Propert. II. 13. 33. *me nec cura theatri, nec tetigit Campi, nec mea Musa juvat.* *Nihil me juvat,* οὐδὲν μέλει μοι, taedet jam (ut IV. 1. 31.) poeticis studiis vacare, non amplius delector iis, *Amore percussus,* Ἐρωτὶ ἐκπληγεῖς (veluti Eurip. Med. 8. et passim) attonitus, κατοχος εἰς Ἐρωτος, pro vulgari amore correptus, districtus. Multo enim magis poeticum est, si Amorem Deum cogites, hocque sequens versus postulare videatur. *Amor gravis,* δεινὸς, βαρὺς θεὸς (ut Theocritus et alii), graviter instans, urgens. *Sicut antea,* quum ab amore immunis essem. Monendum hoc propter Cruquii ineptias. *Scribere versiculos,* contemtim de suo studio poeta, quod jam nihil faciat. Saltem probabilius hoc Gesneri commento, *versiculos* ad metra lyrica breviora trahentis. — 3. *Amore* graviter repetitum ut infr. XIII. 6. — *me praeter omnes,* unum omnium, solum expedit, ex omnibus deligit, quem petat, invadat, quo collineat Meleagro aliisque frequentato phantasmate. — 4. *urere,* ut urat, pectus meum amore puerorum ac puellarum incendat, eos me amare cogat. *Urere pro,* amore incendere, satis pervulgatum; ut Tibull. IV. 2. 11. Ovid. A. A. I. 23. et passim. Sed virtutem locutioni conciliavit structura poeta. Ovid. Met. VII. 22. *Quid in hospite regia virgo ureris.* Similia sunt ardere, suspirare in aliqua, de quo loquendi genere multi sunt Passerat. et Burm. ad Propert. I. 13. 7. — *mollibus, ἀσθλοῖς,* delicatis.

v. 5 sqq. Ex continua amoribus suis Inachiam poeta ponit, maximam fundi calamitatem, gravissimumque cruciatum eausam; unde vix expeditus in Lycisci denuo casses deciderit. Hic tertius December, tertia hiems, annus est, ex quo Inachiam

amare desii. Pro *est*, quam delecto ornatu, ratione hiemis habita: *silvis honorem*, ornamenta sua, folia decutit, privavit iis. Virg. Ge. II. 404. *Frigidus et silvis aquilo decussit honorem* Senec. Med. 715. *Aut rigida quum jam Bruma decussit decus nemorum*, et nivali cuncta constrinxit gelu. — *Inachia furere*, εὐπεμψένται (ut Lucian. Dial. mar. I. p. 288.), efficax verbum in summo amoris aestu declarando. Ceterum furere, insanire aliqua, non minus frequens structura est. quam ardere in aliqua, aliquam.

v. 7. Animo ab insano Inachiae amore recepto castigat jam se ipsum atque dementiae aduersat poeta, qui indigno isti amori (erat enim *Inachia* avara puella, quae auro amorem venderet), succubuerit, indeque, quum celare haud potuerit, se amicis ac toti adeo populo deridendum traducendumque praebuerit; quod animi humani naturae, saniora sequentis, consentaneum est. Jam vulgaris sententiarum ordo erat: *Pudet jam, fabulam totius urbis fuisse* (nam amor, dum viget, placet, minime ista enrat, Tibull. IV. 7. 9. *peccasse juvat; vultus componere famae taedet; cum digno digna fuisse ferar*), pudet, amorem in conviviis prodidisse atque evulgasse. Utrumque similiter conjungit Propert. III. 23. 16. et 21. *Nunc demum vasto fessi resipiscimus aestu* — — *risus eram positis inter convivia mensis, et de me poterat quilibet esse loquax.* — *quanta fabula fui!* quantam apud populum infamiam subii, quam sinistros pudendo isto amore rumores de me excitavi! Ovid. Am. III. 1. 21. *Fabula, nec sentis, tota jactaris in urbe, dum dua praeterito facta pudore refers.* Propert. I. 5. 25. *Quod si parva tuae dederis vestigia culpae, quam cito de tanto nomine rumor eris.* Idem II. 16. 21. *Septima jam plenae deducitur orbita lunae, quum de me et de te compita nulla tacent.* *Al popol tutto favola fui gran tempo,* mellitus Petrarcha p. 11. Plura vide apud Lamb — *pudet tantè mali*, potest esse: pudet, Inachia insanisse, eam deperiisse; rectius tamè videtur: fabulam Urbis fuisse, pudet tantæ infamiae. — *Poenitebat* Horatium non tam *conviviorum ipsorum*, quam quod amorem suum variis modis detergent, a convivis exagitandum ac deridendum. Vim igitur sententiae quaere in adjetis; *in queis amantem me arguit*, amorem meum manifestis signis prodidi, idque *languore*, aegritudine animi, omnem convivii hilaritatem a se repellente (Ita *languens cor* Ariadnae tri-

buit Catull. LXIV. 99.) ; quo et pertinet silentium ; maxime quod medium sermonem abrumpit. Cf. IV. 1. 35. cur facunda parum decoro inter verba cudit lingua silentio ? Denique spiritus immo latere petitus , suspirium alte ductum. Callim. Ep. XLV. 1. ἔλκος ἔχων δέ ξεῖνος ἐλάτθανεν ὡς ἀνιηρὸν πνεῦμα διὰ στηθέων, εἶδες, ἀνηγάγετο. Adposite ad totum locum Plaut. Cistell. I. 1. 56., quid cedo, te obseero tam abhorret hilaritudo ? — hoc sis vide; ut petivit suspirium alte ! et pallida es : unde mox (v. 70.) concludit : amat haec mulier. Spectat etiam huc Asclepiadae c. X. (A. Br. I. 213. οἵος ἔρωτος ἐλεγχός. ἐρῶν ἀρνεύμενον ἡμῖν ἀνυσχεῖν πολλαὶ Νικαγόρην προσόσεις. Καὶ γάρ ἐδάκρυσεν, καὶ ἐνύστασε, καὶ τικατφὲς ἔβλεψε, χάρισμα φίγγαθεις οὐκ ἔμενε στέφανος.

v. 11 sqq. Praesentat jam animi sui, qualis tum fuerit, faciem poeta, amoris aestu pariter atque indignatione percitum. Vigorem ac venustatem huic tabulae addit rei tractatio, ad vivum h. ad animi humani naturam plane delineata. Generalius erat: Fatebar tūm meum tibi amorem, bene potus. Sed speciali, quem amor sans infelix ipsi suggereret, colore poeta: querebar adplorans tibi, cum multis lacrimis apud te conquerebar, indignabar, cundidum pauperis ingenium nil contra lucrum valere, hominem pauperem cum animi sui candore, probitate maxime fide, constantia in amore ostensa, nihil prouersus valere, nullam ejus rationem haberi contra lucrum, quod e beatioribus amatoribus Inachia faceret, contra divitias, munera rivalium suorum, h. me pauperem at fidum amatorem lucupletioribus posthaberi. Sed acuit orationem exclamatio, et nil valere pro, nil valeat, praecclare commotum poetae animum decet. Vid. supra ad VIII. 1. Notatur autem Inachia tanquam avara, rapax puella. Ad sententiam laudant Anacreonten: σοφίη, τρόπος πατεῖται, ἄργυρον μόνον βλέπουσιν. Alia, quae pauperes amatores prae divitibus commendent; adnumerat commoda Tib. I. 5. 61 — 6. — 13. Simulac plus paullo adbiberam, vino incensus. Haec ornatissime poeta. *Bacchuss. vinum arcana calentis amore, h. mea, amore meum, quo jam satis calerem, mero ferridio rem factum, auctum, incensum, loco suo, quo tegi oportuerat, h. ex intimo pectoris promoverat, proturbaverat, propalaverat, h. me eum eloqui coegerat.* Hinc *inverecundus*, qui verecundiam abstergit, tacenda proloqui jubet. Aliter idem *verecundus* audit I. 27. 3. Achill. Tat. II. 3. 'Ερως δὲ καὶ Διονυσος — ψυχῆν κατάσχοντες ἐκμαίνουσιν

εἰς ἀναισχυντίαν, ὁ μὲν καίων αὐτὴν τῷ συνήθει πυρὶ, ὁ δὲ τὸν οἶνον ἴωτέκκαυμα φέρων. Hinc οὖν ἔρωτος ἔλεγχος in Asclepiadae e. l. De vino arcani prodigo Eratosth. I. 3. (A. Br. I. 477.) τὰ δὲ καὶ κεκρυμένα φαίνει βυσσόθεν, ἐκ δ' ἀνδρῶν πάντ' ἵπιναξές νίον. Adpositae ad sententiam Meleag. LVII. 3. (A. Br. I. 18.) de Baccho: ἐν πυρὶ γενναθεῖσι στέργεις φλύγα τὰν ἐν Ἐρωτί. — Ἡ προδότας ἔφυτος, τέα δ' ὄργια κρύπτειν αὐδῦν, ἐκφινεῖν τάμα σὺν τῷ ἐθέλεισι.


v. 15 — 18. Sententia horum vv. paullo impeditior, maxime propter *ingrata fomenta*, quae qualia h. l. sint, quoniam tam ampliae notionis sit vocabulum, vix explorate dicere habeantur. Scholl. *fomenta* explicant, querimonias, satis docte, et τῷ *haec*, quod manu quasi ad superiora, querelarum plena, dicit, admodum convenienter. Nec dubitandum, querimonias *fomenta* dici posse, utpote quae, altero in doloris societatem vocato, aegritudinem minuant, vel quod omnino animus, dolore oppressus, evulgando eo se levare sentit. Exemplum vide in Propertio de Cynthia querente I. 18. Nec impediunt adjecta: *ingrata* vel per se, vel quibus nihil proficitur, et: *vulnus nil malum levantia*, quae amoris cruciatus parum levant, quae miserum solatum praehent. Unde sententia totius loci satis concinna evadit: Si aliquando ira ita abripiar, ut queri amplius taedeat, quandoquidem istis nihil promoveo, *desinet imparibus* cet. h. non amplius pugnabo cum rivalibus meis, deseram puellam. Cruqu. in omnes partes se, Protei instar, vertit, neque tantillum sani extricat. Paullo meliora, quamquam haud magis probabilia, habent Lamb. ac Torrentius, quae ideo adferre nihil attinet. Evidenter *fomenta* latiore sensu h. l. accipi oportere existimem, et quidem de omnibus iis, quae amorem nutriunt, excitant, amori novos stimulos subjiciunt. Jam quoniam Horatii amor in puellam avaram incidisset, quae divites amatores potiori loco haberet, ipse adeo eam in se superbam experiretur, hoc ipsum erat, quod novos ei insistendi proposito suo subdere stimulus, et ad factum pueriae expugnandum, rivalesque, a quibus vinci pudor erat (v. 18.), amoliendos eum instigaret. Fomenta adeo cum acumine h. l. indigitat injurias pueriae, quae poeta excluso (v. 31. 32.) alios amatores admitteret, quae ipsi tamen profomite atque ineitamento essent, ulteriora tentandi, adeoque in amore perseverandi. Noti satis graeci vv.: ὑβρισίς ἔρωτος ἔλνσε· μάτην ἔδε μῆδος

λαταρι ἰβρις ἐμὴν ἐρέθει μᾶλλον ἐρωμακνίν. Quod enim datur ex facili, longum male nutrit amorem. Ovid. A. A. III. 579. cuius omnino praecepta hac de re vide sis. Hinc *ingrata*, molesti amoris aculei, quatenus non ex mutuo amore proveniunt, sed ex objectis potiundi ejus difficultatibus; ideoque ἐπεξηγητικῶς subiungi puta *vulnus malum*, infelicem amorem *nil*, κατ' οὐδὲν, minime *levantia*, juvantia, nihil omnino ad leniendos amoris cruciatus adferentia, quod alias a fomentis exspectari solet. Egregie hoc facit Lucretii locus (IV. 1054 sqq.), unde Horatium profecisse adinodum probabile est: *Sed fugitare decet simulacra, et pabula amoris absterrere sibi, atque alio convertere mentem* — — nec retinere semel conceptum unius amorem, et servare sibi curam, certumque dolorem. Ulcus enim vivescit, et interascit alendo, inque dies gliscit furor, atque aerumna gravebit, si non prima novis conturbes vulnera plugis — — aut alio possis animi traducere motus: quorum ultima itidem cum exitu hujus carminis plane convenient. Atque ita tandem de sententia loci tutius statuere licet, quae haec est: Quod si aliquando ira excandescam, adeo quidem, ut aerumnis atque difficultatibus, quibus hactenus me ad amorem persequendum excitari passus sum, non amplius movear, injurias ulterius perferre pigeat; certo apud me constitui, amorem istum missum facere. Conf. omnino infra XV. 12 — 16. Restat ut de orationis ornato, qui non uno loco in transversum VV. DD. abripuit, paucis dispi-ciamus. Pro, si ira mea exarserit, docte est, *bilis inaestuat. ζέστη, ὑπερβλήσῃ*, exundat *praecordiis*, cor tumet bile; vid. ad I. 13. 4. Davis. ad Cic. Tusc. I. 9. p. 18. — *libera*, quae sibi non temperat, omnem animi moderationem excludit, non amplius graviori amoris affectu retinetur. — *ventis dividat*, a ventis diripi sinat, non curet. Vid. ad I. 25. 20, et I. 26. init. — *vulnes*, de amore, pervulgato loquendi usu. Vid. ad I. 27. 12. — *malum* cum vi, propter parum prosperos ejus successus. — 19. *Desinet imparibus certare summotus pudor*, ego, submoto pudore, desinam cum *imparibus*, h. rivalibus, quibus impar sum, ine potentioribus contendere, ego haud erubescam palmam ipsis concedere, adeoque priores partes eos apud te habere sinam, quod ipsum, mollius atque urbanius est, quam, te relinquam. *Pudori* antea erat Horatio, rivalibus cedere, se, omissa certamine, victum fateri. Possit etiam *submoto pudore* accipi, victa verecundia, animi mo-

deratione, qua rivales hactenus tulerim. *Impares* quoque interpretari licet, amorem haud convenientem, haud mutuum, ut generali sententia poeta usus sit pro: desinam eam amare, me non redamantem. Sic *par* est XV. 14. et *quaeret iratus parem*. Sed praestat ad *impar s.* iniquum cum rivalibus certamen referre.

v. 19—22. *Ubi haec palum, coram te laudaveram*, hoc consilium ceperam, hoc sequendum statueram, *severus, setio, animo* ad id obfirmatio. *Laudamus*, quae ex duobus eligimus, praeferimus, noto loquendi usu. Vid. ad I. 1. 17. adde Pind. Ol. 3. 73. Male ad laudabile poetae propositum trahunt. — 20. *jussus*, admonitus a te, ut hujus rei experimentum datem, re, quae dixisse, comprobarem, itaque e commissione (nam inde ad amicarum domus se conferebant bene poti, quod e Propertio et aliis sa-  
tis constat. Plerique Horatium e Pectii domo prodeuntum fingunt) *domum recta ahirem*, ecce! animo statim fluctuabam, et in ista haesitatione, animo quantumvis reluctante ferebar ad Inachiae aedes. *Pes incertus*, quatenus ipse animi *incertus*, dubius erat Virg. Cir. 171. in eadem re: *Multum illi incerto trepidant vestigia cursu*. Ita quoque a Propert. II. 4. 4. et *crepitum dubio suscitet ira pede*, pedem *dubium* dici sibi personabat Broukh. cum aliis. Sed ibi est pes instabilis, utpote hominis irati, p[ro]ae ira terram pulsantis, ac foto corpore contremiscentis. Possit quidem pedem incertum pro instabilem hactenus accipere, ut pro amoris signo habeatur (Rusin. XX. 1. in A. Br. II. 395. ἀρνεῖται τὸν ἔρωτα Μελισσᾶς, ἀλλὰ τὸ σῶμα κίνησην — καὶ βάσις ἀστατέοντα καὶ ἄστατος ἀσθματος ἐρμῆ), sitque sensus: ferebar *incerto pede*, trepido, qui redintegratum memini amorem argueret; sed alterum simplicius. Ad *ebria* poetae *vestigia* (ut Propert. I. 3. 9. vocat), quae non suum officium faciant, a plerisque trahi videoas; parum venuste. Ad sententiam Tib. II. 6. 13. *Juravi quoties, redditurum ad limina nunquam*. Cum bene juravi, pes tamen ipse reddit. Et Prop. I. 19. 59. *Ultro contentus rogat, et peccasse fatetur laesus et invitis ipse reddit pedibus*. — postes non amici, et limina dura, amorimeo parum faventia, difficultia, propter dominam asperam ac difficultem, quae Horatium non admitteret, e constanti poetarum eroticorum loquendi usu. — 22. Ad quae jacui. Haec signata poeta, *quibus infregi*, in quibus attrivi *l. et latus*, de duro cibili, et quod saepius hoc infortunium ipsi accidisset.

v. 23. *Nunc, amore isto vix expeditum me Lycisci amor tenet, ἵχει, amore ejus teneor, ἐνδέδεμαι;* cui respondet *expedire*  
 v. 25. *Notae amoris compedes, vincula, laquei, retia et sic porro.*  
 — *Lycisci, pueri mollescunt, delicatuli. Gloriatur, ex victoriae notione, pro, qui vincit mollitia, mollior est muliercula.* Forte tamen cum vi, qui jactat se, superbit ista mollitia; unde arrogatio ejus adversus sui cupidos; adposite ad *contumelias* v. seq. Cf. III. 20. extr. — *muliercula auget mollitiae notionem.* Sic Verrem Cicero *impuram inter viros mulierculum* appellat Or. II. 192. — *Unde, ex cujus laqueis expedire, liberare, me nequeant amicorum libera consilia,* h. amici, quantumvis satis libere ac graviter castigent istum amorem, me inde severiori admonitione revocare conentur. — *expedire* ut I. 27. 24. — *libera cons.* ut *liberrima indignatio* h. libri c. IV. 10. *liber amicus* Serm. I. 4. 132. Ad sententiam Menander apud Stob. Grot. p. 265. φύσει γάρ ἔστι Ερως τοῦ νονθετοῦντος καφίν. Cf. Propert. I. 1. 25. *contumeliae graves, ὑβρις fastidus, fastidium pueri acerbum, moleustum.* Nec me *contumeliae lassant*, eadem de re Petron. c. 138. Fere cum proxime antecedentibus conjungunt, et contumelias amicorum intelligunt, quas tamen ab Horatii amicis vix exspectares. — 27. 28. *Sed, κλήν praeterquam, nisi aliis ardor, novus amor.* Vide Lucretiana ad v. 16. — *pueri teretis, τερετινοῦ, tenui, mollis.* Male Scholl. obesuli. — *longum comum renodantis, nodo non adstringentis, cuius coma humeris involitat,* ut de Ligurino IV. 10. 3. τῷ τὰν πλοκαμίδα φορεῦντος, de Hyla Theocr. XIII. 7 Solennis autem comae longae, idque solutae in puerō delicate nūtio. Cf. III. 20. extr. Male de coma in nodum collecta cogitant Scholl. et intpp.



## ARGUMENTUM XII.



*Virulentia, Archilochioque felle amariori maledicendi petulantia, quam genuinam Nostro*

II. Band.

M m

*in insectandis vetulis dixeris, anum quamdam (Canidiam praefert Cod. Bland. parum probabiliter: nam hujus nomen, quod ponere amat, sicubi in eam insurgit, etiam hic haud desiderari passus fuisset) pudendae ab ea mollitiei accusatus poeta hoc carmine proscindit, in summamque cum fastidio plenae turpitudinis, tum flagitiosae atque prodigiosae libidinis infamiam quaesitissimis verbis ac sententiis adducere laborat. Atque in hoc ipso, in quo ulciscendi studio abreptus peccavit Horatius, praecipua carminis virtus quaerenda est. Ceterum cum Quintilianu, ab Horatii quibusdam interpretandis refugiente, libenter in hoc carmine fecissemus, si animo nostro obsequi licuisset, quamquam omnino intemperantiorē hanc licentiam minus insidiōsam castitati existimem, quam mellitis verborum globulis conditas nuptasque talium descriptiones.*

### A d n o t a t i o n e s.

v. 1. Gravissima statim objurgatio: *quid tibi vis?* quae et intemperiae agitant, satin sana es? ex solenni formula. Noster Serm. I. 2. 69. Prop. I. 5. 3. *Quid ibi vis insane?* Jam Varro Atac. apud Non. I. 186. *Quid est, quod latras? quia rabis? quid tibi vis?* Τί σὰς παράτειρε ψέφεν; in Archilochi fragmento apud Hephaest. p. 70. Minus bene Gesn. „perdis operam; nam nihil proficies. — mulier, contemtim, ut Propert. Ill. 23. 1. *Falsa est ista tuae, mulier, fiducia formae,* et passim. — *dignissima barris,* digna quae rem habeas, subjiciaris elephantis, cum ob formae, qua eos aequas, foeditatem (uti recte Scholl. Cruqu.), tum maxime, quod animali isti luculenta admodum natura sit. De barris elephantis h. l. cogitari debere dubitate non sinunt *barrire, barritus,* quae propria soni ipsorum vocabula sunt. Monboddo

tamen de Orig. et progressu LL. T. I. p. 276. ed. 2. et nuper Goldson on the Passage between the Atlantic and pacific Ocean. p. 116. genus simiorum intelligunt, qui quidem barri Buffono audiunt; in quo adeo libidinis esset notatio. Sed ignota Romanis ista adpellatio. Ceterum eadem vi Priap. LII. 9. *Ad partem veniet salax asellus nihil deterius mutoniatus.* — *nigris*, cinerei coloris, foedis adspectu. Turnebus tamen inde *Barros*, h. homines intelligendos statuit, qui Barro sunt similes, quem deformem et nigrum faisse cogit ex Serm. I. 7. 8. patum docte. — 2. Sequi debebat: quod meos amplexus expetas, me sollicites, juvenem nec firmum nec cet. pro hoc statim, quibus pelliceret anus Horatium, ponuntur *munera* (vid. v. 20.) et *tabellae*, quas missaret, ardoris ejus interpretes. Cf. Juven. IX. 36. — 3. *nec firmo*, satis valido ad praestanda tibi opera, ad explendam tuam insatiabilem libidine. — *naris obesae*, quae prae pinguedine odorandi vi destitutae sint, quae foetore tuo non graventur. Pinguedo enim sensuum aciei obesse credita. Ita *aures obesas* Calpurn. Ecl. IV. 148. opponit *acutis* v. 12. ejusd. carminis h. delicatis, subtilibus, uti *nares acutas* Noster, quamquam metaphorice, dixit Serm. I. 3. 29. Pervulgata inde ad ingenium obtusum translatio. — 4. Namque *unus omnium, sagacius magis odoror*, multo sagacior sum in odorando, tam sagax sum, ut facile comprehendam, me non lateat, utrum *polipum* an *hircum oleas*. Igitur utraque hac nasorum peste anum laborasse credi vult poeta. De polypo nares maxime infestante vid. Cels. VI. 8. Athen. VIII. 349. et Pollux VII. 13. *Hircus cubat in alis*, suaviter pro, alae hircinum odorem emittunt, instar hircorum foent: qui odor simpliciter *hircus* poetis dictus. Catull. LXIX. 5. *Laedit te quaedam mala fabula, qua tibi fertur Valle sub alarum trux habitare caper*, ad quem locum vid. Doering. Adde Intpp. ad Petron. 128: — 6 *canis acer naribus* (nti plenius habet Ovid. Met. VII. 806.) *sagax*. — *ubi lateat sus, latibulum suis*. Cf III. 12. 10.

v. 7 — 12. Importunissimae libidinis anum, vide quam *invapayos* repreäsentet poeta! *Qui sudor et quam malus odor crescit membris*, docte pro, quantum ingravescit odoris foeditas, diffluentibus sudore artibus! quantum foetorem exsudant membra ejus, quem cet. — *vietis, senio putridis, flaccidis*. — 8. Quam illa *pene soluto ovovicia ad finem perducta*. opere peracto, ne edum tamen satiata sedare, restinguere cupit *indomitum rabiem*, libidi-

nem suam inexplehilem. Describit anum καθιππάζουσαν σελητίζουσαν poeta, secutus Archilochum, cuius fragmentum habet Schol. Eurip. Med. 679. καὶ πέσει δρηστὴν εἴς ἀσκόν  
h. ἐφιππάζει, μηροῖς τε μηροῖς — —. Sosipater II. 3. (A. Br. I. 504.) ή γὰρ ὑπερφυέσσι μέσον διαβάσα μὲ πιστὸν ἡρυεν ἀλινέως τὸν Κύπριδος δόλιχον. Epigr. CXCII. 9. (Anthol. Burm. T. I. p. 653.)  
*lecto pendeat illa meo; nec pudet quicquam; sed me quoque nequior ipso exsultet toto non requieta toro.* Cf. Priapei. XXV. 3. 4. Multo autem efficacius ad denotandam anus rabiosam libidinem est, si p. *solutum* intelligas resolutum, languidum, quam paratum, expeditum πρὸς τὰ ἀφροδισια, quod Lamb. et Dacer. volebant, laudantes hanc in rem oraculum Aegeo ab Apolline datum apud Eurip. Med. 679. ἀσκοῦ μὲ τὸν προύχοντα μὴ λῦσαι πόδα. Schol. Cruqu. eviratum interpretatur, haud male. — *Rabies indomita*, libido quae sedari, satiari nequit. Petron. c. 55. *Tollat pedes indomita in strato extraneo.* Male ad istum locum Wernsd. in Poet. min. III. 68. — 9 sqq. adeo quidem, ut totum σμῆγμα, quo facies incrustata est, defluat. Quo minus quaesita haec rugosae ejus pellis notatio videtur, tanto acerbior atque aptior est ad propudosae vetulae imaginem omnibus numeris absolvendam. *Creta* inducebant faciem mulieres, ut rugas absconderent, et cardorem genis conciliarent. Ovid. A. A. III. 199. *Scitis et inducta candorem quaerere crete;* et Martial. VIII. 33. 17. *Crassior in facie vetulae stat creta Fabullae.* Adde ejusd. VI. 93. 9. et passim alibi. Cf. Plin. XXXV. 16. Jam fundamento cretaceo illini solebant fuci, a quibus genae colorem ducerent. Ex his poeta memorat *crocodili stercus; molestias in facie enascentes tollens*, juxta Plin. XXVIII. 8. Cf. Clementis Paedag. III. 240. a Victorio V. L. XI. 4. et Lamb. laudatum. Sententiam illustrat Petron. c. 23. *Super inguina mea diu multumque frustra moluit. Perfluebant per frontem sudantis acaciae riri, et inter rugas malarum tantum erat (f. effluxerat) cretae, ut putares detectum parietem nimbo laborare.* Lamb. et Dousa commode landant Pl. ut. Most. I. 3. 117 sqq. isthaec veteres, quae se unguentis unctitant, interpoles, vetulae, edentulae, quae vitia corporis fuso occulunt; ubi se sudor cum unguentis consociavit, illico itidem olent, quasi quum una multa jura confundit coquus. — *creta humida, humefacta, liquefacta sudore, non illi manet, defluit. — color fucatus, fucus confectus e st. crocodili.* — 11. *subando, καπρώσα,*

libidinando, h. l. supra virum se agitando, ut recte Cruqu. schol., rumpit tenta cubilia, lectum funibus tentum, funes lecti, ejusque tecta, integumenta, vestes stragulas. Forte tamen satius erit tecta cubiculi intelligere, ut sententia sit: ita sese commovet ut lecti atque tecti cubiculi ruina timenda sit, satis ἐναργῆς. Prins tamen tuearis Catulli loco (VI. 9): *Pulvinusque peraeque et hic et illic attritus, tremulique quassa lecti argutatio mambulatioque.* Concutere lectum in eadem re Juven. VI. 22.

v. 13. Quae sequuntur, ita fere ab intpp. cum antecedentibus connecti videoas: *Qui sudor — cum properat — vel cum agitat cet.* Sed vix intelligas, quomodo objurgatione (*agitat saevis verbis fast.*) novi sudoris rivi elloquentur; nam obscenum sensum quem Cruqu. schol. verbis: *agitat fastidia*, subjicit, ut sit: sollicitat, ciet incumbendo penem languescensem et illam fastidientem, fastidiunt adjecta, *saevis verbis*. Omnino impousuit VV. DD. hians oratio, quae animum indignatione commotum mirifice decet. Indignationem enim prodit e secunda in tertiam personam mutata oratio cum partic. *vel*, maximam ex indignate rei mirationem inferente, inchoata. Sententiae antem ita sese excipiunt: *Insana atque importuna es*, quandoquidem te puttidam atque importunae libidinis anum, meos amplexus cupere, atque adeo languorem meum, in tanta oris tui foeditate, incusare haud pudet. Simillime Tyrnus ad Drancem apud Virgil. Aen. XI. 400 et 406. *Proinde omnia magno ne cessa turbare metu — vel quum se pavidum contra mea jurgia fingit artificis scelus cet.* Est igitur *vel cum*, quid? quod, tam impudens es, sustines, *agitare*, *exagitare*, *exprobrare verbis saevis*, contumeliosis, acerbis, *fastidia mea*, languorem meum, ex tui fastidio ortum. — 14. Mire animatur oratio repraesentata ipsius vetulae verbis exprobratione. *Minus langues*, fortior es in Inachia quam apud me. *Languere* ut Ovid. Am. III. 7. 27. et passim. De Inachia vid. praecd. carmen. — 15. *Inachiae nomen cum summa acrimonia repetitum.* Cf. I. 13. init. — *ter nocte potes*, suppresso, ex verecundiae sensu, subagitare. Strato X. 1. (A. Br. II. 561.) οὐδὲς ἄχων ἀνὰ νίκτη — —, οὐδὲ ιδυνήσην, κείον, πῶς, τίποι; πάνται παρασχυμένου. Martial. III. 33. 1. *Num possim vetulam, quaeris Metrinia?* possum et vetulam: *sed tu mortua, non vetula es.* Idem l. l. 76. 4. *Cum possis Hecubam, non potes Andromachen.* Id. XI. 97. *Una nocte quater possum: sed*

*quatuor annis si possum, peream, te, Telesilla, semel. — mihi mollis es; viribus deficiis, defetisceris, langues. Mollem maritum ejusdem conditionis vocat Martial. VII. 58. 5. Mollem in officio Gratius Cyneg. 277. — ad unum opus, vix uno decurso amoris stadio. Opus, ἵψον, sensa obscene passim. Priapei. III. 4; Martial. X. 55. Idem post opus et suas palaestras loro quum similis jacet remisso.*

v. 16 — 20. Ad declarandam furiosam anus libidinem mire efficax est haec execratio Lesbiae, quae luculentioris, quam Amyntae, etsi valentissimi juvenis, conditionis quaerendae negotium, ab ea sibi mandatum, parum ex ejus animi sententia confecisset; Lesbiam, feminam perductricem intelligi oportere, in promtu est videre. — 17. *quaerenti taurum*, desideranti fortem ac validum sessorem. Vid. ad II. 5. 17. Valken. ad Ammon. p. 41. et Intpp. ad illa Petronii c. 25. *Posse taurum tollere*, quae vitulum sustulerit. — *te inertem*, frigidum, infirmum ad Veneris palaestrain, monstrari, adduxit. — 18. Quum jam Amyntam haberem, te longe robustorem. Graviter hoc ad pruriginem ejus, in lauta satis condizione lantiorem usque circumspicientis, notandum. Amyntam, graecum hominem obiter perstringit, qui Romae vetulas beatas sectando brevissima ad divitias via contendebat. — 19. *nervus*, vid. ad h. libri c. 8. v. 17. — *constantior in inguine*, firmior ab inguinibus erigitur, protenditur, iis inhaeret, quam arbor nova ac vegeta, cuius adeo radices firmissimae sunt, inhaeret collibus. Hoc quaesite pro, terrae: nam in editioribus locis arbores altiores radices agere, omninoque firmiores creditae. Cf. supra X. 7. Seneca de Provid. IV. *Non est arbor solida nec fortis, nisi in quam frequens ventus incurset: ipsa enim vexatione constringitur, et radices certius figit. Fragiles sunt, quae in aprica valle creverunt.* — *indomitum inguen dixit, quod nervi erat proprium, spectatae virtutis atque indefessi.*

v. 21. In hac munera, quibus poetam illaqueare studiisset, exprobratione inest simul amara turpitudinis ejus irrisio, quae, explendae libidinis causa, eo descendere necesse habuerit, evanidis formae suae illecebris. Ecce vellera lanae, lanam iteratam muricibus Tyriis, bis tintam, vestem dibapham (vid. ad II. 16. 36.) properabam, texebam, parabam, muneri mittebam? Sed alterum quaesite, ut suum ipsi placendi studium adprobaret. Nota satis hujus verbi structura graeca. Virg. Aen. IX. 488. *veste* —

*tibi quam noctes festina diesque urgebam. Cf. II. 7. 24. — 23.*  
Tibi utique tam pretiosum munus nisi, ne inter aequales, ὅμηλοις,  
sodales tuos quispiam esset, quem mulier, amica sua magis  
diligeret, h. qui pretiosius amoris pignus, ab amica sua acceptum,  
ostentare posset, ne quis magis in compotatione, uti fieri assolet,  
amica se sua jactare posset, quam tu tua: omnino pro, quo ar-  
dentissimum meum tibi amorem testatum facerem. *Mulier de*  
*amica Catull. LXX. 1. et passim. — 25. 26. Vel sic tamen*  
*meum amorem aversaris, naturali quasi odio commotus. Theocri-*  
*teo versu hanc sententiam expressit: φεύγεις δ' ἀστερεψίς πολιών*  
*λύκον ἀθρέσασα, XI. 24. Cf. ad 4. 1.*



### ARGUMENTUM XIII.



*Ab hieme, tristiorisque per eam coeli facie*  
*sodales ad diem genialiter agendum exhor-*  
*tatus poeta, ad generalem vitae jucunde tra-*  
*ducendae praeceptum progreditur, argumen-*  
*atis a juvenilis aetatis flore, cito marcescen-*  
*te, vitaeque omnino brevitate desumitis, hoc-*  
*que, quo gravius ad animum accideret, Chi-*  
*ronis, sapientissimi ultimae antiquitatis viri,*  
*idem Achillem, ad bellum Trojanum profec-*  
*turum monentis sententia eloquitur atque con-*  
*firmat. E v. 7 sqq. imminentes turbas civiles*  
*occasionem huic carmini scribendo dedisse*  
*odorantur nonnulli; forte ut haberet illud,*  
*quod suum ei in Epodis locum ficeret: sed*  
*temere arbitror. Ceterum quam barbarae at-*  
*que insipidae subinde Horatii carminibus*  
*praefixaes inscriptiones sint, grave luculen-*

*tumque hoc carmen exemplum suppeditat, in nonnullis, quos Torrentius inspexit, Codd. hoc lemmate insignitum: Ad Amicos Comicos, h. Como, comissionum Deo praesidi litanter, comissantes; cuius inscriptionis sensum quod Torrentianum acumen, ad comicam hanc, ut barbaris nobis in barbaro hoc loquendi modo esse liceat, latinitatem obtusum, extricare haud potuerit, hoc nemo maligniori ejus ingenio imputabit.*

### A d n o t a t i o n e s.

v. 1. Cum hacce hiemis descriptione comparanda Anecreontica apud Eustath. ad Hom. Od. XIV. p. 1012. Meis μὲν δὴ Ποσιδοῖν ἔστηκεν νεφέλαι δ' ὅδει βαρύνοντες καὶ ἄγριοι χειμῶνες παταγοῦσιν. Etiam illa Alcaeui, superius (Argum. I. 9.) laudata: ὅτι μὲν ὁ Ζεὺς, ἐν δ' ὄρανῳ μέγας χειμῶν. *Tempestas.* χειμῶνες, procellae contrahunt coelum, quatenus nubes conglomerant, cogunt, coelum nubibus obducunt; snavi phantasmate. Virg. Aen. V. 20. *Consurgunt venti atque in nubem cogitur aér.* Nescio tamen, an ποιητικῶτερον sit, si imaginem a vultu tristitia contracto (v. ad v. 5.) repetas, ut adeo coelum nubibus obductum tristitiae prae se ferat speciem. Ita Auster Virgilio *pluvio frigore h. nubibus coelum contrastare* dicitur Ge. III. 279. uti contra frontem laetitia expansam ad coelum traduxisse videri debet Lucret. I. 9. *placatumque nitet diffuso lumine* (h. *diffuso vuln*) *coelum*, quod patet ex ejisdem III. 22. *innubilus aether integit et largo diffuso lumine ridet*, quod ipsum verbum ut gr. γελᾷ, eadem vi adhiberi passim notatum est VV. DD. Utrique rationi accommodus est Claudiani locus XXVI. 378. *qualis in atram sollicitus nubem maesto Jove cogitur aér.* — *horrida* quatenus coelum nubibus asperat, inaequale reddit. Ita sunt aequora horrida, inaequales procellae et sim. Vid. ad H. q. 3. Gravem, vehementem alii intelligunt, minus docte. — *imbres nivesque deducunt Jovem* h. Jupiter s. aether in imbres ac nives resolutus decidit, h. maxima

nivis imbriumque copia defunditor; deorsum ruit. Lucret. VI. 289. sequitur gravis imber et uber omnis uti videatur in imbre verter aether. Virg. Ge. I. 322. immensum coelo venit agmen aquarum, et foedam glomerant tempestatem imbribus atris collectae ex alto nubes; ruit arduus aether. Jam hanc coeli ruinam (Virg. Aen. I. 129.), quod ipsum jam antiquum sermonem redolat, eadem animabat, atque ab effectis ita designabat antiquitas, ut Jovem s. Aetherem cum imbris in terram descendere, eam secundare etc. perhiberet. Enata inde Aetheris et Telluris, Jovis Junonis connubia aliaque figmenta poetica, de quibus docte dispexere Duumviri principes, Heyn. ad illa Virg. Ge. II. 325. *Tum pater omnipotens fecundis imbribus Aether conjugis in gremium laetae descendit cet. et VVernsd. ad Pervig. Ven. vers. 4. et 59. in Poet. min. T. III. p. 537 sqq.* Ceterum imbrum commemoratio in hiberna tempestate satis usitata poetis Romanis, habita sui coeli, ob hoc ipsum tristioris, ratione. — Aquilonis vehementiam praecclare ab effectu h. a fragore per silvas ac maria excitato designat poeta. Vulgarius erat: Aquilo mare ac silvas percussit, turbat. Cf. II. 9. 6. 7. — *Threicio*, v. ad I. 25. 11.

v. 3 — 5. *De die*, ab hac ipsa inclemtiore anni tempestate occasionem vitae jucunde agendae rapiamus, sumamus, hoc triste coelum in rem nostram vertamus, utamur occasione, quam anni tempus praebet; satis commodo sensu. Forte tamen concise dictum pro: tristis coeli opportunitatem rapiamus, *de die*, ne tantillum quidem cunctantes, hoc ipso die genio litantes, crastino haud confisi; quod τῷ rapiamus et v. 6. adcommodatissimum est. Possis etiam *de die* ad tempestiviora convivia (v. ad I. 20.) trahere; quod tamen paullo durius videtur. Utroque saltem ratio magis poetica vulgari interpretatione, quam insuper vereor, ut latinitas commode ferat. *Rapere*, delecte poeta, omnis morae impatiens, ac metuens, ne elabatur. Ennius apud Cic. de Or. III. 40. *rive, Ulixes, dum licet; oculis postremum lumen radiatum rape*, eadem effigacia. Similiter *gaudium fatis properantibus rape* Petron. c. 114. *iuxum rape*, Senec. Hipp. 449. et passim alibi. — *dum virent*, vigent (v. ad I. 9. 17. et I. 25. 19. Adde μέλεα χλωρά Theocr. XXVII. 66.) vegeta, agilia sunt *genua*, h. dum in flore aetalis constituti sumus. *Genua vigoris sedes*, pro ipso vigore passim. Cf. Homer. Il. XXII. 388. Od. XVIII. 132. Nostrum praeivit Theocr. XIV. 70. οὐτεν τι δεῖ, οἴς γένον χλωρέν.

Vid. plura apud Klotz. ad Tyrt. p. 68. Ab athletis loquendi hos genus traductum putabat Stanl. ad Aesch. Agam. 64. male. Oppos. *genua senectute tarda* (Virg. Aen. V. 431.), γνίαβαρύθεσκε, Apoll. Rh. I. 43. Apollonid. I. 4. (A. Br. II. 132.) χρησί ἐπι σφαλεροῦ ζωροχοτεῖ γόνατος. Disjunctit autem poeta *dum vir. genua et decet*, quod pedestris oratio ita copulabat: dum per aetatem decet. — *obducta solvatur fronte senectus*, quam ornate pro, frontem exporriganus, hilaritati nos demus, jucunde vivamus, imagine a coeli turbida facie petita. Proprie poetae dicendum erat: nubes detergeantur fronte, quibus obducta est, seu, frons nubibus solvatur obducta, explicetur; explanetur, quatenus nubibus coelum contrahi, iisdemque pulsis expandi dicitur. Frons adeo *obducta* non est, in rugas adducta, sed nubila, συννεφής (Eurip. Phoen. 1318.) tristis, segri animi index. Ita νέφελη ὄφρυων dicta Sophocl. Antig. 532. στυγνὸν ὄφρων νίφος Eurip. Hippol. 173. Bacchus *nubilus* Stat. Theb. V. 270. *nubila vultu* Id. Silv. III. 5. 11. et Maerori νεφέλην μέλαιναν suaviter attribuit Homer. II. XVII. 591. quod et aliis adfectionibus mentem turbantibus (cf. Virg. Aen. XII. 669. Catull. LXIV. 207.), adfixere poetae, tanquam irae (Stat. Theb. III. 230. *Mars nubilus ira* Claudian. XXXIII. 81. *sublime caput maestissima nubes asperat.*) timori (Claudian. XXVI. 41.) et aliis. *Solvitur nubes*, fronte expansa. Senec. Hippol. 449. *tristem juventam solve h. tristitiae nubem*, a juventa tua alienam, dispelle. Similiter χαλάν, λύειν τὸ μέτωπον Graeci, veluti Aristoph. Vespr. 653. Jam pro nube docte h. l. est *senectus*, inimica juvenili hilaritati, adeoque morositas, severitas, jocos, lususque omnes exosa. Seneca Hippol. 799. vocat *pondus veteris triste supercili*, et mox 915. *Ubi vultus ille — morumque senium triste et adspicere grave?* Ita *prisca supercilia* Virg. Cop. 34. et *priscum Catonem* Noster dixit III. 21. 11. Ceterum sententiam h. l. vide quomodo perverterit Barth. Advers. XLI. 21.

v. 6 — 10. Age, missis curis, hilare agitemus convivium. Magnam ἐνάργειαν habet, quod illico adparari vel potius celebrari jubet convivium poeta. Cf. II. 11. 13. Adornatur illud vino, unguentis, cantu, ex more. Haec vide quam vivide atque ornata adnumeraverit Horatius. Vigorem statim, quo ipse contactus est, spirat oratio ad unum e convivis (male Scholl. Crux. puerum intelligit) conversa: tu move deripe vel verte, inverti (ut III. 29. 2. *cadus inversus est*) vina, cadum vini. Potior tamen prior ratis

propter III. 21. 6. 7. — moveri digna bono die descendere ceterum. Male idem Schol. „misce“ — pressi, praelo expressi, adeoque diffusi ac reconditi L. Manlio Torquato, Consule meo, quo ipse natus sum; ut III. 21. 1. *O nata (testa) mecum consule Manlio* — 7. 8. Cetera τὰ ἄλλα, res, quae te angunt, a compositione alienas (vid ad I. 9. 9.), mitte loqui, ne cures, ne cogites, Diis istarum cura demandata; ut l. l. permitte Divis cetera, ubi vid. Not. Deus reducet in sedem pristinam, ordinem pristinum restituet benigna vice, grata vicissitudine, in melius referet, ut Virg. Aen. XI. 426. eademi sententia. *Sedes delecte de composite, tranquillo secundae fortunae statu; ut contra adversa turbat ac miscet.* Virg. l. l. *in solido rursus Fortuna locavit. Angustus apud Suet. c. 28. Ita mihi Rempublicam sistere in sua sede liceat ceterum. εἴτιοι χωρὶς ἔσοιαι πόλεις, similiter Pind. Pyth. IV. 485.* — 9. *perfundi* fortius quam intangi nardo, unguento pretiosissimo. Vid. III. 11. 16. — *Achaemenia*, vid. ad III. 1. 44. — *Lyrae parens* (I. 10. 6.) Mercurius; unde fides s. lyra Cyllenea, a Cyllene, monte Arcadiae, Mercurii natali solo. Jam pro, *lyra canere*, adpositius ad priora et sqq. est, *levare pectora sollicitudinibus*, animum curis solvere, exhilarare. Nam curae premunt, urgent animum. *Urgeris multis miser undique curis* Lucret. III. 1064. Noster Epp. I. 5. 18. *sollicitis animis onus eximit et sexcenties alibi. — diris, infestis, animum exedentibus.*

v. 11. sqq. Jam ad praeceptum generale de vita jucunde agenda procedit poeta, idque, quo fortius animum percelleret, Chironis effato communis. Idem incessus ingenii Horatiani est I. 7. 21 sqq. In adornando autem toto hoc loco vix dubitandum, quin antiquum Noster poetam respexerit, cyclicum puta, h. qui omnes de Achille narrationes carmine epico complexus esset, quod idem Statium Achilleide sua adgressum fuisse constat. Ipsa sententiarum, quae orationis summam efficiunt, stamina in Ilomero quoque obvia; veluti praedictio de vita Achillis brevitate (Il. I. 410 sqq.) et inde admonitio fruendae istius. Il. o. 129 sqq. Ceterum vaticinii formam orationi induit poeta, quum prisca vatis notione (vid. ad I. 15. 4.) cummaxime in Chironem, δίκαιότατον κείτανταν (Homer. Il. XI. 831.), βαθυμήταν (Pind. Nem. III. 92.) σάφρονα (Idem Pyth. III. 111.) caderet. Tum erat θεός φίλος, Pind. ib. IV. 211. Etiam apud Pindarum idem vaticinium edit ipsi Apollini Pyth. IX. 88 sqq. — *Ut cecinit, qualia vitas praec-*

cepta dedit *Centaurus nobilis*, Centaurorum praestantissimus, Chiron, *alumno*, Achilli, quem educasset, *grandi*, magno, fortis heroi. Male ad adultam ejus aetatem referunt, — 12. *Mortalis dea Thetide nata*, quamquam Dea Thetide, tamen mortalis nata, idque ὀκύμορος μηνυθάδιος, quae sita antithesi, verhorum collocazione sublevata. — *invicte puer*, Θεοίκελε, fortissime, soli Apollini impar. Cf. 6. 5. sqq.

v. 13. 14. *Te manet*, debita tibi satis est Troja, fatale est tibi (vid. ad I. 28. 33. infra XVI. 41.) ad Trojanum bellum proficiisci. Pro Troja est *tellus Assaraci*, regio ab Assaraco olim regrata, possessa, nota designatione. Vid. II. 6. 11. III. 29. 8. *Domus Assaraci* Virg. Aen. I. 284. — *quam findunt τέμνουσι*, dividunt, secant, praeterflaunt *Scamandri flumma frigida*, Σκαμανδρου ψυχρὰ πέπρα, *Scamander*. — *parvus*, tenuis, augusto alveo, sc. ubi ab Ida descendit in primo ejus cursu, qui fontis potius (unde et *frigidus*, quod proprium de fontana aqua) quam fluvii speciem habet, cum Simoente necdum commixtus. Non repugnat adeo Homericis hujus fluvii epithetis, μέγας ποταμὸς βαθὺς εἰναις, δινήσις cet. — *Simois lubricus*, tortuosus, sinnosus, instar anguis sese provolvens (Virg. Aen. II. 474.), docto epitheto. Ita *acanthus hinc inde lubricus et flexuosus* dicitur Plin. Epp. V. 6. Forte tamen simpliciter de lapsu aquarum accipendum. Ceterum signate hoc οὐδίον Σκαμανδρίου (Il. II. 465.) Assaraci telluri adjectum, propter praelia ibi facta

v. 15. 16. Unde tibi reditus non datur, ubi occubes, ex immutabili fatorum decreto. *Pareae rumpunt*, absindunt (ut infra XVI. 35. *reditus absindere dulces*) intercludunt *reditum* (uti *rumpitur iter*, objecto impedimento, veluti amni ut Ovid. Am. III. 6. 88. Cf. III. 27. 5.), *subtemine certo*, inevitabili, quod spectat ad totam sententiam: certa tibi mors ibi imminet, constitutam est a Parcis, te ibi mortem oppeters. Jam fatum cujusque pendet a subtemine s. filo, quod parcae nent, legunt; unde ipsum subtemen certum. — *nec mater te domum revehet*, variatio prioris sententiae, mollissimi affectus plena. Sic Achillem Thetis ad Lycomedem desert, Delphinis invecta apud Stat. Achill. I. 221. sqq. Alii Thetidem mare intelligunt, ut sit: non iterum dominum navigabis, parum venuste. — *caerulea*, communis Deorum marinorum epitheto. Vid. ad I. 17. 20. III. 28. 10. *Caeerulea mater* de eadem Propert. II. 7. 57.

v. 17. 18. *Illic vino cantuque te exhilarato, memor brevis aevi.* Pro, exhilarare se vino docte est, *omne malum deformis aegrimoniae* (hacten enim jungenda), omnem aegritudinem, omnes malas curas *levare*, h. animum iis oppressum levare (v. ad v. 10.) *τύπος ἐκ χρείας ἀνάγειν* (Panyasis apud Athen. II. p. 37.) adhibito *vino cantuque, dulcibus alloquiis optimo istarum remedio.* *Alloquia*, ut *παραμύθια* gr., pro quovis levamento dicta, felicis audaciae lyricae est; in quo Bentleium offendisse jure mireris. Plane ad Nostrum Val. Flacc. I. 255. *Hanc vero, o socii venientem in litore laeti dulcibus alloquiis ludoque educite noctem*, h. mero ludoque, uti ipse exponit v. 294. — *deformis*, vulnus deturpans, contristans, ut *luctus turpes* II. 20. extr. perpetuo tristitiae epitheto.



## ARGUMENTUM XIV.



*Instanti Maecenati, acerbaque desidiae expobatione iambos, quos dudum promisisset, efflagitanti poeta, quo crimen istud dilueret, moramque suam purgaret, amoreni allegat, quo vehementissimo correptus ab opere isto ad umbilicum perducendo delineatur, excusationemque istam, quo gravior videretur, egriege ita adornavit, ut Amorem Deum, qui omnino id fieri vetaret, praetenderet. Atque hunc ipsum Epodon librum, quem Horatius premeret, intelligi oportere quum extra dubitationem positum sit, longe alias, easque satis graves morae ac tergiversationis causas Horatium habuisse, ex ipsarum argumenti ra-*

*tione atque indole abunde cognoscitur. Illam tamen Macenati satis idoneam visum iri, hujus rei rationem ab ipso, amoris vim cum maxime experto, venuste colligit.*

### A d n o t a t i o n e s.

v. 1. Generalis sententia erat: rogitas, cur Iambos, adfelicium opus, non absolvam? cur promissi mei prorsus immemor sim? Sed quae sit pro hoc ipsam statim causam, nimurum desidiam, quam Horatio, quo minus inchoatum opus detexeret, a Maecenate objectam fuisse admodum probabile est, orationi intexit; tum rem ipsam, iamborum solutionem, excusationi demini suae (v. 7. 8.) inserit. — *Oeclidis*, enecas, molestus es (v. ad II. 17. 1. Adde A. P. 475.) crebris tuis interrogationibus, instas, objurgas me rogando, cur adeo desidiosus factus sim, ut omnem promissi memoriam animo ejecerim, de solvendo isto non amplius cogitem. Ornatissime haec poeta. Inertia oblivionem parit, animo injicit, quatenus p[ro]ae inertia, quae agenda sunt, omittimus, negligimus. Jam sumimam inertiam arguit oblio diffusa, didita per imos sensus, per intimos animi recessus, quae penitus se insinuavit, totam mentem occupavit. — *mollis*, quae est mollium hominum, vel ab effectu, quatenus otio animus ac corpus relaxatur, difflit, languet. *Desidias molles ac marcida luxu otia* pariter Claudian. VII. 40. et passim. — 3. 4. Adeo quidem, ut si, tanquam largo Lethaeae aquae haustu me proluverim, iungitaverim. Pro Lethe docte sunt popula Lethaeos somnos ducentia, adduentia, conciliantia, h. aqua Lethaea, torporem animo offendens. *Arente*, h. sicca fauice et traxerim praecclare aviditatem atque nimios adeo haustas innuunt. Nam trahere h. l. cum vi, ut Enip. Cycl. 416. ἐσωσεν ἀμυστιν ἐλκύσας. — 5. *Candide*, amice, familiari adpellatione argumento carminis apta. Mire tricantur Dac. et Baxt.


v. 6. sqq. Excusationi suae, satis levi: se amore impediri, quo minus ultimam operi manum admoveat, vide quantam speciem ac dignitatem praetendat, rejecta in Amorem desidiae suae

causa. Conf. I. 19. 9 sqq. Magna vis in repetito *Deus, Deus.* Amor, at quantus Deus! vetat hoc fieri. Nam, ut γὰρ πρὸ δὲ, graviter adseverantis h. l. est. In *vetat* maxima vis est, quasi nefas atque ἀδύνατος sit, Deo obniti. — 7. Iambhos inceptos, olim promissum carmen, ac dudum promisso. Perinde fere est, utri olim jungas. Si τῷ promissum e., causam continet, cur Maecenas saepius flagitaverit iambhos. — 8. Bacillus e ligno, ebore aut osse confectus, qui extremae voluminis orae adponebatur (nam ex adversa parte scribendi initium siebat), et involvendae membranae inserviebat, *umbilicus* dicebatur, quoniam in media libri circumvoluti parte erat. Plurali fere numero efferunt poetæ quoniam in utraque parte bacillus exstebat; quae prominentiae *cornua* quoque passim indigitantur. Haec fere sunt, quae de re, nondum satis explorata, e poetarum locis probabiliter statui posse putem. Cf. Heyn. ad Tib. III. 1. 13. A loco, quem tenebat *umbilicus*, obtinuit loquendi usus, ut opus ad *umbilicum adducere*, esset, finire, consummare. Martial. IV. 90. 1. 2. *Ohe jam satis est, ohe libelle! Jam pervenimus usque ad umbilicum.*

v. 9 — 12. Ad declarandam amoris sui vehementiam, quae animum ab intentiore meditatione, quam poeticum studium requirat, avocet, praeclare Anacreontis exemplo utitur, idem experti animo ejus Bathylli amoribus districto. Forte idem de se professus erat Anacreon, in aliquo carmine, temporis injuria dicam, an beneficio nobis erepto. De Bathyllo agit c. XXIX. Samon ejusdem patriam innuit v. 45. ejusdem carminis. Vid. omnino Lessing. Schriften P. III. p. 47. — *ardere aliquo*, nota strutura. — *cava testudine*, lyra (v. I. 10. 6.) *flevit amorem*, amores suos cecinit, amatoria σύμπατα composuit non elaboratum *ad pedem*, parum accuratus, paulo negligentior in servanda metri lege, ita ut saepius Iambum cum Anapaesto, Tribrachy, Spondeo cet. permutaret. Suaviter hanc Anacreontis ἀφέλειαν vehementiori amoris ejus aestu excusat poeta. — *Fleto, queri.* de amatorio carmine solennia. Dom. Marsus (in calce Tib. IV. 25. 3.): *ne foret*, aut elegis molles qui fleret amores, *aut caneret forti regia bella pede*, et piassim.

v. 13 sqq. Sententiarum progressio ita apud animum informanda videtur; Atqui, inquis, ab isto amore cavere tibi debuisse. *Enim vero ureris ipse miser*, in eodem luto haeres. Vel,

quantam vim amor ad animum habeat, probe intelligis, qui ipse amori gravi succubueris. In utroque excusatio sui amoris est. Amorem gravem arguant *ureris* et *miser*, nota loquendi ratione. Nisi potius condolentis h. l. est: miser tu amorem mihi objicis, quo ipse cruciaris! — *quod si* cet. quamquam felicior tua sors mea est; te formosissimam ac fidam (quod oppositio-  
nis vis postulat) puellam: me libertinam, idque multiviram nacto. Priora miro acumine expressit poeta. Si *ignis*, qui *ac-  
cendit Ilion*, qui incendii Trojae causa fuit, non pulchrior fuit, h. si pueilla, qua *ureris* (nam ab hoc verbo ad hanc sen-  
tentiae elocutionem deductus seu potius delapsus est poeta), quam deperis, tam pulchra est, quam Helena, incendii Trojae causa. Facile intelligitur, ignem satis ἀμφιβόλως hic a poeta ponit. Nam primum Helenam indigitat, quae recte Trojanam incendisse dici poterat, quatenus incendii istius causa exstitit; tum alteri,  
• *accendit obs. Ilion*, veri ignis notionem subjicit. Excusatio tamen h. l. poeta, quod hac ipsa notionum confusione Maecena-  
ti animum suum amore confusum testatum faceret vellet, vel quod eidem, curioso talium (vid. ad II. 12. 21.), hoc acumen probatum iri sciret. Hoc quidem probabilius altero subtiliori. — *obsessam*, post decem annos obsidionem a Graecis expugnatam. — 15. *gaude*, hanc tibi sortem obtigisse, quod in talem amo-  
rem incideris, suaviter opponitur τῷ *miser*. — neque uno contenta amatore (Terent. Eun. I. 2. 42. *Neque tu uno eras contenta, neque solus dedit*), multorum adpetens; hinc delecte infelicem amorem suum declarandum, *macerat*, amoris curis conficit. Cf. ad I. 13. 8.



ARGUMENTUM XV.

---

*Et sententiarum quaesita gravitate, et adfectuum, ad vivum plane delineatorum varietate, maximeque modulationibus numeris excellens ac Tibullianae prorsus suavitatis carmen! Neaerae, quae amatorem divitem amplexa esset, perfidiam graviter incusat poeta, injectaque jurisjurandi, quo suam quondam amoris fidem sanctissime alligasset, religione ac neglecti ejus divina vindicta, minatusque, se discidium, ubi semel perdoluissest, bene ac fortiter laturum, ad saniora eam consilia revocare adnititur. Tum ad rivalem suum conversus, suo ipsum exemplo edocet monetque, quam fallax aura ista sit, quam jam experiatur faventissimam. Exordium mirae artis est in adumbrando perjurii horrore, tum quos in summa indignatione, qua injuria ista commotus aestuat poeta, animi amore exardescens motus ac signa hand obscura animadvertis ipsa veritate sua ad animi sensum jucundissima accidunt. Ceterum sitne eadem haec Neaera, quae Tibullo adamata, ejusque carminibus celebrata, neque negare nec adfirmare licet; neque omnino scire quidquam interest.*

Annotations.

v. 1. Solenne poetis, *Noctem, Lunam, Sidera* in testimonium rei noctu absque conscientia gestae, ut h. l. jurisjurandi in no-

II. Band.

N n

citro duorum aut antium congressu facti, advocate. Ne longius evager, Meleag. LXXI. 1. (A. Br. I. 21.) de eadem re: Νύξ ἡερή, καὶ λύχνες, συνιστορας οὐτινας ἄλλους ὄρκοις, ἀλλ' ψυχας εἰλόμενος ἀμφότεροι. Χω μὲν ἐμὲ στέρεσιν, κεῖνον δ' ἐγὼ οὐ ποτε λείψειν ὠμοσαμεν. κοινὴν δ' εἴχετε μαρτυρίην. Propert. III. 19. 5. Foedera sunt ponenda prius, signandaque jura — —; haec *Amor ipse sub constringet pignora signo: testes sidereae tota corona Deae.* Val. Flacc. VIII. 48. sqq. serva *hanc profugae — fidem: Dii nostris vocibus adsunt, sidera et haec te meque vident.* Nocturnum autem tempus de legit poeta, tum quia illud Amori sacrum, tum maxime ad augendum rei horrorem. — *Sidera minorata*, lunae adposita. Cf. I. 12. 47. — 3 sqq. Cum tu solenni jurejurando *numen luesura Deorum*, quod tamen, ut jam evenus docuit, ruptura eras, te obstringebas, *hunc amorem*, hoc amoris foedus, quod pacti inter nosmet eramus, *mutuum fore*, te illud sancte servaturam esse, me constanter amaturam. Tibull. I. 9. 1. Quid mihi, si fueras miseris laesurus amores, foedera per Divos, clam violanda, dabas? Solenne jurisjurandum fiebat conceptis verbis, ut alter verba praeiret, quod h. l. est in verba jurare. Doctius tamen erat si in verba mea jur. explices, postquam egomet jurej. me obstrinxeram, tu vici: sim jurabas, — *laedere Deos*, sc. perjurio, pejerare, noto loquendi usu, Cf. Tibull. I. 9. 6. et ibi Broukh. *magnorum D. numina*, pro magna numina Deorum (ut Virg. Aen. II. 623.), cum vi, unde gravissima vindicta metuenda erat. Tibull. III. 6. 22. *Qui timet irati* (Bacchi) *numina magna, bibat.* Coll. ejusd. III. 4. 16. De Venere cogitabat Torrent., quae sane eadem vi ita dicta eidem Tib. I. 2. 79. Nam *Veneris magnae violavi numina verbo.* In epite ad Deos majorum gentium referebat Lamb. — 5. 6. Arctissime me complexa, inter arctissimos amplexus hoc jurabas. Ad sententiam trahit Schol. Cruquii jurabas te arctius mihi conjunctam fore, quam illex edera adstringitur: male. De comparatione vid. I. 36. 20. — edera adstringit ilicem, ad�licat se ilici. Claudian. XI V. 18 sqq. tam junctis manibus nectite vincula, quam frondens edera stringitur aesculus, quam lento premitur palmito populus. — 6. Brachiis lentis, arete implicitis, corpori, ambitiosis, tenacibus, noto loquendi usu. — 7. 8. Te eo usque constantem fore, dum naturae leges fixae manerent, h. semper. Ex his in specie naturale ovium ac luporum dissidium, et tempestates sub


Orionis occasum in mari excitari consueta commemorat. Ad illud conf. hujus libri c. IV. initib; ad hoc I. 28. 21. et passim. Alia in eadem re commemorat Propert. II. 12. 31. sqq. quem locum omnino vide. Observa poeticam rationem in enuntiatione sententiae. Debebat esse: dum pecori lupus infestus esset, sed verbum inclusit atque adcommodavit alteri membro; unde etiam supplere possis: dum lupus infestus turbaturus esset pecus. — *nautis infestus O. turbaret hibernum mare*, abundanti ornatu pro, dum nautis infestus foret, mare conturbando, illud hibernum s. procellosum reddendo. — 9. Ornate adn odum pro. dum Apollo juventute gauderet; hanc designat poeta juventui d-core, promissa coma, Apollini propria. Tibull. I. 4. 37. *Solis aeterna est Phoebo Bacchoque juventas, nam decet intonsus crinis utrumque deum*; h. propter intonsos crines, quibus uterque conspicuus est. Jam; quod vulgarius erat, dum sol promissam comam haberet, ornatissime poeta extulit: dum coma ejus aura s. vento agitaretur; quod solenne de crinibus solutis (III. 4. 61. de Apolline: *qui rore puro Castaliae lavit crines solutos*). Claudian. XXXV. 30. *levibus projecerat auris indociles errare comas*. Vid. ad III. 20. 13.

v. 11. — 16. Propositae divinae perjurii vindictae jam minas, quibus alienatam a se Neaerae mentem iterum convertat, quasque haud leve in puella arroganti ac superba pondus habitu ras sperare possit, poeta subjicit, quas ne vanas existimat, ut fere amantium sint (vid. v. c. I. 25. 9 sqq.), Neaeram curate monet. Cf. III. 10. extr. Inepte quaerunt, cur dolitura sit Neaera, amiso eo, quem haud magni faciat; tanquam gravis quid feminae accidere possit, quam amatoribus destitui, seque aliis posthaberi. Catull. VIII. 14. *At tu dolebis, quum roguberis nulla, scelesfa, nocte.* Tib. I. 9. 79. *Tunc flebis, quum me vincatum puer alter habebit, et geret in gremio regna superba tuo.* — *mea virtute, ἀπεργίᾳ, αὐδησίῃ, consilio, proposito meo, virili s. forti animo capto, sc. deserendi te, quod ex sqq. patet.* De animi constantia, s. perseverantia in proposito capiunt plerique: sed de hac v. 15. demum agitur. — Nam, *si quid viri, animi virilis, fortis in me est.* Optime hoc faciunt Terentiana (Eun. I. 2. 74.): *Heu noster, luudo: tandem perdoluit, vir es, in eadem re.* Pro, *in me cum virtute est, in Flacco, quem non impune talia ferre probe scis.* Animi causa lubet adponere, quae


Cruq. ad h. l. habet, „alludit ad adjективum *flaccus*, quasi Horatius flacidis et demissis auribus in re Venerea illi non satisficeret; nam cognomen *Flaccus* ab auribus flacidis mobilibusque deductum est“ ohe! — 13. *Non feret aequo animo, patietur, te continuo alteri vacare, alium a te admitti, se excluso. Noctem dure, signate pro, copiam sui facere.* Propert. II. 12. 37 sqq. *Quod mihi si secum tales concedere noctes illa velit, vitae longus et annus erit.* Si dabit haec plures, *fiam immortalis in illis.* — *potiori, riva'i, mihi praelato, ut saepius.* Vid. ad III. 9. 2. — 14. *teque missam faciet, deseret.* Pro hoc, quo magis ueret puellam: *iratus ob has injurias quaeret, eligit, expetet parem puellam, quae amori suo respondeat, quae amore se mutuo amplectatur.* Propert. I. 1. 31. *Sitis et in tuto semper amore pares.* — *Constantia mea non cedet formae docte pro, consilium meum haud labaret, vincetur formae tuae potentia, constanter perseverabo in proposito, nullis pulchritudinis tuae illecebris lahefactando.* Pro *tuae* est ornata et adposite ad sententiam: *semel offendit, ubi me semel offendisti, semel accepta a te injuria.* Si passive sumas, erit: *Uhi semel te offendero, quae sita ac praelata alia tibi puella, ubi adeo semel mihi proposuero, te derelinquere, constans ero in hoc, nunquam tua me forma reducet.* Ita *tu semel majorem vim habet et concinnius est ad totam sententiam.* Simplicius tamen fuerit; *form. offendit accipere: invisam, odiosam ex persidia.* — 16. *Si dolor, ira intraverit, penetraverit pectus meum, si indignatione commovear.* — *certus, qui est animi certi, obsfirmati.*

v. 17 — 24. Eadem admonitio Albiana (I. 5. 69.): *At tu, qui potior nunc es, mea fata timeto; versatur celeri Fors levis orbe rotæ, extremi remedii loco, proposita puellæ levitate, a rejectis amatoribus ad partes vocari solita.* — *felicior, potior, prior.* Nam *felix de amore secundo, ut pervulgatum.* — 18. *superbus incedis, signantis quam, superbis es* (vid. ad IV. 5.), *superbis, laetaris meo malo, te mihi a Neaera praeferri, qui laetus rides mala nostra similiter* Tib. I. c. 87. — 19 sqq. *quantumvis opibus, ingenio, forma excellas; eandem tamen puellæ levitatem aliquando experiere.* Singula ornatissime. Opum vim declarant greges (ut II. 16. 33.), et multa tellus, magnæ agrotum possessiones, latifundia; tum, quod colore poetico adjicitur, *aurum, quod Pactolus, Lydiae fl., vehit.* *Tibi fiuat Pa-*

*etolus, in tui gratiam flumina Pactoli sint aurea, tantum auri habeas, quantum Pactolus fert.* Dictus inde χρυσοφόρος εὐχρυσος Sophocl. Philoct. 393.; res notissima. — 21. Ingenii ac doctrinae laudem speciatim a philosophiae Pythagoricae interiori scientia, qua imbutus sit, repetit poeta. *Arcana, abstrusa Pythagorae dogmata, vel quatenus cuique sectae sua quasi mysteria sunt, h. praecepta ac dogmata propria, ut Pythagoricae μετεμψύχωσις, quam h. l. adjecto renati h. in nova usque corpora commigrantis* (vid. ad I. 28. 11.), tangit poeta, quibus adeo *initiantur adseclae ejus.* — *non te fallant, lateant, probe teneas; bene respondet τῶ arcana.* — Sis Nireo pulchrior. Cf. III. 20. extr. — 23. *moerebis cum intimo tno dolore* (unde praecclare adjectum *eheu!*) senties, *alio amores transferri, te ab ea deseriri, alium tibi praeferri.* Idem orationis color in Propert. II. 13. 35. *Terra prius — quam possim nostros alio transferre calores* — 24. *risero, laetabor malo tuo.* Cum sententia Toup. Emend. in Suid. T. II. p. 52. confert Asclepiadea (A. Br. I. 214. c. XVIII. 3.): *τάντα περιθοῦσα μέμψει ήμετέροις στάσα παρὰ προθύροις, Nostro parum similia.*



## ARGUMENTUM XVI.



*Carmen hocce tum, quum inimicitiae inter Octavianum et Antonium ad bellum spectarent, a poeta scriptum esse, satis adfirmateponi posse existimo. Quo quidem, quum maxima utrimque mole adpareretur, rempublicam, pluribus bellis civilibus fundamentis suis jam emotam labefactamque, in sumnum discrimen adductum iri quum facillimum ad augurandum esset, Horatius, quo intimo erga patriam suam amoris affectu contactus erat,*

*impendente ejus ruina gravissime commotus non, quod alias facere solet, populares suos ab immani isto scelere dehortari conatur, sed aegritudine animi oppressus indeque, uti fert animi humani natura, in reipublicae, quam, etsi multoties isto modo periclitatam, sanioribus consiliis ab interitu revocari posse, plane desperaret, taedium adductus, deserenda ejus, longissimeque ab inauspicata ista regione fortunarum suarum sedem transferendi consilium saniori civium parti proponit, Phocaeorumque exemplo egregie communis. Saepe hoc factum, intestinis flagrantibus discordiis, abunde historia docet. Sic Leptina Sidoniis conditum memorat Sallust. Jug. 78. qui profugi ob discordias, civiles navibus in eos locos venerint, ut alia taceam. Quo propensiorem autem melioris partis voluntatem experiretur, Fortunatas Oceani insulas petendas monet, clementissima coeli temperie, proventuumque omnis generis ubertate commendatissimas. In quis primum erat poetam incidere, quem Sertoriani consilii, easdem, desperatis rebus, spectantis recens tam exstaret memoria. Rem jam Acro attigit ad v. 41. „In quo (Oceano) sunt insulae Fortunatae, ad quas Sallustius in historia dicit victum voluisse ire Sertorium“ Vid. omnino Plutarch. in Sertor. p. 520. Reisk. — Ad argumenti tractationem quod attinet, vere de hoc carmine pronuntiare licet. pectus poetam, quem illud scriberet, fecisse; ideo vigent omnia, indignationes tandemque sensu acerbissimo animata, ac plane representata (inde a. v. 15.), sententiarum denique robusta gravitate, orationis praecipita-*

*tae fervore, imaginumque felici copia mire  
adjuta.*

A d n o t a t i o n e s.

v. 1. Quum aetatem XXX. annorum spatium, tanquam me-  
dium humanae vitae terminum ponere licet, proprio poeta loquu-  
lus videri dehet, *alteram jam aetatem bellis civilibus teri*, h. in-  
ter bella civilia consumi, ad finem vergere professu.; quandoquidem,  
quod a Sulla cum armis Urbem ingresso (erat is a. U.  
DCLXVI. unde omnino bellorum civilium initia repetenda sunt)  
usque ad *extremum Antonii*, ut Florus vocat *furem* (a. U.  
DCCXII.) effluxit tempus, LVI. annis circumserbitur. Quod ut  
non moverim, ita multo efficacius in bellorum civilium detesta-  
tione erit, sententiam ita acuere, ut *jam alteram aetatem h. ho-*  
*mines alterius aetatis* (ut *aetas* est v. 9. et passim apud, No-  
strum) bellorum civilium rabie attritos detrimentum passos,  
rarefactos (ut I. 2. 23. *vitio parentum rara juventus*) a poeta  
designari existimem; unde gravissimum in remp. damnum red-  
undet: quod quidem sequ. versus disertius exponit. Nisi omni-  
no disjungi a poeta dicendum, quod pedestris scriptor ita con-  
struxisset: altera jam aetas inter h. c. agitur, res Romana peri-  
clitatur. — 2. Argute Gesnerus: *et ipsa* posuit ad emphasin;  
significat enim nil praeter ipsam Roman stare: jam enim Roma-  
nis viribus ruerant cetera. Potius esset, accipere; *ipsa Roma*,  
splendidum illud imperii terrarum domicilium; qua emphasi est  
supra VII. 9. 19. *Sed ut — sua urbs haec periret dextera.* Sed  
praestat, ad sententiam trahere; Romanis suis ipsam h. ipsius, vi-  
ribus ruere, pervulgatissima loquendi ratione. Ruit, pessum it,  
ad interitum vergit (ut I. 2. 25.) labefacta *viribus suis*, *ivapγως*  
*de populo potenti*, qui in sua victricem convertit viscera dex-  
tram ut fere Lucan. I. 3. Praeclare et adposite, qua verba, qua  
sententiam, Liv. XXX. 44. *Nulla magna civitas diu quiescere*  
*potest.* *Si foris hostem non habet, domi invenit:* ut *praevalida*  
*corpora ab externis causis tuta videntur*, sed suis ipsa viribus  
onerantur. Idem in praefat. init. *Jam pridem praevalentis popu-*  
*li vires se ipsae conficiunt.* Propert. III. 11. 60. *Frangitur ipsa*  
*suis Roma superba bonis*, a nimio luxu exitii causas repetens.

v. 3 sqq. Sententia praecclare ad exaggerandam criminis invidiam adornata: Romam ab externorum hostium periculis acerime defensam in summum nos ipsimet discrimin adducemus, perdemos. Jam generalem externi periculi notionem speciali delectaque bellorum, quibus resp. Romana pericitata est, enumeratione, quod facile expectari poterat, explicuit ac repreäsentavit poeta. Primum, utpote reip. calamitosissimum, memorat bellum, *Marsicum s. sociale, a finitimiis populis, Marsis, Latinis, Umbbris, Samnitibus Lucanisque, jus civitatis postulantibus, infensis simis animis motum gestumque.* Vid. Flor. III. 18. *Marsos ex iis ponit, nam hi potissimum duce Popaedio reliquos Italiae populos concitaverant; etiam ob spectatam ipsorum in bello virtutis ferociam.* — 4. Bellum Etruscum cum rege Porsena, et ipsum Urbi paene existiosum, uti vel e Livio notum. Adde Flor. I. 10. *minacis Porsenae Etrusca manus quaesite pro, manus minax h. ferox, fortis, Porsenae Etrusci, regis Etruscorum.* — 5. *Virtus Capuae Romae aemula, non simpliciter est, quae de principatu cum Roma contenderet, urbs potentissima (quam in rem Cic. in L. Agr. I. 6. Majores nostri Capua — omnia insignia reip. sustulerunt, non crudelitate, sed consilio; quod videbant, urbem ipsam imperio domicilium præbere posse.* Idem in L. Agr. II. 32. *Majores vestri — tres solum urbes in terris omnibus, Carthaginem, Corinthum, Capuam, statuerunt posse imperii, gravitatem ac nomen sustinere, laudante Lamb.)*; sed fortiori sensu accipiendum, quae post Cannense damnum imperium Romanum totiusque adeo Italiae adfectaret, ut diserte tradit Liv. XXIII. 6. — De *Spartacio*, ut Florus vocat. bello vid. ad III. 14. 9. — 6. *Allobroges* populus Galliae, Rhodani a lacu Lemano ad Isaram usque accola, nulla Gallica gente opibus aut fama inferior (Liv. XXI. 31.) idemque postquam a Cn. Domitio Ahenobarbo a. U. DCXXXI. devictus, et in provinciae formam redactus esset, ab imposito jugo, ut ceteri Galli, resiliendi pertinax. Hinc *rebus novis*, quas subinde moliretur, *infidelis*, perfidum animum ostendens, rebellis dictus; perpetuo magis Gallorum, animi levitate insignium, quam efficaci ad rem epitheto. Complexus autem Allobrogibus universos Gallos poeta videri debet, quos rem Romanam per plures aetates graviter adflixisse constat. — 7. *Germania fera caerulea pube, Germani caeruleis oculis truces, terribiles.* Cf. IV. 5. Ad rem Tacit. Germ. IV. *Habitus corporum*

— *idem omnibus; truces et caerulei oculi, rutilae comæ, magna corpora.* Respicit potissimum effusam per Italiam immanem vim Germanarum gentium, quibus nomen Cimbris et Teutonis erat, quæ Caepionem, Manlium et ante Carbonem Silanumque fugavit castrisque exuit, donec a Mario tandem repressa maxima que clade adficta est. Vid. Vellei II. 12. Flor. III. 5. — 8. Graviter claudit agmen *Hannibal*, tetrica illa, ut ita dicam, Italici fundi pestis ac calanitas. *Abominatus parentibus*, matribus, ob caesos multis praelitis filios, (unde *bella matribus detestata* I. 1. 24. et *proelia conjugibus loquenda* IV. 4. 68) dirus, ut II. 12. 2. Extenuant vim loci, qui majores omnino parentum nomine declarari volunt.

v. 9. Pro, nosmet, quam graviter: *Aetas, γενεὰ, homines, devoti sanguinis*, oriundi a majoribus *devotis, ἐντάσσοι*, piaculo, posteris, adeoque nobis, luendo, obstrictis. Potest etiam esse: quorum sanguis devotus est, quibus sanguine suo culpa, ἄτη, majoribus contracta redimenda est, quos bellis civilibus atteri fatale est: hocque tenere praestat. Ita *cruor Remi sacer nepotibus* Supra VII. extr. Cf. ad I. 2. Argum. — 10. *solum feris occupabitur*, nota vastae solitudinis imago. Cf. ad III. 3. 40. — *rursus*, quae facies Romae ante Romulum fuit; de qua passim poetæ Romani. Nota Propertiana (IV. 1. 1.); *Hoc quodcumque vides, hospes, qua maxima Roma est, ante Phrygem Acneām collis et herba fuit*: et Ovidii (Fast. V. 95.): *Hic, ubi nunc Roma est, orbis caput, arbor et herbae, et paucae pecudes, et casa rara fuit.*

v. 11 — 14. Generalem sententiam: *externos hostes, Urbe civibus vastata, potituros esse, specialibus notionibus dispescuit poeta, ad acerbiorem rei invidiam commovendam delectis. Victor barbarus, barbaræ copiae, Daci, Aethiopes et reliqui, qui in Antonii essent exercitu.* Cf. III. 6. 14. — *insistet cineres, doctias quæm, cineribus sc. urbis, urbi in pulverem versae*; quod ex sqq. patet, perspicuitatis causa adjectis. Declarat ferociam et insolentiam victoris, urbis ruinis, tanquam bustis (unde rei imago ducta est. Vid. ad III. 3. 41.) religiose cultis, insultantis, atque inequitantis, in quo postremo acerbissimæ ad animi sensum contumeliae inest species. Ovid. ex Pont. I. 2. 111. *Nec male compositos — Bistonii cineres ungula pulset equi.* Seqq. graphice admodum et ornate. *Urbem h. solum, quo Urbs steterat, eques*

*verberabit, pulsabit, equo ferociter persultabit.* Vigorem atque  
*τύποντας* imagini addunt v. *sonante ungula*, quam quidem  
 pro equo ipso a quibusdam accipi video, incommodo prorsus vel  
 propter adi. *sonante*. Tum equi notionem praebet *eques* h. har-  
 barus equo inventus, cui adeo a poeta tribui potest, quod equi  
 proprium erat. Ita *eques glomerat gressus superbos* apud Virg.  
 Ge. 117. ubi vid. Heyn. quamquam ibi ad oculorum potius sen-  
 sum rationem poeticam adstringam. — 13. 14. Quum sepulcro-  
 rum violatio, jure pontificio inexpiabili religione apud Romanos  
 sancta esset (Cic. Tusc. I. 12. ad quem l. vid. Davis. et Guther.  
 de Jur. Man. III. 25.) tum infaustissimi prodigiis instar habeban-  
 tur, si vel fortuito conditorum urbium atque imperiorum ossa de-  
 tegerentur (cujus rei illustre exemplum adfert Suet. Jul. LXXXI.  
 de Capye), nedum si contumeliae ac ludibrii causa eruerentur, ut  
 h. l. Romuli. Accedit, quod eadem haec inier pignora quae Ro-  
 manum imperium tenerent, haberentur; atque haec potissimum  
 ratio est, cur hostem in ea saevitum praedicat poeta, ut scilicet  
 omnem instaurandae Urbis imperiique spem preecludat. Illud  
 quidem probabiliter statuas ex Claudian. XXVI. 100 sqq. *procul*  
*arceat altus Jupiter, ut delubra Numa, sedemque Quirini bar-*  
*baries oculis saltem temerare profanis possit, et arcanum tan-*  
*ti depredare regni, laudante jam Torrent.* Pro rostris Romuli  
 sepulchrum fuisse e Varrone tradunt Scholl. ad h. l. *Ossa*, quae  
 carent ventis, quae ventorum injuriis subducta sunt, quae alte sub  
 terra recondita sunt, immota jacent. Cinerum condendorum cau-  
 sam hac enuntiatione innuisse poeta videri potest; simplicius ta-  
 men fuerit statuere, poetam, ex alterius membra verbo, *dissipa-*  
*bit, in illam incidisse.* Quumque *Soli ostendi, ήλιος δειξαθαι,*  
 poetis res dicitur, quae adspici patet, visui objicitur; ossa sole  
 carentia itidem esse humata, terra penitus defossa, in promtu  
 est videre. Sed quae sita ita poeta eloquuntur est, in re sacra, quam  
 nefas esset videre, quae solo adspicere profanaretur. Atque ita  
 plane Pseudo-Phacylides, antiquioris poetae vestigia secutus, v.  
 94. 95. μὴ τύμβον φθιμένον ἀνορύξεις, μητ' ἀθίατα δειξεῖς  
 ήσλιθος, οὐδειμένιον χίλον ὄρσεις — *insolens, οὐβολίων*.

v. 15. sqq. Junge: *forte communiter, et universi, aut saltem*  
*meliор pars* vestrum, qui bella civilia detestamini, *quaeritis* de-  
 liberatis, *quid expediatur*, *quid optimum factu sit*, *quodnam satius*  
*consilium sit*, *quid facto opus sit*, *carere malis laboribus*, ut diu-

tius belli civilis aerumnis ac miseriis aliquando careamus, iis liberemur. De graeca hac structura nemo facile dubitaverit; et expediendi verbo usus est poeta in re spinosissimae deliberationis, in qua plures sententiae proponuntur, e quibus illa, quae consultantibus optima visa est, eligitur, praefertur, quae adeo expedit. Eadem redit, quamquam paulo abstrusiore via, si explices: quid expeditat rō carere malis lab., quid illam quaestionem expeditam reddat, quae in medium adserri oporteat, quod consilium in impedito hoc negotio efficiat, ut careamus istis laboribus — malis, funestis, ob interitum civium.

v. 17 — 22. Agite, deseramus inauspicatum hoc solum, Phocaeos imitati. Hos quidem, quin ab Harpago, Cyri duce, gravissima obsidione premerentur, concesso unius diei ad deliberandum de rebus suis spatio, commune mutandi soli patrii consilium cepisse, cumque conjugibus ac liberis primo Chium, mox, negata ipsis in ista insula sede, Cyrnum s. Corcyram adpulisse ibique concedisse, ante autem, qnam patria cederent, publicis exsecrationibus juramentoque, ne quis remaneret, neu quis prius revertetur, quam massa ferri, quam mari immersissent, in ejus superficie adparuisset, sanxisse, seque obstrinxisse, post Herodot. I. 165. plures tradiderunt. Eandem fere devotionis formulam Noster sententiae suae de fugienda patria adjecit v. 25 sq. Orationis ordo est: *nulla sit sent. potior hac; in hanc omnes discedamus sententiam, omnibus placeat, ire, pedes cet., veluti Phocaeorum civitas, exsecrata, postquam omni exsecratione se devinxisset, diris eos, qui remansuri essent, devovisset (ἐπορήσαντο λοχυρὰς τῷ ἴωλει πομένῳ ἐντὸν τοῦ στόλου Herod. I. 1.), profugit agros (ita junge) atque Lares proprios, quae tiore structura (ut Homer. §. 502. προφυγίται μένος καὶ χεῖρας Ἀχαιῶν) pro vulgari, ex agris atque Laribus patriis, h. patria, eamque desolavit; pro quo ἐνεργῶς almodum est, eadem v. 10. vastissimae solitudinis imagine ad partes vocata: *apris et lupis, omnino feris, reliquit habitanda*, latibulo ipsis permitit *fana*, graviter pro, totam istam regionem. — 21. 22. Isthine aufugere, ac commigrare, quocunqne nos casus terra marij tulerit, dummodo longe ab infausta hac regione disjuncti simus. Vividissime ita taedii sui, quo erga remp. affectus eset, sensum exponit poeta, ut ubivis terrarum degere satios ducat, quam Romaine. Nota autem loquendi ratio, quo *pedes ac venti ferunt*, quae fere in proverbium ver-*

tit, de itinere temere suscepto. Vide ad illa III. 11. 49. *I. pedes quo te rapiunt et aurae.* *Notum* et *Africum* posuit pro quibus-  
vis ventis, quod ipsa sententiae ratio docet. *Ventus eo vocare*  
*dicitur*, quo navem impellit. Hinc *vocantes venti*, dicti saven-  
tes poetis, quatenus navem eo dirigunt, quo ei cursus est. — *Afri-  
eus protervus*, vehemens, Vid. ad I. 26. 2.

*v. 23. Praeclara ἴποτύπωσις* deliberantis de communibus re-  
bus suis populi ad Senatus Romani speciem, in quo perroga-  
rentur sententiae, plane conformata; tum indignationem, qua-  
poeta percitus omnem cunctationem impatientissime fert, miri-  
sice ostendit praecipitata oratio. Itane censemus? an quis melius  
in rem consulere potest? quin igitur abimus? — *secunda alite*,  
*αἰσιῷ ἔργῳ*, bono omni, quod istud summi consilium saluberri-  
mum optimumque eventum habiturum judicaret. *Contra mala  
avi* (I. 15. 5. coll. III. 3. 61.) suscipi creduntur, quae fune-  
stum exitum habent. Mirum, hoc non vidiisse interpres.

*v. 25. sqq.* En exemplum jurisjurandi, conceptissimis verbis  
facti, in quo illud singularis artificii est, quod factum, sancien-  
do iugamento inserviens, ipsa oratione repraesentetur a poeta.  
Acumen quaesivit idem in conversione vulgaris sententiae: ante  
tamen, quam hinc aufugiamus, jurejurando nos obstringamus,  
nos haud prius reddituros, quam saxa, in mare dejecta, in ejus  
superficie iterum adparuerint. *Ne nefas sit*, tum demum in pa-  
triam, quam relicturi sumus, redire fas sit, simulac saxa *imis  
vadis* ab imo maris fundo levata renarint, delecta copia pro, in  
summam aquam emerserint; nam *v. renarint*, animo statim *ἀδύ-  
νατον* objicit speciem. Ceterom totam rem ad Phocaeorum exem-  
plum adumbratam esse a poeta, in hoc tantum diverso, quod  
massae ferri saxa substituerit, obvium es: videre. Vid. Hesiod.  
l. l. — *Lintea*, vela dare, navigare (ut I. 34. 4. et passim)  
cursu *domum converso*, h. pristinam sedem repetere. — *quando*  
cet. Sequuntur plura diversique generis *ἀδύνατα* physica: quo  
magis obfirmaret discessum, quem institui decrevisset poeta. Sa-  
ne rem, quam Horatius vellet, admodum *ἴναρπεῖς* ita exprimi,  
nemo facile dubitet: neque omnino grandem ei dicam impege-  
rim, quod in profundidis copiis suis modum excesserit; quam  
quidem ingenii luxuriem in omnibus fere poetis, ad tractanda  
haec *ἀδύνατα*, poeticae exornationi maximopere congrua, delatis,  
animadvertas: sed hoc legentis animum male habet, quod ista

omnia ex sua poetae persona, sed tanquam oratoris, qui publicam causam agat, populumque in haec jurisjurandi verba adigat, ab Horatio ludiburde magis quam presse ac graviter, quod personae susceptae postulareret dignitas, proferantur. Peccavit adeo poeta affectu abreptus, rem, quo certius, quod vellet, adsequeretur, sub varias imaginum species revocante. — quando *Pandus*, citerioris Galliae fluvius, cursu mutato *Matina cucumina*, Matinum, montem Calabriae (sed alterum delecte, ad augendam Λδυνάτον speciem) laverit, inundaverit, percurserit, Lucretiana voce (V. 948. *exibant humore fluenta lubrica, proliu-  
vie larga lavere humida saxa*). — 28. Seu ubi mons Apenninus qui longo tractu Italiam dividit, moverit se atque *in mare pro-  
currerit*, promontorium maris factus sit.

v. 30 sqq. Inversas naturae leges solenne poetis animalium disparis indolis naturalique odio diremtorum conjunctione atque connubio adeo repraesentare. Vid. ad I. 33. 7. 8. *Amor jungit*, copulat, *nova libidine*, facit, ut libidinentur invicem, mutuo coitus desiderio flagrant *monstra*, disparis prorsus naturae animantia. Vulgari utique erat: ubi disparia animalia mutuo amore exarserint. *Mirus et nova*, quoniam praeter naturam ista fiunt. — 31. Adeo quidem, ut *jubet subsidere*, delectius ac gravius quam *subsident*, h. ineantur tigres a cervis. Lucretianum esse verbum (IV. 1191. *Nec ratione alia volucres, armenta, feraeque, et  
pecudes, et equae maribus subsidere possent*) notarunt jam alii. — 32. *Adulteretur*, ineatur (ita τράγος μοιχεύει αῖγα Lucian. DD. XXII. 1.) *subsidiat miluo*. Sed alterum signate de columba, castitatis laude celebri Propert. II. 15. 27. — 33. et armenda andacter inter leones erratura sint. — *credula*, ipsis fidentia, nihil inde sibi periculi metuentia. — *ravos*, ravis oculis, χαρό-*πευ*, βλοσυρό*υ*s. Vid. ad III. 27. 3. — 34. Ubi hircus aequor amet, praetulerit, in mari degerit. — *laevis* factus, instar pisces, qui natura hirtus est. Ultima convenient cum Archilochi XVI. 7. sqq. (Anaa. Br. I. 44) μηδ' ἵνα δελφίσι θῆρες ἀνταμεί-*ψωνται νέμον εινάλιον*, καὶ εφ' θαλάσσης ἡχήντα κύματα φίλτερ' ἤπειρου γενηται, τοῖσι δ' ἥδη ἦν ὄρος.

v. 35 — 38. Ubi haec aliaque, quae omnem redditus spem *abscindere poterunt*, nobis adiment, *exsecrati erimus*, sancien-*dae sententiae causa pronuntiaverimus*, ubi in haec verba jura-*verimus*. Latius adeo sumenda h. l. *exsecrationis* notio, omnes

éas complexa formulás, quae firmando foederi, jurijurando (üt h. l.) adhibentur. Reditus *dulces*, quatenus antiquam patriam spectant. — 37. pars *indocili melior grege*, quae supra gregem sapit, sanioribusque his consiliis aures advertit. Adsumendum hoc ex adi. *grege indocili* h. qui persuaderi nequit, ut, relichto solo pátrio, novas sedes exquirat. Contemtim autem et signate hac *gregis* adpellatione poeta ubi, quoniam fere imperitorum ac deteriorum major modus est, ut bene vet. Schol. — *mollis* etc. Pedestris utique orationis junctura et enuntiatio erat: Fugiatnus isthinc omnes, aut saltem cordatiore civitatis viri; reliqui, grex *mollis* et *exspes*, ideoque induciles, domi remaneant. Ultima mira acerbitate tinxit poeta, flagitosissimam, qua retineantur, ignaviam ipsis expobando. *Mollis*, p̄ae mollitia thers fugaeque pericula ac labores subterfugiens, *exspes*, adeoque abjecti animi, ut de salute prorsus desperet, vilissima turba ista *perprimat cubilia*, gravissime pro, domi desideat. Solennie hoc poetis de hominibus, *nil magnae laudis egentibus*. Delecte *cubilia*, ut pote quae a *grege* premontur. — *inominata*, inauspicata, infausta, scelestā, ob continua bella civilia. Etiam in *perprimat magna vis* est: ulterius perseverent desides esse, persistant in inertia sua.

v. 39. *Vos* melioris partis, quibus est virtus, ἀνδρεία; generosior ac fortior animi ad subeunda pericula, linquendamque patriam indoles. — *muliebrem tollite luctum* inversa sententia pro; forti animo capessite iter; quae inversio tamē parum apta h. l. videri possit vel propter antecedentia: quibus est virtus, in quos adeo vix luctus muliebris cadat. Sed quum virtatem suam hoc ipso, quod desideratissimam patriam suam derelinquent, abunde comprobent, tum molliorem affectum istum in discessu ex ea, quam nunquam revisuri sint, etiam in fortiore naturae humanae excusat inbecillitas. Orationis colorem Noster duxit ex Archilecho (in Stob. Flor. Grot. p. 513.): τλῆτε, γνωκέσσον πένθος ἀκωσάμενοι. — 40. Et mare Tyrrhenum ingressi Oceanum versus navigemus, Fortunatas insulas, illuc sitas, petituri. *Volare*, ut πέτεσθαι de navigatione solenne. H. l. adjunctam alacritatis notio nem habet, qua iter institui cupit poeta. — 41. Haec tanquam μάντην, qui fatorum decreta aperit, poetam eloqui putandum. Cf. ad v. 66. — 41. *Nos manet Oceanus*, fata nos petere jubent Oceanum (üt supra XIII. 13. *Te manet Assaraci tellus* cest. et pas-

sim) *circumvagum arva*, qua arva ambit, adeoque insulas in Oceano sitas. Circumscribit adeo atque definit cursum epitheton, qui in Oceano tenendus sit, tum ipsas insulas accuratius descriptas subjicit. Vulgarior adeo loquendi ratio ferebat; nos manent arva, Oceano circumflua. Jam quo desideratores istae *insulae divites* (*Μακάρων νῆσοι*) essent, in commoditatibus ac jucunditatis earum adnumerandis paullo longius exspatiatur poeta, ipsa tractationis poeticæ, quam locus admittebat, facilitate invitatus, easque a soli insigni fertilitate, minissimaque aëris temperie ita laudat, ut Homericam Elysii, ab eodem in iisdem locis collocati (Od. IV. 563. sqq.), speciem, adjunctis tamen aureae aetatis notionibus, quibus illud fere a poetis exornari solet, Noster repraesentasse videri debeat, Vid. Heyn. ad Virg. Aen. VI. 637. et in Opusc. T. I. p. 395 sqq. Insulas, quae hodie *Canariae* audiunt, designari, monuere jam alii. Neque hoc nonnulla transferre pigebit, quae de iisdem apud Plutarchum in Sertor. p. 520. Reisk. traduntur: ὅμβροις δὲ χρώμεναι μετρίοις σπανίως, τὰ δὲ πλεῖστα πνεύμασι μαλακοῖς καὶ δροσοβόλοις, οὐ μένον ἀροῦν καὶ φυτεύειν παρέχουσιν ἀγαθὴν καὶ ποιονα χώραν, ἀλλὰ καὶ κερχὸν αὐτοφυῆ φέρουσιν, ἀποχρῶντα πλήθει καὶ γλυκότητι βόσκειν ἄνευ πόνων καὶ πραγματείας σχολάζοντα δῆμον. ἀηδὸν δὲ ἀλυπως ἀρῶν τε κράσει, καὶ μεταβολῆς μετριότητι κατέχει τὰς νήσους, — 43. Ubi omnia sponte et sine cultu (44 sqq.) uberrima copia proveniunt. Tetra Cererem reddit, proprio vocabulo de semente terrae concreta cumque soenore reddenda poeta usus est, quod minime urgendum. Est enim h. l. simpliciter, ex se dat, profert, fundit fruges. Quodsi propriam verbi vim h. l. retinendam censeas, sementem tantum ibi faciendam, absque cetero agrorum molestiore cultu (*inarata*), victumque adeo facillimum (*τύπερ βητον* Βιοτὴ πέλει ἀνθρώποισιν Hom. I. l.) innuere poetam dicendum. Sed hoc parum commode in descriptione, aureae aetatis colores adumbrante. Igitur nec vis querenda in reddit, quasi nunquam fallat, semper fidelis sit ager, ut III. 16. 30. De re ipsa, in quavis aureae aetatis descriptione obvia, exempla congerere nihil attinet. — 44. *Vinea*, vites *imputatae*, speciatim pro genere, nulla cura impensa, *florent usque*, per consequens, semper secundae sunt, haud unquam intermittunt fructus ferre. — 45. Ornate pro, ubi oleae felicissimis ramis (*nam termes proprius ramus oleae cum fructu*) exuberant. Olea non fallit, quae spem

flore ostensam haul destituit, secunda; ut passim. — 46. Ubi  
*ficus pullae h. matura ex sua h. nativa arbore dependent, ubi*  
*in sua arbore ad maturitatem perveniant.* Commodo Schol. Cru-  
 qu., *ficus, quae sponte et sine insitione aut cultura nascuntur,*  
*durae esse solent et fatuae ac cito decidere, ibi, inquit, tales*  
*nascuntur, ut etiam pullae ornent suam arborem, nec decidunt,*  
*antequam sint matura.* “*Ornant solenne hoc poetis de fructu et*  
*foliis.* Vid. I. 17. 16. et hujus libri II. 6. — 47. Mel quercubus  
*cavis defluit, absque hominum cura ab apibus ibi congestum.*  
*Pervulgata ac propria haec aetatis aureae.* — *montibus altis cet.*  
 Ad libertatem soli pariter atque regionis amoenitatem hoc refer.  
*Ornatum poeta petuit e Lucret. V. 273. et VI. 658. super terras*  
*fluit agmine dulci, qua via secta semel liquido pede detulit un-*  
*das.* Unde etiam Virg. Cul. 17. *Castaliaeque sonans liquido pe-*  
*de labitur unda.* Adde III. 13. extr. — *crejante, sonoro.* Vid.  
 Burm. ad Prop. II. 23. 49. — 49. 50. Eliam haec ex aurea ae-  
 tate depromta sunt. Virg. Ecl. IV. 21. *Ipsae laetae domum re-*  
*ferent distenta capellae ubera;* et Tib. I. 3. 45. *ultrisque fere-*  
*bant obvia securis ubera lactis oves.* — *injussae, auctoꝝrat, spon-*  
*te.* — *veniunt ad mulcra* ut Virg. Ecl. III. 30. — *grex amicus,*  
*hominum commodis inserviens;* adposito ad *ubera tenta sc. lac-*  
*te, epitheto.* — 51. Omnia ibi pacata sunt, ut in aurea aetate.  
 Virg. I. 1. *nec magnos metuent armenta leones.* Ursus circum-  
*gemit ovile suaviter pro, circumit ovile, aditum explorat, adjec-*ta**  
*asperitatis ejus notione.* — *vespertinus, δειλινός, ἐστέργιος,* ve-  
 sperni, noctu, ut saepissime, v. c. Theocr. XIII. 33. Ad verba ac  
 sententiam Virg. Ge. III. 537. *Non lupus insidias explorat ovi-*  
*lia circum, nec gregibus nocturnus obambulat.* — 52. Absunt  
 ibi noxia animalia. Virg. I. 1. *Occidet et serpens, et fallax her-*  
*ba veneni.* Humus alta intumescit viperis, felici audacia in de-  
 claranda viperarum copia pro, non alit viperas veneno tumidas.  
 Proprium enim veneni tumere. Senec. Her. fur. 936 *nulla nocen-*  
*turo gravis succo tumescut herba,* et passim. Ad cavernas ac la-  
 tebras serpentum, quibus terra ègeratur ac elevetur, sere r. ferre  
 videas, quod nec verum, nec poeta dignum est. — 53. 54. Vid.  
 Obss. *Nulla nocent p. contagia,* omnino pro neque morbis infe-  
 stantur pecora. Sed pestilentiam posuit, subjecturus causam ejus  
*aestuosam astri impotentiam* quod docte est pro, *impotentem*  
*h. nimium astri h.* Sirii aestum, quo grex torretur, verbo, si-  
 derationem. Vid. ad III. 1. 31. et Senec. Oed. 39.

v. 55 sqq. Nova subjecturus felicitatis momenta poeta variavit orationis structuram, ne scilicet nimis protracta videretur descriptio. Plurima alia insuper ibi mirabimur, cum voluptate (unde adposito ornatu adj. *felices*) cognoscemus comoda, quibus nostra regio destituitur (nam hoc ipsum est; quod mirationem facit): veluti, *ut neque . . . semina glebis h. aequabilem ac mitem anni tempestatem.* Homer. l. l. οὐ νιφάρες, οὐτ' ἀρέ τε χειμῶνας, οὐτε ποιός δύσηρος ἀλλ' αἰσι Ζεφύροι λιγυπνεοντας ἄγτες Ωκεανίδειν, ἀναψύχειν ἀνθρώπους. Hoc vide quam comite exornaverit poeta. Hiemem declarant *procellosi imbres* ex Italicae regionis natura, ut supra XIII. 1. et passim. Hi *radunt*, verrunt arva, dum nimia copia defusi (*lardi*) terram dilunnt ac provolvunt maxime in locis clivosis; graphice. Ita flumina radunt ripas, atterendo ac detrahendo terrae, quam alluunt. Euro illud tribuit poeta, quatanns omnino *vis venti nubes contrahit*, et e supero premit ac facit effluere *imbres*, Lucret. VI. 511. Cf. III. 17. 11. Hinc *aquosus* dictus, *aquosas nubes cogens.* — 57. Neque nimio Solis aestu torretur regio. *Semina pinguis* secundo succo turgida *uruntur*, exuruntur, aresiunt, *glebis* nimio calore *siccis*, terra sole exusta, prae nimia siccitate. — 58. Jove moderante *utrumque*, et aestatem et hiemem. Similiter II. 6. 17. *Ver ubi longum tepidasque praebet Jupiter brumas.*


v. 59 — 62. Homines ibi degunt ab omni hominum commercio integri ac sinceri, ad quos adeo non penetrarunt vitiorum contagia, navigationibus per terrarum orbem disseminata, adeoque probi, pudici, epiditatisbusque liberi. Jam quam commercium cum istis maritimum esse debuerit, delecte poeta ex longinquis antiquissimorum hominum navigationibus expeditionem Argonautarum, Ulyxis errores, et Phoenicum itinera commemorat, quos omnes Oceanum intrasse fama erat. Vid. vel Gesneri Praelecta de Phoenicum extra columnas Herculis navigationibus. Non *huc pinus Argoo remige contendit*, pinus Argoa, navis Argo adremigavit, adpulit, Graeciam repetens, in qua adeo vehebatur *Colchis*, Medea *impudica*, projecto pudore externum virum sequanta, scelestia, impia. — 61. Neque *Sidonii nautae*, Phoenices *cornua* sc. antennarum, antennas, vela, *huc torserunt*, isti obverterunt litori, signate pro, adpulerunt. Vide praeter rei nauticas scriptores Mischell. Obs. II. 381. Contrarium est in Virg. Aen. III. 549. *Cornua velatarum obvertimus antennarum in discessu e portas*.

— 62. *Cohors laboriosa Ulyxei docte pro, Ulyxes laboriosus, πολύτλας, cum suis sociis.* Cf. 17. 16.

v. 63 — 66. *Jupiter secrevit haec litora, discretas has a ceteris hominibus sedes habitandas adsignavit piis, ab aetatis suaē labē integris, qui in feracissimo scelerum proventu innocue vixissent.* Facile perspicitur, commisceri h. l. colores cum Elyso, piorum sede, quod et ipsum cum Hade in extremo Occidente ab Homero collocatur. Sequutus autem Noster videri debet, etiam qua verba, Hesiod. *Ἐργ. 167* sqq. Τοῖς δὲ διχ' ἀνθρώπων βιοτὸν ἢ ζεί τὸν οὐδέσσες Ζεὺς Κρονίδης κατένασσε πατήρ ἐς παιάνα γαῖας — — — τοι μὲν ναιούσιν ἀκηδία θυμὶν ἔχοντες ἐν μακάρων νήσοισι παρ'. *Ωκεανὸν βαθυδίνην.* — 64. 65. *Ornatissime pro, postquam aureae aetati deinceps successit aerea ac ferrea. Tres igitur tantum ab Horatio aetates numerantur, quum alii plures, duas tantum Virg. Ge. I. 125 sqq. commemoraret. Sed in talibus figmentis constans ac propria poetis diversitas. Aurum *inguinatur*, corruptitur, deteriis fit, adulteratur aere admixto, juxta gr. μιαίνειν, quod omnino de quavis admixtione dici pervulgata res est. H. l. fortiori sensu accipiendum, aurum plane permutavit aere, auream aereae cedere jussit aetati.* — 65. *Mox aerea secula ferro duravit, e duro ferro proeudit (de duro est ultima ferro Ovid. Met. I. 127.), ferrea fecit. — quorum, cuius ferreae aetatis fuga datur, ex quo ferreae aetatis consortio aufugere licet piis, meliori nostrum parti (v. 15.), quae bella civilia detestatur, me vase, deleete pro me auctore ac suasore; quandoquidem vetustissimis temporibus coloniae a. vatibus, consulto prius oraculo, deducabantur. Piis potest etiam explicari, ad piorum sedem, ad piam houinum γενεὰν; quamquam hoc paulo durius. — secundo, secundo omne, sub faustissimis auspiciis. Nam et haec ante, quam illae eduerentur capta fuisse, ex historia Romana abunde constat.*



## ARGUMENTUM XVII.



*Non diu animi dubius fui, an Varo, insulso Canidiae amatori vetulo (de quo Ep. V.),*

partes suas in hoc carmine restituerem bonique Horatii, quod male feriati intrusissent librarii, nomen expungerem. Tanta enim hujus cum epod. V. est conjunctio, mutuaque rerum ac sententiarum inter se relatio, ut telam, isto scitissime inchoatam, hoc demum detexi absolvique facillimum sit intellectu. Scilicet, quo mordacior vanissimae artis magicae irrisio esset, virulentissima ironia poeta efficaciam ejus in Varo postrema, quam Canidia V. 15. se paraturam minata fuerat gravissimam, incantatione supra fidem ita comprobatam ostendit, ut, quo certior rei fides esset, eumdem Varum miserias suas, aestumque animi, in quem devotione ista conjectus esset, Aetnaea flamma saeviorem, oratione explicantem, ejusque levamen ac finem flebilibus modis a Canidia exposcentem inducat. Precibus laudes ejus subtexit Varus, si forte blanditiis istis emolliatur, sibique tandem ignoscat; quibus tamen Palinodiae Archilochiae formam plane induit, ut haud difficile ad judicandum sit, mulierem istam iis omnibus probris, maleficiis, sceleribus, a quibus puram eam praedicat, fuisse inquinatissimam. Quas quidem laudes quam Varus versibus exponat, recite in eum cadere videre debent illa: sive mendaci lyra volles sonari v. 39. quae ipsa verba Horatiani nominis praefigendi ansam dedisse suspicor. Jam v. 52. carmen absolutum videri poterat; sed rem ad summum produxit poeta inducta Canidia, respondentis Varo, semelque ipsam risum facientis persona. Haec enim Varum animi verba loquutum, seque adeo, quae voluisse, adsequuntam rata, omnibus sese laetitiis efferens ita insultat Varo, ut sancte ei vitam

*ipsa spe sua longiorem policeatur, quo diuturniores scilicet cruciatus essent, ac tales quidem, ut violentia morte, frustra tamen, iis sese subducere tentatarus sit.* — *Atque ex hac ipsa argumenti delineatione exquisitam poetae artem in traducenda Canidia effusam ipsamque vividam rerum adornationem facile est adsequi; accedit ad has dotes sententiarum facetissima gravitas, orationis delectus et ornatus haud vulgaris ac subinde quaesitus, ac doctrina reconditior.*

### A d n o t a t i o n e s.

v. 1 — 52. Varus loquitur. Somma exordii: Tandem, idque maximo infortunio meo, fateri cogor, *scientiam artis magicae, artes magicas, quas hactenus yanissimas habui, esse efficacissimas, veneficiorum vim esse praesentissimam, in me ipso potentiam eorum expertus.* Sententiae igitur vis in epith. *efficaci* quaerenda; *do manus efficaciae scientiae, quod exquisite dictum pro, concedo, largior, veneficiis vim inesse aliquam.* *Supplex* originem proverbialis *roū dare manus locutionis a viciis, hostique sese dentibus desuntac, tangit, cruciatusque arguit quibus confessio ista extorta est.* — 2. Oramus atque obsecramus alterum per res, quas ei scimus carissimas esse atque sanctissimas. Adposita igitur obsecratio est apud Canidiam, pharmaceutriam, per res inferas (*regna Proserpinæ*), quibuscum magiae arctissima conjunctio est (vid. ad 5. 52.) *Dianam* s. Hecaten, istarum omninoque magici sacri Deam praesidem (c. l. v. 51.) et ipsa *magica carmina* (v. 3.), ut ab incantatione desistat, instituta. *Numina Dianaæ, quae sit, in potentia hujus Deae declaranda, ut XV. 3. et centies alibi.* — *non movenda, àxivnτα, quae flecti nequeunt, proprio Deorum inferorum attributo.* Magis tamen ad sententiam loci adpositum videtur, si cum plerisque intelligas Diana numen non irritandum, exasperandum, respectu immensae ejus potentiae (unde σεμνὴ, δεινὴ θεός, uti v. c. Apollon. Rh. III. 1213. audit) et quod dea iracundior habebatur ob phasmata (δεινῶλητις Theocr.

Il. 14.) ac phrenitidem, qua lunatici laborant, ab ea immitti credita. Noster A. P. 454. *fanaticus error et iracunda Diana* h. a Diana iracunda menti injectus. — 4. 5. *Per artem tuam efficacissimam. Libros carminum* vocat, ob infinitam formularum magiarum multitudinem, quas in libros digestas fuisse, superstitione ista tum temporis robur nacta, admodum probabile est. Forte tamen simpliciter magnam Canidia in arte sua scientiam magna hac formularum copia declarare voluit poeta. Jam generalem magicie potestatis notionem declarant subjecta: *valentium devocare sidera*, quae ipsam lunam cum sideribus deducere possunt, quae sita specie; quandoquidem hoc inter summa fere virtutis magicae miracula refertur. Virg. Ecl. VIII. 69. *Carmina vel coelo possunt deducere lunam*, et passim Cf. supra V. 46. *Sidera defixa vel proprie*, quae coelo adfixa sunt, ex antiquissima opinione, a poetis passim expressa (v. ad Virg. Aen. IV. 482.), ad augendam h. l. magiae potentiam satis efficaci; vel sunt *incantata*, δεδεμένα; obligata incantamentis, proprio artis vocabulo. Vid. ad I. 27. extr. Illud tamen accommodatius h. l. — 6. *parce vocibus sacris ēπερδη*, siste incantationem. *Sacris*, quoniam inter sacra, Diis inferis facienda, incantatio peragebatur. Male nonnulli cum Cruqu. schol. exponunt: nefariis, execrabilibus. — 7. *retro solve turbinem*, docta brevitate pro, retro age turbinem πόμπον, ita ut resolvantur licia, inter rotandum ei inexa. Simplicior quidem ratio fuerit, exponere: remitte, inhibe cursum rhombi, retro agendo, revolvendo eum: sed altera doctior et ad rem magis adposita videtur. De rhombo h. l. dicens nihil attinet. Adeant quibus opus est, intpp. ad h. l. et ad Ovid. Fast. II. 575. ad Propert. II. 21. 35. et III. 4. 26. et ad Lucan. VI. 460. primo autem loco Pind. Pyth. IV. 380. Superstitiosae hujus molitionis, et rhombi celerissima rotatione (unde *citus turbo* h. l. dictus) circumagendi, et licet ei implicandi, causas a metaphorica loquendi ratione unice repotendas esse, in promtu est videre. Solennia enim de amoris vehementia, animum angente ac perturbante, δερεσθαι, agi (adposita comparatione Tib. I. 5. 3. *Namque agor, ut per plana citus sola verbere turbo*), versari, agitari amoris fluctibus et sim.; tum εὐδεδεσθαι ἐφωτι, illaqueari, irretiri, amore cet. quod adeo filo implicito, illud contra torto rhombo representabatur. Ceterum illud tandem et repetitum solve animi aestum, quo misere cruciatur Varus, egregie adumbrant.

v. 8 — 28. Magnam irrisio vim habent placatae maximo-

rum herorum, nominatim Achillis irae exempla, quibus Canidiam ad misericordiam perducere conatur poeta, in quibus ipsam orationem, majestatis plenam illam ac basilico gradu sese efferen-tem, ad illudendam Canidiam egregie comparatam animadvertis. De Telepho, Mysoru[m] rege in pugna cum Achivis, ad oram suam, quam ed oppugnandam Trojam proficiscerenter, adpulsis, ab Achille vulnerato ab eodemque sanato adi Hygin. fab. CI. ibique Munch. Solenne hoc placabilis irae exemplum poetis Propert. II. 1. 65. *Mysus et Huemonia juvenis qua cuspide vulnus sen-serat, hac, ipsa cuspide sensit opem*, ubi plura concessere intpp. Adde Meziriac. ad Ovid. Her. III. p. 235. sq. *Nepotem Nereium*, Nerei f., augustiore adpellatione Achillem indigitat, quo gravius illud exemplum ad animum Canidiae accideret. — 9. Adversus quem iste (pro quo est *superbus*, μεγαλοφρεων, confidens viri-bus suis, ferox, ornatu e re ipsa petito) *agmina Mysorum*, co-pias suas, ordinarat, in aciem eduxerat, quem proelio adgressus fuerat et in quem t. a. torserat, non exornant antecedentia, qua-si esset, quocum proelium gesserat; sed proprie accipienda, in quem ipse tela direxerat, quem ipse telis petierat. Desumtum hoc haud dubie e tragoedia aliqua deperdita, quorum plura ad-huc existantia fragmenta abunde comprobant, Telephum non minus quam Orestem, scenis agitatum fuisse. Contra Ulyxem eum ste-tisse memorat Tzez. ad Lycophr. 209.

v. 11 — 14. Idem Achilles Hectoris corpus suis sepeliendum reddit, a Priamo exoratus. Quaesito haec ornatu instruxit poeta. Sepulturam docte declarat unctio, eam cum lotione corporis praegressa, aque mulieribus peragi solita. Homer. Il. σ. 350. Καὶ τότε δὴ λοῦσάν τε ἡλειψαν λίπ' ἐλαῖον, et alibi. Laudant Ennii: *Tarquinii corpus bona femina lavit et unxit*. — Hectoris corpus *addictum*, destinatum ab Achille *alitibus atque canibus*. Respexit poeta minas Achillis apud Homer. Il. χ. 345. μή με, κύρον, γεύνων γουνάζεο — ὡς οὐκ ἔσθ' ἐσ σῆς γε κύνας κεφαλῆς ἀπαλάλκοι, et ψ. 183. Ἔπειρος δ' οὐτὶ δώσω Πριαμιδην πυρὶ δαπτέμεν, ἄλλὰ κύνεσσιν. — *homicidam*, ἀνδροφόνον, Homericō epitheto, v. c. Il. α. 212. ω. 509. Ita et ἀδροκτασία de pugnis passim Homer. — 13. Postquam Priamus *relictis moenibus*, Achivorū ca-strā ingressus, Achilli supplex factus est. Cf. I. 10. 13 sqq. Signate regis adpellatione usus est poeta, in notanda iniqua ejus condi-tione, ad quam pietas ipsum descendere coegisset, quam eandem

τὸν ἡν̄ reprezentat, quod ad totam sententiam referri debet. — *ad pedes procidit, προπέρασθε ποδῶν Ἀχιλῆς εἰλυθεῖς* Homer. Il. v. 510. — *pervicacis*, cedere nescii, quantumvis duri. Eadem virtute Claudian. XXXIX. 13. *Manibus Hectoreis atrox ignovit Achilles.*

v. 15 — 18. De remigibus s. sociis Ulyssis a Circa in sues aliasque bestias immutatis, ab eademque, Ulysse deprecante, pristinae formae restitutis vid. Odyss. L. X. *membra setosa duris pellibus*, doctius quam, dura h. amicta setosis pellibus, omnino pro, formam suillam exuere. Homer. l. d. v. 393. τὸν δὲ μὲν μελέων τρίχες ἔβρεον, ὃς περὶ ἐφυσε φάρμακον οὐλόμενον, τὸ σφι πέρης τέντια Κίρκη. — 17. *Volente*, annuente Circa Ulyssis precibus *laboriosi*, *ταλασσιφόρος*, perpetuo ejus epitheto; sed alterum quaesite de Circa, tanquam dea. — *tum* pristina ipsis forma redita est. Sed vividior ad animi sensum est per partes facta metamorphoseos istius descriptio, ut II. 20. 9. Atque ita constanter Ovidius. — *Sonus*, vox humana antea *dilapsa* erat, h. evanuerat; jam *relabitur*, dum corpori sese iterum insinuat, ei redditur; pulchre. Hinc facile perspicitur, soni proprium h. l. verbum esse, per auram diditi ac dispersi. — *notus honor*, proprium oris decus, pristina humana facies. Ita *noti vultus* Virg. Aen. I. 684. Cf. I. 2. 10.

Vv. 19 sqq. opponi putandi a poeta Canidiae professioni ac minis c. V. vv. 73 — 82. proditis. Exponit adeo Varus, novissimam incantationem, ad quam ibi accingeretur Canidia, exspectationem suam injectis dirissimis amoris cruciatibus, quibus plane pereundum sibi videat, egregie sustinuisse, seque adeo nimis acerbas jam pervicacis contumaciae suae poenas dare. Sponte intellegitur, vanitati istius artis atque ipsi adeo Canidiae adstructa seu potius adscita hac efficacia ejus miserrime a poeta illudi, hoc que, ne quis ambigat, interjecta honorifica, si Diis placet, Canidiae adpellatio diserte innuit. Urbanissimam contumeliam, quae v. 20. inest, Schol. Cruqu. satis commode ita exposuit: videtur eam laudare, quasi tam pulchra sit, ut mereatur habere tot amatores, sed revera magis illam vituperat. Scilicet, si sententiam urbanitate sua denudes, erit: O propndiosae libidinis mulier, quae vilissimis te prostituis hominibus, quaestus gratia. Noster III. 6. 30. seu vocat institutor, seu nāvis Hispanae magister, decorum pretiosus emitor. — 21. Effectus amoris vehementissimi.

Fugit *juventus*, vigor *juvenilis*, et *color verecundus*, rōseus, floridus, vegetus reliquit corpus meum, macie plane confectum, tabidum. Pro corpore macilento *ivapγ̄as* posuit *ossa pelle amicta lurida* h. cutem rugis obsitam, ipsisque ossibus admotam. Adposite, qua verba ac sensum, Plaut. Captiv. I. 2. 30. *Ego qui tuo maerore maceror, macesco, consenesco, et tabesco miser; ossa atque pellis sum misera macritudine.* Jam Theocr. II. 88. de amore: οὐ μὲν χρώσις μὲν ὁροῦς ἐγίνετο πολλάχι θαψῶ, ἔφρευν δὲ ἐκ κεφαλῆς πᾶσαι τρίχες· αὐτὰ δὲ λοιπά ὅστε ἐτὸς οὐκέτι οὐδὲ δέρμα. Sil. II. 466. *jem lurida sola tecta cute et venis male juncta trementibus ossa exstant, consumtis visu deformia membris.* — 23. Capillus meus albus factus est, incannit tois *odoribus*, φαρμάκοις, veneficiis, incantatione tua; non quod noxiis unguentis, quibus festinatur cani, Canidia Vari caput tinxerit, ut Gesn. hariolabatur, sed quod ex amoris injecti diritate tantum animi aegritudinem contraxisset, ut crines albescerent. — 24 — 26. Continua animi anxietate opprimor. Nullum otium reclinat me a labore, docte et ornate pro, ne tantillum quidem temporis datur, quod vacuum sit, quo reclinare me, requiescere possim, animus relaxetur a labore, cruciata, angore. *Labor, laborare de amoris aestu animum conturbante passim poetae.* Cf. I. 17. 19. — 25. sqq. Dies noctesque urgent sese, h. succedunt sibi invicem (eadem imagine qua IV. 7. 9. *Ver proterit aestas.* Vid. ad II. 18. 15. *truditur dies die*), oriuntur orciduntque, neque tamen est levare cet., datur levamen *praecordiis spiritu suppresso tentis, distentis, h. neque interdiu neque nocte respirare licet, animus vacat aliquantis per anxietatem.* Proprie *praecordia* h. l. posuit: nam ea respiratione levantur s. tolluntur.

v. 27. sqq. Sane effecisti, quod volueras, ecce me vinctum, eo jam adductum, ut credam negatum, quod antea mihi persuadere haud potueram, nimirum *Sabella* cet. artes magicas esse efficacissimas, miser, meo ipsius exemplo eductus, in me ipso eam vim expertus. Varus hactenus negaverat vim istam, quod Canidiae amorem aspernatus esset, leviorem ejus incantationem susque deque habuisse. Pro, carmina magica efficacia esse, duas species posuit, eas *pectus increpare* h. commovere, conturbare, mentem eripere, iisque *caput dissilire*, dissindi, disrumpi; re feste ad hominem translata, quae de anguibus fere a poetis memoratur. Virg. Ecl. VIII. 71. *Frigidus in pratis cantando rumpitus*

*anguis.* Ovid. Am. II. 1. 25. eodem verbo usus: *Carmine dissipant, abruptis faucibus, angues.* Idem Met. VII. 203. *Vipereus rumpo et verbis et carmine fauces.* Male nonnulli de amentia atque insania injecta cogitant. Jam observa divitias poetae in varianda carminis magici notione. *Odores* v. 23. adpellat, ornementum ex adjunctis arrepto, et v. 29. *nueniam*, de quavis carminis formula adhiberi solitam. Similiter Ovid. A. A. 102. *Mixtaque cum magicis naenia Marsa sonis.* Tum a Masis ac Sabiniis illas artes designat, populis istarum exercitio quondam infamibus, ut notissimum. — 30. *Quid ulterius saevis in me, amoris tui flammis perustum ac maceratum, quod quidem veneficiis tuis effectum dare volneras?* Magnam orationis *ένάργειαν*, qua amoris aestum explicuit exaggeravitque poeta, vel hebetior facile adsequatur. Mirae statim festivitatis est paratragoedians exclamatio (*o mare et terra!*), quae, qua mente ista a Varo proferantur, optime aperit. *Ardeo amoris igne, quanto neque Hercules, cruce Nesi delibutus* h. veste Nessi cruce infecta induitus, conflagravit; adposita comparatione, quandoquidem idem ipsum Dejanirae mittendae, exitiosae istius vestis causa fuit, nimirum, ut Herculem ab aliarum seminarum amore avocaret, sibique devinctorem redderet. — *atro, perpetuo veneni epitheto.* — 32. quanta nec Aetnae flamma est. Augendae suaque luce collustrandae imagini adposita sunt *furens*, quod proprium poetis de ignis vehementia (v. Bentl. h. I.) et *fervida*, effervescente, exundante igneis globis (ut *undans Aetna* Virg. Ge. I. 472: ubi vid. Cerdam); ita enim accipiendum h. I., ne vim descriptae rei destituant epitheton. Senec. Hippol. 101. *alitur et crescit malum, et crescit intus, qualis Aetnae vapor exundat antro*, de amore Phaedrae. Jam Catull. LXVIII. 53. *Cum tantum arderem, quantum Trinacia rupes* cet.

v. 33. *sqq.* Sententia satis expedita videtur: Tu, nihil mei miserata, urges opus tuum, non prius desistis a coepita incantatione, quam plane absumptus atque in cinerem redactus fuero; sed prioris commatis enuntiatio confragosa admodum ac dubiae lucis. Forte locum ita expediens: *tu cales venenis, tu nova usque igni magico, quo torreor, alimenta suggestis; ut plane inde calescas, colluceas, officinae instar;* unde eo devenit poeta, ut ipsam Canidiam festiva translatione *officinum* diceret. Ita tamen minus efficax ista videri possit designatione, ideoque Canidiam *calidam* *ven-*

*norum officinam dictam putem, quatenus magicarum rerum adparatum, quo instructissima est, digerit, et usui adhibet, ad Varum excruciantem conversa. Cales adeo ab officinae noticee pendere puta. Excusatior autem metaphorae istius audacia ob adparationem magicam, igne accenso officinas speciem animo objicentem. Illa autem, donec in cinerem redactus sim, ornatissime poetæ. Ferar ventis, a ventis dissipiter, per auram jacter. — injuriosis, protervis, adposito ad rem epitheto Vid. ad I. 26. 2. — 36. quod me manet stipendum, quid tibi a me praestari vis, quid mihi faciundam est, ut placeras, ut cruciatibus exsolvar. Stipendum adeo h. l. est opus, negotium, poenae loco, quo alteri, tanquam victori, satisfrat, injunctum. Ita Eurystheo XII. stipendia Herculem debuisse dicit Justin. II. 4. Translatum adeo est a muleta, victis a victore imponi solita, quae tralatatio loquendi usu, ad quem v. sq. alludit, stipendum adpellatur. Si simpliciter, quamquam docte satis, *stip.* explices, πονήν, ἀντίποινη, mercedem, h. poenam; incommoda per se erit sententia (non enim de poena, quam gravem satis jam perpessus esset Varus, sed de fine ejus hic quaeritur) neque cum seqq. (vv. 38 — 41.) bene concilianda. — 37. poenas jussas, imperatam mulctam exsolvam cum fde, fideliter, ita ut imperatis satisfaciam; omnino pro, ministerium, quocunque mihi injunxeris, curate ac fideliter exsequar. — 38. Expiaturus, redempturus culpam meam vel Hecatombæ adeo, aut carmine, quo tuas virtutes scilicet aeternitati consecrem; utrumque ad Canidiam illudendam mire efficax ac mera amaritudo. Primum enim veneficæ isti deae potentis speciem tribuit, cuius defendendæ averruncandæque iræ victimas caedi necesse sit, in altero mendacii plenum istud carnem futurum mendaci lyra liberrime professus. Lyra sonari, κελαδεῖσθαι, cani, celebrari. — Tu, quod pudicitia ac probitate tua mereris, effereris in coelum laudibus, refereris a me inter sidera; plane ut *Caesaris deus stellis inserere* III. 25. 6. Delecte autem perambulabis, quatenus Canidia, novum sidus Horatii ope facta, per coelum sese cum reliquis movebit, idque cum superbia quadam (hujus enim adjunctam notam habet fere hoc verbum), ob partum istud decus. — aureum χρυσοφαὲς, splendidum.*

v. 42 sqq. Multæ artis est locus, qui sequitur, in Canidia placanda eademque mordacissimis contumeliis proscindenda ad Archilochi exemplum plane elaboratus. Excoecatus fuerat Hime-

raeus ille Iambographus ob Helenam carmine a se traductam (*καρνηγοπίαν* vocat Plato in Phaedr. T. III. p. 243. A.) a Dioscuris, fratribus ejus, ab iisdemque visum recuperarat, Palinodia facta; de qua fabula aecundi Pausan. III. 19. Lucian. T. II. p. 493. Isoer. in Helenae Encom. p. 320. et Conon Narr. XVIII. p. 15. ed. Kann. Proposito igitur ad mitigandam Canidiam aptissimo hoc placabilis Deorum irae exemplum, subtexit statim Palinodium (vv. 46 — 52), Stesichoreae, cūjus, quod reliquum est fragmentum in Argum. c. 16. l. I. laudavimus, simillimam. *Castor cum fratre, Dioseuri magni,* in Deorum numerom relati, communi Deorum ac proprio Dioscurorum indigitamento. Vid. Hemsterh. ad Lucian. T. I. p. 283. — *offensi vice, sorte Helenae,* per Stesichorum vatem *infami factae, irati Archilochi, quod Helenam sororem suam carmine infamasset, ademerunt ei lumina,* visu privarunt eum, eundemque ei reddiderunt, restinerunt, *preces ejus victi ac placati.* Observa doctam brevitatem, qua ista exposuit poeta. Ceterum praeter Palinodium hymnum etiam Stesichorum in Dioscuros fecisse haud absurde ex hoc loco colligas. — 45. Preces hae ad Canidiam fiunt, tanquam Deam, quo facilius placetur, Dioscurorum exemplo adducta; id quod docte declarat formula *potes nam, δύνασαι γὰρ, precibus ad Deos factis interjici solita.* Vid. ad I. 28. 28. — *solve me dementia, μανία, amoris insania, cruciatibus, mentem mihi eripientibus;* quod solenne poetis, in amore graviori. — Preces sequuntur laudes, blande palpantis speciem habentes, sed mordacissimo felle suffusae. *Εἰπονίκως* enim eas accipendas esse, quis non videt? *O quae neo obsoleta foeda inimunda abjecta, es propter paternas sordes, natales sordidos, humiles, quae adeo nobilissimo genere oriunda es.* Adulterio prognatam intelligunt Scholl. vix commode per loquendi usum. *Sordibus obsolescere dixit etiam Cic. Or. pro Sext.* 28. — 47. Nec per artes magicas nefaria perpetratas. Pro hoc specialiter poeta: *haud prudens, gnare docta anus* (satis amare hoc adjectum) *es, dissipare, haud dissipas pulveres, eruis, furaris cineres novendiales, nono, postquam corpus mortuum aut crematum esset, die reconditos, adeoque recentes, vixdum repositos, tepidos adhuc.* Hos enim cum ossibus expetebant sagae, utpote ad praestigias magicas tanto efficaciores, quo tepidiores adhuc ab igne rogi essent. Ovid. Heroid. VI. 90. *Certaque de tepidis colligit ossa rogis.* Lucan. VI. 533. *ardentisque ossa e mediis rapit illa*

*rogis. In sepulcris pauperum impune grassabatur Canidia, nam haec nec custodita, nec muro, ut ditiorum, septa erant. Delecto autem dissipare, de cineribus, qui curiose a propinquis collecti religioseque conditi fuerant, loco motis ac surreptis; in quo atrocissimi facinoris atque sacrilegii adeo notatio est: tum naturam cineris illud verbum depingit, inter eruendum vento commoti ac sparsi.* — 49. *Tibi pectus hospitale, mite, misericors; a tuis veneficiis abest saevitia, crudelitas. manus purae, ἀγναῖ, καθαραῖ, seelerē gravi haud pollutae; tu non surripis pueros, quos lenta fame neces. Vid. carm.* — 50. *Pactumejus tuus venter est, h. tuus partus et filius. Nam hoc nomen Pactumejus est nomen supposititii, quem sibi filium esse dicebat: supra enim (V. 5 sq.) supposititii partus ipsam ream fecit. Venter autem hic pro partu ponitur ita optime Schol. Cruquii, in quo utique adquiescendum censeo. Cf. Bentl.* — *pannos rubros, tintos tuo cruore, non aliunde adperso, quo fraudem scilicet faceres. Facile perspicitur, totius sententiae vim verti in tuo.* — 52. *Utcunque, quo tescunque puerpera facta es. Sed amare ita adornavit sententiam poeta, ut statim adpareat, fraudem fecisse, ac puerperium simulasse Canidiam. Nam fortis e lecto surgit, integris viribus, puerperio haud affecta, quod et ulterius v. exsilio declaratur.*

v. 53. Exquisitae artis est ironia, in ipsam Canidia orationem inventa, qua eam cupide credentem, quae Varus per cavillationem de potentia artis ejus conquestus esset, stolidaque inde ferocem inducendo, turpiter ludos facit poeta. Irrisionis aliquam speciem habet sententia interrogative enuntiata. *quid obs. a. fundis preces? pro, vanae preces tuae sunt. Aures obseratae, clausae* (ut Cic. de Amicit. 92.), *obstructae* (Virg. Aen. IV. 440.) *hominis sunt preces non admittentis, aspernantis supplicem.* — 54. 55. *Saxa non surdiora navitis Neptunus tundit salo, h. non surdiora sunt s. quae Neptunus alto salo tundit, quibus altos fluctus impingit, allidit; augustiore specie pro, quae fluctibus pulsantur, ἀλιτρώς θαλασσίς, seopuli marini; adposito ad rei descriptionem (*nudis navitis*) ornato. Unde et N. *hibernus*, hie mein, *χειμῶν*, h. tempestatem ciens. Omnino pedestris ratio ferrebat: haud magis moveor precibus tuis, quam *saxa marina nudis navitis*, naufragorum ejulatibus. Proverbialis autem maris (veluti Ovid. Met. XIII. 804.) ejusque scopulorum surditas. Vide ad illa L. III. 7. 21. *scopulis surdior Icarī voces audit adhuc integer.**

v. 56 sqq. Plenior oratio erat: egone feram, *ut tu inulius*, impune *riseris*, deluseris, contemseris incantationem meam, qua amorem tuum iterum ad me convertere parabam? Sed incantationem istam fellea amaritudine *sacra Cotyttia*, utpote ad quae-rendos viros, explevdaeque inde furiosae libidinis causa institutam adpellat. *Cotyttus* enim *sacra*, a Thracibus profecta (Strabo X. p. 324.) nocturna erant, atque omni lasciviae et impudicitiae genere infamia. Unde *sacrum* adpellat *Cupidinis liberi*, effrenis, quod adeo omni puatore prostituto libere ac lascive agitatur. Similiter γραίξν Κοτύτταρπιν sagam Theocritus VI. 40. adpellat, conciliandis amoribus inservientem. Vid. Heins. Lectt. Theocr. c. XI. p. 334. et Warton ad istum locum. — *vulgata*, profana-ta, tanquam mysteria, quo utique *Cotyttus* omninoque *Veneris* μαρδίμενον sacra nomine veniunt. Priapi *nocturnas religiones*, *secreta*, ejusque *sacerdotes mystas* vocat Petron. c. 17. — 58. 59. Utque impune *urbem meo nomine impleris*, me traduxeris per ora hominum, urbis fabulam feceris, tanquam tibi hoc de arte magica statuendi datum esset negotii. Pro hoc poeta, *pontifex Esquilini beneficii*, quasi tu pontificatum geras, pontificis partes tibi arrogans in dannando hoc meo sacro. Pontificis enim scitis quum omnia publica privataque *sacra subjecta* essent (Liv. I. 20.), festive admodum atque opportune satis propter *Cotyttia*, peregrina *sacra*, Varus *pontifex* audit, quod nocturna ista *sacra sinistris rumoribus diffamasset*, sicque, ne adsciscerentur, cavis-set. — *Esquilini*, h. magici ab Esquino monte, ubi artis suae instrumenta, idque a pauperum sepulcris, conquirere solebat Canidia. Vide vel Serm. I. 8.

v. 60. Quemnam fructum artis *meae*, a Pelignis sagis ingeniti data mercede mihi traditae, ferrem, si hoc tibi sic abire paterer, nisi ea te ulciscerer, ut ne impune in me illuseris. Ita equidein sententiam h. v. constitui debere existimo. Habet vero amari salis ut plurimum, quod Canidiam ad Pelignas anus confusisse prohibeat, unde artes *magicas*, ut amatores sibi conciliaret, magno pretio addisceret. Alii, ac Bentlejus adeo, Pelignas anus, Saganam et Vejam intelligunt, quarum auxilium in defigendo Vario magno sibi pretio Canidia conciliaverit; parum probabiliter. Pessime autem Torrentius ad Varum refert, hoc sensu: Nihil tibi profuerit, sagas conduxisse, quae te a peste ista liberent; quae eadem fere Lambinus habet. — 61. Docte pro, ac didicis-

se, quomodo venena velocissima paranda sint. Neque tamen magno per refragabor, si quis ad ipsam rem trahere velit, ut sit: ita vero omnem meam perderem operam, in te defigendo collacatam. Solennia autem miscere venena. pocula, de arte magica ac beneficiis. — Opponi fere putant *velocius* et *tardiora*, hoc sensu: noli tamen, quia *velocius* dixi, breve in vita exitum sperare, qui cito te a tormentis eripiat. Vita tibi etiam invito producetur, ut diutius crucieris, uti Bentl. expedit. Sed nti ab interpretatione v. 61. priore loco proposita standum existimo: ita satius arbitror, complexum hunc sententiarum animo informare: Irritae tuae preces sunt, quibus finem cruciatuum quaeris; quos quidem ita intendam ac protraham, ut vitae diurnitatem incusatrus sis, quam tamen, vel invito tibi, unice in hunc finem servabo, ut novis usque doloribus *suppetas*, crucialibus vaces. ut habeam, quem cruciem. Sed igitur apodosin facit prioris membris laborum levamen: sed cert., reliqua autem (vv. 56 — 61.) pro interjectis habenda. Finem adeo miseriarum non sperandum esse, Canidia ex sua comminatione satis acerbe Varo colligerendum dat. Euripideam sententiam (Hippol. 1045.): ταχὺς γὰρ ἀδηνόπετος ἀνδρὶ δυστυχεῖ adcurate nostrum expressisse putabat Valken. ad istum locum. — *in hoc, ss τοῦτο, ideo.*

v. 65. Mortem, aerumnarum finem, exoptabis, sed frustra. Doce hanc sententiam Tantali, Promethei ac Sisyphi, aeternis poenis a Jove alligatorum exemplis designat poeta. Tantalus, Pelopis pater *infidus*, qui, quae sibi a Jove inter epulas concedita erant arcana, eloquutus est (ἢ τοῦ Ταντάλου φλυκφ'α, Lucian. Salt. 53. Eurip. Orest. 9.) *Fides* enim spectatur taciturnitate. Cf. I. 18. extr. et III. 2. 25. — 66. Dapis *benignae*, benigne, copiose adpositae (argutatur Gesn.), semper *egens* in media rerum copia fame misere cruciatus. De supplicii ejus genere, diverse tradito vid. ad II. 13. 37. — 67. Prometheus, *obligatus aliti*, est vel, alligatus, ut aliti obnoxius esset, ut cor ejus ab aquila vel. leretur, vel, implicitus, innexus aliti, quatenus ei semper adest ales, vel denique, horque potius habeo, damnatus, devotus aliti h. poenae s. noxae ab alite preferenda. De re vid. ad II 13. 37. — 68. Quietem in Sisyphi exemplo e natura supplicii ejus declarat poeta. Est adeo pro vulgari, a saxo in montem volvendo aliquando respirare cupit S. — *in monte supremo*, in montis vertice, ne revolvatur. — 70. Sed vetant leges Juvis, cum epica dig.

nitate pro, frustra, fata ipsorum inmutabilia sunt. Platonem inteligit Schol. Cruqu. male.

v. 70 — 73. Ac ne maturare quidem fatum suum poteris, quantumvis voles. Diversa maturandi fati, quae enimerat, genera praeclare anxietatem animi repraesentant, qua Varum ad id compulsum iri Canidia praedicit. — *altis desilire turribus*, praecepit te dare ex altissimis aedibus. — 71. Modo, ense pectus *recludere*, perfodere, ut passim Virgilius. — *Norico ornat*, ut I. 16. 9. — 72. Docte pervertit sententiarum ordinem poeta, ita: at leges suas revocandum: modo vincula g. n. tuo: sed frustra: nam hoc universae sententiae apodus est, ut illa: *sed vet. l. Jovis.* — *nectes vincula gutturi doctius quam*, inectes guttur s. collum vineulis, te suspendere voles. — 73. animi aegritudine *tristis*, oppressus, victus. — *fustidiosa*, vitae taedium adferente, vitae fastidio.

v. 74. 75. Tunc insolentissime me efferam, superbissime tibi misero illudam. Naturalis orationis ordo erat: *terra cedet mihi, suaviter ad oculorum sensum pro, repellam terram* (planeat Ovid. Met. IV. 710. *juvenis pedibus tellare repulsa arduus in nubes abiit*), levabo me, adsiliam in te, et *humeris inimicis h. tuis eques vectabor*, inequitabo, insidebo; extremae haec insolentiae atque contumeliae, quam victor exercet, imago, a Graecis ducta Aeschyl. Ennen. 145. νέος δὲ γραίας δαιμόνας καθιώσω, et 728. ἵπει καθιώσω μὲ πρεσβύτην νέος. Apud Lucian. III. p. 289. similiter meretrix ait: ἐπιβέβηκά σοι, οὐδὲ θυεράντω εἴμι, et in Gnomicis apud Brunk. p. 228. μὴ ἔμβανε δυστυχοῦντι καὶ μὴ γέρε τύχη. Ducta autem ista omnia a ferissimo victorum, victis *insultantium* (ἐπιθρακόντων, λαζὸς ἐπιβάντων), more, Homero, Virgilio, aliis memorato. Pro *mihi* quam quaesite poeta: *meae insolentiae*. Ceterum ignoratus tuu *terra cedet* significatus poeticus omnes fere interpres in errorem impegit, adeo quidem, ut Canidiae totum terrarum orbem subjecerent. Inepta quoque Schol. Cruqu.: *terra in hac vindicta non capiet meum gaudium*.

v. 76. *sqq.* Impeditissimus exitus. Sententia esse videtur: An artem meam in te solo vanam, nihil contra te valere conquerar, qua multo majora effecerim; pro an existimas mihi plorandum esse ob artem meam in te inefficacem, an dubitas me ista efficer posse, quam multo majora felicissimo cum successu adgressam ipso metu videris? Demta adeo interrogatione, adfectui loquentis


adcomniodata, erit: atque istud artis meae documentum me int̄ statuere posse tute met ipse fateberis, mihi largieris, ut quae longe potentiora, inspectante te, patraverim. Jungendum adeo, an plorem, plorandi, dolendi causam habeam artis, (graeca compage, seu potius ellipsi τοῦ ἵνεα in verbis affectuuni usitata) nil ξαρ' οὐδὲν, nullum exitum in te habentis, quod arte mea in te destituar, quod ars in te inefficax futura sit. Jam illud „longe magjora“ quo vividius ad animum accideret, solennibus teratologiis magicis explicuit poeta. — 76. Cerearum imaginum in re magica usus vel e Theocr. II. 28. et Virg. Ecl. II. 80. notus. Representabant ita sagae absentem, quem incantarent, ut effectus incantationis suae, mutato vultu effigie ejus et colore proditos, observarent ac dignoscerent. Atque hanc sagarum potestatem *imagines* quantumvis cereas movendi h. efficiendi, ut animi motus, quos in absente artibus magicis crient, in cerea ejus effigie adparant, a poeta h. l. designari putandum. Male h. l. tractat Cerdia ad Virg. Ecl. 8. 75. — 78. Ut ipse nosti curiosus, vel quod Canidia hoc artis suae experimentum ei dedisset, vel quod intervenisset Canidiamque ista operantem oppressisset; quod verius arbitror. Respici aiunt I. Serm. 8. quod vix putem. — 78. polo de ripere Lunam ut V. 46. — vocibus, formulis meis magicis. — 79. Excitare, in vitam revocare mortuos vel crematos, in cinerem redactos, atque in urna compositos; cum vi adjectum. De re Stat. Theb. IV. 507. ubi Colchis s. saga attollere bustis corpora, et plenas antiquis ossibus urnas egerere perhibetur. — 80. Poculum desiderii, φιλτρον, temperare, miscere, parare, gravissimum amorem injicere, homines in amoris insaniam vertere. Cf. V. 38.



# CARMEN SECULARE.

II. Band.

P p



Phoebe, silvarumque potens Diana;  
Lucidum coeli decus, o colendi  
Semper et culti, date, quae precamur  
Tempore sacro:

Quo Sibyllini monuere versus; 5  
Virgines lecas, puerosque castos,  
Dis, quibus septem placuere colles;  
Dicere carmen:

Alme Sol, curru nitido diem qui  
Promis et celas, aliasque et idem  
Nasceris; possis nihil urbe Romæ  
Visere majus:

Rite maturos aperiire partus  
Lenis Ilithyia, tuere matres:  
Sive tu Lucina probas vocari,  
Seu Genitalis.

Diva, producas subolem, Patrumque  
Prosperes decreta super jugandis  
Feminis, prolisque novae feraci  
Lege marita.

Certus undenos decies per annos  
Orbis ut cantus referatque ludos;  
Ter die claro, totiensque grata  
Nocte frequentes.

5

10

15

20

Vosque, veraces cecinisse, Parcae,  
Quod semel dictum est, stabilisque rerum  
Terminus servat, bona jam peractis  
Jungite fata.

25

Fertilis frugum pecorisque Tellus  
Spicea donet Cererem corona:  
Nutriant fetus et aquae, salubres  
Et Iovis aurae.

30

Condito mitis placidusque telo  
Suplices audi pueros, Apollo:  
Siderum regina bicornis, audi,  
Luna, puellas.

35

Roma si vestrum est opus, Iliaeque  
Litus Etruscum tenuere turmae,  
Jussa pars mutare Lares et urbem  
Sospite cursu:

40

Cui per ardentem sine fraude Trojam  
Castus Aeneas patriae superstes  
Liberum munivit iter, datus  
Plura relictis:

Dī, probos mores docili juventae,  
Dī, senectuti placidae quietem,  
Romulae genti date remque prolemque  
Et decus omne.

45

Quique vos hubus veneratur albis,  
Clarus Anchisae Venerisque sanguis,  
Imperet, bellante prior, jacentem  
Lenis in hostem.

50

Jam mari terraque manus potentes  
Medus, Albanasque timet secures:  
Iam Scythae responsa petunt, superbi  
Nuper, et Indi. 55

Jam Fides, et Pax, et Honor, Pudorque  
Priscus, et neglecta redire Virtus  
Audet: adparetque beata pleno  
Copia cornu. 68

Augur, et fulgente decorus arcu  
Phoebus, acceptusque novem Camenis,  
Qui salutari levat arte fessos  
Corporis artus,

Si Palatinas videt aequus arces,  
Remque Romanam, Latiumque felix,  
Alterum in lustrum, meliusque semper  
Proroget aevum. 65

Quaeque Aventinum tenet Algidumque,  
Quindecim Diana preces virorum  
Curet, et votis puerorum amicas  
Adplicet aures. 70

Haec Jovem sentire, Deosque cunctos,  
Spem bonam certamque domum reporto,  
Doctus et Phoebi chorus et Diana<sup>e</sup>  
Dicere laudes. 75



CARMEN SECULARE  
PRO  
INCOLUMITATE IMPERII.

---

*ARGUMENTUM.*

Quum libri Sibyllini praeter ceteras dierum secularium solennitates Hymnum in Apollinem et Dianam, ad quos ii potissimum spectarent, a choro puerorum ac virginum canendum praeciperent, Horatio honorificissimum hoc munus ab Augusto, qui a. U. DCCXXXVII. adparatius eas adornandi cepisset consilium, demandatum fuisse, diserte in vita Nostri tradit <sup>1)</sup> Suetonius. Hocque carmen, quod bona fortuna nobis servavit, ipsum illud insigne Romanae pietatis monumentum esse cum res ipsa prudenti abunde fidem facit, tum locupleti Censorini (de die nat. c. XVII.), particulam ex eo, tanquam seculari carmine, laudantis, testimonio com-

<sup>1)</sup> In Vita Horatii §. 10. Scripta ejus Augustus usque adeo probavit, mansuraque perpetuo opinatus est, ut non modo seculare carmen componendum injunxerit, sed et Vindelicam victoriani cet.

*probatur. Cujus insignis praestantia et si multa alia<sup>2)</sup> ejusdem generis, quae nobis fatum invidit, minus desiderari patiatur; ipsorum tamen jactura praeter comparationis, qua carendum nobis est, jucunditatem vel ideo gravis ac molesta nobis accidit, quod aliquantum inde lucis in Nostrum transfundere, rectius saltem de tractationis inventionisque laude judicium ferre licuisset. Bene tamen actum, quod ii ipsi librorum Sibyllinorum versus, qui instituendorum Secularium dierum normam praescribunt, evulgati ad nos transmissi sunt, quorum adeundorum solis Quindecimviris apud Romanos potestas esset. Ad hos quum se totum in scribendo carmine Seculari componere deberet, et vere, ut res docet, composuerit Horatius; maximo sane nos ad penitus intelligendam ejus indolem beatos esse adjumento, in promptu est perspicere. Quum igitur ii pro fundamento interpretationis haberi debeant, in gratiam lectorum integros eos subjungam, ubi paucula quaedam generaliora, quae quidem pro fundo omnis disputationis hac de re habenda esse putem, ne plane ἀτυμβόλως discessisse arguar, praemissero: nam singula momenta persequi neque otii mei est, neque vero hujus loci esse arbitror, tum ab<sup>3)</sup> aliis id jam copiose factum est.*

<sup>2)</sup> Utinam saltem Livii poetae carmen in Junonem reginam et ipsum a ter novenis virginibus solenni pompa decantatum, historiae suae intexere haul gravatus fuisset Livius (XXVII. 37.)! sed omisit illud, illa tempestate forsitan laudabile rudibus ingenii, ideo, quod nunc abhorrens et inconditum esset, si referretur.

<sup>3)</sup> Qui plenius rem cognoscere volent, adeant, praeter Zosim. II. 5. et Phleg. Trall. c. IV. Politian. Cent. I. c. 58. Alex.

*Omnino si, quae de sacrorum secularium primordiis 4) traduntur, curatus expendas, ab iisdem ea, unde omnis fere processit religio ac Deorum cultus, profecta esse causis haud temere colligas ex iis, quae, utcumque diversa, ultima Romana de iis prodit antiquitas. Sacra enim ista initio fuisse 5) ἀπευτικα, h. averruncandae Deorum irae vel prodigiis nuntiatae vel immissis calamitatibus explicitae instituta, cum narrationis cuiusque ostendit ingenium, tum e Deorum, quibus ista fierent, attributa natura ac indole multo manifestius adparet. Quum enim omnes Ditem Patrem ac Proserpinam, penes quos mortis esset arbitrium, iis propitiatos ferant, haud obscura ratio est, cur horum potissimum pacem solennibus ritibus antiquitus populus Romanus, in gravioris clavis periculo constitutus, vel peste vel quacumque lue mortifera attritus exoratam voluerit. Mox, quum superstitione hac procuratione periculum vel luis diritas levata videretur, mirandum non est, ad eamdem iterum prioris mali metu contac-*

*ab Alexandro Gen. D. V. 26. VI. 19. Onuphr. Panrin. de Ludis secul. (in Graevii Thes. Ant. IX p. 1067.) Pet. Tassin. de veterum Romanorum anno et ludis secul. (Thes. Ant. VIII. 474.) Io. Alph. Turretin. de ludis secul. Gen. 1071. Chr. Fr. Aymann de ludis Rom. secul. Vitemb. 1717. et Jo. M. Gesner de annis ludisque sec. Vinat. 1717.*  
*— E nummis eam illustrarunt Spanhem. de Pr. Num. II. p. 123 sqq. Turretin. I. I. III. et IV. Flor. de Bruin de Eawspe-  
 len der oude Romeinen. Rainssant super XII. num. lud.  
 secularium, Brix 1687. Gesner de opinatis secularium lud.  
 notis in nummis Roni. gentium. 1745. et alii.*

<sup>4)</sup> Cf. Zosim. II. init. Valer. Max. II. 4. 6. Varro apud Censorin. I. I. et Fest. Pompei. apud Fulv. Ursin. p.

<sup>5)</sup> Diserte Zosim. I. I. συντελεῖ δὲ (ἢ ἐορτὴ) πρὸς λοιπῶν, τὸ φε-  
 ρῶν, τὸ νέσσων ἀκέσεις.

*tos confugisse animos, repetitosque fuisse istos ritus, quotiescumque vel ejusdem vel similis mali timor ingrueret. Nec raro accidisse credibile est, ut sacra ista plus semel anno, urgente necessitate instaurarentur, interdum per longius tempus intermitterentur, donec tandem imminentis alicujus mali magnitudo animos hominum acueret, majoremque Deorum curam injiceret, adeo quidem, ut ista certis temporis intervallis repetenda voverentur. Atque ita tandem factum esse suspicor, ut sacra ista, ad certas hominum yvae adstricta ac revocata, secularium inde nomine insignirentur. Haec si animo teneas, judicatu haud difficile est, cur in temporum, quibus priora sacra secularia peracta fuerint, constitutis rationibus scriptores adeo inter se dissideant, et quam vana omnis sit 6) VV. DD. de iis conciliandis instituta disceptatio, in tantis maxime tenebris, quibus priora reip. Romanae secula involuta sunt.*

*Jam, quae a tenuibus admodum initiiis profecta essent sacra, aliam paullatim, eamdemque auctis in primis Romanorum opibus, luxuque glacente laetiorem accepere faciem, adcommodatis ad genium seculi priscis ritibus, adscitisque novis, veluti solennis pompe ad aras Deorum ducendae, carminis a cho-ro virginum et puerorum ibidem decantandi, edendorum ludorum scencorum cet. hocque*

6) Praeter auctores superius laudatos in temporum rationibus excutientis desudarunt Scalig. de Emend. Temp., L. II. p. 246 sqq. Petavius de D. T. II. 75. Voss. ad Catull. c. XXXIV. p. 81. et P. Th. Vinc. Moniglia, qui diss. suae de utriusque Philippi Augusti religione (Rom. 1741.) tabulam chronol. ludorum secularium adjecit.

ideo fieri necesse erat, quod, posteaquam statis temporum intervallis celebrari coepissent, preces non tantam pro averiendis malis, sed etiam pro largiendis, quae rei Romanae sanitaria essent, bonis et commodis fundebantur, istaque adeo sacra ad omnes, quos rerum suarum custodes Romani venerarentur, Deos πατρώους ac πολιούχους transferebantur. Hactenus tamen eorumdem originis habita fuit ratio, quod illorum Deorum praecipua in iis manebat religio ac cura, qui malorum physicorum, maxime pestilentiae agrorumque sterilitatis ἀποτρόπαιoi itemque ubertatis ac sanitatis auctores et conservatores haberentur. Quorum causas quum a sole ac luna paullo subtilior rerum physicarum cognitio arcessendas esse doceret, imminuto antiquo Ditis ac Proserpinæ honore, Apollini et Dianaë primas in iis dare partes, admodum consentaneum erat.

Uti autem omnes antiquiores populi in constituendis ritibus ac caerimoniis ad placandos Deos institutis, vatum, qui commercia cum Diis jactarent, monitus sequebantur, ita nec Romanis defuere oracula, quae prodigiis territi aut graviore calamitate adflicti, consulerent, et quorum praecepta sanctissime observarent, a fatidicis mulieribus, Sibyllarum nomine insignitis; ut antiqua fama ferebat, accepta, paullatimque, quum rudorem ferocioremque populum superstitionis frenis atque habenis alligatum facillime regi ac electi posse intelligerent, in quamdam disciplinae formam redacta sancteque 7) cu-

7) Inspiciundis libris Sibyllinis primum Duumviri dati, tam Decemviri instituti a. U. CCCLXXXVII. postea XV viris,

stodita. Quae oracula quum agendorum ludorum secularium normam, ab Augusto, qui hos pro rei Romanae in summum a se fastigium erectae dignitate ac maiestate celebrandos statuisset, haud dubie refictam, diserte exponant, eademque prima carminis nostri Secularis stamina contineant, quo rectius de poetae arte in detexendo eo fiat judicium, utque rerum, quae in eo vel leviter stricta, vel uberior exposita sunt, illustratio inde peti possit, emendatoria hic subjicere placuit:

Ἄλλος ὁπότεν μήκιστος ἵκη χρόνος ἀνθρώποισι Ζωῆς, εἰς ἑτέων ἔκατὸν δέκα κύκλου ὁδεύων,  
Μέμνηστος ὡς Ρομαῖος, οὐ μάλα λίγεσσι αὐτὸς  
Μεμνῆσθαι τὰδε πάντα Θεοῖσι μὲν ἀναγάτοισι

penes quos omnino sacrorum faciundorum cura erat, custodia eorum tradita; res nota. Vid Tiraqu ad Alex. ab Alex. III. 16. ἔκατὸν δέκα κύκλου ὁδεύων) Tassin. substituit ἔκατον n. s. Galbaeus autem Diss. de Orac. Sibyll. I. 6. corr. ἔκατοντάδα. Ita quoque legendum conj. Salmas. Exercit. Plin. T. I. p. 54., profertque e Phlegonte Oraculum, in quo Sibyllam mortuam ἐν δεκάτῃ γενεᾷ dicitur, cui subjicit Phlegon, διὰ τούτου τοῦ χρησμοῦ ἀποδείκνυται δέκα γενεᾶς αὐτὴν κατ' ανθρώπους γεγονέντα. Si igitur γενεὰ est CX. annorum, MC. annos vixisset Sibylla. Sed Phlegon sibi constabit, si Sibyllam initio γενεᾶς X. mortuam dicas. In nostro autem oraculo ἔκατὸν δέκα recte habere, et Horatii et Censorini XVII. 14. inde ducti numeri ostendunt, a Quindecimviris ita forte reficti, Augusti jussu.

Μέμνηστος ὡς Ρομαῖος, οὐ μάλα λίγεσσι αὐτὸς) Mira in hoc versu diversitas. Politianus antiquissimus et optimae notae liber: οὐ μάλα λίγεσσι αὐτοῦ. Vulg. οὐ μάλα λίγεσσι εἰστοῦ, pro quo Steph. conj. εἰστοῦ. Phleg. c. IV. habet εἰστοῦ. Nos prius μεμνῆσθαι, quod omnes libros obdidet, in μέμνηστος οὐ mutavimus, et αὐτὸς rescripsimus, ut aliquam orationi conciliaremus concinnitatem. Ceterum eadem περιττολογίᾳ Catull. LXIV.

Ρέζειν ἐν Πεδίῳ παρὰ Θύμβριδος ἀπλετον ὕδωρ,  
Οππῇ στεινότατον, Νῦξ ἡνίκα γαῖαν ἐπέλθῃ,  
Ἡδίου κρύψαντος ἐὸν φάσι· ἔνδαι σὲ ρέζειν  
Ιερὰ παντογόνοις Μοίραις ἄρνας τε καὶ αἴγας  
Κυανέας, ἐπὶ ταῖς δὲ Εἰλειθυίας ἀρέσασθαι  
Παιδοτόκους θυέεσσιν, ὅπῃ θέμις. Αὖθι δὲ Γαῖη

231. 2. *Tum vero facito, ut memori tibi condita corde haec vigeant inanda, neque ullā oblitteret aetas.*

Ωῶς στεινότατον) Ubi angustissimi sunt, ubi non leniter decurrent fluvii, sed omnium rapidissime feruntur. Quum igitur Valer. Max. II. 4. 6. et Zosimi. II. init. Terentum ita designent, ut lenissimum ibi aquarum decursum esse dicant, malui τὴν στεινότητα ad tenuitatem, ut ita dicam, et paucitatem aquarum, quam ad riparom augustias referre. Turretinus (de ludis saec. p. 30.) probat, ἣντὶ στεινότατον, ἀριστη, νοξ brevior tenebris terras, ubi texerit atris, indeque efficeret vult, circa aestivum solstitium actos esse ludos. Sed neque τοῦ ἣντη quis haic sit locus intelligo, neque qui versus in capite tempore uno desiciens fulciri queat. Idem de ἣντη aliorum sentio. Haec Gesn. Sane ἣντη feliciter conj. Steph. pro eo quod vulgabatur; ἣντη, obvia corruptelae causa, ultima scilicet τοῦ ὕδωρ ad seq. vocabulum traducta. Steph. conjecturam plane firmant Phleg. Trall. libri. Ex ἣντη Leunclav. exclusit ἣντη στεινότατη. Sed de στεινότατον adhuc labores. Quid? si legatur, ὥντη λειότατον, ubi plana adeoque placida aqua defluit.

Μοίραις (Μοίραις) Vitoose vulg. et Phleg. Trall. παντογόνοις, quod a nupero Zosimi editore servatum miretis. παντογόνοις dictie Parcae, tanquam Lucinae πάρεδροι; res nota. Vid. Spanhem. ad Gallini. H. Dian. 22.

Κυανέας) Phleg. Tr. ita cum seqq. jungit: Κυανέας δὲ εἴτι ταῖς δὲ Ε. Sed nemo facile Ilithyias, Junonis filias (Hom. II. λ. 270. Etym. M. Εἰλειθυία, Θεαὶ τῶν τικτουσῶν ἔφοροι, Διὸς γὰρ Ἡρας θυγατέρες) κυανέας dixerit. Contra capras nigras Παρεῖς, Deabus inferis, immolari juberi quis miretnr. Mox v. 10. παιδοτόκοις, ridicula aberratione P. — ὥντη θέμις, τίτη.

Πληθομένη χοῖρός τε ἡ ὥς ιεροῖτο μέλαινα.  
Ζάλευκοι ταῦροι δὲ Διὸς παρὰ βωμὸν ἀγέσθω  
Ἡματί, μηδέ τε νυκτί. Θεοῖσι γὰρ οὐρανίοισι  
Ἡμέριος πέλεται θυέων τρόπος. ὡς δὲ ἡ αὐτοῖς  
Ιρεύειν δαμάλης δὲ βοὸς δέμας ἀγλαὸν Ἡρης  
Δεξαῖσθω νηὸς παρὰ σεῦ. Καὶ Φοῖβος Ἀπόλλων,  
Οἱ τε ἡ Ήλιος κικλήσκεται, ἵσα δεδέχθω  
Θύματα Λητοΐδης ἡ ἀειδόμενοί τε Λατῖνοι  
Παιᾶνες κούροις κούρητί τε νηὸν ἔχοιεν,  
Ἄθανάτων. χωρὶς δὲ κόραι χορὸν αὐταῖς ἔχοιεν,

Πληθομένη χοῖρός τε ἡ ὥς) Mira lectionis depravatio in Phleg.  
Tr. libris: Πληθογένη χωροῖς ὅis iερεύοιτο μέλαινα, quae sal-  
tem, ut versus stet, ita resilingenda sunt: Πληθογένει (seu po-  
tius πληθομένῃ) χωροῖσιν ὅis iεροῖτο μέλαινα. Terra adeo πλῆθ.  
χωροῖς esset εὐρύχυρος, ἀπειρων neque ὅis μέλαινα ab ejus sa-  
crist aliena putanda. Homer. Il. γ. 103. Οἴστετε δ' ἄρν' ἔτερον  
λευκὸν, ἑτέρην δὲ μέλαιναν, Γῇ τε ἡ Ήλιος. Praestare tamen  
arbitror, quod vulgatur, Γαιη πληθομένη, h. omnium rerum  
copiam gignenti ac suppeditanti persona cum re significata  
permixta.

Ζάλευκοι — — μηδέ τε νυκτί) Πάνλευκοι Phleg. Tr. Idem μηδέ  
τε νυκτί. Reliqui: μηδ' ἐπὶ νυκτί.

ὡς δὲ ἡ αὐτοῖς cet.) Ita utique interpungendus hic locus. Sen-  
sus est: Sane ita sacra curare consentaneum est (omisso  
χρὴ, Σέμις ἔστι). Bovem autem juvencam (Δαμάλης βοὸς δέ-  
μας pro, δαμάλη βοῦς ut corpora magna bouη Virg. Ge. III.  
369. Aen. XI. 197.) accipiat Junonis aedes, Junoni immole-  
tur. Pessime ubique editetur atque interpungitur: ὡς δὲ ἡ αὐ-  
τῶς ipseūst δαμάλεις τε. βοὸς δέμας cet.

ὧς δεδέχθω θύματα) αἰσια δέχθω Phleg. Tr. minus commode,  
ac refragante Nostri v. 49. Quique vos bubus veneratur  
albis.

ἡ αειδόμενοί τε Λ. Παιᾶνες κ.) Ita correxi duce Pleg. Tr. et  
Politiani libro. Vulgo ἡ omittunt, metri pernicie, et Παιᾶνες.  
Sensus: Paeanes Latini a pueris puellisque cantati templum  
compleant, iit templum resonet; noto τοῦ ἔχειν et ἔχεσθαι.  
neu. Ceterum quamvis ἔχοιεν statim recurrat, Heyn. in Zosim.

Καὶ χωρίς παιδῶν ἄρσην στάχυς, ἀλλὰ γονήια.  
 Πάντων ζωόντων, τοῖς ἀμφιταλήσι ἔτι φύτλι.  
 Αἱ δὲ γάμου ζεύγλαιστι δεδημηναι ἥματι κείνων  
 Γνῦξ<sup>9</sup> Ήμεις παρὰ βωμὸν ἀοιδίμον ἐδριόωσαι  
 Διώμογα λιστέοθωσαν. Ἀπασι δὲ λύματα δοῦναι  
 Ἀνδράσιν ἥδε γυναιξὶ, μάλιστα δὲ θηλυτέρησι.  
 Πάντες δὲ εἴς οἶκοι φερέσθων, ὅσσα κομίζειν  
 Ἐστὶ θέμις θητοῖσιν, ἀπαρχομενοὶς βιότυιο,  
 Δικίμοσι μειδιχίοισιν ιλάσματα, καὶ μακάρεσσιν  
 Οὐρανίδαις τὰ δὲ πάντα τεθηταυρισμένα κείσθω,  
 "Οφρα τελῆ θυμέλησι, καὶ ἀνδράσιν ἐδριόωσιν  
 "Ἐνθεν πορτύνης μεμνημένος. Ήμασι δὲ ἔστω

Reitem. p. 633. secundo loco corr. ἁγοιεν, solenni hac de re verbo. Sed in hoc carmine talia forte non ad vivum resecanda. Mox v. 21. poeticam vocem στάχυς a Gesn. in στίχος mutatam nollein.

ἀπασι δὲ λύματα δοῦναι) Ita omnes libri, quos deseruit Sylb. substituendo: θελήματα, quae quisque precatur, indocte ac parum græce. De his piaminiibus ipse Zosim. II. 5. 2: πρὸ ήμερῶν ὀλίγων τοῦ τὴν θεωρίαν ἀκτηγῆται, ἐν τῷ Καπετωλῷ καὶ ἐν τῷ ιερῷ τῷ κατὰ τὸ Παλάτιον, οἱ δεκαπέρτε άνδρες ἐπὶ βίματες καθήμενοι τῷ δήμῳ διαιτήμοντι τὰ καθάρεια. Ταῦτα δὲ ἐστὶ δάδεις, καὶ θεῖον καὶ ασφαλτον. Antiquissimum hand dubie hoc institutum fuit Iulis arcendae corrigendaeque causa.

ἀπαρχομένοις βίτοις) Gesn. describere gestiehat: ἀπερχομένοις βίτοι, hoc sensu: ferant, quae ferre fas est mortalibus, qui, postquam e vita excessere, inter daemonas relati sunt: Sed de ἀπαρχαῖς Diis offerendis, capiendum.

τεθηταυρισμένα κείσθω ) κείσθαι Phleg. Tr. non omnino male; nam et infinitivos amat Sibylla, omissio χρή.

"Οφρα τελῆ θυμέλησι) Recepit hanc Phleg. Tr. lectionem, suffragante Gesn., qui ita ad hunc locum: Placuit hanc lectio nem praferre alteri, ὅφρα τε θηλυτέρησι, tum quod paullo est obscurior, quae causa mutationis esse potuit; tum quod plenius indicat, quem in usum congerenda esset illa, de qua sermo est, copia. Confirmat me in hac opinione Zosimus, qui artificibus ludorum et spectaculorum donaria ex frugum

Νυξὶ τὸ ἐπιστευτέρησι θεοστέπτους παρὰ Θάκους  
Παμπληνῆς ἄγυρις σπουδὴ δὲ γέλωτι μεμίχθω.

Ταῦτά τοι ἐν φρεστὶ σῆσιν ἔει μεμνημένος εἶναι.  
Καὶ τοι πᾶσα χρᾶντι Ιταλὶ καὶ πᾶσα Δατίνη  
Αἰεὶ ύπὸ σκήπτροσιν ὑπαυχένιον ζυγόν ἔξει.

*Quum Sibyllinis his versibus leges quasi  
quaedam dictae essent, quae poetae, carmini  
Seculari pangendo admoto, intentoque semi-  
per sequendarae essent; magnae utique artis  
erat atque ingenii, iis ita satisfacere, ut ne  
vinculis constrictus et inordinem coactus vi-  
deretur, simulque carmen exiret, quod nec  
Phoebo, cui dicendum esset, h. dierum isto-  
rum solennitate, neque muneris, quod tuendum  
ornandumque suscepisset, gravitate indignum  
esset. Quibus quidem si Horatium insigni hoc  
atque unico sui generis ex Romana antiquita-  
te monumento abunde satis fecisse dicam. ne-  
minem, qui adversus me contendat fore ar-  
bitror rei intelligentem. Non illa artis Mu-  
sicæ emblemata dico, quamquam ipsa haud*

primitiis data sit. Verba adscribam (II. 5. 9.): Σεωρίᾳ τῇ  
Ιεροπρεστῖς ἀγονται. Κομίζονται, δὲ οἱ ταῦτα ποιοῦντες μισθῶν τὰς  
ἄπαρχας τῶν εργῶν, σιτου, καὶ χριθῆς καὶ χυάμων. Et vel ideo  
distribuebantur populo ab Imp. per XV viros fruges, ut eas  
deinde scenicis artificibus ferrent. Haec ille. Male tamen  
habet hoc, quod ἄνδρες simpliciter illi artifices audiant;  
quamquam alterius lectionis multo molestior sensus. Quid  
enim? Conferre unumquemque jubet Sibylla, quae habeat,  
ut scilicet inter ipsosmet iterum distribuantur.

Θεοστέπτους παρὰ Θάκους) h. pulvinaria, Deorum simulacris  
ornata. Ita quidem e conj. Sylb. reposui. Angeli Politiani  
liber cum aliis habet Θεοστέπτους unde Gesn. conj. Θεοστέ-  
πτους, Phleg. Tr. Θεωροπότος, folioli aberratione.

vulgaria atque illustria: nam talia vel ari-  
dioris poetae vena inspergat; sed illam ora-  
tionis gravitatem ac dignitatem, illum sa-  
cram majestatisque plenum carminis incessum  
dico, ad prisorum hymnorum χλυτικῶν atque  
εὐχτικῶν formam, ad quam quidem versus Si-  
byllini quasi manu ducebant, plane descrip-  
tum. Neque enim copiosus exundat, aut nubes  
captat poeta, sed aequabiliter decurrens satis  
habet pios ac religiosos sensus eloqui, ani-  
mumque ad eosdem perducere. Laudes autem  
Apollini et Dianaee ita dicit, ut diversas ac  
multiplices eorum virtutes ac potestates va-  
riis ipsorum adpellationibus indigitet; in qua  
ipsa tamen πολυωνυμίᾳ sunimus delectus adpa-  
ret, laudatis ampleque exornatis iis potissi-  
num virtutibus, quae rei Romanae statum  
integrum florentemque praestarent, ceteris  
transmissis, vel verbo tantum indicatis. Ad  
artem autem poetae quod attinet, maximam  
sane, et in summa operis et in singulis parti-  
bus ab eo adhibitam quisque vel minus sag-  
cior facile deprehendat. Primum, quod ipsa  
Sibylla jubebat, carmen ad chori plane<sup>8)</sup> le-  
ges; adsirinxit; quae ratio, lyriceae poesi ad-

8) ἀσπερτα ἐπισπερματικά, h. hymnos in solennibus sacrificiis a choro decantandos Graecis perquam usitatos, et προσῳδιῶν nomine insignitos fuisse ex Proclo apud Phot. p. 523. satis constat. Neque minus explorata res est, chori duas partes fuisse, ita ut nunc haec, nunc illa caneret (unde ἀντηχέει, ve-  
luti Eurip. Ale. 423.), nunc utraque voces jungeret, hocque ipsum in hoc carmine seculari obtinuisse haud obscure collig-  
gas e Sibyllae praecepto, chorum puerorum a virginibus sejun-  
gentis (adde C. S. v. 34.); sed quaenam C. Secularis inde  
distributio facienda sit, nunc temere quaeri arbitror. Pericu-  
la tamen secere Sanad. Jones, Anchersen, alii; partim proba-  
bilis, partim satis futile.

commoda prorsus ac fere propria, dici vix potest quam angustam speciem quantumque vigoris ac sanguinis carmini adfuderit. Tum singulare artificium in eo prodidit, quod, quum carmen ad Apollinem et Dianam maxime referendum esset, tertio quippe ludorum die in Apollinis Palatini aede canendum, hos quidem potiori loco habebat, ceteros tamen Deos, ut secularis hymni adpellatione dignum hoc carmen evaderet, veluti aliud agens, scite intexebat. Denique, quae maxima ejus virtus est, hellicas ac togatas Augusti laudes tam artificiose immiscuit, ut iis non tam locum quaesivisse quam ducente ipsorum tractandorum ordine ad eas delatus videri debeat. Quae quidem omnia si recte expendantur, in pretiosissimis utique totius antiquitatis divinae hoc artis carmen habendum esse monumentis, Horatiumque, ut Romuleae apotheosis formula concludam, immortali hoc edito opere summum vatem dici haberique fas esse, labens volensque quisque largietur.

### Annotationes.

v. 1 — 8. Exorditur carmen poeta solenni antiquissimorum hymnorum formula: *κλύτε μου εὐχορένον* in exitu fere repeti solita. — Diana silvarum potens, graeca structura, Nostro familiari (v. c. I. 3. 1. I. 6. 10. III. 25. 14.) et docte pro, cui silvae sacrae sunt. Vid. ad I. 21. 5. *Nemorum potentes Silvanos* inde dixit Lucan. III. 402. — 2. *Lucidum coeli decus*, qui inter sidera exsplendescis, *ἔξοχε ἀστρῶν* (Bion. XI. 3), *ἀστρῶν ἄγαλμα*. Eadem Diana attributa cumulavit Virg. Aen IX. 405. *Astrorum decus et nemorum, Latonia, custos*. Infra eadem v. 35. *siderum regina bicornis* audit. Bacchum inde ob *vultum sidereum* (Senec. Oedip. 409.) s. perpetuam juventutem *lucidum coeli decus* indigi-

II. Band.

Q q

tavit Senee. Oedip. 404. Ceterum ad utrumque, Phoebum et Diana, verba ista ab Intpp. referri videoas, Virgilii (Ge. I. 5.) *clarissima mundi lumina Solem et Lunam* itidem dicta comparantibus; sed haec ratio et contortior est, et poetam in ordinem cogit, quem suo jure uti licebat. — *O colendi semper et culti, quos semper maxima religione prosequuti sumus;* inest Deorum ἵχωριν, ταρπάνον notio. Forte etiam allusit poeta ad veterum mortem, ex Iliide satis notum, Deos per sacra ipsis facta in precatiōnibus obtestantium, et certiorem inde precum suarum eventūm sperantim: Unde eth. l. statim subjicitur: *date quae precamur,* εἰ οὐμᾶς ὁρῶς ἐσεβήσαμεν, τόδε χρεόντας' εἴλθαπ. — 4. *Tempore sacro, quo Sibyllini eet.*, stato ludorum secularium die, carmine, quod a XXVII. virginibus totidemque pueris canatur, e praescripto librorum Sibyllinorum, celebrando. — 5. *Sibyllinos* hac de re versus vide in Argum. laudatos. — *monuere, praecepere;* v. propinum oraculotum ac vatuum. Vid. Broukh. ad Tib. I. 7. 56. — 6. Chorum virginum ac puerorum *lectum* (nam utrisque hoc accommodandum epitheton,) praescribebant libri Sibyllini, h. qui ex ingenuis constaret, idque ex confarreatione susceptis, et qui αὐτιθαλεῖς essent, h. patrini ac matrimi. Etiam numerum ternovenum ejusque sexus τὰ lectas designari putandum. — *castos* quoque ad utrosque pertinet, ut in Catulliano Hymno (XXXIV. 3. 4.); *Dianam pueri integri, puellaeque canamus.* Spectat autem ad teneram aetatem epitheton, castam s. integrum adhuc h. necdum sceleris quopiam contaminata, Diisque ideo acceptissimani: Conf. Nostri Epp. II. 1. 132. sqq. De castimonia qua ad Deos lex adire jubebat, importunum foret hic cogitare. — 7. *Dii, quibus septem placuere colles*, qui Romam sedem sibi destinauit (ut IV. 12. 11. de Pane: *cui nigri colles Arcadiae placent*), Dii urbis Romae tutelares, custodes, πολιοῦχοι. Igitur ad hos quoque pertinebat ludorum secularium religio. Vid. Argum.

v. 9. Sequuntur ipsae preces, quas ita dispertivit poeta, ut munerum (*τιμῶν*, v. ad I. 12. 20.) utriusque Numinis habita ratione nunc Apollinem, nunc Diana, ut vacivas iis aures praebant, invocet; est tamen, ubi unius tantum meminit, quum uterque ponendus fuisset: ut in primis statim precibus super augenda conservandaque imperii Romani magnitudine ac splendore facitis. — *Sol almus φερίζως, ζωγόνος, φερίσθιος, calore nutriendis*

omnia. — *curru nitido* cet. *Suavis rei imago*: Sol in coelum eves-tus diem secum vehit (*Flava pruinosa quae vehit axe diem Au-  
rora* apud Ovid. Amor. I. 15. 2. Similiter Virg. Aen. II. 802. *Jamque jugis summae surgebat Lucifer Idae ducebatque  
diem*) *Splendile Dionys.* II. 15. 16. (A. Br. II. 254.) *ωρα-  
μοὶ δὲ σέθεν πυρὸς ἀμβρότου τίκτονσιν ἐνήρετον Αμέραν*. — *promit*, effert (ut de Aurora Virg. Aen. V. 64.) retegit (Ovid. Met. VIII. 1); eundemque *curru deorsum acto celat*, componit (Virg. I. 374.) abscondit, succedentibus in ejus locum tenebris. — 10. Sol *alius idemque nascitur*, quotidie nitorem suum repa-rans, renovato usque splendore exsurgens. Solem enim, diurno cursu hebetatum ac languidum, vires reparare sicque alium sem-per nasci, antiqua erat persuasio, ab Epicureis maxime exorna-ta. Lucret. V. 659. *conveniunt ignes et semina multa confluere  
ardoris consuerunt tempore certo* (ante ortum Solis), *quae fa-  
ciunt Solis nova semper lumina gigni*; et 665. sqq. *Nec tam en-  
illud in his rebus mirabile debet esse, quod haec ignis tam cer-  
to tempore possint semina confluere et solis reparare nitorem*. Unde etiam Phoebi ἀξερσεκόμον, ἃς νέον processit notio. *Idem* adeo Sol nascitur, nihil imminuto pristino s. hesterno splendore ejus, eodem vigore quotidie exoriens. Quae intpp. ad h. l. ad-tulere, nec referre nec resellere attinet. — 11. *Possis quamvis  
terratur opera omnia lustres, nihil visere majus Roma*, quod Ro-mani imperii magnitudinem exsuperet, fac Roma sit *princeps ur-  
bium* (IV. 3. 13.), imperique totius terrarum orbis sedes. Ad No-strū allusit Claudian. XXIV. 131. de Roma: *qua nihil in terris  
complectitur altius aether cet. et Rutil. Itin I. 81. Wernsd. P.  
M. V. 92.): Omnia perpetuos quae servant sidera motus, nullum  
viderunt pulchrius imperium.*

v. 13 sqq. Preces ad Dianam Εἰλειθυίαν (13 — 16.) et Κον-  
γορόφον (17 — 20.), quas Orphicus H. I. 13. breviter ita eloqui-tur: δίδον δὲ γονάς, ἵππων γόνου, γε σωζ'. *Lenis aperire*, gra-e-ca structura (ut I. 24. 17. *lenis recludere*) pro, quae *lenem*, pro-pitiam, benignam, facilem te præbebas in *aperiundis* h. in lucem proferendis (Nemesian. inde Cyneg. 132. *Fecundos aperit partus  
matura gravedo*) *partubus*, quae praesto es, opem fers parturien-tibus, ὁδίναν ἵππων γόνου, λυτήρια, λόχεια, ὥκυλόχεια, quae Orphica hujus Deae epitheta. *Aperiendi* notionem ipsum Dianaē προθυράκις epitheton habet, in Orphicis H. I. 4. περούσα νέατις θυητῶν προθυ-

patia. — *tuere matres, puerperas.* — 15. 16. Sive latina potius  
 hujus tuae virtutis adpellatione, *Lucina seu Genitalis* vocari gau-  
 des. Opponit adeo poeta Graecae *Ilithyiae* v. 14. adpellationi La-  
 tinis suae gentis *Lucinam et Genitalem*. Ad quod solum si ani-  
 mum advertisset Bentleius, *Graecae Genetyllidi* suae haud dece-  
 dere jussisset *Genitalem* Romanam, h. partum praefidem, ob-  
 soleto aut novato prorsus antiquae vocis significatu a poeta, suo  
 jure hac in re uso. Vide quae ipse hac de re praecepit Epp. II.  
 2. 115. sqq. et A. P. 56 sqq. Reddere adeo voluisse poeta putan-  
 dus est *Sibyllac Εἰλεῖθυιας καιδοτόκους*. — *Sive probas vocari,*  
 εἴτε αἱ νύστις καλεῖσθαι h. praefers, mavis adpellari. Solenne haec  
 interjici in commemoratione plurium nominum, diversas virtutes  
 adeoque etiam diversas laudes Deorum complectentium. Euripid.  
 fr. incert. n. CLV. p. 491. τοι — πέλανον φέρων, Ζεῦ, εἴτε Ἀΐδης  
 ονομαζόμενος στέργεις, σὺ δὲ μοι cet. Nota Catulli (XXXIV.  
 21.) de eadem Dea: *Sis quocunque placet tibi Sancta nomine.*  
 Apuleius (Metam. XI. init.) magnam nominum pomparam Lunaē  
 praeferens: *Regina coeli, sive tu Ceres* — — : *seu tu coelestis*  
*Venus* — : *seu Phoebi soror* — : *seu horrenda Proserpina* — :  
*quoquo nomine, quoquo ritu, quaqua facie te fas est invocare;*  
*tu* cet. In Nostro notatu dignum hoc est, quod non diversis Deaē  
 virtatibus, sed uni eidemque blandiendi haec interponat formu-  
 lam, diversa tantum lingua, graeca nimium (*Εἰλεῖθυα*) et Ro-  
 mana (*Lucina et Genitalis*) enuntiatae. — 17. *Producas subolem*  
 potest esse, in lucem proferas; melius tamē ac poeta dignius  
 arbitror, hanc sententiam τῷ *tuere matres* includere et alterum  
 explicare: *serves*, ad adultam aetatem pervenire juheas. Ita in  
 Sil. I. 112. *partus producere* non est *edere* (nam hoc recusare  
 matribus haud liberum est) sed nutrire, educare, *liberos pro-  
 ducre* Plaut. Capt. IV. 1. 105. Vulgarius utique poetis est *edu-  
 cere* pro educare, quod nec pedestris reformidat oratio. Vid. Dra-  
 kenb. ad Liv. I. 4. — 18. *Prosperes decreta Patrum*, Senatus  
 consultum *super jugandis*, matrimonio jungendis feminis ac *lege*  
*marita* doce pro. *super lege de maritandis ordinibus* ab Augu-  
 sto lata factum. Perlita quidem haec lex de marit. ordl. fuit an-  
 no denum DCCLVII. Sed saepius hoc antea Augustus agitave-  
 rat, primum a. DCCXXVI. deinde ipso hoc ludorum secularium  
 a. DCCXXXVII. obstante iterum recusantium multitudine ac tu-  
 multu. Signate igitur poeta, hujus ipsius impedimenti objectire-

spectu, *prosperes*, prosperum, faustum eventum habere jubeas,  
rata esse velis *decreta P.* Non autem generatim est, salutaria  
reip. esse velis ista decr. Ad rem vid. Dio. LIV. p. 745. Sueton.  
Aug. c. 34. ubi vid. Torrent. Adde Heinecc. ad leg. Jul. et Pap.  
Popp. I. 3. et ejusd. Antiqq. Rom. ad Inst. I. tit. 25. Bach. Hist.  
I. R. III. 1. §. 2. — *Lex marita*, maritalis, maritandorum ordd.  
causa lata, et inde *ferax novae prolis*, augendae proli inserviens.

v. 21. 24. Ut et in posterum res publica civium multitudine  
sit florentissima, novis usque auctibus incolumis persit. Quo  
blandiore vi preces istae mentem Deorum tangerent, venuste  
sententiam ita convestit poeta, ac si ipsorum res agatur, ob  
quam adeo faciles se iis praebituros esse spes esset. Vulgaris  
enuntiatio erat: Novam usque prolem date, ut decurso CX. an-  
norum spatio, solennia ista sacra secularia in vestrum honorem  
magna civiom frequentia iterum celebrari possint. Iam sacrorum  
secularium notionem signatius exhibent explicantque *cantus*,  
carmen seculare, a choro virginum ac puerorum in Apollinis  
Palatini aede canendum, et *ludi*, ter die totiesque nocte, trinis  
diebus ac noctibus frequentes, celebrati, agitati; sed delecte  
alterum, ad designandam civium multitudinem, a qua recurrens  
illud sacrum celebrari cupit. Tum *orbis per annos CX. circum-*  
*volatus refert ludos*, quatenus redeunt exacto isto CX. annorum  
*orbe κύκλῳ*, spatio certo, a Sibyllinis libris ita prae finito; or-  
nat simpliciter. — *grata*, ludis quippe impensa.

v 25 — 28. Preces ad Parcas intexit poeta e Sibyllae pae-  
scripto, sacra iis per ludos istos fieri jubentis; vid. Argum.  
Magnas intpp. molitiones, super his versibus varia fortuna tenta-  
tas, subruendi aut fulciendi aut omnino ad honae rationis regu-  
lam explorandi non est animus; adponam potius, qua structura,  
quoque probabili sensu locum expediendum existimem. *Vosque*,  
*o Purcae, veraces cecinisse*, graece pro, *veraces in canendo*,  
quae *veridicos cantus* (ut Catull. LXIV. 907. de iisdem) editis,  
quarum decretum verum, ratum, immutabile est, (haec, quae  
sequuntur, ἵπεγγητικῶς adtexi a poeta puta) *quod semel dictum*  
*est*, *quod semel eventurum statuistis ἀμετάρρητοι* (Orph. H.  
LVIII. 17.) *quodque terminus*, finis, exitus, *eventus stabilis*  
*servat*, ornatus quam, stabilit, confirmat; *quod certo eventu*  
*confirmatur*, *quod exitu ratum sit* (sunt Parcae τελεσιδωτήρες

Eurip. Heracl. 899. τιλεσφόροι Aeschyl. Prometh. 619.) *jungite bona fata peractis h. praeteritis, futura quoque populi Romani fata fausta esse ac prospera velitis jubeatis.* — *rerum, τῷ stabili jungendum, παρέλκεται, ut saepius.*

v. 29 — 32. Telluri Deae sacrum faciendum itidem praecipiebant libri Sibyllini; sed precum formam vide quam docte ac venuste hoc tetrasticho variarit poeta! Vulgaris enuntiatio erat: *Tellus largum frugum pecudumque proventum praebeat, seu ut Schol.: sit frugum ubertas et prospera pecudum fetura.* Jam absoluta satisque docte enuntiata videri poterat sententia, si dixisset poeta: *Tellus fertilis frugum pecorisque sit, benigne largatur fruges et pecora;* sed admiscerit imaginem, ad sensum jucundissimam, et ipsam ubertatis indicem, *spicea donet Cererem corona;* haec enim Deae isti in magna frugum copia offerri solebat. Tibull. I. 1. 15. *Flava Ceres, tibi sit nostro de rure corona spicea, quae templi pendeat ante fores.* Pecoris autem fertilis terra dici potest, quatenus φερέσθιος, φυσίγοος et inde παμιτεῖα, ut in Hom. H. XXXIII. 1. Qnam in rem paullo explicatius Lucret. II. 993. *Humorum guttas Mater quum terra recepit, feta parit nitidas fruges, arbustaque laeta et genus humanum et parit omnia secla ferarum, pabula quum praebet, quibus omnes corpora pascent, et dulcem ducunt vitam, prolemque propagunt.* Qua propter merito maternum nomen *adulta est,* Hom. H. I. v. 9. 10. ἐν κε οὐ τημήσει. — βρίσει μὲν αφίν ἄρουρα φερέσθιος, ἡδὶ κατ' ὀγροὺς κτίγεσιν εὐθητεῖ. — 31. 32. *Fetus h. omnem proventum* (etiam Cic. de Legg. I. 25. *profunduntur nobis terrae fetus*) tam agitorum quam animalium (nam etiam feturæ nocent pluvii venti I. 17. 4.) *nutriant, incrementa iis praebeant aquae, δύμβροι καρπωτρόφοι* (Orph. II. LXXXI. 7 quandoquidem *sine certis imbris anni laetificos nequeat fetus submittere tellus.* Lucret. I. 143.) et *auraæ, adlatu suo vitam ac vires sufficietes, ζωογίνοι* (Orph. H. XXXVII. 3.) Cf. I. 22. 18. *Jovis istas aquas et auraes* (nam ad utruinque referre præstat) dicit poeta, antiqui sermonis usus epitheto, quatenus nimis Jupiter tempestatum auctor et arbiter. Ita δύμβροι Διὸς dixit Hom. II. XII. 2. 86. Pind. Isthm. V. 63. et Quint. Cal. I. 415. δύμβροι θεοῦδη idem I. 695. Nisi tamen potius oratio inverti debet: Jupiter præbeat mitem temperiem ac tempestivos imbræ. — *salubres utrique satis commode jungere licet.* Si *aquis jungas,* erant

imbris tempestivi neque nimii; si *auris*, ad aëris temperiem, animalibus ac frugibus commodam, spectat.

v. 33 — 36. Iterum ad Apollineni et Dianam convertitur chorus, ut preces suas ratas esse velint, antiquissimorum, qui theologici erant, hymnorum, formulam κλῦθι μον saepius inverserentium, morem sequutus. Distribuit invocationem poeta, ita ut chorus puerorum Apollinem, puellae Dianam implorent; unde magna cum veri specie colligas, nonnulla hujus carminis alternis decantata fuisse. Vid. Argum. *Mitis placidusque iudeus*, benigne, placide audi, o Apollo, *supplices pueros*, nos, preces nostras. Notionem τοῦ *mitis* exornant adjecta, *condito telo*, telis reconditis, laxatoque arcu, quem iratus tendit, pestem immissurum. Vid. II. 10. 19. 20. Eadem autem προπεργία supra V. 53. 54. Nunc, nunc adeste, nunc in hostiles domos iram atque numen vertite — Siderum regina; προπερστάτη ἀρχή; id. ad v. 2. — *bicornis*, διπεπτα, qualis est primis novilunii diebus. Cf. IV. 2. 57. Jūgendum autem epith. *reginæ*, id quod suadet lyrica ratio.

v. 37 — 48. Si Trojani vestro hortatu ac monitu, relicto Ilio, Italiam Aenea duce petiere, hancque urbem, sedem ac fundamentum amplissimi imperii posuere: conservate istam civitatem, omnibusque; quae privatam cujusque felicitatem publicamque universi populi incoluinitatem ac majestatem tueri, ornare, augere possint, cumulatissimam piaestate. *Si Roma vestrum opus est*, si novi in Italia regni condendi, cuius domicilium Roma futurum esset, Trojanis auctores fuistis. Oracula ab Apolline accepta, quibus Trojanæ Italiam, qua considerent, quaerere juberentur, a poeta respici, per se patet, idque sqq. disertius adstrouunt'. Cf. Virg. Aen. III. 94. VI. 59. maxime IV. 343. 46. Sed nunc Italiam magnam Gryneus Apollo, Italiam Lyciae jussere capessere sortes. Cf. Heyn. Disqu. II. §. 6. Si *Iliae turmae*, augustiore specie epicaque gravitate pro, *Trojani*, everse patriæ superstites, *jussa pars*, *jussi*, oraculi Apollinis monitu (sed illud proprie, ut in Virg. l. l. et saepius alibi (*mutarunt Lares et Urbem*, patriis sedibus migrarunt, ac *sospite cursu*, prospera navigatione *litus Etruseum tenuere*: Italiam prævenere. Sed doctior hand dubie junctura est: *mutare urbem cursu*, fuga navibus s. mari instituenda, *sospite*, ut servarentur, incolumes ac sospites evaderent. Nam prospera navigatio, si

Virgilii auctoritatem sequaris, ne vera quidem est. *Litus Etruscum* omnino pro Italiae ora, litore. Etiam in parte argutantur nonnulli, quasi hos, qui Aeneam sequuti essent, ab aliis Trojanis, qui direpta Troja alio dilapsi essent, dirimere voluisse poeta. — 41 — 43. *Cui per ardente* — — *munivit iter*, pro tenui, deductore Aenea. *Sine fraude*, sine noxa, ut Il. 19. 20. *Aeneas*, *iter liberum munit*, quatenus ducem se praebet, partemque suam per flamas ac tela hostium expedit. Notissimum Virgilii Aen. II. 632. *ducentie Deo flammam inter et hostes expedior*; *dant tela locum flaminiaeque recedunt*. *Castus*, pius erga suos, hoc ipso, quod eos in tanto discrimine incolumes prae-staret, fugaeque auctor esset; etiam quod plura datus esset; *relictis*. Possit etiam epitheton ad obsequium ejus trahere, quo, responsa Deorum sequendo, pietatem suam adversus eos ostenderit; utrumque satis commode, prius tamen facilius, ac probabilius. — 44. *Plura*, ampliora *relictis*, majus regnum, quam quod amisissent, imperium totius terrarum orbis.

v. 45. Non Apollinem ac Dianam; sed generatim Deos Romanorum *τερπόν* hic intelligunt inspp., parum intelligentes, haec antecedentibus annexi debere. Vid. ad v. 37. — *mores probos*, *solida* quippe fundamenta, quibus innitatur salus ac splendor civitatis. Augusto hoc dedit poeta, qui Romanos ad pristinam morum sanctitatem pluribus saluberrimis legg. latis reducere conaretur. *Iuventam* speciatim commemorat, quod ea maxime sit *docilis*, tractabilis, ad probitatem ceteraque bonas artes singi possit; delecto epitheto. — 46. *Tranquillitatem ac securitatem internam* suaviter depingit *senectus quieta*, in otio constituta. *Senectuti τὸ placidum* docte tributum a poeta videri potest, quod *quietis* proprium erat; sed et *senibus τὸ ἄντον* proprium, juvenili ferociae oppositum. Unde forte Neptuno *placidum caput* tribuit Virg. Aen. I. 127. ut deo marino, quos quidem senili habitu, utpote vetustissimos, singebat antiquitas. Vid. ad I. 15. 5. — 47. *Genti Romulae*, Romuleae, universae civitati largimini *rem*, opum affluentiam, *prolem* copiosam et *decus omne*, quidquid gloriam ac majestatem imperii promovere possit.

v. 49 — 52. *Suminum jam atque τὸ ἄντον decoris proximo*  
v. 48. Romano populo expediti, subjicit poeta, imperium totius orbis terrarum, Augusti virtute partum ac taendum. Summa adeo precum est. Augusti imperio totus terrarum orbis subjectas sit,

*latum regat orbem*, ut Noster itidem vovet I. 12. 57. Pro Augusto augstiore adpellatione est *Clarus Anchisae Venerisque sanguis*: divina stirpe editus, *Divis ortus* IV. 5. 1. et passim. — *Veneratur*, colit vos *bobus albis*, lautissimo sacrificio; praeclare adjecta hujus rei (de qua vid. Argum.) mentio, quo blandiores istae preces essent. — 51. *imperet*, non, ut fere accipiunt, populo Romano, quod, ne quid gravius dicam, satis invidiosum foret, sed toti terrarum orbi; quo eodem sensu III. 6. 5. *Die te minorem quod geris, imperas, et regnare* I. 12. 52. Cujus rei ignoratio genninae lectioni atque inde VV. DD. fraudi fuit. Vid. Obs. — *bellante prior, hoste superior, spectatissimae in bello virtutis, at idem, quo divinam originem suam adserit, lenis in hostem jacentem*, non acerbe victoria utens, parcens devicto hosti. Facile perspicitur, Augusto speciatim nunc tribui, quod sibi universus populus Romanus arrogaret. Notissima Vireili: *Tu regere imperio populos, Romane, memento: hae tibi erunt artes; pacisque imponere morem, parcere subjectis, et debellare superbos*, Aen. VI. 852. qui locus tetrastichi hujus vim plane repraesentat.

v. 53 — 56. Jam terra marique hostes a populo Romano vicii subiectique sunt, terrae marisque dominium, assertore Augusto Romanis cessit. Ad generalem enim sententiam revocanda illa, *mari terraque*, quandoquidem cum nullo populorum, qui a poeta commemorantur, mari certatum fuisse ac ne certari quidem potuisse constat. In altero autem, quod navales Augusti victorias de Sex. Pompejo Antonioque reportatas non diserte exponit, magnam in poeta agnosco judicis subtilitatem, male omniam bellorum civilium mentionem inter sacra refugientis. De Augusto pariter Noster Serm. II. 5. 62. *juvenis Parthis horrendus, ab alto demissum genus Aenea, tellure marique magnus erit*. Ad anteriora bella Romanorum maritima cum Carthaginiensibus aliisque populis gesta quominus referas, vetant sequentia in populis, ab Augusto devictis, percensendis unice occupata. *Medus h. Parthi* (v. I. 2. extr.) timent potentiam Romanam, abjecto plane rebellandi animo. Cf. III. 5. 4. IV. 14. 42. Potentiam declarant *mazus potentes, virtus bello spectuta et secures h. fasces, imperii insignia*. — *Albanas*, Romanorum, coloniae Albæ Longæ; res notissima. — 55. De *Scythis* v. II. 9. 23. III. 2. 23. IV. 14. 42. et 15. 24. — *responsa petunt, leges sibi impo-*

si patiuntur, imperata accipiunt. *Edicta Julia* similiter dicta IV 15. 22. Omnino ricti populi notionem variavit poeta. — *nuper superbi*, feroce*s*, incursione in fines populi Romani facta. Vid. ad II. 9. 23. — 55. De *Indorum* legatione Suet. Aug. c. XXI. Quia *virtutis moderationisque fama Indos etiā et Scythes*, auditu modo cognitos, pellexit ad amicitiam suam populique Romani ultro per legatos petendam, laudante jam Cruquio.

v. 57 — 60. *Felicitatem seculi Augustei* praecclare poeta ulterius exornat, aureaeque aetatis coloribus repraesentatam subiecit. Cujus integratatem innocentiamque quum ita efferret antiquitas, ut ipsos Deos in terra versatos, cumque hominibus vixisse diceret, id quod ipsorum nūminum delectus a poetis hac in re factus (ut h. l. *Fides* cet.) abunde ostendit; satis consente*n*um erat, generis humani in deterius mutati, s. ferreae aetatis notionem eorundem e terra discessu notare. Cf. Catull. LXIV. 584 sqq. Ovid. Fast. I. 247. — 50. Met. I. 149. 50 quibus praei- verat Hesiod. Egy. 197 — 200. Revisunt igitur jam terras Numina, redditā ab Augusto orbi terrarum pristina facie, tranquillitate, morum integritate, rerumque omnium copia. *Fides*, Πίστις, μηγάλη θεός, ut Theogn. 2093. in eadem re; laudante doctissimo Boettig. Eadem sententia simplicius exposita IV. 5. 20. *Culpari metuit fides*. — *Pax*, Εἰρήνη, καλλιστη θεῶν, Eurip. Or. 1685. Cf. Tib. I. 10. 67. et ibi Intpp. Janum ab Augusto clausum respici, in promptu est videre. Cf. IV. 15. 9. — *Honor*, *Virtutis comes*, cum eaque contigua aede Romae cultus; ut ex Liv. XXVII. 25. constat. Aliud ejusdem *sacellum* extra Portam Collinam erat; vid. Cic. de Legg. II. 23. — *Pudor*, Αἰδώς (ut Pind. Nem. IX. 79. Cf. ad I. 24. 6.), iusti reverentia. Apud Hesiod. I. 1. ejus discessus diserte memoratur. Unde forte cum vi huic numini adi. *priscus*, olim, aurea aetate in terris commoratus. — 58. *Virtus neglecta*, οὐ σεβομένη, nullo honore culta, omnino pro, contenta. — 59. 60. *Copia* s. abundantia iterum in conspectum venit, *beata*, ὀλβία, dives, cornu instructa, ornata, gestans *cornu plenum*, Αμυλοῖς τερπός; *res* pervulgatissima Cf. I. 17. 16. Simplicius rem extulit Noster IV. 15. 4. 6. At Epp. I. 12. 28. eadem imagine: *aurea fruges Italiae pleno defudit Copia cornu*.

v. 61 sqq. Nova iterum Deorum invocatione novas preces, ut rem Romanam incolarem servent ampliisque, exorditus pos-

ta, ex prisorum hymnorum ingenio. Unde etiam ducta epithetorum cumulatio, diversas eorundem virtutes complectentium, Apollo *augur μάντις*, ut I. 2. 32. Idem *decorus*, gestans *arcum fulgentem*, aureum, *χρυσότοξος*, Pind. Ol. XIV. 13. et passim. Cf. I. 21. 11. 12. — 62. *acceptus novem Camenis*, φίλος Μούσαις, ob idem Musicae artis studium, Μονομάχης (Orph. H. XXXIII. 6.), ἡγήτωρ μεδίων (Eurip. Med. 426.), ἀοιδάων μεδίων (Callim. H. Del. 5.). — 63. 64. Apollo *lætrōs*. *Lerat artus fessos*, languidos, aegros, vigorem pristinum restituit *arte salutari* sua iis medendo. Dictus inde ἀκέστος, ἥπτος (v. Spanh. ad Callim. Del. 214.), σωτῆρ etc. Quatuor has Apollinis Insignioris artes recenset Schol. ad Hom. IV. 101. Τεσσάρων γὰρ τεχνῶν εὑφόρος στιγ δ' Ἀπόλλων, τεξικῆς, λατρικῆς, μονοτεκῆς καὶ μαντικῆς, Ad artis salutaris scientiam evexit eum antiquissima medendi ratio, ἀοιδᾶς peragi solita. — 65 — 68. Si grata tibi Romae sedes est, si digno tuum numen templo venerati sumus; nota precum concipiendarum formula. Respicit autem poeta templum Apollini ab Augusto in monte Palatino magnificentissime exstructum; quo pertinet I. 31. *Aequus, εὐμενὸς, ιδίας, placide* (ut III. 18. 4.) despectat *arces Palatinas*, montem Palatinum, propter templum suum in eo situm; delectatur tam insigni sibi honore habito. Inest adeo blanda Augusti, effectoris istius operis, palpato. — 66. Apodosis; Rempublicam Romanam et, quod copia poetica adjectum est, Latium (ut in Enniano versu: *qui rem Romanam Latiumque augescere vultis*) *felix ac melius semper proroget*, h. felicitatem, incolumentem, prosperitatem rei R. proroget, sartam tectaque in alterum lustrum, e Romanorum tempus definiendo ratione dictum pro, in futurum tempus conservet, novisque semper incrementis auctet amplificetque. Ita simplicissimum fuerit, hanc locum, ab intpp. misere habitum vexatique, explicare. Omnino parum perspexere VV. DD., *felix meliusque semper conjungi oportere*. Ceterum paulo modestiora vota nuncupavit Scipio Africanus, quum lustrum conderet, precatos: *Satis magna ac honae sunt: itaque precor, ut eas perpetuo incolumes servent*, apud Valer. Max. IV. 1. 10.

v. 69 — 72. Etiam Dianam obtestatur chorus per religiones in Latio ei institutas. Ita enim v. 69. *acceptus majorē vīm habet*, et praeclare respondet v. 65. In Aventino colle et Algido monte Dianam cultam fuisse, nisi aliunde constaret (Cf. I. 28. 6.

Zosim. II. 5.), vel ex hoc loco satis liqueret — 70. Diana *preces*, vota XV. virorum inter sacra ipsi nuncupata *curet*, curae cordique ei sint, rata esse jubeat; ex oppos. *negligere preces* et sim. De sacrorum secularium cura, XV viris demandata a Sibylla vid. Argum. — 71. 72. Votis puerorum, h. nostris, parte chori tantum posita, quod utique liberum poetae erat facere. — amicas, benevolas aures *adplicet*, praebat, benevole audiat, exaudiatur. Ita *advertere aures* Propert. I. 1. 37. Contra Tib. III. 3. 28. *Audiat aversa non meus aure Deus*, et passim.

v. 73 — 76. Epilogus. Chorus, edoctus, Quindecimviros pulcherrime litasse (forte ostento aliquo, divinitus dato, monitus; nam tale quid omnino cogitandum h. l.) jam in spem *bonam*, vel magnam, vel, quod potius habuerim, reip. commoda respi- cientem, de salute reip. conceptam, erigitur, certissimus spei est, *haec Jovem ceterosque Deos sentire*, velle, sancire, rata jubere vota, pro reip. incolumitate a se facta. Ita *sentire* pas- sim, veluti Catull LXIV. 26. Atque nunc demum oratio ad om- nes Deos convertitur. Vid. Argum. — 75. *Doctus* cet. qui hymno seculari laudes Ap. et Diana decantavi. Sed altero forte Ho- ratius se auctoreni carminis et χοροδιδάσκαλον modeste insert, in- star Phidiae, imaginem suam in aversa Minervae, a se effor- matae, clypei parte exprimentis. Apertius idem fecit IV. 6. extr. *Ego Dis amicum, seculo festas referente luces, reddidi carmen, docilis modorum vatis Horati.*



A N A L E C T A

A D

HORATII CARMINA.

卷之三

I. 1.

v. 7. *Quirites in comitiis mobiles mire illustrat locus Ciceronis pro Muraena c. 35. Quod fre-  
tum, quem Euripum tot motus, tantas, tam  
varias habere creditis agitationes, commuta-  
tiones, fluctus, quantas perturbationes et quan-  
tos aestus ratio comitiorum? Dies intermis-  
sus unus aut nox interposita saepe et pertur-  
bat omnia, et totam opinionem parva nonnum-  
quam commutat aura rumoris.*

v. 10.

*Quidquid de Libycis verritur areis  
Imitatus est Stat. Silv. III. 3. 90.*

*Dalmatico quod monte nitet, quod messibus  
Afris*

*Verritur, aestiferi quidquid terit area Nili.*

I. 2.

v. 19. *Jove non probante, indignante; de-  
clarat simpliciter facinoris diritatem, ut Epop. V.  
8. Per improbaturum haec Jovem. Sil. III. 1. 2.*

*Postquam rupta fides Tyriis, et moenia  
castae*

*Non aequo Superum genitore, eversa Sagunti.*

v. 38.

*Quem juvat clamor, galeaeque leves  
Adponendus erat Statii locus Theb. II. 710. unde  
sole clarius adparet, galeas leves dictas esse te-*

Iorum ac gladiorum ictibus detritas. Describit tropaeum poeta.

— — *meritae pulchram tibi, Pallas, honorem a Tydeo paratum :*

*Huic leves galeas, perfossaque vulnere crebro  
Inserit arma furens: huic truncos ictibus  
enses*

*Subligat, et fractas membris spirantibus  
hastas.*

Vides hic jungi *galeas leves, arma perfossa,*  
*enses truncos ictibus*, et denique *hastas fractas*. Simili habitu Furorem exasperat Petron. c.  
CXXIV.

*Quas inter Furor, abruptis cen liber habenis,  
Sanguineum late tollit caput, oraque mille  
Vulneribus confossa cruenta casside velat.  
Haeret detritus laevae Mavortius umbo.*

v. 50.

*Hie ames dici Pater atque Princeps*

Romanam Principis notionem optime declarat Ovid. Fast. II. 142. de eodem Augusto cum Romulo comparato:

*Vis tibi grata fuit: florent sub Caesare leges;  
Tu Domini nomen, Principis ille tenet.*

*Dominus Romulus: Augustus Princeps oppositi.*

I. 3.

v. 9.

*Illi robur et aes triplex  
Circa pectus erat, qui cet.*

Suaviter Aristoph. Βατρ. 1048. 9.

'Αλλὰ πνέοντας δόρυ ς λόγγχας ς λευκολόφους τρυφαλείας  
Καὶ πήληκας ς κνημῖδας, ς θυμοὺς ἐπταβεσίους.

Pag. 52. col. i. post verba: *imminentem tempestatem significant*, adde Alciphronis locum Epist. X. libri I. p. 58. Bergl. ἀλλὰ καὶ οἱ Δελφῖνες ἀνασκιρτῶντες καὶ τῆς θύλασσης ἀνοιδουμένης λείως ἐφαλλόμενοι, χειμῶνα καὶ τάραχον ἐπιόντα μηνύουσι.

Ad *monstra natantia* adposite Avien. Descript. O. T. 789 sqq.

*Ah ne monstigenis hostem licet, inferat aestus*

*Fluctibus: immodici late patet oris hiatus  
Quippe feris, antro panduntur guttura  
vasto;*

*Protinus hac ipsas absorbent fauce carinas  
Involvuntque simul mox monstra voracia  
nautas*

*Balaenās ultra spatia quatuor jugerum memorat Solin. c. LII. ad quem locum vid. Salmas. p. 712.*

v. 21.

*Nequidquam Deus abscidit  
Prudens Oceano dissociabili  
Terras cet.*

Columella, nostri loci forte memor, Praef. ad L. I. §. 8. *An bellum perosis maris et negotiatio-  
nis alea sit optabilior, ut rupto naturae foe-  
dere terrestre animal homo ventorum et maris  
objectus irae se fluctibus andeat credere, sem-  
perque, ritu volucrum, longinqui litoris pe-  
regrinus ignotum pererret orbem?*

v. 29 — 31.

*Post ignem aetherea domo  
Subductum Macies et nova Febrium  
Terris incubuit cohors.*

Horatium in his Hesodium et Sappho potissimum sequutum docet Servii nota ad Virg. Ecl. VI. 46.

II. Band.

R r

„Prometheus post factos a se homines dicitur eodem  
lum adscendisse et adhibita facula ad rotam Solis,  
ignem furatus, quem hominibus indicavit. Ob  
quam causam irati Dii duo mala immiserunt ter-  
ris, febres, maciem et morbos, sicut et Sappho  
et Hesiodus (100. 1.) memorant:

Αλλα δὲ μυρία λυγρὰ κατ' ἀνθρώπους ἀλάληται.  
Πλείη μὲν γὰρ γαῖα κακῶν, πλείη δὲ θάλασσα.

Quod tangit et Horatius dicens: *Post ignem cet.*

I. 4.

v. 13.

*Pallida Mors aequo pulsat pede pauperum  
tabernas*

*Regumque turres.*

*Pulsat, ἀράσσει, tabernas,* graeca locutione.  
Theocr. II. 6.

Οὐδὲ Σύρας ἄρραξεν ἀνάργοιος — —  
et ejusdem Idyllii v. 160.

αὶ δέ ἔτι κῆμε  
Λυπῇ, τὰν Ἀΐδαο πύλαν, ναὶ Μοίρας, ἀράξει.  
Callimachi locum H. in Apoll. 3.

Kai δὴ που τὰ Θύρετρα καλῶ ποδὶ Φοῖβος ἀράσσει  
Horatio admovit jam doctissimus Heinrich. Obss.  
in Auctt. Vet. P. I. p. 24. Sequentem versum:

*Vitae summa brevis spem nos vetat incho-  
are longam expressit Silius III. 141.*

— — — stant arae atque horrida sacra  
*Ante oculos, brevitasque vetat mutabilis  
horae*

*Prolatare diem.*

I. 5.

v. 1.

*Quis multa gracilis te puer in rosa cet.*

De humo rosis constrata Incert. in Obit. Massen.  
94 sqq.

*Victor odorata dormiat inque rosa*

*Victus aret* — — —

*Membra nec in strata sternere discat humo.*

Alteri rationi favet Martial. VIII. 72. 2.

*Liber in aeterna vivere digne rosa.*

imitatus Propert. in Notis laudatum :

*Et caput in verna semper habere rosa.*

Uti autem Pyrrhae in isto carmine *fallacem*  
*placidi ponti pellaciam* attribuit poeta, ita  
Aeschyl. Agam. 748. Φρένημικηνέμου γα-  
λάνας, simillima imagine.

### I. 6.

Init.

*Scriberis Vario* — —

*— Maeonii carminis aliti.*

*Ales* pro *cycno* occurrit in Inscript. apud Flet-  
wood p. 196.

ὅ πάντα σοφὸς, Μουσῶν ὁ χάριστος,  
Ἄλκιβιάδης Βυζάντιος ἐνθάδε κεῖμαι  
Ἐλλήνων πάντων ὅρνις ἀοιδότατος.

Cycnus enim avis maxime canora Vett. habita, unde κύκνου ὡδικότερος in proverbium abiit. Vid. ad IV. 3. 20. Atque non sola hac de causa (adductis in hanc rem ad IV. 2. 25. locis adde Leonidae LXXX. 1. Alemana ὑμνητῆρ' ὑμεναίων κύκνου adpellantis) sed etiam propter sublimen volatum poetae cum cycnis comparati. Ita enim sublimiorem poesin adumbrari solenne. Frequentata haec imago potissimum Pindaro, veluti Pyth. V. 152. εὐ Μοίσαισι ποτανός. Pyth. VIII. 46. χρέος τρέχον ἐμῷ ποτανὸν ἀμφὶ μιχαῖ. Nem. VII. 32. ποτανὸν μιχα-

νῶν Homeri fragmentis tribuit. Unde de ipso Pindaro Noster IV. 2. 25. *Multa Dircaeum levat aura cycnum, tendit, Antoni, quoties in altos nubium tractus.* Cf. II. 20. init. Mox *navigibus aut equis* prave ex hoc loco adsumsit Flor. II. 2. De navalii Agrippae victoria vid. Vellei. II. 81. 5. et ibi intpp.

I. 7.

v. 2.

*Laudabunt alii  
— — bimarisve Corinthi  
Moenia*

Florus II. 16. *Corinthus — Achiae caput, Graeciae decus, inter duo maria, Ionium et Aegaeum quasi spectaculo exposita.* Ἐλλαδές ἀστρον vocat Polystrat. ep. II. 1. in Anal. Br. II. 1. ad quem locum Jacobs commode laudat Aleiphr. III. p. 426. Πελοποννήσου προπύλαια καὶ ἡ δυοῖν θαλάσσαιν ἐν μέσῳ κειμένη πόλις χαρίεσσα ἔδειν καὶ ἀμφιλαφῶς ἔχουσα τρυφημάτων.

v. 12.

*Quam domus Albuneae resonantis.*

Propertii loco I. 20. 14.

*Hic erat Arganthe Pege sub vertice montis  
Grata domus Nymphis humida Thyniasin.  
adde Philipp. IX. 2. (Anal. Br. II. 213.)*

— — Νύμφας — αἱ πυοιπνόου  
Αἴτιης παρωρείηστι Συμαίθου πατρὸς  
Ἐχουστι δινήεντος ὑγρὸν οἰκιον.

Coll. Hermocr. I. 3. in An. Br. II. 252.

I. 9.

Cum initio carminis comparandus Longi locus, Pastor. III. 2. λάβροι μὲν οἱ χείμαρροι κατέρρε-

ον ἐπεπήγει δε κρύσταλλος τὰ δένδρα ἐψήκει κατα-  
κλωμένοις cet.

Ibid. v. 9.

*Permitte Divis cetera: qui simul  
Stravere ventos cet.*

Sententiam Archilochi Horatium reddidisse judica-  
bati Jacobs Annot. in Anthol. I. p. 159. Vv.  
Archilochi sunt (XV. I.):

Τοῖς θεοῖς τίθει τὰ πάντα. πολλάκις μὲν ἐκ κακῶν  
Ἄιδρας ὄρθοῦσιν μελανη κειμένους ἐπὶ χθονί

I. 11.

v. 4. 5.

*Seu plures hiemes, seu tribuit Jupiter ulti-  
mam,*

*Quae nunc oppositi debilitat pumicibus mare  
Tyrrhenum*

Ex physicis rationibus lucem his vv. adfundere co-  
natus est Cel. Voigt, qui cum maxime Academi-  
am Jenensem ornat. Is haecce olim ad Heynium  
perscripsit, a quo benevole mecum communica-  
ta sunt:

Von der Insel Stromboli, sonst Strongyle, sagt Strabo L. VI. Ipsa quoque *ignita ac fulgo-  
re excellens*, in qua habitasse Aeolum ferunt. und Solin. c. 12. Strongyle, Aeoli domus, vergit ad solis exortus minime angulosa, quae *flammis  
liquidioribus* differt a ceteris: haec causa hinc efficit, quod ejus fumo potentissimo incolae praesentiscunt, quinam fatus in triduo portendantur: Welches auch Plinius fast in denselben Ausdrücken sagt. Dolomieu in seinen Reisen nach den Liparischen Inseln ist sehr ausführlich bey Beschreibung des Vulkans von Stromboli; ich führe daraus folgende Stellen nach der Lichtenbergi-

schen Uebersetzung an. S. 118. „Ich hatte die ganze Nacht hindurch an ihren absetzenden Bränden das reitzendste Schauspiel in der Natur. — — Der Feuerschlund befindet sich an der *nordwestlichen* Seite auf dem *Abhange* des Berges. Ich habe die ganze Nacht hindurch nach genau abgemessenen Zwischenzeiten von 7 bis 8 Minuten glühende Steine auf mehr als 100 Fuß in die Höhe treiben gesehen: die Steine flogen zwar in verschiedenen Richtungen aus dem Schlunde, allein der größte Theil fiel doch in den Krater zurück, die übrigen *rollten über den Abhang herunter in die See*. Ein jeder solcher Auswurf war von einer auslodern rothen Flamme begleitet — — ein dumpfer Knall, gleich einer Mine, die wenig Widerstand findet, ließ sich jedes Mahl hören. — — Die aus dem Schlunde austretenden Steine glühen hellroth und sprühend, und geben das schönste Feuerwerk. Ich konnte nicht müde werden, dieses seltsame und zugleich prächtige Schauspiel mit aller Aufmerksamkeit zu betrachten. — — Der Berg ist beynahe dem auf Salini gleich, das ist, fast 1000 Schritte hoch nur ist der Abhang nicht so steil — — der Krater hat kaum 50 Schritte im Durchmesser. Der Vulkan war zu der Zeit, da ich ihn beobachtete (den 19. Jul.) *in dem Zustande der Ruhe*, denn es gibt Zeiten, wo er gleichsam *aufgebracht* zu seyn scheint, wo die *Gährung wirksamer*, *die Ausbrüche häufiger und heftiger* sind. Die Steine fliegen alsdenn viel höher, ihre Richtungen sind mehr *divergirend*, und werden auf *grössere Weiten in das Meer* geschleudert. *Ueberraupt ist die Entzündung dieses Vulkans im Winter heftiger* als im Sommer, auch bey Annäherung eines Gewitters und böser Witterung, und, so lange diese dauren, immer stärker, als

wenn sie vorüber sind. Vor 15 Jahren bin ich zweymahl zur Nachtzeit und zwar während eines heftigen Sturmes unweit Stromboli vorbeygekommen, wo er viel schneller hinter einander und nach Zwischenzeiten von 2 oder 3 Minuten seine Auswürfe bewirkte. *Die Steine flogen auf 200 Schritte weit in die See*, eine rothe schimmern-de Flamme loderte unaufhörlich aus dem Krater, und erleuchtete die See weit umher. — — Ich sahe, dass der ganze Berg aus nichts als Asche und Schlacken besteht, die in sehr regelmässigen Schichten über einander liegen, und sich mit dem Abhange des Berges vollkommen gleich absenken. — — Stromboli ist der einzige gekannte Vulkan, der unablässig arbeitet und keine Ruhe hält. — — Alle Laven, die man unter seinem Aschen in den Schlüften und an den steilen Abhängen findet, sind sehr alt. Es wäre überflüssig, eine besondere Beschreibung der auf dieser Insel befindlichen Laven und vulkanischen Materien hier anzuhängen, da sie von den *Producten anderer Vulkane nicht verschieden* sind.“ — So weit Dolomieu.

Bey Lesung dieser Stellen fiel mir ein, ob sich nicht die schwierige Horazische Stelle Od. I. 11. 5. „quae nunc oppositis debilitat pumicibus mare Tyrrhenum“ sehr leicht daraus erklären liesse. Horaz, der hier den Winter tropisch für ein ganzes Lebensjahr setzt (vielleicht weil er die Ode im Winter verfertigte, oder das nachfolgende Bild darin anbringen wollte) schildert diesen Winter dadurch, dass er ihn dem Tyrrhenischen Meere durch entgegengesetzte Bimssteine in seinen Drängen Einhalt thun lässt. Nach der besten mir bekannt gewordenen Erklärung soll dies überhaupt nichts anders heissen, als dass in der stürmischen Jahrszeit, welche in Ita-

lien der Winter ist, die Wellen des Tyrrhenischen Meeres an die Klippen schlagen, von denen sie aber aufgehalten werden, so dass sie nicht im Stande sind, zu thun, was sie wollen, d. i. dass sie diese Klippen nicht wegreißen können. Bey dieser Erklärung finde ich mancherley zu bedenken. Erstlich ist die Begebenheit, dass Meeresfluthen an Felsen schlagen, etwas so sehr gewöhnliches, dass sie in allen Meeren zu allen Zeiten, und bey jeder Art des Gesteins sich ereignet; wvarum hat also Horaz dieselbe so bestimmt vom Tyrrhenischen Meere, bloß von der Jahreszeit des Winters und vom Bimsstein erwähnt? ja warum hat er ihrer überhaupt gedacht, da ihn der Gegenstand seiner Ode doch so wenig dazu zu nöthigen scheint, und sie seiner Leucanoe und jedem Leser eben wegen ihrer Gewöhnlichkeit so gleichgültig seyn muss? So wird auch pumex meines Wissens anderswo weder vom Horaz noch sonst Jemanden für Seeklippen gebraucht. Es ist zweytens hart, wenn man sagen will „der Winter setzt die Klippen dem Drängen des Meeres entgegen“ der Winter macht eigentlich, dass die Wellen gegen die Klippen stossen, und wenn sich nun diese nicht fortreiben lassen, sondern jene vielmehr zum Wiederumkehren nöthigen, so liegt freylich der Grund des Umkehrens mit in dem Anprellen, und sofort auch mit in der Idee des Winters; denn wären die Wellen nicht angeprallt, so hätten sie die Felsen nicht zum Umkehren nöthigen können —; aber wer wird glauben, dass ein Horaz solche kühne Figuren werde auf einander gehäuft haben? Hiems debilitat mare, dum opponit ei pumices gibt also nach dieser Construction gar keinen wahren Sinn, denn im Winter liegt gar nicht der Grund, dass Klippen den Meereswellen entgegengesetzt

werden. Da also Herr Schmidt bey seiner Uebersetzung des Horaz nicht anders construiren zu müssen glaubte, so sah er sich genöthiget, zur Steuer der Wahrheit aus pumices Eifelsen zu machen, und diess gäbe auch den natürlichen Sinn, wenn nur nicht die Rede vom Tyrrhenischen, sondern von irgend einem andern Meere die Rede wäre, welches im Winter zum Theil zufriert. Construirt man nun so: Hiems debilitat mare, dum oder quia ei opponuntur pumices, so sieht man nicht, wie man der obigen Kritik ausweichen will, denn der Winter gäbe sonach erstlich dem Meere die Kraft, dass es gegen Etwas nicht ausweichendes drängen kann, und schwächte sodann auch wieder eben diese Kraft dadurch, dass er es gegen so Etwas fest widerstehendes treibt. — Dies hiesse wirklich mit Worten gespielt; welches man aber vom Horaz eben nicht gewohnt ist. Was wäre also hier anzunehmen? Ich will meine Gedanken sagen. Da die Ode, worin diese Stelle vorkommt, so kurz ist, und überhaupt nur eine blosse Epikurische Lebensregel enthält, so wollte sie vermutlich der Dichter durch ein Einschiebsel etwas heben, und dies konnte auf keine füglichere Weise geschehen, als dadurch, dass er seiner Leuconoe eine der prachtvollsten Natur-Scenen vor die Einbildungskraft brachte; dass er sich aber auf das Detail derselben nicht näher einlässt, setzt voraus, dass sie allgemein bekanntgewesen seyn muss, und so keiner umständlichen Ausmählung bedürft hat. Ich glaube demnach, Horaz hat mit diesem Wintergeschäfte nichts anders als das von Dolomieu beschriebene majestätische Schauspiel, das der Vulkan von Stromboli darstellte, gemeint; wenigstens passt auf diese Weise alles aufs beste zusammen; denn nach Dolomieu ist der Winter, oder die stürmische Wit-

terung derjenige Zeitpunkt, wo das Auswerfen des Vulkans am häufigsten und heftigsten geschieht; die Insel Stromboli und ihre nordwestliche Küste liegen so, dass sie gerade das Tyrrhenische Meer, welches beständig auf die Sicilische Meerenge losdrängt, und vielleicht an ihrem Daseyn den größten Anteil hat, vor sich haben. Der Auswurf von glühenden vulkanischen Schlacken wälzt sich wüthend gegen das herzudringende Meer, und macht sowohl durch seine Masse, als durch seine Gluth eine natürliche Diversion in dem Theil des Wassers, das auf diese Stelle trifft, und bricht, oder debilitirt also ganz eigentlich diese Fluthen. Die Auswürfe der Vulkane auf den übrigen Liparischen Inseln bestehen nach eben des angeführten Dolomieu's Zeugniß aus wahren Bimsstein, so dass er deshalb die Insel Lipari die Vorrathskammer von Bimsstein für ganz Europa nennt; und wiewohl die Strombolischen Laven kein wahrer Bimsstein sind, so haben sie doch eine Gleichförmigkeit mit demselben, dass sie mit weit mehrerem Recht als die gewöhnlichen Seeklippen können pumices genannt werden. Obgleich Stromboli jetzt auch im Sommer etwas auswirft, so kann es doch gar wohl seyn, dass zu Horazens Zeiten dieses Auswerfen im Winter bloß, oder doch so vorzüglich geschehen ist, dass man das zu den übrigen Jahreszeiten geschehene gar nicht in Betracht gezogen hat, zumahl da es sich auch nur in den längern und dunklern Winternächten gut beobachten lässt. Dass aber überhaupt Stromboli damahls Feuer ausgeworfen hat, beweisen die oben angeführten Stellen des Strabo und Solin. Stromboli lag übrigens auch so vortheilhaft, dass die Bewohner der westlichen Küste des untern Italiens seine Auswürfe, wenigstens den damit vergesellschafteten

und sich weiterstreckenden feurigen Schein leicht beobachten konnten, und die ganze Begebenheit war sonach eine Sache, die Horaz als Etwas, das seinen Landsleuten gleich einsiel, wenn sie nur mit einem Wort darauf aufmerksam gemacht würden, voraussetzen konnte. Ich würde also die Stelle im Horaz ganz wörtlich und ohngefähr so übersetzen „oder es mag dieser Winter der letzte seyn, der jetzt den Drang des Tyrrhenischen Meeres durch glühende Lavaströme zu brechen strebt.“ Haec ille, satis docte atque ingeniose; quamquam ex poeticis rationibus locum Horatii satis commode expediri posse arbitror. Scilicet, quod jam ad istum locum notavi, exornare voluit poeta nimis pedestre, *hiemem quae nunc est, ultimam hanc hiemem.* Jam, quod paullo ornatus erat, *h. quae nunc saevit*, nobilitavit poeta imagine, ad litoralem Italiae plagam accommodata: *quae jam maximos fluctus in mari Tyrrheno ciet.* Hoc, quo vividius ad sensum esset, recte ita efferri poterat: *quae magnos maris Tyrrheni fluctus ad Italiae oram advolvit;* pro quo est, naturae rei et litori Italicu, qua saxosum est, convenienter: *quae Tyrrhenos fluctus ad Italiae litora frangit.* Debilitat adeo fluctus hiems, quatenus pumicibus oppositis (delecte ut Virgilii: rupes immota resistit) illidit, ibi fragendos. Eadem ornatus species in Oṛphico versu (Hymn. XXI. 4.) de Tethye:

Θραύουσ' αἰγιαλοῖσι πέτρησοι τε κύματα μαρῃ.

omnino pro: *mare conturbans, commovens.* Neque vero quemquam morari debebat, quod *hiems* ista efficere dicatur, quum constanter fere poetae res illas phaenomeni cuiuspiam causam constituant, quas cum eo simul fere exsistere, in conspectum prodire seu illo adparente decedere

meminerint. Ortus et occasus quorundam siderum tempestates ciere a poetis tradi quis nescit? Ita h. l. *hiems* turbat mare, quatenus per eam procellosissimum est. Quaesite quoque apteque novata vocabuli potestate *pumices* de saxis undarum adpulsu adesis et extritis, adeoque maritimis. Schmidtii *Eisfelsen*, ut pleraque illius viri, quae ex se depromsisit, inepta sunt atque deridicula.

Paullo ante v. 3. *Ut melius, quidquid erit, pati*, graeca plane sunt, ut plura hujus carminis:

βέλτιον ως, ὁ, ττι κεν ἦ, παθεῖν  
eadem metri ratione. Max. v. 6. *Sapias, vina lique* cet. ut Martial. VIII. 77. 3.

*Si sapiis, Assyrio semper tibi crinis amomo  
Splendeat.*

v. 7.

— *dum loquimur, fugerit invida  
Aetas.*

Ad verba ac sententiam Auctor Eleg. in Pithoei Epigr. p. 421.

*Heu male, crede mihi, si quis (s. quisquis)  
sua gaudia differt;*

*Dum loquimur, nox est, mortis et umbra subit.*

Coll. Ovid. ex P. IV. 3. 58.

### I. 12.

Ad v. 19. p. 132. col. 1. post verba: proximum a Jove in deorum concilio locum occupat, adde Pindari fr. apud Plutarch. Quaest. Conv. I. 2. p. 617. C. (Heyn. p. 119.) de Minerva:

Πῦρ πνέοντος ἄτε κεραυνοῦ ἀγχιστα ἡμένη.

v. 57 — 60.

*Te minor latum reget aequus orbem:  
Tū gravi curru quaties Olympum;*

*Tu parum castis inimica nittes  
Fulmina lucis.*

Archelaus in aeneam Alexandri statuam, Lysippi opus, Anal. Br. II. p. 58.

Τέλμαν Ἀλεξάνδρου καὶ ὄλαν ἀπειράξατο μορφὴν  
Λύσιππος τὸν ἐδί χρήλιος ἔχει δύναμιν;  
Αὐδησοῦντι δὲ ἔστιν δὲ χρήλιες εἰς Δία λεύπσων.  
Γὰν ὑπὲκοι τίθεμαι, Ζεῦ, σὺ δὲ Ὄλυμπον ἔχε.

Venuste! Conf. Ovid. Fast. II. 138.

I. 15.

v. 9. in nota post Tibulli locum adde Ovid.  
Met. IX. 867.

*Urorenim, laesusque exaestuat acrius ignis.*

v. 15.

— — oscula, quae Venus  
Quinta parte sui nectaris imbuit.

Eadem rei specie Anacreon usus est in rosae venustate declaranda Carm. LIII. 39.

Μαίαρων θεῶν δὲ δημιλος,  
Πόδον ὡς γένοιτο, νέκταρ  
Ἐπιτέγχεις, ἀνέτειλεν  
Ἄγερωχον τοξον ἀκάνθης  
Φυτὸν ἀμβροτον Δυαίου

Catull. XCIX. 1.

*Sarripui tibi, dum ludis, mellite Juventi,  
Suaviolam dulci dulcius ambrosia.*

I. 15.

v. 3.

*Ingrato celeres obruit otio  
Ventos.*

Eadem specie Aeschylo (Agam. 201.) πνοαι ἀπεῖ  
Στρυμόνος μολοῦσαι dictae κακόσχολοι, impati-  
entes otii, quibus molestum est otium.

v. 12.

— *Jam galeam Pallas et aegida  
Currusque et rabiem parat.*

Cum postremis componi debebat Homer. Il. IX.  
504. de Achille:

Νῦν γάρ χ' Ἔκτορ' ἔλοις, ἐπεὶ ἂν μάλα τοι σχεδὸν  
ἔλθῃ,

Λύσσαν ἔχων ὄλοιν.

v. 22.

*Non Laertiæden, exitium tuæ  
Genti, non Pylium Nestora respicis?*

*Non respicis*, possit accipi: non cogitas nunc, nescis, fore aliquando, ut fortissimi Graeci in te invehantur. Sed teneo alteram rationem, in Notis propositam de intentiore Paridis fuga τὸ *re-spicis* expedientem.

v. 31.

*Quem tu — — sublimi fugies mollis anhelitu*  
Sublimem anhelitum optime explicat Stat. Theb. XI. 239.

*Nuntius exanimi suspensus pectora cursu  
Aepytus ad regem — — tendit.*

I. 16.

v. 22. sqq.

*Compesce mentem: me quoque pectoris  
Tentavit in dulci juventa  
Fervor et in celeres jambos  
Misit furentem.*

Theognideis adde Homer. Il. IX. 255.

σὺ δὲ μεγαλύτορα θυμὸν  
Ἴσχειν ἐν στήθεσσιν.

Posteriora forte fluxere ex Archilocho, quantum ex ejus fragm. XXX. conjicere licet:

‘Ημβλαχον καὶ που τιν’ ἄλλον οὐδὲν’ Ατη κιχήσατο...  
coll. Eped. VII. 13. — *Celeres jambos egregie*  
*expedit epigr. ἀδεσποτον Collect. Pithoei.* p. 151.

*Adesto Jambe praeipes et tui tenax  
Tenoris adde concitum celer pedem  
Adulta felle qualis ante carmina  
Dabas amarus, ulti impetus tui.*

Ubi posteriora respiciunt πικρόχολον Archilochi  
στόμα

ὅς ποτε πικρόν  
Μοῦσαν ἐχιδναίω πρώτος ἔβαψε χόλω.  
juxta Lentulum Gaetul. VI. 1. (Anal. Br. II. 167.).

I. 17.

Vv. 5 — 12. *Impune tutum per nemus...  
laevia personuere saxa.* Anyte VIII. (A. Br.  
I. 198.) eadem imagine:

Τίπτε κατ’ οἰόβατον, Πάν ἀγρότα, δάσκιον ὕλαν  
ἥμενος, ἀδυβάντῳ τῷδε κρέκεις δόνακι;  
”Οφρα μοὶ ἐργάζεντα κατ’ οὔρεα ταῦτα νέμοιντο  
Πόρτιες, ἥγυτόκων δρεπτόμεναι σταχύων.

v. 25. sqq.

— — *ne male dispari  
Incontinentes injiciat manus  
Et scindat haerentem coronam  
Crinibus immeritamque vestem.*

Eadem calidioris e zelotypia amoris signa exhibet  
Lucian. Dial. Meretr. VIII. init. ”Ει τις δὲ μήτε ζηλοτυπεῖ, μήτε ὀργίζεται, μήτε ἐρῆμαπισέ ποτε, ή περιέκειρεν ή τὰ ἴματα περιέσχιτεν, ἔτι ἐρχετής ἐκεῖνος ἔστιν;

I. 18.

v. 4.

— — — — *neque  
Mordaces aliter diffugiunt sollicitudines.*

Euripid. Bacch. 278 sqq.

— — ὁ Σεμέλης γόνος  
Βότρυος ὑγρὸν πόμ' εὑρε, κείσηνέγκατο  
Θυητοῖς, ὁ παύει τὸν ταλαιπώρους βροτοὺς  
Λύπτις, ὅταν πλησθῶσιν ἀμπέλου ροῆς,  
Τρυγου τε λύθην τῶν καδημέρων κάκων  
Διδωσιν, οὐδὲ στ' ἄλλο φάγμακον πόνων.

v. 10.

*Quum fas atque nefas exiguo fine libidinum  
Discernunt avidi.*

*exiguo fine, omnino nullo.* Pindar. Ol. I. 57.  
μείων γὰρ αἰτίᾳ, i. ὀλίγη pro οὐδεμίᾳ, uti optime  
Heyn. Infra II. 6. 18. *Aulon minimum h. omnino  
non invidet Falernis uvis.*

Ad v. 15. plenior adducendus erat Rhiani locus, nam in verbis laudatis non latet, quod cum tollens verticem comparari possit; nimirum:

Ἄλλ' ὑπεροπλίῃ καὶ ἀμαρτωλῆσι νέοιο  
Ἴσα Διῆβρομέσι, κεφαλὴν δ' ὑπὲρ αὐχένας ἰσχει.

Mox ad v. 16. Pausaniae locus de vitrea phiala forte paullo subtilius a me explicatus.

I. 19.

v. 14. *Hic*

*Verbenas, pueri, ponite, turaque  
Bimi cum patera meri  
Mactata veniet lenior hostia*

h. adparate quantocius sacrificium, quo Venerem placem. Facile perspicitur, orationem ad pedestrem formam ita revocandam esse: ponite hic verbenas, tura, merum, victimam; quae vivida partium enumeratio est pro, instruile sacrum: quo peractio leniorem experiar Venerem. Sed docte hostiam poeta in priore commate omilit, —

et in posteriore generalem sacrificii notionem ea involvit. Eadem ne quis de hostia Veneri mactata amplius dubitet, enumerat Martial. IX. 91.  
16. in sacro *Divae Paphi* facto.

*Et cum ture meroque victimaque  
Libetur tibi candidas ad aras  
Secta plurima quadra de placenta.*

I. 21.

V. 5.

*Vos laetam flumiis et nemorum coma,  
Quaecunque cet.*

Orph. H. XXXI. 4. 5.

'Η διάγεις ὅχθους ὑψαύχενας ἀκρωρείους  
'Ηδ' ὄρεα σκιόεντα νάπαισί τε σὴν φρένα  
τέρπεις.

de Diana haud dubie, judge quoque Ruhnk. Cum exitu hujus carminis comparandum Philippi Epigr. XLVII. (Anal. Br. II. 224.):

Ζηνὸς δὲ Λυτοῖς θηροσκόπε τοξότι κούρῃ,  
Ἄρτεμις, ἡ θαλάμους τοὺς ὄρέων ἐλαχεῖς,  
Νοῦτον τὴν στυγερὴν αὐδῆμερὸν ἐκ βασιλῆος  
Ἐσθλοτάτου πέμψας ἄχρεις Υπερβορέων.

I. 24.

V. 2.

— — *Praecipe lugubres  
Cantus Melpomene.*

Jubet Musam προοιμιάζειν, quo dignius exsistat carmen. Similiter Stesichorus Musam ἀρχεσίμολπον, Πινδαρος δὲ (Pyth. I. 7.) ἀγησίχορα τὰ προοιμια lyrae Apollinis dixit, juxta Athen. IV. p. 180. E. Adde Dionys. H. I. 1. 2. in Anal. Br. II. 253.

v. 6. p. 233. col. 2. post verba: *numina ista* (Veritas, Fides, Justitia) — *eum comitari priusco sermone dicuntur*: adde Martial. X. 78. 1.

*Ibis litoreas, Macer, Salonas,  
Ibit rara Fides, amorque recti,  
Et secum comitem trahet Pudorem.*

**De vana mortuorum imagine** v. 16. vid. Davis.  
ad Cic. Tusc. Quaest. I. 16.

v. 19. 20.

*Durum! sed levius fit patientia  
Quidquid corrigere est nefas.*

Aeschyl. Prom. 103.

— — τὴν πεπρωμένην δὲ χοὶ,  
Αἴσαν φέρειν ὡς ῥᾶστα, γιγνώσκουδ' ὅτι  
Τὸ τῆς ἀνάγκης ἔστ' ἀδήριτον σθένος.

Apollodorus apud Stob. Flor. Grot. p. 453.

Χαλεπὸν τὸ Τύχης πρᾶγμα, χαλεπόν ἀλλὰ δεῖ  
Αὐτὴν φέρειν κατὰ τρόπον, ὥσπερ φορτίον.

Jacobs Horatio obversata fuisse putabat Archilochi  
I. 6. ubi χριτερὴν τλημοσύνην vocat φάρμακον homi-  
nibus divinitus datum.

### I. 25.

v. 11. 12.

*Thracio bacchante magis sub-inter-  
lunia vento.*

Eadem vehementioris amoris cum impetu-  
sissimo vento comparatio apud Max. Tyr. p. 297.  
(Ursin. in Carmin. IX. ill. fem. p. 18.) τῇ δ' ὁ  
Ἐρως ἐτίγαξε τὰς φρένας ὡς ἄνεμος κατ' ὄρος δρυσὶν  
ἐμπεσών.

### I. 27.

v. 19.

*Quanta laborabas Charybdi*

Eadem sere rei imago apud Catull. LXVIII. 107. 8.

— tanto te absorbens vortice amoris  
Aestus in abruptum detulerat barathrum,

ducta e Theocr. III. 42.

‘Ως ἵδεν, ως ἐμάνη, ως ἐς βαθὺν ἄλλετ’ ἔρωτα.  
Sed *Charybdis* posuit Horatius, in rapacitate  
mulieris notanda. Alciph. I. 6. p. 24. de Gale-  
ne: κωμάζουσι πρὸς αὐτὴν ή πρὸς Δάλασταν νεολαίκη  
καὶ ἄλλος ἄλλο δῶρον ἀποφέρει· ή δὲ εἰδέχεται καὶ  
ἀναλοῖ Χαρύβδεως δίκην.

I. 28.

v. 5.

*Aërias tentasse domos, animoque rotundum  
Percurrisse polum —*

h. de Diis ac mundo philosophatum. Nostrum et  
Lucretianum locum, in Notis adpositum, illu-  
strat Cic. de Fin. II. 31. *Hæc non erant ejus* (Epicuri), *qui innumerabiles mundos, infinitasque regiones, quarum nulla esset ora, nulla extremitas, mente peragravisset.*

In vv. 9 — 15. *habentque Tartara Pan-*  
*thoiden* cet. forte subtilior sui, quam opus erat.  
Multo enim simplicius et ad verba adcommodatius  
erit: Pythagorae moriendum fuit, etsi jam antea  
semel mortuus esset. Hoc ornavit *rogi* notione  
advocata, quo corpus crematum erat: supervixit  
tamen rogo, in novam vitam transgressus; adeo-  
que nihil rogo dedit praeter nervos et cutem. Pe-  
destris adeo ratio erat: quamvis quod quidem cly-  
pei argumento probabat, iterum revixerat.

v. 14. *Non sordidus auctor naturæ veri-  
que. — In animo forte habuit poeta Lucilianum,*  
quod est apud Cic. de optimo gen. orat. 17. Ae-  
schines tanquam Aeserninus, ut ait Lucilius

— — non spureus *homo*, sed *doctus et acer*  
*Cum Pacidiano hic componitur optimu' longe*  
*Post homines natos.*

*non sordidus igitur auctor naturae verique  
audit Pythagoras, h. doctus et acer philosophus.*

I. 33.

*Ad. vv. 11. 12. cui placet impares formas  
atque animos sub juga aënea saevo mittere  
cum joco, perperam duas diversas loquendi for-  
mas statui, inductus potissimum III. 9. 18. Quid  
si prisca redit Venus, diductosque jugo cogit  
aëneo; sed h. l. diserte poeta ait, Venerem sae-  
vo cum joco duo diversissima ingenia sub unum  
jugum, amore non mutuo, sed diversis affecti-  
bus, dum alter amat, alter odit, mittere. Vul-  
garis adeo sententia erat: Dura haec amoris con-  
ditio proposita est hominibus, ut ament, a qui-  
bus non redamentur.*

I. 34.

v. 9 — 12.

*Quo bruta tellus et vaga flumina  
Quo Styx et invisi horrida Taenari  
Sedes Atlanteusque finis  
Concutilitur.*

Cum Horatio (et Virg. Ge. I. 528 sqq.) certasse  
videtur Sil. V. 385.

*Sic ubi — molitus Jupiter altas  
Fulmine nunc Alpes, nunc mixta Ceraunia  
coelo  
Intremuere simul tellus et pontus et aether,  
Ipsaque commoto quatuntur Tartara mundo.*

v. 14.

*— Hinc apicem rapax  
Fortuna cum stridore acuto  
Sustulit, hic posuisse gaudet.*

Eadem rei imago, quamquam minus exornata in  
Stat. Theb. XI. 649.

*Res Amphionias alio, sceptrumque maligna  
Transtulerat Fortuna manu.*

De stridore metaphorice accepto Flor. IV. 3. extr.  
*Quod in annua coeli conversione fieri solet,  
ut mota sidera tonent, ac suos flexus tempe-  
state significant; sic cum Romanae dominati-  
onis, i. e. humani generis, conversione peni-  
tus intremuit, omnique genere discriminum,  
civilibus, terrestribus ac navalibus bellis om-  
ne imperii corpus agitatum est.*

I. 35.

v. 4.

— — *vel superbos*  
*Vertere funeribus triumphos.*

Illustrē humanorum casuum documentum suppe-  
ditat Paulli triumphus duorum filiorum morte su-  
nestatus. Liv. XLV. 41. ita eum loquentem indu-  
cit: *Postquam omnia secundo navium cursu in  
Italiā pervenerunt, neque erat, quod ultra  
precarer; illud optavi, ut cum ex summo re-  
tro volvi (Vid. ad III. 10. 10.) fortuna consues-  
set, mutationem ejus domus mea potius,  
quam respublica sentiret. Itaque defunctam  
esse fortunam publicām mea tam insigni ca-  
lamitate spero, quod triumphus meus velut ad  
ludibrium casuum humanorum duobus funeribus  
liberorum meorum est interpositus. Triumphus  
superbus, ut laurus superba Sil. XV. 119.*

Vv. 5 — 8. Vales. Emendatt. II. 24. Fortunae  
effigiem a poeta respici opinabatur, altera manu  
Cornucopiae, altera gubernaculum tenentis, at-  
que hoc *domina aequoris*, illud *ruris colono*  
innui. Quo eodem trahebat Dionis (Orat. II. p.  
595.) descriptionem Fortunae, quae τῇ μὲν τε-  
ταμένων τῶν Χειρῶν μηχανωμένη τε πλοῦν καὶ κατιδύ-

*νουσα, τῇ δὲ τοὺς καρποὺς ἀφθόνως διδοῦσα· hoc qui-*  
*dem verius arbitror.*

v. 13.

*Injurioso ne pede proruas  
Stantem columnam —*

Aeschylī adducto loco adde Pausan. III. 7. ὁ πόλε-  
μος οὗτος εὖ τὴν Ἑλλάδα ἔτι βεβηκυῖαν διέσεισεν ἐκ  
βάθρων.

v. 21.

*Te Spes et albo rara Fides colit  
Velata panno —*

*Raram Fidem* ex h. l. dixit Martial. X. 78. 2. et  
candidum Fidei amictum Noster forte mutuatus  
est ab Hesiod. "Erg. 198. ubi Αἰδώς καὶ Νέμεσις  
Δευκοῖσιν φρέσεσσι καλυψαμένω χρέα καλόν.

v. 27. *diffugiunt amici  
Ferre jugum pariter dolosi.*

*dolosi ferre græce pro, quam ut ferant. Suc-*  
*curred nunc locus Pindari Isthm. VII. 61.*

— — — τὰ μακρὰ δ' εἴ τις  
Παπταίνει, βραχὺς ἐξικέ-  
σθαι χαλόπεδον θεῶν  
Ἐδραν.

βραχὺς ἐξικέσθαι h. ἀσθενέστερός ἐστιν, ἢ ὡς cet.  
uti optime Heyn. Ad rem ac verba Ovid. Trist.  
V. 2. 30. 40.

*Me miserum! quid agam, si proxima quae-*  
*que relinquunt!*

*Subtrahis effracto tu quoque colla jugo.*

Eadem gnome apud Plaut. Stich. IV. 1. 16.

*Ut quoique homini res parata est, firmi ami-*  
*ci sunt: si res labat*  
*Itidem amici collabascunt; res amicos in-*  
*venit.*

Ανδρὸς κακῶς πράσσοντες ἐκποδῶν φίλοι in Grot.  
Excerpt. p. 945.

II. 3.

v. 4 sqq. — — moriture Delli,

*Seu moestus omni tempore vixeris*

*Seu te — —*

— — — *bearis*

*Interiore nota Falerni.*

Incertus ep. DXXVII. Anal. Br. III. 262.

Πολλὰ πιῶν τέθνηκας, Ανάκρεον ἀλλὰ τρυφήσας·

Καὶ σύ γε μὴ πίνων ἔξεαι εἰς Αἴδην.

Mox ad *umbram hospitalem* v. 10. cf. Virg. Ge.  
IV. 24.

Obviaquē hospitiis teneat frondentibus arbos.

Uterque expressit Anacreontis καταγώγιον c. XXI.

καλὸν τὸ δένδρον

Απαλὰς σείει δὲ χαίτας

Μαλακωτάτω κλαδίσκω.

Τίς ἀν οὖν δρῶν παρέλθοι

Καταγώγιον τοιοῦτο;

II. 6.

v. 17.

*Ver ubi longum tepidasque præbet*

*Jupiter brumas.*

Imitatus est locum Auson. de Burgidala (de clar.  
Urb. XIV. 8 — 10.) :

*clementia coeli*

*Mitis ubi, et riguae larga indulgentia terrae*

*Ver longum, brumaeque novo cum sole te-*  
*pentes,*

uti legit Heins. Advers. III. 13. p. 492.

II. 9.

v. 22. *Cantemus Niphaten et Medium flumen*  
*minores volvere vortices.*

Eadem imago in Sil. III. 599.

Compescet ripis Rhenum, reget impiger Afros.  
h. Rhenum exundantem intra alveum suum coget,  
h. Germanorum ferociam contundet, eos domabit,

II. 10.

v. 2. In τῷ *semper* cum reliquis conciliando forte argutatus sum, neque tali molimine opus erat, ut illud sententiae perspicuitati ac veritati congrueret. *Altum non semper urgendo* puto esse simpliciter: si non hoc agas, ut altum semper urgeas continuo enixeque cursum eo dirigas; seu, demta allegoria; ut altiora ambitiose secteris, enixissimo studio adsequi coneris. Habet adeo *semper* notionem pertinacis studii, ut altius proveharis, insumti.

II. 11.

v. 18 — 20.

— — *Quis puer ocius*  
*Restinguet ardantis Falerni*  
*Pocula praetereunte lympha.*

Meleag. CXIII. 3. (Anal. I. 32.)

— — σὺν Νύμφαις Βρόμιος φίλος· ἦν δέ νιν εἴργυν  
Μίσγεται, δέξῃ πῦρ ἔτι καιόμενη.

Et inter Aenigm. apud Brunk. T. III. p. 323. aen. XVIII.

Νῦν δὲ γέμων πύρινόν με τρισὶ Νύμφαισι μιγῆναι  
Δέρκεαι ὑελίνω κείμενον ἐν δαπέδῳ.

Mox. v. 21.

*Quis devium scortum elicet domo*  
*Lyden?*

Anacr. IV. 14.

Ἐρεῖ μᾶλλον, ὡς ἔτι ζῶ,  
Μύρισον, βόδοις δὲ κράτα  
Πύκασον, κάλει δ' ἔταιρην.

eadem sententiarum progressionē.

De vv. 5 sqq. forte paullo durius statui; resque e lymphica ratione ita expedienda: Generalis sententia, quam animo informata habebat poeta, erat: *Otium tam corporis quam animi votis habemus omnes*: hujus priori conimati (*otio corporis*) explicando exornando que inhaesit (vv. 1 — 6), suppresso altero, *otio animi, tranquillitate*, e vv. 7. 8. demum eliciendo; atque in hoc haeret ac desigitur poeta in seqq. *Non enim gazae* sqq. omissò plane altero priore, ab argumento, quod sibi tractandum proposuerat, alieno. Apodosis igitur est: *sed otium hoc (animi) non pardetur divitiis nec honoribus*.

v. 5. Ah! te meae si partem animae rapit  
Maturior vis? cet.

Eodem acumine epigramma ἀδεσπότοι in Pithocanis p. 41.

*Ablatus mihi Crispus est, amici;*  
*Pro quo si pretium dari liceret,*  
*Nostros dividerem libenter annos.*  
Nunc pars optima mei reliquit.  
*Crispus praesidium meum, voluptas,*  
*Pectus, deliciae: nihil sine illo*  
*Laetum mens mea jam putabit esse.*  
Consumtus male, debilisque vivam,  
Plus quam dimidium mei recessit.

Vv. 17. sqq. Magnam apud Viros doctos et humanitatis studiosos me initum gratiam spero si, quae Reimerus, Vir doctissimus mihique amicissimus; Regiae Societatis Scientiarum, quae Gottingae floret, Adssessor dignissimus; idemque Historia problematis de Cubi duplicatione de-

texta nominis claritatem adeptus, super vv. 17.  
sqq. ex astrologica disciplina rite expediendis me-  
cum perhumaniter communicavit; hic adposuero.  
Ita vero ille disserit:

Quae jam a primis inde Astronomiae origini-  
bus hominum animos implevit supersticio, qua in  
multas naturales res et eventus, quam animadver-  
tisse sibi persuaderent siderum insignem vim,  
eandem his in omnes omnino res humanas pari-  
ter vindicandam esse suspicarentur: peperit ea  
peculiarem aliquam et temporis successu, obser-  
vationibus sedulo adhibitis, in justas disciplinae  
formas redactam doctrinam, Astrologiam; quae,  
quasi altera pars Astronomiae, ex mutua siderum  
eo momento, quo quisque nasceretur, in coelo  
constitutione adcurate observata, ejus indolem,  
mores, vitae casus, mortem cet. ad certas leges  
regulasque adstringeret; quam etiam Augusti tem-  
poribus apud Romanos in magno honore fuisse,  
notissimum est. Est autem haec ars s. disciplina  
pro summa eorum, quae in habitu et positura  
siderum accidere possunt, multitudine et varie-  
tate, quae simul singulis rebus humanis sunt ad-  
commodata, tot complicatis perplexisque praecip-  
ceptis se invicem varie vel confirmantibus, vel  
restrigentibus, vel prorsus tollentibus, referta,  
accedit et ipsorum astrologorum in multis re-  
bus gravissimis repugnantia) ut ejus omnem et  
veram indolem, quoad quidem leges generalio-  
res, paucis simul et perspicue exponere, perdif-  
ficile sit.

Ex ingenti eorum in lato coeli campo conspi-  
ciuntur, inerrantium siderum multitudine, qui-  
busque omnibus pro singulari cujusque in ipso  
natali momento situ singularis aliquis in homi-  
nem nascentem effectus maxime ex ipsius signi,  
quo singula astra sibi exhibere placuit humanae

sollertiae, natura desumtus, tribuebatur; in primis duodecim illa, in qua Zodiacus dividitur astra, maximam habere vim et virtutem credita sunt, atque eorum unicuique, ut et singulis cunctis regionibus, vel benigna vel noxia vindicata est potestas. Primum autem et ante omnia diligenter et adequare explorandum erat, quodnam signum, et quota ejus pars (*Grad*) ex momento, quo quisque nasceretur, emerget. Ibi *horoscopus* dicebatur esse constitutus, i. e. locus, ex quo cetera omnia in coelo essent ordinanda et definienda. Ab ea igitur coeli parte exorsi Zodiacum in duodecim, quas vocabant *stationes* computando dividebant, earum unicuique triginta partes adsignantes. Et his in primis *quatuor coeli cardines, ortus, occasus, medium et imum coelum*, erant definiendi; quorum quidem *ortus* erat pars ipsius horoscopi, quae in usque ad momentum natali primum emerget, ac deinceps per triginta partes in coelo produceretur; *occasus* autem ea coeli pars, quae in septimo ab horoscopo signo posita, aequae triginta partes in coelo sibi vindicaret. Similiter *medium coelum* in decimo vel interdum etiam in undecimo, *imum coelum* autem in quarto horoscopo signo constituebatur. Maxime autem insignis erat, ut illarum duodecim stationum, ita in primis horum quatuor coeli cardinum, uniuscujusque quidem in diversas vitae humanae res, vis et virtus, eaque ex signorum et planetarum in illis coeli stationibus et cardinibus situ temperanda. Ceterum ex quatuor illis cardinibus is, qui *medium coelum* teneret, reliquos et dignitate et effectu superabat; cui proxime accedere existimabatur *imum coelum*; tertium autem dignitatis locum occupabat *ortus*, quartum denique *occasus*. Hisce duodecim stationibus per duodecim Zodiaci signa ita constitutis,

duodecim *Athla* (quo vocabulo graeco opera, labores, studia, certamina, artes, et omnino quaeunque res aut quicunque casus in vita humana contingere possunt, intelliguntur) per eas adhuc erant distribuenda; et quidem ita, ut, invento fortunae loco, in proximum incideret militia et peregrinatio, in tertium negotia civilia, et sic porro reliqua per duodecim stationes certo ordine sequerentur. Ad inveniendum autem fortunae locum pro diurna vel nocturna genitura diversa tradebantur praecepta. Quare necesse erat, ut solis et lunae in coelo situm (in quonam quidem signo, et in quota ejus parte invenirentur positi) adcurate cognitum haberent.

Sed de reliquis etiam stellis errantibus s. planetis eadem omnino erant investiganda. Cum enim, ut singulis Zodiaci sideribus, ita quam maxime singulis planetis singularis aliqua in res humanas vis et virtus tribueretur, vel benigna vel noxia: hanc ipsam signa, in quibus collocati essent, varie moderari posse putabant. Sic etiam cum duodecim signorum unumquodque planetae cuidam prae ceteris maxime proprium esse haberetur (unde is planeta hujus signi vocabatur *dominus*, signumque ipsum ejus *domus*); cumque insuper quodvis signum, tum in tres partes, quas *decanos* dicerent, tum in triginta partes, quibus *fines* signi constituerentur, esset divisum, istique decani et fines singulis planetis etiam vindicarentur: varie inde comparata existimabatur alicuius planetae virtus, prout in sua domo, vel in suo decano, vel in suis finibus esset constitutus (ubi vis ejus major credita est et vehementior), vel in aliis planetae domo, vel decano. vel finibus. Quod autem mutuum planetarum inter se situm attinet, maximi erat momenti quaestio, num *diametra*, an *trigona*, an *quadrata*, an denique

*hexagona radiatione* se invicem aut horoscopum respicere invenirentur. *Diametra* autem radiatione horoscopum vel planetam respicere dicebatur planeta, qui in septimo inde ab horoscopo vel a planeta signo esset constitutus; *trigona*, qui quintum ab horoscopo vel a planeta teneret signum; *quadrata*, qui quartum; *hexagona* denique, qui tertium. Quod horoscopum attinet, diametra et quadrata radiatio omnino infelix habita est et maligna, trigona autem fausta et salutaris, hexagona minoris potestatis. Planetae autem si aliqua radiatione planeta invenirentur oppositus, atque eorum uterque ejusdem, sive benevolae sive malignae, haberetur naturae: uniuscujusque vis et virtus, sive in hominis salutem sive perniciem, maxime augeri credebatur. Si vero beneficus alter, alter noxius declararetur, i.e. qui dextrum s. superius in coelo latus teneret, enni, qui in sinistro s. inferiore latere esset positus, vincere dicebatur.

Erant denique adhuc innumera alia diligenter investiganda, v. c. ad definiendum vitae spatium, quis planetarum *vitae* esset *dator* (s. *geniturae dominus*), quis constitueretur *temporum dominus* cet.: quae quidem omnia tantam contortorum praceptorum suggerebant farraginem; ut astrologis, astra ex ipsorum commodis (prout uniuscujusque hominis desideriis gratificari cuperent) interpretandi, libera reicta esset potestas.

Sed ut jam ad ipsum Horatii carmen accedamus, et de iis, quae in eo aliquam ex Astrologia lucem et explicationem admittant vel requirant, videamus: versuum illorum (17 sqq.). *Seu Libra, seu me Scorpions* eet. sensus in universum ita sane est concepiendus: *Quaecunque fuerit genitura mea, licet diversa a tua: tamen mea cum tua* (quoad quidem vitae casus in ultraque

praefinitos) quam maxime consentiat, necesse est. Hanc sententiam Horatius, prout quidem ha-  
ctenus ejus versus interpretati sunt viri docti, in  
hunc modum (quamvis ornatius) expressit. *Quod-  
cunque sidus in hora mea natali emerserit,  
licet diversum a tuo; vel, ut propriis vocabulis  
astrologicis utamur: In quo cunque Zodiaci side-  
re horoscopus meus fuerit inventus, licet di-  
verso a tui horoscopi sidere: tamen horosco-  
pus meus cum tuo quam maxime consentiat,  
necesse est.* Stellae hominem nascentem *adspicere*  
dicuntur, quae in ejus hora natali in coelo  
ita collocatae inveniuntur, ut in eum vim aliquam  
habere credantur. Sic sidus, in quo est horosco-  
pus, hominem nascentem *adspicere* sine dubio  
dici potest. Ex doctrina astrologica etiam bene  
fieri potuit, ut, quamvis, quae in duorum homi-  
num diversa hora natali emergerent signa, essent  
vel maxime diversa; reliqua tamen in utriusque  
genitura in coelo ita inter se invenirentur consti-  
tuta, ut quoad valetudinem, mortem, omnesque  
vitae casus, prorsus eadem pransagiret utriusque  
horoscopus. Definitur enim valetudinis mortis-  
que conditio maxime distribuendis duodecim illis  
athlis, quorum supra mentio facta est, per duo-  
decim Zodiaci signa; quae distributio non inde  
ab horoscopi signo instituitur, sed ex Solis vel  
Lunae situ, prout genitura est diurna vel noctur-  
na, vario modo pendet. Quod etiam vitae spa-  
tium attinet, maxime a domino geniture deri-  
vatur, cuius inveniendi ratio (licet unam ean-  
demque non omnes astrologi sequantur) cum sig-  
no horoscopi minime cohaeret. De istis autem  
vitae casibus hic tantum sermo est; non autem de  
moribus, operibus, artibus, dignitate, conjugio,  
prole, cet.: quae omnia, cum in Maecenate et  
Horatio admodum diverse suissent comparata, in

utriusque genitura etiam multa aliter collocata,  
atque sere ipsa signa natalitia diversa ex astrolo-  
giae praeceptis sine dubio postularunt.

*Scorpionem* Horatius epitheto ornavit e do-  
ctrina astrologica, ut videtur, penitus desumto,  
*partem violentiorem horae natalis* adpellans.  
Violentius autem signum non incommode vocari  
opinor *Scorpium*, quatenus habitus est ejus natu-  
rae, ut homines sub eo nati, ad omnem violenti-  
am et saevitiam proni, bellorum, caedis, rapi-  
naeque studio tenerentur, ut bellatores, venato-  
res, gladiatoresque. Quod et declarant versus  
Manilii, lib. IV. 217 sqq.

*Scorpius, armata violenta cuspide cauda.*  
*Qui, sua cum Phoebi currum per sidera dacit,*  
*Rimatur terras et sulcis semina miscet,*  
*In bellum ardentis animos, et Martia castra*  
*Efficit, et multo gaudentem sanguine civem:*  
*Nec praeda, quam caede magis: cumque ip-*  
*sa sub armis*  
*Pax agitur, capiunt saltus, silvasque per-*  
*errant:*  
*Nunc hominum, nunc bella gerunt violenta*  
*ferarum:*  
*Nunc caput in mortem vendunt, et funus*  
*arenae:*  
*Atque hostem sibi quisque parat, cum bella*  
*quiescunt.*  
*Sunt quibus et simulacra placent, et ludus*  
*in armis,*  
*(Tantus amor pugnae est,) discuntque per*  
*otia bellum,*  
*Et quodcumque pari studium producitur arte.*  
Ingeniosissimae et doctissimae Editoris celeber-  
rimi mihiique amicissimi horum verborum inter-  
pretationi ideo adsentiri dubitaham, quoniam sig-  
num in hora natali surgens reliquis signis vi et

effectu praevalere, nemo Astrologorum facile concedet. Habetur enim hocce signum eo tantum sensu primarium, nomineque sideris natalitii insignitur, quatenus ex ipso invento reliqua signa constituantur et ordinentur, ipsumque, ut Firmicus ait, reliquis quasi aditum praebeat. Vi autem atque effectu et ei sideri, in quo medium, et ei, in quo imum invenitur coelum, posthabendum est.

Sequuntur versus: *Te Jovis impio Tutela Saturno refulgens eripuit cet.* Saturnum omnino noxiū, Iovem vero salutare sidus habitum esse, res est notissima. Fieri igitur potuit, ut, si hi planetae in genitura radiatione aliqua sib invicem invenirentur oppositi, alter alterius vim seu prosperam seu perniciōsam infringeret et mitigaret. In Maecenatis genitura Saturni vim noxiā vi Jovis salutari mitigatam esse, adparet. Hoc autem varie accidere potest, dummodo Jupiter sit in dextro, Saturnus autem in sinistro sidere collocatus; quod quidem necesse est, ut Jupiter in superiori parte positus Saturni in inferiore constituit vim malignam superare possit. Si igitur, quod admodum verisimile est, quae modo commemoravit sidera Horatius, Libram, Scorpionem, et Capricornum, in genitura Maecenatis praecipua occupasse ponamus loca, cardines certe coeli quosdam, atque v. c. in Capricorno horoscopum concipiāmus esse inventum, et in eodem signo simul Saturnum, Iovem autem in Libra vel in Scorpione: quae de Maecenatis valetudine vitaeque casibus alias nota sunt, ex hac siderum constitutione secundum astrologiae pracepta satis adcurate praedici videbimus. Tum enim in Libra vel Scorpione medium invenitur coelum, Jupiterque, ut ipsa verba Firmici (ex lib. VI. cap. 10.) adhibeamus, dextrum quadrati latus possidens quadra-

ta radiatione respicit Saturnum, ejusque, in sinistro quadrati latere et in Capricorno constituti, ideoque aegritudines et gravissima vitae pericula et discrimina (ex Firmi lib. V. cap. 3.) praesagientis, vim pestiferam mitigat et infringit.

Quaecunque autem alia adhuc iniri possit harum stellarum disponendarum ratio, non aequa bene procedet; certe in hac proposita ratione multa alia etiam Maecenati ita possunt admodum admodum, ut, ejus genituram revera ita comparatam fuisse, dubium vix relinquatur. Sic. v. c. Saturnus in horoscopo positus (vid. Firm. lib. III. cap. 3.) multorum malorum et periculorum adventum, aegritudines et languores significat, Jupiter autem in Libra vel in Scorpione constitutus (vid. ejusd. lib. V. cap. 4.) jungit homines potentibus viris aut ducibus vel regibus, eorumque res et secreta iis committuntur; pariterque in medio coelo (vid. ejusd. lib. III. cap. 4.) magnos decernit honores, publicorum negotiorum facit principes, necnon imperatorum negotia tractantes. Horoscopus denique in Capricorno et medium coelum in Libra (vid. ejusd. lib. V. cap. 1) homines faciunt pios, honesti gratia sermonis ornatos, doctos, et diis vota restituentes ex quibusdam necessitatibus vel periculis liberatos, ita ut Horatius, cum sub finem carminis munera ex voto diis persolvere hortetur Maecenatem, ipsius etiam horoscopi deereta videatur esse sequitus. Ceterum in genitura Maecenatis in Scorpium aequa ac in Libram cadere potuisse medium coelum, neminem doctrinis astrologicis imbutum offendet; cum interjectis inter horoscopum et medium coelum 270 partibus, medium coelum inde a parte 271 inciperet, atque deinceps per 50 partes produceretur, ita ut undecimum aequa ac decimum ab horoscopo signum occupare posset.

Quae de Maeccenatis genitura cum jam sint exposita, in promtu est et alia versus Horatianos interpretandi ratio; quae eo fit probabilior, quanto omnia, quae de astris adserit poeta, ex Maeccenatis genitura omnino desumpta esse videntur. Quod enim de loco horoscopi s. ortu nequaquam licuit, ut eum violentiorem horae natalis partem diceret Horatius, de superiore coeli cardine s. medio coelo omni jure licebat. Itaque cum astrologos istam lovis et Saturni constitutionem tanquam rem gravissimam in Maeccenatis genitura saepius commemorantes, atque, ut meticulosum hujus viri, de ea forsitan altius indagantis, (de signorum enim istorum decanis et finibus, in quibus hi planetae invenirentur positi, et de multis aliis rebus adhuc poterat disquiri) animum confirmarent, vim Jovis salutarem noxiae Saturni praevalere demonstrantes audivisset noster: quam proprie proferre volebat sententiam, *quaecunque fuerit genitura mea*, hanc geniturae Maeccenatis indolem respiciens, sic expressit: *Seu Libra, seu me Scorpius adspicit Formidolosus, (tanquam) pars violentior Natalis horae, seu tyrrannus Hesperiae Capricornus undae, i. e. seu in Libra, seu in Scorpione seu potius in Capricorno sit cardo coeli superior in genitura mea cet.* Vocabulum *adspicere* de stella in medio coelo posita aequa adhiberi potest. Reliqua etiam, quae supra de horoscopi signo sunt observata, ex eo quidem solo, astrologicas de valetudine, morte, aliisque vitae casibus disquisitionis minime pendere, pariter de medio coelo sunt monenda.

III. 3.

v. 13 — 16.

*Hac te merentem, Bacche pater, tuae  
Vexere tigres — — —*

— — *hac Quirinus  
Martis equis Acheronta fugit.*

Priora expressit Ovid. Trist. V. 3. 19.

*Ipse quoque aetherias meritis invectus es  
arces  
Quia non exiguo facta labore via est.*

de Baccho. Postiora concinunt modis Pindari-  
eis apud Plutarch. de Superst. p. 167. E. fr.  
Heyn. p. 94.

κεῖνοι γὰρ ἄνοσοι οὐ ἀγήρωοι  
πότερον τε ἄπειροι Βαρυβόαν  
πορθμὸν πεφευγότες Ἀχέροντος

de Diis.

### III. 5.

v. 55.

*Tendens Venafraños in agros  
Aut Lacedaemonium Tarentum.*

Parum probabile est, Romanos Reguli aetate prae-  
dia in Campania atque in Tarentino tractu ha-  
buisse. Igitur Horatius aut suae aetatis rationem  
habuit, aut, quod probabilius videtur, omnino  
amoenissimas regiones designare voluit.

### III. 6.

v. 57.

*Sed rusticorum mascula militum  
Proles, Sabellis docta ligonibus  
Versare glebas cet.*

Locum optime illustrat Columella de Re R. L. I.  
Praef. §. 17. *At mehercules vera illa Romuli  
proles adsiduis venatibus nec minus agresti-  
bus operibus exercitata, firmissimis præva-  
luit corporibus, ac militiam belli, quam res  
postulavit, facile sustinuit durata pacis la-*

*ribus, semperque rusticam plebem praeposuit  
urbanæ.*

III. 8.

P. 114. de Baccho; hortorum, maxime pomorum Deo primo loco memorandus erat Pindari locus apud Plutarch. Sympos. quaest. IX. 14. p. 745. A. (fr. Heyn. p. 96.):

δεινδρέων δὲ νομὸν Διόνυσος πολυγαθῆς αὐξάνει ἀγνὸν φέγγος ὅπωρας.

v. 10.

*Corticem adstrictum pice dimovebit  
Amphorae*

Eadem ornatus ratio in Archilochos V. 2.

Ἄλλ' ἄγε, σὺν κώδωνι θοῆς διὰ σέλματα γηὸς  
Φοίτα, καὶ κοιλῶν πώματ' ἀφελκε κάδων.

III. 16.

v. 42. sqq.

*Multa petentibus*

*Desunt multa. Bene est, cui Deus obtulit  
Parca, quod satis est, manu.*

Conveniunt haec cum aureis γνώμαις (forte Syri vel Laberii) apud Senec. Ep. 108.

*Desunt inopiae multa, avaritiae omnia.  
Is minimo eget mortalis, qui minimum cupit.  
Quod vult, habet, qui velle, quod satis est,  
potest.*

III. 20.

P. 201. col. 1: extr. Statii loco addc Ovid. Met. XIII. 547.

*Utque furit catulo lactente orbata leaenu  
Signaque nacta pedum sequitur, quem non  
videt, hostem.*

et ad v. 3. *fugies inaudax praelia raptor* Mar-tial. VIII. 26. 1.

*Non tot in Eois timuit Gangeticus arvis  
Raptor, in Hyrcano qui fugit albus equo,  
ubi albus, χλωρὸς τῷ inaudax respondet.*

v. 13. 14.

*Fertur et leni recreare vento  
Sparsum odoratis humerum capillis.*

De vento slabellis facto nondum muto sententiam etiam propter adj. epitheton *leni*. Dioscorid. XII. 1. (Anal. Br. I. 495.):

*Πιπίδα τὸν μαλακοῖς σιν ἀεὶ πρητεῖαν ἀνταίς  
Παρμενίς ἥδιστη θῆκε παρ' Οὐρανίῃ,  
Ἐξ εὐνῆς δεκάτευμα τὸ δ' ἡελίου βαρὺ θάλπος  
Ἡ ταίρη μαλακοῖς ἐκτρέπεται Ζεφύροις.*

Ubi cave mutes ἡ ταίρη. Sensus: Jam Zephyri refrigerio permulcetur ἑταίρη, tabellis Veneri dedicatis.

### III. 21.

Cum toto comparandum epigr. Ionis I. in Anal. Br. I. 161. maxime vv. 9 — 12.

*Νέκταρ — — πότον ὅλβιον, ἀνθρώποισι,  
Ζυνὸν. τοῦ χαίρειν φάρμακον αὐτοφυές.  
Τοῦ θαλίαι φίλα τέκνα, φίλοφροσύναι τε, χοροί τε.  
Τῶν ἀγαθῶν βασιλεὺς οἶνος ἔδειξε φύσιν.*

v. 13.

*Tu lene tormentum ingenio admoves  
Plerumque duro.*

Jacobs hunc locum admovit Asclepiadeis (Anal. Br. I. 213. c. X. 1.):

*Οἶνος ἔρωτος ἔλεγχος. ἐρῆν ἀργεύμενον ἡμῖν  
Ἡ τασσαν αἱ πολλαῖ Νικαγόρην προπόστεις.*

uti locum emendavit Alberti ad Hesych. v. ἥτασεν.  
Horatium expressit Sil. XI. 287.

*Donec pulsa fames, et Bacchi munera duram  
Laxarunt mentem.*

Mox

— *et arcum jocoso  
Consilium retegis Lyaeo*

forte nihil amplius est, quam: arcana pectoris  
retegis, *promoves loco* (ut Epod. XI. 14. ubi  
plura vide), efficis, ut homines secreta animi elo-  
quantur, Lyaeum jocosum expedit Xenoph. Sym-  
pos. p. 127. Bach. ὁ οἶνος, ἀρδων τὰς ψυχὰς, τὰς  
μὲν λύπας — κοιμίζει, τὰς δὲ φιλοφροσύνας, ὡσπερ  
ἔλαιον φλόγα, ἐγείρει.

v. 17.

*Tu spem reducis mentibus anxiis  
Viresque et addis cornua pauperi cet.*

Primo loco commemorandum erat splendidissi-  
mum Pindari fragmentum, quod in Excerpto L.  
XI. Athenaei apud Casaub. Animadvv. XI. c. 4. p.  
782. legitur: αὔξει γάρ καὶ τρέφει, μεγαλύνει τε τὴν  
ψυχὴν ἡ ἐν τοῖς πότοις διατριβὴ, ἀναζωπυροῦσσανοῦν,  
ὡς φῆτι Πίνδαρος:

ἀνίκ’ ἀνθρώπων καματώδεες οἴχον-  
ται μέριμναι στηθέων ἔξω, πελάγει  
δὲ ἐν πολυχρόνοιο πλούτου  
πάντες ἵστη νεόμενοι ψευδῆ πρὸς ἀκτάν-  
ος μὲν ἀχρόνιμων, ἀφυει-  
ός τότε, τοὶ δὲ αὐτοὺς πλούτεοντες ἀείξου-  
ται φρένας ἀμπελίνοις τόξοις δαμέντες.

ubi φρένες ἀμπελίνοις τόξοις δαμέντες felici audacia  
dictae ebriae. Similiter Martialis III. 68. 5. 6.

*Hic jam deposito post vinarosasque pudore,  
Quid dicat, nescit saucia Terpsichore.*

*Daphnen mero sauciam plenius adpellat Apulci.*  
Met. IX. p. 601. Oud. Noster serm. II. 1. 24.

— — *Saltat Milonius, ut semel icto*  
*Accessit fervor capiti; numerusque lucernis.*

III. 28.

v. 9. 10.

*Tu curva recines lyra*  
*Latonam et celeris spicula Cythiae*

Callimachi loco adde Eurip. Hec. 462.

Σὺν Δηλιάστη τε κούραις  
'Αρτέμιδός τε θεᾶς  
Χρυσέαν ἀμπύκα  
Τόξα τ' εὐλογήσω.

Coll. Nostri I, 21. 11. 12.

IV. 1.

v. 32 — 35.

*Sed cur heu, Ligurine, cur*  
*Manat rara meas lacrima per genas?*  
*Cur facunda parum decoro*  
*Inter verba cadit lingua silentio?*

Cum prioribus Nostri vv. Jacobs composuit Dioscoridis XXIV. 3. (Anal. Br. I. 499.)

Τερπνότατε Μούσησιν, Ἀνάκρεον, ὦ πὶ Βαβύλων  
Χλωρὸν ὑπὲρ κυλίκων πολλάκι δάκρυ χέεις.

Posterioribus concinunt Valerii Aeditui (Catal. Scal. p. 205.):

*Dicere quum conor curam tibi, Pamphila*  
*cordis,*  
*Quid mi abs te quaeram, verba labris abeunt.*  
*Per pectus miserum manat subito mihi sudor,*  
*Si taceo subitus, duplo iterum pereo.*  
*Si taceo subitus explicant Horatiana: inter verba*  
*cadit lingua.*

IV. 2.

v. 45.

*Tum meae (si quid loquar audiendum)  
Vocis accedet bona pars cet.*

Ut verba: *tum meae vocis* etc. ad Augusti triumphum referri possent, in antecedentibus aliquid esse debebat, quod eo duceret. Igitur *ludus publicus* latiore sensu esset accipiendus: laetitia publica e triumpho, non ludi publice voti. Sed satius erit, hoc tetrastichon omnino ad hilaritatem publicam, e Caesaris reditu conceptam, referre, non ad pompam triumphalem, quam seqq. deum exponunt.

v. 49.

*Tuque dum procedis, Io triumphhe,  
Ratio grammatica utique postulat, ut tu ad Triumphum referatur. Erit adeo Triumphus Deus, persona indutus, plane ut Epop. IX.*

*Io Triumphhe tu moraris aureos  
Curru et intactas boves.*

Atque haec ratio lyrico poeta satis digna videri debet: *Et, o triumphhe, dum tu procedis*, interposito *Io* solenni, adclamandi formula. Triumphus adeo dicit pompam suam, antevolat eam, cui acclamat spectatrix turba, *Io triumphhe*, Majori adeo litera Triumphi nomen scribendum.

IV. 5.

v. 5.

*Lucem redde tuae, Dux bone, patriae;  
Instar Veris enim vultus ubi tuus  
Adfulsit populo, cet.*

Projectioris adulationis est Martial. VIII. 21. 11. 12.

*Jam Caesar vel nocte veni: stent astra licebit,  
Non deerit populo, te veniente, dies.*

De vultu Veris speciem praeferente vide loca Jacobio ad Anthol. I. p. 310. alata:

IV. 9:

v. 15 sqq.

*Non sola comtos arsit adulteri  
Crines et aurum vestibus illitum  
Mirata regalesque cultus  
Et comites Helene Lacaena:*

Eurip. Cycl. 180. sqq. de Hélène

'Επει γε πολλοῖς ἥδεται γαμουμένη,  
Τὴν προδότιν, ἡ τοὺς Συλάκους τεύς ποικίλους  
Περὶ τῶν σκελοῖν ἰδοῦσα, ἢ τὸν χρύσεον  
Κλοιὸν φοροῦντα περὶ μέσον τὸν αὐχένα  
'Εξεπτούθη, Μειέλεων ἀνθρώπιον  
Δῶστον λιποῦσα.

Epod. VIII:

v. 5. 6.

*Hic que turpis inter aridas nates  
Podex velut crudæ bovis.*

Aliter eandem rem exhibuit Antipat. Thess. IV.  
(Anal. Br. II. p. 110.)

Τὴν ξηρὴν ἐπὶ νῶτα Λυκκινίδα, τὴν Ἀφροδίτης  
Λώβην, τὴν ἐλάφου παντὸς ἀπυγοτέρην εστι:

Carmen Seculare.

v. 61 — 64.

*Augur et fulgente decorus arcu  
Phoebus, acceptusque novem Camenis;  
Qui salutari levat arte fessos  
Corporis artus:*

Forte obversabantur Horatio Pindarica Pyth. V.  
80 sqq. easdem Apollinis virtutis repraesentantia:

U u

‘Ο δ’ ἀρχαγέτας ἔδωκ’ Ἀπόλλων  
Θῆρας αἰνῶ φόβῳ

— — — —  
‘Ο καὶ βαρειᾶν νόσων  
Ἀκεσματ ἀνδρεστὶ καὶ  
Γυναιξὶ νέμει, πόρεν τε κίθαριν,  
Δίδωσι τι Μοῖσαν οἵσι ἀν ἐθέλῃ  
Ἀπόλεμον ἀγαγών  
Ἐε πραπίδας εὐνομίαν,  
Μυχόν τ’ ἀμφέπει  
Μαντῆιον.



# A n g e i g e

von Prämienbüchern, sowohl für die lateinischen als deutschen Schulen, welche nebst mehreren in der Geistingerschen Buchhandlung auf dem Kohlmarkt zu haben sind.

---

U d e l u n g , Taschenwörterbuch, orthographisch etymologisches, der deutschen Sprache, neu und vermehrt herausgegeben von Prof. Span. 3 fl. 45 kr.

A m p h i b i e n und Fische, die, ein Bilderbuch für fleifige Kinder. ill. 4 fl.

A u r e l i i Victoris Historia romana, sammt Hildebrands Übersezung 3 fl. 45 kr.

I d e m latine cura Schönberger 2 fl. 30 kr.

B r o e d e r's lateinische Conjugationen vermehrt mit den Gedächtnisversen 1 fl. 15 kr.

B e s c h r e i b u n g e n aus römischen Dichtern mit gegenüberstehenden lateinischen Text und mit Anmerkungen zum Behuf der Gymnasialschüler. 1 fl.

B e s k i b a , Prof., Gleichungen des ersten und zweyten Grades sammt Auflösung. 3 fl.

B ü f f o n , der kleine, oder gemeinnützigste Darstellung des Unentbehrlichsten aus der Naturgeschichte für die Jugend. 2 Thle. 5 fl.

C h i m a n i Darstellung aus dem Vaterlande für die Jugend. 2 fl.

— Naturmerkwürdigkeiten für die Jugend. 2 fl.

— kurze Schilderungen für die Jugend. 2 fl.

— unterhaltendes Lesebuch für die Jugend. 2 fl.

— gemeinnützige Unterhaltungen für die Jugend 2 fl.

— Freund des Vaterlandes ein Lesebuch für die Jugend. 2 fl.

— lehrreiche Erzählungen für die Jugend. 2 fl.

— schöne Büge und Geschichten für die Jugend. 2 fl.

- Chimani, Wanderungen auf dem vaterländischen Ge-  
biete, für die Jugend. 2 fl.
- Ciceronis Epistolae cura Schönberger 3 Tomi  
7 fl. 30 kr.
- Quaestiones tusculanae, sammt Weinzierl's  
Übersetzung 3 fl.
- Idem latine cura Schönberger 1 fl. 48 kr.
- Cornelii Nepotis Vitae excellentium virorum ad  
optimas Editiones collatae, mit Bergsträßer's Über-  
setzung. 2. fl. 40 kr.
- Idem latine cura Schönberger 1 fl. 48 kr.
- Campe's Robinson der Jüngere, mit illum. Kupfern. 2  
Bde. 4 fl.
- Dessen väterlicher Rath an meine Tochter. 3 fl.
- Drexler's poetisches Hülfsbuch, für die studier. Jug. 3 fl.
- Eberhard's deutsches synonimisches Handwörterbuch. 5 fl.
- Erichson's griechischer Blumenkranz aus der lyrischen  
Poesie der Griechen sammt griechischen Texte. 6 fl.
- Ernesti allgemeines synonimisches Handwörterbuch der  
classisch lateinischen Sprache 3 Thle. 6 fl.
- Geschenburg's klassische Litteratur der Alten. 6 fl.
- Dessen Wissenschaftskunde. 3 fl. 30 kr.
- Dessen Entwurf einer Theorie und Litteratur der schönen  
Redekünste. 3 fl. 30 kr.
- Eutropii Breviarium Historiae romanae mit Büch-  
lings Uebersetzung. 2 fl.
- Eiusdem et Flori Historia romana — cura Schön-  
berger 1 fl. 20 kr.
- Fabeln, ausgewählte, für die Jugend zur Veredlung ih-  
res Herzens, und zur Übung des Gedächtnisses mit 52  
illum. Kupfern. 3 fl.
- Dieselben in französischer Sprache mit illum. Kupf. 3 fl.
- Felbiger's Kern biblischer Geschichten. 1 fl. 20 kr.
- Fischer's Lehrbuch der Religion für Schulen. 3 fl.

**Flori Epitome rerum romanarum**, mit Kretschmann's  
Übersetzung 2 fl. 40 kr.

**Fynke's Naturgeschichte und Technologie**. 2 Bände 5 fl.  
**Dessen Innbegriß der nöthigsten Wissenschaften**. 1 fl. 15 kr.  
**Gellerts sämtliche Fabeln und Erzählungen**. 1. fl 45 kr.  
**Generisch's Wilhelmine**, ein Lesebuch für Mädchen 2 Thle.  
4 fl. 30 kr.

**Dessen Alfred** ein Lesebuch für Jünglinge 2 Thle. 4 fl.  
30 kr.

**Dessen Sophron**, 2 Thle. 4 fl. 30 kr.

**Genovefa**, eine der schönsten und rührendsten Geschichten  
des Alterthums für die Jugend erzählt. 1 fl. 15 kr.

**Geschichte**, biblische, für Kinder, altes und neues Testa-  
ment in sechs Bändchen. 4 fl.

**Giftschüß**, Anleitung gute Briefe zu schreiben. 2 fl.

**Dessen Gebeth- und Erbauungsbuch** für Kinder. 1 fl.  
30 kr.

**Dessen Leben Jesu** in Fragen und Antworten für Kin-  
der. 48 kr.

**Dessen katholische Religion Lehre** in Zusammenhang dar-  
gestellt, 2 Bändchen 2 fl.

**Glaz**, die frohen Kinder, oder Erzählungen aus der Bild-  
der- und Kinderwelt, mit zur Seite stehenden französi-  
schen Text und illum. Kupfern. 7 fl. 30 kr.

**Derselbe**, die glückliche Jugend, dargestellt in Bildern  
und Erzählungen mit zur Seite stehenden französischen  
Text und illum. Kupfern. 5 fl.

**Glaz, Ida ein Geschenk** für Töchter. 1 fl.

— Sammlung ausgewählter Gedichte für Kinder. 1 fl.

— Selmar ein Geschenk für Söhne. 1 fl.

— Rosaliens Vermächtniß. 3 fl.

— moralische Gemälde für die gebildete Jugend mit  
Kupfern. 7 fl. 30 kr.

- Gutmann's erste Nahrung für Kinder. 4 fl.  
Langsdorff's Reise, ein belehrendes Unterhaltungsbuch für die Jugend 3 fl.  
moralische Erzählungen für jüngere Mädchen.  
2 Thle. 4 fl.  
Dessen moralische Erzähl. für ältere Mädchen. 2 Thle. 4 fl.  
Helmut's Volks-Naturlehre. 5 fl.  
Herders Blumenlese aus morgenländischen Dichtern. 2 fl.  
40 kr.  
— Sophron, enthaltend gesammelte Schulreden.  
2 fl. 40 kr.  
Hohlers Uebersicht der alten und neuen Geschichte. 2 Bde.  
3 fl.  
Horatii Carmina lyrica iliustravit Mitscherlich  
2 Bde. 9 fl.  
Dasselbe Werk, mit zur Seite stehenden Ueberzeugung von  
Voss. 3 Bde. 15 fl.  
Herzmann's Muster der Höflichkeit mit Kupf. 4 fl. 30 kr.  
Jakobs Elementarbuch der griechischen Sprache 1 und 2ter  
Cursus. 2 fl. 40 kr.  
Dessen Hülfsbuch zum Elementarbuch, deutsch 2 fl.  
Insekten und Würmer, die, ein Bilderbuch für fleißige  
Kinder, illum. 4 fl.  
Utha Gräfinn von Loggenburg. Eine sehr schöne und lehre-  
reiche Erzählung für die Jugend. 1 fl.  
Kneifl, Professor, das Mineralreich, ein Handbuch für  
Studierende, zwey Bände 5 fl.  
Derselbe, das Pflanzenreich, ein Handbuch für Studie-  
rende. 3 fl.  
Derselbe, das Thierreich, ein Handbuch für Studierende. 3 fl.  
Kogebue, Geschichtchen für meine Söhne. 2 Bände. 5 fl.  
Derselbe, Geschichtchen für meine Töchter. 2 Bände. 5 fl.  
Kritsch, Prof., Blumenlese aus griechischen Dichtern  
nach den verschiedenen Dichtungsarten für Humanitäts-  
Schüler. 3 fl.  
Lexikidion, graeco latinum in Commodum eorum,  
qui Chrestomathia in Gymnasiis austriacis praescripta utuntur a Professore Kritsch. 3 fl. 40 kr.  
Lamb's, Prof. praktische Ueleitung zum Uebersezzen aus  
dem Deutschen ins Lateinische nach dem f. f. Schulplane,  
erste Grammatikaklasse. Complett 2 fl. 30 kr.

**V a m b s.** Prof., dasselbe, für die zweyte Grammatikklasse.  
Complett 2 fl. 30 fr.

**D**erselbe, dasselbe für die dritte Grammatikklasse. Complett 2 fl. 30 fr.

**D**erselbe, dasselbe, für die vierte Grammatikklasse.  
Complett 3 fl.

— Anleitung praktische, zum Übersetzen aus dem Lateinischen  
in das Deutsche nach dem f. k. Schulplane, 1tes bis 3tes  
Jest. Naturgeschichte des Menschen und der Thiere nebst  
einem Anhang von dem Fücherwesen und übersetzen. 4 fl.

**D**asselbe — die Gespräche enthaltend. 1 fl. 40 fr.

**D**asselbe — die Erzählungen enthaltend. 1 fl. 40 fr.

**D**asselbe — die Fabeln enthaltend. 1 fl. 40 fr.

**L**ichtenberg's Astronomie, ein leichtfaßliches Handbuch für  
Studierende mit Kupfert. 5 fl.

**D**esselben physische Geographie ein leichtfaßliches Hand-  
buch für Studierende mit Kupfertaf. 6 fl.

**D**esselben Naturlehre, 3 Bde. mit Kupfert. 7 fl. 30 fr.

**M**ährchen, ein Geschenk für Kinder. 3 fl.

**M**eissner, äsopische Fabeln, für die Jugend mit 150 illum.  
Vignetten. 5 fl.

**M**oriz Götterlehre, oder mythologische Dichtungen der  
Alten mit 65 Abbildungen. 5 fl. 30 fr.

**M**useum für die Jugend zur Bereicherung des Verstandes  
und Bildung des Herzens, 2 Thle. mit ill. Kupf. 6 fl.

**N**aturgeschichte, die, der Pflanzen und Kräuter in  
illum. Abbildungen nach der Ordnung des Schulbu-  
ches. 12 fl.

**N**aturgeschichte, die, der Bäume und Sträuche in illum.  
Abbildungen nach der Ordnung des Schulbuches. 12 fl.

**N**aturgeschichte die, der Thiere in illum. Abbildun-  
gen nach der Ordnung des Schulbuches. 18 fl.

**O**stereyer, die, eine Erzählung für Kinder. 30 fr.

**P**haedri Fabulae. sammt Weinzierls Uebersezung. 3 fl.

**P**linii Opera mit Schäfers Uebersezung 5 Tomi 12 fl.

**E**jusdem Panegyricus sammt deutschen Text 2 fl. 40 fr.


**P**linii Opera — cura Schönberger 5 Tomi 3 fl.

**P**oelitz Weltgeschichte für die studierende Jugend, 4 Bde.  
12 fl.

**D**essen kleine Weltgeschichte in einem Band 3 fl. 30 fr.

**R**aff's Geographie für Kinder nach den letzten Friedens-  
schlüssen von Perl. 3 fl.

- Sallustii Opera, sammt Weingierls Uebersezung 2 Bde. 5 fl.
- Gäugethiere, die, in Abbildungen mit illum. Kupfern  
Ein Bilderbuch für fleißige Kinder 5 fl.
- Schaller's Handbuch der Rede- und Dichtkunst, zwey Thile 6 fl.
- Scheller und Bauer, lateinisch deutsch und deutsch lateini-  
sches Taschenlexikon für Schulen 2 Bde. 5 fl.
- Schmieders Anleitung zur feinen Latinität in Übungen  
und Anmerkungen 3 fl.
- Seibts Klugheitslehrer für Jünglinge. 2 Bde. 7 fl.
- Dessen Gebet- und Erbauungsbuch für die Jugend. 1 fl.  
48 kr.
- Span Professore, Novi Versus memorialis de No-  
minum generibus item de praeteritis Verborum  
et supinis. 1 fl. 48 kr.
- Sintenis, Gradus ad Parnassum für die Studierende  
herausgegeben. 2 Bde. 6 fl.
- Vögel, die, in Abbildungen, ein Bilderbuch für fleißige  
Kinder ill. 5 fl.
- Phraseologia in usum Juventutis Studiosae acco-  
modata, a Professore Wagner 8 fl.
- Hieme, Wilhelm Grädesinn's Leben. 2 Thile. 4 fl.
- Happe thatenreicher Wandel Jesu mit 40 Kupfern 5 fl.
- Beugners Geschenke für meine fleißigen und gut gesitteten  
Schülerinnen, mit einem Kupfer. 48 kr.
- Dessen Lohn des Fleisches und der guten Sitten für wiss-  
begierige und folgsame Mädchen, mit einem Kupfer.  
48 kr.
- Dessen neues Fleisch- und Sittenbüchlein für kleine Mädchen  
mit einem Kupfer. 48 kr.
- Dessen Geschenke für meine fleißigen und gut gesitte-  
ten Schüler mit einem Kupfer. 48 kr.
- Dessen Lohn des Fleisches und der guten Sitten für  
wissbegierige und folgsame Knaben mit einem Kupfer.  
48 kr.
- Dessen neues Fleisch- und Sittenbüchlein für kleine Knab-  
ben mit einem Kupfer. 48 kr.





PA  
6393  
A2  
1817  
T.2  
C.1  
ROBA

8099  
248-221

